

DE TRIBVS BONORVM
operum generibus,
E L E E M O S Y N A,
I E I V N I O E T O R A T I O N E;
deque corundem operum vi, vsu, &
ratione, LIBRI TRES,

A V C T O R E
THEODORO PELTANO SO-
cietatis I E S V Theologo.

A D
ILLVSTRISSIMVM ET SERE-
NISS. PRINCEPEM GVILIELMVM
viriusque Bauaria Ducem &c.

T O B I A E XII.

Bona est O R A T I O cum I E I V N I O & E L E E M O S Y N A, magis quàm
thesauros auri recondere, &c.

C A P I T V M totius operis synopsis, unâ cum copioso I N D I C E
lector post præfationem inueniet.



Cum gratia & priuilegio Cæs. Mai. & Superiorum facult.

I N G O L S T A D I I
Apud D A V I D E M S A R T O R I V M.
Anno cId. Id. Lxxx.



SERENISSIMO
PRINCIPI AC DOMI-
NO, D. GVILIELMO COMITI
PALATINO RHENI, VTRIVSQUE
Bauariæ Duci, Patrono benigniss. THEODORVS
PELTANVS de Societate IESV Theo-
logus S. P. D.



V M Anno LXXVI. de
CHRISTI seruatoris, no-
strâq; Satisfactione libros
tres publicassem, ad ope-
ris instituti perfectionē,
GVILIELME Princeps, ne-
cessarium esse omnino videbatur, vt non-
nulla item de potissimis Satisfactionis no-
stræ partibus deinceps cōscriberem. Sed quia
in omnibus penè concionibus de Elecmofy-
na, Ieiunio, & Oratione, aut separatim, aut
coniunctè differeretur, Theologiq; in Scho-
lis, & sacrorum Canonum interpretes, quæ
quidem sciri oporteret, ea omnia cumulatè
studiosèque docuissent, ego otium meum
aliorum conuertendum existimaui. Postea
verò à bonis doctisq; viris commune factus,

multa à Scholæ Theologis hîc disputata planiùs, & ad popularium captum accommodatiùs posse explicari: nonnulla ad hæc argumenti huius capita, quæ apud veteres habebantur certissima, ætate hac in cōtrouersiam vocari, ad opus, de quo cogitationem curamque omnem iam pridem abieceram, regressus sum. Cùm itaque diligenter euoluisssem illorum maximè commentarios, quos de Satisfactionis nostrę partibus, Oratione, Ieiunio, & Eleemosyna meliùs scripssisse constabat, eorumq; præsidiiis meas copias auxissem & confirmassem, omnem tractationem tribus libris comprehendi, vt vnaquæq; materia cum suo libro absolueretur.

Hos autem libros tibi, G V I L I E L M E Sereniss. dicare constitui: cuius consilij mei factique rationem probabunt, quicunque tuam, & in cæteris virtutibus Christiano & Catholico principe dignam prorsus contentionem atque industriam, & in his tribus præsertim, acre inflammatumque studium probant. Probant autem, maioremque in modum deuenerantur hæc vniuersi. Neq; enim tui tantum

tum Bauari, sed Germani penè omnes nouerunt, quantopere, non dicam à luxus cœnarumque sumptuosarum reprehensione absis (nam ea laus multorum Principum communis est) sed quàm libenter, quàm rigide, quàm crebrò à cibus abstineas, aliosque, vt idem, diebus maximè ab Ecclesia sancitis, faciât, horteris & imperio tuo compellas. Quis porrò nesciat, qua misericordia ægrotorum ac pauperum calamitatibus opem ferre soleas? ad quos medicos mittere, quos ipse in squalore illo miserisq̃ue iacentes visitare, & cum verbis lenissimis consolari, tum liberaliter erogata pecunia sustentare pro honore habes; qui putas te accipere beneficia, quoties in quempiam beneficia contulisti. Quocirca meritò tenō ciues modò integerrimum, moderatissimum, humanissimumq̃; Principem agnoscunt & prædicant, verum pupillorum quoque, egentium, infirmorumque hominum turba defensorem, curatorem atque parentem suum appellat. Quam quidem ego laudem ex omnib⁹ laudibus tuis diuinissimā duco, quando sic totius naturæ Principem

* 3 longè

longè benignissimum conaris imitari, qui pupillum & viduam suscipit; cui relictus est pauper, & qui orphanorū est adiutor, vt Prophetā canit: Delector etiam plurimū quoties cogito, cogito autem sepiissime, de eximia tua & memorabili erga diuinum numē pietate. Cuius virtutis cū sint variæ multęque actiones, nulla est propemodum, quam abstenon suscipi, in qua te non mirificè versari, et religiosissimè exerceri videamus. Tempula quidem ad eò frequens obis, votisq̃ue ac precibus faciendis ad eò es deditus, vt hisce sanctissimis officiis nihil tibi videatur esse iucundius. Hæ causæ igitur primū me impulerunt, vt meos tibi labores offerrem, virtutes inquam, tuæ, quarum excellēs præstantia incredibili me admiratione perculsum, amore tui vehementer incendit. Accedit, quòd tam multis magnisq̃ue beneficiis Societatem nostrā, quam ab initio ætatis egregiè semper charam habuisti, quotidie obligas, vt hanc vnā abste iniuriā videamur accipere, quia magnitudine meritorum tuorum nos & viuere & mori cogis quodammodo

modo ingratos, quemadmodum Furnius homo Romanus Augusto dixisse fertur, à quo beneficium nescio quod impetrarat. Non potui præterea, nec fas esse duxi, committere, quin tibi hereditatem istam amplissimi principatus gratularer, & aliquo munusculo meam illustriſſimam domui vestræ deditiſſimam voluntatem ostenderem. Neque tamen meo duntaxat, sed omnium nostrum nomine tibi hanc successionem gratulor, optoque ut hoc patrimonium Deus Opt. Max. tibi bene fortunet. Cum enim nostros omnes, etiam illos, qui extra fines ditionis tuæ viuunt, in tuis habeas, decet omnino, ut, quando tam præclara est data occasio, vicissim patrono communi studium nostrum officiumque probeamus. Accipies igitur hoc munus, optime Princeps, quod ex tua nobilitate claritateque spectatum perexiguum, at ex animo meo, non mediocriter videri potest. Quanquam principibus gratiores debeant esse, qui talia dona offerunt, quam qui id largiuntur, quo ipsi egent, Principes autem abundant, ut aurum cœclatum, gemmas, vestes preciosas. Nam hi mer-

caturam

EPISTOLA NVNCVPATORIA.

caturam quandam facere videntur, nec tam apertè donare, quàm callidè vendere. Illi verò de suis opibus Principum nō arcas, sed animos verissimè ditant, cum videlicet, quo pacto secundum virtutem viuere, Deoq; & hominibus chari euadere debeant, luculenter exponūt. Vale, & qua via ad solidam veramque gloriam eniti cœpisti, illi, quoad anima superabis, constantissimè insistere pergas. Iterum vale, diuq; & feliciter impera. Augustæ Vindelicorum 8. Idus Augusti, 1580.



AD LE-



AD LECTOREM

PRÆFATIO.

CUR aliquid per otium interdum scribam, id alibi amice Lector, disertè exposui. Hoc porro tritum & vulgare Argumentum quamobrem nunc demum scribendo sim persecutus, ex Epistola toti libro præfixa cognoscas licet. Paucis instituti mei rationem atque modum disce. Equidem non omnia, quæ de Eleemosyna, Ieiunio, & Oratione disputari potuissent, mihi hoc Opere explicanda censi: Quippè quæ adeò multa sint, uti quamuis molli brachio tractentur, nimis tamen longum futurum sit. Quæ potiora, eorumq; officiorum maxime propria videbantur, ea, ut breviter ac perspicue literis mandarem, elaborasse me non inficior. Forte quò tendebam non perueni, adeoq; expectationem tuam non prorsus expleui: Interim consumpti laboris nequaquam pœnitet.

★★

Nam

AD LECTOREM

Nam et si hi libri praestantibus exercitatiſque Theologis haud multum fortassis, mediocribus tamen & iis, qui in sacrarum literarum disciplina nullos adhuc, aut certè perquam tenues progressus habent, aliquid, ut planè confidimus, emolumenti sunt allaturi. Quando non omnibus in Philosophia, & reconditis illis Scholasticorum Theologorum questionibus atatem licet conterere: his praesertim, qui post breue tempus in liberalibus studiis collocatum, sacerdotium ineunt. De quo hominum genere bene qui meretur, is profectò Ecclesiae, religionique Catholica utilisſimam nauat operam. Siquidem illi, cum Parochiis administrandis prepositi, non sint eo ingenio praediti, nec ea doctrina imbuti, ut aliquid sua persona suoque officio dignum possint ad populum effari, quod quidem ex ipsorum pœnu depromptum sit, nec acutè conclusas rationes intelligentia facile consequi valeant, (Ex quo etiam fit, ut quippiam à schola Theologis mutuati, imprudentes interdum errent, dubia nimirum pro certis, & falsa pro veris in medium adferentes) quiuis iustus rerum aestimator videt, fructuosam valde Ecclesiae operam illos

los sumere, quā ad tardiorum illorum pastorum captum sese dimittentes, ita doctiorum ingenii obsequuntur, ut indoctiorum longē maiorem rationem ducant. Neque verò hac eam in partem accipi velim, quā dico, quasi acutos insignitèrque eruditos Scriptores despiciam, aut quosdam hebetis ingenij ineptosq; commendem; absit, sed ut intelligatur, illos quoq; Ecclesia studere, qui in medio consistere malunt, quàm ita scribere, (quod quidam nonnunquam faciunt) ut semetipsos, præ nimia subtilitate quandoque non satis capiant, novisq; argumentis pertractandis vulgi rumusculos aucupari videri queant potius, quàm operam dare, ut rebus notissimis paulò commodiùs explanatiùsq; edisserendis ad communem utilitatem aliquid adiungant. Mediocritatem rectè auream, hoc est, rebus omnibus anteponendam & ubiq; consecutandam, vocavit Flaccus, quam nemo sapiens unquam sibi negligendam putabit.

Tandem cum alij quinque, alij duo talenta acceperint, eaque rectè collocent, liceat mihi in iis numerari, qui unicum illud suum, quod acceperunt, in terram minimè defodiunt. Illa

AD LECTOREM PRÆFAT.

*sunt, qua præfari volebam, mi Lector, ne scri-
bendi tractandique rationem, quam cum hîc,
tum alibi quoque usurpamus & usurpauimus,
inconsideratiùs reprehenderes, quod reliquum
est feliciter vale, & nostrum in Ec-
clesiam studium candidè
interpretare.*



CAP-

CAPITVM OMNIVM ET SINGVLORVM LIBRI de eleemosyna synopsis.

CAPITIS PRIMI PERIOCHA.

De eleemosyna, ieiunio, & oratione generatim & secundum se absolute.

SECVNDI.

De iis, quæ ad intrinsecam eleemosyna rationem, vulgatamq; eiusdem dimensionem pertinent.

TERTII.

De eleemosynarum vi, cum in mali depulsione, tum in boni quoque procuratione.

QVARTI.

De eleemosyna necessitate, siue de eo, quod eleemosyna generatim accepta interdum cadat in præceptum.

QVINTI.

De extrema egestatis casu, (hoc enim occurrente præceptum eleemosynarium obligare communiter dicitur) Discutitur hic quoque, num hic casus absolutam donationem semper exigit, an verò locationem, aut mutationem interdum quoque admittat.

SEXTI.

De periculoso illorum statu, qui personæ superflua in egenos etiam infra extremam egestatem constitutos, vel in alias pias causas non erogant.

SEPTIMI.

De iis, qui eleemosynam donare possunt, vel non possunt.

OCTAVI.

De rebus, quas in eleemosynam erogare licet, vel non licet.

NONI.

De iis, quibus eleemosynaria præsidia salubriter administrantur, vel non administrantur.

DECIMI.

De illorum argumentis & rationibus, qui voluntariam religiosorum hominum mendicantem oppugnant.

VNDECIMI.

De præcipuis fructibus eleemosyna conditionibus, de quæ delectu & ordine, qui in eleemosynarum distributione observandus videtur.

** 3

CAPL

SYNOPSIS CAPITVM
CAPITVM OMNIUM ET
SINGVLORVM LIBRI DE

Ieiunio synopsis.

CAPITIS PRIMI PERIOCHA.

Ieiunium cum abſtinentia non rectè confundi; rectè autem in liberū & neceſſarium; & hoc rurſum in naturale, Moſaicum, & Eccleſiaſticum deduci.

SECVNDI.

Nullum alimenti genus ex ſe immundum, naturaliter, aut Euangelica lege inhibituſſe.

TERTII.

Ciborum delectum DEI verbo non eſſe contrarium, nec heri natum; ſed antiquiſſimum, diuiniſq; ſcripturis per omnia conſentaneum.

QVARTI.

Iam inde ab Apoſtolorum atate uſque ad hoc præſens aium aliquem ſemper ciborum delectum in CHRISTI Eccleſia extitiſſe.

QVINTI.

Que Aeriani, caterique, qui cum illis faciunt, contra ciborum delectum obſciunt, ea nihil verè & efficaciè probare.

SEXTI.

Ieiunium ab Eccleſia indiſtinctum, conſtare non poſſe, ſi ſæpius quàm ſemel interdum corpus reſciatur.

SEPTIMI.

Qui Eccleſiaſtico ritu ieiunant, vel non prandere, ſed tantum cœnare; vel ſolito tardius prandere.

OCTAVI.

Non unam ieiuniorum omnium rationem, neque parem eorundem obligationem eſſe, ſed quorundam maiorem, aliorum minorem.

NONI.

Inter communia ieiunia, quodcumque tandem ſpectare lubeat, principem locum obtinere ieiunium Quadrageſime.

DĒCIMI.

Quatuor temporum, & quarundam præterea vigiliarum ieiunium heri non eſſe natum, ſed una cum Eccleſia inchoatum.

VNDE-

TOTIVS OPERIS.

VNDECIMI.

*Ieiunia cum in boni procuratione, tum in mali rursus depulsione insigni
vi pollere, fructusq; spio castoq; animo suscipiantur & perficiantur, ad-
mirabiles de se fundere.*

DVODECIMI.

*Non omne ieiunium esse liberum, tamen si per modum absoluti praecepti ni-
hil in nouo Testamento de illius ratione cantum extet.*

DECIMITERTII.

*Ex Scripturis & Patribus euident esse, non ea solum legis vim obtinere,
adeoq; in foro conscientia obligare, quae DEVS per seipsum proximè de-
cernit, aut praecipit: Verum ea etiam, quae per legitimos Ecclesia vel Rei-
pub. Magistratus iniungit.*

DECIMIQUARTI.

*Vana eorum rationes & argumenta esse, qui omnem humanis legibus vim
& auctoritatem abrogant.*

DECIMIQUINTI.

*Ecclesiasticorum ieiuniorum legem non solum obligare ad poenam, verum,
etiam ad culpam, etsi non semper ad mortiferam.*

DECIMISEXTI.

*Argumenta & rationes, quibus aetatis huius sectarij ieiunij legem oppu-
gnant, vel oppugnare certe possent, nihil euincere.*

DECIMISEPTIMI.

*Quo docetur non omnes, qui Ecclesiastica ieiunia solvunt, praemuricata le-
gis reatu constringi, sed eos solum, qui citra legitimam causam illud
faciunt.*

CAPITVM OMNIVM ET
SINGVLORVM LIBRI DE
Oratione synopsi.

CAPITIS PRIMI PERIOCHA.

De deuotione eiusdemq; causis & effectis.

SECVNDI

De oratione secundum se, eiusdemq; partibus.

TER-

SYNOPSIS CAPITVM TOTIVS OPERIS.

TERTII.

De orationis qualitate, quantitate, forma, ceterisque eiusdem comitibus & circumstantiis.

QUARTI.

De orationis vi cum pro se, tum pro aliis quoque fusa.

QUINTI.

De preparatione aliusque nonnullis, qua orationis vim, si adsint, promovere nata sunt.

SEXTI.

De attentione, quatenus ad obtinendum precipuos orationis effectus, vel explendum orationis preceptum est necessaria.

SEPTIMI.

De orationis necessitate & erroribus, qui de hac necessitate quandoque extiterunt, & alicubi etiamnum extant.

OCTAVI.

De iniustis illorum querelis & calumniis, qui horarum Canoniarum rationem & usum oppugnant.

NONI.

De cantu Ecclesiastico, iniquoque illorum studio, qui illum veluti rem insulsam & superstitiosam impugnant.

DECIMI.

De iis, quibus orare convenit, vel non convenit.

VNDECIMI.

De iis, quorum auxilium implorare licet, vel non licet.

DVODECIMI.

De iis, pro quibus orandum, vel non orandum est.

DECIMITERTII ET POSTREMI.

Quid inter orandum petendum sit, quid non honestè & licitè peti possit.

DE ELEE.

QVÆ INTER BONA
OPERA, PRIMARIASQVE SATIS-
FACTIONIS NOSTRÆ PARTES
PRINCIPATVM OBTINET,

LIBER PRIMVS.

*De Eleemosyna, Ieiunio, & Oratione generatim & se-
cundum se absolutè.*

CAPVT PRIMVM.



DE BONORVM OPERVM GENERIBVS,
nostræque Satisfactionis partibus disputaturi,
maioris ordinis lucisque causa, quid Satisfa-
ctionis nomine designetur, breuiter hoc loco
repetere visum est. Satisfactio itaque genera-
tim accepta, est integra rei debitæ solutio, vel
iniuriæ alteri illatæ iusta compensatio. Presiùs sumpta est opus,
quo DEO de admissa offensa sit satis.

Quid nomine
Satisfactionis de-
signetur.

HANC in imperfectam, perfectam, & absolutè iustam distri-
buere licet. Primum Satisfactionis genus, (vt quod nulla, neque
legis, neque operis quoque iustitia nitatur) peccatoribus cum iu-
stis commune est. Secundum in homines iustos tantum conue-
nit. Tertium soli CHRISTO est proprium: hic vnus enim pro
omnibus mortalium omnium peccatis ea plenitudine & vberta-
te fecit satis, vt ex parte præstitæ Satisfactionis, iure nihil ampliùs
exigi possit.

Triplex Satisfa-
ctionis genus.

Christi Satisfa-
ctio cumulatæ.

NOSTRA, quam veteres Canonicam appellabant, est opus,
vel actio, qua pœnæ tempore definitæ reatus aboletur: Nam etsi
culpa condonata, æternæ mortis supplicium apud inferos con-
stitutum semper condonetur, temporaria tamen pœna non sem-
per.

Non omnis sem-
per pœna cum
noxa aboletur.

CVR non semper? quia Diuinæ iustitiæ ratio deposcebat, vt
aliter in gratiam reciperentur, qui ante Baptismum per ignoran-
tiam

tiam deliquerant, aliter verò, qui semel à peccati, & dæmonis seruitio liberati, DE I templum denuo violare, & Spiritum sanctum, quem gratis acceperant, iterum contristare veriti non fuerant.

Causæ plures
cur nò tota sem
per pœna vnà
cum culpa con
donetur.

À THÆC DE I Opt. Max. clementiam, eiusdemq; sapientiam decebat, ne ea facilitate peccata nobis condonaret, vt occasione hinc accepta, peccata leuiora arbitrati, in grauiora subinde prolaberemur. Constat namque pœnās satisfactorias magnopere à peccato renouare, pœnitentesq; veluti freno quodam intra recti limites continere. Tandem cum peccatum citra iniustam oblationem ferè non confletur, consentaneum erat, vt citra iustam quoque pœnam non expiaretur.

Pœna, vt pœna
tantum est, non
expiat.

INTERIM non ea vis incst pœnæ, vt pœna tantum est; sed vt CHRISTI sanguine imbuta, ad qualemcunque peccati vindictā suscepta est. Solius namque crucis & sanguinis CHRISTI pondere, nostræ perpersiones & actiones apud DEVM valent, quicquid tandè valent. Sine illo enim nulla prorsus æstimatione dignæ haberentur; ex illo verò id consequuntur, vt & verè sint satisfactoria, & verè rursus propriæque æternæ vitæ meritoria.

Omnis meriti
& Satisfactionis
basis & funda
mentū est crux
Christi.

Traçt. de no
stra Satisfact.

QUAE hætenus sunt exposita, vel breuiter potiùs ex alio opere repetita, duo inter cætera ad salutarem & efficacē Satisfactionem necessaria esse ostendunt: Alterum horum est, vt is, qui satisfacit, sit iustus; Christoq; per gratiam adiunctus: Opera namque, quæ sine fide & charitate fiunt, vt ex se meritoria non sunt; ita de iustitia nec Satisfactoria quoq;: notum est enim illud Apostoli: *Si distribuero in cibos pauperum omnes facultates meas; & tradidero corpus meum, ita vt ardeam, charitatem autem non habuero, nihil mihi prodest.*

1. Cor. 13.

Efficax Satisfac
tio præter gra
tiam, depositæ
opus sua natu
ra molestum,

ALTERVM est, vt opus eiusmodi suscipiatur, quod sua natura sit molestum, esto Satisfactioni operam danti molestiam nullam adferat: Neque enim omnes, qui in molestis actionibus sese exercent, doloris sensum statim hauriunt. Sæpe namque, vel patendi consuetudo, vel incensa in DEVM charitas efficit, vt quæ perperu alioqui sunt grauissima, ne sentiantur quidem: Neque ob id tamen non sunt Satisfactoria; siquidem ea doloris vacuitas non prouenit ex operis indole, sed ex operantis qualitate.

Omnia merito
ria & Satisfac
toria opera ad
tria capita re
ferri possunt.

MOLESTORVM autem operum, etsi varia sunt nomina & genera, attamen pro bonorum ratione, quæ possidemus, hostiūq; numero, à quibus infestamur, & ad peccatum subinde pro
ocamur,

mur, omnia ad tria capita referri solent, nempe ad Eleemosynā, Ieiunium, & Orationem. Oratione placamus & promeremur DEVM; Eleemosyna, bene meremur de proximo; Ieiunio sanamus nos ipsos. Ieiunio rursus pugnāmus cōtra carnis concupiscentiam; Eleemosyna contra oculorum cupiditatem; Oratione contra vitæ superbiam. Oratione tandem flagellamus diabolum; Ieiunio comprimimus lasciuientē carnis sensum; facultatum abdicatione calcamus mundi fastum.

VNUMQUODLIBET horum trifariam, propriè videlicet, communiter, & vulgatissimè accipi potest. Orat propriè, quirem honestam à DEO efflagitat: Communiter, qui mente in DEVM ascendit, vel rerum diuinarū meditationi incumbit: Communissimè, qui bene agit: dici enim solet, cum semper orare, qui nunquam cessat benefacere. Ad eundem modum is propriè ieiunat, qui ab omnibus, vel aliquibus escis, secundum legis præscriptum abstinet. Communiter, qui opus quodcunque, quo carnis petulantiam comprimat, exercet. Communissimè, qui ab omni opere vitioso se continet. Sic tandem propriè Eleemosynam donat, qui panem, vel pecuniam, vel quamlibet rem aliam egenti gratis propter DEVM præbet. Communiter, qui quoduis spiritale, vel corporale beneficium alteri, propter DEVM, vel naturalem cōmiserationem, exhibet. Vulgatissimè, qui opus quodcunque misericordiae sibi vel alteri præstat: quō Salomon spectans, *Miserere, inquit, anima tua placens Deo.*

Oratio ieiunij & Eleemosyna trifariam accipiuntur.

Eccles. 30.

IEIUNIUM itaque communiter sumptum, complectitur vigiliis, peregrinationes, *ἡμεροφύλας, χαμενίας*, cilicia, flagella, cæteraque omnia effrenatam carnis libidinem coercere nata: Oratio omnis generis spiritalia munia; vt sunt rerum cælestium meditatio, Diuini verbi prædicatio, sacrorum voluminum explanatio, hæresum oppugnatio, aliaque eiusmodi non pauca: Eleemosyna legata ad pias causas, statas *ἐχάπας*, miserorū tutelae, nosocomiorum, orphanotrophiorum, gerontocomiorum ædificationes, vel benignas eorundem foundationes; omnia denique charitatis officia egenti propter DEVM impensa.

Ieiunium, oratio & Eleemosyna communiter accepta latè parent.

CAETERVM vt tria hæc Satisfactionis nostræ partes constituantur, non vsurpantur propriè: aliās enim diuisio illa multò, quàm par est, angustior foret. Constat namq; multò plura esse

Ieiunium oratio & Eleemosyna. vt prolixe Satisfactionis partes consti-

untur, nō vsur-
pantur propriè
aut communif-
icant, sed com-
muni quadam
ratione.

Satisfactionis officia, quàm tria illa pressè sumpta. Neq; vsurpan-
tur rursum communissimè: nam aliàs membra illa se inuicem in-
cluderent. Siquidem oratio latissimè accepta comprehendit
omne opus bonum; Ieiunium excludit omne opus malum; Elee-
mosyna complectitur omne charitatis officium sibi vel alteri
propter DEVM exhibitum. Vsurpantur autem communi quadà
ratione. At verò licet res ita habeat, nos tamen intra propriam
cuiusque notionem nos continēbimus: esset enim laboris infi-
niti ea omnia hoc loco explicare, quæ generali quadam ratione
ad Eleemosynam, Ieiunium, & orationem referuntur.

Ad Tit. 2.

Quid sit piè, ius-
tè & sobriè vi-
uere quidq; in-
ter tria hæc in-
tercedat.

GENTIVM Doctor Eleemosynam iustitiæ, Ieiunium sobrie-
tatis, orationem pietatis vocabulo alicubi designat; scribit enim:
*Apparuit gratia Dei Salvatoris nostri, erudiens nos, ut abnegantes impietatem,
& secularia desideria, sobriè, piè, & iuste in hoc seculo vivamus.* Sobrieta-
tem debemus nobis, iustitiam proximo, pietatem DEO. Sobrie-
tate rursum cœlestem vitam inchoamus, iustitia confirmamus,
pietate consummamus. Sobrietas tandē conciliat admirationem,
iustitia beneuolentiam, pietas reuerentiam: Miramur namque, si
boni sumus, castos & sobrios; exosculamur beneficos; veneramur
pios & religiosos.

Matth. 6.
Christus Do-
minus vno cō-
muni iustitiæ
vocabulo Iei-
unium, Eleemo-
synam, & ora-
tionē comple-
ctitur.

CHRISTVS Seruator noster omnia hæc, vno communi iu-
stitiæ nomine complectitur: *Attendite, ait, ne iustitiam vestram facia-
tis coram hominibus, ut videamini ab illis, aliqui mercedē non habebitis apud
Patrem vestrum, qui est in cœlis.* Et ne, de qua iustitia istud assereret, clā
esset, statim subiungit: *Cum ergo facis Eleemosynam, noli tuba canere ante
te, sicut hypocritæ faciunt in Synagogis, & vicis, ut honorificentur ab homi-
nibus.* rursum: *Cum oratis, non eritis sicut hypocritæ, qui amant in Synagogis
& angulis platearum stantes orare, ut videantur ab hominibus.* tandem:
*Cum ieiunatis nolite fieri sicut hypocritæ tristes: exterminant enim facies suas,
ut appareant hominibus ieiunantes.* Hæc ille de tribus Christianæ iusti-
tiæ membris, nostræque Satisfactionis partibus.

Serm. 43.

DE arcæ porrò trium horum inter se necessitudine, mirificā-
que eorundem virtute Petrus Chrysologus Rauenatium Antistes
alicubi ita scribit: Tria sunt, fratres, per quæ stat fides, constat
deuotio, manet virtus. Oratio, Ieiunium, & misericordia. Quod
oratio pulsar, impetrat Ieiunium, misericordia accipit. Oratio,
misericordia, & Ieiunium, sunt tria hæc vnum, dant hæc sibi inui-
cem

cem vitā. Est namq; Orationis anima Ieiunium, ieiunij vita misericordia est. Hæc nemo rescindat, nesciunt separari. Hæc Chrysologus de familiari orationis, ieiunij, & Eleemosynæ societate. De earundem autem vi, dum iuncto agmine incedunt, in eodem sermone hæc subiicit.

Orationis anima Ieiunium,
ieiunij vita misericordia.

Si volumus Moyfi gloriæ, Heliæ vitæ, Ioannis virtutibus omniumque Sanctorum meritis applicari, insistamus orationi, vacemus ieiunio, seruiamus misericordiæ. Qui in his vixerit, qui per illa fuerit communitus, iacula peccati, diaboli tela, mundi machinas, vitiorum cuneos, mala carnis, voluptatum laqueos, arma mortis Christianus armiger non timebit. & infra:

Admirabiles
Eleemosynæ,
ieiunij & orationis vires dum commiscuantur.

Hæc sunt, fratres, quæ tenent cæli arcem, quæ secretum Dei iudicis pulsant, quæ ante Christi tribunal causas humani generis exequentur, quæ iniustorum petunt indulgentiam, reorum veniam promerentur. Hæc cui in cælestibus non assistunt, ipse non subsistit in terris. Hæc cum in cælestibus principatum obtineant, in terris rerum summam moderantur. Hæc regunt prospera, hæc aduersa propellunt, vitia extinguunt ista, virtutes ista succendunt; hæc reddunt casta corpora, corda pura; hæc pacem membris, mentibus dant quietem, humanos ista sensus scholam faciunt disciplinæ. Per hæc in templum Dei humana pectora consurgunt. Hæc hominem præstant Angelum, homini deitatis deferunt hæc honorem. Hucusque Chrysologus.

SPECTAT huc quoque hæc Magni Leonis oratio: tria sunt, quæ maximè ad religiosas pertinent actiones, Oratio videlicet, Ieiunium, & Eleemosyna, quibus exercendis omne quidem tempus acceptum est; sed illud est studiosius obseruandum, quod Apostolicis accepimus traditionibus consecratum. Oratione Dei propitiatio quaeritur, ieiunio concupiscentia carnis extinguitur, Eleemosyna peccata redimuntur. Hæc triplex obseruantia, dilectissimi omnium virtutum comprehendit effectus; Hæc ad imaginem & similitudinem Dei peruenit, & à Spiritu sancto inseparabiles facit. Quia in oratione permanet fides recta; in ieiunio innocens vita, in Eleemosyna mens benigna.

Serm. 1. de ieiunio
mense Sept.

ET hæc rursus Bernardi: Tria sunt, à quibus abstinere debent, quicunque iustificari desiderant. Primo utique ab operibus prauis; secundo à carnalibus desideriis; tertio à sæculi curis. Item

In sent. sect. 11.

tria sunt, quibus debent insistere, quæ etiam continet sermo Domini in monte, Eleemosyna, ieiunium, & oratio. Sic enim adimpletur iustitia, dum ab interdictis vitiis abstinent, & bona, quæ præcepta sunt, exercent. Opponentur ergo prauis operibus, opera misericordiæ: contra carnalia desideria, adhibeantur ieiunia, & pro curis sæculi succedat amor DEI, & frequentia orationis.

ET hæc tandem Aurelij Augustini. Iustitia hominis in hac vita ieiunium, Eleemosyna, oratio. Vis Eleemosynam tuam volare ad DEVM, fac illi duas alas, ieiunium, & orationem. Similia de ieiunij, orationis, & Eleemosynæ vi, germanaq; eorundem societate, passim obuia sunt apud alios. Vix enim scriptorē veterem comperias, qui hæc veluti socia vniuscuiuspiam corporis membra non connectat, admirandasque efficiendi vires eisdem non tribuat.

AT verò licet tria hæc consociata, magna vi polleant; attamen à se inuicem diuisa suum quoque robur obtinent. Ecquodnam ex illis maius inquis? Hoc vno verbo definiri non potest, nam ut singula aliam atque aliam considerationem admittunt; ita singula alia atque alia ratione se inuicem excedunt. Considerari enim possunt, ut vitæ æternæ sunt meritoria; ut præteritorum scelerum expiatoria; ut quædam prophylactica animi pharmaca; ut in hæc vel illa incidunt tempora; ut ab hoc tandem vel illo, hac vel illa suscipiuntur de causâ. Hæc enim omnia illorum vires augere & diminuerere uata sunt. Nulli enim dubium est, si spectentur, ut sunt quædam spiritales medicinæ peculiaribus animi morbis oppositæ, quin vnum vni morbi generi magis aduerfetur, quàm alterum: Neque enim frustra à Domino dictum est: *Hoc genus demoniorum non eiicitur, nisi in oratione & ieiunio*. Sic quoque ut non idem semper ieiunantium, aut precantium, aut Eleemosynarum erogantium est mentis status, nec eadem corporum constitutio, nec eadem externorum commodorum facultas; ita non idem quoque ab omnibus prouenit meritum: vni namque copiosius meritum obtingit ex ieiunio, alteri ex orationis studio, alteri ex erogato in egenos patrimonio.

VERVMENIMVERO, quod hæc, aliaque similia sint extra operum, de quibus hic sermo est, naturam; dici queat, ut rationis particeps, virtute in se complectitur sensu & vita præditum; ita Eleemosynam, quasi totum quoddam potentiale, vtriusque operis

vim

Matth. 6.

De perfect. iustit. resp. 13.

Eleemosyna vocalat ad cælum per orationem & ieiunium.

Ieiunium, Eleemosyna, & oratio alia & alia ratione se inuicem excedunt.

Matth. 17.
Marci. 9.

Eleemosyna propter adiuncta cæteris potentius expriat.

vim in se continere, adeoque propter amplitudinem illam cæteris potentiùs expiare. Nam qui eo, quo par est, animo Eleemosynam erogant, non solùm CHRISTVM in suis membris recreant, sed certa quadam ratione oratione quoque litant, & ieiunant. Nam, vt Philosopho placet, dona iis sunt affinia, quæ DEO consecrantur. Plurimum ad hæc, qui dandis Eleemosynis dediti sunt, quò commodius id, quod student, præstare valeant, parciùs sumptus faciunt; at hæc interim Eleemosyna ex adiunctis habet.

Ethicor. 4.

QVOD si illam à ieiunio & oratione, tanquam membrum ab illis prorsus distinctũ disiungas, primas inter Satisfactionis officia partes ieiunio tribues: siquidem pari posita charitate cæteris, quæ exæquatis, illud opus est magis Satisfactorium, quod maiore molestiam, vel pœnam ex se adiunctã habet (Nam in Satisfactione, ex parte operis necessaria, & quasi intrinseca conditio est molestia vel pœna) ieiunatio autem sua natura magis cruciat, quàm oratio, vel Eleemosynæ distributio. Secundùm se itaque ieiunium est magis Satisfactorium, quàm Eleemosyna.

Ieiunium inter puras Satisfactionis partes primas obtinet.

NE cõpositum euincunt, qui Eleemosynæ inter bona opera primatum tribuunt: Nam etsi communi lege, omne opus meritorium, simul quoque sit Satisfactorium, non est tamen idem prorsus mereri, quod satisfacere: meritum namque, eiusdemque quantitas præcipuè spectatur ex operis bonitate: Quare quò vnumquodque opus secundùm se fuerit præstantius, eò magis est meritorium: At verò Satisfactio, quòd ad debitæ pœnæ expiationem deposcatur, exigit quidem opus bonum, potissimum tamè, quod in ea spectari solet, est molestia & crux: pœna namque per pœnam pensatur. Cùm ergo ieiunium magis affligat & cruciet, quàm oratio & Eleemosyna, expiabit & redimet his quoque efficacius; ex adiunctis tamen Eleemosyna cæteris expiat potentiùs.

Etsi omne opus meritorium simul etiã sit Satisfactorium, non idem tamè esse mereri, quod satisfacere.

ET hæc de ieiunio, Eleemosyna, & oratione, vt nostræ Satisfactionis partes sunt, generatim dicta sint, nunc de singulis seorsum est disserendum, & primò quidem de Eleemosyna: Huic namque CHRISTVS Dominus primum, inter Christianæ iustitiæ partes, locum assignat.

Matth. 6.

De iis,

*De iis, qua ad intrinsecam Eleemosyna rationem vulgatam-
que eiusdem diuisionem pertinent.*

CAPVT SECVNDVM.

*Virtutū prima
& maxima cha-
ritas.*

*I ib. de beat.
Quid misericor-
dia secundū
Greg. Nyf. &
August.
Lib. 9. cap. 5. de
ciuit.*

*Que sint partes
& munia mile-
ricordiz.*

*Vt fides duo de-
notat, ita Elee-
mosyna quoq;*

*Quid Eleemo-
syna presē sum-
pta.*

*Sacerdotum sti-
pendia, & prin-
cipū vectigalia
nō sunt proprię
rationis Eleemo-
syz.*



NTER omnes virtutes principatum obtinet Cha-
ritas. Huius internus effectus, & quasi germana so-
boles, est misericordia, externus autē Eleemosyna.
MISERICORDIAM Gregorius Nyssenus, cū
voluntariam tristitiam ex alieno incommodo con-
flatam; tum piam rursus in eos, qui cum aduersa fortuna consi-
ctātur, affectionem appellat. Augustinus cordis compāssionem,
qua, pro vt possumus, alienę miserię subuenimus. Alij aliis verbis
nobilem hanc virtutem delineant.

PROPRIVM munus huius est, ex quadam animi commise-
ratione, in proximi malū ferri; non quò illud foueat, vel puniat,
verū quò secundū rationis ordinem depellat. Nam vt misere-
ri, non quò subleues, sed quò punias, etsi legitimo ordine id fa-
cias, non est opus misericordiz, sed iustitię; ita contra legem, vel
rationis ordinem misereri, non est virtutis, sed vitij.

NOMINE Eleemosynę generatim acceptę & id denotatur,
quod ex pia quadam animi *συμπάθεια* ad propulsandam alterius
miseriam erogatur, quodcunque tandem istud fuerit; & illud rur-
sum, quod ad erogandum impellit. Nam vt fides modò id, quo
creditur, hoc est, fidei habitum; modò id, quod creditur, hoc est,
fidei obiectum significat; ita eleemosynę vocabulum vtrumque
insinuat; nempe illud, quod inopi propter CHRISTVM, vel aliam
honestam causam datur, & id rursus, quod ad dandum animum
inclinat; siue illud sit charitas, siue misericordia, siue aliud quod-
cunque eiusmodi.

ELEMOSYNA presē sumpta illud est & appellatur, quod
inopi ex commiseratione, ad subleuandam illius inopiam, gratis
propter, vel secundū DEVM pręstatur. Ex qua Eleemosynę de-
scriptione planū euadit, iusta principum vectigalia, tum legitima
quoque ministrorum Ecclesię stipendia, inter proprię rationis
Eleemosynas iure censerī nō posse: siquidem non conferuntur
hec illis gratis, vt alimentum egenti, sed vt iusta merces laboranti.
Quare vtrique, omni quoque egestate seclusa, contra negantes,
vel

vel fraudem facientes iuridica actio conuenit; hæc autem pauperibus, etiam si graui inopia premantur, ordinariè contra diuites eleemosynam negantes non conuenit.

CONSEQUITVR hinc rursum, quod de industria in diuites erogatur, vel ex iis, quæ priuatæ vitæ, aut familiæ sustentandæ absolutè necessaria sunt, erogatur, vel in nullum egentium commodum erogatur, illud propriæ eleemosynæ appellatione non venire. Non primum, nam quod ex proposito diuitibus donatur, illud neque ex commiseratione donatur, (ni qui forsân sint diuites, qui per fraudem egestatem mentiantur) neque ad tollendam illorum inopiam vel miseriam donatur. Non secundum, quia quod contra charitatis ordinem erogatur, non erogatur secundum DEVM: nam vt DEVS author est charitatis, ita ordinis quoque, quem illa dicat. At contra charitatis ordinem erogatur, quod ex rebus vitæ absolutè necessariis erogatur. Non tertium, nam quod ad præsentem, vel proximè impendentem calamitatem profligandam calamitoso vsui esse non potest, hoc illi pro eo loco, tempore, rerumq; statu necessarium non est, (ecquid enim fame preuenti cum veste, aut frigore obtorpescenti cum pane?) atque ideo Eleemosynæ nomine aptè designari non potest. Sequitur hinc tandem, quod Pharisaico supercilio propter inanem gloriam, aut aliam turpem causam exponitur, id propriam eleemosynæ rationem non assequi, tametsi vulgò in eleemosynis habeatur: quia non exponitur illud propter DEVM, vel alium finem honestum.

ACTVS Eleemosynarij principia sunt duo: alterum externum, alterum internum. Principium externum est proximi miseria, vel inopia: internum proximum, est misericordia: proximo vicinum est Charitas: siquidem proximi amor commiserationis, & opis hinc natæ, plurimum est causa. Remotum autem eiusdem principium est liberalitas, remotius adhuc iustitia. Nam etsi hæc secundum se absolutè non spectet proximi miseriam, nihil tamen vetat, quò minùs aliqua illius pars illam spectet.

IMO verò tot interna etiam proxima eleemosynæ principia constitui possunt, quot sunt fines, quos quisque eleemosynam elargiens sibi præfigit, vel quot causæ, quæ ad eleemosynarium opus allecant. Constat autem has plurimas esse posse, non

B solum

Quod diuiti de industria donatur non satis rectè eleemosynā vocari.

Quod cōtra charitatis ordinem donatur, nō donari secundum DEVM.

Actus Eleemosynarij principia duo.

Thom. 2.2.2.1.
& 4.d.15.2.1.3.

Idem effectus ex
diuersis causis
prodire potest.

Eleemosyna vir-
tutis actum so-
nat verius quàm
habitum.

solùm studiosas, verumetiam vitiosas. Potest namque idem ad numerum effectus ex diuersis causis prodire, & interdum quoque ab oppositis. Certum est enim, si duo vnà eundem vestiunt, alter propter DEVM, alter propter inanis gloriæ aucupium, vnum illum vestiendi actum, quòd in genere moris ex duobus oppositis principiis oriatur, virtuti simul & vitio affinem esse: hoc quidem, vt imperatur à popularis gloriæ cupiditate; illud verò, vt nascitur ex charitate. Colligitur hinc, vt ex præcedentibus quoque, eleemosynam imperatum virtutis actum rectius appellari, quàm virtutis habitum: quamuis hoc ipsum quoque appellari queat, & sæpe etiam appellari soleat.

DE ELEEMOSYNÆ IN SVAS PAR-
tes distributione.

Vt vires secernū-
tur per actus, ita
actus per obic-
ta.

Tot eleemosy-
narum formæ,
quot cōmunes
mortalium mi-
seriæ.

AD eleemosynæ verò partitionē quod attinet, ea haud me-
lius aliunde, quàm ab externo eiusdem principio peti po-
test. Nam vt vires dinoscuntur, & secernuntur per actus; ita actus
per obiecta; sunt enim hæc inter se connexa. Quamobrem si ex-
ternum operum misericordiæ principium, & quasi obiectum,
circa quod, vel perpetuò, vel præcipuè occupatur, est hominis in-
digentia, tot vtique assignandæ erunt operum misericordiæ for-
mæ, vel eleemosynarum species, quot generales mortalium ha-
bentur miseriæ, vel egestates: siquidem misericordia fertur in
hominis miseriā, quò eam amoliatur. Atqui vt omnis omni-
no homo ex anima & corpore constituitur; ita omnes quoque
humanæ miseriæ, aut in corpore, aut in anima, aut in vtroque si-
mul grassantur.

Corporales ele-
emosynæ maio-
rem partem re-
bus, spirituales au-
tem verbis plu-
rimùm cōstant.

MALVM corporis rebus plerunque; morbi autem & ægri-
tudines animæ plurimùm verbis profigantur: neutrum tamen
horum altero præcisè: nam & rebus spiritus, & verbis rursum
corporis incommodum interdum depellitur. Verba, quibus al-
terius ægritudini medemur, spiritualis res autem, quibus idem
præstamus, corporalis eleemosynæ voce exprimitur. Non quòd
hæ necessariò corpus sint, aut res corporata; illa simpliciter spi-
ritus; sed quòd hæ ad propulsandam humani corporis mise-
riam; illa ad subleuandam spiritalem hominis ægrimoniam ad-
hibeantur.

HOMO quatenus corpore constat, vitæque & sensu poller, ne in aliquod vitæ discrimen veniat, eget cibo & potuturum tecto rursus & indumento. His quidem tanquam externis animæ vitæ præfidiis; illis verò tanquam internis eiusdem vitæ fomentis. Aegrè autem habens, aut propter vincula externa libertate carens, cum his ipsis, tum cura quoque, & ex vinculis liberatione. Vitæ tandem, aut morbo extinctus, sepulturam funerisque honorem deposcit. Iam qui his corporis incommodis ex charitate obuiam eunt, corporalia misericordiæ opera, aut corporales elemosinas exhibere dicuntur.

Externi hominis triplex consideratio.

VT verò homini interno, hoc est, hominis animo bene, vel certè minùs malè sit, ante omnia, ne in grauius aliquod peccatum prolatur, curatum oportet. Mox ne huc prolapsus, diu multumque hic hæreat. Postremò ne patrato sceleri obstinatus adherescens, sensim immedicabilis euadat, adeoque in contracto peccato vitam tandem malè finiat. Prolapsionem in peccatum præpediunt, cum sanum in dubiis consilium, tum fida rursus & diligens in rebus, quarum notitia ad salutem vel statum est necessaria, instructio. Tum blanda denique in aduersis fortunæ fluctibus, vehementiori quæ animi egritudine, consolatio. Neque enim pauci perperam ob id agunt, vel etiam credunt, quòd quid facto, vel credito opus est, non satis intelligunt, vel quòd in rebus aduersis neminem, cuius opera in meliorem spem erigantur, præstò habeant.

Triplex itidem interni hominis status.

Prolapsionem in peccatum tria impediunt.

AT pertinacem verò in peccato moram præpedire licebit, si iniuriam nobis irrogatam patienter dissimulabimus, veniamque poscentes amanter complectemur. Deo porro, vel proximo illatam impunè abire non sinemus; verum pro peccantis qualitate, modò leni, modò acri obiurgatione excipiemus, aliòque commodo modo sanare studebimus. Multi namque ob id deteriores euadunt, quòd veniam ab iis, quos fortè læserant, impetrare non possunt, vel quòd eiusmodi æquo duriores experiantur, vel certè quòd à nemine cominodè admoneantur, aut pro meritum ratione castigantur.

Pertinacem in peccato moram tria itidem impediunt.

OBSTINATE tandem improbi, hoc est, ad eum mentis statum iam adducti, vt nullà ampliùs admonitionem ferant, aut nullum consilium admittant, DEO, qui ex lapidibus filios Abrahæ

Quemodo sanandi obstinatus improbi.

Ad omnes animi morbos lan-
nandos pluri-
mum valet ora-
tio.

exuscitare potest, seruida oratione commendandi sunt. Imò ve-
rò ad omnes omnino animi morbos sanandos, plurimum valet
ardens ad DEVM deprecatio. Per orationem namque & stantes,
ne in noxam ruant, fulciuntur, & lapsi, ne vsque in peccati sordi-
bus hæreant, eriguntur; & obstinate scelerati, ne inobstinati ani-
mi prauitate aliquando extinguantur, persæpe emolliuntur.

Qui corporales,
qui item spiri-
tales eleemosy-
nas impendunt.

PAUCIS, qui esurientem pascunt; sitienti potum offerunt;
nudum vestiunt; hospitio destitutum tecto recipiunt; in vincu-
la coniectum redimunt; morbo pressum inuisunt; vitæ huius
munere perfunctum, sepeliunt, omnium rectè sentientium iudi-
cio, corporalem eleemosynam impendunt. Spiritalem verò, qui
sui muneris ignarum docet, perplexo, quidue agere debeat du-
bio, consulunt; mæstum solantur; peccantem corrigunt; iniu-
riam acceptam condonant; prauis moribus onerosum patien-
tia vincunt, nec non ad sanæ mentis consilium adducunt; pro
peccatoribus tandem, præcipue verò contumacibus preces fun-
dunt.

De morib. Ma-
nich.

Qui hominem
diligat, non ani-
mo tantum, sed
corpori quoque
benignè facit.

Medicinæ voca-
bulum latè patet
auctore Aug.

DE his Christianæ charitatis officiis, Augustinus alicubi scri-
bit in hunc modum: Vt homo homini appareat, anima rationa-
lis est, mortali atq; terreno corpore vtens. Partim ergo corpori,
partim verò animæ hominis benefacit, qui hominem diligit.
Ad corpus quod pertinet, medicina nominatur; ad animam au-
tem disciplina. Sed medicinam nunc voco, quicquid omnino
corporis, vel tuetur, vel instaurat salutem. Ad hanc itaque per-
tinent, non ea tantum, quæ ars eorum exhibet, qui propriè me-
dici nominantur; sed etiam cibus & potus, tegmen & tectum,
defensio denique omnis & munitio, qua nostrum corpus aduer-
sus externos ictus actusque seruatur. Nam & fames, & sitis, & fri-
gus, & æstus, & quicquid extrinsecus grauiter infligitur, salutem,
de qua nunc agitur, manere non sinunt; & paucis interiectis sub-
dit: Quis non concedat, ab omni miseria liberum esse debere sa-
pientem, cum subuenit inopi, cum esurienti cibum præbet, po-
tumque sitienti? cum vestit nudum, cum peregrinum tecto su-
scipit, cum oppressum liberat, denique humanitatem suam vsque
ad sepulturam porrigit mortuorum? hæc ille de corporalibus mi-
sericordiæ operibus, de corporalibus porro & spiritualibus mixtim
in Enchiridio ad Laurentium hæc exponit.

NON

NON solum, qui dat esurienti cibum, sitienti potum, nudo vestimentum, peregrinanti hospitium, fugienti latibulum, ægro vel incluso visitationem, captiuo redemptionem, debili subuentionem, cæco deductionem, tristi consolationem, non sano medicinam, erranti viam, deliberanti consilium, & quod cuique necessarium est indigenti, eleemosynam dat; verumetiam & qui veniam dat peccanti, & qui emendat verbere, in quem potestas datur, vel coercet aliquem disciplina, & tamen peccatum eius, quod ab eo læsus est aut offensus, dimittit ex corde, vel orat, ut ei dimittatur, non solum in eo, quod dimittit vel orat, verumetiam in eo quod corripit, & aliqua emendatoria pœna plectit, eleemosynam dat, quia misericordiam præstat. Similia multa comperies apud Gregorium, Ambrosium, Prosperum, Basilium, & alios veteres scriptores.

QUIN sacræ quoque; literæ præclaram horum omnium mentionem faciunt; etsi istud non vno modo, nec ea quoque, quam hîc assignauimus, serie. Siquidem nonnunquam suadent; quandoque mandant; interdum quid sancti homines fecerint, simpliciter narrant; quemadmodum istuc ex illo Tobie cognoscere licet. Tobias autem quotidie pergebat, per omnem cognationem suam, & consolabatur eo: diuidebatque unicuique, prout poterat, de facultatibus suis: esurientes alebat, nudosque vestimenta præbebat, & mortuis atque occisis sepulcrum solicius exhibebat. Et ex illo rursus Gen. Cumque Abraham eleuasset oculos, apparuerunt ei tres viri, stantes prope eum, quos cum vidisset, cucurrit in occursum eorum de ostio tabernaculi sui, & adorauit in terram, & dixit: Domine si inueni gratiam in oculis tuis, ne transeas seruum tuum, sed adferam pauxillum aquæ, ut lauentur pedes vestri, & requiescite sub arbore; ponamque buccellam panis, ut confortetur cor vestrum, postea transibitis. Et infra: Venerunt duo Angeli Sodomam vespere, sedente Lot in foribus ciuitatis; qui cum vidisset eos, surrexit & iuit obuiam eis, adorauitque pronus in terram, & dixit: Obsecro, Domini, diuertite in domum pueri vestri, & manete ibi; lauate pedes vestros, & manè proficiscimini viam vestram. Qui dixerunt minimè; sed in platea manebimus. Compulit illos oppidò, ut diuernerent ad eum; ingressisque domum illius fecit conuiuium, & coxit agnoscere, & comederunt. & ex illo tandem Iob:

Si negaui, quod volebant, pauperibus, & oculis viduæ expectare feci: Si comedî buccellam meam solus, & non comedit pupillus ex ea. Si despexi præter-

Cap. 7. Each

Eleemosynâ dat, qui quicumque modo misericordiam præstat.

Scripturæ opera misericordiæ nō solum laudat, & prædicant, sed etiam monent, & iubent.
Cap. 2.

Cap. 18.

Cap. 19.

Cap. 31.

euantem, eo quod non habuerit indumentum, & absque operimento pauperem. Si non benedixerunt mihi lacera eius, & de vellcribus ouium mearum calefactus est. Si leuata super propillum manum meam, etiam cum viderem me in porta superiore, humerus meus a iunctura sua cadat, & brachium meum cum ossibus confringatur. Foris non mansit peregrinus, osium meum viatori patuit: oculus sui ceco, & pes claudos: pater eram pauperum, & merentium consolator. Hæc omnia simplici rei gestæ narratione constant.

ABSOLVTI porro præcepti speciem, præ se fert illud Deuteronomij: Nō deerunt pauperes in terra habitationis tuæ, idcirco ego præcipio tibi, vt aperias manum fratri tuo egeno, qui tecum versatur in terra. Consilij tandē, vel communis præcepti illud Tobia: Ex substantia tuā fac elemosynam, & noli auertere faciem tuā ab ullo paupere. Quo modo potueris, ita esto misericors. & illa rursus CHRISTI: Date, & dabitur vobis, mensuram bonam, & confertam, & coagitatam, & superfluentem dabunt in sinum vestrum. Eadem quippe mensura, qua mensi fueritis, remetietur vobis. Item: Facite vobis amicos de mammona iniquitatis, vt cum defeceritis, recipiant vos in æterna tabernacula. Et illud Apostoli: Beneficentiæ nolite obliuisci; talibus enim hostiis promeretur DEVS. & alio rursus loco: Necessitatibus sanctorum communicantes, hospitalitatem sectantes. & illud tandem Salomonis: Si esurierit inimicus tuus, ciba illum: Si sitit, potum da illi. Hoc enim faciens, carbones ignis congeres super caput eius. Hæc omnia de corporali elemosyna concionantur: Ad spiritalem autem spectat istud CHRISTI:

EGO dico vobis, diligite inimicos vestros, benefacite his, qui oderunt vos, vt sitis filij patris vestri, qui est in cælis. rursus: Si dimiseritis hominibus peccata eorum, dimittet & vobis pater vester cælestis delicta vestra: Si autem non dimiseritis hominibus, nec pater vester dimittet vobis peccata vestra. & infra: Si peccauerit in te frater tuus, vade corripe eum inter te et ipsum solum. & hæc rursus Pauli: Peccantes coram omnibus argue, vt cæteri timorem habeat. Prædica verbum opportune, importune; argue, obsecra, increpa in omni patientia, & doctrina. item: Rogamus vos fratres, corripite inquietos, consolamini pusillanimes, suscipite infirmos, patientes esote ad omnes: debemus nos firmiores imbecillitatem infirmorum suslinere, & non nobis placere. & in alia Epistola: Si occupatus fuerit homo in aliquo delicto, vos, qui spirituales estis, huiusmodi instruite in spiritu lenitatis, considerans te ipsum, ne & tu cerneris. & hæc tandem Apostoli Iacobi: Confitemini: alterutrum peccata vestra, & orate pro inuicē, vt saluemini: multum enim valet deprecationis iussu assidua.

& in-

& infra: Si quis ex vobis errauerit à veritate, & conuerterit quis eum, scire debet, quoniam qui conuerit fecerit peccatorem ab errore via sua, saluabit animam eius à morte, & operit multitudinem peccatorum. Mittimus reliqua, ne in re non prorsus obscura, nimij simus: Solùm monuerim, non deesse graues theologos, qui isthac maiorem partem præcepti vi pollere asserant.

VTRAE autem: eleemosynæ alteris præstent, hoc est, spiritalesne corporalibus, an e diuerso corporales spiritualibus; id prolixa disputatione nulla indiget: Nam qui ratione vtuntur, cam ferè proportionem inter has & illas intercedere intelligunt, quæ inter corpus & spiritum: At spiritum corpori præstare, apud homines non omnino indoctos compertissimum est. Verùm licet spiritales secundùm se absolutè corporalibus habeantur potiores, (nam & spiritali actu constant, & res secundùm se spiritales sunt, & ad finem spiritalem referuntur, & pestibus spiritualibus medentur) vsu tamen venire potest, & sæpe quoque venire solet, vt corporales sint magis necessariae, adeoque DEO Opt. Max. magis gratæ, vr si ad has consilium tantum prouocet, ad illos autem præceptum, vel necessitas vrgeat.

Quamuis spirituales eleemosynæ corporalibus sint potiores, nō tamen semper id esse.

De eleemosynarum vi, cū in mali depulsione, tum in boni quoque procuratione.

CAPVT TERTIVM.



VI D sit eleemosyna, quod illius munus, quod obiectum, quæ tandem eiusdem partes, vel species, breuiter explicatum est hætenus, proximum est, vt de illius viribus nonnulla quoque in medium adferamus: siquidem cuiusq; rei naturā consequitur sua vis, & operatio. Et quamuis ex iis, quæ paulò antè disputata sunt, vtcunque id colligi queat, euadet nihilofeciùs aliquantò planius, si pauca quædam seorsum, & quasi ex instituto ea de re disseruimus.

VT autem ordine procedamus, ex antè disputatis vt certum hîc ponimus, eleemosynam opus, vel fructum, vel effectum misericordiæ esse; hanc verò germanam charitatis sobolem; charitatem autem inter omnes virtutes absolutè principatum obtinere. Iam si charitas arbor est vsque adeò nobilis, habitus vsque adeò efficax,

Eleemosyna est actus misericordiæ.

Qualis arbor,
talis fructus.

efficax, qualitas vsq; adeò illustris, non poterunt profectò omnes illius fructus & effectus, cum interni, tum externi; cum propinqui, tum remoti quoque non nobilissimi & efficacissimi esse.

Inter internos
charitatis effe-
ctus misericor-
dia primatum
obtinet.

INTER internos autem charitatis effectus præcipui habentur pax, gaudium, & misericordia, quæ gaudio & paci hætenus præstat, quatenus duo hæc eius, cui adsunt, limites non excedunt: Qui enim in Domino gaudet, solus gaudet; sic quoque, qui interna conscientie pace fruitur, solus fruitur. Misericordia autem priuato bono non contenta, ad omnes sese defundit, de quæ omnibus benè mereri contendit; & id quidem eò largiùs & ardentius, quò ipsa secundum se maior extiterit. Quamobrem cum DEI benignitas nullis largitionibus exhauriatur, eiusdemque clementia, & misericordia nullis cancellis contineatur, fit, vt misereri & parcere illius proprium esse dicatur, paterque misericordiarum, ac DEVS totius consolationis in scripturis appelletur.

Cur misereri &
parcere Deo pro-
prium dicatur.

Aliter in DEO,
aliter in homine
est misericordia.

EST nihilominus alio modo & ratione misericordia in DEO, alia in nobis: In nobis enim est, non modò secundum externum effectum vel vsum, cum proximo benignè facimus, verum etiam secundum internum animi affectum: Quandoquidem inspecta proximi miseria, nisi duri admodum simus, statim propter naturæ cognitionem eidem compatimur, vicemque illius quasi propriam indolemus. Quare etiam misericordia per tristitiam definiri solet. In DEO autem ita est secundum se, & externum quoque effectum, vt nullam tamen tristitiam ipsi adferat; adeoque virtutis tantum, non etiam passionis rationem in DEO sortitur, in nobis autem vtriusque.

Misericordia in
Deo nõ sortitur
rationem passio-
nis vt in nobis,
sed tantum vir-
tutis.
Misericordia &
eleemosyna se
habent vt causa
& proprius eius
effectus.
Eleemosyna no-
mine misericor-
dia & charitatis
sepe exprimitur.

INTER externos autem charitatis effectus potiores censentur beneficentia, & eleemosyna, quæ vtiq; aliud nihil est, quàm vsum, vel actum, vel opus misericordiae: habent se namque duo hæc eo ferè modo, quo causa & proprius eius effectus. Et quia causæ frequenter sui effectus appellatione designantur, & vice versa, fit vt eleemosyna non raro misericordiae, & interdum quoque charitatis, quæ misericordiae parens est, nomine exprimat. Imò veterò antiqui distributiones, quæ in egenos fiebant, tum epulas quoque, quæ publicè pietatis studio viduis, aliisque pauperibus exhibebantur, familiaris *ἀγάπης*, hoc est, charitates, quam *ἐλεημοσύνη* appellabant. Sed neque dubium est quoque: Apostolum Iudam ad

ad hanc ipsam etiam notionem spectasse, dū de improbis quibusdam ministris, inter cætera ita scribit: οὗτοί εἰσι ἐν τοῖς ἀγαθοῖς ὑμῶν, hoc est, hi sunt in epulis vestris, quas nimirum recreandis refocillandisque inopibus de more exhibetis, maculæ, inter se conuiuentes. Quid? quod vox hæc adeò iam olim in eo sensu recepta fuerit, vt etiamnum multis in locis supem emendicantes, dicere soleant: Fac charitatem, hoc est, da eleemosynam.

Sectari ministri
in publicis cœui-
uiis maculæ.

Cum itaque charitas inter omnes virtutes, quæ ordinem ad proximum dicunt, imò verò inter omnes simpliciter, primas obtineat; neque vllam in vniuersa sua sobole misericordia præstantiorem, aut diuiniorem, aut fœcundiorē habeat, eaque, dum in opus prodit, eadem omnino sit cum eleemosyna, consequens sit, omnes illas prærogatiuas omnesq; efficiendi vires, quæ charitati attribui solent, suo quoque modo misericordiæ & eleemosynæ ascribi possē. Cum illæ itaque sint minimè paucæ, minimæq; vulgares, planū sit, ingentes esse spirituales opes, quas benigna & alacris eleemosyna parit. Et hæc quidem ad persuadendum misericordiæ vsum eruditissat esse poterant. Verum quod præsens doctrina magis in simpliciū commodum, quàm in eruditorum vsum tradatur; quodq; generatim asserta cordis aures minùs ferire, audientiumq; animos lentius irritare consueverint, quàm quæ speciatim, vel sigillatim explicantur, placet ad quosdam peculiare eleemosynæ effectus orationem accommodare, præsidio ad hoc, partim ex scripturis, partim quoq; ex veterum monumentis petito mutuatōque.

Quicquid chari-
tati, hoc suo etiā
modo eleemosy-
næ & misericor-
diæ tribui po-
test.

Ex Euangelio itaque manifestum est, totum id amplissima mercede pensari, semperq; pensatum esse, quod pio animi studio in CHRISTVM confertur: Nam cum vnus hic sit benignissimus, ditissimus, & potentissimus, fieri omnino non potest, vt cumulatisimè illud non reponat, quod ingenuè & liberaliter ipsi impensum fuerat: siue id cibus erat, siue potus, siue pecunia, siue aliud quodcunq; corporis præsidium: (Siquidem de corporalibus eleemosynis ex instituto hic differimus, & in posterum differemus; spirituales enim alium locū deponunt.) Atqui quicquid in CHRISTI membra confertur, hoc totum, ipsomet iudice & teste, in ipsum confertur; sicut vice quoq; versa, quicquid egentibus eiusdem membris iniuste denegatur, vel per vim aut fraudem subtra-

Amplissima
mercede pensat,
quod in Christi
confertur.

Quod Christi
membris impen-
ditur, hoc Chri-
sto impenditur.

Matth. 25. hitur hoc totum ipsi denegatur & subtrahitur; quid enim ait? Amen amen dico vobis, *quamdiu fecistis vni de his fratribus meis minimis, mihi fecistis.* rursus: *Quamdiu non fecistis vni de minoribus his, nec mihi fecistis.* Hæc CHRISTVS, ex cuius verbis aliud in eleemosynarum commendationem argumentum inferri potest.

Quicquid proximo egredi impenditur, certa quadam ratione nobis impenditur.

ET ENIM quo nostra infirmitas sanatur, nuditas tegitur, libertas vindicatur, inopia subleuatur, omnisque, vt paucis dicam, miseria nostra propulsatur, illud inter præcipua commoda nostra iure meritoque censeri valet; ast quicquid egenti proximo, siue à nobis, siue ab aliis quibuscunque impenditur, hoc totum certa quadam ratione nobis ipsis impenditur: Quandoquidem non minor est coniunctio membrorum inter se, quam membrorum cum capite. Cùm ergo, quicquid vni membro impenditur, hoc capiti, vt testis, qui mentiri nequit, autoritate iam probatum est, impendatur: consequens fit, totum illud, quod vni corporis membro impenditur, cæteris eiusdem corporis membris hætenus impendi, quatenus vnus corporis membra sunt. Cùm igitur vnus corporis membra, vnus ciuitatis ciues, vnus principis subditi, vnus patris filij, vnus Domini & patrisfamilias serui simus omnes, efficitur, vt id totum certo modo nobis impendatur, quod proximo nostro impenditur.

Honorificum est de altero bene mereri.

Serm. 84.

ET vt cæteri omnes nihil quicquam ad nos pertinerent, adhuc quiddam diuinum, planèque honorificum foret, alteri benignè facere, deque omnibus bene mereri. Si gloriam ex diuitiis quaris, scribit Ambrosius, cognosce, quia melius est mille filiorum, quos per misericordiam acquiris, patrem vocari, quam mille aureorum Dominum dici. Quamuis ergo eleemosynæ nobis nihil prodesse, vt nihil prodesse statuunt, qui omnem meriti, omnemque satisfactionis rationem è medio tollunt: adhuc lucrum minimè vulgare haberi deberet, quod nostris *ovos æmoris*, hoc est, concorporalibus profunt. Verùm tantum abest, vt erogantibus nihil profint, vt illis vel maximè vtilis & salutare sint; siue malum species, quod propulsare natè sunt; siue bonum, quod conciliare solita sunt; siue aliud quodcunque istiusmodi.

DE MALIS, QUAE PER OPERA
misericordia profigantur.

QUAE

QVAE de malorum profligatione, & bonorum conciliatione dixi, exponam clariùs. Certum est, inter mala, quæ in hominem cadunt, aut quouis quoque casu cadere possunt, principem locum tenere peccatum; scriptum est namque: *Eleemosyna ab omni peccato, & à morte liberat; & non patitur animam ire in tenebras.* rursum: *Ignem ardentem extinguit aqua, & eleemosyna resistit peccatis.* Ad hunc scripturæ locum Diuus Cyprianus alicubi ita scribit:

Inter mala arce
tenet peccatum,
mors, infernus.

Tob. 4.

Ecclesi. 3.

Serm. de opo. &
cic.

OSTENDITVR hîc, quia sicut lauacro aquæ salutaris, gehennæ ignis extinguitur, ita eleemosynis atque operibus iustis delictorum flamma sopitur. Et quia semel in Baptismo peccatorum remissio datur assidua: & iugis eleemosynæ operatio, Baptismum imitata, Dei rursum indulgentiam largitur. Eodem sensu exponit hunc Ecclesiastici locum B. Maximus quoque.

Eleemosyna sa-
lutaris lauacri
emula.

SI ita, ait ille, eleemosyna extinguit peccatum; sicut aqua Baptismi gehennæ extinguit incendium: ergo eleemosyna est quodam modo aliud animarum lauacrum, nisi, quod salua fide dixerim, indulgentior est eleemosyna, quàm lauacrum. Lauacrum enim semel datur, & semel veniam pollicetur, eleemosynam autem quoties feceris, toties veniam promereris. Et sermone proximè sequente: Mundiùs eleemosyna, quàm puteus detergit maculas; quia putei aqua corporis tantum cutem abluit, misericordiæ autem bonitas interna animæ purificat.

Ser. de Elec.

Eleemosyna in-
dulgentior quo-
dam modo Ba-
ptismo.

PERTINET huc quoque illud Augustini: Facile curatur vulneribus peccatorum, qui necessitatem curauerit pauperum; & misericordiam accipiet, qui proximo pietatis officia nò denegat. Et illud eiusdem: In horreis nostris habeamus abundantiam, quæ flammam nostras oblatione vnius panis extinguat. Ante fores gehennæ stat misericordia, & nemiueni permittit in carcerem mitti. Et quicumque misertus fuerit, miserebitur ei, da panem cum potes, quia nemo esurit in inferno; nec habebis post mortem frumentum; nec inuenies illic aliquando mendicum, quia non erit tempus miserendi. & illud item: Fratres mei charissimi, nunquam recorder, me legisse, mala morte periisse illum, qui libenter opera pietatis & charitatis voluit exercere.

Ser. 76. de temp.

Li. 50. hom. 39.
Misericordia ob-
struit infernum.

Ser. 46 ad fr. in
ero.

Misericordiæ
operibus decet i
mala morte nò
quam perueni.

Lib. de promic
p.2. cap.7.

Luc. 11.

Eleemosyna to-
rum hominem
mundat.

Tob. 4.

Lib. 3. ca. 64. de
lium. bon.

March. 29.

Homil. 33. ad
Ant. hom. 53. in
Matth.

Eleemosyna ars
artiū omnium
quæstuosissima.

Luc. 16.

Eleemosyna li-
berat à purgato-
rio.

Act. 10.

Ecclesi. 7.

Quo sensu Ele-
emosyna liberare
dicat à peccato.

ET illud rursum B. Prosperi. Scribis & Pharizis singulare sa-
crificium ostendit, dicens: *Veruntamen, quod superest, date eleemoly-
nam & ecce omnia munda sunt vobis.* O quàm breue compendiosumq;
sacrificium, quod intrinsecùs atque extrinsecùs totum hominem
mundat. *Eleemosyna enim à morte liberat, & ipsa peccata purgat. Eleemofy-
na minus bonum est omnibus facientibus eam coram Domino.* Et illud iti-
dem Isidori: In tantum eleemosynarum opera extinguunt pec-
cata, atq; in tantum ad regnum futuri sæculi proficiunt, vt etiam
Iudex cœlestis in futuro iudicio veniens, in dextera consistenti-
bus dicat: *Venite benedicti patris mei percipite præparatum vobis regnum*
&c. & illud tandem Chrysostomi:

E I A charissimi ostendamus, qualiter eleemosyna est ars o-
mnium artium quæstuosissima. Si enim artis est proprium, ad ali-
quam vtilitatem peruenire, eleemosyna verò nihil est vtilius, cla-
rum est profectò, quòd & ars sit, & omnium artium optima. Non
enim nobis conficit calceamenta, neq; vestimenta contexit, neq;
has luteas domos ædificat; verùm æternam administrat vitam, &
ex mortis manibus eripit, & in vtraq; vita charos exhibet, & man-
siones ædificat in cœlis, & æterna parat tabernacula. Hæc lampa-
des nostras non sinit extingui, nec sordidis indutos vestibus in
ipsis videri; sed lauat, & niue mundiores reddit. Si namq; fuerint
peccata vestra vt coccinum, quasi nix dealbantur. Non sinit eò
decidere, vbi diues ille, nec audire verba tremenda; sed in Abrahæ
sinus deducit. Hæc omnia clavis, disertis, & illustribus verbis pro-
bant, eleemosynam liberare à peccato, morte, & inferno, quæ
malorum omnium sunt maxima.

I A M si eleemosyna liberat ab inferno, quacunque tandem
ratione, aut modo istud faciat, multò magis liberabit à purgato-
rij ignis incendio: constat enim hoc illo multis partibus minus
esse. Rursum si eadem liberat à peccato; (sive id faciat eleemosy-
narij erogantis animum ad fidem & iustificationem præparando;
quod ex Apostolorum actis in Cornelio Centurione locum ha-
buisse didicimus: sive eundem iustificationis gratia iam ornatum,
à lapsu præseruando, iuxta illud Salomonis: *Non desis plorantibus in
consolatione, & cum lugentibus ambula; non te pigeat visitare infirmum; ex
his enim in dilectione firmaberis.* Firmatur autem hæcenus chari-
tas, quatenus per bonorum operum vsum aucta vegetatâque,
vitiis,

vitiis, quibus oppugnatur, facilius obfistit: Siue eundem illum tempestiue post lapsum, ne magis subinde sordescat, erigendo: consentaneum est enim, qui lapso manum clementer porrigit, eum, si fortè ceciderit, porrecta manu vicissim subleuari: siue alio quocunque modo) multò magis liberabit à quibuscunque peccatorum reliquiis. Atque hoc neutiquam obscure indicat illud CHRISTI: *Quod superest, ait, date eleemosynam, & ecce omnia munda sunt vobis.*

Luc. 11.

Denique si eleemosyna liberat à spiritali morte, hoc est, à peccato & inferno, & interdum quoque ab impendente corporali nece; quemadmodum multis illud exemplis, si opus foret, ostendi facile posset, liberabit ab iis nonnunquam quoque, quæ viam ad illam muniunt; vt sunt morbi, pericula, insidie, aliæque id genus complura: neque hoc quoque sacræ literæ dissimulant; scriptum est enim:

Eleemosynæ liberat ab iis, quæ viam ad mortem muniunt.

BEATVS vir, qui intelligit super egenum, & pauperem, in die malaliberabit eum Dominus. Dominus conseruabit eum, & viuificabit eum; & nō tradet eum in animam inimicorum eius. Dominus opem feret illi super lectum doloris eius: ita enim efferūtur hæc in Hebræo & Chaldeo cōtextu. Rursum: Conclude eleemosynam in sinu pauperis, & ipsa liberabit te ab omni afflictione. Denum: Frange esurienti panem tuum, & egenos & vigosq; duc in domum tuam. Cūm videris nudum, operi eum: & erumpet quasi manē lumen tuum, & sanitas tua citius orietur, hoc est, ab omni calamitate & peste liber euades. Lique hinc ergo, nullum ferè extare malum, à quo eleemosyna non liberet, vel liberare nō queat. Quare etiam apud pios omnes receptum videmus, vt in omni propemodum periculo & calamitate, ab eleemosyna præsidium petant, etsi nō ab hac sola.

Psal. 40.

Eccles. 29.

Esaï. 58.

DE BONIS, QUAE PER ELEEMOSY- NAM CONCILIANTUR.

IAm licet ex malorum multitudine & magnitudine, quæ per eleemosynam præpediuntur, & è medio submouentur, haud difficulter colligi queat, quantum roboris in cuiusvis generis bonis conciliandis & procurandis habeat misericordia; attamē euadet res hæc aliquantò illustrior, si de hisce bonis & commodis separatim nonnulla proposuerimus.

Bonum gener-
rim acceptū est
bipertitum.

Eleemosynæ cō-
ferunt ad cuius-
vis generis boni
adeptionē, con-
seruationem &
augmentationē.

Eleemosyna gra-
tiam cōciliat &
auget.

Est autem bonum generatim acceptum bipertitum: vnum transnaturale, alterum naturale; & hoc rursum vel internum, vel externum. Ad primum bonorum genus pertinet gratia, & gloria, & cætera, quæ ad illa referuntur. Ad secundum omnia interna animæ & corporis bona. Ad tertium omnia fortunæ com-
moda. Ad horum autem omnium adeptionem, conseruationem, & augmentationem conferunt eleemosynæ pio candidoq;
animo erogatæ.

Quod autem eleemosyna gratiam præstet, diuinumq; fa-
uorem, & amicitiam conciliet, id validè probant, quæ de pecca-
torum expiatione paulò antè allata sunt: siquidem omne illud,
quod peccatum tollit, hoc gratiam asfciscit, & vice versa. Quòd
eadem rursum præsentem gratiam augeat & confirmet, id nul-
la probatione indiget. Quandoquidem omne omnino opus
bonum, propter DEVM susceptum, æternæ vitæ est meritum,
adcoque gratiæ augendæ idoneum; eleemosyna autem ex pia
iustaque voluntate orta, est opus bonum, Deoque apprimè gra-
tium.

Ad hunc cœlestem eleemosynæ effectum pertinet illud To-
biæ: *Fiducia magna erit coram DEO eleemosyna omnibus facientibus eam.*
Et illud Salomonis: *Qui misereatur pauperis, fœneratur Domino: Qui pro-
nus est ad misericordiam, benedicetur.* Et illud Ecclesiastici: *Animam esu-
rientem ne despexeris. Maledicentis enim tibi in amaritudine animæ, exaudie-
tur deprecatio illius.* Et illud eiusdē: *Exorare et facere eleemosynā ne despi-
cias; pauperi porrige manum tuā, ut perficiatur propitiatio, et benedictio tua.*
Et illud tandem Apostoli: *Qui parce seminat, parce & metet; & qui se-
minat in benedictionibus, de benedictionibus & metet.* Certum est enim,
quod de fiducia, spiritali fœnore, benedictione, filiatione, & pro-
pitiatioe hīc dicitur, hoc totum ad gratiam, vel certè ad aliquid,
quod viam ad gratiam aperit, pertinere.

Lib. 1. offic.

Qui nudum vo-
stit, seipsum in-
duit.

Luc. 11.

SPECTAT huc illud Ambrosij quoque: Nihil ita commen-
dat Christianum animum, quàm misericordia. Si nudum vestis,
te ipsum induis; si suscipis egentem, ille tibi acquirat Sancto-
rum amicitias, & æterna tabernacula. Non mediocris est ista
gratia; corporalia seminas, & recipis spiritalia; miraris iusticia
Domini de sancto Iob, mirare virtutes eius, qui poterat dicere:

Oculus

Oculus eram caecorum, & pes claudorum, & infirmorum pater. *Velleribus* Iob 31.
agnorum meorum calefacti sunt humerorum. Foris non habitabat peregrinus, ostium meum omni venienti patebat. Beatus planè, de cuius domo nunquam vacuo sinu pauper exibat: neque enim quisquam Psal. 40.
 magis beatus, quàm qui intelligit super pauperis necessitatem. & illud rursus Gregorij Nazianzeni:

NVLLA res est, quæ DEI benevolentiam perinde conciliet ac misericordia. Nec ulli alteri rei potiùs, quàm humanitati & commiserationi, commiseratio & humanitas ab eo respondendi solet, qui summa æquitate vnumquemque remuneratur; atque in lance & mensura misericordiam constituit. Et illud tandem Magni Leonis: Nulla deuotione fidelium magis delectatur Dominus, quàm ista, quæ pauperibus eius impenditur, & vbi curam misericordiæ inuenit, ibi imaginem suæ pietatis agnoscit.

IA M cùm totum illud, quod confert ad gratiam, vitamque spiritalem, conferat quoque ad cœlestem gloriam (nec enim aliud est gratia, quàm quoddam gloriæ semen, virtute & energia illam in se continens:) conficitur, vt ea omnia, quæ de gratia, eiusdemque præsidij dicta sunt, ad cœlestem gloriam transferre liceat. Verùm quò ad sanctum hoc, hominèque Christiano dignissimum opus, magis incendantur, qui isthæc fortè lecturi sunt, pauca quædam, quæ proximè de gloria concionantur, ex Scripturis & Patribus in hunc locum adferre lubet. Apud Matthæum igitur ita legimus: *Tunc dicet bis, qui à dextris eius erunt: Venite benedicti Patris mei, possidete paratum vobis regnum à constitutione mundi; Esuriui enim; & dedistis mihi manducare; sitiui, & dedistis mihi bibere; hospes eram, & collegistis me; nudus, & cooperuistis me, &c.* Quicquid confert ad gratiam, simul quoque confert ad gloriam.

Cap. 23.

AD hunc locum, qui sanè nobilissimus, & ad permouendos animos bene affectos efficacissimus est, Beatus CYPRIANVS sermone de Opere & eleemosyna ita scribit: Quæ erit illa, fratres charissimi, operantium gloria? quàm grandis & summa lætitia, cùm populum suum DOMINVS cœperit recensere, & meritis atque operibus nostris præmia promissa contribuens, pro terrenis cœlestia, pro temporalibus sempiterna; pro modicis

DEVS pro terrenis cœlestia, pro modicis magna, pro temporalibus sempiterna reddit.

modicis magna præstare, & offerre nos patri &c. Huic planè consonum est illud Ambrosij:

Serm 81.

CONSIDERA, quanta tibi tunc erit gloria, cùm te omnis ille populus, qui ex promptuariis tuis pastus est, pro tribunali magni illius iudicis caterua constipantè circumdabit, pastorem se suum, ac tutorem pium, & misericordem patrem omni gratiarum voce testabitur. Mete ergo vberes pecuniæ tuæ fructus, orationes dico pauperum, intercessionèsque Sanctorum, qui pro te, officiorum tuorum memores, apud iustum iudicem DEVM dignis operum tuorum allegationibus postulent.

Luc. 16.

Orat. de amor.
paup.

AD cœlestis gloriæ præmium per eleemosynas comparandum, facit hoc CHRISTI Seruatoris quoque: *Facite vobis amicos de mammona iniquitatis, ut cùm defeceritis, recipiant vos in æterna tabernacula.* Hic Gregorius Nazianzenus: Si quid mihi auscultandum putabitis serui, & cohæredes CHRISTI, CHRISTVM, quàm diu licet, inuisamus, CHRISTVM colligamus, CHRISTVM honoremus, non solum mensa, ut quidam; nec vnguentis, ut MARIA; nec sepulchro duntaxat, ut Ioseph ab Arimathia; nec deniq; auro, thure, & myrrha, ut Magi: Sed quoniam omnium Dominus misericordiam mauult, quàm sacrificium, ac pinguium agnorum myriades commiseratio superat, hanc per pauperes, humiliq; prostratos ipsi conferamus, ut cùm hinc excesserimus, in æterna tabernacula nos recipiant. Et illud rursum Greg. Magni: Regnum DEI tantum valet, quantum habes: valuit Zachæo dimidium substantiæ, valuit viduæ duobus minutis, valuit alteri calice aquæ frigidæ. Regnum itaque DEI tantum valet, quantum habes. Et illud tandem Ezechielis Prophetæ: *Vir si iustus fuerit, & fecerit iudicium, & iustitiam: Panem suum esurienti dederit, & nudum operuerit vestimento, vita viuet*, non utique misera & fluxa hac, quæ diu consistere nequit, verum beata illa & fortunata, quæ finem nescit.

Eleemosynæ augent fortunæ bonæ.

TANDEM quòd eleemosynarum studium non tantum cœlestia, internæque animæ & corporis bona promoueat, verum etiam externa, fortunæque casibus obiecta, illud non modò Scripturæ disertis verbis affirmant, & Sancti passim prædicant; sed innumera quoque exempla confirmant. Notum est enim illud Salomonis: *Qui dat pauperi, non indigebit: Qui despiciit deprecantem, sustinbite iniuriam.* Et illud eiusdem: *Alij rapiunt non sua, & semper in egestate sunt;*

Prouer. 18.

Prouer. 11.

sunt; alij diuidunt propria, & ditiores fiunt. Et ante hunc locum: DEVM honora de tua substantia; & de primitiis omnium frugum tuarum da pauperibus, & implebuntur horrea tua saturitate, & vno torcularia tua redundabunt. Et illud Pauli: Qui parce seminat, parce & metet. Et illud CHRISTI: Quicumq; potum dederit uni ex minimis istis, calicem aquæ frigida, tantum in nomine discipuli, Amen dico vobis, non perdet mercedem suam. Et illud Leonis primi: Non timeatur in iis expensis defectio facultatum; quoniam ipsa benignitas magna substantia est. Nec potest largitatis deesse materies, vbi CHRISTVS, & pascit, & pascitur. Et illud Petri Chrysologi: Quod tu in misericordia fuderis, hoc tibi in horreo redundat. Ne ergo seruando perdas, collige erogando. Da tibi, quod tu alteri reliqueris, non habebis. Et illud denique Magni Basilij: Quemadmodum frumentum in terra lapsum, lucrum fit illi, qui proicit: sic panis esurienti obiectus, multiplicem utilitatem reddit. Quid igitur anxius es? quid affligis te ipsum? luto & lateribus diuitias cōcludere contendens? HÆC Scripturæ & Patres illi de incremento, quod eleemosynæ externis bonis adferunt. QVOD si quis isthæc exemplis illustrare instituat, finē haud faciliē inueniet: extant enim præter quotidiana, penē innumera vetusta, omni cauillatione euidentiora, è quibus vnum duntaxat hoc loco in medium adferre placet. Leontius igitur in historia, quam de Ioan. eleemosynarij vita edidit, inter alia refert, sanctissimum virum ex iis, qui præ cæteris in pauperes benigni videbantur, percunctari solitum, quanam ratione, vel occasione, ad illam commiserationis gratiam peruenissent; inter alios autem vnum oblatum, qui ita responderit.

ERAM, crede mihi Domine, prius valdè immisericors, & crudelis: semel autem iacturam feci, & in paupertatem deueni. Cœpit autem cogitatio mea dicere mihi: Verè si esses misericors, non relinqueret te DEVS. Statui ergo apud me per singulos dies dare quicunque areos nummos pauperibus. Et cùm cœpisssem dare, statim Satanas prohibebat me dicēs: Verè quinq; nummi sufficiunt domui tuæ ad olera, vel ad balneum percipiendum; & statim quasi id ex natorum meorum faucibus eriperem; nihil dabam. Cùm verò animaduertissem, quòd à vitio superarer, dico puero meo: per singulos dies furâre; me nesciente, quinq; nummos, & da eleemosynam. (sum enim ego Trapezita Domine) Ille

Proter, 3.

2. Cor. 9.
Marth. 10.Sermo, 10. de
Quadr.

Serm. 43.

Homil. 2. ad
diui.In vit. Ioan.
eleemosyn.DEVS non des-
serit misericor-
des.

D.

verò

verò benefaciens cœpit furari denarios: Erat autem aliquando & filiqua. Cùm ergo vidisset, quia benedicebamur, & diuitiis abudabamus, cœpit & tremisses furari, & dare. Semel itaq; admirans benedictiones DEI, dixi ei: Verè multùm profuerunt quinque isti nummi; volo ergo, vt des decem. Tunc mihi dixit puer subridendo: Vade, gratias age furtis meis: Nam verè hodie non habere-mus, quod manducaremus; sed si est fur iustus, ego sum: Tunc ergo dixit, quo modo tremisses dabat & filiquas. Et iam ex fide illius assueui, Domine, ex animo dare. Aedificatus ergo Sanctus valdè, dixit ad eum: Crede mihi, multas conuersationes Patrum legi, tale aliquid non audiui.

Id solum ex bonis fluxis nos comitatur, quod erogatur in pauperes.

Sec. 81.

Li. 50. Hom. 39.

Et vt maximè totum illud, quod in pauperes erogatur, simpliciter, citra vllam spem redditus, à sorte decederet, adhuc insignne lucrum est, vnum hoc solùm ex iis omnibus, quæ in bonis externis habemus, hinc nos abeuntes comitari, quod in pauperes, aliosq; pios vsus expendimus: reliqua omnia, vel nos deserunt, vel nos illa, velimus nolimus, deserimus. De hoc elemosynarũ fructu ita scribit Ambrosius: Facultates relinquẽtur hĩc, etiam si nolumus; bonorum autem operum conscientia, nobiscum pariter pergit ad DEVM. Hæc Ambrosius, à cuius sententia non multùm recedit illud Augustini: Felix operarius cultor elemosynarum, eò quòd ære suo comparauerit cælum; & dans panem esurientibus, delictorum suorum presit incendia. In tali causa operarius felix viuit, & securus moritur, cum quo ambulat patrimonium in immortale horreum; in quo debitorem fecit Dominum, dum pascit alterum dando.

Lib. 3. cap. 64. raium.

FACIT ad idem quoq; illud Isidori: Grauius in DEVM delinquant, qui diuitiis à DEO concessis nõ in rebus salutaribus; sed in vsibus prauis vtuntur. Nesciunt impertiri pauperibus, oppressis subuenire despiciunt; & inde magis augent delicta, vnde redimere debuerunt. Hoc tantùm habet boni possessio præsentium rerum, si vitam reficiat miserorum. Præter hoc tentatio est mundi lucrum, tantòq; maiora supplicia in futurum dabunt, quantò hæc ipsa maiora sunt. *Potentes enim potenter tormenta patientur.* Terrena omnia seruandò amittimus, largiendo seruamus. Et illud rursum Basilij Magni: Habes horrea, si voles, domus pauperum; reconde tibi ipsi thesaurum in cælo: Quæ illic reponuntur, non depascuntur

Sap. 6.
Terrena seruando amittimus, largiendo seruamus.

tur tinea, non corrodit caries, non prædantur fures. & illud tandem B. Chrysostomi: Quæ stultitia est, illic relinquere, vnde exiturus es, & illuc non præmittere, quò iturus es. Illic ergo substantiam tuam collocas, ubi patriam habes. Patet ex his ergo, admirabiles esse eleemosynarum vires, tam in bonis comparandis & stabilendis, quàm in malis propulsandis, & auertendis.

DICIS: quomodo res merè corporea edere potest fructus vsque adeò diuinos & admirabiles? Respondetur, eleemosynam non parere eiusmodi fructus, vt res quædam naturalis est, famem vel sitim sedare idonea, aut aëris cœliue iniuriam arcere nata; sed vt est quiddam spiritale, è spiritali fonte ortum. Quò hæc responsio planior habeatur, aduerte quod in eleemosynam erogatur, trifariam considerari posse: Vno modo secundum se, suumque proximum effectum; prout nimirum natura quædam est, humanæ infirmitati opem ferre apta: Alio modo ex causa, vel principio: vnde remotè, aut propinquè profluit; quod utique, si legi consentaneum est, virtus est; sin autem dissentaneum, vitium. Postremò ex effectu remoto, seu ex beneficio, quod is reponit, vel reponere certè debuit, qui eleemosyna potitus est. Primo modo corporalem tantum effectum sortitur. Secundo pro ratione principij, ex quo dimanat, quandoque bonum, quandoque malum, quandoque nullum, vel omnino exiguum. Tertio modo spiritalem effectum plerunque fundit: nam qui piorum eleemosyna pascuntur, morali æquitate ad spiritalem aliquam compensationem obligantur. Quòd si ingrati, eius rei causa nihil præstant, ipsæmet eleemosynæ illorum negligentiam certo quodam modo sarciant; scriptum est enim: *Conclude eleemosynam in sinu pauperis, & ipsa exorabit pro te.*

Quod in eleemosynâ erogatur, trifariam considerari potest.

Ecclesi. 29.

Ex tribus hisce capitibus, puta ex rei, quæ donatur, quantitate, vel qualitate; ex causâ rursus, quæ impellit, conditione; & ex eius tandem, qui accipit, gratitudine, eleemosynæ magnitudo spectari habet. Ex primò; maior censenda est eleemosyna centum aureorum, quàm centum denariorum, vel duorum minutorum; cuiusmodi fuit eleemosyna viduæ illius Euangelicæ. Ex secundo; magna dici potest, quæ ex magna pietate, inagnoq; animi ardore prodit: Quomodo eiusdè illius viduæ, cuius, proximè

Eleemosynæ magnitudo ex tribus capitibus spectatur.

meminimus, eleemosyna magna erat: Neque enim omnem, quem habebat, victum in gazophylacium coniecisset, nisi ingenti charitate & deuotione flagrasset. Ex tertio demum magna dici valet, etsi istuc non admodum propriè, quæ gratos feruentesque sortitur precatore, vel quæ in hac, vel in altera vita liberaliter remuneratur.

C A E T E R V M magisne spectanda sit eleemosynæ quantitas ex animo, quàm ex dono; an verò è diuerso, magis ex dono, quàm ex animo, id regula, quæ nusquam fallat, tradi vix potest: Nam & dona plerunque sunt diuersa, & eorum, qui donant, animi & scopi plurimum sunt varij: Generatim tamen dici queat, si voluntatis propositum fuerit sanctum, & quod in eleemosynam exponitur, proprium, iustoque titulo obtentum, in ratione meriti, eam maiorem censendam, quæ nascitur ex maiori fide & charitate: In ratione autem satisfactionis, quæ secundum se maior est: siquidem meriti quâtitas, præcipuè spectatur ex operis bonitate; satisfactio autem ex operis difficultate, vel ex molestiæ, quæ operæ adiuncta est, magnitudine. Certum est autem eò vnumquodque opus sanctius haberi, quò maiori charitate fuerit ornatum, eò autem difficilius, quò suapte natura fuerit maius. Patet itaque, vnde eleemosynæ habeant, vt spiritalem effectum ex se producere valeant.

In ratione meriti maior est eleemosyna, quæ prædit ex maiori charitate; in ratione autem satisfactionis, quæ secundum se maior est.

De eleemosynæ necessitate, siue de eo, quòd eleemosyna generatim accepta interdum cadat in præceptum.

C A P V T Q V A R T V M.

DE rei eleemosynariæ vtilitate actum est paulò antè, consequens nunc est, vt nonnulla quoque de eiusdem necessitate in medium adferamus. Quòd igitur pauperibus benignè facere, res sit non semper libera; ita vt quouis tempore & loco, & cū merito exerceri, & citra noxam rursus omitti queat, id ex iis, quæ suprà, dū de misericordiæ & eleemosynæ ortu & natura disputabatur, perspicuū est. Si quidè inter externos charitatis actus, eleemosynam principatum tenere ostensum est. Cū ergo proximi dilectio inter Euangelicę legis præcepta potissimum locum sibi vendicet, sit, vt ea omnia præce-

præcepti vim obtineant, citra quæ ea dilectio salua consistere non valet. At ea locum suum tueri nequaquam potest, nisi ita comparati simus, vt & bene illi velimus, & benignè rursum, si necessitas id postulet, & adminiculandi facultas suppetat, eidem faciamus. *Qui habuerit substantiam huius mundi, scribit Ioannes, & viderit fratrem suum necesse habere, & clauferit viscera sua ab eo, quomodo charitas DEI manet in eo? quasi dicat: nullo modo.*

Ad hæc certum est, nulli prorsus mortalium sempiterni ignis supplicium irrogari, nisi propter violatum aliquod præceptum: at qui supremo illo mundi die, plurimi ob neglectum eleemosynæ studium æterni ignis cruciatibus addicentur; planum est enim illud CHRISTI: *Discedite à me maledicti in ignem æternum. Esurimi enim, & non dististis mihi manducare: sitiui, & non dedistis mihi potum, hospes eram, & non collegistis me &c.*

Hic loco cognatum est, quod de diuite epulone apud Lucam legitur. Nam etsi luxur, quotidiana comessatio, cæteraque, quæ his adiungi plerunque solent, causam illius vehementer grauauerint, præcipua tamen damnationis illius causa extitit, summa eius in summe miseris duritia, & inclementia.

SED neque multum quoque ab hoc exemplo dissidet, quod de altero diuite apud eundem Euangelistam extat: *Quid faciam, aiebat ille, quia non habeo, quò congregam fructus meos. Et dixit, hoc faciam: destruan horrea mea, & maiora faciam, & illuc congregabo omnia, quæ nata sunt mihi, & bona mea. Et dicam animæ meæ: Anima habes multa bona posita in annos plurimos, requiesce, comede, bibe, epulare.* Hæc diues ille prorsus insanè & stolidè. Vnde Basiliiu cognomento magnus: Non fuit memor communis naturæ; non putabat, superfluum in egenos distribuendum esse, nullam præcepti habuit rationem: *Ne abstineas beneficere inopi, & eleemosynæ & fides ne deserant te. Et frange esuriienti panem tuum.* Et omnes Prophetæ, & omnes Doctores vociferantes non audiebantur; sed horrea quidem propter repositorum multitudinem angusta disfrumpebantur, parcum verò cor non replebatur.

DENIQUE lex noua non minorem perfectionem & charitatem exigit ab homine Christiano, quam lex vetus quondam exigebat ab homine Iudæo, sed hætenus maiore, quatenus noua veteri multis partibus præstat: Atque Iudæis non solum primitiæ,

Ea omnia cadit in præceptum, citra quorum obseruationem proximi dilectio salua consistere non potest.
1. Ioan. 3.

Nemo damnatur, nisi propter violatum aliquod præceptum.

Matth. 25.

Cap. 16.
Diuitem epulonem non tam luxur, quam immiseriordia dānauit.

Luc. 12.

Orat. 1. ad diuē.

Ecles. 4. 7.

Eia. 58.

Lex noua, non minore exigit perfectionē, quam lex vetus; sed certa quæ ratione maiorem.

communesque decimæ, & alia eiusmodi indicebantur; sed certæ quoque eleemosynæ; compertum est enim illud Deuteronomij: *Non deerunt pauperes in terra habitationis tuæ; idcirco ego precipio tibi, ut aperias manū tuam fratri tuo egeno, qui tecum versatur in terra.* En grauissimum de egenorum sustentatione præceptū, quod æquè strictè, vel strictiùs quoque hac ætate obligat CHRISTI Sacramentis initiatos, atque olim obligabat Iudæos. Constat namque, quod de pauperum cura hîc decernitur, non pertinere ad iudicia, vel caremonias; sed ad legem morum, & placita naturæ. Quæ autem eiusmodi sunt, ea ad sui obseruationem obstringunt omnes; & eos certa quadam ratione ampliùs, qui maiorem fidei diuinæque gratiæ lucē hauserunt.

TRIBVS his argumentis planè inuictis addo, non eos solum violat præcepti reos fieri, qui in fontem, vel fontem quoque priuata autoritate occidunt; sed eos etiam, qui, quos poterant, & debebant, à morte nō defendunt: Tales autem, communi sanctorum patrum sententia sunt, qui fame morientes, cum possent, non pascunt. Ambrosius: *Pasce fame morientem, si non pauperis, fame occidisti.* Gregorius: *Qui commune DEI munus sibi vendicant, tot quotidie perimunt, quot morientium pauperum subsidia, apud se abscondunt.*

ADDO denuo, permultos passim tantis opibus affluere, ut in domesticum & necessariū vsum omnes absumere nequaquam valeant; at verò quod ad familiam alendā, statumque honestè tuendū absolute est superuacaneum; alteri autē, ut viuat, vel statui suo conuenienter viuat, simpliciter necessariū: hoc totum, si summis Theologis fides est, ut sanè magna est, nō est occupantis, sed eius, cui ad naturæ, vel personę sustentationem simpliciter est necessarium, adeoque certa quadam ratione violententer detentum est. Ambrosius: *Quod plus est, quam sufficeret sumptui, violententer detentum est.* Hieronymus: *Aliena rapere conuincitur, qui ultra necessaria sibi retinere probatur.* Verum de duobus his argumentis paulò post ex instituto: Ut quæ rei eleemosynariæ summam quodammodo contineant.

ADDO tertio & postremò graue præceptum (quippe quod legum, & præceptorum omnium basis & fundamentum existat) editum extare, quo id aliis præstare iubemur, quod nobis in pari periculo, casu, vel difficultate constitutis, ab aliis præstari meritò optare-

Cædis rei sunt,
qui cædē, quam
possunt, nō im-
pediunt.

Pasce, d. 86.

P. 3. cur. past.
adm. 11.

Sicut hî, d. 47.
Hospitalem d.
42.

Matth 7.

optare-

optaremus, vel iusto sanè titulo optare possemus. Cùm itaque accidere queat, vt in tale aliquod vitæ discrimen adducamur, vnde, nisi alterius ope erigamur, eluctari nullo modo valeamus, efficitur, vt nos quoq; (ni in naturæ legem committere fortè velimus) in simili vita, famē, aut fortunæ discrimine vel difficultate hærentibus, pro viribus opem ferre obligemur.

His rationibus maioris lucis roborisq; causa aliquot Patrum & Scripturarum sententias adiicere placet. Cyprianus igitur in oratione de opere & eleemosyna, inter cetera, ita scribit: Nunquā, fratres, admonitio diuina cessauit, quò min⁹ in Scripturis sanctis, tam veterib⁹, quàm nouis semper & vbique ad misericordiæ opera, Dei populus pronocaretur. Et canente & exhortante Spiritu sancto; quisquis ad regni cælestis spē instruitur, facere eleemosynam iubetur. & infra: In Euangelio Dominus doctor vitæ nostræ, & magister salutis æternæ, viuificans credentium populum, & viuificatis consulens, inter cetera sua mandata diuina & præcepta cælestia nihil crebrius mandat & præcipit, quàm vt insistamus eleemosynis dandis. Facit huc quoque illud Hieronymi:

QV) clementiam non habet, nec indutus est viscera misericordiæ, & lachrymarum, quamuis spiritale sit, nō implet legem CHRISTI. & illud Pelagij Pontificis Maximi: Qui negat, misericordiam faciendam necessitatem patientibus, ipsum CHRISTVM negat, qui est misericordia & veritas, & omnibus necessitatem patientibus subuenire iubet. & illud Ambrosij: Hec & alia officiorū præcepta propria sunt singulorum, misericordiæ communis est usus; ideo commune præceptum est. Omnibus ætatibus, omnibus officiis necessaria est, & ab omnibus deferenda. & illud Augustini:

CAETERVM dispendium est magnum, si DEVM de DEI dono promereri nolueris, aut cùm tibi Dominus ad hoc dederit, vt dispenses, eiusdem delegata non serues. Semper enim sua Dominus sibi dispensanda interim commendauit. De re sua pauperibus dare præcipit, cur dantis iussu contemnis? cur Dominum iubentem dare non audis? Facile enim pecuniam acceptam poterit amittere, qui, quod accepit, in lucrum noluerit erogare. & illud Gregorij Magni:

DICUNT quidam: concessis vtimur, aliena non rapimus; et si digna misericordiæ retributione non agimus, nulla tamen peruersa perpetramus. Quod idcirco sentiunt, quia videlicet aurē cordis

Id aliis præstare obligamur, quod iure nobis ab aliis præstari vellemus.

Qui clement. d. 86.

Epist. 1.

In singulis d. 86.

Ser. 76. de temp.

P. 3. cur. past. admi. 22.

458-

Luc. 16.

à cœlestibus verbis claudunt. Neque enim diues ille, qui induebatur purpura & bysso, & epulabatur quotidie splendide, aliena rapuisse, sed propriis infructuosè vsus perhibetur, eumque post hanc vitam vltix flamma suscepit. & illud Gregorij Nazianzeni:

Soc. de pan. am.

CAETERVM multò magis mandato diuino moueri debemus. Quodnam porrò hoc mandatum est? at videte, quæso, quàm constans sit, minimèque fucatum. Neque enim hominibus Spiritu sancto afflatis satis fuit, semel atque iterum de pauperibus sermonem habuisse; neque quidam duntaxat de his rebus verba fecerunt, reliqui minimè, aut alij copiosius, alij parcius, veluti de re non ita magna, nec admodum necessaria; verùm & omnes in vniuersum, & sedulò quisque, & primùm vel inprimis ad eam rem nos exhortatur; nunc admonentes, aut comminantes; nunc exprobrantes; nonnunquam etiàm eos, qui hanc virtutem assequuntur, laudibus effrentes, nimirum vt assidua commitione, nos ad præcepti huius expletionem inflamment. & illud tandem Chrysostomi:

Hom. 34 ad Antio.

VIDEAMVS & huius mandati vim, & quantam potentè superabundantiàm habeat liberalis eleemosyna, vt lucrum ex ea constatum agnoscentes, eam promptè transigamus. Nam fortè tanta est eius facultas, vt non solùm peccatum detergat, verùm ipsam quoque mortem effuget. En omnes isti, pluresque ex veteribus alij misericordiam diuinitus præceptam asserunt.

Deut. 15.

PORRÒ autem Scripturæ, quæ præcepti speciem præ se ferunt, etsi non omnes absolute præcipiant, sunt quàm plurimæ. Ex utroque Testamento attingam nonnullas; scriptum est ergo: Si vnus de fratribus tuis, qui moratur inter portas ciuitatis tue, ad paupertatem deuenerit, non obdurabis cor tuum, neque contrahes manum tuam; sed aperies eam pauperi. item: Noli auertere faciem tuam ab illo paupere. Si esurierit inimicus tuus, ciba illum: si situerit, dà illi aquam bibere. item: Frange esurienti panem tuum, & egenos vagosque induc in domum tuam: cum videris nudum, operi eum. item: Quod superest, date eleemosynam. Facite vobis amicos de mammona iniquitatis, date & dabitur vobis. Vendite, quæ possidetis, & date eleemosynam. Facite vobis sacculos, qui non veterascunt. Estote misericordes, sicut & pater vester misericors est. item: Qui habet duas tunicas, det non habenti: & qui habet escas, similiter faciat. item: Diuitibus huius sæculi præcipe, non sublimè sapere: neque sperare in incerto diuitiarum, sed in DEOVINO. Bene agere, diuites fieri in bonis operibus, facile tribuere, communicare.

Tob. 4.

Luc. 11.

Prou. 25.

Esaï 58.

Luc. 12.

Luc. 6.

Luc. 3.

1. Timo. 6.

thesau.

thesaurizare sibi fundamentum bonum in futurum, ut apprehendant veram vitam. Mitto reliqua, ne in re non prorsus ignota, iusto operosior videar:

CVM ergo Scripturæ & Patres eleemosynam dandam esse clament, pluresque graues rationes validè id confirment, nulla est causa, cur quispiam, eleemosynam generatim accepta, sub præceptum cadat, in quæstionem vocet, aut quicquam omnino ea de re dubitet. Verùm quòd non eadem omnium præceptorum sit ratio, neque eadem rursùm omnium obligatio, res monere videtur, ut paucis hoc loco explicemus, quando, & quos, & quatenus præceptum illud obliget.

De extreme egestatis casu; hoc enim occurrente, præceptum eleemosynarium obligare communiter dicitur. Discutitur hic quoque, num hic casus absolutam donationem semper exigat, an verò locationem, aut mutationem interdum quoque admittat.

CAPVT QVINTVM.

VERVMENIMVERO licèt lex eleemosynam generatim indicet; attamen quòd hoc legis decretum, vnum ex eorum numero sit, quæ fieri aliquid iubet, adeoque non semper obligant; sed pro loci, temporis, & reliquarum circumstantiarum ratione tantùm: ob id doctrinæ methodus postulare videtur, ut hinc ordine exponamus, quando, & quos obliget. Pendet autem nodi huius solutio maiorem partem ex diuitum, & pauperum qualitate, eorundemque inter se discrimine. Constat namque, non omnes, qui diuitum nomine veniunt, æquè opulentos esse; neque omnes rursùm, qui pauperum appellatione censentur, æquè miseros esse.

ASSIGNANT autem, qui hac de re disputant, tres diuitum ordines, & totidem pauperum classes. Sunt enim diuites (quos pauperes rectius dixeris) qui id vnum possident, quod naturæ sustentandæ absolutè est necessarium: Siue qui vnum hoc solùm in bonis habent, quo se suosque tenuiter alant. Sunt alij, quibus hæc ipsa, & ea præterea, quibus statum suum honestè tueantur, suppe-

E tunt

Præcepta, quæ iubent, obligant pro circumstantiarum qualitate.

Nec omnes diuites æquè diuites, nec omnes pauperes æquè pauperes. Triplex diuitum ordo & status.

tunt: Nam & hic quoq; citra causam negligi nō debet; quippe qui inter externa bona principatum facili obrineat. Sunt alij tādē, qui plurima, neq; vitæ, neq; personæ quoq; necessaria occupant: è quorum grege erat Euāgelicus ille, qui anxius, vbi sua reponeret, ita aiebat: *Quid faciam, quia non habeo, quò congregem fructus meos?*

Luc 11.

Triplex pauperum status & ordo.

Ad pauperes quod spectat, sunt qui extremè egent: Sunt rursum, qui communi quadam paupertate tenentur, qui eiusdē proremodum sunt notæ, cum primi ordinis diuitibus. Sunt denique, qui inter hosce quasi extremos, medium quodammodo tenēt, de quibus suo postea locopleniùs: Siquidem hoc pauperum regnum patet latissimè. His paupertatis & opulentia gradibus diligenter notatis & obseruatis, non erit admodum operosum, diiudicare quando, & quos præceptum, de quo hīc sermo est, obliget.

Nemo tenetur ea in pauperes etiam extremè minus erogare, quæ necesse sunt necessaria.

PRIMO namq; extra omnem controuersiam est, neminem vel in extremè egentis ea erogare vlla omniū lege obligari, quæ ad priuatum suæ suorumq; vitæ vsum absolutè censentur necessaria. Iubemur sanè proximum diligere, totòq; quod aiunt, affectu in ipsum ire; at non supra nos, sed æquè ac nos ipsos. Imò verò in ordinem charitatis committunt, qui plùs proximū, quàm seipsos diligunt. Secludim⁹ hinc casum, quo vita extremè egentis Ecclesiæ, vel Reipub. magis vsui videretur futura, quàm nostra priuata: Nam cū bonum eò censerī soleat diuini⁹, quò in alios sese diffundit vberius, licebit tum priuatam min⁹ vtilē, reique publicæ min⁹ necessariam, pro aliena magis vtili, magisque necessaria impendere, aut certè morti exponere.

Quo casu proximi vitam propriam liceat anteferre.

Statui necessaria nemo in vulgares pauperes intromittere obligatur.

ÆQVE certum est, nullum omnino mortalium (nisi quis forsā, abdicatis omnibus, vitæ statum mutare decreuisset) ea in vulgares, secundū ordinis pauperes exponere, lege aliqua obstringi, quæ loco, vel personæ, quam in Repub. vel Ecclesia sustinet, tuendę, simpliciter sunt necessaria. Est profectò proximi commoditas magnificienda semper, (nam & hoc ratio suadet, & charitatis lex suo quodam modo iure efflagitat) at non tanti, vt eius rei causa virum honestum famę, vel status iacturam facere oporteat: quippe cū ingenuè nati & educati vitæ turpitudinem non min⁹ soleant detestari, quàm mortem ipsam. Quòd si personæ absolutè necessaria, communi paupertate obstrictis iure nō debentur, multò min⁹ debebuntur ea commentitiis pauperibus, de quibus postea.

CERTVM

CERTVM est tandem, & apud omnes rectè sentientes indubitatum, quod ad nostram, nostrorumq; vitam non est necessarium, id in extremè egentes eatenus erogandum esse, quatenus extrema illorum miseria, vel inopia id postulat. Nam si eleemosynarium præceptum vsquam vim, aut locum habet, vt se penumero habet, hic citra vllam controuersiam, iustissimam habet. Si enim certo peccato sese obstringit, qui inimici iumentum sub onere prostratum, vel in foueam, vnde emergere per se non potest, prolapsus, non erigit, quid nobis de eo cogitandum est, qui fratrem fame morientem, cum possit, non reficit?

IMO verò extrema illa egestate urgente, non ea solù promptè & liberaliter communicanda sunt, quæ priuatæ vitæ vsibus, absolute supervacanea sunt; verùm ea etiam, quæ ad eum usum non ita multum necessaria sunt. Nam cum dilectio & dilectionis ordo ex quo ferè sint in præcepto; neq; secùs ex charitate, diligèda sit vita proximi, quàm propria: sit, vt maioris nos eam facere oporteat, quàm externa corporis commoda, eidem corpori nò admodum necessaria: Quemadmodum pluri quoque ducere iubemur eiusdem proximi animam, spiritalemue eiusdem salutè, quàm vitam propriam; & pluri itidem illius honorem & famà, quàm nostram pompam. Est enim proximi fama res, vulgaribus fortunæ commodis multis partibus præstantior.

QVVM? quòd non ij solùm in charitatis legè committunt, qui extremè egentibus pro viribus nò opitulantur; sed illi quoq; qui benignà dexterà illis non porrigunt, qui ad extremam illam miseriam & egestatem, nisi adsint, qui sustent, præcipites ruunt: Nam si rem recta ratione expendimus, non ille propriè extremè egere dicendus est, qui præ miseria, vel inedia animà iam agit, (eleemosyna enim datur, vt prosit, urgentemq; miseriam soluetur; qui autè in mortis vestibulo iam hæret, propter prostratas naturæ vires eleemosynæ p̄sidio ampliùs subleuari non valet) sed ille, qui in ea egestate, rerumq; difficultate versatur, vt probabile sit, breui omnino periturum, nisi alicunde subleuetur, ueq; tamen offert se quispià, à quo p̄sidium sperare queat, si ego, qui p̄sens sum, eiusdemq; miserie cōsciussum, deserà: Eiusmodi namq; ià in causa sua extremè eget. Quare pinde de eo iudicandū est, ac si ià actu extremè egeret. Inò verò ad idè charitatis officiū diuino naturaliq; iure obligari

Naturæ nostræ nò necessarium, extremè egentibus debetur.

Priuatæ vitæ nò admodū necessaria extremè egentibus impertien da sunt.

Vita proximi ex charitate diligèda.

Anima & salus proximi propriæ vitæ antepone da.

Quis propriè extremè egere dicatur.

videmur, si certò compertum habemus, proximum nostrum in tanta miseria & egestate versari, vt egrè admodum vitam ducaturus sit, si opem ipsi non feramus. vno aut altero exemplo id declaro.

Non tantùm extremæ egestatis casus eleemosynam exigit, sed etiam quasi extremæ.

TITIVS vicinus meus, vir quondam honestus, incidit in grauem inopiam; siue casu id illi incommodum acciderit, siue culpa (hoc enim ad eleemosynam impertinens est; tamen illis lubentiùs opem ferre consueuerimus, qui citra culpam in aliquam calamitatem inciderunt) mendicare erubescit, ne publica mendicitate notam aliquam contrahat. Video hominem pallefcere, magis magisque subinde extenuari, internòque mœrore confici. Iudico eum pallorem, eam maciem, eam tristitiam ex miseria & inedia proficisci: Iudico nihilominus, etsi miserum spiritum trahat, agrè tamen trahere, vel diu quoque trahere non posse. Animaduerto adhæc neminem, præter me, istud aduertere, vel quòd illi sim viciniore, vel quòd domesticum illius statum meliùs exploratum habeam, vel certè alios animaduertentes non curare, vel quia pauperes, vel quia duri & auari sunt, adeòque deserturi iri, si ego nò succutro. Video tandem, me aliqua possidere, quæ, vt vitâ ducâ, nò admodum videntur necessaria: quæstio est, an, omnibus illis iudiciis stantibus & impellentibus, citra Christianæ charitatis offensionem, Titium in ea egestate constitutum, deserere mihi liceat? Respondet Ioannes, imò verò CHRISTVS ipse, id nequaquâ licere. Quid ille? *Esuriui, et non dedisti mihi manducare: ite in ignem æternum.* Quid verò Ioannes? *Qui habuerit substantiam huius mundi, & viderit fratrem suum necesse habere, & clauserit viscera sua ab eo, quomodo charitas DEI manet in eo?*

Matth. 25.
1. Ioan. 3.

ADIVNGO aliud huic cognatum: Est magna in patrio solo annonæ caritas, ita vt multi passim pauperes inedia pereant. Socrates vicinus meus vehemèter eget; petit à vicinis, sed nemo dat, vel quòd vitæ superflua nulla possideant, vel quòd præ innata duritia pauperes nihil curent. Venit ad me, cui suppetunt, quibus me meosque vsq; ad proximam messem alam, & aliquid eò ampliùs, quod citra magnum incommodum illi impertiri queam, & hoc me posse iudico; Sed simul quoq; iudico Socratem, etiam si nihil à me subsidij conseqatur, dum noua frumenta colligantur, vitam pducere posse; sed id interim cum summa miseria & difficultate, magnâq; virium & valetudinis labefactione, eò quòd iâ manifesta

calamitas

calamitatis & inedia signa in ore illius conspiciam: queritur iam, opem ne illi ferre lege aliqua astringar? Respondeo, quod ex dilecti discipuli sententia respōsum est paulò antè: nempe eam me opem citra violatæ charitatis legem Socrati negare non posse.

ADDO ex naturæ superuacaneo, non iis tantum succurrendum, qui ob præsentem & vehementem egestatem periclitantur de vita; verum iis quoque, qui eadem de causa periclitantur de salute. Quamobrè si sciam, Mænum vicinum meum, virum alioqui honestum & studiosum, mera egestate compulsus aliquid, quod cum virtute, & honestate pugnat, admissurum, & vnà cum hoc persuasum habeo, si ex illis, quæ meç, meorumque vitæ necessaria nō sunt, illi subuenero, constanter in officio perstiturum, illi subuenire omnino debeo: nam etsi nemo peccet inuitus; attamen quia difficultas, qua Mæuius tenetur, est summa, & penè inexpugnabilis, obligor homini in tanta tentatione, lapsusq; discrimine constituto, manum porrigere, ne cadat & pereat. Extrema proinde, vel quasi extrema necessitate urgente, eleemosyna simpliciter cadit in præceptum.

Ex nostro superfluo non iis tantum succurrendum, qui periclitantur de vita, sed iis quoque, qui de salute.

Nemo peccat inuitus.

*QVOD EXTREMA NECESSITAS DEPOSCIT,
interdum vendere, locare, mutuo vel commodato dare
licere; interdum verò id non licere.*

VERVM enimuerò licet cum extremè egentibus res ita habeat; attamen nonnullam adhuc quæstionem adfert, iis ne, qui extremè, vel quasi extremè egent, id simpliciter, quo indigent, donandum sit, an verò tantisper, dum præsens periculum euaserint, aut ad meliorem fortunam deuenierint, mutuandum, vel locandum. Ad hoc quæsitum, propter varios casus, simplici verbo responderi commodè non potest: neque enim omnes, qui in extremam necessitatem deuenierunt, eiusdem sunt conditionis; neque res, quæ impenduntur, eiusdem quantitatis; neque qui impendunt, earundem facultatum; neque earundem quoque voluntatum. Vnum nihilominus in hac quæstione satis compertum est: nempe totum illud, quod in ea necessitate per modum eleemosynæ erogatum est, id restitutioni obnoxium non esse. Nam, vt antè explicatum est, eleemosyna est munus, vel donum, quod in-

Quod per modum eleemosynæ erogatum est, id restitutioni obnoxium non est.

digenti gratis impenditur : Quod autem venditur, vel locatur, id non datur gratis.

Cum extremè egentibus, de solutione vel restitutione nō semper pacisci licet.

ÆQYB certum est, cum extremè egentibus, de solutione vel restitutione, non semper pacisci licere. Nam, ut antè prolixè probatum est, & apud omnes non prorsus rudes in aperto est, danda est aliquando eleemosyna; hæc autem obligatio, si usquam stringit, extrema urgente necessitate stringit. Ad hac si extrema penuria laboranti ea, quibus opus habet, semper vendere, locare, vel commodare fas foret, non satis commodè asserentur, extrema necessitate premente, omnia communia esse; vel extremè egentem, ad propulsandam extremæ necessitatis iniuriam, vnde cunq; vitæ præsidia venari posse; multaq; alia eiusmodi, quæ longū esset hic referre. Deniq; si eleemosynæ præceptū extra extremæ egestatis casum sæpenumero obligat, ut citra vllū dubium obligat, quantò magis illo casu urgente, & occurrente obstringet?

Licet interdum ea vendere, vel locare, vel mutare, quæ extrema necessitas exigitur.

PORRO aut quòd ea interdum extremè egenti vendere, locare; vel mutare liceat, quibus pro necessitatis ratione indiget, illud meo iudicio cōtrouersiam nullam habet. Etenim si cui vestē, quæ à frigore repente oborto sese defendat, aut equū, vel currū, cuius præsidio irruētium hostium impetum euadat, subministrēm, dubium nullum est, quin eiusmodi vestem, equum, vel currum, vel aliud quodcunq; vitæ præsidium, ubi primū periculum euaserit, repetere mihi liceat. Pari modo, si cui centum, vel mille aureos nummos suppeditem, quibus ab eorum vi, qui præsentem illi necem intentant, se captū redimat, non est necessarium, ut eam pecunię summam capto, si aliās soluendo est, absolute donem, nunquam ampliùs repetiturus; sed abunde sat est, si per viam mutui à præsentī vitæ discrimine illum eximam.

Qui dicunt extremè necessarium iniquam vendere licere, in multis & magnas difficultates se cōiiciunt.

DENIQ; si sola necessitas eam vim haberet, ut id totum veluti proprium in aliū trāsferretur, quo is pro tempore extremè indiget, consequens fieret, si dira fame grassante, apud vnum solū panis, vel frumentum cōperiretur, nefas fore eiusmodi panem, vel frumentū iusto pretio diuitibus vendere. Sed neq; medico quoq; ab egro in mortis periculo constituto, industriæ mercedem; neq; pharmacopæo pharmacorū precium; neq; diuitibus ab egenis laborē ferre valentibus laborem, aut vllā operam pro victu exigere liceret: At hæc omnia sunt absurda, & à cōmuni mortaliū omnium.

omnium praxi omnino aliena. Quamobrè non est necesse, vt quis ea gratis semper donet, quibus extremè indigentis necessitatem subleuet; etsi aliquando necessarium id existat.

At verò quando hoc vel illud conuentus genus vsurpare cõueniat, hoc partim ex illorũ conditione spectari debet, qui necessaria vitę præsidia petunt; partim rursus ex eorum statu, qui eadẽ præsidia impertiunt; partim tandem ex rerum natura & qualitate, quæ in extrema necessitate impediuntur. Etenim si illi, qui extremè necessaria ab aliis capiunt, adeò sunt miseri, adeòq; omnibus naturæ fortunæq; prædiis destituti, vt nec habeant quicquã, nec habere queãt, vnde acceptum compensent; vel quòd artẽ nullam calleant; vel quòd viribus ad laborandũ necessariis nullis polleãt; vel quòd modum nullũ, industriam nullam rem faciendi teneãt, vt sunt cæci, claudi, senes, infirmi, & plurimi eius ordinis alij, absq; vlla cõpensationis spe, aut restitutionis pactione impedi debent, quæcunq; extrema, vel quasi extrema illorũ necessitas postulat.

CONTRA verò si illi, qui in extremam necessitatem inciderunt, vndeunque tandem huc deciderint; ita sunt inopes, vt certa tamen spe, vel alibi quoq; re ipsa sint diuites; vel quòd sano robustoq; & ad laborandum idoneo corpore sint præditi; vel quòd artem teneant eiusmodi, vnde percommode, si velint, alere se queant; vel quòd alibi necessaria vitæ adminicula reposita habeant, tamen si vbi nunc degunt, aliorum ope maximè indigeant, non erit necessarium gratis absque vlla prorsus solutionis pactione ea illis impendere, quæ status nostri honestas deposcit. Si quidem eiusmodi homines non sunt absolutè pauperes; sed tantum secundum quid, & ex parte, hoc est, secundum præsentem illorum statum.

SED neque huius quoque generis inopes ad absolutum solutionis, vel restitutionis pactum deberent adigi; sed tantum ad conditionatum, nempe vt reddant quantum commodè queant. Nam si integrè id semper persoluendum foret, quod in extrema egestate consumptum erat, nonnulli citra vllam suam noxam à sanctioris vitæ instituto, voluntariæque paupertatis professione arcerentur, hoc autem Christianæ charitatis legi non satis consentaneum videtur. Mitto hîc, sæpe contingere posse, vt in necessitate insumptum sit magnum, domi autem, vel in indu-

An cum extremè egente de solutione, vel restitutione pacisci liceat, id ex tribus capitibus spei dari debet.

Absolutè miserè, citra vllam restitutionis pactionem subleuandi sunt,

Extremè necessaria iis videri, aut mutare licet, qui secundum quid tantum sunt inopes.

Non est consuetum, absolutum pactum de restitutione cum extremè egentibus iniicere.

industria repositum exiguum. Neque enim eadem omnium lucrandi est facultas, neque eadem rursus lucrandi occasio omnibus offertur semper. Et hæc de illis sint dicta, qui aliorum præsidio ab urgente necessitate eximuntur.

DE iis porro, qui extremè, vel quasi extremè egentibus adimiculantur, ita statuimus: aut enim, qui eiusmodi vitæ adminicula suppeditant, necessaria tantum possident, aut superuacua; Si superuacua, aut ea asseruant in pios usus, aut tantum in pompam, & vitæ luxum. Iam qui ea extremè egentibus, validis tamen & ad laborem natis, vel alibi quoque necessariis abundantibus impertiuntur, quæ ad statum honestè tuendum sunt necessaria, illi iure suo utentes, solutionem, vel restitutionem ab eiusmodi egentibus licitè exigunt. Nemo enim ea alteri gratis impertiri obligatur, quibus ipse indiget, nisi vltima necessitas aliud quandoque possulet; hæc autem non urget hîc absolutè, sed tantum secundum quid. Eiusmodi tamen subsidium eleemosynæ nomen propriè non meretur, nisi forsitan secundum gratuitum usum; nam etsi subministretur indigenti, non tamen gratis.

ITEM de illis quoque statuere licet, qui ea id genus miseris impertiuntur, quæ in religiosos, vel reipub. necessarios usus recondita seruabantur, præsertim si eiusmodi impensæ precij sunt minimè contemnendi. Neque obscura assertionis huius est ratio: nam qui earum rerum præsidio ex vitæ periculo eruuntur, quæ ad tuendam alterius dignitatem, vel ad promouendum Ecclesiæ, vel Reipub. commodum reposita fuerant, illi sanè, quatenus per vires & facultates licet, naturali quadam equitate ad illorum compensationem obligantur. Quod si naturalis equitas debitam compensationem efflagitat, cur eam iurata cautione, vel simplici promissione, vel certè conditionali sponsione, puta si compensare queant, exigere non liceat?

E diuerso verò si qui sunt, qui extremè miseris modica quadam impendunt, & ex iis impendunt, quæ neque vitæ, neque personæ necessaria sunt; neque ad vllum pium opus asseruata sunt, illi, nisi contra decorum agere fortè velint, totum, quod necessitas exigit, absq; vlllo prorsus absoluta, vel conditionata pactione impendent. Nil tamen turpe istiusmodi designarent, si grandia absq; aliquo compensationis pacto non absolutè inopibus, tametsi extremè

Quæ ad status usum, vel ornatum sunt necessaria, ea cum restitutionis pacto non absolutè miseris impendere licet.

Quiuis, quo ad eius fieri potest, reipub. indemnem seruare obligatur.

Qui ex superuacuis modica egentibus impendit, citra restitutionis pactum impendere debent.

tremè egentibus, præstare nollent. Nam etsi personæ non necessaria possidentes, eleemosynâ erogare teneantur, nō tamen tantum huic præcisè; sed huic, vel illi, vel alteri cuicunq;.

Ex prædictis regulis colligi vtcunq; potest, quid de iis rebus statui debeat, quæ extrema urgente necessitate incio Domino ablatæ fuerant: Nam si illæ erant minimè parvæ, & per illos subductæ, qui non absolutè inopes erant; sed tantum secundum quid; & iis tandem ademptæ, quibus ad statum honestè tuendum nihil supererat, dubium nullū est, quin restitutioni sint obnoxie. Quod si verò, quæ sublata fuerant, modica erant; & ex iis, quæ statui necessaria erant, subducta non erant, & per verè absolutèq; miseros subducta erant, nulla opus erit restitutione. Idem de iis nonnulli sentiunt, quæ simul rapiuntur & absumuntur; siue priuato siue alieno nomine rapiantur; dummodò tamen propria, quibus alienæ miseriæ succurratur, nulla adsint. Qui enim rebus priuatæ vitæ non necessariis parceret, & alienas inuaderet, ab hoc vinculo immunis non esset.

CONSTAT hinc quoq; , qui ea in extremè egētes erogant, quæ ante eiusmodi extremam egestatem, per vim, vel fraudem occupauerāt, à restitutionis lege simpliciter non absolui, sed tantisper solum, dum contracto debito soluendo pares euadant. Nam etsi restitutionis debitum, ex iniusta acceptione ortū, propter extremam egestatem consopiat, non tamen simpliciter extinguitur: reuiuiscit enim, vbi primum soluendi facultas nata fuerit. Quod si eleemosyna in extremè miseros erogata, ab illorum restitutione non liberat, quæ dolo, vel fraude antè intercepta fuerant, multò minùs liberabit à mutui, vel depositi restitutione.

DENIQUE si raptores, depositarij, vel mutuatarij ab eorum restitutione non absoluuntur, quæ ex rapina, deposito, vel mutuo extremè indigentibus impertiti fuerant; neque ab eorum quoque solutione absoluentur, quæ ipsi in simili egestate constituti, ex eiusmodi rebus absumpserant. Neque enim vlla apparet ratio, cur ab alijs in extremè egestatis periculo constitutis insumpta, restitui debeant, à se autem in simili casu absumpta, restitui non debeant. Horum omnium vna hæc est ratio, quod extremè laborantem ex alienis subleuare non licet, si adsint propria. Et hæc breuiter de eleemosyna, quam extrema necessitas vt debi-

F

tam

Quid de earum rerū restitutione statuendum, quæ extrema urgente necessitate, incio Domino ablatæ fuerant.

Qui per vim vel fraudē occupata in extremè miseros insumunt, non liberantur à restitutione; multò minùs, q mutui, vel depositi.

Ex alienis extrema inopia presum subleuare non licet, si adsint propria.

tam efflagitat. Proximum est, vt de illa nonnulla modò in medium afferamus, quæ extra extremæ necessitatis casum frequenter obligat.

De periculoso illorum statu, qui persona superflua in egenos, etiam infra extremam egestatem constitutos, velin alias pias causas non erogant.

CAPVT SEXTVM.



EXTREMA vrgente miseria omnes, qui opem ferre commodè possunt, eleemosynaria lege teneri ostensum est hucusq;: Verùm quòd hic extremæ egestatis casus, non ita frequenter vsu venire soleat; neq; tamen desint vnquam, qui secundùm status sui rationem superflua possideant; nunquam rursus, qui hoc vel illo modo non indigeant, segmento hoc sexto inuestigare lubet, illi ne tantùm in eleemosynarium præceptum committant, qui extremè laborantes non adiuvant, an illi quoque, qui quæ à statu redundant, inter egenos vel alia pia opera non dispensant.

Vt nūquam desunt opibus affluentes, ita nūquā quoq; pauperes desunt.

HOSC **E** vel non peccare, vel leuiter tantùm peccare defendunt nonnulli. Præcipua illorum ratio, est vñtata pœnitentium & confessoriorū praxis: Constat enim, pleròq; omnes, nulla opum, quas quis possidet, habita ratione, quosuis promiscuè, hoc est, diuites æquè ac pauperes absoluerè; cùm multi tamen inter eos comperiantur viri probi, & eruditi, & multi rursus pœnitentes, qui vitam mallèt amittere, quàm obulum vñum cum **D**E I offensione retinere.

Praxis confessoriorum in absolvendis diuitibus.

Periculosa eorū sententia, qui extra extremā necessitatem eleemosynam liberā definiunt.

VERVM vt hæc ratio, à communi confessoriorum praxi sumpta, est parum firma; ita eorū sententia, qui solam extremam necessitatem ad eleemosynam obligare contendunt, est admodum periculosa: vtpotè non solum à recepta doctorum hominum doctrina aliena; verùm sacræ quoq; Scripturæ parum consentanea. Scripturæ vox est; *Quod superest, date eleemosynam.* Item: *Qui habet duas tunicas, det non habenti; & qui habet escas, similiter faciat.* Item: *Si esurierit inimicus tuus, ciba illum: si sitiuerit, da ei aquam bibere.* Item: *Ego præcipio tibi, v: aperiās manum tuam fratri tuo egeno.* Iam quòd hæc, aliæq; similia complura, quæ in diuinis literis passim occurrunt, ad eos præcisè referenda non sint, qui extremè egent, patet ex communi legum

Luc 11.

Luc. 3.

Prou. 25.

Deut. 15.

& præceptorum omnium ratione: nunquam enim, quæ simpliciter, & generaliter præcipiuntur, vel proponuntur, restringi debent ad certum aliquod membrum, nisi generalis & simplex acceptio aliquod incommodum contineat, aut aliquod absurdum secum trahat, quod hic locum non habet.

Ad hæc præcepta, & leges de illis ferri solent, quæ vel frequenter, vel communiter accidunt; casus autem extremæ inopiæ tam insolens est, ut paucos cõperias, qui vnquam in aliquem inciderunt, qui extremè laboraret. Denique in sacris literis extant non pauca de egenorum cura tradita, quæ ad extremam illam necessitatem cõmodè referri non possunt. eius generis est illud Tobix: *Noli faciem tuam avertere ab illo paupere.* Et illud rursum Ioannis: *Qui viderit fratrem suum necesse habere, et clausit viscera sua ab eo, quomodo charitas DEI manet in eo?* Neque enim is tantum necesse habere dicendus est, qui præ frigore, vel fame animam agit; aut velis remisque ad eum necessitatis articulum tenditis; sed is quoque, qui necessariis vitæ præsidii destitutus viuit. Et illud tandè CHRISTI: *Discedite à me maledicti in ignem æternum: Esuriui enim, & non dedistis mihi manducare: Sitiui & non dedistis mihi potum: Iustus eram, et non collegistis me: Nudus, et non operuistis me: Infirmus, & in carcere, et non visitastis me.*

Hæc profectò ad extremam egestatem vniuersè detorqueri nullo iusto colore, aut titulo possunt. Primò enim nulla prorsus extremæ inopiæ fit hic mentio; id autem, citra vrgentem rationem, ad vnum aut alterum restringere, quod pertinet ad omnes, temeritatis videtur non parum. Deinde quædam hic recensentur, quæ vltimum vitæ periculum communiter non adducunt. Postremò incredibile fit, tot extremè egentibus opera sua defuisse, quot extrema illa iudicis sententia percelluntur: nam extrema illa paupertas rarissimè est obuia, & pauci præterea cõperiuntur, qui illis opem suam denegant, quos fame, vel frigore, vel alio eiusmodi incommodo pereuntes vident. Secundùm Scripturas igitur multò plures contra eleemosynarium præceptum peccant, quàm qui extremè laborantibus operam suam denegant.

SCRIPTURARVM sententiæ magno consensu, & numero accedunt veteres Patres; & plurimi quoque recentiores diuinorum literarum interpretes. Inter alios D. Cyprianus ita scribit: Vitæ nostræ dux CHRISTVS, *nihil crebrius mandat & præcipit*, quàm

Quæ generaliter proponitur, aut præcipitur, non debent ad certum aliquod membrum trahi.

Leges de iis ferri solent, quæ frequenter accidunt.

Cap. 4.
1. Ioan. 3.

Matth. 25.

Illud Christi, esuriui &c. multis de causis non posse referri ad solos extremè egestes.

Luc. 12. 18.

vt dandis eleemosynis insistamus. *Vendite*, ait, *quæ possidetis, & date eleemosynam*. Sanè qui solis extremè laborantibus opem ferunt, illi eleemosynis dandis non insistant: Siquidem verbum, *insisto*, quandam operis assiduitatem denotat; extremè autè egen-tes vix vnquam occurrunt.

Serm. 81.

AMBROSIVS: Ait aliquis, Quid iniustum est, si, cùm aliena non inuadam, propria diligentibus seruem? O impudens dictum, quid propria dicis, quæ, ex quibus recondis, in hunc modum intulisti? Proprium nemo dicat, quod est commune: Quod plus est, quàm sufficeret sumptui, violenter obtentum est. Et infra: Non minus est criminis, habenti tollere, quàm cùm possis & abundas, indigentibus denegare. His nihil dici, aut scribi potest clarius.

Quod à sumptu
reclundat, violen-
ter detentum
est.

Quid dicam 14.
q. 4. Ad Mace-
don.

Malè posside-
tur, quod legiti-
mè non dispen-
satur.

Hospitalè d. 42.
Ad illud Luc. 3.
Qui habet duas
tunicas,

P. 1. adm. 22.
past.

Sicut d. 47.

Quod ad quoti-
dianum victum
necessarium nō
est, id illi imper-
tendum est, qui
necessariis vitæ
præsidii desti-
tutus est.

AVGVSTINVS: Nōne omnes, qui videntur sibi gaudere de conquisitis, eisq; vti nesciūt, aliena possidere conuincuntur? Hoc certè alienum non est, quod iure possidetur; hoc autè iure possidetur, quod iustè; & hoc iustè, quod bene. Omne igitur, quod malè possidetur, alienum est. Malè autem possidet, qui malè vtitur: malè vtitur, qui, vt debet, non dispensat. Alienum apertè hīc vocat, quod in pauperes, cùm redundaret, non erogatur.

HIERONYMVS: Aliena rapere conuincitur, qui vltra neces-saria sibi retinere probatur. Et alio rursus loco: Si plus habes, quàm tibi ad victum, vestitumq; necessarium est, illud ergo, & in illo debitoricem te esse noueris.

GREGORIUS: Cùm quælibet necessaria indigentibus mi-nistramus, sua illis reddimus, non nostra largimur: Iustitiæ po-tius debitum exoluimus, quàm misericordiæ opus implemus. Eadem repetit admonitione hanc proximè antecedente.

BASILIVS MAGNVS: Esurientium panis est, quem tu de-tines; nudorum indumentum est, quod tu recludis; miserorum redemptio & absolutio est pecunia, quam tu in terra defodis. Tantorum ergo te inuadere scias bona, quantis possis præstare, quod velis. Idem exponens illud Luca: *Qui habet duas tunicas, &c.* Hīc docemur, quòd ex omni eo, quod affluit supra proprii victus necessitatem, tenemur erogare illi, qui nō habet, propter **DEVM**; qui quæcunq; possidemus, largitus est.

CHRYSO-

CHRYSOSTOMVS: Tuarum es ô homo pecuniarum dispensator non minùs, quàm qui Ecclesiæ bona dispensant. Non enim ad hoc accepisti, vt in deliciis absumeres; sed vt in eleemosynam erogares. Nunquid tua possides? Res pauperum tibi sunt credita; siue ex laborib. iustis, siue ex hæreditate paterna possideas. & paucis interiectis: Nunquid graue quippiam, aut onerosum à nobis requirit? Necessitatē excedentia, vult nos facere necessaria; & quæ nequiequam, & inutiliter reposita sunt, hæc vult bene distribui, vt hinc occasione sumpta nos coronet.

Necessitatem excedentia in necessariū pauperū vsum vertenda,

Ser. 5. de coll.

LEO Magnus: Non solum spiritalis opes, & dona cœlestia Deo donante capiuntur; sed etiam terrenæ & corporeæ facultates ex ipsius largitate proueniunt: vt meritò eorum rationem quæ siturus sit, quæ non magis possidenda tradidit, quàm dispensanda commisit.

Quæ reddunt, dispensare, non possidere iubemur.

ISIDORVS: Hoc tantum bonum habet præsentium possessio, si reficiat vitam miserorum: præter hoc tentatio est mundi lucrum; tantòque maiora supplicia in futurum dabunt, quantò & ipsa maiora sunt. Potentes enim potenter tormenta patientur; & exemplo, quod dixerat, probans, subdit: Qui hinc misericordiam non impertit, illic pietatis fructum non inueniet; exemplo ardentis diuitis, qui in inferno ad tenuissima petenda compulsus est, qui hinc tenuissima negare studuit; guttas ardens petiit, qui nicas negauit.

Lib. 3. cap. 64. de sum. 60.

Sap. 6.

Luc. 16.

THEOPHYLACTVS: Aliud est diues, aliud œconomus: nam diues est, qui sibi diuitias reservat; œconomus verò, qui ad opus aliorum illas tenet. Porro autem attende quòd diuitem quidem impossibile dicit saluari, possidentem verò difficile; quasi dicat: diues, qui captus est diuitiis, & famulatur eis, non saluabitur. At quis capitur diuitiis, quis eisdem famulatur, nisi is, qui in necessarium aliorum vsum eas non erogat; sed veluti seruus quispiam illarum custodiæ & curæ vacat, totumque cor & animum eisdem consecrat?

Diues is propriè dicitur, qui diuitiis famulatur, adeoque summam cum difficultate eiusmodi seruat.

BEDA ad illud Lucæ: *Quod superest etc.* Non ita eleemosynam facere iuberis, vt te ipsum consumas, sed vt, tui corporis cura expleta, inopem, quantū vales, sustentens. Duo obseruatione digna hic dicit: Alterum horum est, in CHRIS TI verbis præceptum latere; ait enim, eleemosynam facere iuberis: Alterum est præ-

Luc. 11.

ceptū illud non cadere in totū illud, q̄ homo possidet; sed in illud tantū, quod vitę redūdat. subdit namq;: Iuberis nō te ipsum cōsumere; sed corporis tui cura expleta, inopē, quantū vales, sustētare.

MITTO hīc Canonū & Scripturarū interpretes, vetustioresq; Scholę Theologos, inter quos etiā iure meritōq; D. Thomā cen-
seo; vtcunq; sint, qui mentem illius nō fatis affecuti, aliud ipsi im-
ponant, qui oēs vnanimi sensu atq; consensu tradunt, id totum in

11. q. 32. 5.

egenos erogandum esse, quod à statu redūdat. Verba Thomę de eleemosynę obligatione disputātis, ita sonant: Dare eleemosynā de superfluo, est in p̄cepto; & dare eleemosynā ei, qui est in extre-
ma necessitate; aliās autem eleemosynā dare, est in cōsilio. Eodē

4. d. 15. q. 2. 1.

9. 4.

tendit hęc eiisdē oratio: Cōmuniter dicitur, quōd dare eleemosy-
nā de superfluo, cadit in p̄ceptum; & similiter dare eleemosynā ei,

21. q. 66. 7.

qui est in extrema necessitate; & hęc rursus: Res, quas aliqui abū-
danter habēt, ex naturali iure debentur pauperum sustentationi.

22. q. 7. 1. ad 4.

& infrā: Tertię decimę, quas cū pauperibus comedere debebāt, in
noua lege augentur per hoc, quōd Dñs non solūm decimā partē;

Luc. 11.

Quod superest, date eleemosynā, & omnia munda sunt vobis. Plura in candē
sentētiā ex eodē auctore liceret allegare; verū quia hęc clara
sunt, à plurium allegatione superfedeo. Ex scripturis proinde, cō-

muniq; cū veterū, tūm recentiorum quoq; theologorum sen-
tentia habemus, totū id, quod victui superest, esse in verē egentes
erogandū, si adsint, etiam si extremē non egeant. Posset autē eadē
hęc veritas multis magnisq; rationibus firmari, verū q̄ in patrū
allegatione prolixiores fuerimus, vnā tantū, aut alteram adducā.

Omnis virtus in-
ter extrema me-
dium obtinet.

PORRO hīc autem quasi certū, omnem omnino veri nominis
virtutē iuter extrema mediū obtinere: & quamuis excessus chari-
tatem, virtutū omnino principē, secūdum se vel affectū corrup-
pere facile nō soleat: (neq; enim pius in DEVM, vel proximū affe-
ctus potest esse nimis) potest tamen eā deprauare secundū vsum,
vel externum effectū. Quamobrem nisi ea hīc adhibeatur cautio,
quam in cuiusvis virtutis opere adhiberi oportet, & quē illam in
alterutrum extremorū exorbitare continget, ac quamlibet aliam
moralem virtutem. Excessū charitatis harmonia dissoluitur, cū
quis inordinato sui alteriusue amore flagrās, de externis vitę hu-
ius commodis plus sibi vel alteri adiungit, quā necessitas postu-
lat,

Charitas secun-
dum externum
effectū & vsum
potest esse ni-
mia.

lat, vel æquitatis ratio suadet. Defectu verò, cum ex iisdem illis externis commodis, sciens volensq; minus sibi, vel alteri tribuit, quàm necessitas, vel usus exigit.

CVM hi ergo, qui magnis opibus affluunt, totum illud, quod post omnē domesticam necessitatem modis omnibus expletam, reliquū est, & tanta interdum quantitate reliquum est, vt locū, vbi recondant, vix inueniant, mordicus apud se asseruant, pertinaciq; studio occupant, plus de externis humanę vitę præfidiis sibi vēdicēt, quàm usus deposcat, aut æquitatis ratio permittat, (nam aliās nō essent superflua, sed necessaria) planum fit, ordinatę charitatis līmites transilire, adeoq; cœleste numen per excessum offendere. Sicut illi quoq; qui amicum vel hospitem sumptuosius, quàm par est, excipiunt, plus alteri, quàm boni mores ferant, deferunt.

RVRSVM cum iidem illi, de quibus hīc sermo est, nullum ex iis rebus, quę suę suorumūq; personę prorsus superuacaneę sunt, vitę præfidiū illis impertiunt, qui cū graui admodum, licet non extrema egestate conflctantur, minus ex communibus miserę huius vitę adminiculis distribuunt alteri, q̃ Christianę charitatis lex ferat, aut humanę quoq; societatis necessitudo sinat; (Quandoquidē iuxta naturalis æquitatis præscriptū, externa fortunę bona seruire debent primò quidē vitę naturęq; pprię; mox verò cōiunctę; postremò autē cum suę, tū proximi quoq; personę, rebusq; piis, & Reip. vel Ecclesię vtilibus vel necessariis) fit vt per defectum in alterū extremum impingant: Sicut illi quoque, qui vitę personęue proprię necessaria, quę poterant & debebant, non administrant; adeoq; vtrobiq; à charitatis & æquitatis vtriusq; exorbitant.

AD HÆC cum omnia illa, quę in familiarem vitę mortalium vsum quouis modo veniunt, iure naturali sint communia, aliáq; quo ad æconomiam & vsum, ius gentium adiudicari aliis; nihilq; ex illo gētium iure oriatur iniquū, aut ἀδικτον: (Siquidē ius illud non vndicunque, sed ab æterna lege, naturáq; mente & ratione prædita originem ducit) fieri non potest, quæ huic vel illi homini solutē superāt, vt ea quò ad dominium & vsum ipsis sint verē propria. Vsus namque absolutē redundantium, & præposterus est, & naturali & Gentium quoque iuri planē dissentaneus est. Dicimus propria esse desinere possidentis quo ad vsum & dominium: nam quo ad curam, & dispensationem, donec reip̃sa in pauperes,

Iure naturali omnia sunt communia, iure Gentium nō omnia sed superuacua tantum.

vel alias pias causas exponantur, citra noxam penes occupantem manent. Iam si absolute superuacaneum iure gentium penes possidentem non manet, secundum dominium vel legitimum usum; sed tantum secundum æconomiam & dispensationem, consequens fit, ut iure naturali, quo omnia sunt communia, indigentium efficiatur proprium, distribuendum tamen pro eius, qui occupat, iudicio & voluntate: Nam procuratio & dispensatio ex eodem illo Gentium iure competit occupanti. Quo fit, ut aperte contra naturalem iuris æquitatem committant, quicunque ea, quæ personæ propriæ nullo modo necessaria sunt, commoda oblata occasione, inter egenos non distribuunt.

Personæ propriæ
alterius fieri po-
test quoad usum.

S E D neque personæ quoque ita vnquam aliquid est proprium, ut alterius, quo ad usum, proprium effici interdum non queat. Etenim quod nunc non modo, quo ad æconomiam & administrationem; verum etiam quo ad usum & dominium huius vel illius personæ omnino est proprium, hoc ipsum, ubi primum extrema inedia alterum inuaserit, quo ad usum definit esse proprium, & secundum eundem usum eius incipit esse proprium, qui extrema egestate laborat. Quare etiam infirmorum offensione seclusa, si propria deessent, nec aliunde, quod opus est, haberi posset, liceret in dicta causa possidenti illud adimere; & in extremè egentem transferre. Hoc autem nullo modo fas foret, si in summa illa rerum egestate dominium integrè penes occupantem maneret. Causa explicata est iam antè: dictum est enim, vitam proximi, æquè ex charitate diligendam esse, ac propriam, maiorisque hanc faciendam externis fortunæ commodis, inter quæ status præsidia & ornamenta censerentur.

Plurima absurda
ex illorū doctri-
na sequitur, qui
præceptum elec-
mosynarium in
extrema tan-
tū necessitate
obligare conten-
dunt.

D E N I Q U E si extrema tantum egestate sæuiente, eleemosynarium præceptum locum obtineret, sequeretur, qui opulentissimos census possident, multaque auri talenta, quibus non vtuntur, defossa habent, & omnibus mundi huius commodis abundant, nullum peccatum admissuros, etiam si tota vita ne vnum quidem obulum in egenos exponerent: quippe cum extrema illa inopia rarissimè usu venire soleat. Sequeretur rursus, qui facultates ad statum non necessarias in mimos, vel hystriones, aut venatores, aut alias eiusmodi mortalium fæces profunderent, nullum inde noxæ partem contracturos: Siquidè quod nulli omnino, neque

neque iustitiæ, neque charitatis lege est debitum, id vtcunq; insu-
matur, in modò in peccati materiam non vertatur, crimine vacat.

SEQUERETVR nihiloscuius charitatis & iustitiæ legem æ-
què latè patere: Quandoquidem extremè egentibus lege iustitiæ
opem ferre obligamur: Sequeretur tandem DEVM non æquam
de omnibus prouidentiam habere; vt qui innumeros pauperes
necessariis vitæ præsidii destitutos reliquerit: Sunt enim plurimi,
qui citra cleemosynaria auxilia vitam tueri nequaquam possunt:
Diuites verò tantis opibus donauerit, vt splendide quoque viuendo
omnes absumere non queant. Atqui omnia hæc sunt planè
absurda; firmissimè proinde credendū est, cleemosynam nō tum
solum obligatoriam esse, cū quis obtinet superflua naturæ, &
occurrit quispiam extremè egens, cleemosynamque petens; ve-
rumetia cū quis habet superflua personæ, & offert se quispiam,
cui ea non suppetunt; quæ suæ personæ, vel vitæ omnino sunt ne-
cessaria; vel ægrè admodum, quæ ad vtrumque sunt necessaria,
parare potest.

*DILVNTVR HIC EORVM RATIONES ET
argumenta, qui præceptum cleemosynarium extremam tantū
egestate premente, obligare contendunt.*

SEd obijciebas: Durum videtur, tot diuites cōdemnare, quot
statui superuacua possident: Totrursum confessarios, quot
eiusmodi diuites in foro pœnitentiæ absoluunt. Negari sanè non
potest, plerosque ætatis huius confessarios, nulla fere, quid quisq;
in bonis habeat, habita ratione, omnibus promiscuè absolutionis
beneficium impendere: Verū hinc non sequitur, rectè semper
impendere, hoc est, inter absoluendum nihil quicquam vnquam
erroris admittere: Formidandum est enim, plures passim compe-
riri, qui absoluendi potestatem exercent, quā qui veram absol-
uendi rationem probè teneant.

Non omnes, qui
in foro pœniten-
tiæ absoluūt, re-
ctè semper absol-
uunt.

ADHÆC magno opus est iudicio, magnòque rerum poli-
ticarum & æconomicarū vsu, vt hunc vel illum plura, quā opus
sit, possidere certò ac liquidò concludas. Nam qui certam hîc
sententiam prolaturus est, multa cōsideret oportet: Puta statum,
familiam, eius denique qualitatem, seruos, ancillas, alumnos,

Non est facile de
personæ super-
uacuo sententiā
ferre.

G hospi-

hospites, donationes, extraordinarios sumptus, futuros casus, licet non omnes, sed communes tantum, & alia id genus complura; quibus omnibus diligenter consideratis, & ad æquitatis bilan-
cem reducis, fortè non tam multi exuperantia possidere inueni-
entur, quàm multi tenacitatis nomine passim insimulantur. Præterea poenitentes, quorum dictis, nisi de opposito apertè constet, fides habenda est, (Ponitur enim vnumquemque suæ salutis curam habere) de facultatum suarum ratione interrogati, rarissimè plura se possidere profitentur, quàm quæ statui suo conseruando sint necessaria.

Poenitenti in propria causa fides habenda, nisi constet de opposito.

Statui necessarii non consistit in puncto, sed in quadam civili latitudine.

ACCEDIT huc quoque, personæ statuique tuendo necessarium, non consistere in puncto; sed in quadam civili latitudine. Etenim quibusdam ad tuendam status dignitatem centum aurei nummi sat sunt; aliis quingenti parum sunt. Quidam multis milibus locum suum vix defendunt. Sed & illi ipsi quoque, qui centum aureorum censu vtcunq; honestè & commodè alere se possunt, si 120. aut aliquid eo amplius fortè possideant, non statim vt superuacanea iniuste occupantes, condemnandi sunt. Nam præter quàm quòd rerum præcia & tempora inter se sint admodum diuersa, possit etiam casus quispiam accidere, qui magnam aliquam elemosynam, aut domesticam impensam exigeret. DENIQUE licet sententia, quàm hîc defendimus, sit tutissima, communissima, magnisquæ rationibus & fundamentis nixa, opposita tamen vt erronea ab Ecclesia nondum est præscripta. Et hoc quidem ad id dici posse videtur, quod de communi confessariorum consuetudine obiiciebatur.

AD alterum argumentationis membrum, quod de periculosa diuitum conditione proponebatur, responsionis loco illud

Matth. 19.

Marc. 10.

Luc. 18.

1. Timo. 6.

Iacob. 5.

CHRISTI Seruatoris allegari potest: Amen amen dico vobis, quia diues difficile intrabit in regnum cælorum. & illud rursum eiusdem: Filioli quàm difficile, qui pecunias habent, in regnum DEI intrabunt? Facilius est camelum per foramen acus introire, quàm diuitem intrare in regnum cælorum. Cognatum est huic illud Pauli: Qui volunt diuites fieri, incidunt in tentationem, & in laqueum Diaboli, & desideria multa inutilia, & nocua, quæ mergunt homines in interitum, & perditionem. Sed neque multum quoque ab his CHRISTI & Apostoli oraculis disidet illud Iacobi: Agite nunc diuites, plorate ululantes in miseriis vestris, quæ adue-

adueniunt vobis. Diuitiæ vestra putrefacta sunt; & vestimenta vestra à tineis comesta sunt; aurum & argentum vestrum aruginauit, & ergo eorum in testimonio vobis erit, & manducabit carnes vestras, sicut ignis. & quæ grania diuitibus, & sæculi huius dynastis ominantur alij diuinorum oraculorum interpretes.

Periculosus diuitum status, sed non omnium.

AT certum interim est, terribiles illas Scripturarum comminationes, de omnibus diuitibus indiscriminatim accipi non posse: (Nam & Abraham, & Isaac, & Iacob, & Iob, & Dauid, & Zachæus, & Ioseph ab Arimathia, & alij complures magnis opibus valuerunt, qui omnes tamen prospero vento ad salutis portum appulerunt) sed de iis præcipuè, qui diuitiis in suam, aut aliorum perniciem, aut in CHRISTI iniuriam abutuntur, aut per imposturam, fraudem, vel rapinam illas colligunt; aut certè contra charitatem, quæ proximo debetur, easdem detinent. Contra quos ex instituto agere videntur, quæ paulò antè ex Apostolo Iacobo allata sunt.

Multi diuites solum consecuti sunt.

ET ENIM dum ita scribit: *Diuitiæ vestra putrefacta sunt; vestimenta vestra à tineis comesta sunt; aurum & argentum vestrum aruginauit*, perinde est, ac si scribat, vel dicat: Vina, frumenta, ceteraque humanæ vitæ præsidia, quæ, quòd vobis ad vsum redundarent, in egenos erogare debueratis, & non erogastis, in horreis vestris, in arcibus vestris, in cellis vestris, præ multitudine compntruerunt. Vestimenta, quibus frigore rigentes tegere, & ab aëris iniuria munire vos oportebat, in acruum congesta, tineis & blattis escam fecistis. Aurum & argentum, quo captiuos redimere, nudos vestire, esurientes reficere iussi eratis, in terra defossum æruginè sitique obduci passi estis: propterea *plorate ululantes*, quia grauissima supplicia vobis imminent. Hæc autem comminatio & obiurgatio in illis locum non habuit, quorum iam meminimus: Erant enim illi hospitalitati, ceterisque pietatis & misericordiæ operibus deditissimi. Quamobrem non est quòd auari, inhumanique diuites horum exemplo impunitatem sibi promittant; vtcunque sit, periculosus est diuitum status, hoc præsertim tempore, quo tantum avaritia inualuit, Christianaque charitas, & operum misericordiæ studium tantopere refluxit.

Iacob. 5.

Loc⁹ Iacobi auros diuites grauitè perstringēs.

OBIICIS denuo: Panormitanus, & alij quidam haud contemnendæ auctoritatis & eruditionis viri eleemosynarum largitionem, extra extremæ necessitatis articulum, liberam pronunciant. Pronunciant sanè, verùm id non ex sua, sed ex D. Thomæ, quam malè assecuti erant, sententia; hanc enim illi allegant. Quare non est mirum, si à communi sententia degenerarint. Sed hætenus quoque libera est, quatenus eiusmodi diuites, quod superest, non obligantur certæ alicui personæ tribuere, sed huic, vel illi, vel alteri, cuicumque visum fuerit. Neque hoc die rursum, mense, vel anno; Possunt enim ea, quæ personæ reliqua sunt, apud se asseruare, dum vel maioriuandorum pauperum opportunitas, vel euidentior Ecclesiæ vel Reipub. vtilitas, vel vrgentior quoque erogandi necessitas occurrerit. Nam etsi in laude poni soleat, ea statim in pauperes erogare, quæ statui necessaria non sunt, non est hoc tamen semper consultum, nedum absolutè præceptum, aut simpliciter necessarium: Expedit enim interdum, expectare commodam erogandi occasionem. Denique vt ex illorum scriptis colligi potest, non accipiunt extremæ necessitatis articulum pressè; sed ea latitudine, vt grauem quoq; inopiam comprehendat; quo sensu tolerabilius est, quod opinantur.

OBIICIS tertio: Si id totum, quod præsens vitæ status non deposcit, in pauperes infra extremæ egestatis metam constitutos dispartiri necessum est: Ergo nulli opulèto fas erit, splendide ædificare, aut dignitatem aliquam coëmere, aut monasterium vel studioforum hominum collegium extruere, aut ab alio extructum dotare; Nam quibus hæc afficerentur, quo ad vsum non sua, sed pauperum essent propria. Sed neque iis quoque, qui magnis opibus affluerent, mercaturam exercere, aut oblatam hæreditatem adire ius esset: Quandoquidem æquè vitio obnoxium videtur, superuacanea, siue per mercaturam, siue per aliam quamcunque artem, viam, vel professionem conquirere, atque iam antè conquisita, aut quouis iure vel titulo obtenta retinere. Rursum quicquid cū virtute, laude, & honestate licet quærere, hoc ipsum etiam cum virtute, laude, & honestate quæsitum licet possidere. Atque hæc omnia à communi mortalium sensu, diuitumq; huius sæculi vsu sunt admodum aliena.

Panormitanus
D Thomæ sen-
tentiam non af-
fecutus.

Quo sensu elee-
mosyna extra ex-
tremæ necessita-
tis casum libera
dicatur.

NIMIS angustè propriam eleemosynarum rationem, statusq; decentiam vsurpas arguator: Nam, vt alibi dictum est non semel, & prudentibus per se notum est satis, Ecclesias dotare vel exadificare, Bibliothecas publicas, vel studioforum hominum collegia instituire, ὀρφανοτροφεία, γερουσιόμεια, νοσοκομεία, παρθενοτροφεία, aliâque id genus pia & publica opera erigere, perpetuisque censibus locupletare, adeò cum verarum eleemosynarum, piarumq; causarum ratione non pugnat, vt principem quoq; locum inter illas obtineant: Pari modo vxorem, liberos, reliquosq; domesticos honestè decenterq; habere; & vnde honestè decenterque in posterum habeantur, per mercaturam vel aliam quamcunq; licitam viam vel artem conquirere; Filia dotem, vt honestiùs elocetur, augere; In filium vel nepotem studiorum causa maiusculos sumptus facere, hoc non est, statum, quem obtines, aut personæ, quam sustines, limites transcendere, aut statui nõ necessaria possidere; sed spartam, quam nactus es, pro viribus ornare: Siquidem in his rebus status dignitas potissimùm versatur.

DE status mutatione idem fortassis dici queat: Nam si dignitatem, vel magistratum non vulgarem vtrò oblatum (dummodo tamen ea suppetant præsidia, quibus cum dignitate, & publica utilitate administrare valeas) inculpatè licet admittere, quo tamen admissò status qualitas plerunq; mutatur: (Aliud est enim priuatam vitam ducere, aliud in publico magistratu versari) cur non etiam per media honesta, & licita, ad eiusmodi magistratus entit? Certè non videtur maius periculum in obeundis ciuilibus muneribus, vel maius peccatum in iisdem expetendis, quàm in Ecclesiasticis: Si adhæc ergo per vias honestas contendere licet, cur non etiam ad illa? Ea propter si quis ea possideat, quæ ad præsentem statum honestè tuendum abunde sat sint, ad supremum autem magistratum in ciuitate obtinendum sat non sint, nullam video causam cur istiuscemodi homini rei augendæ studio tantisper vacare non liceat, dum per opes capeffendo magistratui idoneus euadat. Modò tamen propter eiusmodi animi institutum pauperum etiam vulgarium, ne dum extremè vel quasi extremè egentium causam non negligat; aut indiligentiùs quàm par est tractet; neq; quicquam omnino, quod cum iustitia vel honestate pugnet, ea de causa committat.

Eleemosynæ ratio & status decentia latè patent.

Per media licita, ad sublioriorem statum contendere, per se non est illicitum.

Quo sine opibus
magnis affluen-
tibus liceat ne-
gotiari, aut mer-
caturam exer-
cere.

Sed neq; iis quoq; , qui & sorte & statu suo cōtenti viuunt, & omnibus vitæ personæq; necessariis abundant, negotiari aut oblatam hæreditatē adire vlla omnino lege, aut iure inhibitum est: Nam etsi negotiari non debeant, quò plura in nullum vsum recōdāt (ponimus enim omnibus necessariis affluere,) possunt tamen negotiari, quò ad benignè faciendū egenis potentiores subinde euadant: Vt si antè decem tantum pauperes ex vitæ residuis alebant, postea auctiores iam facti, alant 12. aut 15. aut 20. Lex itaq; eleemosynaria nulli negotiandi, aut rem faciendi viā præcludit, sed occasionem potiùs offert impigrè laborādi, sobrieq; & parcè viuendi; per vtrumq; enim augetur facultas bene de proximo e gente merendi. Luxus enim & otium non muniunt viam ad eleemosynam; sed ad rapinam, & fraudem, & alias malas artes.

Obiicis quartò & postremò: Nulla apparet ratio, cur id alteri impertiri obligemur, quod ipse vel vltro oblatum, vel antea tutò possessum liberè, si voluerit, repudiare potest: Atqui potest quispiam, vel sponte, vel voto iuramentoue obstrictus, in tanta paupertate, rerumq; omnium inopia & tatem agere, quantam humana imbecillitas ferre vix queat: Quemadmodum multos eximæ sanctimonix viros in eiusmodi egestate olim vixisse, & etiānum quosdam viuere certum est: Si ergo proximo adest, unde viuatur, sicut semper adest, nisi extrema inopia labore, (Nam qui extremè non indiget, non indiget absolutè, sed tantum secundum quid, quò nimirum commodiùs viuatur) nihil se offert, quod personæ residuum, in eiusmodi pauperes transferre necessariò compellat.

Hoc argumentum plus coloris, quàm roboris habet: Nam vt illi, qui quodcunq; damnum alterius dolo, fraude, vel impostura accepit, nihil omniuo præ eiusmodi damno repetere integrū est; imò verò compensationem vltro oblatam liberè, si voluerit, repudiare potest; & tamen omne id, quod iniusto titulo, aut nomine possidetur, dum condonetur, vel persoluatur restitutioni obnoxium est; ita quamuis is, qui nō extremè inops est, inops tamen est, ob pietatis studium, aut aliam honestam causam, nullam eleemosynam petere, aut sponte oblatam recusare queat; ille tamen, qui absolutè superuacanea possidet, pro loci & tēporis opportunitate, tenetur ea, si non in illos, qui recusant, vel non effla-

gant,

Quicquid iniu-
sto titulo possi-
detur, dum cō-
donetur, vel per-
soluatur, restituc-
tioni obnoxium
est.

gitant, certè in alios, qui indigent, & nō recusant, erogare. Quamquam, vt antè dictum est, nō tenetur huic vel illic præcise; sed isti, vel illi, vel alteri, cui ipse voluerit, impertiri. Aliud proinde est, iuri suo sponte renunciare; aliud, quod iustè non potes, iniustè retinere. **P**A T E T ergo, præceptum eleemosynariū non eos solū obligare, qui incidunt in extremè, vel quasi extremè egentes; verūm eos etiam, qui absolute superflua possident: siue eiusmodi possessores manuum labore, ingeniiue industria vitam tolerant; siue ex ciuilibus aut Ecclesiasticis censibus victitent; Hoc enim ad rem, de qua hīc agitur, impertinens est.

De iis, qui eleemosynam donare possunt, vel non possunt.

CAPVT SEPTIMVM.



NVMQVEMQVE ex iis rebus, quarum legitimum dominium, plenamque ac liberam administrationem habet, (nisi forsā peculiari aliqua lege patrię statuto, aut consuetudine inhibeatur) munus vel eleemosynam donare posse, extra controuersiam est. Quod si verò alterutrum horum defuerit, neutrum iure poterit. Perspicuum est enim, pueris sub tutoribus adhuc agentibus, mentēue captis, vel aliās rationis vsura destitutis grandes eleemosynas, aut alias non leuis momenti abalienationes facere, potestatem non esse: Non quod veri proprii; eorum, quæ donant, vel alia ratione abalienant, Domini non sint; sed quod ob rationis infirmitatem, legitimam eorum, quę in pauperes exponunt, vel alio modo distrahunt, administrationem non habeant.

Quiuis ex eo, cuius dominii & administrationem habet, munus vel eleemosynam donare potest.

Pueri ceterique rationis vsura destituti abalienare non possunt.

ÆQVE certum est maiestatis reos, cæterosque, quorum bona propter delictum fisco addicta sunt, abalienandi ius non habere; non quod eorum, quæ abalienant, vsq; ad iudicis sententiam, factiue declarationem, curam & administrationem nō habeant; habent enim; sed quod propter admissum crimen, legitimo eorum, quæ donant vel administrant, dominio careant. Quare lata iam condemnationis sententia, quæcunque iam inde à confiato crimine abalienauerant, ad fiscum reuocantur. Fateor tamen, cam reuocationem legum externarū sãueritate magis niti, quàm diuino aut naturali iure.

Cur maiestatis rei donare vel abalienare iure non queant.

PORRO

Qui ex propriis
non potest, ex
alienis extremè
miseris opẽ fer-
re potest.

PORRO autem, ut unusquilibet ex absolutè propriis, hoc est, ex iis, quorum veram proprietatem, legitimamq; administrationem habet, eleemosynam vel munus quodcunq; erogare potest; ita quilibet quoque, si propriis destituatur, ex alienis iis opẽ ferre potest, quos extrema egestas exercet: siue ea iam tum primùm accipiat; sine antè iam accepta apud se retineat. Causæ, cur iure id fieri queat, expositæ sunt iam antè; Verùm qui tantum in bonis habet, quantum ad submouendam extremè egentis miseriam citra propriæ vitæ incommodum sat est, is rem alienam, in scio Domino, contrectare nullo modo debet; sed neque citra peccatum quoque contrectare potest. Imò qui id faceret, bis quodammodo peccaret; semel alienum inuito Domino inuadendo; iterum inuasum et iam per vim vel fraudem occupatum, quasi proprium in alios distribuendo.

At esto, inquis, non deceat, nec liceat quoque totum id alteri adimere, quo extremè egenti succurratur, si propria, quibus præsens necessitas depellatur, ad manum sint; licitum tamen videri queat, posteaquã quotam, quæ me contingebat, ex proprio exolui, reliquum aliis adimere, qui æquè, vel magis quoque beneficium illud præstare tenebantur, ac ego. Casum hic propositum tali exemplo illustro. Sit aliquis è fidelium cœtu à Paganis vel Mahometanis captus, qui, nisi redimatur, omnino sit perimendus, vel certè grauissima vexatione ad fideli desertionem tandem deducendus. Liberationis nomine à piratis exiguntur 80. ducati, quos captus ille, quòd nihil in re, parum aut in spe habeat, numerare nequaquam potest. Adsunt quatuor opulenti mercatores, qui citra ullan status sui imminutionem, aut rei familiaris incommoditatem, infelicem illum à vitæ salutisq; periculo liberare poterant, & merito quoq; liberare debebant: Verùm quia tres ex illis magis amant nummum, quàm proximum, nolunt quicquam, neq; per modum doni, neq; per viam mutuū ad illius liberationem conferre. Ego verò, qui vnus ex quatuor reliquus sum, ne extrema illa calamitas fratrem opprimat, totum precium solus soluo, cum tamen pro mea portione 20. tantum numerare debuisssem: Siquidem tres reliqui æquè obligabantur, atq; ego, & fortè magis; quia magis abundabant. Cur ergo clanculum, vel alio modo id illis adimere, mihi non liceat, quod illorum no-
mine?

mine perfoluit? Ademi enim illud tantum, quod illi iure tenebantur donare; cuiusq; proinde acceptionem, si non elicito, debito sanè actu probare debebant.

Non est istud licitum, neque rationi quoque satis consentaneum. Nam ut aliena rapere non licet, quò priuatam necessitatem expleas, modò propria in promptu sint, vnde id facias; ita si ex proprio peculio hunc vel illum extremè laborantem subleuare potes, aliena, quò eundem subleues, inuadere nequaquam debes. Quòd autem iure istud fieri non queat, aliud nihil in causa est quàm lex, quæ, ne aliena Domino non absq; ratione inuito contrahentes, seuerissimè prohibet. Cùm is ergo, qui hic aliena inuadit, habeat propria, quibus, si vellet, pauperi subuenire posset, meritò rei ablata Dominus censetur inuitus. Quare falso asserbatur, Dominum in eiusmodi ablationem consensisse actu debito, etsi non elicito. Haberet id locum, si is, qui abstulerat, non habuisset propria, quibus extremè miserum subleuaret: Verùm quia propria habuisse ponitur, sicut illi non licuit singulis adimere totum, sic nec partem quoque; par enim, quantum ad eam rem attinet, totius & partis est ratio. Paucis, si priuata autoritate id extorquere liceret, quod alius iure debebat; vel eam pœnam irrogare, quam iudex reo secundùm leges inferre debebat: liceret furem suspendere, quem prætor vel iudex pecunia corruptus, liberum dimisisset. Sic quoque liceret Socrati pecuniam subducere, subductamq; Platoni, cui Socrates debebat, neque facere tamen satis volebat, assignare, & alia multa eiusmodi tentare; quod nemo sapiens facilè concesserit. Orirentur hinc enim ingentes in Reipub. & Ecclesia turbæ, plurimæq; hominum cædes & iniustæ expoliationes.

Quid si dum vnus alterius officium præstolatur, nullus ex illis quatuor misero illi capto, vel alteri cuicunque in simili miseria cõstituto, opem ferat, & ille interim in ea calamitate mortem oppetat, vel fidei iacturam faciat? Sanè si nullus ex illis succurrit, singuli fraternæ salutis apud Deum tenebuntur rei: Quandoquidem singuli citra vllum propriæ vitæ, aut personæ incommodum iufelici illi subsidium adferre poterant, & iure adferre debebant; cùm istud autem non fecerint, conqueri non possunt, si fratris mortem Deus illis imputauerit. Commendauit enim vniciui-

Non licet alieni inuadere, si proprium adsit, quo extremam inopiam subleues.

Non licet priuata autoritate extorquere, quod alius iure debet, aut pœnam inferre, quam alius iustè promeritus est.

Tot iuris interpretatione occido, quot in vita conseruare quero, & non conseruo.

que proximi sui causam, seuerèque exigit, vt id aliis præstemus, quod nobis iure præstari vellemus. Quamobrem si decem pluresue inedia, vel nuditate, vel alia miseria de vita periclitari animaduerto; neq; ulli tamen ex omnibus opem fero, cum aliquibus tamen queam, tot iuris interpretatione occido, quot pecunia, vel opera mea in vita conseruare poteram, & non conseruo: Habetque id locum non solum in siti, aut fame, aut nuditate; sed in alio quouis vitæ discrimine. Vnde si quos in hostium vel latronum manus incidisse video, ex quibus prece vel precio, vel ferro quoque aliquos eruere quiuero, etsi non omnes, si hic cessauero, tot indirectè trucido, quot liberare poteram, & non libero.

Satius est pauperis causam Deo committere, quàm illius causa turbas ciere.

Roman 3,

QUAMVIS ergo, vt rem hanc paucis absoluaui, omnes & singulos fame, vel frigore, vel alio incommodo pereuntibus, aut grauiter alioqui de vita periclitantibus, necessaria vitæ præsidia administrare oporteat; Qui quidem ex propriis possunt, ex propriis; qui verò hinc non possunt, vndecunque aliunde, pace semper, & publica ædificatione seruata; (præstat enim, pauperis sortem diuinæ providentiæ committere, quàm magnas illius causa turbas excitare; maximè cum DEVS per eiusmodi cruces, electos suos quandoque soleat exercere,) attamen extra illum extremæ egestatis articulum, nulli fas est, pauperum causa, aliena contrectare. Nam, vt Apostolus rectè monet: *Non sunt facienda mala, vt eueniant bona.* Res autem iniusta & mala, magnisque periculis plena est, alterius bona per vim vel fraudem inuadere. Quomodo ea apertè inuadunt, qui citra extremam necessitatem inuadunt. Imò nec tunc quoque iustè inuaderent, si propria adessent, quibus eiusmodi necessitati obuiam ire possent.

Monacho peregrè agenti in re eleemosynaria

QUA PROPTER nisi tacitus, vel expressus consensus adsit, non licet seruis, de dominorum; neque liberis, de parentum; neque vxoribus de maritorum; neque subditis de Principum suorum facultatibus eleemosynam facere. Sed neque monasticen quoque professio, Abbate inscio, stipem in pauperes erogare licet. Liceret id tamen, si negotiorum, aut studiorum causa, aut religionis ergò apud externos ageret; neque enim verisimile sit, per monasticas functiones id ea in re interdictum esse monacho, vel alteri cuiunque religiosorum hominum familiæ adscripto,

pro, quod aliis honestis viris, quibus cum vnà viuunt, cum virtute, & merito exercere licet. Præsertim cum ex piorum hominum beneficio vitam tolerantes, peculiari quadam ratione ad eleemosynarum largitionem obligari videantur.

CAETERVM quæ de famulis, ancillis, liberis, matribus familiâs, aliisque hisce cognatis hoc loco proponuntur, ea non ea religione accipienda sunt, quasi nihil ipsis ex heri, parentis, mariti, vel alterius coniuncti rebus eleemosynarum gratia attingere liceat: Semper enim licuit & licebit, nisi expressè inhibeatur, quod tamen fieri non deberet, micæ, quæ de Minorum mensa cadunt, hoc est, minuta quædam hinc inde corradere, collectaque pro ipsorum qualitate, vel quantitate, inter plures paucioresue distribuire. Quod si qui sunt, qui Minorum consensum ad tantillam rem necessarium ducunt, cogitent hi, consensum necessarium hic non deesse: nam etsi desit fortè expressus, adest tamen tacitus, vel certè debitus, qui sat est ad factum eiusmodi ab omni iniquitate excusandum. Quis enim, nisi summè morosus, omnemque humanitatem exutus, ægrè ferat, id inter ostiatim vitæ præsidia mendicantes distribui, quod & nihil ferè erat, & fortè perituum erat? Si qui tamen animaduertunt, eiusmodi charitatis officium patri vel matri familiâs vehementiùs displicere, abstineant: plus enim DEO placet pax domestica, quàm eleemosyna ab inuitis extorta.

CONIUNXIMVS aut hoc loco famulos, vxores, liberos, & alios quosdam, non quòd eadem, aut par omnium sit ratio; Certum est enim, permulta in hoc genere concedi vxoribus, quæ non liberis; & his rursus quædam, quæ non famulis, aut ancillis, cæterisque inferioris ordinis domesticis; sed quò generatim iudicaremus, nisi euidens necessitas aliud suadeat, aliena inuadere, & in pauperes distribuere nulli fas esse. Et quidem ad vxores quod attinet, certum est, illas ex iis rebus, quarum plenum dominium, legitimamque administrationem obtinent, æquè eleemosynam donare posse, ac maritos ipsos.

VT autem constet, quænam illæ sint, adeoque quando, maritis inconsultis, pauperibus benignè facere inculpatè possint, & quando rursus legitime id non possint, aduertendum est, bona

aliisque simili-
bus licet, quod
cæteris honestis
viris.

Ancillæ & fa-
muli minuta quæ-
dam inconsultis
dominis in elec-
mosynâ erogare
non prohiben-
tur.

Magis placet
DEO pax do-
mestica, quàm
eleemosyna ab
inuitis extorta.

Non eadem dæ-
dæ eleemosynæ
facultatē est vxo-
ribus, liberis, &
famulis.

Bona vxoria
quadripartita.

vxoria, hoc est, qualia vxores habere contingit, quadripartita esse. Habent enim, aut certè habere possunt dotalia; habent paraphernalia, seu doti accessoria; habent propria industria acquisita; habet tandem quædam cum maritis communia, cuiusmodi sunt ea, quæ constante matrimonio communi labore & studio cõquisiuerunt. Iam ex his spectandũ & definiendum est, quid in re eleemosynaria queat vxor, marito nõ consulto; quid item eodem inconsulto, non queat, quamuis ex his non præcisè.

Vxor nulla habet bona, quæ eleemosynæ materia esse non queant.

Secus si extrema necessitate, vxor nec dotem, nec dotis partem, nec dotis fructus in eleemosynā convertere potest.

Et primò quidem certum est, nullum esse bonorum vxoriorum genus, quod in eleemosynarum materiam verti non valeat; quippe cùm contingere queat, vt extrema necessitas occurrat, neque vllum tamen ex iis omnibus vitæ naturæque propriæ sustentandæ necessarium existat. Extrema autem necessitate seclusa vxor neque dotem, neque aliquam dotis partem, neque dotis fructus, absque mariti consensu in eleemosynam erogare potest. Non dotem aut dotis partem; quia etsi vtriusque ius maneat penes vxorem, cura tamen & administratio transit ad maritum. Neque fructus rursus, quia hi propter onera matrimonij proprii sunt mariti & quò ad dominium, & quò ad administrationem. Quod rursus confirmat, vxorem, inconsulto marito, dotem, aut dotis partem abalienare non posse. Quandoquidem vt integri fructus pendet ex integra dote; ita pars fructuum dependet ex dotis parte. Fructus autem pleno iure pertinent ad maritum.

Ex bonis paraphernalibus, vxor in eleemosynas erogare potest, quantum et quando velit.

CONTRA verò quòd paraphernalia, hoc est, doti accessoria, & quò ad vsum, & quò ad dominium, & quò ad reliqua omnia vxoris sint propria, potest illa, marito nõ consulto, ex illis quantum velit, & quando velit, & quoties velit, in pauperes, vel alias quasunque pias causas erogare; nisi forsan domestica paupertas aliud suadeat, vel aliud quoque postulet. Nam si maritus, vel liberi, vel alij domestici egerent, contra charitatis ordinem cõmitteret, si in externos illa erogaret. Notum est enim illud Apostoli: *Si quis suorum, & maximè domesticorum curam non habet, fidem negauit, & est infideli deterior.* Et quod de paraphernalibus hoc loco assertum est, hoc ipsum de iis quoque, quæ propria industria conquisiuit, accipi potest: Nam horum quoque plenum dominatum, liberamque dispensationem obtinet.

1. Timo. 5.

Que propria industria acquisiuit vxor, in pauperes infumere nõ prohibetur.

Ex

Ex communibus autem, quòd neque integrum illorum dominium, quod ad liberam dispensationem est necessarium; neque legitimam quoque eorundem administrationem habeat, pro suo arbitrio erogare non potest: Attamen quòd mater familiàs existat, & ea ipsa bona suo quoque modo ad se pertineant, (siquidem matrimonio soluto sua etiam quota ex iis ad se redit.) potest viri consensu non quæsito, modicas & quasi communes eleemosynas, (quales sunt quotidianæ illæ, quæ ostiatim mendicantibus donari solent) ex bonis vtrisque communibus elargiri. Et quamvis sordidus maritus iubeat, ne id faciat, debet nihilominus apud se statuere, non simpliciter inhibere; sed tantum, ne modum excedat, præscribere: Tum rursus id sibi in ea re licere, quod cæteris honestorum coniugum consortibus communiter hic licet: Tum demum virum ita caput rerumque domesticarum administrum esse, ut ipsa tamen non sit illius serua aut ancilla; sed socia non solum ad sobolis procreationem, verum etiam ad rei familiaris curam & administrationem.

IMO verò si vxor animaduerneret, maritum suum, vsque adeò inhumanum, tenacem, & sordidum, adeoque salutis suæ oblitum, ut nullam miserorum rationem, nullam de æterna vita cogitationem habere videretur, quò cladem in hoc vel in altero seculo illi impendentem arceat, exemplo Abigaelis vxoris Nabal, largiores quandoque eleemosynas ex bonis communibus erogare poterit. Nec enim aliud hic agit, quàm quòd arte quadam mariti salutem procuret, pestemque, quæ ceruici illius impendebat, eleemosynarum vi, pauperumque intercessione aliò transferat, aut nonnihil saltem mitiget. PATET hinc ergo, vxorès nemine consulto, eleemosynam interdum dare posse. Possunt hoc enim extrema urgente necessitate, si mariti absunt, vel præsentibus non succurrunt: Possunt rursus ex doti accessoriis, propriæque industria acquisitis; possunt tandem ex bonis communibus, si communem modum & consuetudinem non excedant.

POSSUNT ne in his casibus tantum? nequaquam. possunt idem quoque, si maritos habeant fatuos, vel ea mente præditos, ut neque sua, neque aliena administrare queant. Nam furente marito, nisi per legitimum magistratum alius curator datus fuerit, totius domus cura & administratio deuoluitur ad vxorem. Potest

H 3

idem

Vxor ex bonis communibus communes eleemosynas donare potest.

Vxor viri socia, non solum ad sobolis procreationem, verum etiam ad rei domesticæ curam & administrationem.

Vxores maritorum tenacitatem, liberalitate in pauperes cõpensare possunt. 1. Reg. 25.

Vxores, quibus bonorum administratio quacunque de causa commissæ est, possunt liberè eleemosynas donare.

idem rursus mente & ratione valens vxor, si maritus agit peregrè, vel exulat, vel alia quacunque de causa abest; neque domus suæ curam alteri, quàm vxori, dum excederet, commisit. Potest idem postremò, si maritus aliquò se conferens, certam pecuniæ summam, vnde in illius absentia se alat, ipsi assignauit, si quid parcè frugaliterque viuens, geniumque suum defraudans, inde forsan comparferit. Sunt aliæ causæ & casus, quæ eandem facultatem vxori faciunt, sed hi sunt præcipui. Denique potentum ac diuitum vxoribus (ad has enim spectat, quicquid de vxoribus, earundemque in re eleemosynaria facultate hic disputatum est, pauperculæ enim nihil, aut parum habent, quod donent) non desunt multæ honestæ, & iustæ commiserationis causæ; sed, quod dolendum est, plerisque magis deest voluntas & animus, quàm potestas. Comperias enim multas, suis maritis multis partibus tenaciores & sordidiores.

Quæ de vxoribus hoc loco asserta sunt, ea certa quadam analogia ad liberos quoque trahi possunt: Nam ipsi quoque à parentum suorum bonis & facultatibus non sunt prorsus alieni; tãctsi dum parentes superflui sunt, illorum non sunt Domini; alioquin enim refragantibus liberis, qui genuerunt, ab alienare nõ possent; hoc autem falsum, & à recepta consuetudine alienum est. Adhæc vt vxores, præter dotem, habent paraphernalia, manuum opera & industria parta; ex dimenso suo comparata, aliâque eiusmodi, ex quibus egenis benignè facere possunt; ita filij vel habent, vel habere possunt castrensia; cuiusmodi sunt, quæ hasta iustòq; Marte compararunt. Quasi castrensia, cuius generis sunt ea, quæ lingua vel calamo, hoc est, docendo, aduocando, scribèdo, aliâq; similia tractando adepti sunt. Honoraria, qualia sunt, quæ ex parentû, vel aliorum liberalitate obuenerunt. Studiis deniq; vel alimentis, vel peregrinationib; &c. deputata, ex quibus omnibus, siquid reliquû fuerit, in pauperes CHRISTI misericordiam exercere possunt.

TANDEM VT vxores habent bona cum maritis communia, vnde communes eleemosynas elargiri possunt, & magnas quoq; , si maritorum voluntas accesserit; ita illi habent sua aduentitia & prouectitia, quæ ipsa quoque, si parentum studium non defuerit, in eleemosynarum materiâ vertere possunt. Quòd si nihil horum omnium ad manum fuerit, & tamen quibusdam vehementer egenti-

Filiis familiæ ex
his omnib; , quæ
iusto titulo ad se
pertinent, pau-
peribus benignè
facere possunt.

Filij parentibus
superflui b; , bo-
norum illorum
non sunt Domi-
ni.

egentibus benefacere cupiunt, caueant, ne ex paternis bonis plus in pauperes erogent, quam præsens necessitas deposcit, & rei familiaris ratio commodè permittit, ne vel turbas domi excitent, vel pauperum causa modicum subducere assueti, propria causa furandi occasionem inde accipiant.

QVOD ancillæ & famuli, cæteraq; seruitia ex herilibus bonis in pauperes erogare queât, dictum est antè. Quid verò ex proprio peculio impensæ uel operæ mercede in eo genere valeant, disputatione, in nō habet. Certū est enim, de propriis infumere hīc posse, quantum libuerit. Nam quicumq; potest libere donare vel abalienare, is eleemosynā quoq; donare non prohibetur. Refert autem non parum, ex propriisne donet, an ex herilibus: Etenim dum ex herilibus, heri voluntate accedente vel non reclamante, erogant, totius operis fructus manet penes herum: Attamē meritū, quod suæ bonæ voluntati debebatur, in alterū non transmigrat. At verò dum ex propriis donant, soli ipsi donati muneris fructu gaudent.

QVOD si famulæ vel famuli, in scis vel reclamantibus Dominis, egenis osiatim mendicantibus nihil dare possunt, nisi admodum parum, ut paulò antè expositū est, multò minùs iisdem Dominis in scis, aliis qui non egent, vel eo modo nō egent aliquid donare poterunt. Quare & suæ & aliorum quoque conscientia malè consulunt, qui ancillas vel alios familiæ ministros inducunt, ut hoc vel illud clanculum ē penu, vel alio loco subductum, sibi vel alteri impertiantur, etiā si subducta precij sint non admodum magni. Committitur hīc enim quēdā iniustitia, & sternitur via ad maiora furta, ut pbat experiētia. Quòd si alicui ē famulis domus cura demādata fuerit, ut Eleazaro, Damasco, Abrahamo, & Iosepho Phutipharis Ægyptij, poterit is cæteris liberiùs eleemosynas dare. Nā etsi eiusmodi curatores magis instituantur, ut rem augeant, q̃ ut multa erogent; poterunt ea tamen in pauperes erogare, quæ Dominus iure meritōq; debuisset, si aduisset, aut rebus suis p̃fuisset.

QVOD de Monachis? nunquid illis etiā ex monasterij bonis pauperibus benefacere ius est? Quid illis ea in re liceat, dum studiorum causa in Academiis versantur, vel aliās peregrè agunt, indicatum est paulò antè. At verò dum intra Monasterij septa degunt, nulliusque rei curam sortiti sunt, nihil citra præfectorum facultatem in pauperes erogare deberent, nisi magna admodum neces-

Periculosum est vel modicū pauperum causa, parentibus, vel Dominis subducere.

Multum inter est, proprium ne dones tanquam Dominus, an alterius tanquam minister.

Graue peccatū est, ministros inducere ut quacunq; de causa Dominis furent.

Genes. 15.
Genes. 39.

Quæ oneribus
monasteriorum
sustentandis, ne-
cessaria nō sunt,
per superiores
in egenos expo-
ni possunt.
Opulenta mona-
stera peculiari
ratione obligan-
tur ad operam
misericordiæ.

neccssitas vrgeret, cui Prælatus non succurreret. Verùm si Abba-
tes, aut Monasteriorū præpositi sunt, aut vniuersalem totius Cœ-
nobij moderationem & administrationem susceperunt, liberè
ea, quæ oneribus monasterij sustentandis necessaria non sunt, in
egenos & pauperes exponere possunt. Nam præterquam quòd
communi lege ad hoc teneantur, primi quoque fundatores pe-
culiari quadam ratione illos ad hoc obstrictos voluerunt; alioqui
enim tam illustribus & opulentis censibus cœnobio non ditaf-
sent; Attamen quòd communitati difficilius, quàm priuatæ per-
sonæ prospiciatur: Nam & diutius viuit, & pluribus indiget, sicut
multa quoque membra continet, & plura onera sustinet, & ne-
gligentiùs plerunque curari solet, prout quisq; in propriis, quàm
in communibus curandis consuevit esse vigilantior, non est ita
facile iudicare, quid cuique monasterio redundet. Hoc ipsum ta-
men, quod absolutè redundat, in pauperes erogatum oportet.

Quæ de Abbatibus religiosorumque hominum præpositis
hic dicta sunt, ea ad Episcopos, Pastores, ceterosque clero adscri-
ptos, suo etiam modo trahi possunt; siue illi cœsum, quos ex suis
sacerdotiis colligunt, statuatur Domini; siue secus. Certum est
enim, quod suæ personæ, suisque necessariis sumptibus absolutè re-
liquum est, illud si non lege iustitiæ, lege sanè misericordiæ in
pauperes, vel alias pias causas infumere debere. Nam si populares
ad illud obligantur, vt suprà expositum est fuisse, multò magis Ec-
clesiæ Pastores & Prælati, vt quos ratione personæ, quam in Ec-
clesia sustinent, omnium miserorum patres esse oporteat. Cum
enim à cura illa, quàm matrimonij iugo pressi, vxoribus, liberis,
cæterisque familiæ membris impendere solent, sint absoluti,
pietatisque studiis ex destinato consecrati, status illorum postu-
lat, vt orphanorum, viduarum, aliorumque desertorum ac mise-
rorum hominum singulares patronos sese exhibeant, adeoque vt
censuum suorum reliquias, non in equos, aut canes, aut histrio-
nes, &c. cum non parua fidelium offensione, suæque salutis per-
niciæ profundant; sed piè religiosèque inter pauperes dispertiant.

De iure porrò, quod Clericis in fructus, quos ex beneficiis
percipiunt, competit, non est hic disputandi locus. Est enim res
hæc perplexa, & non modò inter Canonum interpretes, sed inter
Scholæ quoque Theologos non parū controuersa: Solùm dixerim
quic-

Episcopi, cæte-
riq; Ecclesiæ præ-
lati miserorum
omnium patres
esse debent.

quicquid sit de absolutè residuo, hoc est, de eo, quod clerico pro status sui ratione nullo modo est necessarium, si parcè sobrièque viuendo aliquid ex iis reliquum fecerit, quæ secundùm bonorum & sapientium virorum iudicium, personæ suæ honestè sustentandæ omnino censebantur necessaria, perinde de illo residuo statuere posse, ac de eo, quod hæreditario iure, aut alio iusto titulo illi obuenerat. Quod hic assero, vno aut altero exemplo explano.

SIT Episcopus, cui ex Ecclesia, cui legitimè præest, in singulos annos promeriant decem ducatorum millia; ad honestam autem sui status sustentationem, bonorū virorum æstimatione, sat sint septem millia, & illa quoque, eorundem iudicio, omnino sint necessaria, iam hic redundāt tria millia: hæc, vt tutior & communior habet opinio, tametsi opposita ab Ecclesia nec dum sit condemnata, erogare debet in pauperes, vel alias pias causas. Verùm si Præsul ille non quidem avarè & sordidè viuēdo, (hoc enim vitij esset potius, quàm virtutis: decet namque communes fidelium patres liberales esse;) sed sumptus non necessariis minuendo & moderando, parcèque & sobriè, vt pium prudentemque patrem-familiās decet, victitando, ex septem illis millibus mensæ suæ deputatis, reliquum fecerit aurosc mille, hos in pauperes erogare non obligatur; sed vel in illos, vel in alios insumere potest, perinde ac si in deserto loco inuenisset, aut ex hæreditate accepisset; si quidem absolutus huius residui Dominus est.

EAD E M analogia Decanus vel Præpositus, Archidiaconus, vel alia nobilis aut erudita persona singulis annis ex sacerdotio, quod aduiniſtrat, percipiat mille, abūde autem sat sint illi octingenti; ducentis itaque in vsum pauperum à tota summa reſectis, ita rem familiarem instituit, vt ex illis octingentis, quos sapientium iudicium mensæ vel statui illius tribuerat, anno euoluto 50. aut centum, aut plures quoque residuos faciat, hos citra vllum peccatum, non solum pauperibus cognatis donare potest, per modum eleemosynæ; verum etiam diuitibus, per modum liberalis cuiusdam donationis. Imò verò non modò secularibus Prælati licitum hoc videtur; sed religiosorum quoque præfectis, si quid certi ad suum statum, vel mensam deputatum habent. Ex hoc quoque inferri potest, Sacerdotes, qui obtinent beneficia

Clerici illius par-
tis beneficij, quæ
ad honestam su-
sustentationem o-
mnino est neces-
saria, sunt Domi-
ni.

Sacerdotes, qui
obtinent bene-

fic: a vsque adeò tenuia, vt inde se alere vix queant, de vitæ residuo testari possunt.

vsque adeò tenuia, vt miserè visitando vix inde se alere queant, quæ hinc comparcunt, & in vita, & in morte quoque, cuiusunque voluerint, donare vel legare posse, perinde ac si essent mera patrimonialia: verum de his non est hic disputandi locus.

Quod ad omnes pertinet, ab omnibus approbari debet.

SOLVM hic explicandum restat, an Capitulorum Præpositi, accedente quorundam, etsi non omnium, consensu, ex communibus Capituli bonis eleemosynam largiri iure possint. Ad quod breuiter respondemus, de bonis, quæ inter singulos, ex æquo, vel pro meritorum ratione diuidi debent, nisi singuli, quorum interest, approbent, legitimè id facere non posse. Nam quod ad omnes pertinet, ab omnibus approbari debet. Secludimus hinc semper oppositas consuetudines, sicubi obtinuerunt: Tum extremam rursus, vel quasi extremam pauperum egestatem; Tum non vulgarem denique Ecclesiæ vel Reipub. necessitatem. Nam vbi aliquid istiusmodi interucnerit, ibi Collegio, vel maiori illius parti, liberiùs de communi censu disponere potestas erit; præsertim si, qui, ne id fiat, obnituntur, nullius necessariæ rei indigent. Quandoquidem si ipsi æquè egerent, atque illi, quibus ex communibus bonis prospicitur, potiùs illorum quàm horum rationem habere oportebit.

Quid collegi, vel maior illius pars possit in bonis collegio communibus,

PORRO autem post factam inter singulos Canonicos, vel collegas diuisionem; si qua adhuc sunt reliqua, quæ non asseruantur in priuatam singulorum; sed ad aliquam communem vel publicam vtilitatem, ea Collegium vel maior illius pars in eleemosynam, vel aliud religiosum opus iure conuertere potest, etiam si singuli collegæ vel socij non assentiantur; Siquidem in eiusmodi fat est, si maior Collegij portio sua voluntate accesserit. Quod hic dictum est de Collegio Clericorum vel Canonicorù, hoc ipsum de mercatorum vel aliorum quoque ex æquo aliqua in re participantium societate, vel communitate accipi potest: æquà enim in iis omnibus apparet ratio. Et hæc de iis breuiter, qui eleemosynam dare possunt; proximum est, vt de rebus vel bonis, quæ ordinariè vel extraordinariè in eleemosynarum materiam verti queant, paucis quoque differamus.

De rebus, quas in eleemosynam erogare licet, vel non licet.

CAPVT OCTAVVM.

ET SI



ETSI exiis, quæ hætenus exposita sunt, colligi ut-
cunque queat, quid in eleemosynæ materiam verti
possit, quid item non possit; attamen res hæc non
parum certior illustriorque euadet, si seorsum non-
nulla de eleemosynaria materia differetur. Primò itaque certum
hic pono, neminem id in pauperes impendere debere, quod suæ
suorumque vitæ absolutè est necessarium; etiamsi qui obuij sunt,
quos extrema vel quasi extrema miseria tētet. Nam etsi proximo
gramiter laboranti subueniendum sit, ordinaria tamen lege nul-
lus eum propriæ vitæ periculo illi subuenire obligatur: Nisi forsan
quispiam eiusmodi casus sese offerret, qui proximi vitam vitæ p-
priæ anteferre suaderet.

Nemo ordina-
ria lege vitam p-
alterius vita im-
pendere obliga-
tur.

AQVE certum existimo, illa in vulgares pauperes erogare
communiter non licere, citra quæ status honestas salua consiste-
re non valet: Videtur namq; absurdum, & à recta ratione prorsus
alicuium, citra ullam causam, aut vrgētem necessitatem, se suosq;
dedecori exponere. Liceret id autem & quidem cum laude, si in-
signis Ecclesiæ vel Reipub. utilitas, vel magni cuiuspiam viri ne-
cessitas id postularet; vel si quispiā per monasticæ professionem
statum mutare decreuisset. Certum est tandē, si bene parta nulla
ad manum sunt, iis qui extrema inopia premuntur, ex malè partis
opem ferre nefas nō esse. Horum omnium ratio iamdudum antè
reddita est, neque sunt isthæc nunc fusiùs pertractanda.

Quæ status ho-
nestas deposcit,
in vulgares pau-
peres exponi nō
deberent.

VERV MENIM VERO licet extrema egestate laborantes ex
quibuslibet malè partis, si bene parta nulla adsint, subleuare li-
ceat, in communes tamen pauperes, quales inter cæteros sunt
pannosi illi, qui stipem viritim corradunt, aut panem ostiatim
quærunt, & alij præterea quàm plurimi, qui pro conditionis suæ
ratione, maioribus præfidiis indigent, non quælibet malè parta
exponere fas fuerit.

Non quæuis ma-
lè parta in quos-
uis egenos ero-
gare licet.

DICIMVS, non quæuis malè parta in communes pauperes
exponere fas esse. Siquidem malè partorum non vna & simplex
est ratio, sed multiplex admodum & varia. Etenim sunt quædam
inter illa, quæ certos dominos agnoscunt; vt ea omnia, quæ per
furtum, rapinam, fraudem, vim, vsuram, aliâque eiusmodi via ex-
orta sunt. Sunt alia rursus tantæ iniquitatis, vt nec illi, qui expo-

Malè partorum,
non vna & sim-
plex est ratio,
sed multiplex.

fuerat, reddi debeant; neque ab illo rursum, qui acceperat, iure retineri queant. Eius generis sunt, quæ ex sacrorum aut sacerdotiorum nundinatione, ex deprauato iudicio, ex falso testimonio, ex cœmpto innocentis sanguine vel cæde proueniunt; & ea præterea omnia, quæ in manifestam alterius iniuriam exponuntur. Sunt demum, quæ licet per fraudem, aut vim extorta non sunt, neque in tertij quoque præiudicium exposita sunt, data tamen vicissimque accepta sunt ob rem in se turpem, diuinæque vel humana lege vetitam. Talia sunt ea ferè, quæ obueniunt ex ludo iure inhibito, ex contrahibus ratione loci, temporis, aut personæ interdictis, (neque enim cum quibuscumque, nec quouis loco, neque quouis quoque tempore negotiari licet) ex proprij corporis vulgatione, aliisque similibus turpibus commerciis.

*Triplex male
partorū genus.*

*Per eleemosynā
transfertur rei
dominium.*

RES primi generis, quod simpliciter sint alienæ, citra extremam egestatem in eleemosynam verti non possunt: Siquidem per eleemosynam transferetur dominium, ut quæ in gratuita & libera rei cuiuspiam ad vitam vel personam necessaria donatione posita sit; hoc autem in alterum is iure transferre non valet, qui illo caret. Secundi, quod neque retineri, neque illis, qui dederant, restitui debeant, in egenos, vel in eos sanè, in quorum iniuriam, vel perniciem expositæ fuerant, conferri debent. Tertij & retinere, & in eleemosynam, vel aliam honestam causam erogare licet; nisi forsan ob scandalum, aut publicum probum peculiati aliqua lege aliud cautum extaret: Constat enim Mosaicam legem propositæ donum ad Corbonam non admisisse.

*Grauitèr passim
erratur in mate-
ria restitutionis
& eleemosyna-
ria.*

ET hæc de rebus, ex quibus eleemosynam donare licet, vel non licet, generatim exposita sat esse poterant; maximè quod accurata huiusce rei tractatio alium locum deponat. Verum quod partim à rudibus, partim quoque à sæculi huius prudentibus grauitèr persæpe hic erretur: (Sunt enim, qui officio abunde satis se fecisse existimant, si decimam, vel minorem etiam illorum partem, quæ nullo iure iustæ titulo possident, inter pauperes distribuant: Alij, qui sat esse persuasum habent, si nulla facta restitutione, ab iniquis contrahibus & artibus in posterum abstinant: Nonnulli, qui rem magnam se præstitisse arbitrantur, si id totum, quod scœnore vel fraude extorserant, in eleemosynas, vel alias pias causas dispenfent: Alij demum, qui alia viâ & ratione, à

veritate

veritate & æquitate aberrant) profuturum iudicaui, si pauca quædam scorsum de prædictis malè partorum generibus hoc loco attingerem.

LOITVR quòd nihil ex iis omnibus, quæ per rapinam vel furtum ablata sunt, in pauperes intra extremæ egestatis terminos constitutos, vel alias pias causas exponere liceat, id apud eruditos non minùs certum est, quàm certum est, furtum peccatum esse, diuina, humana, naturaliq; lege seuerissimè inhibitum; hoc autè apud omnes est certissimum. Neq; est, quòd iniustæ acceptionis noxam per hoc apud æquisimum iudicem purgatos se sperent, quòd totum, vel partem accepti in egenos se erogasse allegant. Nam iniustè semel rapta abalienare, non est rapinæ flagitiù eluere aut eleuare; sed certa quadam ratione aggrauare. Còstat enim, qui rapta abalienant, rei ablatæ dominum gemina quodammodo iniuria afficere: Vna, quia rem illius per vim vel fraudem inuadunt; Altera, quia eandem per vim iam occupatam, quasi propriam in alios distrahunt; adeoq; qui læso quandoq; satisfaciant, si non omnino impotentes, planè difficiles atq; inhabiles se reddunt. Quandoquidem si ea, quæ per vim vel furtum abstulerant, non reddebant, cùm citra suum detrimentum reddere poterant; (quod utique poterant, cùm rem adhuc integram apud se detinebant) multò minus reddēt, cùm iam citra suum damnum reddere non valent.

ACCEDIT huc quoque, quæ abalienantur, eiusmodi aliquādo esse, vt vix vllò precio instaurari valeant: Non quòd res ablata secundum se maximi sint valoris, sed quòd Domino fuerant charissimæ. Nullo itaque modo diuinæ, aut humanæ, aut naturali legi faciunt satis, qui quod olim in proprium vsum cum proximi iniuria rapuerant, postea falsà quadam pœnititudine ducti, in pauperes erogant. Nisi ij forsan, quibus abstulerant, vel legitimi eorum hæredes ampliùs in rerum natura non existant, aut ita certè remotè positi sint, vt nullus ferè ad eos aditus pateat. Nam vbi hæc vsu venirent, aliud consilium inire liceret.

SED nec illi quoque à furti crimine alieni censendi sunt, qui non eo animo diuitibus fraudem se facere asserunt, quò ipsi inditiores euadant, sed quò pauperum miseriam, quam diuites floccifacere causantur, hac ratione subleuent. Nam etsi tales iniusti-

Per furti, vim, vel fraudem ablata in elemosy nam cōverti nō possunt.

Accidit nonnā quā, vt per furtum ablata in pauperes exponere liceat.

Nullo modo ab iniustitia, excusari possunt, qui diuites quouis

modo expilant,
aut defraudant,
ut pauperes sub-
leuent.

tiam suam apud rudes rerum æstimatores excusare vtcunq; fortassis queant, apud prudentes tamen, maximè verò apud iudicè illum, quem nemo fallere potest, æquè in raptorum aut furtu numero habebuntur ac illi, qui proprii compendij causa furtum, vel rapinam exercēt. Et quidem eò iustius istud haberi poterunt, quò clariùs constiterit, ipsis propria non defuisse, vel non deesse, quibus pauperum inopiam subleuare potuissent, & possent; si voluissent aut vellent; quòq; maiorem, hoc pietatis prætextu improbis ad furta & rapinas fenestram patefaciunt.

DE hac ficta misericordia (neq; enim vera dici potest, quæ cū summa proximi iniuria cōiuncta est) Diuus Augustinus alicubi in hunc modū scribit: Fortè aliquis cogitat, & dicit: Multi sunt Christiani diuites, auari, cupidi, non habeo peccatum si suum illis abstulero, & pauperibus dederò: Vnde em̃ illi nihil boni agunt, mercedem habere potero. Sed cuiusmodi cogitatio ei, diaboli calliditate suggeritur: Nam si totum tribuat pauperibus, quod abstulerat, addit potiùs peccatum, quàm minuit. Cognatū huic est illud Gregorij: Qui hac intētionē malè accipit, ut bene dispenset, grauatur potiùs, quàm iuuatur. Et illud Ambrosij: Non probatur largitas, si quis, quod alteri largitur, alteri extorqueat. Et illud Chrysostomi: Si propterea rapis, ut miserearis, nihil hac eleemosyna peius. Cū enim ex rapina nascatur, eleemosyna nō est; sed quædam sæuitia & crudelitas, & in DEVM contumelia. Et illud tandem Isidori: De rapinis eleemosynam facere, non est officium miserationis, sed emolumentum magni sceleris. Similia plurima comperias apud alios veteres Theologos.

QV i itaque salubriter vult misereri, Spiritus sancti consilium sequutus, de suis misereatur. Quid enim ait ille? *Frangere esurienti panem tuum*, nō alienum. Item: *Egenos vagosq; induc in domum tuam*; non in alienam, vel per vim occupatam. Item: *Ex substantia tua fac eleemosynam*; non ex aliena. Suadet sanè Dominus, ut amicos nobis paremus de mammona iniquitatis; verū illud cōsiliū ad quiduis potiùs nos inuitat quàm ad rapinam, aut furtum, aut ad quamuis aliam fraudem; tametsi quidam, ut Author est Augustinus, in eo sensu acceperint. Tendit autem ad id, quod antè iam præmiserat, nempe ad pauperum curam, salutaremq; eorum, quæ vñbus nostris necessaria non sunt, in egenorum vñum distributionē. Vocat autem

Fortè 1. 4. q. 5.

Non est 1. q. 1.
Li. 3. c. 9. officii.

Homil. 36. ad
Antioch.
Patris sententiæ
aduersus eos, qui
furātur vel frau-
dem faciunt, ut
eleemosynā do-
nent.

Ecl. 58.

Tob. 4.

Luc. 16.

De ver. Domi.
ter. 35.

autem diuitias mammona iniquitatis, quia, vt placet Ambrosio, variis illecebris nostros tentant affectus; vel quia ex prædecessoribus, quibus patrimonio succedis, aliquis reperitur, qui iniuste vsurpauit aliena, quamuis tu nescis: vel mammona iniquitatis dicitur, quia inæqualiter prouenit; vnus enim abundat, alius eget; & idem modò eget, modò abundat.

PER furtum vel rapinam occupatis cognata sunt ea, quæ per fraudem comparantur: Sive ea fraus contigerit in rei substantia, siue in eiusdem qualitate, vel quantitate: vt si vendatur stannum pro argento; aut aurichalcum pro auro; aut corruptum pro integro; vel mixtum pro puro. Tum ea rursus, quæ extorquentur per iustum metum; cuiusmodi is esse definitur; qui constantem virum concutere natus est. Tum ea tandem, quæ capiuntur ex vsura vel Simonia.

INTERCEDIT tamen inter duo hæc postrema nonnullum discrimen. Nam cum fœnora in vsurarij dominium non transcant, vel certè cum restitutionis onere transcant; neque in pauperes, neque in vllas alias pias causas conuertere illa licet; Sunt autem integrè illi renumeranda, qui numerârat, etiam si is certò prouiderat, se ea nunquam, neque per se, neque per alterum repetiturum. At verò, quæ ex Simonia aut quorumlibet sacrorum nundinatione proueniunt, si nundinatio consummata erat, ea non ipsi, qui exposuerat, restitui debent; sed Ecclesiæ, in qua, vel contra quam sacrilegium illud admissum fuerat. Possent hæc ipsa tamen, præsertim si loci ordinario, vel prudenti confessario ita videretur, in eleemosynam, vel in aliud pium & religiosum opus exponi.

QVOD de Simoniacâ pecuniâ hic asseritur, hoc ipsum de ea quoq; assertum intelligatur, quâ fica vel maleficium parit. Quare quicumq; mercedem accipit, vt in fontē vel fontem quoq; priuata auctoritate occidat, aut vulneret, aut quouis alio dāno, dedecore, vel iniuria afficiat, si spiritu DEI tactus quādoq; respiciat, neq; innoxij sanguinis precium retinere; neq; illi quoque, à quo acceperat, restituere debet; sed vel in pauperes erogare, vel in illos cōferre, in quorum perniciem acceperat.

IDEM non iniuria de ea mercede statuunt Theologi, quæ proximè in CHRISTI Redemptoris nostri contumeliam exponitur:

Lib. 7. in Lxx.
Cur diuitiæ ad-
pellantur mam-
mona iniquita-
tis.

Non eadem eo-
rū ratio, quæ p
Simoniam & vsu-
ram sunt acce-
pta.

Quod Simonia,
& fica, quod sãrri
legiti, quod con-
tumelia DEO
vel diuis irroga-
ta parit, hoc vel
egenis, vel iis im-
pertendum est,
in quorum iniu-
riam expositum
fuerat.

nitur: Vt si quis alterum precio inducat, vt abiurata fide Christiana in Iudeorum vel Paganorum, vel in aliquam hæreticorum Sectam transeat, vel familiaritatem cum Dæmone ineat, vel vt conuitium in DEVM, vel diuos euomat, aut venerandas illorum iconas, aut sacras eorundem reliquias prophanet. Qualia sacrilegia non pauca infelici hac nostra ætate in diuersis orbis partibus propter peccata nostra designata sunt, & nisi DEVS ex alto nos respexerit, plura fortassis adhuc designabuntur.

Quid statuent
dñ de pecuniis,
quas iudices su-
pra cõstitutum
salarium ab al-
terutra litigan-
tium parte non-
nunquam acci-
piunt.

AD idem caput referri solent, quæ iudicibus supra constitu-
tam mercedem nonnunquam dependuntur. Nec iniuria: nam
quicumque Iudex, munus, præter constitutum stipendium ab al-
terutra litigantium parte exigit; vel exigit & accipit illud, vt iu-
dicet, vel vt iustè iudicet, vel vt iniustè iudicet, vel vt non iudicet.
Si vt iudicet, quòd aliàs fortè iudicare, hoc est, causam cognosce-
re, vel sententiam ferre nollet; non poterit acceptum iure reti-
nere: Siquidem ex officio iudicare tenebatur; atq; ita ab eo, qui
dederat, iustè repeti potest. Sin autem precium exigit & accipit,
ne iudicet, vel vt malè iudicet; neq; danti reposcere, neq; illi, qui
acceperat, retinere fas est: nam æquè turpiter datum & acceptū
est. Erit autem tum, vel in pauperum, vel in eorum vsum expen-
dendum, in quorum iniuriam erogatum fuerat. Quòd si verò do-
natur, vt iustè iudicet, adhuc turpiter accipitur: Siquidem iura iu-
dicia iusta vendere non permittunt. Atque ita quicquid hac ra-
tione acceptum fuerat, id vel illi assignandum erit; qui dederat;
vel illi, in cuius præiudicium datum fuerat, vel certè omnium Do-
mino in suis membris, hoc est, egenis.

Vt iudex id reti-
nere non po-
test, quod acce-
pit, vt non iudi-
cet, vel malè iu-
dicet, ita nec te-
stis quoque id,
quod accepit, vt
nullum, vel fal-
sum testimoniu
ferat.

QVÆ de iudicum supra iustum stipēdium exactionibus hoc
loco dicuntur, ea omnia, certa quadam ratione, de testibus quoq;
tradita accipiantur. Nam Iudex & testis ea in re æquiparantur,
hoc solo excepto, quòd grauius plerunque hic peccet testis quàm
Iudex: Siquidem iudicis iniquitati per accusationem, vel legiti-
mam ad superiorem Iudicem appellationem obuiam iri potest;
testis autem neutro modo commodè. Nam si is veritati testimo-
nium perhibere, aut iustitię patrociniū præstare nolit, quid cum
eo agas?

CVM extraordinariis, adeoque iniquis iudicum & testium
extorsionibus, magnam affinitatem habent ea, quæ nonnulli auari
medici,

inedici, vel iniqui caufarum patroni morbi grauitatem, vel caufæ difficultatem fupra modum exaggerantes, vltra debitum nonnūquam emungunt. Debitum autem voco, non quod caufidici, vel medici iniquitas poftulat; fed quod lex, vel loci confuetudo, vel prudētum iudicium pro caufæ, vel morbi ratione æquum cenfet. Exemplo rem hanc declaro.

ACCERSITVR medicus vel chirurgus ad egrum, morbo nō admodum periculofo affectum; ille verò ex alieno incommodo quæftum quærens, morbi malitiam & vim vfque ad eò exaggerat, vt de ægri falute actum videri queat. Rogatur, fi quid confilij vel auxilij fuperfit, ne mifero defit; fore enim gratiffimum, fi ab impendenti vitæ difcrimine, induftria illius, eripiat. Infert medicus, tamen fi parum fpei reliquum fit, fe tamen facturum & tentaturum omnia, idque omnino gratis, fi fortè conatus minùs feliciter fuccefferit. Quòd fi verò laborē in rem fufceperit, ægrumq; priuilegiū fanitati reftituerit, tum demum id fe expectaturum, quod iure ab eo expectari poffit, qui alterius ope & induftria è mortis faucibus ereptus fuerat.

Medicorū quorundam praxis & ars.

PARI modo clientulus quifpiam contra antagoniftā, quem verlipellē fortè naftus eſt, fidum patronum quærit. Incidit in Titium, cui totum controuerfiæ ſtatum bona fide exponit. Ille Mæuij clientuli fui ſimplicitate abutens, omnia iuris & æquitatis principia & firmamenta, quibus Mæuij caufa nitebatur, impugnat, quantāque vi poteſt, clientulum ſuum, quem erigere debuit, in deſperationem adducit. Ille ne tantam iacturam faciat, animo conſternatus rogat, auxilium implorat, montes aureos, ſi victoriam obtineat, ſpondet. Titius exoratus promittit operam ſuam, ſed ea lege, vt ſi cauſam planè deſperatam euincat, tantum, puta tertiam vel quartam ſummæ, de qualis erat, partem ferat: Sin autem cauſa cadat, id quod omnino futurum ominatur, niſi ſummam diligentiam adhibeat, pro induſtria & opera impenſa, nihil proſus, mercedis loco accipiat. Iam quicquid eiufmodi artibus ab ægris vel clientulis vltra iuſtum laboris precium emungitur, in eleemoſynam vel aliud pium opus impendi non debet; ſed illis, quibus fraudulentè & quaſi per vim ademptum fuerat, integrè reſtitui.

Cauſidicorum quorundam ars & praxis.

Quæcumq; à medicis vel cauſidicis, vel alijs quibuſcūq; arte vel fraude ſupra debitū extorquetur, ea in eleemoſynam verti non poſſunt.

Inuenta, quæ nullius certidomini sunt, & in proprium & in pauperum quoque vsum conuerti possunt.

INVENTA, quæ nullius certi sunt Domini, neque antè fuerunt; vt sunt gemmæ vel vniones in littore maris cõperti; aurum vel argentum è terræ visceribus erutum, & alia eiusmodi vbilibet inuenta: Tum ea etiam, quæ olim quidem fuerant certi cuiuspiam Domini, nunc tamen pro derelictis habentur, & pro eiusmodi haberi certò dignoscuntur, quòd ipsa inuentione in inuentorum ius dominiumque concedant, cum in eleemosynam, tum in proprium quoque vsum conuerti possunt. Nisi forsan peculiari aliqua lege aliud alicubi cautum extet; vel consuetudo aliud alicubi obtineat. Constat enim, quibusdam in locis thesauros casu repertos, vel aliquam certè illorum partem principum fisco addici.

Quæ certi alicuius Domini fuerunt, neque pro derelictis adhuc habentur, ea egenis dopari iure non possunt.

CONTRA verò, quæ certi alicuius Domini sunt, vel proximè fuerunt, neque pro derelictis adhuc habentur, ea neque in proprium commodum, neque in pauperum alimentum transferre licet, nisi forsan omni, quæ oportuit, adhibita diligentia, veri illorum Domini inueniri non queant, vel tantum distent, vt facilem accessum nõ admittant. Nam vbi horum alterutrum militaret, ibi inuenta in eleemosynarum materiam vertere citra noxam liceret. Denique, si quæ sunt alia, vt sunt sanè multa, quæ non modò iniuste parantur; sed iniusto quoque titulo possidentur, illa in eleemosynam exponi non possunt; sed iis reddenda sunt, quibus iniquè crepta fuerant. Verùm quæ ita inhonestè quærantur, vt tamen cum proximi iniuria, aut DEI offensa non detineantur, illa, vt cætera honestè quæsitæ, si propriis vsibus necessaria non sunt, salubriter in eleemosynas, vel alias pias causas erogantur.

Omnia iniuste nõ possidentur, etsi turpiter acquirantur, in eleemosynam infumi queunt.

QUARE licet prostibuli merces apud altare locum non habeat, (nisi forsan res fuerit occulta, & mulier antè peccatrix per veram vitæ mutationem ad DEVM iam conuersa) habet tamen locum, & quidem iustum & opportunum in eleemosynaria datione. Fallit hoc nihilominus, dum vulgatæ pudicitie scæmina ex eo quæstum concipit, qui ab alienare non potest; siue quòd nihil proprii possideat; siue quòd sui iuris, aut mentis compos non existat; siue quòd suis blandimentis plus æquo extorqueat. Quod de scorto vulgato hic dicitur, hoc de Mæcha, Lenone, toròq; illo turpium ac flagitiosorum hominum grege dictum accipiat: Si quidem

Merces meretricia restitutioni interdicti est obnoxia, & tunc in eleemosynam verti nequit.

quidem hi omnes ita turpem questum faciunt, vt turpi tamen commercio quæsitum non prorsus iniuste possideant: siue ea æquitas proueniat ex operarum locatione; siue ex libera donatione; siue ex utroque simul, quod nobis fit verisimilius.

CVM Lenonum turpitudine haud obscurum symbolum gerunt Mimi, Histrones, Principum assentatores, pluresque eius farinae alij. Quapropter licet tam ipsi quam ipsorum quæstus publicè turpes infamesque habeantur; nec ipsi solum, sed alij præterea omnes, qui cum ipsis faciunt, eorundemque familiaritatem & amicitiam colunt, attamen quòd restitutioni obnoxium non sit, quod ex infami illa arte corradunt, licebit illud integrè, vel ex parte in egenorum victum exponere. Idem de eo statuunt veteres, quod venatio parit. Illi enim non eam tantum, quæ cum pauperum & infontium oppressione coniuncta est; & alteram illam, quæ cum effertis beluis non absque vitæ salutisque discrimine in circo vel arena exerceri solita est, apertè damnât; sed eam etiâ, quam vulgò saltuariam appellant, parum laudant.

FATENDVM est tamen, eiusmodi venationem secundum se illicitam non esse. Qui enim aliam artem nullam callent, neque aliunde quàm ex venatione alere se valent, non peccant, si ex instituto venationi vacant. Certum est quoque, viros principes, & alios quoque inferioris ordinis nobiles, quò corpus exerceant, honestèque sese recreent, in saltibus, & syluis, & aliis quibuslibet locis iurisdictioni suæ subiectis, licitè venationi operam dare: dummodo tamen sua venatione neminem grauent; & ea, quæ ad pietatem & officium suum faciunt, propter venationem non negligant; & nihil tandem venationis causa, quòd DEVM vel proximum offendat, committant. At quòd in multis & magnis venationibus nõ faciliè hæc omnia euitentur vel obseruentur, fit, vt raro admodum sanctificentur, qui multum venantur. Esau, scribit Hieronymus, venator erat, quoniam peccator erat. Et penitus nõ inuenimus in Scripturis sanctis sanctum aliquem venatorem; piscatores inuenimus sanctos.

TURPIBUS lucris, quæ ita tamen sunt affecta, vt in legitimam eleemosynarum materiam cõuertere queant, illud quoque accenseri solet, quod alea, vel alius ludus iure inhibitus, vel non satis approbatus acquisiuit. Hoc tamen hæc lucra à cæteris, quorum paulò

Veteres Patres
nullum venationis
genus laudant.

In multis & magnis venationibus
difficiliter euitatur peccatum.
Esau d. 86.

Quod alea, vel
alius eiusmodi
ludus peperit,
non semper in
eleemofynæ o-
pus cōverti po-
teft.

antè meminimus, discrepant, quòd restitutioni frequenter sine obnoxia; vt cùm ex eo obuenerunt, qui abalienare non poterat; vel quia nihil proprij, quod perderet, habebat; vel quia sui iuris, aut sanæ mentis, aut artis luforiæ gnarus non erat; vel quòd dolo, aut fraude circumuentus, aut quòd vi metûe ad ludendum adactus fuerat.

DE Ariolis tandem, Sortilegis, Chiromanticis, cæterisque diuinarioribus, eorundemq; lucris idem statuas, quod de reliquis turpibus lucris & lucrionibus. Nam etsi illorum professio sit fœda, seuerissimæque inhibita, nihilominus eleemofyna, quæ ex diuinatorio quæstu impenditur, non est mala, aut lege aliqua prohibita. CONSTAT itaq; generali quadâ ratione, ex quibus rebus eleemofynam donare liceat, & ex quibus rursus id non liceat. Accurata autem rei huius tractatio tota pendet ex controuersia de restitutione, quæ alium locum exigit.

De iis, quibus eleemofynaria præsidia salubriter administrantur, vel non administrantur.

CAPVT NONVM.



XPOSITVM est, qui eleemofynam largiri debeant, & iure queant; tum ex quibus rebus egenis benignè facere licet, & è quibus id rursus non licet; proximum est, vt explanemus, quibus paupibus eleemofynarum adminicula impendenda sint, & quibus eadem vel non impendenda, vel parcius impendenda sunt. Hoc autè perspicuè & commodè vt fiat, pauca quædâ de pauperum discrimine hîc præmittere placet. Nam etsi iam antè, cùm nimirum de varia diuitum conditione disputabamus, nonnulla rei huius inciderit mentio, eget tamen explicatione aliquantò maiori.

EST itaque triplex pauperum genus: Vnum spontaneum, alterum coactitium & quasi inuitum, tertium medio modo affectum, hoc est, neque omnino spontaneum, neque tamen quoque prorsus inuitum. Spontaneorum autem, alij bona, alij mala voluntate sunt eiusmodi. Bona voluntate voluntariam paupertatem complectuntur, qui CHRISTI consilium, Apostolorumque ac aliorum quamplurimorum Sanctorum exemplum æmulati,

Triplex pauperum genus.

Non omnium
spontaneorum
pauperum idem
est scopus.

æmulati, omnibus, quæ habebant, vel quouis modo habere poterant, simul & semel abdicatis, & in pauperes, vel alias pias causas erogatis, nudi nudum CHRISTVM, quantum humana fert imbecillitas, sequuntur. De hoc voluntario pauperum genere, quòd difficultatem aliquam habeat, multisq; & magnis aduersariorum telis pateat, peculiare caput instituemus. Præva porrò voluntate paupertatem sectantur, qui sua mendicitate non CHRISTVM, non mundi contemptum, non sui ipsius, propter regnum cælorum despectum, non aliud denique quicquam pio & Christiano homine dignum quærunt; sed suæ tantum ignauiz desidizque fontem.

SED neque inuiti, quoq; vel coactitij pauperes eiusdem conditionis & qualitatæ sunt omnes: Comperiuntur inter eos enim, qui cum egentissimis quibusdam commissi, diuites quodam modo haberi queant. Nam licet ægrè laborioseque sese sustentent, & quasi in diem viuant; at sustentant se tamen. Horum autem pauperum status, etsi non magnopere videatur exoptandus; vt qui ad alterum extremum magis inclinet, non est tamen prorsus contemnendus. Quandoquidem si huius generis pauperes sorte sua contenti, DEVM in sua tenuitate laudant, iustitiamque exercent, plurima vitæ salutisque pericula, quibus opibus affluentes communiter inuoluuntur, euadunt, & maiores quoque in virtutibus, artibusque homine dignis, progressus plerumque faciunt. Rarò enim ad magna assurgunt, qui in deliciis ætatem transigunt; & à multis tandem morbis, curis, insidiis, casibus, quibus diuites infectantur, immunes viuunt.

SUNT alij ex hoc ordine extremè miseri; quales sunt, qui vnum hoc habent & possident, haberéque & possidere possunt, quod ab aliis accipiunt. Cuiusmodi pauper erat Lazarus ille Evangelicus: Nam nihil habebat, ne panis quidem micam, quo corpus miseria & inedia confectum, reficeret; neque per valetudinem & vlcera laborare; imò ne ostiatim quidem victum quærere sat commodè poterat. Vnde non stetisse, aut vaticatim stipem emendicando oberrasse, sed ad diuitis ianuam iacuisse scribitur. Huius generis egeni frequentius in priuatis ædibus comperiuntur, quàm in publicis plateis, nisi forsàn grassante aliqua annone caritate retinuerint penuria. Inueniuntur enim in magnis præsertim & popu-

Inuiti pauperes non eiusdem rationis omnes.

Diuites maioribus vitæ salutisq; periculis expoliti, quàm pauperes.

Luc 16.
Cuiusmodi dicendi sint extremè inopes.

Extremè inopes frequentius comperiuntur in priuatis ædibus, quàm publicis vicis.

losis ciuitatibus sæpe non pauci, qui domi fame malunt tabescere, planèq; perire, quàm mendicare, aut aliis miseriam suam cum pudore patefacere, aut artem aliquam statui suo non satis consentaneam exercere.

Triplex pauperum inuitorum genus & triplex item necessitas,

Paupertatis gradus non consistunt in indiuiduo,

Cuiusmodi sint, qui inter inuites & spontaneos pauperes mediū obtinent.

Pauperis & egenorum alij exteri & ignoti, alij indigenæ & noti.

MEDIVM inter hos obtinent, qui neque toti ex aliis, neque toti rursus ex se pendent; habent namq; aliquid, & aliquid etiam possunt, attamen nisi ex aliorum charitate, vel liberalitate aliquid accedat, vitam tueri nequeunt. Ex triplici hoc coactionum pauperum genere, triplex necessitas assignari potest. Vna communis, quam conditionatam rectius appellaueris: nam qui hac tenentur, aliorum præsidio non indigent, vt simpliciter viuant, sed tantum, vt commodius viuant. Altera absoluta, hæc extremæ nomine familiarius designatur; vt quæ priuatis opibus omnino sit destituta. Tertia mixta; desiderat hæc namque aliquid ad vitæ sustentationem omnino necessarium, non tamen totum: Nulla autem ex iis omnibus absolutè est indiuidua. Nam neque qui communi egestate laborant, neque qui extrema, neque qui mixta, ex æquo semper laborant. Certum est namque, maiori illum inopia premi, cui ne in vnum quidem diem alimenta suppetunt, quàm cui hæc in vnam tantum hebdomadam, mensem, vel annum suppetunt; Sic miserabilior est, qui uxorem & liberos alere non potest, quàm qui hos potest, cæteros autem domesticos non potest. Eandem vel maiorem quoque latitudinem recipit necessitas personalis.

INTER merè autem voluntarios & merè inuitos medios, eos collocare licet, qui inter opes, quas magnas sæpe obtinent, ita affecti sunt, vt **CHRISTI** nomine nihil possidere, vel omnia deserere parati sint. Sed & in magna quoque rerum copia, eam animi submissionem erga omnes ostendunt, vt nihil proprium habere videantur. Quare si vsu quandoque veniat, vt eorum, quæ possidere videbantur, iacturam faciant, non murmurant, non recalcitrant, non insaniunt, sed **DEVM** cum **B. Iob** ex animo laudant. Denique cuiusvis generis & ordinis pauperes, alij sunt indigenæ & quasi domestici; alij peregrini vel exteri, vulgòque ignoti. Iam ex hoc egenorum discrimine haud difficile de eo fuerit statuere, quod hoc capite præcipuè in disquisitionem vocatur, nempe quibusnam pauperibus eleemosynarum auxilia submini-

ministrare, quibus rursus eadem subtrahere, vel parcius impendere conueniat. Quanquam, ut suis postea locis planum fiet, non ex hoc tantum. At nunc ad singulas pauperum classes se vertat oratio.

NVLLE extremè, vel quasi extremè egenti; siue is probus sit, & Christianorum sacris initiatus; siue improbus & Paganismi erroribus adhuc irretitus, necessarium vitæ auxilium denegandum est: Siquidem humana natura, cui auxilium impenditur, & bona est, & à DEO est, & nobis omnibus commendata est. Vnicuique enim de proximo suo mandauit DEVS, non solum amico & iusto, verumetiam inimico & iniusto: *Benefacite his, qui oderunt vos, ait CHRISTVS, Orate pro calumniantibus, & persequentibus vos.* Atqui inimicus vel persecutor, ut eiusmodi, non est bonus: nam si bonus esset, inimicus, vel persecutor non esset. Si ergo inimicis & persequentibus benignè facere iubemur, etiam si extrema necessitas non urgeat, quanto magis, si hæc urgeat?

Nulli extremè egenti, etiam si sceleratissimus sit, necessarium vitæ præsidium denegandum est.

Matth. 5.

IMO verò tanta est extremæ indigentiae vis, tantæque vitæ humanæ præstantia, ut iis quoque alimenta subministrare liceat, (modò per publicos iustitiæ ministros, aut cum aliorum offensione, aut Reipublicæ perniciæ id non fiat,) quos publica vindicta, vel iudicis sententia ob admissa scelera ad carceralis inediæ interitum condemnauit. Et quod de alimentis hoc loco dicitur, hoc de cæteris quoque vitæ præsidiiis dictum accipiatur: nam si ad mortem condemnato, impedimentis, quibus detinebatur, submotis, fugam inire licet, cur eiusmodi licitam fugam promouere & adiuuare non liceret? Enimuerò si Mæui licet emere, vel vendere, vel bellum gerere, cur Titio, quò facilius emat, vel vendat, aut bellum gerat, consilium vel auxilium non liceat dare?

Licet iis cibum, aliæque vitæ præsidia subministrare, quos iudex ad carceralia inediæ interitum condemnauit.

AD hoc extremè egentium membrum spectant illi etiam, quibus inter inuitè pauperes postremum locum assignauimus. Nam etsi illi, ut ibi dicebamus, non egeant extremè ex omni parte, ea tamen parte extremè egent, qua toti ex aliis & nullo modo ex se pendunt, adeoque secundum illam partem æquè iuuandi sunt ac illi, qui simpliciter extremè laborant, siue qui toti ex aliorum gratia dependent. exemplo id declaro. Sint duo, quibus in sumptuum quoti-

Qua parte quis extremè laborat, secundum eam æquè iuuandus est ac si simpliciter extremè laboraret.

quotidianum absolutè necessarij sint quinq; nummi: alter ex illis nullum ex se habeat, neque habere queat; alter verò vel habeat, vel diurno labore conficere valeat tres, nullo autem modo quinque, quos ad victum quotidianum ponimus absolutè necessarios; iam quod attinet ad duos nummos, qui necessario victui defunt, planum est, hunc perinde extremè egere ac alterum, qui nihil ex se prorsus habet, nec habere valet; atque ideo secundam hanc quotam deficientem, æquè ab omnibus iuuari debere, ac illum, qui simpliciter extremè laborat.

At verò secundum eam partem, quam ipse labore vel industria comparare potest, nemo illi eleemosynam dare obligatur, sicut nec illis quoque, qui non pendent ex alijs secundum vitam vel esse, sed tantum secundum commodum naturæ vel vitæ statum: cuiusmodi sunt, qui se sustentare possunt, quamuis non absque labore & molestia. Nam etsi illi, qui obtinent bona ad status sui decus honestè tuendum non necessaria, etiam extra extremæ necessitatis causam pauperibus benignè facere teneantur; non tamè obligantur, huic vel illi præcisè eleemosynam dare, sed huic vel illi, vel cuicunq; alteri indeterminatè. Retinent enim istiusmodi liberam bonorum æconomiam & administrationem. Inter inuitè itaque pauperes solis secundæ & tertiæ classis egenis debetur eleemosyna: quamuis interim ea primi quoque ordinis pauperibus cum merito donari possit. De illis porrò, quos inter spontaneos & inuoluntarios pauperes medios constituimus, nihil est quod hic dicamus: Adest his enim, vnde se alant. Solum monuerim, si quo casu in egestatem inciderent, propter egregiam pietatem, qua ornati sunt, præ cæteris eleemosynario præsidio fouendos esse. Verùm de extremè pauperibus, necessarijsq; eorundem adminiculis satis.

At verò extrema necessitate seclusa, nullo modo ijs eleemosynarum præsidia impertienda sunt, quos in suam, vel aliorum perniciem eiusmodi præfidijs abuti constat. Votum est enim illud Augustini: Vtilius esurienti panis tollitur, si de cibo securus iustitiam negligit, quàm esurienti panis frangitur, vt iustitiæ seductus acquiescat. Cognatum huic est illud Hieronymi: Da pauperibus, quò necessitas sustentetur, non quò vitia augeantur. & illud Ecclesiastici: *Da misericordiam, & non suscipias peccatorem. Da bonum, & non*

receptis

Superuacua possidentes, extra extremam necessitatem nulli certo eleemosynam dare obligatur.

Non omnis §.
95.

Qui eleemosynis abutuntur, eleemosynis subleuandi non sunt.

Cap. 12.

repperis peccatorem. Benefac bñmili, & non dederis impio. Prohibe panes illi dare, ne ipsis potentior sit. Nam duplicia mala inuenies in omnibus bonis, quacunque feceris illi. & illud tandem Ambrosij: Pulchrum est bene uelle, & eo largiri consilio, ut prosis, non ut nocceas. Nam si luxurioso ad luxurię effusionem, adultero ad mercedem adulterij largiendum putas, non est beneficentia ista, ubi nulla est beneuolentia; officere est enim illud, non prodesse alteri. Non sunt igitur illi eleemosynis fouendi, qui in luxuriam, vel superbiam, vel aliud quodcunque vitium istiusmodi fomentis abuti dignoscuntur.

Li. i. c. 39. offi.

SED neque illi quoque eleemosynario præsidio digni sunt, qui et si neminem concitiant, aut publicè lædant, nulliusq; thorum violent, nihilominus laborem, quo alere se poterant, & iure quoq; se alere debebant, auersantes, ignauiaque & otij commoda de industria sectantes, mentiendo & mendicando orbem obambulant, variasque artes & imposturas, quò id, quod sibi præfixum habent, consequantur, excogitant. Etenim quò copiosiores eleemosynam extorqueat, adeoque molliùs cutem curet, hic se à latronibus spoliatum confingit; ille naufragio vel incēdio omnibus fortunę bonis se exutum asserit; alius iniusto exilio se multatum comminiscitur; alius rursus hoc vel illo occulto morbo se grauari causatur; alius tandem aliud nugatur, prout vnusquisque mentiendi, fucumq; faciendi euasit doctior. Hos (quòd felicitatem mendicitate ponant, ipsaq; mendicitate, certa quadam ratione diuites existant,) quidam nō omnino ineptè $\pi\alpha\chi\epsilon\pi\lambda\epsilon\sigma\iota\varsigma$ vocant, iurium antistites, cūm vagabundos, tūm validos quoque mendicos appellat.

Eleemosyna indigni sunt, qui propter ignauia laborare nolunt.

Varię validorū mendicorū artes & impostura.

VERVM utcunq; appelles, digniores plerunq; sunt, in quos magistratus publicè animadnertat, quā in quos magnas eleemosynas conferat; ut qui non solūm sint ignaui, & ab omni honesto studio prorsus alicui; sed Reipub. quoq; sapenūmero exitiosi. Nam cūm istiusmodi homines sint otiosi & curiosi, & vētris causa quiduis pati & agere parati, prout vitiorum omnium mater & nutrix est otium; sua turpitudine non contenti, aliis quoque morum suorum scabiem affricant. Et ut cæteris suis sordibus nihil obessent, veris tamen pauperibus magnum præiudiciū adferunt. Nam & eleemosynarum præsidia illis intercipiunt frequenter, & vulgo eosdem exosos reddunt, multisq; cōitiis & probris expo-

Vagi & validi mendici Reipub. perniciosi.

Vitiorū omniū mater & nutrix otium.

L nunt.

nunt. Denique præter diuinas humanasque leges, quæ id hominum genus passim detestantur, multæ graues extant causæ, cur eiusmodi vagos validosque mendicos è ciuitatibus proscribi, & si minæ & admonitiones sat non sunt, multis quoque & pœnis à turpi illa vita coerceri conueniat.

Propter validos mendicos leges alicubilatæ veris mendicis parum commodæ.

AT verò ex æqua iustaque validorum vagabundorumque mendicorum proscriptione, fraudumque & imposturarum, quas comminisci solent, detestatione alicubi natæ sunt leges & constitutiones veris pauperibus parum commodæ, Christianæque charitati, & rationis quoque legi parum consentaneæ. Enimverò comperiuntur Respublicæ, quæ nullum omnino exterum mendicum admittunt, etsi de illius miseria apertè constet: Aliæ quæ tales quidem ad aliquot dies admittunt, verùm id cum tanta cautione, tantaque de tota miserorum vita, statu, & conditione indagine & inquisitione, vt dubitare queas, satius ne sit, eleemosynarium aliquod subsidium ab eiusmodi loco expectare, an tam exactum non absque pœnæ periculo, sicubi lapsus aut à vero aberrasse deprehensus fueris, examen subire: Alię tandem, quę alias, prout singulæ in suo sensu abundant, in peregrinorum egenorum receptione leges & cautiones adhibet. Quę omnia etsi bono zelo fiant, aut fieri certè queant, aliquam tamen iniquitatis speciem, præ se ferunt, Ecqualemnam inquis?

EXPONUNTUR HIC BREVITER CAUSAE, ET rationes, quæ suadere videntur, exteris mendicis non esse interdicendum introitum ciuitatum.

Loca publica omnibus ex æquo patere debent, neque vilius citra culpam, aut grauem causam eo beneficio priuari potest. Mendicare non est culpa, ed pœna.

PONO hîc autem tanquam certum, loca publica, vt sunt viz regiæ, ciuitates, oppida, pagos etiam, si quidem ius Gentium spectemus, omnibus ex æquo patere debere, nullumque eo iuris beneficio citra culpam priuari posse. Cum ergo exteri mendici, vt tales, noxa vacent, (Quandoquidem mendicare vel eius conditionis esse, vt nolis velis mendicare, cogare, non est culpa, sed pœna) exponant illi nobis quæ æquitare, commune illud iuris beneficium, per sanctiones politicas exteris pauperibus adi-matur?

ADHAEC,

A D HÆC, & eòdem ferè tendit, nunc ab hac, iterum ab illa, rursus ab alia ciuitate arceri, aliud nihil esse videtur, quàm quoddam partiale exilium, seu peculiaris quædam proscriptio: (Nam vt viæ, ita etiam ciuitates, omnibus indiscriminatim apertæ esse solent, & iure quoque apertæ esse debent; nisi forsan delictum, aut bellum, aut pestis, aut dira fames, aut aliquid aliud eiusmodi aliud quandoque exigat) at pœnam exilij nulli infonti irrogare licet; exteri autem mendici hoc solo nomine, quòd sunt mendici, culpa carent: Quandoquidem necessitate compellente mendicare nullum est peccatum; imò verò si humiliter & patienter id facias, magnum apud DEVM meritum habet.

Exilij pœnam
infonti irrogare
non licet.

FATFOR vndecunque ad natale solum ablegari, non esse veri nominis auxilium, attamen ita huc amandari, vt nusquam alibi admittaris, est quiddam vero exilio cognatum: Est nihilofecius manifesta communis iuris violatio; est, vt paucis dicam, magna quædam infontium vexatio. Nam dum miseri illi iam ex hoc, iterum ex illo, rursus ex alio loco vel oppido profligantur, sit, vt in perpetua quadam peregrinatione versantes, nusquam requiem inueniant, nusquam pedem figere audeant, aut valeant. Ex quo deinde consequitur, vt senes, debiles, morbo aliaue miseria confecti, in ipso interdum itinere omni interim humana ope, Sacramentorumque præsidio destituti miserum spiritum efflent: Validiores verò ex desperatione ad furta & rapinas sese conuertant, & laqueo tandem, quem forsan non admodum promeriti fuerant, ærumuofam vitam finiant.

Ad magnas molestias & miseria
as adigunt pauperes,
qui à ciuitatibus illos arcent.

PRAETEREA apud omnes rectè sentientes in confesso est, nulli mortem inferre licere, qui crimen morte dignum nullum admiserit; at plurimi comperiuntur, qui in patrio solo nec habent, vnde viuant, nec habere possunt: eiusmodi ergo, pœnis vel minis, vel quibuscunque statutis intra patriæ limites coercere, aliud nihil est prorsus, quàm iunoxios contra omne ius & fas dira fame euacare. Qui ergo pauperes cogere volunt, vt intra patriæ fines sese contineant, simul quoque loci illius magistratus cogant oportet, vt suos pauperes domi alant: At hæc coactio vel non succedet, vel non absque difficultate succedet: Nam præterquam quòd eleemolyna, extrema necessitate seclusa,

Nemo pauperibus
inhibere potest, ne extra patriam
mendicent, nisi in patria de
necessario alimēto illis pspiciat.

res sit quod ad hunc & illum attinet, libera, ad quam proinde iusta lege nemo compelli potest, multi quoque magistratus aliis magistratibus non subsunt. Qui autem non subest, alterius lege preni- uo potest. Qui igitur in natali solo, necessario victu destituuntur, ita ut illum isthic, ubi nati sunt, nec habeant, nec habere queant, nullis obstantibus legibus, libere ad exteras nationes & ciuitates conferre se possunt. Qui autem tales vexant, legumque suarum scueritatem in illos exercent, videant quid Deo, qui est Dominus omnium, summusque pauperum patronus, olim respondeant.

Vbiq; locorum comperiuntur, qui citra aliorum subsidium vitam tueri non possunt.

PLANIVS hanc rationem explico: Vt in eadem ciuitate comperiuntur diuites & pauperes, necessariis vitae praesidiis plane destituti; ita in eadem quoque prouincia: Siue ea inopia proueniat ex soli sterilitate, siue ex alia quacunque causa. Iam ut ciuitatis Magistratus ciuitatis incolis, qui se alere nequeunt, nullo iure interdiceret potest, ne domo exeant, diuitumque aedes eleemosynarum causa adeant, nisi necessaria vitae alimenta domi manentibus subministrant; ita etiam prouinciarum rectores, locorum sterili- um incolis, ne extra victum quærant, iuste inhibere nequaquam possunt, nisi intra natale solum constitutis, de sumptu necessario bona fide prospiciant. Cum itaque communiter id non faciant, quo iure, ne extra victum quærissent, illis interdicitur?

Pauperes ab vr- bibus & ciuitati- bus excludere, pugnat cum hospitalitate, ut quod maximè.

QVOD si nihil ex iis, quæ hæcenus retulimus, legibus illis obstaret, adhuc graue magnaque consideratione dignum videretur, quod vniuersalis illa egenorum omnium aliunde aduenientium exclusio cum hospitalitate, quæ tantopere apud omnes gentes & nationes prædicatur, & prædicata est semper, tantæque contentione cum in sacris tum in profanis quoque literis omnibus commendatur & inculcatur, pugnat ut quæ maximè. Nam, ut nemo nescit, occupatur hæc circa exteros & peregrinos præcipue, & inter eos peculiari fauore illos cõplecti solita est, qui tecto ca- terisque necessariis destituuntur. In domesticos enim beneuoli & liberales sumus veriùs, quàm hospitales. Iam si vagos validosque mendicos excludimus, ut meritò, si de illorum vitio certò constat, eosdè excludimus; & verè egenos miserosque nullos admittimus,

in

in quos tandem hospitales erimus? Forsan in diuites? Atqui si diuitibus peregrinis, qui necessariis omnibus abundant, aut facili negotio ea parare valent, hospitalitatis iura non negamus, cur ea negabimus pauperibus, quibus, omnium iudicio, debeantur maximè?

DENIQVE Scripturæ, dum de pauperibus agunt, nihil inter aduenas & indigenas secernunt; verùm vt omnibus indiscriminati, quibus possumus, beneficiamus præcipiunt. Imò verò vt Exod. 23. Leuit. 23. Deut. 10. & 14. & alibi passim videre licet, peculiarem exterorum pauperum curam haberi volūt. Simus proinde liberales, & hospitales in omnes, & in eos præcipuè, qui ad sacra loca religionis ergò peregrinatum eunt. Nam quò Diabolus, propriæque eiusdem organa infestius hæc oderunt, cò maiori honore & beneuolentia digni sunt, qui pietatis studio eiusmodi laborem suscipiunt.

DILVVNTVR EORVM RATIONES, QVI SENTENTIAM huic oppositam magis probant.

AT quamvis hæc ita habeant, non desunt tamen, qui statutorum, de quorum ratione & æquitate hic disputamus, patrocinium suscipiant, multaq; in illorum defensionem allegent, & inter alia: nullam Reipub. aut ciuitatem ad externorum pauperum curam, aut sustentationem obligati. Mox complures cùm corporis tum animæ quoque morbos per eiusmodi peregrinos in ciuitates importari. Postremò domesticis & indigenis satisfieri vix posse, nedum exteris & peregrinis, adeoque vnumquemlibet intra sui vici, pagi, oppidi, vel municipij fines consistere, indeque alimenta & cætera, quæ vitæ necessaria sunt, expectare debere.

SUNT sanè hæc apud eos, qui ex superficie de rerum naturis statuunt, aliqua; Verùm apud æquos cordatosque rerum æstimatores, noui admodum ponderosa. Nam dato; hanc vel illam vel nullam quoque Reipub. vel ciuitatem alienos pauperes alere lege aliqua teneri, hoc tamen exteris mendicis facultatem non adimit, alienas ciuitates adeundi, ibidemque eleemosynarum præsidia petendi. Aliud est enim, stipem propter **DEVM** petere;

Natura & recta ratio dicitur, ut abundantes, necessitatem patientibus opem ferant.

aliud hanc vel illam ciuitatem, ut alar, vel rem petitam concedat, cogere. Hoc enim non licet, illud licet. Quamuis ex hoc ipso quoque, quod *DEVS* Opt. Max. qui & iustus est, & mortaliū omnium apprimè amans est, vni maiorem rerum copiam & affluentiam largitur, quàm alteri: sequi videatur, ut hi, qui abundant, iis qui egent, opem ferre debeant.

Non minùs inficiunt ciuitates exteri diuites, quàm pauperes.

Quod de animi corporisq; morbis allegabatur, eque locum habet in peregrinis diuitibus, atq; in pauperibus, & fortè magis. Quamobrem si pauperes externi excludi debet, ne ciuitatem inficiant, excludi quoq; debet diuites, omnisq; generis mercatores & negotiatores, qui tamen non excluduntur, sed studiosè fouentur, & alliciuntur. Friuolum est ergo, quod de ciuitatū infectione dicitur. Porro domesticos, si cætera sunt exæquata, externis præferendos esse, id nemo negat: At quia sæpe contingit, ut cætera non sint paria, atque nonnulli magis afficiantur erga peregrinos omni ope destitutos, quàm erga indigenas & ciues proprios, non deberet vnquam externis petendi ostium præcludi, maximè cum ea facultas competat illis ex iure naturali. Quilibet enim cogens à quolibet habente & abalienare valente, vitæ subsidia petere potest.

Non omnes pagi & oppida suos pauperes alere possunt.

Tandem cum vnumquemq; pagum, vicum, oppidum vel municipiū suos pauperes alere debere contendunt, haud magno iudicio se præditos ostendunt. Constat enim, tantam interdum esse populi miseriam, tantamq; rerum omnium in patrio solo penuriam, ut paupercula plebecula seipsam alere vix queat, nedum numerosos egenorum greges: Siue inopia illa inde proueniat, quod loca quædam obtineant horrida, sterilia, & aspera, quæ, ut maximè colantur, parū ex se fundunt: Siue quod à Principibus, Satrapis, vel Nobilibus, quorum iurisdictioni subfunt, inusitatis oneribus & exactionibus ita exhauriantur, & quasi exenterentur, ut ditiores agrè vitam tueantur, nedum tenuiores, quorum maior semper numerus esse solet: Siue quod incendium, aut aquarum vis, aut rapax miles nihil reliquum fecerit: Hæc enim omnia publicam inopiam aut pariunt aut augent. Sed & quibusdam quoque locis diuites vsque adeo duri, & ab operibus misericordiæ alieni sunt, ut clauam Herculi extorquas citius, quàm illis, ad vitæ sustentationem, teruncium.

Et

Et vt nihil horum omnium obfaret, adhuc tamen peregrinis mendicis non femper eft integrum, patriis commodis, eleofynisue potiri. Nam præter Magiftratus imperium, (multis enim propter debitum, vel patratum delictum exilium indicitur) dedecus publicum, quod viris honeftis interdum quoq; accidere poteft, aduerfariorum potentiâ, inimicorum odium, quibus impediti domi hæere non finuntur; funt aliæ penè innumeræ cauſæ, cur quidam patria deferta, aliena petere compelluntur. Vbi tum quòd artem nullam teneant, vel præ virium imbecillitate laborem non ferant, vel quòd nulli operam illorum conducant, vel inuita ad erogandam ſtipem coguntur. Iam talibus emendicandi alimèti facultatem adimere, quid aliud eft, quàm ter miferos ad reſtitu adigere? adeoque ante fatale tempus dira fame è medio tollere?

Non omnibus, vt maximè velint, in patria hæere licet,

NEQV AQVAM, ſcribit Ambroſius, probandi ſunt, qui peregrinos vrbe prohibet, expellere eo tẽpore, quo deberent iuuare; ſeparare à cõmerciis cõmunis parentis; ſuſos omnibus partus negare; cum quibus fuerint cõmunia iura, cum his nolle in tempore neceſſitatis ſubſidia partiri. Ferè non expellunt feras, et homo excludit hominem? Feræ ac beſtiæ communem putant omnibus victum, quem terra miniſtrat, illæ etiam cõfortem ſui generis adiuvant; homo impugnatur, qui nihil à ſe alienũ debet credere, quicquid humanũ eſt? Quantò ille rectius, qui cum iam prouecta proceſſiſſet ætate, & famem toleraret ciuitas, atq; , vt in talibus ſolet, peterent vulgò vt peregrini vrbe phiberentur, præſecturę vrbane curam cæteris maiorem ſuſtinens, conuocauit honoratos & locupletiores viros, popoſcit in medium conſulerent, dicēs: Quàm immane eſſet, peregrinos eiici? quàm hominem exueret, qui cibũ morientibus negaret? Caneſ ante menſam impaſtos eſſe non patimur, & homines extrudimus? Hæc ille contra eos, qui graſſante fame peregrinos vrbe receptos, ex vrbe eiicere ſtudebant. At eiufdem inhumanitatis eſt, receptos eiicere, & recipi cupientes non admittere. PATEt itaq; , rationes, quæ contra peregrinos pauperes adferuntur, parum validas eſſe.

Li. 3. c. 7. offici.

Feris beſtiis duriores, qui famis tempore pauperes extrudũt, vel non admittunt,

NEQVE tamen ea de cauſa hæc dico, aut diſputo hoc loco, quaſi leges vel conſtitutiones, quæ contra externos mendicos alibi editę extant, condemnem: abſit hoc; verũ vt moneam, eiufmodi

modi sanctiones ea seueritate vrgendas non esse, vt peregrinorum mendicorum curam, tanquam nihil ad nos pertinentem penitus abieciſſe videamur. Sunt enim illi eodem, quo interni sanguine redempti, & ad maiorem fortè gloriā, quàm illi ipsi à D E O O p t. Max. electi. Neque enim miseri illi, si crucem suam leni patientique animo ferant, cœlesti Patri non possunt non esse quàm maximè chari. Argumento nobis sint leges, quas in eorum fauorem iam olim tulit. Notum est illud Exodi: *Peregrino molestus non eris, scitis enim aduenarum animas, quia & ipsi peregrini fuistis in terra Egypti.* Et illud Leuitici: *Non secabitis segetem terræ vestræ, vsque ad solum; neque remanentes spicas colligitis, sed peregrinis dimittetis eas; Ego sum Dominus Deus vester.* Et illud Deuteronomij: *Dominus personam non accipit, nec munera.* Facit iudicium pupillo & viduæ, amat peregrinum, & dat ei victum, atque vestitum; & vos ergo amate peregrinos, quia & ipsi fuistis aduenæ in terra Egypti. Et infra: *Peregrino, qui intra portas tuas est, daret ut comedat.* Alia eiusmodi occurrunt frequenter, quæ clarè ostendunt, quàm chari sint D E O pauperes peregrini. Verùm de iis, qui peregrinos mendicos nullos admittunt, satis.

SUPERVACANEVM VETERVM QVE DOCTRINA aduersum eorum studium videri, qui in exteros mendicos nimis exactè, & accuratè inquirunt.

IS porrò, qui mendicos aliunde accedentes ad dies aliquot admittunt, sed non absque magno accuratòque examine, iure dici queat: Laudo vos, in hoc autem non laudo. Nam quòd admittunt, in laude ponendum est: pertinet hoc enim ad Christianam charitatem. Quòd autem tanta anxietate & studio in illorum vitam & statum inquirunt, id maiorem curiositatis, quàm charitatis speciem præ se gerere videtur. Quamvis enim curandum sit, vt elemosynæ conferantur in dignos, ne videlicet illarum occasione foueantur vitia; attamen non est hîc opus tanto molimine, aut indagine. Aliud est enim misericordem esse, aliud scelerum vindicem esse. Misericordiam Deus exigit ab omnibus, vindictam verò non item.

QVAMOBREM nullum videtur operæ precium, vt peculiâres ministri designentur, qui vnum hoc negotium habeant, munusque exercent, vt in pauperes, ne quam fraudem, vel fucum faciant,

Cap. 23.

Cap. 23.

Cap. 10.

Cap. 19.

Nō est nimis anxie in peregrinorum vitâ aut statu inquirendum.

1. Cor. 11.

faciant, inquirant, eosdemq; si imposturam fecisse, hoc est, mendicitatem mentiti deprehendantur, certæ pœnæ vel multæ subiiciant. Sat fuerit, si iuste delati, vel casu deprehensi, illorum iudicio & foro sistantur, quibus aliàs in flagitia vel vitia inquirere vel animaduertere ex officio incumbit. Etenim si nulli instituuntur magistratus, qui in externos mercatores & negotiatores inquirant, à quibus tamen multò plus periculi, multoque plus detrimenti formidare licet, quàm à quocunque ficto paupere, cur certi homines institui debent, qui in pauperum vitam vel statum inquirant? Quantula enim iactura est, si quis sumpta pauperis persona panis frustum, aut obulum à quopiam extorqueat. Verùm mœtatorum fraudes, imposturæ, & artes multis sæpe millibus vix rediniuntur.

Plus damni inferunt ciuitatibus dolosi mercatores, quàm ficti pauperes.

SATIUS profectò foret, peculiare extraneorum pauperum patronos ac defensores instituere, quàm certos quosdam ministros designare, qui illorum vitam & statum discutiant. Nam cum iuxta Esæi vatis dictum, mendicus mendico soleat inuidere; neque desinit vnquam, qui proprio quæstui studiosius, quàm veritati operam dantes, de opibus & viribus, quas non habent, falsò illos deferre studeant, & ipsi interim, partim timore, partim ruditate impediti causam suam apud prætorem, vel iudicem commodè proponere nequeant; neq; patronum vllum, qui illis assistat, habeant, vt diuites solent; sit, vt bonam causam sæpe perdant, iudicati nimirum vel non egre, vel labore victum parare posse. Ex quo deinde consequitur, vt multi sæpe propter inedia & miseriam manifestum vitæ discrimen adire compellantur.

Satius esse instituere certos, qui externos pauperes ab emulis defendant, quàm qui in illorum vitam inquirant.

QVOD si qui inter externos mendicos comperiuntur, qui mediocri prudentia & animo causam suam tueri valeant; nihilominus quòd examē illud duris plerunq; & vilibus hominib. committatur, hoc est, talibus, qui multò, ppeniores sunt ad vexadum & excludendū, quàm ad miserandū & admittendum, adhuc ius suum obtinere vix possunt. Quare aut nulli omnino pter ordinarios magistratus huic muneri præfici deberēt, aut si qui deberent, nō viles & inclementes deberēt; sed viri misericordes & pij, qui pauperes scirent erigere, eorūq; causam adiuuare; & nō nulla quoq; dissimulare. Siquidē si in altero peccandū est, multò præstabilius est, decem indignos admittere, quàm vnum verè dignū iniuste excludere.

Peregrinorum pauperum cēsores, non viles, & inclementes, sed graues & misericordes esse deberent.

Ut quis mendicandi ius habeat, nō est necessarium, vt sit cæcus, claudus, leprosus, vel alio eiusmodi morbo infectus: sed sat est, si ita affectus est, vt citra aliorū opem, victū necessarium parare non queat. Sed & illi ipsi quoq; qui laborē ferunt, nō earum semp sunt virium, vt continuò laboris molestiam ferre valeant: & qui id possunt, nō semper, vbi laborent, inueniunt. Vt nihil interim de iis dicam, qui infortunio quopiā, cū nobiles alioqui vel diuites essent, ad pauperiem redacti sunt: hi enim si medicitate vitam tolerare possunt, ad munia seruilia sese demittere nō obligantur. Denique totum illud examen huc tendit, vt ficti pauperes in ordinem redigantur, veri autem aliquantò lautius habeantur: & tamen neutrum obtinetur. Nam qui antè in ciuitate paucis contenti erant, postea veluti validi & eleemosyna indigni è ciuitate expulsi, vicinos pagos expilant, & ex validis mendicis validi nonnunquam fures efficiuntur; veri autem egeni nihil ferè ex commerciorum proscriptione ad suam quotam accedere asserunt.

A d hęc si ob damnum, quod Respub. aut veri pauperes propter admixtos quosdā fictitios interdum capiunt, peculiare ministeri institui deberent, qui falsos à veris egenis secernerēt, & minis pœnisq; ad frugem eosdem compellerent, iure meritòq; alij quoq; institui deberent, qui publicos Principum, Rerumpub. & aliorum dynastarum ministros & curatores examinarent: Plus namq; vnus ex illis vno sæpe mense furatur, quàm centum fucati pauperes decē annis; Alij rursus, qui externos mercatores & negotiatores, illicitosq; eorundem contractus discuterent: plus enim detrimenti illi suis vsuris & imposturis nonnunquam adferunt Reipub. vno anno, quàm omnes vnus regni ficti pauperes integro lustro. Constat enim, qui imprudentes eleemosynā dant indignis, rati nimirum, illos dignos esse, qui sunt indigni, adeò nullam ea datione iacturam facere, vt magnum quoque lucrum apud D E V M faciant; Alij tandem, qui eos probarent, qui ad quęcunque publica munia admittuntur; siue ea politica fuerint, siue Ecclesiastica. Siquidem multò plus periculi est, si indignus admittatur ad consulatum, vel senatum, vel ad alium quemcunq; ciuilem vel Ecclesiasticum magistratum, quàm si non egens vel aliàs cleemosyna indignus admittatur ad mendicabulum; & tamen

Non perdit mercedem, qui dat eleemosynā indigno, si putabat esse dignū.

tales

tales communiter non instituuntur. Nulla ergo grauis se offert causa, cur in pauperum vexamen peculiares iudices vel magistratus institui debeant.

Quod si in exterorum pauperum statum curiosè inquirere operæ precium non est, multò minùs operæ precium erit, anxie in eorundem vitam inquirere. Est enim hoc illo multò grauius, saltè eo modo, quo à quibusdam fieri consuevit. Nam per viros ad hoc delectos quædam communia, & quasi publica ab illis exquirere, puta vnde veniant, quò vadant, cuius sint regionis vel religionis, aliæque eiusmodi, quæ ab ignotis hominibus exquiri solent, istud adeò nullum est peccatum, vt hoc tempore, quo tam multi impostores circumcursitant, omnino videatur necessarium; ne videlicet, dum de aliis bene mereri studemus, ciuitatem in aliquod periculum conuiciamus.

Verum hoc examine, quod ante vel intra ciuitatum portas fieri solet, illi non contenti, quærunt multa, quæ iure quæri non possunt, ne in legitimo quidem iudicio, nedum extra omne forum. Et quod peius est, multi priuati publico illo examine necdum exatiati, antequam obulum vel panis frustum depromant, suum adhuc priuatum scrutinium adhibent, quæ res est vanissima, & à maiorum nostrorum doctrina & vñ longè alienissima: Quandoquidem eleemosynarum vsus non nititur eorum merito, pietate, aut sanctimonia, qui eleemosynarum præsidio potiuntur; sed eorum deuotione & charitate, qui easdem elargiuntur. Hi autem si pij sunt, non elargiuntur, quò alterius improbitatem foueant, sed quò humanæ miseriæ & imbecillitati propter CHRISTVM opem ferant, eandemque sustentent, & foueant.

Mitto hîc, accuratam illam vitæ meritorumue discussionem, in rebus tantùm grauib, & periculosis adhiberi solitam esse; exiguam autem eleemosynam ad naturæ, vel personæ sustentationem impertiri, res est leuis, omnisque periculi expers. Imò verò propter frustum panis, aut aliquid aliud eiusmodi, totam miseri hominis vitam discutere, & interdum pro stipe vel pane, quem mendicus petebat, probris ac contumeliis eundem onustum dimittere, res est Christiano homine prorsus indigna.

Grauius est in alterius vitam inquirere, quàm in alterius statum.

Eleemosynarum fructus datum pietate & sanctimonia nititur, non accipientium.

Graues res examen deposcunt, leues non item.

Humana ratio
in multis sæpe
caligat, & errat.

DEVM sitantus delectus, tantæque diligentia adhibetur, quò indigni ab eleemosynarum commodis excludantur, cùm humana ratio sit fallax, & in multis sæpe caliget, fieri vix poterit, vt digni interdum non excludantur. Sat proinde nobis sit, quibus vitæ præsidia subministramus, eos pro manifestè improbis, aut nequam hominibus publicè non haberi; esto hoc ipsum fortassis sint, maximè cùm sancti Patres istiusmodi egenorum scrutinia veluti absurda & periculosa, & à Christiana simplicitate planè aliena tantopere detestentur.

Quiescamus
d. 4.

CHRYSOSTOMVS: Quiescamus ab hac absurda, & diabolica curiositate: si in Clerum electum se dicit, si sacerdotem se nominat, scrutari. Non enim hîc das, sed accipis: si verò pro nutrimento postulat, ne hîc examines; Si Abraham scrutator esset, refugientes ad se Angelos nunquam hospitio suscepisset. Et infra: At simulat, inquis, tremorem, & infirmitatem. Non times, ne fulmen ab hoc verbo cœlitus accēsum in te feratur? Nec CHRIS-
T I times tribunal illud horrendum? nam etsi simulat, ex necessitate & egestate simulat, propter tuam sœuitiam & inhumanitatem. Quis enim tam miser & ærumnosus est, vt nulla premiente necessitate, pro solo pane velit ita deturpari ac plangere, talemque personam sustinere? Igitur illius simulatio inhumanitatis tuæ præco fertur.

Homil. 31. ad
Antioch.

Diuitem duritia & inclementia cogit mendicose multas artes excogitare.

Coll. 3.

IDEM exponens illud Apostoli: *Induite vos viscera misericordiae*, ita scribit: Vide quomodo vult nos esse misericordes. non dixit Misere mini simpliciter, sed *induite vos*; vt quemadmodum vestimentum semper nobiscum est, sic & eleemosyna. Nec simpliciter dixit misericordiam, sed *viscera misericordiae*, vt naturalem imitemur amorem. At nos contrarium facimus; et si quis vnum quidem petens obulum accedat, contumeliis, & conuitiis insectamur, & impostorem vocamus. Non horres, ô homo, nec erubescis, impostorem propter panem vocans? Si verò talis & imposturam facit, propterea cui misericordia tribuatur, dignus est, quòd ita fame premitur, vt talem habeat personam. Quin & hoc nostræ crudelitatis est redargutio: nam cùm facilè dare non sustinemus, innumeras coguntur artes excogitare, vt inhumanitatem nostram fallere possint, & emollire sœuitiam.

Et

ET homilia 21. in Epistolam ad Romanos: Ne tu, inquit, pauperes curiose inquiras; propter CHRISTVM enim illos suscipis. Quod si perpetuò curiosè scrutatus fueris pauperes, fiet, vt scpe numero probatum coram DEO virum prætergrediare, mercedemque, quam ex eo habiturus eras, perdas. Ne scruteris igitur curiosè pauperum vitam atque negotia. Nam extrema illud insolentiæ est, pro vno pane totam miseri hominis vitam curiosè inquirere. Hæc Chrysostomus grauissimè & verissimè, quibus alij Patres similia scribunt.

AUGUSTINVS: Discite Christiani sine discretione exhibere hospitalitatem; ne forte cum domum clauferitis, ipse sit CHRISTVS, quem excluditis. Atqui multò periculosius est, hominem peregrinum & ignotum sub tectū admittere, quàm cibum ostiatum mendicanti offerre: Si ergo hospitalitas delectū morosamque peruestigationem auersatur, multò magis auersabitur illam misericordia, quæ esurientibus vel algentibus impenditur. Huic Augustiniano cognatū est illud Bernhardi: Ne scruteris, ne illū forte prætereas, quem DEVS elegit. & illud rursus Isidori: Quicumque egens poscit, etiamsi indigentē se simulat, ex toto corde illi commisereri oportet. Et licet ille falsam præ se indigentis speciem ferat; is tamen, qui simpliciter impertit, fructum misericordiæ non amittit. & illud tandem Gregorij Nazianzeni:

MULTO præstat, ob eos, qui opem merentur, immerentibus quoque porrigere, quàm dū metuimus, ne in indignos beneficium conferamus, dignis etiam misericordiæ officia denegare. Atque cōpertinere videtur, quod scriptura inquit, videlicet panem in aquam quoque mittendum esse: vtpote nec defluxurum, nec perituum apud iustum harum rerum ponderatorem; sed eò peruenturum, vbi omnia nostra collocabuntur, & tempestiuè occurrent, vtcunque aliter existimemus.

GRAVES hæ patrum admonitiones per se solæ sat esse poterant, ad id persuadendum, quod hinc persuasum cupiebamus; nempe in pauperum vitam aut statum, propter exiguam eleemosynam non nimis operosè & anxie inquirendum esse; verum cœlestis patris exemplo, qui solem suum oriri facit super bonos & malos, & p'uit super iustos & iniustos, omnibus & singulis, nisi forsan de cuiuspiam improbitate certò compertum foret, benignè faciendum esse.

Eleemosynæ merces apud Deum debetur.

Lib. 5. de hæresibus

Lib. 3. ca. 64 de sum 60.

Qui simpliciter impertit, fructū misericordiæ nō amittit. Orat. in patr. obi.

Si tamen in bonis est tantum, unde omnium & singulorum necessitati fieri queat satis: Quòd si verò tantum non est, iis cæteri anteferantur, qui magis egent; siquidem eleemosyna tanquam in proprium obiectum, tendit in hominis indigentiam; magis autem citra omnem controuersiam egent, qui nihil habent, & nihil lucrari possunt, quàm qui, etsi nihil possident, aliquid tamen lucrari possunt; magis item, qui animo & corpore simul laborant, quàm qui corpore tantum. Quamobrem si periculum sit, scelcratum, aut paganum quempiam, nisi subleuetur, corpore simul & animo in omne æuum periturum, oportet hunc alteri, qui in eo salutis periculo non versatur, in re eleemosynaria anteferre. Nam etsi hic illo sit dignior, cætera tamen non sunt paria; periclitatur hic enim corpore tantum, ille corpore & animo simul: obligamur autem maioris facere animam iniusti, quàm corpus iusti. Verùm de ordine in eleemosynarum distributione seruando postea ex instituto.

Magis egentes
minùs egētibus,
in eleemosynarum
distributione sunt
anteferendi.

Quæ hætenus exposuimus, ea maiorem partem ad exteros & peregrinos mendicos pertinent; de indigenis porrò nihil ferè, quod peculiarem difficultatem adferat, occurrit, nisi hoc forsàn aliquam discussionem deposcat, quòd quibusdam in locis lege cautum extat, ne quis pauperum publicè vel ostiatim mendicet: Nam etsi extra omnem controuersiam sit, eiusmodi leges conscribi & edi posse, (modò tamen pauperibus oppidanis domi manentibus ita prospiciatur, vt nihil necessariorum illis desit) quæstionem tamen nonnullam habet: expediâtne, eiusmodi leges edere.

Laudandæ ciuitates,
quæ egenis
ciuibus liberam
mendicandi potestatem faciunt.

Mihi sanè, vt paucis hanc controuersiam absoluam, illarum ciuitatum consilium magis probatur, quæ pauperibus ciuibus liberam mendicandi potestatem faciunt. Nam nisi ciuitas tantum æris in deposito habeat, quantum sat sit, vt omnibus ciuitatis pauperibus citra statam exactionem perpetuò satisfieri queat, ægrè admodum omnibus domi manentibus commodè & prouidè semper de necessariis prospicietur. Quandoquidem pauperum numerus plerumque est incertus; neque certò quoq; constare potest, quanta pecuniæ vi opus sit, vt cuiusque necessitati mediocriter consulatur: mutantur hæc enim in horas. At multò minùs

minùs de dictorum ciuium liberalitate corradendæque eleemosynæ quantitate certò constare poterit: quippe cum quilibet donet, quantum volet, & quando volet. Siquidem publico decreto taxare, quantum quisque conferre debeat, id cum eleemosynæ ratione non satis quadrat, sed nec commodè quoque ea taxatio fieri potest. Nam quod cuique ad suum statum honestè tuendum est necessarium, id extrema vel quasi extrema egestate seclusa, nulla lege in eleemosynam erogare obligatur; at quantæ molis, quantæq; difficultatis esset definire, quid cuiq; à suo statu redundaret? Cum ergo tota hæc res penderet ex incerto, non posset profectò domesticos pauperes grandis quandoque necessitas & miseria non opprimere.

Posito autem, quod poni potest, ciuitati commune ærarium, vnde pauperes ciues commodè alere queat, suppetere, adhuc res hæc non omni difficultate caret. Nam communiter ex publico datur frugaliter, & parcè, & singulis capitibus, quæ tamen inter se sunt admodum disparia, æqua ferè portione, & minus plerumque quàm obuenire solet ex mendicatione. Quæ orania eiusmodi sunt, vt iustam domesticis pauperibus murmurandi materiam subministrare videantur: cum enim vnum illud iis ferè suppeditari soleat, quod communi homini ad tenuem victum sat esse iudicatur: vix quicquam vnquam sit illis reliquum, quo se vestiant, aut lautius quandoque viuant, aut mendicitatis statum in alterum commodiorem mutant, aut urgente aliqua necessitate sese defendant. Quandoquidem vt sportula, qua potiuntur, semper sui similis est, ita illi eodem semper modo, hoc est, miserrimè victitant, imò verò edaciores præ inedia vix victitant.

At verò qui ostiatim mendicant, illis angustius minimè continentur: Incidunt hi enim interdum in lautæ mensæ alicuius reliquias; incidunt in detritas familiæ exuias; incidunt in clementes ac liberales nonnunquam patres vel matres familiæ; incidunt, vt verbo absolvam, in plurima alia commoda & emolumenta, quorum ne vmbra quidem ad eos pertingit, qui domi veluti capti perpetuò detinentur. Fateor, publicè mendicantibus non id semper, quod ambiebant, obuenire; attamen si vnus aut alter illo-

Citra publicum ærarium, pauperibus domi manentibus prospici commodè nō potest.

Plura incommoda experiuntur pauperes, qui publico sumptu donantur.

Incidunt in magna læpe comoda, qui publicè mendicant, in quibus nō illi, qui domi detinentur,

illorum necessitati, aut voluntati non fecerit satis, accedunt tertium, & quartum, & quintum, & alios sine ullo certo termino, donec tandem, quod expetebant, consequantur hoc autem nullo modo iis est integrum, quibus, ne publicè mendicent, interdictum est.

Leger, quæ eleemosynarium studium infirmant, neq; viles sunt, neq; Reipub. salutares,

AD HÆC aut nullæ, aut eiusmodi leges de re eleemosynaria edi deberent, quæ eleemosynarum cumulum natæ essent augere; quippe cum homini diuiti nihil æquè ad salutem sit necessarium atque eleemosynarum studium; At statuta publicam mendicationem prohibentia, rem eleemosynariam eleuant potius quàm augment. Nam qui ostiatim mendicant, semel repulsam passi, iterum iterumque instant, vulnera & plagas ostentant, calamitatem, in qua versantur, tragicis verbis exaggerant, quæ omnia ad impetrandas, vel extorquendas eleemosynas magnam vim habent. Horum autem nihil adhibent, sicut nec adhibere quoque possunt, qui pauperum loco viritim, vel ostiatim stipem colligunt. Deinde non modò pecuniæ in eleemosynam veniunt, verum etiam panis, vinum, mensarum reliquæ, detritæ vestes, aliæque eiusmodi quàm plurima, quæ omnia quodammodo ibi percunt, ubi nulli sunt, qui ostiatim cibum quærunt. Neque enim vacat famulis, nec lubet quoque, aut ancillis, aut aliis domesticis, ea colligere, & ad pauperum domicilia deportare.

Multa ibi pereunt, ubi nulli sit pauperes, qui cibum publicè quærunt.

Diuites mensarum reliquias dare maluit, quàm pecunias,

ADDE his diuites, præsertim tenaciores, & ad rem pecuniariam attentiores, multò libentiùs & liberaliùs donare escam aut absoletam vestem, quàm pecuniâ. Præterea in commune pauperum ærarium soli ferè patres familiâs nummum coniiciunt; At verò pauperes ostiatim victum quæritantes, si pater aut mater familiâs nihil dederint, sua importunitate sæpe filios aut filias; imò etiam famulos vel ancillas ad misericordiam prouocant. Tandem communi pauperum nomine eleemosynam colligentes, ad ditiores tantum ire soliti sunt: pauperes autem ad omnes promiscuè; neque prius discurrendi & quæritandi finem faciunt, quàm suæ voluntati factum sit satis. Patet ex his ergo, rei eleemosynariæ per eiusmodi constitutiones non parum decedere.

MITTO hic miserabilium personarum conspectum, hominem de sua conditione commonefacere, multosque, qui de eleemosyna eroganda nullam cogitationem ceperant, ad misericordiam

diam sæpenumero prouocare. Ad internam quidem eos, qui nihil, quod donent, habent: quæ interior commiseratio apud DEVM, qui vbi facultas deest, voluntatem acceptat, suo merito non caret: Ad internam verò & externam simul illos, qui donare possunt. Et vt nihil horum omnium esset, adhuc magui momenti res est, ab incunte ætate pietatis & misericordiæ operibus assuesceri: at si nullus vnquam egēs publicè sese obtulerit, cui benefacere liceat, quomodo Christiana iuuentus à primis annis, operibus misericordiæ incumbere discet? Nunquid strenuè & dexterè pugnabit, qui hostem nunquam vidit, aut arma attigit?

Conspetus miserorum prouocat ad misericordiam.

DENIQUE spectaculum est multò iucundissimum, Deoque & hominibus longè gratissimum, cernere numerosos pauperum greges ad magnatum, Principum, Prælatorum, aliorumque Potentum ianuas assistere, qui cibo sumpto DEVM laudant, suumque benefactorem decantant: Atqui istiusmodi spectaculum haud facillè ibi spectes, vbi ostiatim mendicare per leges non licet. Propter has itaque aliasque eiusmodi rationes, earum ciuitatum institutum magis probandum existimo, quæ verè pauperibus publicè mendicandi facultatem faciunt; etsi interim aliarum, quæ eam potestatem egenis ciuibus suis non faciunt, iudicium condemnare non audeam: modò tamen domesticis pauperibus rectius provideatur, quàm communiter provideri consuevit. VERVM de iuuoluntariis medicis, tam exteris, quàm indigenis satis. Restat vt nonnulla quoque de iis in medium adferamus, qui corporis robore pollentes, voluntariam paupertatem complexi sunt.

Iucundum spectaculum videre numerosos pauperum greges magnatum ianuis assistere, ciboque & potu recreatos inde decedere.

De illorum argumentis & rationibus, qui voluntariam religionum hominum mendicitatem oppugnant.

CAPVT DECIMVM.



QVOD verè egentium miseriam (modò piorum benignitate non abutantur) eleemosynis liceat subleuare, id dubitat nemo. At verò idémne beneficium iis quoque impertiri fas sit, qui manuum opera citra mendicitatem vitam tolerare possunt, id nonnullam difficultatem habet. Dictum est enim, ad legitimæ eleemosynæ rationem

N duo

duo inter cætera deposci, inopiam nimirum & copiam; hanc quidem ex parte dantis, illam verò ex parte accipientis: Qui autem integro vegetoque corpore præditi, manuum labore alimenta parare possunt, illi non egent absolutè, sed tantum secundum quid. Quare si medio illo communi & ordinario uti nolint, indigni videri queant, quibus ea impendantur, quæ veris pauperibus debentur.

TOTA penè controuersia huius cognitio & determinatio dependet ex trium capitum cognitione & determinatione. Horum primum est: omnibusne & singulis ea ratione manuum labor inditus sit, ut certam noxam contrahant, qui opus aliquod manuarium non tractant, quodcumque tandem illud fuerit. Alterum est: hominè valido, CHRISTI amore, vitæque perfectionis desiderio omnium, quæ in bonis habet, integrè sese expoliare iure liceat. Tertium & postremum est, an perfecta illa expoliatione iam facta ille, qui plenè spontèque sese expoliauit, ex mendicimonia, hoc est, ex piorum eleemosynis viuere queat. Nam si homini valido, omnibus propriis iam exuto, licet victum emedicare, licebit alteri quoque, eiusmodi homini eleemosynam dare: Si autem id illi non licet, neque alteri quoque tali eleemosynam impertiri licebit.

Si nefas esse mēdicare, nefas quoque foret eleemosynam dare.

PRIMUM ex his capitibus, propositæque quæstionis fundamentis, apud sapientes extra omnem dubitationis aleam positum est: omnes enim unanimi sensu atque consensu scribunt & dicunt, opus manuarium non ita omnes & singulos obligare; siue illi seculares fuerint, siue regulares, ut certo peccato sese obstringant, si manibus non laborant. Neque communissimæ receptissimæque doctrinæ huius ratio obscura est: Constat namque, iudicium de vnaquaque re ex fine, ad quem ordinatur, peti debere: externus autem corporis labor, totus ferè huc spectat, vel ut otium vites, honestoque labore te occupes, & vires confirmes; aut ut carnis petulantiam laboris assiduitate comprimas, spirituique subiicias; aut certè ut victum quæras. At ob nullum istorum omnium externus labor per se absolutè singulis est necessarius. Non ut otium fallas; nam non illi solum negotiosi censendi sunt, qui lentem serunt, aut agrum fodiunt, aut hircellam iunco texunt, aut retia nesciunt, aut aliquid aliud eiusmodi munus obcunt; sed illi quoque, qui Prophetas vel Apostolos legunt, aut populo ius dicunt,

Triples externi laboris est usus.

Externus labor non est necessarius, ad fallendum otium.

dicunt, aut peccatorum exomologeses excipiunt, aut quid dubiis in rebus opus est factis, exponunt. Non ut carnem edomes: Siquidem caro non solum edomatur externis laboribus, verum etiam vigiliis, ieiuniis, vestium asperitate, chameuniis aliisque id genus compluribus. Non denique, ut vitæ necessaria pares; quandoquidem hæc necessitas multis aliis viis & rationibus expleri potest. Non est ergo externus labor ad corporis vel animæ salutem omnibus necessarius; multò verò minùs omnibus & singulis sub peccati reatu iniunctus.

VERVMENIMVERO licet res ita habeat, non desuere tamen, & hoc ipso tempore non desunt, qui aliud sentiant, & aliud queque doceant: Allegant hi inter cætera scriptum esse: *In sudore* Genes. 3.
vultus tui vesceris pane tuo. item: *Labores manuum tuarum manducabis,* Psal. 127.
& beatus eris. item: *Homo nascitur ad laborem, & avis ad volatum.* item: *Qui furabatur, iarus non furetur, magis autem laboret, operando manibus suis,* Job. 5.
quod bonum est, ut habeat, unde tribuat necessitatē patienti. item: *Rogamus* Ephes. 4.
vos fratres, ut abundetis magis, & operam detis, ut quieti sitis, & ut negotium vestrum agatis, & operamini manibus vestris, sicut præcepimus vobis. 1. Thes. 4.
item: *Audiuimus inter vos quosdam ambulantes inquiete, nihil operantes,* 2. Thes. 3.
sed curiosi agentes: his autem, qui eiusmodi sunt, denunciamus & obsecramus in Domino IESU, ut cum silentio operantes, suam panem manducet. Et paulo ante hunc locum: *Cum essemus apud vos, hoc denuntiabamus vobis: quoniam si quis non vult operari, non manducet.* Et ne aliter docuisse, aliter vixisse videri possit, alibi de se ipso ita scribit: *Argentum & aurum,* A. 9. 20.
aut vestem nullius concupiui. Quoniam ad ea, quæ mihi opus erant, & his qui mecum sunt, ministraverunt manus istæ. item: *Esq, ad hanc horam esurimus, &* 1. Cor. 4.
sitiimus, & laboramus manibus nostris. item: *Memores estis fratres laboris nostri, & fatigationis: nocte & die operantes, ne quem vestrum grauaremus, prædicauimus.* & infra: *Neq, gratis panem manducauimus ab aliquo, sed in labore* 1. Thes. 2.
& in fatigatione nocte & die operantes, ne quem vestrum grauaremus. 2. Thes. 3.

Ex his aliisque similibus Apostoli locis planum est, inquit illi, externum laborem hætenus omnibus necessarium esse, quatenus qui ab illo abstinent, sua quiete & otio alios non grauent: Grauant autem non ij solum, qui furantur, qui defraudant, qui callidè & cupidè alienis inhiant; sed ij quoque, qui sub pietatis schemate non sine importunitate grandes elemosynas à popularibus extorquent. Ea sanè re non solum ab Apostoli doctrina &

instituto; verum à priscorum quoq; monachorum exemplo plurimum degenerates. Constat enim, Antonij, Hilarionis, Pambonis, reliquorumque protomonachorum discipulos, non vaticin, aut oppidatim cogendę stipis causa discurrere consueuisse; verum quò se & alios peregrinos ad se ventitantes honestè reficerent, manuaria opera quassuisse: neque ob id tamen ab oratione, meditatione, aliisque pietatis studiis vacuos dies transegisse; sed eximie in iis omnibus excelluisse. Adeò enim plerique ex illis orationis pietatisque studio dediti erant, vt inter laborandum quoque, eiusmodi rebus intenti esse non desisterent, nedum cum ex instituto diuinis operam dabant.

ADDUNT; Iestò, in aliquo religiosorum hominum cœtu nonnulli comperiantur, qui ob grauiiores occupationes, maiorisque momenti negotia externo labori vacare nò valeant: (Quamquam rari, vel nulli veriùs sint, qui grauiora magisq; in eo genere seria obeant, quàm Apostolus Paulus, qui tamen, ne què grauaret, noctu manibus laborabat) certè alij, qui ab eiusmodi negotiis vacui sunt, & perfectionis viam complexi videri volunt, pro se cæterisque sui ordinis hominibus, qui ob infirmitatē, vel occupationem, vel aliam legitimam causam, laborare non possunt, aliquo honesto opificio victum quærere deberent: quippe cùm omnium rectè sentientium iudicio, multò maioris perfectionis sit, vacare spiritualibus muniis citra aliorum grauamen, quàm cum aliorum onere. Eius ferè generis & roboris sunt, quæ seculi huius filij odiosè magis, quàm religiosè contra mendicantium ordinum alumnos allegare solent. Quæ etsi tanti momenti non sunt, vt propterea mendicantium saccos (ea enim phrasi illi vtuntur) proscribere, aut delere oporteat, non sunt tamen indigna, quæ hîc proponantur & discutiantur.

Genes. 3.

ILLVD ergo: *In sudore vultus tui vesceris pane tuo*, non maiorem legis aut præcepti vim continet, quàm alterum illud, quod eodem illo capite hunc locum proximè cõsequitur, puta: *In dolore paries, & sub viri potestate eris &c.* Continet autem vtrumque prænam Adamo & Euz, propter legis transgressionem inflictam: quæ perinde ac culpa ad vtriusque posteritatem suo quoque modo sese diffundit. Interim sudoris nomine non corporis tantum labor denotatur; sed quæuis vitæ huius molestia: sensus enim est:

Sudoris nomine
quæuis corporis
molestia designatur.

In

In summa calamitate & ærumna vitam duces, terræque fruges non citra laborem comedes. Etenim ante peccatum terra, vt fructum ederet, molesta cultura nulla egebat, vt quæ inarata vires suas exereret, semperque, si homo in originis iustitia perstitisset, exertura fuisset; at verò post mandatum præuaricatum longè aliter res habet. Verba itaque Domini pœnam denunciant, non legem figunt. Quare etiam præmittit: *Maledicta terra in opere tuo; in laboribus comedes ex ea cum suis diebus vita tua.*

Ante peccatum
terra inarata fru-
ctum edebat.

SED & dato quoque, præceptum aliquod in prædicta sententia inclusum latere, illud adhuc (vt reliqua communia solent) nō omnes & singulos, sed aliquos tantum ex toto mortalium genere ad sui obseruationem obstringeret: nisi quis forsan ita deliret, vt omnes omnino homines agriculturam exercere debere existimet. Etenim vt singula humani corporis membra, hoc ipsum quod sunt & possunt, non sibi soli sunt & possunt; sed toti homini, omnibusque & singulis eiusdem partibus; (Neque enim oculus sibi soli videt, aut auris audit, aut pes ambulat, sed toti homini) ita in repub. Christiana varia sunt ministeria, diuersaque munia, quæ ab vno obiri non possunt, (neque enim omnes agricolæ esse possunt, nec omnes nautæ, nec omnes Principes, vel Antistites; sed vnus hoc, alius illud) omnia tamen ad communem Reipub. vsum referuntur. Porro autem cur hoc sit ille, iste aliud, id partim prouenit ex occulta DEI ordinatione; partim quoque ex naturali cuiusque propensione. Alij enim naturaliter feruntur ad hoc studium vel munus, alij ad aliud; alij rursus ad aliud. Non magis itaque præceptum hoc, si quod tamen est, obligat singulos, quam illud, quod eodem libro proditum extat: *Crescite & multiplicamini.*

Vt in vno corpo-
re varia sunt mē-
bra, quæ sibi in-
uicem seruiunt,
ita in vna repu-
blica diuersa sūt
munia & offi-
cia, quæ toti co-
munitati serui-
unt.

ILLVD Psalmistæ: *Laborem manuum tuarum manducabis*, nihil prorsus ad rem facit: nam, vt ex toto illo Psalmo perspicuè constat, solum ibi indicatur, iustorum, Deumque; ex animo timentium conatum, prosperum felicemque in omnibus euentum fortiri solitum. Iob nullum laboris genus præfigit: obiter autem naturalem habilitatem, quam homo ad externum laborem nactus est, exprimit. Etenim cum natura cæteris animantibus præsidia vitæ tuendæ necessaria, citra laborem & culturam subministrat (habent namque illa alimentum passim obuium, arma ad hæc, & in-

Psal. 127.

Cap. 5.

tegumenta, quibus ab iniuria sese defendant, cōgenita) solus homo, modò politicam vitā ducere velit, labore & industria ea compareret, necessum est. Verùm quò facilius id possit, natura, vel ipse veriùs naturæ auctor, manibus & mente illum ornauit; hac quidem, quò salutaria vitæ quæ vtilia discernere & affectare; illis verò, quò ea, quæ ratio discreuerit, & voluntas mandauerit, commodè exequi possit. Est enim manus commune quoddam organum, ad quiduis conficiendum idoneum. Quamuis interim amici Iob, (horum enim sunt, quæ ex Iob allegata sunt) non tam ad habilitatem illam naturalemque necessitatem alludant, quàm ad debitum, Adami peccato contractum.

Manus quoddam
commune organum est.

Ex Apostolo allata non multò magis vrgent: nemo enim dubitat, quin salutis suæ rectius consulat, qui ex honesto labore viuunt, quàm qui aliena rapiunt, aut alienis incumbunt, aut fucorū more aliena otiosi absument: ita aut comparati erāt, quos ille tribus illis paulò antè citatis locis perstringit. Quartus nullam manuarij laboris mentionem facit, solum monet, quod verissimum est, cibo indignos esse, qui nihil operis molitur. Nam cū omnia, quæ infra hominem posita cernuntur, operi, quod naturæ dux pro suo cuique modulo & qualitate præfiniuit, impigrè indefesseque incumbāt, turpe est, hominem, qui nobilissimas actiones edere debebat, quique; vt paulò antè dicebatur, præ cæteris animantibus ad laborem natus est, in perpetuo otio ætatem traducere.

Apostolus Paulus pro fidelibus, apud quos agebat, diuersitate, modò piorū eleemosynis, modò manuum labore se sustentabat.

MAGIS premūt, quæ ex viuo Apostoli veterumque monachorum exēplo petita sunt. Sed nec illa quoque causam obtinent: nam ad Apostolum quod attinet, pro fidelium, quibus cum ipsi negotium erat, diuersitate, fuit is ea in re varius. Quandoque citra externum laborem solis piorum eleemosynis se sustentabat; Nonnunquam ne tenuiores, quales in primitiua Ecclesia complures erāt, grauaret; aut ne Pseudoapostolis & impostoribus expilandi pauperes occasionem offerret, suo se labore alebat. Quæ dicimus ex Epistolis illius, sunt apertissima. Nam quòd suo se labore quandoque sustentaret, id ea planum faciunt, quæ attulit aduersarius: Quòd autem aliorum pietate & opere ea in re interdum quoque vteretur, istud ex iis cognoscere licebit, quæ manifestandæ & cōfirmandæ veritatis causa hoc loco subiicimus.

ALIAS,

ALIAS, ait, *Ecclesias expoliaui, accipiens stipendium ad ministerium vestrum. Et cum essem apud vos, et egerem, nulli onerosus fui. Nam quod mihi deerat, suppleuerunt fratres, qui venerunt à Macedonia; et in omnibus sine onere me vobis seruaui, et seruabo.* Hæc ille ad Corinthiorum Ecclesiã de Macedonum liberalitate. His cognata sunt, quæ eadem de re ad Philippenses scribit: *Nulla, habet ibi, Ecclesia mihi communicauit in ratione dati et accepti, nisi vos soli. Quia et Thessalonicã semel et bis in usum mihi misistis: Non quia quæro datum, sed requiro fructum in rationem vestrã. Habeo autem omnia et abundo; repletus sum acceptis ab Epaphrodito, quæ misistis in odorem suauitatis, hostiam acceptam, DEO placentẽ. Quin illa quoque, quæ de Onesiphori pietate alicubi commemorat, ab his non dissentiunt. Verba illius ita sonant: Det misericordiam Dominus Onesiphori domui, quia sæpe me refrigerauit; et catenam meam non erubuit. Sed cum Romam venisset, sollicitè me quæsivit, et inuenit. Det illi Dominus inuenire misericordiam à DEO, in illa die. Et quanta Ephesi ministravi mihi, tu melius nosti. Hæc omnia, Apostolum Paulum nõ semper suis se manibus operãre manuali sustentasse; sed interdum quoque ex pio- rum elemosyna vixisse, clarè ostendunt.*

QVOD aut ex elemosyna semp, si ita visum fuisset, viuere ipsi licuerit, id sequentia euincunt: *Nunquid, ait, non habemus potestatem manducandi, et bibendi? Quis militat suis stipendiis vnquam? Quis plantat vineam, et de fructu eius non edit? Quis pascit gregem, et de lacte gregis non manducat?* Et infrã: *Si nos vobis spiritalia seminamus, magnum est, si nos carnalia vestra metamus. Si alij potestatis vestra participes sunt, quare non potiùs nos? Sed non vsi sumus hac potestate, sed omnia sustinemus, ne quod offendiculum demus Euangelio CHRISTI. Nescitis quoniam, qui in sacrario operantur, quæ de sacrario sunt, edunt? et qui altari deseruiunt, cum altari participant: Ita et Dominus ordinauit iis, qui Euangelii denunciant, de Euangelio viuere. Itẽ: In labore et in fagitatione nocte et die operati sumus, ne quẽ vestrũ graueremus: non quasi non habuerimus potestatem, sed vt nosmetipsos formã da- remus vobis ad imitandum nos.* Hæc Paulus de facultate, quam habebat accipiendi vitæ necessaria ab iis, quibus Euangelium prædicabat, sacramque & alia spiritalis vitæ præsidia ministrabat; quæ omnia planum faciunt, necesse non esse, vt ij, qui Ecclesiæ vel Euangelio seruiunt, suis se laboribus sustentent; tametsi piè, sanctè, & religiosè facerent, si vbi aliquod offensionis periculum timeretur, Apostoli exemplo, illud facerent.

2. Cor. 11.

Cap. 4

2. Timot. 1.

1. Cor. 9.

Diuino & naturali iure iis debentur alimẽta, q altari, vel Euãgelio deseruiunt.

2. Thess. 3.

QVOD

Externus labor
cum monastica
virg instituto nō
pugnat.

Multum interce-
dit inter veteres
monachos, &
mēdicantiū or-
dinum institutū
professos.

Quod de priscorum monachorum exercitiis allatum est, il-
lud, si quid probat, solum probat, externum laborem cum mona-
stica vitæ instituto absolutè non pugnare, quod verum est; Non
tamen probat, qui spiritalibus muniis obeundis ex professo va-
cant, communi aliqua lege ad corporalem laborem obligari, ita
ut in charitatis legem committant, si manibus victum non qua-
rant. Sed & magnum quoque inter veteres Monachos, & mēdi-
cantium ordinum religiosos discrimen intercedit: Siquidem pri-
sci monachi, quod maiorem partem idiotæ, & literarum rudes
essent, & remotè ab hominum consuetudine positi in solitudini-
bus ætatem degerent; neque publicæ utilitatis causa literis ope-
ram dabant, neque sacris operabantur, neque vlla ferè sacra exter-
nis administrabant, neque Evangelij prædicationi vacabant, ne-
que vllum denique publicum & sacrum munus in proximi gra-
tiam obibant; sed sibi tantum & Deo in deserta solitudine vaca-
bant. Quia ergo ea, quæ mēdicantium ordinum institutum pro-
fessi, in communem Christianorum usum præstare solent, ipsi ex
instituto nō præstabant, noluerunt quoque, siue per modum ele-
emosynæ, siue per viam iusti stipendij ex vllius externi ope, vel li-
beralitate vitam tolerare. Et ut maximè mendicantium more ex
eleemosynis vivere voluissent, attamen, quod procul à ciuitati-
bus & hominum frequentia plerique habitarent, non poterant,
aut certè absque ingenti difficultate id non poterant. Nullum est
itaque argumentum, quod ex priscorum Monachorum consuetu-
dine contra mendicantium institutum adfertur.

Sed vrgebas: licet simul laborare & Euangelizare; perfectius
est autem, simul vtrumque præstare, quàm alterum tantum: Mo-
nachus verò tenetur ad perfectionem. Hæc omnia etsi prima
facie certa videantur, egent tamen iudicio & discussione. Et
primò quidem lubenter fatemur, nefas non esse, simul Euangeli-
zare & manibus operari; at aliud interim est, quippiam sua natura
licitum esse, aliud præceptum, vel ad salutem necessarium esse:
multa enim homini licent, quæ nulla tamen præcepti vi illum vr-
gent. Exempli causa, licet ipsi solo pane & aqua perpetuò victita-
re; diem cum nocte orando transigere, cilicio indutum humi cu-
bare; tota vita religionis ergo peregrinari: (Sunt enim hæc omnia
utilia & salutaria) attamen nulla communi lege, aut præcepto ad
hæc

Non omnia lici-
ta suaque natura
salutaria & bo-
na, sunt etiā præ-
cepta.

hac obligatur. Aliud est ergo hoc vel illud bonum vel licitum esse, aliud præceptum esse.

FATEMVR nihilofeciùs melius esse, simul Euangelizare & manibus operari, quàm alterum tantùm, quando vtrunq; citra alterius præiudiciũ & incommodum præstari potest: Verùm quotiescunq; externus labor impedit maioris momenti fructũ spiritalem; ita vt hic simul cum illo eo tempore vel loco constare non possit; longè satius & sanctius est, à corporali labore omnino desistere, & totum, quod tempus & vires permittunt, spiritali proximorũ salutĩ impendere, quàm vtrunq; simul cõiungere. Quis enĩ dubitat, parum cõsultè eos facturos, qui in infidelium regionibus, vbi messis est maxima, operarij aut paucissimi, Euãgelio promulgando incumbunt, si partem temporis impenderent paganorum cõuersioni, vel conuersorum confirmationi; partẽ rursũ externo labori, colẽdo, verbĩ gratia victus quotidiani causa rus, vel exercendo aliud opificiũ; nisi forsan necessitas, vel conuersorũ infirmitas aliud quandoq; exigeret. Et vt maximè semper & vbique melius esset, vtrunq; simul coniungere, adhuc non malè facerẽt, qui alteri tantũ vacarent: Non enim tenemur id semper facere, quod melius est, sed sat est, si id faciamus, quod bonum & licitum est; & illud non omittamus, quod præceptum est.

FATEMVR tandem, Monachos perfectionis statum profiteri, sed comparandæ non iam actũ comparatæ; adeoque quotidie, quantum Dominus dederit, ad maiorem perfectionem eniti debere. Verùm hinc nõ sequitur, monachum ad omne illud semper cõtendere & anhelare oportere, quod altero est perfectius; alioq; enim omnes monachi vnus eiusdemq; ordinis esse deberẽt; illius nimirum, qui cæteris esset perfectior, vel austerior, vel simpliciter sanctior. Sed neq; in illo ipso quoq; vllus vnquã absolutè perfecti monachi nomen assequeretur: Siquidem data quantacunq; perfectione, semp̃ exigi posset maior. Vt ergo monachus perfectionis statum verè dicatur sectari, in eoq; de die in diem progredi, satis est, si perfectionis media, quæ lex vel regula præscribit, diligenter obseruet. Et quia neque communis lex, neq; priuata quocunq; constitutio in monacho in piis proximõque vtilibus & salutaribus operibus intento, corporis laborem semper exigit, sit vt perfectus esse non desinat, etiam si externum laborem cum inter-

Externus labor posthabendus, vbi spiritali magis vtili & necessario impedimentum adiicit.

Quosẽu monachi perfectionis statum sectari dicantur.

Vt monachus perfectus dicatur sat est, si perfectionis media diligenter obseruet,

no & spiritali non semper cōiungat. Laborabat sanè manibus D. Paulus & prædicabat; sed nō semper, vt dictum est, neq; quod simpliciter id facere obligaretur; sed quod pro locorum, temporum, & personarum ratione, illa interdum fieri debere ostendere, bonoque exemplo suis successoribus præluceat vellet.

PORRO autem cū monachos pietatis prætextu ingentes eleemosynas extorquere dicitur, id dicitur, quod nulla ratione probatur, nec vlla quoq; veritate nititur. Quandoquidē si monachi id verè sunt, quod audiunt, nemini eleemosynarum causa vim inferunt, aut fraudem vel imposturam faciunt; neque ingentes aut superuacaneas eleemosynas cogūt, sed victui tantū necessaria; neq; quæstum ex pietate, sed pietatem è questu venantur: neque enim mendicant, vt diuites euadant, sed quò inchoatum pietatis studium persequi valeant. Interim qui ex publicis eleemosynis victitant, caueant, ne quid admittāt, quod cum vera humilitate, aut monastica paupertate, aut sui quoq; ordinis instituto non satis consentiat: Nam qui otij veriùs, quàm pietatis studio mendicaret, aut importunè mendicaret, aut cum verorū pauperum detrimento medicaret, aut mendicando ea negligeret, quæ ratione officij vel instituti in præceptis habet, is sanè non bene medicaret.

TANDEM cū non seriò occupatos, pro illis laborare & victum quærere debere asserunt, qui seriò occupātur, nobiscum faciunt: nam nos quoq; hoc ipsum fieri debere omnino existimamus. Verū quod in cœnobiiis quantumlibet numerosis perpaucci comperiantur, qui quæstuoso labori ex instituto vacare valeāt (Nam quos diuini verbi prædicatio, literarum studium, Sacramentorum administratio &c. occupatos non habet, illos maiori temporis parte chorus sibi vendicat; Laici autem muniis domesticis obeundis aliquando vix sat sunt) sit, vt perexiguum sit lucrum, quod priuatis laboribus facere possunt. Hoc ipsum tamen, quod per se & ex se possunt commodè, hoc ab aliis emendicare non debent: tū ne plus quàm necessum est, fideles grauent: tū rursus, ne cæteris pauperibus præiudiciū aliquod adferant: neque enim eæ omnium sunt facultates, vt omnibus largiri queant: tū maximè, ne tempus otiosè transigant. Est enim res non solūm fœda, sed oppidò quoque pernitiōsa, si monasticen professus otio vacet. Nihil ergo hæcenus allatū est, quod primum

Monachi inter medicandū cautionem & moderationem adhibere debent,

Exiguum est lucrum, quod ordinum mendicantium fratres priuatis laboribus conficere possunt.

primum disceptationis huius fundamentum conuellat, hoc est, quòd externum laborem in eiusmodi præceptum cadere probet, quòd omnes & singulos in foro conscientiarum obliget.

SED & alterum quoque difficultate caret: Nam cum CHRISTVS Dominus rerum abdicationem veluti salutarem, disertis verbis cõsuluerit, Apostoliq; & innumeri post illos sancti viri verbo & exemplo validissimè eandem confirmarint, mente se egere ostendunt, qui rem hanc veluti incertam in quæstionem vocat. Quis enim inter Christianos educatus quandoq; nõ audiuit, aut legit istud CHRISTI: *Vendite, quæ possidetis & date eleemosynam.* & illud eiusdem: *Vnum tibi deest, vende quæcumq; habes, & da pauperibus, & habebis thesaurum in caelo; & veni sequere me.*

DE perfecta porro Apostolorum abdicatione, concionantur ista: *Illi autem statim relictis retibus & patre, secuti sunt eum.* Item: *Ecce nos reliquimus omnia, & secuti sumus te, quid ergo erit nobis?* Item: *Argentum & aurum non est mihi.* Apud primos Christianos omnis ferè exulabat rerum proprietates. Omnes, scribit Lucas, qui credebant, erant pariter, & habebant omnia communia. Possessiones & substantias vendebant, & dividebant illa omnibus, prout cuique opus erat. & infra: *Neque quisquam erat egens inter illos: Quotquot enim possessores agrorum, aut domorum erant, vendentes offerebant precia eorum, quæ vendebant, & ponebant ante pedes Apostolorum.*

Hoc primitiæ Ecclesiæ studium, hic viuendi ritus, in plerisque regularium Collegiis, & religiosorum hominũ monasteriis etiamnum obtinet. Neque enim aliud esse videtur monastica illa *Χοιρωνία*, quàm expressa quædam primitiæ Ecclesiæ idea. Nam cum nullius rei proprietatem habeant singuli, in communi tamen plerunque possident, quantum sat est, vt nullus inter ipsos sit egens. Quidam verò spontanea illa primitiæ Ecclesiæ abdicatione non contenti, quo mundo magis sese mortuos ostendat, Christòq; Domino, qui in summa paupertate vixit semper, magis sese conforment, communium quoq; bonorum iure se spoliant, eo solo contenti, quod in diem emendicant.

QVOD autem plena illa bonorum omnium abdicatio, pio studio facta, res sit secundum se non solùm licita, Euangelicæ quæ doctrinæ oppidò consentanea; sed salutaris quoque, magnique apud DEVM meriti, illud ex eadem illa CHRISTI & Apostolo-

CHRISTVS
ressi abdicationem
suasit &
suadet.

Luc. 12.

Matth. 10.

Matth. 4.

Mar. 1.

Luc. 5.

Matth. 19.

Luc. 18.

Actor. 3.

Actor. 2.

Monasteria ex
communi censu
viuentia, pri-
mitiæ Ecclesiæ
speciem præ se
ferunt.

Res magni apud
DEVM meriti
spontanea rerum
omnium abdica-
tio propter
CHRISTVM
facta.

rum doctrina, cōmuniq; sanctorum Patrum sententia, æquè cer-
tum & exploratum est, atq; alterum illud, de quo modò diceba-
mus. Neque enim frustra dictum est: *Amen dico vobis, quòd vos, qui
secuti estis me, in regeneratione, cum sederit Filius hominis in sede maiestatis
sue, sedebitis & vos super sedes duodecim, iudicantes duodecim tribus Israël.
Et omnis, qui reliquerit domum, vel fratres, vel sorores, aut patrem, aut ma-
trem, aut uxorem, aut filios, aut agros propter nomen meum, cœtuplum accipiet,
& vitam æternam possidebit.*

Res est homine
Christiano ap-
prius digna
CHRISTIV
stigiis insistere,
Luc. 9.

QVOD si tantum prēmium plenè propter DEVM se abdica-
bus, ppositum nō esset, adhuc res est apprimè gloriosa, Christia-
nòque homine quā maximè digna, CHRISTI vestigiis, quo ad eius
fieri potest, insistere: Atqui is spontaneam paupertatem in sum-
mo perfectionis gradu complexus est: *Vulpes, ait, foveas habent, &
volucres calinidos; Filius autem hominis non habet, ubi reclinet caput suum.*
Enituit autem summa hæc CHRISTI Domini nostri paupertas
non solū in illius ortu & morte, (neque enim aliorum Regum
& Principum more in deaurato palatio natus est; sed in vili abie-
ctòque stabulo, eodemque non proprio; neque nudus rursus in
cruce mortuus, in proprium, sed in alienum sepulchrum illatus
est) verū in omni omnino vitæ illius parte. Constat enim, cum
inter homines versaretur, vnum id solū patrimonij loco obti-
nuisse, quod piorum liberalitas & misericordia ex tempore sub-
ministrabat. Quod interdum vsque adeò exiguum & tenue fuit,
vt didrachma pro se suisque exsoluere non potuerit.

CHRISTVS
paupertatem in
summo pfectio-
nis gradu com-
plexus.

CHRISTVS
Dominus ab om-
nibus exigit
quandam abdi-
cationem.

Luc. 19.

QVID? quòd CHRISTVS Dominus non modò expres-
sam perfectæ abdicationis formam tota vita præ se tulerit, ve-
rū etiam quòd ab iis omnibus, qui vnà olim cum illo regnare
cupiunt, certam quandam abdicationis normam exigit? aite-
nim: *Omnis ex vobis, qui non renunciat omnibus, quæ possidet, non
meus esse discipulus.* Et quamvis renunciatio, de qua hic sermo est,
aliquam rerum proprietatem admittat; alioqui enim ij tan-
tū salui fierent, qui Apostolicam paupertatem sectantur; at-
tamen negari non potest, quin perfectiùs hoc præstent, qui di-
uinæ prouidentiae sese committentes, ab omni rerum, quæ ad-
sunt, vel quouis modo adesse possunt, iure dominiòque & pro-
prietate, propter cœleste regnum sese exuunt, quā qui sola ani-
mi præparatione id faciunt. Cuiusmodi sunt, qui bonorum suo-
rum

rum dominium & proprietatem retinēt; ita tamen comparati, vt omnia malint omittere, quàm CHRISTVM negare, aut quocūque lethali crimine offendere.

DENIQVE si perfecta illa rerum abdicatio, Apostolicāque paupertas, secundum se absolutè licita, magnòque cum merito & spiritali fœnore coniuncta non esset, Hieronymus, Augustinus, Basilus, Gregorius, Bernhardus, aliique quamplurimi doctissimi sanctissimique viri, eam complexi non fuissent, aliisque, vt eam complecterentur, auctores non extitissent. Planum sit hinc ergo, quid de altero disputationis huius membro, quod in disquisitionem vocabatur, statui debeat.

VERVM quòd vix quicquam adeò sit certum & constitutum, quod contentioforum hominum calumniis non pateat, non deerunt fortassis, qui hic obiiciant, quoddam tentamenti vel delirij genus videri, omnibus simul & semel abiectis, diuine prouidentie sese committere: quasi is vt olim Iudæos in deserto cœlesti pane nutrire nos debeat. Nonnulli, quòd nullum hîc medium seruari videatur, quodque eo modo, quo dictum est, omnibus humanæ vitæ præsidiiis se denudantes, multis vitæ famæque periculis sese exponant, rem hanc inter vitia, & rationi dissentanea sacrificia fortè reponent: Saniore, quæ seruare non lubet, sensim in pauperes expendenda esse clamabunt, non simul profundenda. Qui enim simul omnia donat, omnem in posterum donandi facultatem sibi adimit. Alij tandem alias contra perfectam illam absolutamque rerum ἀποτολήν querelas adferent. Quò enim opus ali-quod est sanctius, Deòque acceptius, eò maioribus calumniis, grauioribusque hostium telis patere plerunque consuevit.

AT hæc omnia earum ferè sunt virium, quarum erant, quæ contra primum controuersie huius fundamentum suprâ adferebantur, hoc est, nullarum penè. Quare quæ de perfectæ abdicationis iure, merito, & vtilitate asserta sunt, nequaquam euertunt. Nam ad primum quod spectat, satis compertum est, CHRISTVM nulli omnino mortalium deliria, aut tentamenta suadere, aut vlla prorsus mercede isthæc pensare. Atqui is voluntariam bonorum abdicationem suadet, eandemque amplissima mercede olim se remuneraturum spondet. Quicunque, inquit, domum, aut fratrem, aut

Apostolicâ paupertatem secundum se licitâ & vitilè, ostendunt innumera illustrium Sanctorum exempla.

Quò quid sanctius, eò à Diabolo eiusque ministris impugnatur infestius.

Christus nulli est auctor delirij, aut tentamenti.

Matth. 19.

patrem, aut matrem, aut uxorem, aut filios, aut agros propter nomen meum reliquerit,

querit, centuplum accipiet, & vitam æternam possidebit. Is autem, si DEVM verè nō tentat, certè ad iustam iram & indignationem illum prouocat, qui illius promissis non fidit, aut malè de illis sentit, qui sacra eiusdem consilia vt vana vel impossibilia respuit, qui amicis vel opibus suis plus, quàm DEO tribuit.

SED & posito quoque, nullam de voluntaria illa verèq; Apostolica fluxorum bonorum ἀποταγήν promissionem extare, nullum consilium, nullum Sanctorum exemplum: adhuc is DEVM tentare verè dici non posset, qui eam vsurparet; vt qui multas alias vias & rationes parandi victus reliquas adhuc sibi faciat. Quàm multi comperiuntur, qui ne vnum quidem teruncium in bonis habent, qui commodè tamen viuunt. Mitto hīc, longè aliud esse, bonorū omnium temporalium proprietatem vel Dominium abdicare, aliud eorundem vsum respicere: hoc enim non licet, illud licet. Quòd si qui Patres sunt; qui vltra vires dandum non esse asserunt, illi non de omnibus hoc asserunt; sed de illis tantum, qui mundo eiusdemque commodis valescere certò apud se non-dum constituerunt.

CVM verò additur, nullum hīc seruari medium, respondere licet, qui amore ardenti DEVM complectuntur, eos in illum nou tendere tanquam in medium aliquod à ratione definitum; sed tota vi, totòque impetu animi, tanquam in id, quod in eo genere summum est. Norunt enim scriptum esse; diliges Dominum DEVM tuum ex toto corde tuo, & ex tota anima tua, & ex tota mente tua, & ex omnibus viribus tuis, adeoque amorem, quem DEO Opt. Max. debemus, secundum affectum præsertim, nimium esse non posse. Cùm ij ergo, qui se totos totumq; quod habent & possunt, in perpetuum holocaustum DEO offerunt & consecrant, ardentissime illum diligere probentur, tantum abest, vt ea oblatione & consecratione in vitium aliquod degenerent, vt actum quoque maximè heroicum edant.

SED instas: vt auaritiæ est, omnia retinere; ita prodigalitatē videtur, omnia simul profundere: Responso est, nullam hīc, quod prodigalitatē proprium est, in homines inutiles, aut aliàs indignos profusionem contingere; sed prudentem, & salutarem earum rerum, quæ fidei nostræ commissæ fuerant, inter patrisfamilias

Non tentant
Deum, qui se ab
dicant.

Matth. 22.

Se suæque omnia
Deo consecrare
est actus maximè
heroicus.

miliās domesticos & filios dispensationem. Sed & multum quoque inter eos intercedit, qui nulli quicquam donant, & eos, qui pauperibus omnia donant. Nam qui egenis vel aliis nihil imperiuntur, illi per cupiditatem, quæ malorum omnium radix est, à Christiano officio turpiter impediuntur: Qui verò pauperibus omnia dilargiuntur, per charitatem, quæ bonorum omnium fons est, ad id, quod Christianæ professionis homine dignissimum est, salubriter permouentur.

SUDEBATVR in eadem argumentatione: Qui omnia simul donat, multis magnisque vitæ sanæque periculis sese obiectat: sed hoc eadem vanitate, qua cætera; Constat namque, eiusmodi hominibus, præter DEI prouidentiam, quæ suos nunquam destituit, (Pauit enim Eliam per coruum, & viduam Sareptanam, Daniele inter medios leones abiectum per Abacuc, & alios item per alios) multa alia præsidia, quibus vitam tueri possint, reliqua esse, puta laborem, industriam, piorum misericordiam, & id genus complura alia. Denique nunquam auditum est, ideo quempiam in calamitatem, aut miseriam, aut vitæ discrimen incidisse, quòd sua propter DEVM in pauperes erogasset.

AD postremum respondetur, omnia simul donare, adeoque omni donandi potestate in posterum se priuare, secundum se absolutè nec bonum esse, nec malum; esse autem bonum, si debito sine & modo fiat; malum autem, si malo animo aut sine aliquo præpostero, hoc est, legi vel rationi dissentaneo fiat. Bene simul omnia donat, qui propter CHRISTVM, vel mundi contemptum, vel vt DEO liberius seruiat, CHRISTI quæ vitam magis exprimat, vel ne curis secularibus impeditus, iustitiæ viam negligat, donat: quo modo eos omnes donare existimari potest, qui sæculo deserto, aliquid monasticæ vitæ institutum suscipiunt. Malè autem donant, qui ob inanem gloriam donant, vel vt à parandi quotidiani victus curis & sollicitudinibus absoluti, in monasterio aliquo otiosam vitam exigant.

PORRO autem satius ne sit, abiecto rerum dominio, omnia simul & semel in pauperes erogare, an verò dominio retento, quod superest, vel non admodum necessarium est, sensim in eodem

Ve malorum omnium mater cupiditas, ita bonorum omnium mater charitas,

3. Reg. 17.

Dani. 14.

Nemo ob id calamitatem incurrit, quòd sua liberaliter in egenos erogasset. Omnia simul donare, secundum se, nec bonum nec malum.

Rerum proprietates cum monasterio instituto pugnat.

Qui familiam alunt non omnia simul in pauperes exponere debent, sed ea tantum, quæ superant.

Mendicare secundum se non est malum, aut illicitum.

Nulla lege prohibitum est eleemosynam petere.

dem exponere, id ex iis, quæ hætenus exposita sunt, meridiana luce clarius est, neque de ea re latius iam disputandum est. Solum monuerim; ut illi, qui vitæ statum mutare, hoc est, monasticum aliquod institutum complecti certum deliberatumque habent, priusquam solenni voto ad monasticen sese obstringant, omnia simul abdicare debent: (quippe cum rerum proprietas cum monasticæ professione omnino pugnet) ita illos, qui uxorem ducere, liberos procreare, familiam alere, certò apud se statuerunt, omnia simul in pauperes effundere non debere: sed id solum, quod superest, aut non multum necessarium est. Et de hoc hominum genere loquuntur, quicumque non ultra vires dandum esse, vel prudenter dandum esse, vel nostram abundantiam, aliorum inopiam supplere debere, & alia multa eiusmodi de donationis modo scribunt, & dicunt: Extant enim plures & Patrum & Scripturarum quoque sententiæ, quæ monent, moderatè pro virium & facultatum ratione donandum esse, & non totum, quod in bonis est, simul profundendum: quæ omnia, de iis, ut dixi, accipienda sunt, qui locum vel statum in sæculo obtinent, eundemque deferere, vel in tutiorem & meliorem permutare, vel non possunt, vel non volunt. Et hæc de secundo capite hætenus dicta sint.

TERTIUM apud eruditos quæstionem non habet: Attamen quòd plures passim comperiantur ignari & simplices quàm eruditi, quædam etiam in postremi membri huius explicationem in medium adferre placet. Pono autem vnum hic apud doctos & indoctos omnes certum: puta medicare, aut ex eleemosynis vivere secundum se malum aut illicitum non esse: Nam quod secundum se malum aut illicitum est, id nunquam rectè fieri potest; medicare autem cum magno sæpe merito coniunctum est. Adhæc si eleemosynam petere, aut ex eleemosynis vivere absolutè malum vel illicitum foret, nulli citra noxam eleemosynam impertiri liceret: Nunquam enim ad alterius peccatum opem conferre fas est; eleemosynam autem dare non est peccatum, sed opus salutare æternæque vitæ meritorium; & interdum quoque ad salutem omnino necessarium. Denique omne culpæ malum aliqua lege est prohibitum: sed fame vel alia necessitate cogente eleemosynam petere, nulla lege est prohibitum.

Item si eleemosynam quærere sua natura non est illicitum, sed quiddam secundum se à *Μία φροσύνη*, ergo pro circumstantiarum qualitate & ratione, quibus hic actus vestitur, quandoque bonum & salutare erit eleemosynam petere, vel ex eleemosyna vitam tollerare; quandoque malum; quandoque indifferens, hoc est, neque vitæ æternæ meritorium, neque peccato rursum obnoxium. Malè & vitiosè mendicant, qui egestatem, qua non tenentur, ventris vel otij causa callidè simulant. Hæc autem mendicitas, cum in omnibus sit fœda, tum in iis, qui sanctitatis speciem præ se ferunt, est longè fœdissima. De hoc improbo ignauoque mendicorum genere Augustinus alicubi hunc in modum scribit: Callidissimus hostis tam multos hypocritas sub habitu monachorum vsque quaque dispergit, circumeuntes prouincias, nusquam missos, nusquam fixos, nusquam stantes, nusquam sedentes. Alij membra martyrum, si tamen martyrum, venditant; Alij phylacteria sua magnificant; Alij parentes vel consanguineos suos in ista vel in illa regione se audiuisse viuere, & ad eos se pergere mentiuntur. Et omnes petunt, & omnes exigunt, aut sumptus lucrosæ egestatis, aut pretium simulatæ egestatis.

Mendicare quædoque bonum, quandoque malum, quandoque indifferens.

Lib. de opt. mona.

BENE & licitè mendicant, qui ideo mendicant, vt CHRISTO per crucem, spontaneamque paupertatem sese probent; vt mundo propter regnum cœlorum viles abiectosque se ostendant; vt carnis superbiam eiusdemque fastum conterant; vt per veram humilitatem ad omnem virtutem viam sibi muniant; vt à curis, sollicitudinibus, & periculis, quæ ampliores præsertim diuitiæ adferre solent, expediti, DEO liberiùs seruiant; vt denique inopiæ & abiectionis CHRISTI æmulos sese præstent. Nam etsi certum non sit, CHRISTVM aliquando mendicasse, certum est tamen, summum paupertatis gradum obtinuisse, & piorum eleemosynis, eo præsertim tempore, quo Euangelium condebat & promulgabat, plerunque sustentatum fuisse: nam cum vtrumque ex Euangelii & aliis Scripturæ locis sit manifestum, vesaniæ esset apertæ, isthuc negare, vel in dubium vocare.

Certum nō esse CHRISTVM mendicasse.

CITRA peccatum & plurimum citra meritum mendicant, quos neque affectata vel simulata paupertas, neque studiosa rursum vel pia voluntas ad mendicandum adigit, sed sola naturæ necessitas. Cuius generis mendicitas in eos præcipue conuenit, qui

Quædam mendicitas inter bonam & malam media.

P

nihil,

nihil, unde se alant, ad manum habentes, neque propter imbecillitatem, vel imperitiam, vel aliam eiusmodi causam quicquam habere valentes, diuturnum limina terunt; aliud nihil sua mendicitate spectantes aut venantes, quam suæ tantum egestatis solatium. Verum licet hæc mendicitas secundum se absolute sumpta, neque laude neque vituperatione quoque digna sit, attamen ex adiuncto, mortis vel vitæ materia effici potest. Certum est enim, qui eiusmodi mendicitatem æquo patientique animo complectuntur, eos non parum apud DEVM mereri. Equè certum est, pauperes, qui quasi iniuriam passi insolenter contra DEVM insurgunt, & murmurant, suamque sortem stomachosè detestantur, æternæ miseriæ meritum ex sua mendicitate haurire. Constat ergo, mendicare, vel ex eleemosynis vivere, rem ita secundum se indifferentem esse, ut tamen rectè, licitè, & meritorie fieri queat.

CHRISTVS
ea fuisse & docuit, unde mendicitas plerumque sequitur, etsi non necessariò.

IMO verò qui propter CHRISTVM aliasque causas, quas obiter paulò antè attigi, mendicant, non solum rem licitam, Deoque gratam tractant; sed CHRISTI doctrinæ eiusdemque vitæ oppidò se quoque conformant. Nam etsi is eleemosynam quærere, vel ex eleemosynis vivere absolute nusquam iusserit, ea tamen iussit, aut certè suasit, unde etsi non necessariò & semper, plurimum tamen quippiam eiusmodi consequitur. Quæ sunt ista, inquis? quæ nisi illa, aliæque similia? *Nolite portare sacculum, neque peram, neque calceamenta. In quamcunque autem domum intraveritis, primum dicitis: Pax huic domui. In eadem autem domo manentes, edentes, & bibentes, quæ apud illos sunt: dignus est enim operarius mercede sua. item: Euntes prædicate dicentes: Quia appropinquavit regnum cælorum. Nolite possidere aurum, neque argentum, neque pecuniam in Zonis vestris, non peram in via, neque duas tunicas, neque calceamenta, neque virgam, dignus est enim operarius cibo suo. item: Et vocavit duodecim, & præcepit eis, ne quid tollerent in via, nisi virgam tantum: Non peram, non panem, neque in Zona es; sed calceatos sandalios, & ne induerentur duabus tunicis. Et hæc quidem ille ad eos, qui euangelizant: sequentia ad omnes pertinent: Qui non renunciat omnibus, quæ possidet, non potest meus esse discipulus. item: Vendite, quæ habetis, & date eleemosynam. item: Si vis perfectus esse, vende omnia, quæ habes, & da pauperibus, & veni sequere me &c.*

IAM si Euangelium salubriter efficaciterque prædicaturos, ab omni seculari cura, omnique pecunia & pera vacuos esse oportet,

tet, quomodo, quæso, famis extremæ periculum euadent, si ipsis interdum mendicare, aut vtrò à fidelibus in alimoniam oblata accipere non liceat? Nam etsi cum D. Paulo, ne quem grauent, manibus laborare queant, attamen non semper laborandi facultas adest, neque omnes Concionatores quoque artem, qua se alere valeant, callent: & vt omnes callerent, adhuc artis instrumenta vnà cum Euangelij codice circumferre commodè nõ possent.

Non omnes verbi ministri artẽ callẽt, qua se alere queant.

RVRSVM si Euangelicæ perfectionis opus est, omnia simul & semel propter CHRISTVM deferere, omnibusque desertis & abdicatis, eundem CHRISTVM sequi; quomodo, qui omnia deseruerunt, periculi expertes viuunt, si nunquam, quacunque etiam cogente necessitate, mendicandi ius habent? Nam vt ad vnum omnes externo labori vacent, (id quod citra maximam spiritualium rerum iacturam fieri vix potest,) adhuc sæpe vsu veniet, vt tantum manibus parare non valeant, quantum opus foret ad mediocrem vitæ sustentationem. Denique non fit verisimile, B. Franciscum, Dominicum, Alexium, Ioannem Calybitem, aliosque innumeros sanctissimos perfectissimosque viros, aliquid fecisse, aut iussisse, aut instituisse, aut suasisse, quod esset illicitum, aut DEO, cui addictissimi erant, ingratum. Athos omnes mendicasse, suisque sectatoribus mendicimonium patrimonij loco reliquisse constat.

Plurimi Sancto-
rũ mendicarũt,
suisque sectato-
ribus mendicimo-
nium patrimo-
nij loco relique-
runt.

AT multò verò minùs credibile fit, Catholicam Ecclesiam, quæ de fide vel moribus cognoscens vel definiens non errat, calculo suo aliquid approbasse tanquam vtile & salutare, CHRISTIQVE Euangelio consentaneum, quod ex se esset malum, aut illicitum, aut Euangelio contrarium: Atqui hæc mendicantium ordinum institutum veluti sanctum, DEOQVE acceptum, & Ecclesiæ commodum, multis modis, viis, & rationibus iam olim approbavit; recteque & sanctè approbavit; & secus sapere, nihil est aliud, quàm totum penè monasticum statum in dubium vocare. Nam si CHRISTI pauperibus exiguam, vitæque tuendæ necessariam eleemosynam in sui sustentationem humiliter petere, vel vtrò à pijs hominibus oblatam admittere non licet, multò minùs licebit ampla dominia, latissima prædia, ingentesque possessiones propter pias causas oblatas

Ecclesia definiens
do non errat.

Torum monasti-
cum statũ euer-
tunt, qui mendi-
care illicitum di-
cunt.

recipere, adeoque quicquid Ecclesiæ, vel certè monasteria; (nam de Ecclesiis non æqua omnino ratio est) ex fidelium pietate, aut principum liberalitate in bonis habent, id totum iniusto titulo obtinebunt. quod assertu est longè absurdissimum.

Dic, quæso, nonne communi sensu destitutum se ostenderet, qui diceret, auri talentum petere, vel sponte oblatum accipere licere, panis autem frustum vel obulum petere, vel vitrò oblatum accipere non licere? Aut Monasterium aliquod Benedictinum integrum pagum, vel oppidū, vel prædium, vel aliquid aliud eiusmodi ad sustentanda monasterij onera iure petere, vel sponte donatum admittere posse, pauperculum autem Franciscanum ad subleuandam præsentem fratrum suorum necessitatem, ab opulento aliquo saccum frumenti, aut cadum olei, vel aliquid aliud eiusmodi petere, aut gratis donatum recipere nō posse? Vel pauperi literarum studio ius esse, stipē, vnde se alat, corradere, quò scientia, quæ inflat, & parum sæpe ædificat, auctus honestè in sacculo viuere possit, pauperi autem religioso ius non esse, ea propter CHRISTI amorem petere, quibus adiutus in charitate, cæterisque virtutibus, quæ ad cœlestes illas diuitias viam muniunt, crescat? At quid aliud dicunt, aut faciunt, qui mendicantium Ordinum fratribus mendicandi, vel ex eleemosynis viuendi ius vniuersè adimunt? Citra vllam itaque controuersiam licet iis, qui Apostolicam illam paupertatem professi sunt, eleemosynam à fidelibus petere, vel, quod in idem redit, ex piorum eleemosyna vitam tolerare.

Hinc iam haud magna cum difficultate colligi potest, quid ad quæstionem de validis monachis initio propositam, responderi debeat. Etenim si externus labor non cadit in absolutum aliquod præceptum, quod obliget singulos: Rursum si omnibus, quæ in bonis habebantur, abdicatis, CHRISTVM in paupertate sectari, vnicuique impedimentum nullum habenti, ius est; Si iis denique, qui omnia propter CHRISTVM, maiorisque perfectionis desiderium deseruerunt, (modò opere manuario se alere, aut commodè alere non queant) eleemosynam petere inhibitum nō est: manifestum euadit, pauperibus, de quibus hic sermo est, eleemosynam impetiri licitum esse. Nam quicquid licitè, honestè, & meritoriè licet petere, hoc ipsum quoque licitè, honestè, & meritoriè licet donare.

Scientia parum
sæpe ædificat.

Quod licitè peti-
tur, id licitè quo-
que conceditur.

AT quæres hîc forsan: vt rectè faciunt, qui religiosis mendicantibus eleemosynarum præsidia impertiunt, ita ne perperam agant, qui eiusmodi vitæ adminicula quibusdam ex illis subtrahunt vel denegant, aliisque vt subtrahant vel denegent, auctores sunt? Respondeo quæsitum hoc ex opera, quam Ecclesiæ vel Reipublicæ in qua versantur, præstât, definiendum esse potius, quàm ex Regula, quam profitentur, aut ex vita, quam sectantur. Etenim si eiusmodi spontanei pauperes Ecclesiæ vel Reipublicæ, in qua degunt, orando, euangelizando, docendo, sacris operando, Sacramenta administrando, ægros solando, moribundos, vt felicius hunc decedant, animando, discordes pacificando, aliisque id genus pietatis officiis incumbendo, impigrè sincereq; deseruiunt, non poterit profectò non æquisimum videri, necessaria vitæ alimenta illis suppeditare: Habet enim hîc locum illud CHRISTI: *Dignus est operarius mercede, vel cibo suo.* Et illud rursum Moyse, aut DEI veriùs per Moysen: *Non alligabis os bouis triturantis.* & illud tandem Pauli: *Quis militat suis stipendiis vnquam? Qui plantat vineam, & de fructu eius non ediet?* & infra: *Si nos vobis spiritualia seminamus, magnum est, si nos vestra carnalia metamus.*

Matth. 10.

Deut. 25.

1. Cor. 9.

QVOD si qui verò sunt, qui ea tantùm de causa mendicant, vt viuant, nihilque laude vel mercede dignum designant, & certò illud constat: licebit manum contrahere, eleemosynæque loco protritum illud iis occinere: *Qui non laborat, non manducet.* Quod de contractione manus hîc dicitur, de priuatis, non de toto aliquo religiosorum hominum cœtu accipiendum est; nisi forsan totus, quod fieri vix potest, ignauix & otio deditus esset. Nam si in magno monachorum numero conspicitur vnus aut alter, aut plures quoque, qui officium segniùs, vel etiam contra officium faciunt, cùm interim alij suo muneri non desint, non propterea toti cœtui visitata præsidia subtrahenda sunt. Adde non sequi, iste vel ille ex hoc vel illo monasterio non docet, non concionatur, non excipit confessionses, non solatur ægrè habentes, deniq; nullum vnquam publicum ministerium obit: ergo nihil agit, vel Ecclesiæ non seruit: Sæpe enim, qui humiliter latitant, plus suis precibus Ecclesiam, vel Communitatem, à qua alimenta percipiunt, adiuuant, quàm magni alioqui Euangelij præcones.

Ob vnum aut alterum ignauum vel improbum non toti ordini bellum inuicendum est.

SUNT qui ex animo vel sine, quo iste vel ille motus hoc vel illud vitæ genus cōplectitur, rem hanc estimandam iudicant. Volunt hi, qui virtutis amore voluntariam paupertatem profitentur, eleemosyna, si copia adsit, sublcuandos, cæteros verò, qui temporarium aliquod cōmodum eā professione quærent verius, quàm CHRISTVM, aut regnum cælorum, aut animarum fructum, aut aliud quodcunq; cū vera virtute coniunctū, vacuos dimitti posse. Verùm licet magnam eius rei rationem habere debeāt, qui eleemosynam quærent, sinéq; vsq; adeò præpostero pauperum contubernio sese adiungant: qui tamen donant, habere non debent, neq; habere quoque possunt; vt qui de alterius animo nihil certi statuere, aut pronunciare valeant. Aut omnibus ergo promiscuè dandum est, quod petunt, modò tamen dandi facultas non desit, aut si quibus dandum nō est, iis dari non debet, quos piorum benignitate abuti certò compertum est. Probatum est ergo, nō modò cæcis, claudis, debilibus, cæterisque, qui victum parare non valent, eleemosynis subueniendum esse; sed quibusdam quoque validis. Superest vt nonnulla etiam de ordine, aliisque circumstantiis, quas in eleemosynarum distributione obseruare par est, in medium adferamus.

Quos piiore benignitate abuti certò compertū est, vacuos dimittere consilium est.

De præcipuis fructuosæ eleemosynæ conditionibus, deq; delectu & ordine, qui in eleemosynarum distributione obseruandus videtur.

CAPVT VNDECIMVM.



LEEMOSYNAM suis ornamentis externisq; partibus destitutam, eleemosynæ appellationē vix mereri, probatione non magnopere indiget: nam, vt antè expositum est, eleemosyna non cuiusuis, sed eius virtutis actus est, quæ inter cæteras principatum obtinet. Virtus autem, quam intrinsecæ & extrinsecæ, hoc est, essentielles & circumstātes partes non cōmendant, vt nomen queat, verè tamē perfectæq; virtutis rationem obtinere non valet. Neq; tamen de singulis eleemosynarū partibus & circumstātiis seorsim hoc loco differere est animus; sed de iis præcipuè, quarū hactenus inter disputandum, vel non meminimus, vel obiter tantum meminimus.

Virtus suis partibus & circumstātiis destituta, virtutis rationem assequi nequit.

IGITUR vt eleemosyna eiusmodi fructus fundat, cuiusmodi supra ex Scripturis, sanctorumq; Patrum monumentis eidem assignauimus, iusta, pia, prompta, humilis, pro facultatum ratione larga, discreta. hoc est, prudens, ordinata, cæterisq; circumstantiis ornata sit, oportet. Nam etsi iniusta, pictate, promptitudine, humilitate, prudentia, ordine, largitate &c. destituta, egenis prodesse queat, & prodesse quoque soleat, Deo tamen, qui non tam datum, quàm donantis animum spectat; (*Respexit enim ad Abel & munera eius*) eiusmodi eleemosyna non placet, aut certè multò minus placet, quàm alioquin placuisset, si debitis circumstantiis versita fuisset.

ERIT autem iusta, si in pauperum subsidium id erogatur, quod iuste est acquisitum, vel saltem non iniuste possessum: Nam, vt nuper dicebamus, quædam iure possidentur, quæ tamen absq; peccato non comparantur. Meretrix, histrio, præstigiator, aliiq; eius farina homines complures, artibus non bonis quæstum faciunt; attamen quod malè, hoc est, non absq; noxa quæsiuerunt, hoc in suum vel aliorum vsum vertere non prohibentur. Quod aut eleemosynarum causa nihil committi debeat, quod cum iustitia aut honestate pugnet, hoc est, nullum furtum, nullus dolus, nulla rapina, aut impostura: illud fuscè probatum est antè, & per se notum est satis: Neque enim vlla vnquam facienda sunt mala, vt eueniant bona: Furari aut, vi rapere, dolum vel fraudem facere, res sunt malæ, fraternæq; charitati planè dissidentanæ. Cõmendat sanè Dominus iniquitatis villicum, non quia aliena rapuerat; sed quia alienis bonis prudenter vsum fuerat. Voluit autem eo paradiigmate nos admonere, vt villici huius exẽplo illa inter pauperes distribuamus, quæ nobis ad vsum necessaria non sunt; adeoque nostra dici propriè non possunt; quod nimirum illi nos à villicatione nostra iam amotos, hoc est, mortali hac vita perfunctos, in æterna recipiant tabernacula.

IVSTA rursus adeoque efficax & meritoria erit eleemosyna, si is, qui donat, Deo per charitatem fuerit adiunctus: perspicuum est enim, eleemosynam obstinato animo in scelere persistentis, eam vim non habere, vt illum, qui donat, à peccato, morte, inferno, cæterisq; malis, à quibus eleemosyna liberare solet, eripiat. Quare Scriptura ita misericordiæ opera passim exultat, vt à cæteris tamen studiosis actionibus nunquam ferè illa diuellat.

Commẽn-

DEVS nõ tam datum, quàm donantis animum spectat. Genes. 4.

Quædam enim parantur, quæ tamen non iniuste possidentur.

Luc. 16.

Quid Dominus indicare voluerit per villici parabolam.

Operi misericordiæ, vt sint perfecta, & efficacia alias virtutes adiunctas habere oportet. Eccl. 5. 8. Ezech. 18.

Commendat **DEVS** per **Esaïam** pauperum causam **Iudæis** serido, sed præmittit, vt opprimentes impietatis fasciculos deponant. Sic quoque **Propheta Ezechiel** iudicium & iustitiam misericordiz adiungit: Sic, ne singula percurram, **Abrahæ**, **Loth**, **Iob**, **Tobiz**, **Cornelij Centurionis**, **Tabitzæ**, **Zachæi**, & aliorum non paucorum eleemosynæ pleno ore prædicantur, sed alię eorundem præclaræ virtutes non reticentur. Deniq; communis Sanctorum vox est, eleemosynas tum demum prodesse, cùm nuncio priscis vitiis misso, nouæ vitę ratio initur. Cùm auditis, scribit alicubi **Augustinus**, omnia malefacta eleemosynis redimi, nolite sic intelligere, vt intelligunt quidam peruerfi: eleemosynæ enim possunt tibi prodesse ad delenda peccata præterita, si mores mutaueris: Si autem in eisdem malis perseveraueris, eleemosynis tuis non corrumpes iudicium **DEI**. Similia comperias apud **Gregorium**, **Hieronimum**, **Ambrosium**, & alios Patres.

Homil. 19. lib.
Homiliarum.
Eleemosynę pro
sunt, si vitā mu
taueris.

Qui præpostero
sine eleemosynā
donat, nullo spi
rituali fructu do
netur.

IUSTA tandem & pia simul erit, si ex proximi charitate orta, tendat in **DEVM**, vel alium finem honestum. Nam qui donat, vt ad peccatum vel errorem alliciat, vel vt vulgi plausum obtineat, quo animo **Pharisæos** donasse legimus, vel alia de causa non bona, nullo fructu donat: Sed nec illi quoque opus cœlesti mercede dignum præstant, qui sola naturali quadam commiseratione tacti miseris opitulantur. Nam & **Pagani** quoque, & **Iudæi**, & **Hæresi cõtaminati**, hoc sensu tacti benignè nonnunquam egenis faciunt; qui ob id tamen à peccato vel morte non absoluuntur, nisi forsan remota quadam dispositione. Qui itaque salubriter vult donare, donet propter **DEVM**, cuius sunt omnia, & quæ donamus, & quæ in vsus proprios asseruamus, curetque, vt **CHRISTO** per gratiam & charitatem sit adiunctus.

PROMPTA erit eleemosyna, si opem nostram implorantibus non dicemus: hodie nequeo, cras vel alio opportuniore tempore ad me redito, & dabo: Siquidem verè benigni, verèque & ex animo misericordes non procrastinant, sed oblatam dandi occasionem gratanter acceptant: Imò verò mendicantis vocem sæpe non expectant; sed vbicunq; præsentem vel impendentem inopiam vident, ibi vtrò aduolant. Neque enim opus est semper, vt pauper lamentabilibus verbis misericordiam suam prodatur, opemq; petat: petit ipsa oris macies, petit infirmitas, petit ipsa nonnunquam etiam

Quid! deposita
ent, vt eleemosy
na sit, dicaturq;
prompta.

etiam personæ qualitas. Comperiuntur enim viri honesti casu vel infortunio quopiam adinopiam redacti, qui inedia perire malūt, quam cum in fa niliæ dedecore vitæ præsidia palām emēdicare. Horum autem vocem data opera expectare, aliud nihil esset, quām afflicto afflictionem addere, extremeq; egenti opem nolle ferre. Ut aut, qui tales studio negligunt, nō leui peccato sese obstrigūt; ita ediuerso singulari laude digni sunt, qui peculiare istiuscemodi verecundorum pauperū curam gerunt. Hos Propheta regius designasse videtur, dum inter cætera, ita scribit: *Beatus qui intelligit su-*

Psal. 40.

per egenum et pauperem. Insinuat enī, quosdam esse, qui vnū hoc studium habēt, vt paupes latentes inquant, inuētisq; benignē faciāt.

Lib. Hom. 34.

Dē hac in dando promptitudine D. Augustinus alicubi ita scribit: Perfecta, fratres, eleemolyna est, vt antea occurrat esuriētī cibis, quām roget mendicus. Non enī est perfecta misericordia, quæ precibus extorquetur. Si tacet mendicus, loquitur pallor in facie. Festina pietas succurrere, ne audias rogantem; ne quod debetur Domino, vendices tibi. Imitare Dē M tuum, qui *Solem suum oriri facit super bonos & malos, & pluit super iustos & iniustos.* Et ecce venit tibi pluuia antequam rogas: Descendit vbertas nocte, dum stertis; dum adhuc in lecto es, ex præcepto vigilat dies, excubant elementa, fructus te nesciente effunduntur.

Non est perfecta eleemolyna, quæ precibus extorquetur.

Matth. 5.

HVC cognatū est illud Ambrosij: Non satis est bene velle, nisi etiā studeas benefacere; nec satis est iterum benefacere, nisi id ex bono fonte, hoc est, ex bona volūtate profisciscatur. *Hilarē enim datorem diligit DēVS:* nam si inuitus facis, quæ tibi merces est? Vnde Apostolus generaliter inquit: *Si volēs hoc ago, mercedē habeo: Si inuitus, dispensatio mihi credita est.* Et illud rursum Gregorij Nazianzeni:

Non satis d. 86.
Sat non est bona voluntas, si adsit operis copia,
2. Cor. 9.

1. Cor. 9.

BENEDICTIONEM accipiamus, intelligentes vocemur, benignissimus; ne vox quidem misericordiæ officia interrumpat: ne dixeris, rediēs redi, & crastina die dabo tibi; ne quid inter propositum tuum & beneficentiam intercedat. Vna est beneficētia, quæ moram non patitur. Frange esurienti panem tuum, & egenos tectōq; carentes induc in domum tuam, idq; læto & alacri animo. Qui enim miseretur, inquit ille, cum hilaritate misereatur, ac beneficij gratia promptitudine & celeritate congeminetur: Nam quod mæsto animo defertur, aut necessitate extorquetur, ingratum est parumque gloriosum. Lætandum est autem, non lugendum, dum beneficium damus.

Orat. de paup. am.

Prou. 3.

Esaï. 58.

Rom. 12.

Lætandum non lugendum, dum beneficium damus.

P; past. adm. 2.

ET illud tandem Gregorij Magni: Admonendi sunt, qui sua misericorditer tribuunt, ne tarditate petētes, nociuē crucient; ne recipiendæ hīc gratiæ intentio subrepat; ne oblatum munus cōiuncta tristitia absorbeat; ne in bene oblato munere animus plūs, quàm decet, hilarescat; ne sibi quicquam, cū totum rectē impleuerint, tribuant, & simul omnia, posteaquam peregerint, perdant. Nam ne sibi virtutē suę liberalitatis deputent, audiant, quod scriptum est: *Si quis administrat, tanquam ex virtute, quam administrat* DEVS. Ne in benefactis immoderatiūs gaudeant, audiant, quod scriptum est: *Cū sēteritis hæc omnia, dicite: serui inutiles sumus, quæ debuius facere, fecimus.* Ne largitatem tristitia corrumpat, audiant quod scriptum est: *Hilarem datorem diligit* DEVS. Ne ex inipenso munere transitoriam laudem quærant, audiant quod scriptum est: *Cū facis prandium aut cœnam, noli vocare amicos &c.* Ne, quæ p̄benda sunt citiūs, serō p̄beantur, audiāt quod scriptum est: *Ne dixeris amico tuo, vade, reuertere, & eras tibi dabo, cū statim possis dare.* Ne sub obtentu largitatis ea, quæ possident, inutiliter spargant, audiant quod scriptum est: *Sudet eleemosyna in manu tua.* Ne cū multa necesse sint, pauca largiantur, audiant quod scriptum est: *Qui parcē seminat, parcē & metet.* Hæc Gregorius, & alia in eūdem sensum multa: vix enim vlla extat frugiferæ eleemosynæ conditio, quam ille loco indicato non attingat, vel ex instituto non tractet: dandum est itaque promptē.

SED neq; promptē tantū, quod necessitas postulat, dandū est, sed magna quoq; cum animi alacritate. Nam qui aliās inuiti humano quodam pudore huc impellūtur, ne videlicet vulgo habeantur auari vel sordidi, multō illi minorem apud DEVM gratiā ineunt, quàm si Apostoli consilium secuti, hilariter & liberaliter id facerent. Quid enim scribit ille: *Necessarium existimaui rogare, fratres, ut praueniant ad vos, et præparent repromissam benedictionem,* hoc est, eleemosynam, non tanquam auaritiā, sed tanquam benedictionem; ita nimirum, ut publicē constet, vos liberaliter conferre, non ægrē, sicuti auari solent. Et causam, cur hilariter simul & liberaliter donandum sit, exponens subdit: *Hoc autem dico: Qui parcē seminat, parcē & metet: Qui autem seminat in benedictionibus,* hoc est, copiosē, & liberaliter, *de benedictionibus,* hoc est, cumulatē abundanterq; metet: latet namque Hebraïsmus, vel Scripturæ idiotismus in Apostoli verbis. Solet hæc enim liberaliores eleemosynas benedictionis nomine

1. Pet. 4.

Luc. 17.

1. Cor 9.

Matth. 9.

Prouer. 3.

Eccles. 12.

2. Cor 9.

2. Cor 9.

nomine designare. Addit rursum: *Vnusquisq; prout destinavit in corde suo, non ex tristitia, aut necessitate; hilarem enim datorem diligit* DEVS. Et ne qua de futura inopia trepidatio, sanctum hoc opus remorari posset, subiungit tandem: *Potens est autem* DEVS, *omnem gratiā abundare facere in vobis, vt in omnibus semper omnem sufficientiam habentes, abundetis in omne opus bonum, sicut scriptum est: Dispersit dedit pauperibus, iustitia eius manet in seculum seculi.*

Scriptura benigniores eleemosynas benedictionis nomine designat.

HÆC omnia & alia p̄terea nonnulla, quæ hunc locū eodem illo capite cōsequuntur, huc tendunt, vt intelligamus, hilariter & expeditē, quod necessitas exigit, & facultas permittit, præstandū esse; certo nobis p̄suasum habentes, nihil hac alacritate detrimēti priuatis nostris facultatibus accessurū, id quod plurimis saepe argumentis probatum est. Si vereris, scribit Cyprianus, ne, si operari multum cœperis, patrimonio tuo latga operatione finito, ad penuriā fortē redigaris, esto in hac parte intrepidus, esto securus, finiri non potest, vnde in vsu CHRISTI impenditur, vnde opus celeste celebratur. Nec hoc tibi de meo spondeo, sed de sanctarum Scripturarum fide, & diuinæ pollicitationis auctoritate promitto; loquitur per Salomonem spiritus sanctus, & dicit: *Qui dat pauperibus, nunquam egebit; qui autem auertit oculum suum, in magna penuria erit.* Ostendens misericordes & operantes egere non posse, magis parcos & steriles ad inopiam postmodum denenire. Similia superioribus capitibus audiuimus ex Leone primo, Prospero, Ildoro, Petro Chryologo, Augustino, & aliis.

Ser. de op. & ele.

Finiri id nō potest, vnde in CHRISTI vium impenditur. Proverb. 18.

HYMILIS erit eleemosyna, si qui illam dispensant, in munerum suorum multitudine vel magnitudine non nimium gloriantur. Non gloriabuntur autē, si eorum, quæ in pauperes erogāt, non tam dominos quàm œconomos se esse cogitabunt. Humiles rursum eiusmodi hic erunt, si eleemosynam petētes, siue votis illorū faciāt satis, siue secūs, blandē amiceq; excipient, cōsolatofq; quod in se est, abs se dimittent. Hanc autē in pauperes benignitatem animiq; submisionem haud magna cum difficultate, accedente huc CHRISTI gratia, consequentur, si mētis aciem in eos, non vt in viles abiectosq; homines; sed vt in CHRISTI membra vel in CHRISTVM ipsum coniiciant: Tūm si illos salutis suæ ministros & synergos esse, eandemq; sortē sibi quoq; aliquādo cucinire posse animo pertractabunt; qua de re Augustinus alicubi in hunc modū scribit: Cui dare præcipitur, gaudeat, quod nō ea sorte

Ser. 76. de temp.

Luc. 16.

natus sit, vt indigeat: Sufficit ad gloriam dantis, quòd misericordia scenerat **DEVM**, quòd pascat in paupere **CHRISTVM**, quòd per alterius inopiam, accipiat indulgentiam. Obiurgantis Domini vox est: *Si in alieno mammona fideles non fuistis, quod vestrum est, quid debet vobis?* Talem enim quis se pauperi exhibere debet, qualem sibi alium exhibere vellet, si pauper ipse fuisset. Humiles hic tandè erunt, si hypocritæ non erunt. Hypocritæ autem non erunt, si nesciat sinistra, quid faciat illorum dextera, quodcunque tandem per dexteram & sinistram accipere lubeat.

Quo sensu dan-
dum sit omni
potenti

LARGA erit eleemosyna, vel, vt rectius dicam, largi liberalesq; eleemosynarij erimus, si Tobiz consilium secuti, à nullo paupere faciem auerterimus: Nam, vt Scripturæ monent & Sancti passim confirmant, dandum est omni omnino petèti, modò adsit facultas, & vrgeat necessitas, & nihil, quò minus detur, impediatur, vel obstet: Vel certè dandum est omni, quia non tantum amicis, vel iustis, vel fidei domesticis; sed Paganis quoq; & peccatoribus: nā Paganis quoq; & peccatores **DEO** curæ sunt: *Pluit is enim super iustos & iniustos, & Solem suum oriri facit super bonos & malos, & ad gratiā Catholicæq; fidei lucem venire quādoq; poterunt, & fortè eiusmodi charitatis officio allekti, facilius huc perducetur;* Vel dandum est tandem omni, quia non totum dandum est vni. Nemo enim dubitat, inscitiz esse minimè parua, id totum in vnum effundere, quod dispertiendum erat inter multos; sicut quoque ibi multa profundere, vbi opus est paucis; vel ibi pauca, vbi opus est multis; vel ibi minus, vbi desiderabatur maius, vel è diuerso ibi maius, vbi deposcebatur minus.

Ve non omnia
vni, sed necessa-
ria tantum: ita
hominibus du-
ris assuetis non
sunt precioso-
ra offerenda, q̃
illorum postu-
lat conditio.

ET quemadmodum non omnia vni, quæ redundant, imper-
tienda sunt, nisi forsàn residuum esset admodum exiguum, & vnus
ille, quò à præsenti inopia liberetur, multis indigeat; sed ea solùm,
quæ ad subleuandam præsentem egestatem sat sint; siue ea ne-
cessitas communis sit, siue specialis; ita quoque pauperibus duris
assuetis, nisi vis morbi, aut corporis debilitas aliud exigat, nō sunt
donanda opipara, operosæque parata, sed vulgaria: Siquidem
vtrunque, nempe plura vni exhibere, quàm necessarium est, & de-
licatiora rursus exhibere, quàm par est, cedit in non leue aliorum
pauperum præiudiciū. Nam vt ex vna preciosa tunica decē, vel
etiā plures confici possunt crassæ; ita ex vna cœna sumptuosa,
decem nonnunquam vulgares confici possunt.

DISCRE-

DISCRETA & prudens erit eleemosyna, si hoc ipsum præstetur & obseruetur, quod modò dictum est, hoc est, si curetur, vt quisq; tantum erogat, quantũ, domestica necessitate considerata, com-
modè erogare valet, & pauperũ necessitas pro tempore postulat. Itaq; qui donare potest aurũ, det aurum; qui argẽtum, argentum; qui panem, panem; qui parum, parum; qui multis, multis; qui pau-
cis, paucis; qui tandem nihil, is bonam adferat voluntatem: nam & hæc quoque sua metcede non caret. Regnum Dei, scribit Gre-
gorius, tantum valet, quantum habes: Valuit Zachæo dimidium substantiæ, valuit viduæ duobus minutis, valuit alteri calice aquæ frigide. Sed fortassis nec calix aquæ frigide suppetit, qui indigenti præbeatur? etiam hic securitatem nobis promittit sermo diuinus. Redemptore etenim nato cœli ciues ostensi sunt, qui clamarent: *Gloria in excelsis Deo, & in terra pax hominibus bonæ voluntatis.* Hæc de iis Gregorius, qui præter bonam voluntatem, nihil eleemosyna-
rum in mediũ adferre possunt.

Quid deponat
discreta eleemo-
syna.

Ho 5 in Euang.

Luc. 19.

Marc. 12.

Math. 10.

Luc. 12.

DISCRETI hîc rursum & prudentes erimus, si caueamus, ne quædam iis, quibus nulla; ne nulla, quibus aliqua; ne multa, quib; pauca; ne pauca tandem impendamus, quibus multa impendi debebant. Tũ rursum si à capite, hoc est, ab iis, qui maximè egent, vel maiori necessitudine nobis coniuncti sunt, exorſi, per certa quædam media contenderimus, ad ima, hoc est, ad eos; qui eleemosynarum præsidio minus egent, aut maiori intetuallo à nobis distant, nihilq; eorum omiserimus, quæ ad prouidam riteq; ordinatam eleemosynam necessaria esse dignoscuntur.

PRVDENS tandem & ordinata erit eleemosyna, vel, quod in idem redit, prudenter ordinatæq; eleemosynam largiemur, si fidem, causam, locum, tempus, generis propinquitatem, nobilitatem, vires, aliâque id genus non indiligenter obſeruauerimus. Et quidem ad fidem, & quæ huic cognata est, iustitiam quod attinet, dubium nullum est, si cæteta sunt paria, maiorem in eleemosynarum distributione habendam esse rationem fidelium & iustorum, quàm infidelium & iniustorum; notũ est enim illud Apostoli: *Dum tempus habemus, bonum opere nunc ad omnes, maximè autem ad domesticos fidei.* Tum illud rursum eiusdẽ: *Si quis suorum & maximè domesticorum curam non habet, fidem negauit & infideli deterior est.* eodẽ pertinet hæc Ambrosiana: Grandis culpa est, si te sciente eget fidelis; si scias eum sine sumptu esse, & famẽ tolerare, ærumnâ perpeti, qui præsertim

Fideles & iust
in eleemosyna-
rum distributio-
ne cæteris ante-
ferendi.

Gal. 6.

1. Timoth. 5.

Li. 3 c. 30 offi. i.

Non satis d. 16.

egere erubescit: nam etsi omnibus debetur misericordia, at iusto amplius. Hæc diligenter notent, qui Dei seruis eleemosynam petentibus petulanter quandoq; insultant, præsidioque, quod iure illis debebatur, vel iniuste defraudant, vel, ut defraudentur, operam nauant.

Causæ ad eleemosynam erogandam impellentes, ut varix sunt, ita non ex æquo impellunt.

CAUSAE porrò ad eleemosynam huic vel illi impertiendam impellentes, ut varix sunt, ita dispar quoq; debitum adferunt. In confesso est namq; non equam eius iuuandi obligationem esse, qui extrema; & qui communi râtum inopia tenetur: Eius rursus, qui iniuste ad supplicium, mortem vel seruitutem rapitur; & eius qui iusta inedia aliæque promerita miseria torquetur: Eius item, qui educauit vel instituit; & eius, qui neutrum horum præstitit: Eius tandem, qui optimè meritis est; mercedem studuit; & eius qui pessimè, vel nihil, esto pari vel maiori quoq; egestate prematur, modò tamen infra extremam vel quasi extremam.

Multa sunt, quæ egestatis incommoda augent.

LOCUM, tempus, senium, morbum, aliâq; his cognata, egestatis incommoda augere, nemo est, qui iure ambigere queat. Neq; enim parû interest, in patriâne, apud amicos, familiares, vel affines inopem vitam ducas, an apud exteros & ignotos: Naturaliter enim impensius fauemus notis, quàm ignotis; sanguine vel aliâ necessitudine iunctis, quàm nihil ad nos pertinentibus. Rursus famène, aut siti, aut nuditate, aut alia calamitate in arctissimû ergastulum detrusus cruciari; an hæc ipsa sub libero cælo perpetiari: nam qui liber est, ostiatim mendicando, vel operam suam alteri locando, miseriæ, qua tenetur, obuiam ire potest; qui autem in vinculis, vel in carcere detinetur, neutro modo calamitati suæ solatium adferre potest. Tandem reipsâne propter rerum familiarium inopiam vel acceptam cladem afflictere, an propter culpam, vel etiam citra culpam his incommodis paulatim affinis fias. Clarum est enim, multo grauius esse, cecidisse, quàm ad casum propendere: Atqui ubi maior urget necessitas, ibi cæteris exæquatis, maior quoque commiserationis ratio urget.

Ubi maior urget necessitas, ibi maior commiserationis ratio militat.

QUAE de eorû calamitate & statu exposita sunt, qui carceris squalore macerantur, vel ergastulis inclusi detinentur, hæc certa quadam proportionem ad ægros quoq; senioq; confectos, vel aliâs inuálidos transferri possunt: Quandoquidem ætate florètes, sano robustoq; corpore præditi, ac viribus integri, si sibi nõ defuerint, haud magna cum difficultate victum, cateraque vitæ necessaria paraue-

In eleemosynarû distributione, peculiaris ratio ha-

parauerint. Non ita autem ægritudine preſſi, aut ſenio conſecti, aut alia quacunq; de cauſa inualidi. Hi enim ſicut laborem tolerare nō queunt, vt maximè cupiant; ita victus cauſa oſtiatim diſcurrere abſque grandi difficultate non poſſunt, imò quidam ex iis omnino non poſſunt.

bēda eſt ſenium;
debilium, & in-
firmorum.

QVOD autem peculiarem nobilitatis, tūm propinquitatis quoq; generisq; rationē habere conueniat, modò cētera non ſint diſparia, id fatentur omnes, & ipſa quoque ratio hoc dicat. Nam quis, ſi rationis iudicium conſular, non videat, viri nobilis furto, rapina, incendio, iniuſta proſcriptione, aliōue immerito infortu-
nio ad pauperiem redacti, miſerēdum eſſe potiùs, quàm hominis plebei ad miſeriam nati? familiaris aut domeſtici, quàm nullo neceſſitudinis vinculo coniuncti? amantis vel parentis, quàm odientis vel occidentis? De his omnibus ita Ambroſius:

DE J, inquit, traditio eſt, vt priùs paſcas parentes: nam ſi iuxta diuinum oraculū, contumelia parentis morte luitur, quantò magis ſames, quæ multò grauior eſt. & alio rurfum loco: Probanda eſt & alia liberalitas, vt p̄ximos ſeminis tui non deſpicias, ſi egere cognoſcas. Melius eſt enim, vt ipſe ſubuenias tuis, quibus pudor eſt, ab aliis ſumptū depoſcere, aut alicui poſtulare ſubſidium neceſſitatis. Nō tamē, vt illi dītiōres fieri velint ex eo, quod tu con-
ferre poteſ inopibus. Cauſam enim natura præſtat, non gratia. & infrā: Conſideranda eſt in largiendo ætas, atque debilitas, non-
nunquam etiam verecundia, quæ ingenuos prodit natales; vt ſe-
nibus plus largiaris, qui ſibi iam nequeunt victum quærere. Simi-
liter & debilitas corporis promptiùs eſt adiuuanda. Tūm ſi quis ex diuitiis cecidit in egeſtatem, & maximè ſi ſine ſuo vitio: Sed aut latrocinii, aut proſcriptione, aut calumniis, quæ habebat amiſit. Hæc ille.

Cæterum d. 86.
Ante omnes pa-
ſcendi ſunt pa-
rentes.
Probanda d. 86.

Conſiderā ſum.
d. 86.

OMNES hæ & ſi quæ adhuc extant alię fruſtuoſę ordinatæq; eleemoſynæ cōditiones, ad debiti, honeſti, & neceſſarij rationem reduci poſſunt. Etenim vt extremè vel quaſi extremè laboranti opem ſeras, id poſtulat neceſſitas: Vt autem probis, eruditis, no-
bilibus, bene de Repub. vel Eccleſia meritis, pro facultatum mo-
dulo benignè facias, id quædam ciuilis exigit honeſtas; Vt verò parentibus, præceptoribus, benefactoribus, aliisq; conſimilibus inopia preſſis manum porrigas, id naturalis æquitas efflagitat.

Omnes fruſtuo-
ſæ eleemoſynæ
cōditiones ad
debitum, hone-
ſtum, & neceſſa-
rium referuntur.

INTER

Extremè egens
exteris omnibus
extremè nō egē-
tibus anteferen-
dus.

INTER tria hæc primas obtinet necessitas, hoc est, ultima vel quasi ultima egestas. Quare si capitalem hostē de me meisq; meritum pessimè, fame, siti, vel alio incōmodo, cui mederi queam, percuntem animaduertam, parentem verò, vel præceptorem, vel alios quoscunq; præclarè de me meritos, egere quidem mea ope intelligo, nō tamen extremè aut quasi extremè, si vtriusq; opitulari non valeo, misso parente vel præceptore, hosti extremè laboranti subuenire debeo, & nisi fecero, graui noxa me obstringo. Causa huius est, quia eleemosyna per se primò ac propriè spectat indigentiam; cætera autem omnia secundariò, & quasi per accidens. Quare vbi maior vrget inopia, ibi præceptum eleemosynariū obligat strictius, & eleemosynę ratio constat veriùs: Nam propter honestatem vel morale debitū donare, ad iusticiam & beneficentiam pertinet veriùs, quàm ad misericordiam, vel charitatis legem.

Vltima necessitas
seclusa, necessarium,
honestū & debitum alia
& alia ratione se
inuicē excedit.

CAETERVM vltima egestate seclusa, tria hæc alia & alia ratione se mutuò excedunt: per se tamen necessarium magis vrget, quàm honestum vel debitum; debitum rursum magis quàm honestum. Quapropter si plures æquè indigent, siue indigeant extremè, siue citra extremū, primū quidem habēda erit ratio debiti, proximè honesti, postremò magis minùsue debiti, vel honesti: Siquidē non omnia debita æquè sunt arcta aut magna; nec omnia honesta eadem lege & ratione æquè sunt honesta. Nā vt nemo nescit, magis obligor parentem iuuare, quàm sobolem, præsertim adultā, (nam infantium & puerorū, qui per ætatem seipso iuuare non possunt, singularis ratio habenda est) & sobolem rursum magis quàm cæteros sanguine iunctos; & domesticos magis itidē quàm externos; & inter hos tandem magis meritos, vel magis probos, minùs meritis vel minùs probis. Deniq; idem hīc ferè obseruandus est ordo, qui in charitate. Similes gradus in honestatis ratione annotare & obseruare quoque liceat.

ET hæc de ordine, cæterisq; quæ in eleemosynarum considerationem cadunt, hæc enus. Faxit Dominus, vt pauperibus diuitibusq; ex æquo profint, his quidem ad æternæ vitæ meritum, illis verò ad qualecunq; miseriarum, quas iusto DEI iudicio sustinent, solatium, AMEN.

LAVS DEO.

IEIV.

DE IEIUNIO, ET CIBORVM DELECTV LIBER SECVNDVS.

Ieiunium cum abstinentia non rectè confundi, rectè autem in liberum & necessarium; & hoc rursum in naturale, Mosaicum & Ecclesiasticum deduci.

CAPVT PRIMVM.



INTER causas ad peccatum prouocantes, primas facile obtinet carnis concupiscentia. Allectat huc etiam auaritia, vitæque superbia; sed & multos quoque transuersos agit ignoratio: Verum quò carnis sensus homini iam inde ab inuente ætate est familiarior, (nam vnà cum ipso exortus ad vltimum vsque vitæ halitum perstat, materiamq; quo nutriatur, nusquam non obuiam habet) eò ad alliciendum, obtinendamque de antagonista victoriam est potentior. Quare sancti Patres secundùm diuinas literas ad nihil eque frequenter hortantur fideles, ac ad carnis mortificationem, motuumq; eiusdem compressionem.

PORRO autem inter ea, quæ ad refrenandum carnis sensum faciunt plurimum, multi non absq; ratione ieiunio principatum deferunt. Nam etsi vigilia, asper vestitus, externus corporis labor, aliæque id genus complura carnis petulantiam coercerant: non eo tamen successu & vi, qua continuata ieiunia. Quocirca licet Paulus, Antonius, Hilarion, cæterique eremi cultores, quæ iam attigi, non negligerent: ieiunium tamen tanquam validissimum aduersus omnem Diaboli carnisque insultum præsidium, in prima semper acie collocabant; nihilque perinde atque ieiunium ad Monachi professionem pertinere prædicabant, viuoque exemplo confirmabant: Imò verò qui assiduo ieiunio se non macerarent, eos Monachi appellatione vix dignos censabant.

Inter causas ad peccatum prouocantes, primas tenet carnis concupiscentia.

Nihil carnis petulantiam æquè comprimit, atque continuatum ieiunium.

In primitiua Ec-
clesia frequēs ie-
iuniorum vñs.

Lib. de vit. cont.

QV I N in primitiua Ecclesia quoque non apud eos solum, qui secundum Ecclesiastici iudicis arbitrium priuata vel publica pœnitentia mulcabantur, solennis & frequens admodum erat ieiuniorum vsus, sed apud eos quoque, qui publica pœna nihil dignum admiserant. Temperantia, scribit Philo, tanquam fundamento in anima facta, virtutes cæteræ superstruuntur. Nec cibum, nec potum quisquam sumit ante solis occasum. Nonnulli ex illis vix tertio quoque die famem sentiunt. Nec desunt, qui prælauro excepti epulo sapientiæ, perdurant duplum eius temporis, & vix sexto die degustant cibum necessarium, assueti, sicut cicadæ rore viuere, canticis solari in ediam. Hæc ille de Christianis Alexandrinis Marci primi ciuitatis illius Episcopi discipulis: fitque verisimile, aliis locis & ciuitatibus idem præstitisse alios. Sed hac ipsa quoque ætate, qui rebellantem spiritui carnem seriò edomare cupiunt, ad ieiunium & abstinentiam veluti ad sacram anchoram sese recipiunt. Ieiunium itaque inter mortificationis instrumenta arcem tenet.

Non sunt idem
ieiunium & ab-
stinentia.

Ieiunium non
omnes, absten-
tia circumscribitur
obligat.

Matth. 9.
Marc. 2.
Lucæ 5.

PORRO autem licet ieiunium & abstinentia circa eandem materiam versentur, & vnum alterius nomine sæpe designetur, non idem tamen prorsus est ieiunium, quod moralis abstinentia. Quæ in re ætatis huius sectarij hallucinantur maximè: docent enim, idem omnino esse ieiunare, quod sobriè, naturæque conuenienter viuere; quod est vanissimum, & à Scripturæ sententia alienissimum. Constat namq; , abstinentiam æquè atq; temperantiam, nullum non hominem ad sui culturam & obseruationem perpetuò obstringere: Quandoquidè vt nulli vnquam fas est intemperanter viuere; ita nulli quicquam vnquam, quod cum vera abstinentia pugnet, admittere. Nunquam enim plus comedere aut bibere licet, quàm vel recta ratio dicat, aut naturæ necessitas postulat. At verò ieiunium neque omnes obligat, neque semper obligat, sed suo tempore & loco quosdam tantum. Certum est æquè, CHRISTVM Dominum, sanctosque eiusdem Apostolos, nec non innumeros ante & post illos alios sobriè naturæque conuenienter vixisse semper, neque semper tamen ieiunasse. Nam si Apostoli semper ieiunassent, CHRISTVS nunquam dicturus erat: *Auferetur ab illis sponsus, & tunc ieiunabunt.*

EST

EST autem ieiunium, vt hic de ieiunio loquimur, & deinceps locuturi sumus, proprius abstinentiæ actus, vel peculiaris quidam abstinentiæ modus. Paucis, ieiunium est eiusmodi abstinentia, qua quis ad præfinitum diem, vel ad certam diei horam ab aliquibus, vel ab omnibus abstinet. Tridnum integrum ab omnibus abstinuisse leguntur Niniuitæ amplissimæ ciuitatis, excidium ob Ionæ comminationem veriti. Ad vesperam vsque Israëlita, in Silo fratrum suorum cladem deplorantes, & quid factum opus in posterum, Dominum consulentes. A quibusdam Daniel: *In diebus illis, ait, ego Daniel lugebam (hoc est, ieiunabam) trium hebdomadarum diebus panem desiderabilem non comedi, caro & vinum non introierunt in os meum &c.*

Cuiusmodi abstinentia ieiunium.

Ionæ 3.
Iudii. 20.

Dani. 10.

AT quia non vno animo, nec vna de causa ab aliquibus, vel ab omnibus abstinent omnes; sed alij alio: fit, vt non omne ieiunium meritum apud DEVM habeat. Ieiunant, exempli gratia ægri, quod cibum fastidiant; Inopes, quod alimenta, quibus se alant, nulla sæpe ad manum habeant; Auari, quod parcius sumptus faciant; Læmargi ventrique & gulæ dediti, quod maiori postea auiditate & voluptate liguriant; Hypocritæ, quod sanctimoniam, quam non habent, opinionem apud imperitam turbam sibi comparent. Ieiunant tandem pij homines, quod vel sceferum vestigia inducant, DEOQUE & Ecclesiæ satisfaciant; aut quod insurgentes inordinatos carnis motus, ieiuniorum vi comprimant; aut vt diuino cultui obsequendo aptiores sese reddant; aut certè quod legi de ieiunio latæ pareant. Et hi soli ritè, & nisi peccatum grauius aliquod obstat, meritorie ieiunant.

Varie abstinentiæ causæ, diuersi quoque abstinentium finis.

Hoc piorum hominum ieiunium, (reliqua enim ieiunij appellationem non merentur) missis pluribus diuisionibus, quæ à materia, vel ab auctore, vel à tempore, vel à loco, vel à persona ieiunante, vel à causa petita prolixè à quibusdam tractantur & explanantur, in necessitatis & supererogationis siue in deuotionis & institutionis ieiunium deduci potest. Supererogationis ieiunium illud hic nunc breuiter vocamus, (postea enim accuratius ea de re disputabitur) quod sponte, nulla lege cogente, aut præcepto urgente, suscipitur. Necessitatis verò,

Duplex ieiunium, necessitatis vni, supererogationis alterum.

quod secundum legis præscriptum, aut superioris mandatum, aut patriæ consuetudinem exigitur præstaturæ. Neque enim solum leges, sed laudabiles quoque consuetudines suam in vtroque foro vim obtinent.

IEIUNIVM supererogationis æquè latè patet atq; causæ, quæ ad hoc inuitant; hæ autem patent latissimè. Ieiunium necessitatis legum, ex quibus ortum & robur trahit, numerum imitatur. Lex autem generatim accepta in naturalem, Mosaicam, & Evangelicam secerni solet. Quare si quod extat vel exitit quandoque ieiunium non liberum, hoc ad aliquam trium istarum legum pertineat oportet. Mosaicæ legis nomine id totum hîc comprehendimus, quod veteri lege vim adhuc obtinente, apud Iudæos receptum erat: siue id proximè natû & promulgatum esset per Moysen; siue per quemcunque alium in Moyfi Cathedra sedentem. Idem de Evangelica lege statuatur quoque. Neque enim id solum Evangelicum dici consuevit, quod CHRISTVS per se docuit aut iussit, sed id etiam, quod per suos Apostolos, legitimósque eorundem successores Christiano orbi proposuit. Vniuersè ergo triplex est ieiunium, naturale legisue naturæ, Mosaicum, & Evangelicum, hoc est, Ecclesiasticum.

Triplex lex, legisque sanctio.

Triplex in vniuersum ieiuniû.

Ieiunium naturæ bifariam accipi potest.

Ieiunia, quæ natura vel recta ratio dicat, nunquam non obligant.

IEIUNIVM legis naturæ, quatenus maiorum traditione, vel aliqua patriæ consuetudine apud illius ætatis homines statutivè legis vim obtinebat, iam non obligat. Verùm si quod ieiunium naturæ lex absolutè accepta, vel recta ratio dicat, illud non minori obligandi vi nunc pollet, quàm mundi nascentis tempore. Certum est enim, si eiusmodi animi vel corporis morbo labores, qui citra ieiunium sanari non queat, æquè tibi abstinendum esse, atque si Ecclesia commune aliquod ieiunium indixisset; Nemini enim seipsum perdere licet. Perdit autem, qui ab interitu, à quo tueri se poterat, & tueri se quoque debebat, se non tuctur.

AT verò statane aliqua apud præfatos illos Patres ieiunia, ante Moyfi principatum fuerint recepta, id certò non constat: Siquidem Scripturæ & veterum monumenta nihil, quod apertum sit satis, ea de re produnt. Fit nihilominus admodum verisimile, ut suos illi, qui legem antecesserunt, sacros habebant ritus, sua Sacramenta & sacrificia; ita suas quoque habuisse ieiunationes:

Habe-

Habebant enim easdem ieiunandi causas, quas nos nūc habemus, & fortè maiores. Præterea cū ea ætate multi essent magnæ perfectionis & sanctitatis viri, non sit credibile, tantæ perfectionis organum, quantum est ieiunium, aut ignorasse, aut neglexisse. De eo autem naturæ ieiunio, quod omnem cibi potusq; vsum excludit, alioq; nomine ieiunij ieiunium appellari cōsuevit, (sicut alterum illud ieiunium ieiunantis) nihil hīc differimus: Quandoquidem nihil id ad nostrum institutum facit; quippe quod brutis animalibus cum hominibus sit commune.

MOSAICAE legis ieiunia, vt cætera cæremonialia, iam dudum exoleuerunt: vnde nihil est quod de iis prolixè hoc loco disputemus. Solū monuerim, non omnia veteris illius populi ieiunia fuisse libera; Quædam enim magna seueritate illi erant indicta. DEI vox est: *Decimo die mensis huius septimi dies expiationis erit celeberrimus, & vocabitur sanctus; & affligetis animas vestras in eo: et offeretis holocaustum Domino. Omnis anima, quæ afflictæ nō fuerit die hac, peribit.* At siue interitus, quem lex interminatur, referatur ad corpus, siue ad animam, siue ad vtrunque simul, maximam, citra controuersiam, exprimebat pœnam. Quod autem afflictionis nomine veniant ieiunia, id apud diuinorum oraculorum interpretes quæstionem non habet.

RESTANT ergo sola Christiana vel Ecclesiastica ieiunia; siue per Apostolos, (vt de nonnullis certò constat) ea ad nos defluxisse dicas; siue per quoscunque alios Ecclesiæ Catholicæ proceres. Nam ad rituum, vel cæremoniarum institutionem, legumq; Reipub. Christianæ necessariarum lationem quod spectat, eadem nunc in Ecclesia DEI auctoritas est, eritq; semper, quæ fuit Apostolorum ætate. Esset namque Ecclesiæ status miserrimus, si ipsa pro locorum & temporum qualitate, nullas leges, quæ bonum publicum promouerent, aut publica mala coercerent, ferre posset.

CAETERVM Christiano vel Ecclesiastico ritu, hoc est, secundum normam ab Ecclesia præscriptam, vel ab eadem approbatā ieiunaturus, præter ciborum delectum, qui propriæ rationis ieiunio adedò intrinsecus est, vt ab eo diuelli vix queat, duo obseruare debet. Horum alterum est, ne sæpius quàm semel interdū cibumumat: Alterum est, ne ante nonam vel vespèram, vel crassā

Verisimile sit, Patres, qui legē antecesserunt, suas habuisse ieiunationes.

Non omnia Moisaica legē ieiunia erant libera. Leuit. 23.

Scripturarum phrasi, afflictionis nomine designantur ieiunia.

Eadem nunc fœderarum legum in Ecclesia auctoritas est, quæ fuit Apostolorum ætate.

Ieiunium Ecclesiasticum tribus partibus cōstat.

R 3 quadam

quadam calculatione ante meridiem istud faciat. Quòd si quid ex tribus hisce prætermiserit, vt abstinuissè dici queat, legitimè ieiunasse dici non poterit.

CVM itaq; tria hæc eo ferè modo ad ieiunium sese habeant, quo fundamentum, parietes, & tectum ad domum, cæteraq; partes corpus aliquod absoluentes ad corpus totum; Methodi ratio postulare videtur, vt priùs de his differamus, quàm de cæteris, quæ extra ieiunij rationem existunt, vel minùs sanè propinquè ad illud affecta sunt. Ordinemur autem à ciborum delectu; non quòd hic solus ieiunium absoluat, sed quòd inter tria, quorum modò meminimus, primatum ferè obtineat, multoq; latius quàm duo reliqua pateat. Constat namque, multos à ieiunij lege absolui, qui tamen à ciborum delectu non absoluuntur: multos rursus intra anni curriculum dies à ieiunio vacare, qui tamen à ciborum delectu non vacant. Quin illi ipsi quoque, qui sectas fouent, multò infestius ciborum delectum insectantur, quàm ieiunium. Imò non desunt, qui publicè illud probent, tametsi neminem præcepto aliquo ad illud compellendum censeant.

Nullum alimenti genus ex se immundum, naturalitè aut Evangelica lege inhibitu[m] esse.

CAPVT SECVNDVM.



DE ciborum delectu, quatenus ad Christiani ieiunij rationem facit, verba facturus, contra manifestas quorundam calumnias, vt certum & apud omnes sincerè Catholicos indubitatum hic pono, nullum omnino alimenti genus tanquam natura sua immundum, vilo omnino iure, aut lege proscriptum esse. Nam si qua esca ex se peccati virus inclusum haberet, nunquam ea vesci liceret: Siquidè quod sua natura tale est, semper est tale: At nulla est, qua interdum vti non liceat.

ADHÆC si quis cibus animam ex se contaminare natus esset, Apostolus nunquam scripturus erat: *Omnis creatura DEI bona est; & nihil reiiciendum, quod cum gratiarum actione percipitur. Sanctificatur enim per verbum DEI & orationem.* Rursum: *Omnia munda munda sunt; co[m]municatis autem et infidelibus nihil est mundum, sed inquinata sunt eorum mens et conscientia.* Item: *Omne quod in macellum venit, manducate, nihil interrogan-*

Ciborum delectus latius patet, quàm reliquæ ieiuniorum pars.

Nulla esca aliis vitata secundum se est immunda.

v. Timo. 4.

Tit. 1.

1. Cor. 10.

tes propter conscientiam. Domini est terra & plenitudo eius. Si quis vocat vos infidelium ad conam, & vultis ire, omne, quod vobis apponitur, manducate, nihil interringentes propter conscientiam.

NEC CHRISTVS Dñs Apostolis, & per hoc ceteris omnibus vnquam dicturus erat: Audite & intelligite. Non quod intrat in os, Matth. 15. co inquinat hominem; sed quod procedit ex ore, hoc co inquinat hominem. Item: In quamcunq; ciuitatem intraueritis, & susceperint vos, manducate, quæ apponuntur vobis. Rursum: Quod Deus purificauit, tu commune ne dixeris. Act. 10. Neq; Dominus ad Noë: Terror vester, ac tremor sis super cuncta animantia Gen. 9. terra, & super omnes volucres cæli: cum vniuersis, quæ moventur super terrâ. Omnes pisces maris manui vestra traditi sunt; & omne quod viuit & mouetur, erit vobis in cibum: quasi olera viuentia tradidi vobis omnia. Et ante hunc locum: Dominamini piscibus maris, & volatilibus cæli, & vniuersis Gen. 1. animantibus, quæ moventur super terram. At dominium hoc in terræ animantes nullum, vel certè mancum admodum extitisset, si idoneas in cibum vertere non licuisset.

DENIQVE si quid ex iis oninibus, quæ in communem hominum vsum veniunt, secundum se immundum, aut animâ hominis ex se contaminare aptum foret, nunquam Ecclesia contra commentitiâ huius immunditiæ præcones & assertores, tot anathematis nos edidisset, quot per Apostolos corûdemq; successores iam olim edidit. Apostolicæ Synodi decretum cōtra id genus hominum ante mille quingentos annos conscriptum & promulgatum ita sonat: Si quis Episcopus, aut Presbyter, aut Diaconus non propter mentis exercitationem; sed propter abominationē, festis diebus vino & carnibus non vtitur, deponitur, tanquam qui cauterio notatam habeat conscientiam.

HVC cognatum est illud Synodi Ancyritanæ: De his, qui in Clero sunt presbyteri, vel diaconi, & abstinēt à carnibus, hoc placuit statui, vt nō eas tanquam immundas contemnant, sed cōtingant. A quibus quidē qui se abstinere volunt, habeant potestatē: ita tamen, si quādo cum oleribus coquantur, eadem tãquam carnibus polluta non iudicent, sed ex his cibum assument, quamuis à carnibus se abstineant. Quod si in tantum eas immūdas & abominabiles iudicauerint, vt nec olera, quæ cum carnibus coquantur, æstiment comedenda, tanquam non consentientes huic regulæ cessare eos oportet à ministerio & ordine suo.

Ecclesia eos oīs tanquam hæreticos execratur, qui quascunq; escas tanquā ex se immūdas execrantur.

Cano. 51.

Cano. 14.

Cano. 2.

In assert. fid.

Cano. 14.

ET illud rursus Synodi Gangrensis: Si quis carnem manducantem ex fide cum religione crediderit condemnandum, tanquam spem non habentem, quod eas manducat, anathema sit. Et illud item Synodi Toletanæ primæ: Si quis dixerit, aut crediderit; carnes auium seu pecudum, quæ ad escam datæ sunt, non tantum pro castigatione hominum abstinentas, sed execrandas esse, anathema sit. Et illud tandem Synodi Bracharensis primæ: Si quis immundos putat cibos carniū, quas DEVS in vsum hominum dedit, & non propter afflictionem sui corporis, sed quasi immunditiam putans, ita abstineat ab eis, ut nec olera cocta cum carnibus prægustet, sicut Manichæus & Priscillianus dixerunt, anathema sit.

OMNES hi Canones, & alij præterea complures, quos breuitatis studio missos facio (longum enim foret, si quis omnia, quæ ea de re cauta extant, referre hîc instituat) disertè illos condemnant, qui ab escis, quas DEVS, ut cum gratiarum actione percipiuntur, creauit, abstinent, tanquam à rebus sua natura immundis, internumque hominem secundum se polluerent natis. Interim eos, qui pietatis causa, vel semper, vel statis temporibus à quibusdam abstinent, adeò non condemnant, ut apertè quoque commendent. Si itaque Euangeliiis, si Apostolis, si communi Ecclesiæ iudicio tefragari nolumus, nullum alimenti genus secundum se immundum, aut homini vniuersè interdictum statuemus.

Quod intrinsecè
malè est, id ra-
tionis luce de-
prehendi po-
test.

SED nec aliud quoque decernemus, si ius naturale, vel rationis lumen in consilium adsciscemus. Nam quod secundum se illicitum, aut suapte natura pollutum est, id eiusmodi esse rationis luce deprehendi potest. At nulla rationis vi cognosci potest, nec ab vilo vnquam sapiente traditum est, aliquam escam, quæ in hominum vsum veniat, spiritualibus sordibus infectam esse, aut in necessarium humanæ vitæ vsum verti non posse. Fuerunt sanè, qui non solum ab animantibus, sed à quibusdam quoque fruticibus abstinendum putabant; verum hi principio nitebantur in verâ Philosophia planè absurdo. Quis enim, nisi aut admodum tudit, aut à dæmone dementatus humanas animas de corpore ad corpus subinde transmigrare credat? at hoc illi persuasum habebant; qui ab omnibus viuentibus se continebant.

PRÆ-

PRÆTEREA apud omnes, qui ducem rationem sequuntur, quasi dignitas quædam receptum est, inferiora minusq; perfecta ad superiorum inagisq; perfectiorū obsequium & vsum spectare: cum ergo herbarū cateraq; sensu carentia brutis animantibus sint imperfectiora, & illa hominibus: efficitur, vt humi nascentia rectè vertuntur in vsum & alimentum animantium: ita animantia rectè conuerti in vsum & alimentum hominum. Deniq; docere carnes, vinum, oua, aliâque, quibus humana vita sustentatur, immunda, aut secundum se absolutè lege aliqua proscrip-
ta esse, aliud nihil est, quàm hominem in inexplicabiles difficultates conicere. Nam si comedit, noxæ; si non comedit, vitæ periculo sese exponit. In causa itaque maneat, nullum ciborum genus secundum se immundum, aut per vllam omnino legem vniuersè proscriptum esse.

Mindus perfecta
ad perfectiorū
obsequium &
vsum ordina-
tur.

AT verò quando ex Euangelio, Apostolo, Ecclesiæ traditione, & humana tādē ratione docetur, nihil infra hominem positum ex se immundum, aut peccati labe infectum esse, nemo hic inferat, quiduis, lege seclusa, citra noxam in humanam escam verti posse. Nam etsi *omnis DEI creatura bona est*, non omnis tamen, quæ homini in cibum cedat, idonea est. Sunt enim, quæ solo aspectu naturæ bene institutæ horrorem ingerunt: Alia, quæ tantum gustata mortem adferunt: Quædam, quæ absque grauisima valetudinis offensione manducari non possunt. Hæc autem iisq; similia non magis comedere licet, quàm seipsum occidere, aut graui-
ter ledere. Sed & illa ipsa quoque, quæ in communem humanæ vitæ vsum veniunt, non quouis modo licitè sumuntur. Quis enim illum liberum à vitio pronunciet, qui citra vllam necessitatem crudas, sanguinæque adhuc stillantes cuiuscunque animantis carnes luporum more ingerat?

1. Tim. 4.
Etiā omnis DEI
creatura bona
est, non omnis
tamen, quæ in
cibum vertatur,
idonea est.

INTER ea autem, quæ citra execrationem, grauisimiq; sceleris notam vorare non licet, meritò censentur carnes humanæ. Nam etsi illæ secundum se immundæ non sunt, attamen hominis non prorsus deprauati natura earum vsum planè exhorret; & ea, quæ menti nostræ impressa est lex, eundem vt fœdum & homine omnino indignum absolutè condemnat. Quamobrem Læstrigones, Massagetae, Cyclopes, & in vniuersum omnes illi, inter quos immane illud ἀνθρώπου φαγία flagitium viget, aut vixit vnquam,

Nefas humanis
carnibus vesci,

peſſimè apud omnes audiunt, audiueruntq; ſemper. Sed & inter præcipua quoque Lucij Catilinæ facinora cenſentur, quòd humani corporis cruorem vino permixtum circumferre, coniurationisq; confortibus propinare non horruerit. Addo his fœdum illud execrandumq; ἀνθρώπων φάγας vitium cum pietate & humanitate, quam humanis cadaueribus debemus, omnino pugnare, iuraq; ſepulturæ fœdiſſimè violare. Paucis, hominem deuorare hominem, portentum eſt longè portentofiſſimum.

Portentum portentofiſſimum hominem deuorare hominem.

At quæſtionem tamen nonnullam habet, tùm ne eiufmodi carnibus veſci liceat, cùm extrema inedia cruciat? Probabile fit, ne tunc quidem iſtuc fas eſſe. Nam ſi idliceret, cùm aliud nihil ad manum eſſet, quo pereunti vitæ ſubueniretur, neceſſarium quoq; eſſet; ſiquidem nemini ſeipſum perimere, ius eſt: Is autem citra vllam dubitationem ſe perimit, qui extrema inedia laborans, cibo oblato, quo licitè vti poteſt, non vtitur. Certum eſt enim, ſi Carthuſiano nihil omnino adſit, quo vitam tueatur, præter carnes, voto non obſtante, carnibus veſci debere: Secùs ſi tale quid corporis ægritudo eſſagitaret. Nam licet alimento, ſi haberi queat, ſemper vti teneamur, medicamento tamen nō ſemper. Atqui nemo, opinor, cum peccati condemnaret, qui extrema inedia laborans ab humanis carnibus abſtineret.

Carthuſianus aliud nihil habet, quo veſcatur, q̃ carnes, carnibus veſci obligatur.

Sunt qui quandam hîc diſtinctionem adhibent; aiunt enim: quamuis alimētorum cauſa, nullum omnino occidere liceat, extrema tamen urgente neceſſitate, eorum carnibus, qui in prælio occubuerunt, veſci nefas non eſſe. Sed neque iſtud quoque ſatis compertum eſt, ſiquidem omnes rationes, argumenta, & auctoritates, quæ ab humanarum carnium eſu abſterrent, in hoc quoq; caſu locum habent. Certum eſt tamen, multò leuius peccare, qui extrema inedia adaçti, eorum cadauera adoriuntur, qui aduerſo Marte ceciderunt, quàm qui fontes vel alios quoscuque, ne ipſi fame pereant, occidunt.

Nō facis cōperit eſt, eorū carne carnibus veſci licet, ſane ſuauitate, qui in prælio occubuerunt.

Et quemadmodum carnes humanas vorare, aut beſtiis obiectare non licet; (niſi forſan vindicta publica in aliorum terrorem aliud interdum poſtulet) ita nullum quoque mortaliū in ſacrificium deuouere, aut malè deuotū immolare fas eſt, aut fuit vnquam. Neq; cauſa huius obſcura eſt; ſiquidē in ſontem ad aram mactare, immane eſt ſacrilegium, ſontem aut, vel propter amiſſa ſcelera

Non licet humanis carnibus ſacrificare.

scelera nec iam destinatum offerre, aliud nihil est, quàm immunda victima Dei templum profanare. Idem namq; hic fit, ac si quis canem mortuum, aut pecus morbo extinctum offerat. Erat sanè Patriarcha Abraham Isaacum, quem vnice diligebat, immolare paratus, sed hoc non ex proprio animi iudicio, aut priuato consilio, verùm ex illius imperio & iussu, penes quem absolutum vitæ mortisq; omnium dominium existerat.

Genes. 22.

Sic Iephte quoq; Israëlitiçi populi dux propriâ filiam occidit & obtulit, verùm is neq; vouendo, neq; votum explendo satis cõsultè egit. Nam hoc ipso, quòd cum se immolaturum vouebat, qui primus ex hoste debellato domum redeunti obuiam venisset, hominem offerre voluisse certò putandus est. Haud enim aliud peregrinè redeuntibus obuiâ prodire solet, quàm vel homo, aut domesticus canis. Atqui canem immolare non licebat, & vt maximè licuisset, attamen pro tanta victoria, victima illa parui omnino momenti fuisset. Hominem itaq; non canem, aut aliud quodcunq; pecus sacrificare voluisse putandus est.

Iudic. 11.

Iephte votum nõ
satis consultum.

At quaecunq; tandem factum illud secundùm se extiterit: (nam ad nostrum institutum nõ ita multum id facit) certum est, Iephte ante mortè cum Deo in gratiam rediisse: siquidè Apostolus inter alios veteris Testamèti Sanctos illum etiam recenset. Certum est nihilosecius, humanas victimas, quæ ante orbem redemptum passim vsitatae erant, Deo maiorem in modum semper displicuisse. Vnde inter cæteras Gentium abominationes vnâ hanc vt maximè capitalem nominatim perstringit; ait enim: *Omnes abominationes, quas auersatur Dominus, fecerunt Diis suis, offerentes filios & filias, & comburentes eos igni.* Sed & primogenita, quæ iure ipsi debebantur, non mactari, sed redimi voluit. Certum est tandem, cuncta, quæ Deus creauit, ita secundùm se bona & munda esse, vt tamen, omni etiam externa lege seclusa, nõ omnia promiscuè citra peccatum comedere liceat; hoc autem est, quod nos paulò antè asserabamus, & hic probatum volebamus.

Heb. 11.

Victimæ humane naturæ, Deo
oquè apprimè
exole.

Deut. 12.

Ciborum delectum Dei verbo non esse contrarium, nec hereditatum: sed antiquissimum, diuinisq; Scripturis per omnia consentaneum.

CAPVT TERTIVM.

Omni ætate &
tempore ab ali-
quibus semp ab-
stentum est.



VERUMENIMVERO licet nullum alimenti genus iure naturali sit inhibitum, aut natura sua immundum; attamen iam inde à nascētis mundi exordio, vel patrię consuetudine, vel DEI maiorumue instituto semper ab aliquibus abstentum est. Et quamvis ex sacris literis id vsq; adeò sit perspicuum, vt ne ipsi quidem Antagonistę inficiari audeant, nihilominus veritas hæc non parum illustrior euadet, si, quid quauis ætate ea in re obseruatum fuerit, paucis hoc loco ob oculos ponam.

Prima legum omnium de ciborum delectu cauit.

Genesi.

IGITUR cùm mundi Opifex DEVS omnia, quæ amplissimo paradisi ambitu continebantur, in primi parentis nostri vsu & alimentum benignè & liberaliter cõtulisset, cunctaque, quæ mouentur in terris, imperio illius subiecisset: ne absque vlla prorsus disciplinæ lege viueret; tùm ne idonea materia, qua suam erga munificentissimum parentem obedientiam & obseruantiam declararet, ipsi deesset, auctiusq; æternæ vitæ meritũ ea ratione sibi pararet, nulla alia, quàm abstinentiæ lege illum probare, & ad pietatem exercere voluit. Verba legis sic habent: *Ex omni ligno Paradisi comede; deligno autem scientiæ boni & mali ne comede: Quacumq; enim die comederis ex eo, morte morieris.* En ciborum delectum sub grauissimæ pœna primo generis nostri parenti ab omni peccato iam tum adhuc immuni indictum.

Lex de ciborum delectu in Paradiso soluta, & violata seuerissime vindicata.

QVOD autem DEVS Opt. Max. non tantum periculi faciendi causâ, à ligno scientiæ boni & mali Adamum abstinere iusserit, sed simul quoque exercitij, idq; seuerè omnino & seriò, hoc magno nostro incommodo & malo probauit rei euentus. Constat enim, protoplastos, quod eam obseruantię legem temerè violassent, ex amœnissimo Paradisi loco, primæuæque iustitiæ dono miserabiliter excidisse, grauique seipfos scelere obstrinxisse; & quod omnium grauissimum est, vniuersam posteritatem suam iustitia & sanctitate, quam vnâ cum ipsa natura singuli accepturi erant, orbatam, nec non originis labe scedè contaminatam in mortem, aliasq; innumeras calamitates, quæ hanc vel antecedunt, vel eandem consequuntur, præcipitem egisse.

AN verò cætera ne omnia, citra vllam prorsus exceptionem, primo homini, eiusdemq; posteris in cibum fuerint concessa, id ea de

ea de causa à quibusdam in quaestionem vocatur, quia primis illis Geneseos capitibus, ubi ex instituto homini victus ratio praefinitur, nulla carniū, aut pisciū, aut aliorum eiusmodi fit mentio, sed eorum tantū, quæ tellus & arbores proximè ex se fundunt. Dixit enim DEVS: *Ecce dedi vobis omnem herbam adferentem semen super terram, & vniuersa ligna, quæ habent in semetipsis sementem generis sui, vt sint vobis in escam, & cunctis animantibus terra.* & infra: *Ex omni ligno paradisi, comede; de ligno autem scientiæ boni & mali ne comedas.* Hæc DEVS ante peccatum, in quibus, vt apparet, altum de carnibus, ouis, piscibus, lacte, caseo, aliisque similibus est silentium.

SED & statim quoque post admissum peccatum norma illa viuendi, quæ in paradiso semel tradita & promulgata fuerat, de nouo statuitur & confirmatur: Quandoquidem sub tertij capitis finem inter cætera ita legimus: *Quia audiuisti vocem uxoris tuæ, male dista terra in opere tuo: in laboribus comedes ex ea, cunctis diebus vitæ tuæ. Spinas & tribulos germinabit tibi, & comedes herbas terræ.* Ex his itaq; aliisq; similibus quidam nullum ante diluuium, carniū, aut pisciū, aut aliorum eiusmodi vsum extitisse inferunt. Alij ex iisdem illis Scripturæ locis oppositum colligunt. Nonnulli inter vsum & publicum vel communem vsum, secernunt; aiunt enim, aliquem earum rerum vsum etiam ante cataclysmum obtinuisse; at non passim, nec apud omnes, sed apud quosdam tantū, idque lege permittente aut dissimulante veriùs quàm suadente. & horum sententia videtur sanior.

PRIMO namq; satis compertum est, earum rerum vsum per id tempus iure naturali non fuisse illicitum. Nam quod eo iure semel non licet, id nunquam licet; quippe quod ea tantū vetare soleat, quæ intrinsecè mala sunt. Atqui vesci carnibus, aut bibere vinum, ex se non est malum, sed si malum est, ideo malum est, quia prohibitum est, aut quia rei cuiuspiam natura mutata est: Non enim eadem conueniunt sano & ægro. Quod si secundum se malum esset, CHRISTVS eiusdemque discipuli à vino & carnibus perpetuò abstinuissent; at non semper abstinuerunt.

ÆQUE compertum est, nullum primis illis capitibus extare præceptum, quo primis parentibus eorundemue posteris carniū, aut pisciū, aut vini, aut aliarum consimilium rerum vsus aperte prohibeatur. Nam etsi olera & arborū fœtus ipsis in escam

Nō satis certum omnianē simpli ceter primo homini in cibum & alimentū fuerint excessa, præter fructum arboris scientiæ boni & mali, Genes. 3.

Genes. 3.

Tres opiniones de vñ carniū, ante diluuiū.

Verisimile, extitisse vñ carniū ante diluuiū.

Vesci carnibus & bibere vinum se cundū se non est malum.

Primis Genes. 3. capitib. nulla, vna duntaxat excepta, esca prohibetur.

Res sua natura
indifferetes, quæ
expresse non p-
hibent, concessæ
creduntur.

proponantur; carnes tamē & quæ illis cognata sunt, expresse non interdicuntur. Iam inter res suapte natura indifferentes, si quæ expresse non prohibentur, eæ simpliciter concessæ iudicantur. Imò verò eo ipso, quòd primæuus ille status naturalis legis nomine designatur, iudicium haudquaquam obscurum fit, vel nulla, vel certè paucissima externa præcepta per id tempus extitisse. Quare illi ipsi quoque, qui carniū esum ante diluuiū frequenter extitisse negāt, ante Moyſi legem promulgatam nullius animantis carnes absolute proscriptas fuisse disertè affirmant.

Carnes, & quæ
cum his cognationem
habent, aliquē vsum
habere, ante diluuiū.

Genes. 4.

CERTUM est tandem, carnes & quæ cum carne cognationem habent, vt sunt oua, lac, butyrum, caseus, aliæque id genus complura, si non apud omnes, certè apud aliquos aliquem saltem ante diluuiū vsum habuisse. Extat enim Abelis commendatio propterea, quòd de gregis sui primogenitis, eorundemq; adipibus liberaliter obtulisset. Atqui si nullus illa ætate lactis, aut casei, aut carniū vsus erat, in idem planè redibat, pinguēne esset, quod offerebat, an tenue vel gracile. Nam quòd propter solam lanam, aut pelles sæculi illius homines tam numerosos greges pauperint, id neutiquam fit verisimile.

SED neque mysterio quoque vacat, quòd Noë ex animantibus immundis bina tantum; ex mundis autem septena secum in arcam assumere iubetur. Nam etsi iustum hoc ad sacrificij rationem referri queat; alimenti tamen ratio hinc excludi non debet: Quandoquidem, si nullus illorum animantium domesticus vsus extitisset, nullus quoque eisdem in publicis sacrificiis locus relictus esset; Sacrificium namque DEO gratum, non de quolibet, sed de rebus vtilibus offerri debet. Quis enim ferat, aut sacrificium appellet, si pullo aut vitulo, peste vel alio morbo extincto DEO quispiam litet? Sed ad rationem ex septenario illo mundorum numero petitam. Aut turtures, columbæ, gallinæ earundemque pulli, & alia eius generis volatilia ante cataclysmum cælesti numini offerrebantur, aut secus. Si offerrebantur, erant ergo vtilia. At nullum hæc vsum habere videntur, si vel ipsa vel illorum oua non comedantur. Si autem nihil ex iis omnibus DEO offerebatur, quorsum septena ex illis sunt assumpta, cum ad sobolis propagationem bina sat esse potuerint?

Sacrificium Deo
placitum ex
rebus vtilibus
offerri debet.

SIMI-

SIMILIS ratio ex mundorum & immundorum distinctione institui queat. Nam quæ dicebantur immunda, aut ratione alimentum, aut ratione sacrificij, aut ratione vtriusque talia dicebantur. Si ratione alimentum, ergo ceteris omnibus, quæ immunda non censebantur, licebat vesci. Rursum si qua habebantur munda ratione sacrificij, ergo illa erant vtilia; at pleraque mundorum nullum habent vsum extra mensam: ergo etiam ante diluuium aliqui animalium vsum erat in epulis. Id quod ex illorum sententia, qui carniū vsum ante Cataclysmum extitisse inficiantur, hæcenus quoque confirmari queat, quatenus lactis, butyri, casei, aliorumque eiusmodi vsum ante id tempus receptum fuisse ingenuè prohtentur: Siquidem primo, secundo, & tertio Geneseos capite, vnde illi argumentum contra carnes petunt, æquè excluduntur, vel vt rectius dicam, æquè reticentur oua, lac, butyrum, & caseus, ac carnes. Cur id ergo de vno negant, quod de aliis omnibus affirmant?

Distinctio inter munda & immunda arguit aliquos carniū vsum ante cataclysmū extitisse.

Nō satis sibi constat, qui carniū vsum ante diluuiū extitisse negant.

DENIQUE ex Euangelio, vt de aliis Scripturis nihil dicam, magna sit coniectura, si non apud omnes promiscuè, certè apud multos, inagnum satis ante cataclysmū luxum extitisse; scriptum est enim: *Sicut in diebus Noë ante diluuium erant comedentes et bibentes, nuptiales et nuptui tradentes, usque ad eum diem, quo intrauit Noë in arcam, et non cognouerunt, donec venit diluuium, et tulit omnes, ita erit aduentus filij hominis.* Atqui aqua, poma, olera, aliæque humi nascencia luxui fouendo haud multum idonea cefentur, etiam si copiosius ingeras. Quamuis ergo sanctiores ante diluuium à carniibus aliisq; similibus fortè abstinerint, deprauatiores tamē, quorum nimirū animus toto impetu ad carnis illecebras ferebatur, non magis à carniibus abstinuissē putandi sunt, quàm à ceteris, quæ voluptatis sensum ciere nata sunt. Sed istud interim nihil contra id, quod nos hic instituimus: nobis enim sat est, aliquos saltem per id tempus compertos esse, qui non omnibus indiscriminatim vescerentur semper. Nam si omnes omnibus promiscuè vescerbātur, quorsum inter munda & immunda secernebatur?

*Marth 25.
Luc. 17.*

Insignis luxus, qui diluuium antecessit, carniū & vini vsum ea ætate extitisse haud obscure ostendit.

AT verò post diluuium carniū esus humanæ naturæ imbecillitati ita est indultus, vt tamen non omnis eorum vsum citra delectum vllum fuerit concessus. Concessiois verba habent: *Omne, quod mouetur et viuit super terram, erit vobis in cibum, quasi olera*

*Genes. 9.
Virentia*

Quid sit comedere carnem cū sanguine.

virgentia tradidi vobis omnia, excepto quòd carnem cum sanguine, hoc est, in sanguine suo præfocam, vel, ut quidam non prorsus imperitè exponunt, crudam sanguinéque & sanie adhuc stillantem, non comedetis.

I. ex de sanguine & suffocato, omnibus penè mundi ætatibus obstat.

Act. 15.

HÆC autem de sanguine & suffocato prohibitio, non tantum secunda illa mundi ætate robur obtinuit; sed inde exorsa usque ad legem Mosaicam; & hinc rursus perpetua quadam serie usque ad Evangelium, & eo etiam longius sese porrexit. Nam quò inter Christianos ex Iudeis & Gentibus ad CHRISTVM conuersos beneuolentia & firma pax coalesceret, cæteris legalibus abrogatis, Apostoli sanctionem de sanguine & suffocato nouo rursus decreto cõfirmarunt. *Visum, inquit, est Spiritui sancto & nobis, nihil ultra imponere vobis oneris, quàm hac necessaria, ut abstineatis vos ab immolatis simulacrorum, & sanguine, & suffocato, & fornicatione, à quibus vos custodientes bene ageatis.* Hæc de ciborum delectu in prima sua Synodo Apostoli.

Græci etiam nūti à sanguine & suffocato abstinent.

ET quamuis eorum mens non esset, decretum aliquod promulgare, quod perpetuis temporibus obtineret; (Quare ipsis etiamnum superstitibus, lex illa de sanguine & suffocato non ubique obseruabatur; sed iis duntaxat locis, in quibus legis ratio adhuc perstabat) attamen Græci, Armeni, eorundemque vicini, siue maiorum suorum studio, siue Latinorum hominum odio, siue alio quocunque consilio moti, eam de sanguine & suffocato sanctionem nunquam hactenus seruare desierunt. Quin Latini quoque, ut apud Rabanum, Burchardum, Bedam, Iuonem, & alios, qui Canonum Rapsodias ediderunt, videre est, longo post Apostolorum decessum tempore à sanguine & suffocato se continuerunt.

Plurima in lege Mosæica tanquàm immunda prohibita. Leuit. 11.

AT verò lex Mosæica, hac de abstinendo à sanguine & suffocato lege non contenta, etiam suum, leporum, & multorum præterea aliorum animantium carnes, veluti immundas proscribebat. *De his, inquit Moyse, aut per Moysen Dominus, quæ ruminant, & ungulam non findunt, hæc comedere non debetis, Camelum, Leporem, Chærozyllum, qui ruminant, & non diuidunt ungulam. Sus quoque, quoniam diuidit ungulam, & non ruminat, immunda erit. Carnibus eorum non vescemini, & cadauera non tangetis. & paucis interiectis: Immundas aves non comedetis, aquilam videlicet, gryphum, balietum, ixon, vuliurem, milium, &*

quæ

omne coruini generis, struthionem, noctuam, larum, accipitrem, berodium, cygnum, ibin, mergulum &c. En quanta vis animantium, quibus Iudæis vesci non licebat. Similes prohibitiones comperias Exod. 12. 23. 21. 22. 29. Leuit. 6. 17. 19. 22. 23. Num. 6. 18. Deut. 12. 14. & alibi non infrequenter, quæcunq; tandem tantæ huius prohibitionis ratio extiterit. De hoc enim varix extant doctorum hominum sententia, varix opiniones, varix interpretationes.

VERVM fuerit illa mystica vel physica, vel ex vtraq; mixta, vel qualiscunque alia, certum est, pios homines tanta religione ab iis omnibus abstinuisse, quæ lex repudiabat, vt quidam immania suppellicia, adeoq; mortem ipsam maluerint subire, quam contra legis præscriptum quicquid omnino ex iis, quæ lex immunda censebat, degustare. Eleazarus, tradit scriptura, vnus de primoribus, vir atate profluentus, & vultu decorus, aperto ore hians, compellebatur carnem porcinā manducare: at ille generosissimam mortem magis, quam odibilem vitam complectens, voluntariè precebat ad supplicium. & infra:

CONTIGIT autem, septem fratres vnâ cum matre sua apprehensos compelli à Rege edere contra fas carnes porcinas, flagris & tauris cruciatis. Vnus autè ex illis, qui erat primus, sic ait: Quid quaris, & quid vis discere à nobis? parati sumus mori magis, quam patrias DEI leges præuicari. Subiungitur deinde, quæ ad vnum omnes vnâ cū matre atrocissimis suppliciis è medio sublatis fuerint, nullā aliam mortis causam habentes, quam quod cōtra legalem ciborū delectum nollent peccare.

HVC quoque pertinet, quod Propheta Hieremias prophetiæ suæ c. 35. de Rechabitis exponit. Posui, ait, coram filiis domus Rechabitarum scyphos plenos vino & calices, & dixi ad eos: Bibite vinum; qui responderunt: Non bibemus vinum, quia Ionadab filius Rechab pater noster, præcepit nobis, dicens: Non bibetis vinum vos, & filij vestri vsq; in sempiternum; & domum non edificabitis, & sementem non seretis, & vineas nō plantabitis, nec habebitis; sed habitabitis in tabernaculis, cunctis diebus vestris, vt vinatis diebus multis super faciem terræ, in qua vos peregrinamini. Obediuimus ergo vōci Ionadab filij Rechab patris nostri in omnibus, quæ præcepit nobis ita, vt non biberemus vinum cunctis diebus nostris, nos & mulieres nostræ, filij & filia nostra, & non edificaremus domus &c. En graue iugum non à publico & legitimo magistratu; sed ab homine priuato posteritati Rechab impositum. En promptam expeditamq; optimorum filiorum in re, secundum se planè adia phora, obedientiam.

Comperiti apud Iudæos, qui immanissimā mortē mallent subire, quam quicquid contra ciborum delectum committere. Illustre Eleazari martyrium.

2. Mach. 7.

Heroica sanctorum Machabæorum sententia crudelē, eorūdem supplicium.

Hierem. 35.

Admirabili Rechabitarum obedientia & contentia.

Eodem cap. 35.

Rechabitarum
obedientia egre-
gia mercede pen-
sata.

AT nunquid obedientia isthæc tanquam res vana, aut supersti-
tiosa DEO displicuit? minime gentiũ; sequitur enim: *Firmauerunt*
filij Ionadab filij Rechab præceptũ patris sui, quod præcepit eis, populus autem
iste non obediuit mihi. Idcirco hæc dicit Dominus exercituum DEVS Israël,
Ecce ego adducam super Iudam, & super omnes habitatores Hierusalem uni-
uersam afflictionem, quam locutus sum aduersus illos, eò quod locutus sum ad
illos, & non audierunt; vocaui illos, & non responderunt mihi. Domui autẽ
Rechabitarum dixi Hieremias: Pro eo quod obediistis præcepto Ionadab pa-
tris vestri, & custodiistis omnia mandata eius, & fecistis vniuersa, quæ præ-
cepit vobis, propterea hæc dicit Dominus exercituum DEVS Israël. Non de-
ficiet vir de stirpe Ionadab filij Rechab, stans in conspectu meo cunctis diebus.
En amplissimam præstitæ obedientiæ mercedem.

Cap. 10.

Nazaræis & ta-
bernaculo defer-
uentibus vini
potu interdictũ
erat.

Cap. 6.

Hæc obierunt,
altrici hoc tẽpore
deseruiunt, & ani-
marum curam
gerunt.

Cap. 13.

Cap. 44.

Dani. 1.

Danielis & soci-
orum eius ab-
sinentia.

IEIUSDEM notæ est illud Leuitici: *Vinum & omne, quod inebria-*
re potest, non bibetis, tu & filij tui quando intrabitis tabernaculum testimonij,
quia præceptum sempiternum est in generationes vestras. Et præcepti cau-
sam exponens, subiungit: Vt habeatis scientiam discernendi inter sanctum
& profanum, inter pollutum & mundum, doceatis quæ filios Israël omnia legi-
tima mea, quæ locutus sum ad eos per manum Moysi. & illud Numerorum;
Vir, siue mulier cum fecerint votum, vt sanctificentur, & se voluerint Domi-
no consecrare, à vino & omni, quod inebriare potest, abstinerebunt. & illud ruri-
sum Iudicum: Sterilis es & absque liberis, sed concipies & paries filium: Cae-
re præ & paries filium, cuius non tanget caput nouacula. Erit enim Nazaræus
DEI ab infantia sua. & infra: Ab omnibus, quæ ego locutus sum uxori tuæ,
abstineat se, & quicquid ex vinea nascitur, non comedat. Vinum & siceram
non bibat, nullo vescatur immundo, & quod ei præcepi, impleat atq; custodiat.
& illud tandem Ezechielis: Caput suum non radent, neq; comam nutriant,
sed tondentes attondent capita sua. Et vinum non bibet omnis sacerdos, quando
ingressurus est atrium interius.

SED & in præcipua quoque Danielis & sociorum eiusdem
laude ponitur, quòd solis leguminibus & aqua maluerint victita-
re, quàm regio cibo animas suas contaminare. *Dentur, aiunt, nobis*
legumina ad vescendum, & aqua ad bibendum, & contemplantur vultus no-
stros, & vultus puerorum, qui vescuntur cibo regio, & sicut videris, facies
cum seruis tuis. Qui audito sermone eiusmodi, tentauit eos diebus decem: post
dies autem decem apparuerunt vultus eorum meliores & corpulentiores præ
omnibus

Iusta abstinendi
ab aliquibus cau-
sa scandalii cui-
tatio.

1. Cor. 8.

infirmorum offensionem, semper ab aliquibus abstentum fuisse, Quamquam solius scandalii evitatio idoneam per se abstinentiæ causam adferre queat. Sanè Apostol⁹ Paulus satius iudicavit, perpetuò à carnibus abstinere, quàm esu carnium vel vnum offendere. *Escas*, scribit, *vos non commendat Deo: Neque si manducabimus, abundabimus, neque si non manducabimus, deficiemus. Videte autem, ne fortè hæc licentia vestra offendiculum fiat infirmis. Si enim quis viderit eum, qui habet scientiam in idolo recumbentem, nonne conscientia eius, cum sit infirma, edificabitur ad manducandum idoloshyta; & peribit infirmus in tua conscientia frater, propter quem CHRISTVS mortuus est? Sic autem peccantes in fratres, & percutientes conscientiam eorum infirmam, in CHRISTVM peccatis. Quapropter si escam scandalizat fratrem meum, non manducabo carnem in æternum, ne fratrem meum scandalizem. Hæc Apostolus in eos, qui rebus sua natura mediis cum nonnulla infirmorum offensione utebantur: Siquidem in idolorum fano cibum sumere; vel ea, quæ idolis consecrata fuerant, comedere, (modò id in idolorum honorem, aut còtra conscientiam, aut maiorum sanctionem non fiat) res est secundum se adiaphora. At quia malam præ se fert speciem, infirmosq; offendere nata est, ideo in infirmorum præsentia ab ea abstinendum est. Ast quid illum dicturum putamus, si quem contra expressam Ecclesiæ inhibitionem; imò verò in manifestum Ecclesiæ contemptum, eiusmodi quippiam facere conspexisset?*

Rom. 14.

1. Mach. 6.

His cognata sunt, quæ scribit idem Apostolus decimoquarto capite ad Romanos: *Quæ, inquit, pacis sunt, sectemur, & quæ ædificationis sunt, in invicem custodiamus. Noli propter escam destruere opus DEI. Omnia quidem sunt munda; sed malum est homini, qui per offendiculum manducat. Bonum est, non manducare carnem, & non bibere vinum, neque in quo frater tuus offenditur, aut scandalizatur, aut infirmatur. Sed & venerandum senem illum Eleazarum nihil æquè ad mortem adegit, ac ne falsa quadam simulatione iuniores in errorem præcipites ageret; ait enim: Nò dignum est nostra ætate, fingere, ut multi adolescentes arbitantes Eleazarum nonaginta annorum transisse ad vitam alienigenarum: & ipsi propter meam simulationem, & propter modicum corruptibilis vitæ tempus, decipiantur: & propter hoc maculam atque execrationem meæ senectuti conquiram. Solum itaque offensionis periculum, omni præcepto & lege sublata, sufficientem abstinentiæ causam adfert. Sed iam ad novæ legis, Christianæque politiæ abstinentiam se vertat oratio:*

nam

nam quæ hæcenus allata sunt, ea maiorem partem ad eos spectant, qui Euangelicæ legis promulgationem antecesserunt, adeoque apud Euangelicæ libertatis præcones ad ciborum delectum statuentum minùs valida sunt.

Iam inde ab Apostolorum ætate, vsq; ad hoc præsens ævum, aliquem semper ciborum delectum in CHRISTI Ecclesia extitisse.

CAPVT QVARTVM.

AB ipso mundi exordio vsq; ad Euangelium promulgatum, vel apud omnes, vel apud sanctiores aliquem perpetuò ciborum delectum obtinuisse, ostensum est hæcenus: proximum est, ut nonnulla de ea abstinentia testimonia in medium adferamus, quæ post publicatam Euangelij legem vel intra, vel extra ieiunium obtinuit, & etiamnum, ubi Ecclesiastica disciplina viget, obtinet.

ET quidem de eo delectu, quem Apostolos iis omnibus indixisse suprà commemorauimus, qui ex Gentibus ad CHRISTI fidem conuertebantur, non est quòd pluribus agamus. Solùm monuerim, prius Christianos non solum abstinuisse à sanguine & suffocato; sed multos quoque à carnibus, aliisque lautioribus escis. Quomodo, inquebant, Galliæ martyres, humanis carnibus vescuntur, (id enim flagitium illis à Paganis imponebatur,) qui ne carnes quidem animalium degustare consueverunt?

QVIN Philo quoque Iudæus Christianos, qui sub Marci Evangelistæ disciplina Alexandria vivebant, non solum à sanguine, suffocato, & carnibus sese cōtinuisse asserit; verum à cæteris quoque omnibus, quæ à carne originem trahunt, vel cum carne cognitionem habent. Potus, ait, erat illis sola aqua, obsonium autem panis cum sale & hyssopo. Abstinebant hi autem & cæteri omnes ab illis, non tanquam ab immundis, sed tanquam à certis vitiorum fomentis: Abstineo à carnibus, inquebat Bernhardus, ne dum nimis nutriunt carnem, simul & carnis nutrant vitia. Hæreticus aliter, nepe horret lac, & quicquid ex eo conficitur: potestremò omne, quod ex coitu procreatur. Rectè & Christianè, si nõ idcirco, quia ex coitu, sed ne ad coitum prouocent,

Acton, 15.

Lib. 5. c. 1. hist.
Eccles.
Per multi in præ
mitia Ecclesia
nò modò à san
guine & suffoca
to, verum etiam
à carnibus absti
nebant.
De vit. contēpl.

Ser. 66 sup cæt.
Quo sentu absti
nendum à car
nibus.
Carnes carnis vi
tia nutriunt, &
ad coitum pro
uocant.

Epit. diu. decret.
Alio sensu &
mente heresi im-
buti, alio catho-
lici à carnibus
abstinent.
Catech. 4.

Abstinentia à car-
nibus præmia
meretur.
Lib. 3. c. 5. cont.
Faust.

Lib. 1. c. 44. offi.

Rom. 14.
Omnia vitiorum
fomes & nutri-
mentum carnes.
De cons. d. 3. c.
Carnem.
Monachis car-
nium usus in-
terdictus.
Ser. 66 in cant.
Abstinentia sa-
tisfactio est pro
peccatis.

EODEM tendit illud Theodoretus: A vino & ab esu carnium, & ab aliis eiusmodi abstinentiam non similiter, ut hæretici, com-
plectitur Ecclesia; illi enim ab his tanquam ab immundis abstinentum
esse censent, Ecclesia autem nihil horum decreuit. Et illud Cyrilli
Hierosolymitani: Ieiunamus à vino & carnibus abstinentes, non
quod oderimus hæc tanquam abominationes aliquas, sed quod mer-
cedem expectamus; ut cum ea, quæ sub sensum cadunt, neglexeri-
mus, fruamur spiritali mensa, quæ sola potest mente comprehendere, &
ut nunc seminantes in lachrymis, in futuro sæculo cum exultatione
metamus. Et illud Augustini: Christiani non hæretici edomandi
corporis causa, propter animam ab irrationalibus motibus amplius
humiliandam, non quod illa immunda esse credant, non solum à
carnibus, verum etiam à quibusdam terræ fructibus abstinent.

ET illud Isidori: Postquam CHRISTVS, qui est principium &
finis, apparuit, hoc quod in principio suspenderat, etiam in tempo-
rum fine retraxit, loquens per Apostolum suum: *Bonum est, non man-
ducare carnem, et non bibere vinum.* Et iterum: *Qui infirmus est, olera man-
ducat.* Non igitur quia carnes malæ sunt, ideo prohibentur; sed
quia illarum epulæ carnis luxuriam gignunt; Fomes enim & nu-
trimentum omnium vitiorum sunt.

ET illud Episcopi Fructuosi: Carnem cuique monacho nec gu-
standi, nec sumendi est concessa licentia, non pro creaturam DEI
iudicemus indignam, sed quod carnis abstinentia utilis & apta mo-
nachis æstimetur: seruato tamen moderamine pietatis erga æ-
gros. Et illud tandem Bernhardi: Abstinent hi, ut prædixit ille, à
cibis, quos Deus creauit ad percipiendum cum gratiarum actio-
ne: hinc quoque hæreticos sese probantes, non sanè quia abstinent,
sed quia hæreticè abstinent. Nam & ego quoque interdum absti-
neo, sed abstinentia mea satisfactio est pro peccatis, non super-
stitio pro impietate. HÆC sat esse poterant ad id statuendum &
persuadendum, quod in capitis huius titulo proponitur. At quia
paulò antè indicatum est, ieiunium ecclesiasticum præter cætera,
ciborum quoque delectum deponere, ex veterum monumentis
quædam hic subdere placet, quæ clarè ostendant, maiores nostros
iam inde ab Apostolorum ætate nunquam, citra eiusmodi dele-
ctum, ieiunare consueuisse. Ordinem autem à ieiunio solennio-
ri, ad cætera minus solennia progressum mox facturi.

Igitur

IGITUR Clemens Romanus illustris CHRISTI martyr, Petriq; in Pôntificatu successor de postrema quadagesimalis ieiunij hebdomade ita scribit: Avino & carnibus abstinete vos iis diebus: sunt enim dies luctuosi, & non festi: pasceuen autem & Sabbatû integrum ieiunent, qui quidē possunt nihil gustantes vsq; ad galli cantum. Quod si quis non potest duorum dierum ieiunium continuare, seruet saltem Sabbatum; ait enim quodam in loco de se Dominus: *Quando discedet ab iis sponsus, ieiunabunt in iis diebus.* Iis igitur diebus sublati est à falsis Iudæis, & crucifixus, & cum impiis re-putatus. Huc facti illud Thelesphori quoque:

STATVIMVS, vt septem hebdomadas plenas ante sanctû Pascha oēs Clerici à carne ieiunēt. Quia sicut discreta debet esse vita clericorû à laicorû cōuersatione; ita & in ieiunio debet esse discretio. Has ergo septē hebdomadas oēs clerici à carne & deliciis ieiunēt, & hyimnis, & vigiliis, & orationibus die noctuq; inherere studeāt.

ET illud Gregorij Magni: Par est, vt nos, qui his diebus à carnibus abstinemus, ab omnibus quoq; quæ semētina trahunt originem, ieiunemus à lacte videlicet & caseo. Piscium autē vsus ita Christiano relinquitur, vt hoc illi infirmitatis solatium, non luxuriæ pariat incendium. Deniq; qui à carne abstinent, nequaquam sumptuosiora marinarum beluarum cōuiuia præparent. Vinum quoq; ita permittitur, vt ebrietatem omnino fugianus.

ET illud Synodi sextæ: Accepimus in Armeniorû regione, & in aliis locis in sabbatis & Dominicis sanctę Quadagesimę quosdam oua & caseû comedere. Visum est ergo, vt omnis Dei Ecclesia, quæ est in vniuerso terrarum orbe, vnum ordinē sequens ieiunium perficiat: & abstineat ab ouis & caseo, quę quidem sunt fructus & fœtus eorum, à quibus abstinemus. Si autē hoc non obseruauerint, si sunt Clerici, deponantur; si laici, segregentur.

ET illud Synodi Toletanę octauę: Quisquis sine euitabili necessitate atq; fragilitate, & euidēti languore seu etiam impossibilitate ætatis, diebus Quadagesimę esum carniū præsumperit attentare, non solum reus erit resurrectionis Dominicę, verumetiam alienus ab eiusdem diei sancta communione. Et hoc illi cumuletur ad pœnam, vt ipsius anni tempore ab omni esu carniū abstinere gulam, qui sacris diebus abstinentiæ oblitus est disciplinam.

L. 5. Apostol. Const.

In Quadagesima abstinendum à vino & carnibus.

Matth. 9.

Mar. 2.

D. 4. Statuimus, ep. ad omnes Episc.

Non modò à carnibus in Quadagesimali ieiunio abstinendum, verumetiam à cæteris delicatiorib; eicis.

D. 4. Deniq; epist. ad August. Aug. Episc.

In Quadagesima ab omnibus abstinentum, quæ à carne originem trahunt.

Can. 56.

Caseus & oua fructus & fœtus carniū sunt.

Can. 9.

Seuerum decretum contra eos, quę uolunt carnibus diebus Quadagesimę.

Cano. 50.

Quæ esse cõueniant abstinere Quadragesimali.
Hom. 2. in Gen.

ET illud Laodicensis Synodi: Non oportet in Quadragesimæ quinta feria vltimæ hebdomadæ ieiunium dissolui, & totam Quadragesimam inhonorari, sed per totos hos dies ieiunare, & cicis abstinentiæ convenientibus, hoc est, aridioribus vti.

ET illud Chrysostomi: Nusquam hodie (est hîc sermo de primo Quadragesimæ die) tumultus, vel clamor, vel carniû concisiones, vel coquorum discursus, sed omnia illa abierunt; & imitatur hæc ciuitas honestam quãdam, continentem, & sobriam matrem familiã.

Hæres. 75. cont. Aërii.

Cuiusmodi fuerint Aëriani.

ET illud Epiphani: In diebus Paschatis, hoc est, in septimana sancta, quando apud nos fiunt humicubationes, castitates, afflictiones, siccorum esus, omnesq; animarum salutes, ipsi (Aëriani) à summo manẽ obsonantur, carneq; & vino explentes venas, cachinnantur; ridẽtes ac subsannantes eos, qui sanctum hûc cultum hebdomadis paschatis perficiunt. Ecquid aliud faciunt huius nostræ ætatis Aëriani?

Serm. 3. pasch.

Quadragesima est tempus agonis.

Daniel. 1.
Daniel cû sociis nõ solum abstinet, sed etiam ieiunat.

Ser. 64. de temp.

ET illud Theophili Alexandrini: Nequaquam diebus Quadragesimæ, sicut luxuriosi diuites solent, vini poculum suspiremus; neque in procinctu & prælio, vbi labor & sudor est necessarius, carniû edulio delectemur. Qui legum præcepta custodiunt, ignorant vinum in ieiuniis, carniû esum repudiant, & insatiabilem auaritiã Dei timore compescunt. Non decet ieiunantes tempore agonis vesci carnibus. Daniel & tres illi pueri docent, ieiuniorum tempore à vino & carnibus abstinendum: sumere de terra semina, & potandam aquam, quibus comitibus nititur pudicitia.

ET illud Augustini: Sed & illa in Quadragesimæ diebus grandis utilitas, quòd dum etiam à licitis abstinemus, magis ac magis monemur illicita vitare. Quis enim abstinemus nos à carnibus, quibus aliis diebus vti licet? quis nos abstinemus à vino, quo moderatè vti licet? Qui ergo ista vitamus, quæ aliquando licent, in primis peccata fugiamus, quæ omnino nunquam licent. Hæc illi de Quadragesimalis ieiunij abstinentia.

Nunquam licet peccare.

Simil. oct.
Quomodo alibi ieiunabatur Apostolorum ætate.

AD omne ieiunium promiscuè pertinet illud Hermetis Apostolorum discipuli. Illo die, quo ieiunabis, nihil omnino gustabis nisi panem & aquam: & computata quantitate cibi, quem cæteris diebus comesturus eras, sumptum diei illius, quem facturus eras,

eras, repones, & dabis viduæ, pupillo, aut inopi. Et illud Origenis: Quando ieiunamus, ô viri, abstinemus nos, vt non gustemus carnem, nec vinum, nec superfluas escas.

Lib. 3. in Iob;

ET illud Basilij: Carnes non edis? sed comedis fratrem tuum. A vino abstines? sed ab iniuriis tibi nō temperas. Et illud Athanasij: Inediæ & vigiliarum in tantum patiens erat, vt crudelitatem viribus vinceret, pernoctabat in oratione sapissime, edebat semel in die post solis occasum: non nunquam biduo aut triduo sic permanens, quarto demum die reficiebatur. Sumebat verò panem & sal potumq; aquæ perparum. De carnibus verò & vino melius tacere puto, quàm quicquam dicere, quoniã nec apud plurimos quidem monachos istiusmodi escæ in vsu habentur.

Hom. 1. de ieiun.

In vita Anto.

ET illud Hieronymi: Cibus & vestimentum ei palma prebebat. Quod ne cui impossibile videatur, IESVM testor & sanctos Angelos eius, in ea eremi parte, quæ iuxta Syriam Saracenis iungitur, vidisse me Monachos, de quibus vnus per 30. annos clausus hordeaceo pane, & lutulenta aqua vixit. Alter in cisterna veteri, quam gentili sermone Syri cubam vocant, quinq; caricis per singulos dies sustentabatur.

In vit. pau. Er.

Incomparabilis
abstinẽcia quo-
rundam Mona-
chorum.

ET illud item eiusdẽ: A vigesimo primo anno vsq; ad 27. tribus annis dimidiũ lentis sextarium madefactũ aqua frigida comedit, & aliis tribus panẽ aridum cum sale & aqua. A 27. vsq; ad 30. herbis agrestibus & virgultorum quorundam radicibus crudis sustentatus est. A 31. vsq; ad 35. sex vncias hordeacei panis & coctũ modicẽ olus absq; oleo in cibo habuit. Sentiens autẽ caligare oculos suos, & totũ corpus impetigine & punicea quadã scabredine contrahi, ad superiorẽ victum adiecit oleum, & vsq; ad sexagesimũ vitæ suæ annum hoc continentia cucurrit gradu, nihil extrinsecus, aut pomorum, aut leguminis, aut cuiuslibet rei gustans.

In vit. Hilario,

Incredibilis ab-
stinẽtia Abba-
tis Hilariõis,

ET illud tandem Rabani: Leguntur aliqui Sanctorum per bi-duanas, siue per triduanas, siue etiã per totam hebdomadam ieiunium extendere. Plerique quod nec vinum, nec siceram biberint, nec aliquid manducauerint, præter panem siccum & olerã. Alij quod ab omni carne abstinerint. Alij quod intantum se abstinerint, quod nec pane, nec cibo vsi sint, sed paucis caricis corpus suum sustentauerint.

Lib. 2. ca. 25. de
Cler. institut.

DE abstinentia porro quarundam feriarum, intra quamlibet

V

septi-

Lib. de Hæres.

Hæretici vlla se
lege teneri ne-
gant.

D. 5. de conf.
Quadrag.

Sabbato maiorū
instituto absti-
nendum à car-
nibus.

D. 3. de Conf.
Ca. de esu.

Quondam die
Mercurij ieiuna-
batur, & à carni-
bus abstinence-
tur.

Ad ca. 10. Rom.

In esu carniū,
vel in abstinen-
tia potius à car-
nibus, ætæro Am-
brosij magna va-
rietas.

Ciborum dele-
ctus yndūm Ec-
clesia exortus.

Pagani quoque
suas habuere ab-
stinencias & ie-
iunationes.

septimanā agit illud Damasceni: Ieiunia feria quarta & sexta seruari, & pascha celebrari prohibet (Aërius) stata hæc omnia dānat. Carnibus & cibus omnis generis vsus est sine religione. Quòd si quis ieiunium seruare velit, id ab eo certis diebus seruari negat oportere, sed quando volet: Negat enim se lege teneri.

ET illud rursus Gregorij septimi: Quia dies sabbati apud san-ctos Patres nostros in abstinentia celebris habitus est, nos eorundem auctoritatem sequentes, salubriter admonemus, vt quicumq; se Christianę religionis participem esse desiderat, ab esu carniū eadem die, nisi maiori festiuitate interueniente, vel infirmitate impediēte, abstineat.

ET illud item Leonis quarti Pont. Max: de esu carniū apud nos vetustissima, & nō improbanda traditio semper est tenenda, vt à coenæ termino, quæ sit in principio noctis quartæ, quæ luce-
scit in quarta feria vsq; ad diluculū quintæ feriæ; Et similiter à cœ-
na noctis sextæ feriæ, quæ lucefcit in sexta feria non imperitè ie-
iunatio vsq; ad sabbati lucem, quantum de diei parte aliquis ie-
iunare maluerit, vel debuerit, protendatur.

ET illud demum Ambrosij: Sunt quidā, qui quarta feria carnē non edendam statuerunt; sunt qui sabbatis, sunt item, qui à pascha vsq; ad pentecosten edāt; est qui nunq̃ edat. Eadem hæc disparitas etiamnum in Ecclesia Dei obtinet. Siquidem quibusdam in locis non modò sabbato & profabbato abstinetur à carnibus, verum etiam feria quarta. Alibi, quòd pisces desint, etiā sabbato aliquis carniū vsus conceditur. Nonnulli tota vita non solū à carni-
bus, verum etiam ab ouis se continent, nō quòd isthæc immunda censeant, sed quòd Deo, per abstinentiam sese commendare stu-
deant. Patet ex his ergo, non solū veteres Iudæos, sed veteres quoq; Christianos aliquē semp ciborū delectū obseruasse, adeoq; q̃ de abstinentia à carnibus & aliis quibusdā escis in Ecclesia tra-
duntur, ea heri à Monachis non esse excogitata, sed ab ipsis Apo-
stolis profecta, fidaq; traditione inde ad nos vsq; propagata.

ECCE mirum est: si Christiani, veteresq; Iudæi, vel obediē-
tię, vel mortificationis causa à quibusdā abstineant, olimue absti-
nuerint, cum quēdam etiā apud Gentium nationes veræ abstine-
tię & ieiunationis vmbra aliquando extiterint? Possem equidem
plurima eius rei exempla in medium adducere, verū ne quem
pro-

prolixitate offendam, ea solùm adduxisse contentus ero, quæ Hieronymus contra improbam Ioviniani doctrinam & gulam adfert. Scribit is autem inter cætera in hunc modum:

DICÆARCHVS in libris antiquitatũ refert sub Saturno, id est, aureo sæculo, cum omnia humus funderet, nullos comedisſe carnes, sed vniuersos vixisse frugibus & pennis, quæ sponte terra gignebat. & paucis interiectis subdit: Persarum Regis Cyri vitam Xenophon octo voluminibus explicat. Polæta, & cardamo, & sale, & pane cibario eos asserens vicitare. Lacedæmoniorum mensuram frugalitatisque; & supradictus Xenophon, & Theophrastus, & omnes penè scriptores Græciæ testes sunt. Chæremone Stoicus, vir eloquentissimus narrat de vita antiquorum Aegypti Sacerdotum, quod omnibus mundi negotiis, curisque; postpositis semper in templo fuerint, & rerum naturas, causasque; & rationes siderum contemplati sint, nunquam mulieribus se miscuerint, nunquam cognatos & propinquos, ne liberos quidem viderint ex eo tempore, quo diuino cultui cœpissent inferuire, carnibus & vino se semper abstinerint, propter tenuitatem sensus & vertiginem capitis, quem ex paruo cibo patiebantur; & maxime propter appetitus libidinis, qui ex his cibis & ex hac potione nascuntur. Pane raro vescabantur, tusum pariter hyssopum sumebant in cibo, ut escam grauiorem illius calore decoquerent. & infra:

IOSEPHVS in secunda Indicæ captiuitatis historia tria describit dogmata Iudeorum: Phariseos, Sadduceos, & Essæos, quorum nouissimos miris effert laudibus, quod & vxoribus, & vino, & carnibus semper abstinerint; & quotidianum ieiunium verterint in naturam. Cizycænus & Asclepiades Cyprius ætate, qua Pygmalion in Oriente regnabat, scribunt esum carniū non fuisse. Eubulus quoque, qui historiam Mithræ multis voluminibus explicuit, narrat, apud Persas tria Magorum genera fuisse, quorum primos, qui sunt doctissimi & eloquentissimi, excepta farina & olere, nihil amplius in cibo sumere. Apud Eleusinam & volucris & piscibus abstinere solemne est. Bardasenes vir Babylonius in duo dogmata Indos Gymnosophistas diuidit: quorum alterum appellat Brachmanes, alterum Samanæos, quæ tantæ continentie sint, ut vel pomis arborum iuxta Gangem fluium, vel publico orizæ & farinæ vtantur cibo; & cum Rex ad eos venerit, adorare eos solitus sit, pacemque; suæ prouinciæ in illorum precibus arbitrari sitam.

Hier. lib. 2. cont. Iouin.

Regnate Saturno carniū vsus inuitatus.

Summa sacerdotum Aegypti continentia & abstinentia.

Tres apud Iudeos sectæ, æqueque Essæi continentiores & abstinentiores.

Apud Persas tria Magorum genera.

Brachmanes & Samanæi Gymnosophistæ.

Sacerdotes Iouis
in Creta à carni-
bus abstinere.

EVRIPIDES in Creta Iouis Prophetas non solum carnibus, sed etiam coctis cibis abstinuisse refert. Xenocrates Philosophus de Triptolemi legibus apud Athenienses tria tantum præcepta in templo Eleusinae residere scribit; Nimirum venerandos Deos, venerandos parentes, carnibus non vescendum. Orpheus in Carmine suo esum carniū detestatur. Pythagoræ, Socratis, Antistenis, & reliquorum frugalitatem referrem in confusionem nostram, nisi & longius esset, & proprii operis egeret. Hæc omnia Hieronymus contra Iovinianum, eiusdemque sectatores, quæ clarè ostendunt, apud Paganos quoque veraciter; religionis ignaros abstinentiâ, ciborumque delectum suum etiâ habuisse locum. Fatendum est tamen, & fateamur libenter, non omnes illos, quorum B. Hieronymus meminit, virtutis studio ductos abstinuisse; sed quosdâ quoque prava quadam superstitione occæcatos: Sed hæc interim superstitione priorum religionem non infirmat, sed confirmat. Superest ut ea paucis proponamus & diluamus, quæ moderni Aëriani & Iovinianistæ contra ciborum delectum obiectare solent.

Quæ Aëriani, caterique, qui cum illis faciunt, contra ciborum delectum obiciunt, ea nihil verè & efficaciter probare.

CAPVT QVINTVM.

PRIMUM AERIANORVM ARGVMENTVM.



T cultus quispiam Deo sit gratus, ab ipso institutus, vel præceptus sit oportet: At ciborum delectum CHRISTVS Dominus, neque instituit, neque præcepit, quin potius omnibus omnia promiscuè citra ullam exceptionem indulgit; ait enim: *In quamcunque civitatem intraveritis, & susceperint vos, manducate, quæ apponuntur vobis. Non enim quod intrat in os, coinquinat hominem; sed quod procedit ex ore, hoc coinquinat hominem.* Hæc ille, quæ Apostolus ad verbum penè repetit. Scribit enim: *Si quis vocat vos infidelium ad cœnam, & vultis ire, omne, quod vobis apponitur, manducate.* Idem ad Timotheum scribens, infidelitatis notam iis impingere non dubitat, qui cibos, quos cum gratiarum actione percipere licet, olim prohibitori erant.

Luc. 10.

Matth. 15.

1. Cor. 10.

1. Timot. 4.

LIBER SECVNDVS.
SOLVTIO ARGVMENTI I.

157

SANE si DEVS Opt. Max. id solùm approbat, ratumque & gratum habet, quod per se ordinat vel mandat, cætera autem omnia veluti idololatræ vel superstitiosæ (sic enim loquuntur Antagonistæ) condemnat: consequens fit, neque Abelis, neque Noë, neque Melchisedechi, neque Abrahæ, neque vllius alterius, qui Moyse legem antecesserunt, sacrificia; neque pia illorum studia, quos Apostolus afflictos, angustiatos, melotis & pellibus caprinis indutos, in montibus & solitudinibus oberrasse commemorat; neque Rechabitarum obedientiam, singularemque eorumdem abstinentiam; neque duram illam Eliæ, Elisæi, aliorumque prophetarum viuendi rationem; neque Samuelis, Davidis, Ester, Iudith, Machabæorum, Niniuitarum &c. ieiunia; neque innumeralia veteris pietatis officia vnquam illi grata extitisse: Siquidem nihil horum omnium ille vtquam per se, aut per alterum præcepisse, aut ordinasse legitur. At quis hoc, nisi improbus mentèque omnino destitutus dicere audeat?

Hebr. 11.

Hier. 35.

Emotæ mentis hominis est dicere, Deum illa solùm præbare, quæ ipse mandat vel ordinat.

SED quia hæc vetusta sunt, veniamus ad nostra. Vbi, quæso, DEVS Ioanni Baptistæ præcepit, vt prima statim ætate scederet in desertum? pilisque camelorum indutus, agresti tantum melle & locusta vesceretur? Vbi virgini Matri, vt post salutationem Angelicam ad Elizabeth cognatam suam sese conferret? Vbi Annæ viduæ, vt ieiuniis & obsecrationibus die noctuque DEO in templo deferuiret? Vbi mulieri peccatrici, vt CHRISTI pedes lachrymis ablueret? ablutosque & propriis capillis extensos, vnguento perfunderet? Vbi primis Christiani nominis sectatoribus, vt diuenditis, quæ possidebant, communem inter se vitam ducerent? Vbi Apostolis, vt septem Diaconos instituerent? vbi Petro, vt Ananiam, & uxorem illius Sapphiram, propter fraudem factam morte mulcarent? Vbi Paulo, vt incestum Corinthium Sathanæ traderet? Vbi Matthæo, Marco, Lucæ, & Ioanni, vt Euāgelij historiam contexerent? Sed in re clara nimis fortassis videor, præsertim cum suo ipsorum gladio aduersarios iugulare hic valeam.

Luc. 1.
Matth. 3.
Marc. 1.
Luc. 1.
Luc. 2.
Luc. 7.

Act. 1.

Act. 6.
Act. 5.

1. Cor. 5.

ET ENIM si, vt ipsi dicunt, certumque doctrinæ suæ principium sumunt, id solùm recipiendum est, quod à DEO mandatum, ordinatum vel institutum est; quæro ab iis, vbi, quando, quibusue præsentibus Luthero, cuius facta dictaque omnia oraculorum

Lutherus incestis nuptiis pollutus,

Lutherus innumera fecit et docuit, & scripsit & citra & cōtra manifestum Dei mandatum.

loco habent, à D E O iniunctum est, vt sacratissimo religionis vinculo nefario ausu perrupto proculcatōque, perpetuæ castimonie voto obstrictam incestis nuptiis pollueret? aliisque, vt idem sacrilegium admitterent, auctor esset? Vbi & quando, vt augustissimum altaris Sacrificium, omnesque Ecclesiasticos ritus & cæremonias abrogaret? sacrorumque; Canonum volumina publicè incenderet? Vbi, vt Principes, politicōsq; magistratus ad monasteriorum euerfionem inflammaret? Vbi, vt Catholicam Ecclesiam, summumque eiusdem antistitem tot maledictis, conuitiis, & calumniis appeteret, quot plaustrum vix portaret? Vbi tandem, vt tot doctrinæ portenta sectasque, quot post C H R I S T V M natum simul extitere nunquam, in orbem inueheret? omnesque, qui in illa non iurarent, Sathanæ deuoueret? Neque enim dicere possunt, occulto diuini Spiritus instinctu id fecisse. Constat namque, D E V M non esse auctorem sacrilegiorum, dissidiorum, sectarum, hæresum, flagitiorum, aliorumque eiusmodi; verum pacis, concordie, modestie, continentie, patientie, cæterorumque, quæ non ad mortem; sed ad vitam, veramque beatitudinem viam mununt. Similis quæstio de omnibus sectariorum ritibus, legibus, & cæremoniis moueri posset. Certum est enim, quicquid contra Ecclesiam, eiusdemque morem, & fidem faciunt, dicunt, aut instituunt, hoc totum citra D E V M, omnique eiusdem mandatum facere, dicere, ac instituere. Iam si Antagonistæ priuata Lutheri, aut Zuuinglij, vel cuiuscunq; alterius sectici magistri placita vtrò complectuntur; omnesque, qui salute potiri volunt, amplecti debere vociferantur, quæ tamen adeò nullum D E I mandatum habent, vt cum D E I lege, publicaque honestate sæpenumero pugnent; cur Ecclesiæ sanctiones repudiant, easdemque veluti superstitiosas condemnât, quæ magna sanctimonia pollent, suamque; à C H R I S T O ipso auctoritatem habent?

Christus nullū al. menti genus inhibuit, sed neque inbibere quoq; debuit.

A T nullum, assumebant, C H R I S T V S Redemptor noster alimēti genus inbibuit? Fatemur, nullum absolutè inhibuisse, sed nec vllum quoque absolutè inhibere debuit. Nam si quod absolute inhibuisset, nullo tempore, nulla urgente necessitate, illo vti licuisset, adeoque ipso auctore aliquod priscæ legis vestigium in noua lege adhuc reliquum fuisset; hoc autem nullo modo conueniebat: Quandoquidem cum cibi in veteri lege prohibiti, maior

rem partem quoddam futurorum symbolum præ se ferrent, si quod ex ea inhibitione membrum remansisset, aliquid, quod per CHRISTVM nondum expletum esset, etiamnum superesse suspicari licuisset. Ea autem suspicio magnam, infirmis præsertim, errandi occasionem subministrasset.

SED & hæcenus quoque ad ciborum delectum viam aperuit, quatenus ieiunium verbo & exemplo approbavit, sponsoque ablato, illud in Ecclesia DEI vsurpatum iri certò prædixit. Siquidem legitimum Ecclesiæ ieiunium citra ciborum delectum constare omnino nequit. Ad hæc licet CHRISTVS nullam escam absolute prohibuerit; attamen ob speratam vtilitatem, vel occurrentem necessitatē à quibusdam abstinere vniciq; liberum reliquit. neq; hoc in quæstionem cedit. Iam si singulis Ecclesiæ membris, modò vtilitas id suadeat, vel necessitas aliqua id postulet, integrum est, à quibusdam abstinere; imò verò iuramento vel voto, quæ non minus ligant, quàm publicæ leges, ad quorundam abstinentiam perpetuò, vel ad tempus se obstringere: cur Ecclesiæ legitimòue eiusdem magistratui, ob causam toti Reipub. Christianæ vtilem vel necessariam, certam de abstinentia sanctionē, quæ fideles omnes obliget, edere non liceat?

MIRVM profectò esset, politicum magistratum leges, quæ fini, quem sibi præfixum habet, seruiant, ferre, subditosq; ad fidem earundem obseruationē sub graui pœna obligare posse, Ecclesiam autem decreta vel Canones, quæ in finem, in quem ipsa tendit, conferant, edere non posse. Nunquid ciuilis potestas maior, aut sanctior est Ecclesiastica? nequaquam. Etenim, vt de illa scriptum extat: *Qui potestati resistit, DEI ordinationi resistit. Qui autem resistunt, ipsi damnationem sibi acquirunt.* item: *Subiecti estote omni humanæ creaturæ propter DEVM: siue Regi tanquàm præcellentis; siue ducibus tanquam ab eo missis, ad vindictam malefactorum, laudem verò bonorum,* ita de hac: *Qui vos audit, me audit, qui vos spernit, me spernit.* item: *Si te non audierit, dic Ecclesiæ: si autem Ecclesiam non audierit, sit tibi tanquam Ethnicus & Publicanus.*

IMO verò quò Ecclesia illustriorem finem sibi præpositum habet quàm Respubl. (huius enim finis est ciuium pax, rerum ad humanæ vitæ conseruationem necessariarum copia, aliæque eiusmodi, illius verò, gratia & vita æterna) eò huius leges arctiori vinculo obligant, quàm illius. Nulla est itaque consecutio: CHRISTVS nullum alimenti genus inhibuit: ergo Ecclesia vel eius

Vica-

Christus ad ciborum delectum viam munivit.

Ecclesia potest edere leges toti Reip: Christianæ vtilis vel necessariae. Ineptum est dicere, Respub. aliquam leges obligatorias condere posse. Ecclesiæ non posse.

Rom. 13.
1. Petr. 2.

Luc. 10.
Matth. 18.

Ecclesiæ leges certa quadam ratione arctius obligant quàm politicae.

Leges humane
feruntur de reb⁹
sua natura indis-
ferentibus.

Vicarius nullum inhibere potuit, aut debuit. Sicut quoque non sequitur: hoc vel illud iure diuino, vel naturali non est inhibendum aut præceptum; ergo Princeps vel alius legitimus magistratus inhibere, vel mandare non potuit, aut non debuit. Alioqui enim politicæ & Ecclesiasticæ leges ad vnum omnes nullarum prorsus virium existerent; vt quæ omnes de rebus suapte natura indifferenteribus caueant. Quamuis ergo CHRISTVS de ciborum delectu, de ieiunio, de festis, deque aliis id genus ritibus & cæremoniis peculiare leges non edidit, attamen Vicariis suis, vt pro locorum, temporum, ac personarum qualitate eiusmodi leges conderent, plenam auctoritatem reliquit.

Matth 15.
1. Timo 4
Ad Tit. 1.

Ecclesia eiusque
praxis optima-
rerum in fide vel
moribus contro-
uerſarum inter-
pres.

Ii. 3. c. 4 cont.
Faust.

Genesi.

Omnia munda
natura, sed non
significat. one.

SCRIPTURÆ porro, quas ad assumpti confirmationem Antagonistæ allegabant, illæ si quid probant, vnum id solum probant, quod integro capite iam dudum antè probatum & constitutum est; nempe nullum cibum ex se immundum, aut lege aliqua vt talem, inhibendum esse. Hoc vnū enim & aliud nihil probat illud CHRISTI: *Non quod intrat in os, coinquinat hominem.* & illud Apostoli: *Omnis DEI creatura bona est.* & illud item eiusdem: *Omnia munda mundis; coinquinatis autem & infidelibus nihil est mundum.* Quòd autem hæc vera germanaque harum Scripturarum sit sententia, id præter Ecclesiæ praxin, quæ optima rerum in fide & moribus controuerſarum interpret est, ea, quæ loca hîc citata proximè antecedunt & consequuntur, clarè ostendunt, confirmantque illustres veterum Theologorum in eadem loca explanationes.

AUGUSTINVS: Cùm Apostolus ait: *Omnia munda mundis*, naturas ipsas intelligi voluit, quas DEVS creauit, secundum illud, quod Moyses in Genesi scripsit: *Et fecit DEVS omnia, & ecce bona valde:* non significationes, secundum quas DEVS per eundem Moysen ab immundis munda discreuit. Vnde quia multa, & multis locis iam diximus, nunc breuiter admonuisse suffecerit. Proinde illos, qui iam tempore reuelationis noui Testamenti adhuc illas vnibras futurorum ita custodiendas putarent, vt sine iis gentes salutem, quæ in CHRISTO est, percipere non posse contenderent, immundos dicit Apostolus, quòd carnaliter saperent: & infideles, quòd tempus gratiæ à legis tempore non secernerent. Quibus ideo dicit, nihil esse mundum; quia & iis, quæ respuebant, & iis, quæ sumebant, nec sanctè, nec iuste utebantur, sicut omnes quidem

quidem infideles, & vos præcipuè Manichæi, quibus omnino nihil est mundum. Et paucis interiectis hæc subiungit:

OMNIA ergo munda mundis secundùm naturam, in qua creata sunt, non tamen omnia secundùm significationem primo populo Iudæorum. Nec vobis omnia, vel propter salutem corporis, vel propter consuetudinem humanæ societatis apta sunt, sed cum sua cuiq; redduntur, & naturalem ordinem seruant. Omnia munda mundis, immundis autem & infidelibus, quales vos præcipuè estis, nihil est mundum. Et exponens illud: In nouissimis temporibus &c. ita ait: Hos propriè designat, qui non propterea temperant à cibis talibus, vt aut concupiscentiam suam refrenent, aut infirmitati alterius parcant; sed quia ipsas carnes immundas putant, & earum creatorem DEVM esse negant. Hæc Augustinus, cui sectarij inter omnes Scripturarum interpretes primas deferunt, seseque in illius auctoritate esse vbique vociferantur.

Eod. cap. & lib.

1. Timoth. 4.

Cont. Adimant.

c. 14.

SED nunquid solus Augustinus nobiscum hæc facit? minimè gentium. Facit etiam Hieronymus, Ambrosius, Chrysostomus, Theodoretus, & alij plerique veteres recentesque Theologi. Hieronymus: Reprobat Apostolus eos, qui iuebant à cibis abstinere, quos DEVS creauit ad vtendum cum gratiarum actione; sed Marcionem designat & Tacianum, & cæteros Hæreticos, qui abstinentiam inducunt perpetuam, ad destruenda, & contemnenda, & abominanda opera creatoris: Nos autem & creaturam omnem laudamus DEI, & maciem saginæ, abstinentiam luxuriæ, ieiunia præferimus saturitati. Ambrosius in eundem locum: Manichæi & CHRISTVM negant, & nuptias prohibent, & abstinendum à cibis tradunt. Chrysostomus ad idem caput: De Manichæis, Encratitis, & Marcionistis, & omni eorum officina loquitur. Horum expositionem ad vnguem sequuntur Theodoretus, Cyrillus Hierosolymitanus, Aquinas, Lyranus, Hugo, Dionysius Carthusianus, & alij recentiores. Nihil est ergo, quod Hæretici vel hunc, vel alium quemcunque similem locum Catholicis obijciant.

LI. 2. contr Ioui.

Ambros.

Chryf. hom. 12.

SED dicis, si cibus, qui in os ingeritur, hominem non coinquinat, vt CHRISTO, veritate ipsa attestante non coinquinat, quid est ergo, quod manducantem contaminat? Aliud nihil sanè,

Cibus hominē
nō contaminat,
sed mala voluntas,
vel cibi abusus.

X

quàm

quàm iniquus vel improbus illius animus, qui manducat: Siue ea iniquitas vel improbitas inde proueniat, quòd sciens volensque cibo suo proximum offendat; siue quòd contra legem vel conscientiam eundem ingerat; siue quòd alia quacunque ratione contra legitimum cibi vsum committat. Perdidit Adamum vniuersamque eiusdem posteritatem pomum, non quòd pomum illud ex se mortiferum esset; alioqui enim omne pomum mortem adferret; sed quia contra expressum DEI mandatum vsurpatum fuerat. Sic Esau quoque non ipsa per se esca criminis reum fecit, sed esca nimis auidè, hoc est, vsq; ad sacramenti contemptum petita. Sic tandem Hebræum populum non volucris, sed murmur contra DEVM, & manne contemptus in grauissimum vite salutisq; discrimen adduxit. Idem statuatur de reliquis, qui contra præceptum, vel contra decorum manducant, vel manducarunt aliquando. De hac coinquinationis ratione D. Augustinus alicubi ita scribit:

Tract. 73. in
Ioan.

FASTIDIEBANT Israëlitz, quod habebant, & quod non habebant, impudenter petebant; quasi non melius peterent, non vt cibus, qui deerat, indecenti desiderio præstaretur, sed vt ille, qui aderat, sanato fastidio, sumeretur. Quando enim nos delectant mala, & non delectant bona, rogare debemus potiùs DEVM, vt delectent bona, quàm vt concedatur mala; Non quia malum est, carne vesci, cum de hac re Apostolus loquens, dicat: *Omnis creatura DEI bona est, & nihil reiciendum, quod cum gratiarum actione percipitur.* sed quia, sicut idem ipse ait: *Malum est homini, qui per offendiculum manducat.* Et si per hominis offensionem, quantò magis DEI? Cuius in Israëlitis non parua erat offensio, repudiare, quod dabat Sapientia, petere id, quo inhiabat concupiscentia: quamuis illi nec peterent, sed quia deerat, murmurabant. Sed vt sciremus, non DEI creaturam esse culpabilem, sed inobedientiam contumacem, & inordinatam cupiditatem, non propter porcum, sed propter pomum primus homo mortem inuenit. Et Esau primatus suos non propter gallinam, sed propter lenticulam perdidit. Et hæc ad ea, quæ contra ciborum delectum ex Apostolo adferebantur.

Luc. 10.

Ad illud autem Lucæ: *Manducate, quæ apponuntur vobis*, respondetur primò, his CHRISTI verbis, si contextus, vnde hic locus petitus est, accuratè, vt par est, discutiatur, ciborum delectum in Catholica Ecclesia vsitatum nequaquam oppugnari, sed vagandi,

déque

Lege Ambrosii
6. ad cap. 9. Luc.

dēq; domo in domum ventris, causa transeundi, ansam Apostolis, eorundemq; sectatoribus præscindi. Respondetur secundo, hæc iis dicta indultaque fuisse, qui eiusmodi populo Euangelium denunciaturi erant, qui ciborum delectum ad superstitionem vsque seruabat. Neque enim vllum omnino periculum erat, ne Iudæi, ad quos solos per id tempus Euangelizatum mittebantur, aliquid, quod per Moyse legem interdictum foret, apponerent. Sed neque dubitandum est quoque, si quid fortè eiusmodi appo- fuissent, frustra apposituros fuisse. Certū est enim, Apostolos religiosè ab omni eo abstēturos fuisse, quod lex profanum censuisset. Nisi enim ita comparati fuissent, Petrus post acceptum Spiritum sanctum, ad mactandum, & quiduis promiscuè manducandum inuitatus, nunquam dicturus erat: Absit Domine, quia nunquam manducaui omne commune & immundum.

Quis sensus huius Christi: Manducate quæ apponuntur vobis.

Act. 10.

RESPONDERI tertio potest, hoc CHRISTI dictum, multaque id genus similia, non absolute aut præceptiuè exponendum esse, sed commodè & permissiuè. Neque enim vult ille, multò verò minùs iubet, vt quæcunque tandem apponuntur, ea simpliciter manducant; facit autem iis facultatem, vt ex apposis ea accipiant, quæ accepta animum aut corpus non lædant. Vt ergo ab iis abstinendum est, quæ valetudinem offendunt, esto secundum se mala, aut inhibita non sint, ita etiam ab iis, quæ conscientiam quouis modo vulnerant, aut coptaminant. Qualia utique sunt ea omnia, quæ pro teniporis ratione lege aliqua prohibita sunt, aut sumpta proximum offendūt. Quod porro eidem illi loco ex Paulo, quasi cognatum adiiciebatur, hoc iam antè solutum est, neque alia solutione, aut expositione indigens est. Solū enim probat, nihil secundum se immundum esse, ne illud quidem, quod idolis est immolatum, aut per Moyse legem veluti commune vel immundum proscriptum; adeoq; scandalo, maiorumq; statuto semoto, quibuslibet hoc rerum statu vesci licere, quod verum est, & sæpe iam antè concessum est. At de primo Argumento satis.

Vt ab iis abstinendum est, quæ corpus lædunt, esto mala nō sint, ita etiam ab iis, quæ animā offendūt.

SECVNDVM ANTAGONISTARVM

Argumentum.

Nihil recipi debet, quod cum superstitionis, aut erroris, aut valetudinis periculo coniunctum sit; atqui ciborum delectus omnia hæc incommoda secum trahit: Nā & per se sapit quiddam

Iudaicum; & rudes, vt escas quasdam ex se malas vel immundas esse credant, certa quadam ratione inducit; & eos tandem, qui ea, quorum in legitimis ieiuniis vsus esse solet, non ferunt, non parum offendit. Satiùs proinde videtur, omnia omnibus promiscuè permittere, quàm aliquid eorum, quæ in humanæ vitæ vsu veniunt, cum tanto damno prohibere.

SOLVTIO II. ARGVMENTI.

ET hæc quoque ratio membrorum numero ad victoriam nititur magis, quàm rerum pōdere. Nam ad primum quod spectat, nihil nobis cum Iudæis, multò verò minus cum Manichæis, aut Tacianis, aut aliis quibuscunque hæreticis commune est. Ecquid enim negotij est Christiano homini cū solidis aut multifidis animantium vngulis, aut cum auibus rapacibus, aut cum piscibus squama non contextis, aut cum cæteris à Iudæorum mensa proscriptis? Nihil quicquam; neque enim nos temporum, aut ciborum differentiis insistimus, quò futurum aliquid designemus, aut in moribus erudiamur, aut valetudini consulamus, quæ causæ abstinenti Iudæis erant præpositæ; verùm omnia ad DEVM & Spiritum referimus: quippe qui in hoc abstinenti, vel discernēdi genere aliud nihil spectemus, quàm vt laborum nostrorū interualla diuinorum beneficiorum commemorationi consecremus; nosq; per carnis abstinentiam, ad eadem illa beneficia recolenda vigilantiores paratioresq; reddamus; & eam tandem, quam par est, Ecclesiæ obedientiam, proximòque ædificationem præstemus.

AT siue hac, inquis, siue illa, siue alia quacunque de causâ à quibusdam abstineas, ea tamen abstinentia non aliunde, quàm à Iudæis originem trahit? Istud iam negatum est, & rectè negatum est: Aliud enim nos nostra abstinentia spectamus, aliud olim Iudæi. Hebræi adhæc perpetuò à quibusdam abstinebant, nos ad tempus tantum. Sed & dato quoque, à Iudeis ad nos fluxisse, nunquid ob id statim est Iudaica, aut veluti Iudaica explodenda? minime verò. Non ideo negligendum est, scribit Leo Magnus, quia de obseruantia veteris legis assumptum est, tanquam hoc ex illis sit, quæ inter discretiones ciborum, inter baptismatum differentias, & auium pecudumq; hostias esse destiterunt. Illa enim, quæ rerum futurarum figuras gerebant, impletis, quæ significauerunt, finita sunt: ieiuniorum verò vtilitatem noui Testamenti gratia non

Multum intercedit inter Iudæorum & Christianorum abstinentiam.

Triplici de causâ Iudæi à quibusdam abstinebāt.

Cur Christiani statim temporib; à quibusdā escas abstineant.

Ser. 4. de ieiun. 4. mens.

non remouit. & continentiam corpori & animæ semper profuturam, pia obseruatione suscepit. Quia sicut permanet apud intelligentiam Christianam: *Dominum DEVM tuum adorabis, & illi soli seruias*; &: *Diliges proximum tuum sicut teipsum*, & cætera talium mândatorum ita quod in iisdem literis de ieiuniorum sanctificatione & curatione præceptum est, nulla interpretatione vacuatur. Hæc Leo; quibus apertè indicat, cùm ieiunium, tùm ciborum delectum, vt quidem ad ius naturæ pertinent, etiamnum robur obtinere, vt verò ad veteris legis ritus & cæremonias, iam dudum exoleuisse.

INFRÀ idem Pater & Pontifex clariùs ea de re differit: Cùm vos, ait, dilectissimi, ad quædam, quæ etiam in veteri Testamento instituta sunt, adhortamur, non Iudaicæ vos obseruantia iugo subdimus, nec consuetudinem vobis carnalis populi indicimus. Excellit super illorum ieiunia continentia Christiana; & si quid illis & nobis commune est in temporibus, non concordat in moribus. Habeant illi sua nudipedalia, & in tristitia vultuum ostendant otiosa ieiunia; nos in nullo ad habitus nostri honestatem dissimiles, nec à iustis & necessariis operibus abstinentes, edendi licetiam simplici paritate cohibemus, vt in vsu ciborum modus eligatur, non creatura damnetur. Nihil est ergo quòd Iudæorum superstitionem nobis hoc loco obiciant aduersarij.

QVOD porrò de erroris periculo, vel præpostero rudium iudicio adiungunt, id tanti roboris est planè, quanti quod de Iudaica superstitione allegabatur, hoc est, nullius penitus. Etenim nemo mentis compos, quo omnes promiscuè, etsi non semper, vt vesciue cernit, id ex se malum, aut immundum facillè iudicauerit. Et vt maximè talis quispiam comperiretur, non ob id statim lex ad vtriusque hominis salutem tantopere vilis & necessaria abroganda esset, sed simplicium ruditas erudienda. Extât enim quàm plurimæ aliæ sanctiones & leges Reipublicæ Christianæ necessariæ, quarum tamen rationes idiotæ perspectas non habent, nec, vt perspectas habeant, vllum est operæ precium: sat illis est, si maiorum legibus & institutis parendum esse non ignorent. Et quod de falsa simplicium opinatione; vel de errandi occasione hic dicitur, hoc de præuaricatorum multitudine dictum quoque accipiat. Quandoquidem lex de ieiunio, vel ciborum delectu pro-

Deut. 6.

Marth. 22.

Ieiunium & ab-
stinencia in iure
naturali funda-
ta.

Ser. 7. mens. 7.

Non est necessà-
rium, vt subditi
legum rationē
teneant, sed satis
est, si iustis legi-
bus parendum
intelligant.

mulgata, ideo est abroganda, quia rudes illius vim non assequuntur, vel quia multi passim in eandem præuaricantur, nulla omnino humana lex aut constitutio tuta erit: Imò ne ipse quidem decalogus. Constat enim, quàm plurimos cōtra illum committere, intimamq; eiusdem rationem omnino non penetrare.

Abstinētia cō-
fert valetudini
& vitæ diutur-
nitati.

Ed vitæ mortali
um existit ma-
ior, quod vitæ lu-
xus minor.

VTROQUE ineptius est, quod de valetudinis offensione ter-
tio loco adiciebatur. Communis enim sapientum vox est, quam
certæ quoq; experientię fides manifestè confirmat, abstinētiā
bonæ valetudini vitæq; diuturnitati plurimū conferre. Etenim
ante diluuiū, cū nullus, vt quibusdā placet, vel infrequens
admodum vini & carniū vsus erat, viuebatur ad octingentos &
nongentos annos: Postea, rerum luxu paulatim gliscente, decre-
uerunt etiā vitæ anni, ad eō vt hac ætate multo plures compe-
riantur, qui ante trigēsimum, vel quadragesimum, vel quinquā-
gesimum etatis annum diem suū obeant, quā qui septuagesi-
mū, vel octuagesimū, vel nonagesimū attingāt. Sed & Ere-
mitæ quoque, qui austerissimā viuendi rationem tenebant, in
multos annos sani & incolumes vitam producebant. Quod si
qui eam vitæ diuturnitatem alteri causæ adscribendam existimēt,
cum iis non pugnamus. At scimus interim, præter quotidianā
experientiam, complures graues Theologos & Medicos & Phi-
losophos à nobis stare, & inter hos quoque D. Athanasium. Scri-
bit is autem in hunc modum:

Lib. de Virg.

Daniel. 1.

Admirabiles ie-
iuniorum & ab-
stinētiæ vires.

QVOD si accedant aliqui & dicant tibi, ne frequenter ieiun-
nes, ne imbecillior fias: ne illis credas, nec auscultes. Istos enim
diabolus subornat. Reminiscere eius, quod scriptum est, quod
cū Daniel & tres pueri capti essent à Rege Babylonis Nabucho-
donosore, & alij pueruli vnā cum iis, iussūq; esset ab eo, vt de
sua regia mensa comederent, & de suo vino biberent, Daniele
& tres pueros noluisse saturari ex mensa regia, & ad Eunuchum
dixisse: Da nobis de seminibus terræ, & vescemur, deditq; illis le-
gumina ad cibum, & aquam ad potum. Et produxit eos ad Re-
gem, & visæ sunt species eorum eximie super eos, qui ex mensa
regia vescabantur. Vide igitur quid ieiunium faciat, morbos fa-
nat, distillationes exsiccat, dæmones fugat, mentem nitidiorem,
cor purgatiū, corpus reddit salubrius. Hæc ille aliæque complura
in eandem sententiā. Quare non est, vt valetudini suæ metuāt, qui
moderatè abstinent.

SE D

SED & posito quoque, abstinentiam valetudini aliquod detrimentum adferre, non ideo tamen hinc statim desistendum foret: Siquidem damnum illud per spiritalia emolumenta, quæ inde proueniunt, multis modis compensatur: licet autem modicum aliquod incommodum, propter maius commodum subire. Præterea si licitum est, lucri, honoris, alteriusve externi boni causa peregrinari, rus colere, literarum studiis assiduò insistere, aliisque duris continuisque laboribus incumbere, quæ omnia sua natura humidum radicale viresque corporis exhauriunt, adeoque aliquot necessariò dies vitæ adimunt; cur pietatis causa nefas erit ieiunare, vel à cibo vitam producere nato abstinere? Certè si id peccatum esset, sancti tam duram vitæ rationem in solitudine nunquam iniissent; neque alios ad iugem carnis mortificationem tantopere animassent. Nam è terræ radicibus, crudisque oleribus victitare, noctes totas in oratione & sub dio transigere, flagris catenisque; carnem subinde concidere, aliaque eiusmodi edomandæ carnis causa præstare, qualia illi communiter præstabant, si rerum naturam, non DEI gratiam spectemus, non potest de vitæ spacio aliquantum non amputare.

Aliquid incommodi propter maius commodum tolerandum.

Non est peccati ea tractare, vel tolerare, quæ vitam suam naturam abbreviare nata sunt.

FATEOR tamen, ieiunium vel abstinentiam indiscreta esse non debere: hoc est tanta, ut morbum non leuem, vel vitæ periculum non vulgare adducant, vel sensuum vigorem, vel rationis aciem labefactent, vel aliquod aliud eiusmodi corpori vel animo malum vel periculum procreent. Non enim licet seipsum occidere, aut mutilare, aut grauiter lædere, aut ad munia, quæ ratione officij vel status, incumbunt, inutilem reddere. In idem autem redit, magnòne an paruo tempore te perimas, aut mutiles, aut ad omnia inutilem reddas. Et quod de ieiunio vel abstinentia sponte suscepta hic asseritur, hoc ipsum etiam de ieiunio vel abstinentia præcepta assertum accipiat. Ecclesia enim vel monastica professio ieiunium vel abstinentiam indicens, non eo rigore illud indicit, sicut nec indicere quoque potest, ut homo eorum causa graue aliquod animi, vel corporis, vel statutus incommodum incurrat.

Abstinentia non debet esse immo derata, hoc est, tanta, ut animo vel corpori decretum adferat non vulgare.

DE IEIUNIO
TERTIVM ADVERSARIORVM
Argumentum.

INSTANT tertiò eiusmodi argumentatione. Illicitus est omnis cultus, qui cum DEI verbo, aut cum libertate, quam sua morte CHRISTVS nobis peperit, pugnat: at ciborum discretio cum utroque pugnat; scriptum est enim: *Omne, quod in macello venit, manducate.* Item: *Nemo vps iudicet in cibo & potu.* Item: *Qui manducat, nõ manducantem non spernat: & qui non manducat, manducantem non iudicet.* Tandem: *Vos in libertatem vocati estis, fratres &c.*

1. Cor. 10.
Coll. 2.
Rom. 14.
Gal. 5.

SOLVTIO III. ARGVMENTI

QVO hæc Apostoli dicta pertineant, exiis, quæ iam antè ex Augustino, & aliis Patribus in medium allata, & ex locis rursum, vnde petita sunt, absque vlla difficultate colligi potest. Nullum est enim, quod integrè citatum, suam solutionem secum non adferat. Primum nullam non escam suâ natura mundam esse docet: Addit nihilominus ab idolothytis abstinendum, ne pusilli aliquod inde offendiculum capiant. Secundum neminem ea de causa in ius vocandum prædicat, quòd Iudæorum sabbata, neomenias, festa, ciborumque discrimina non seruet. Tertium temeraria iudicia, cæteraque, per quæ infirmi offendi faciliè poterant, vetat. Quartum & postremum, ad qualem libertatem vocati sint Christiani, explanat. Neque enim Christiana libertas, facultas est nihil agendi, aut perperam agendi: nam nihil agere, aut malè agere non est Christianorum, sed dæmoniorum & hominum otiosorum. Est autem quædam immunitas à seruitute peccati, à tyrannide diaboli, ab onere & obseruatione veteris mandati. Ab his enim omnibus per CHRISTVM liberati sumus, non vt otiosè aut luxuriòse ætatem transigamus; sed quò in iustitia & sanctitate omnibus diebus vitæ nostræ ipsi seruiamus. In summa Christiana libertas non est libertas carnis, sed spiritus.

Cuiusmodi sit
Christiana libertas.

Galat. 5.

VNDE id habes? Ex illo ipso loco, quem ex Apostolo citant. Scribit enim: *In libertatem vocati estis, fratres, tantum ne libertatem in occasione detis carnis; sed per charitatem spiritus seruite inuicem.* & paucis interiectis subdit: *Dico autem in CHRISTO; spiritus ambulate, & desideria carnis non perficietis. Caro concupiscit aduersus spiritum, & spiritus ad-*
uertit

uersus carnem. Et ne clam esset, cuiusmodi fructus hinc inde proveniant, quidue inter carnem & spiritum intercedat, rursus subiungit: *Opera carnis sunt fornicatio, immunditia, impudicitia, luxuria, idolorum servitus, veneficia, inimicitia, contentiones, emulationes, ira, rixa, dissensiones, secta, invidia, homicidia, ebrietates, comessationes, & his similia. Fructus autem spiritus est, Charitas, gaudium, pax, patientia, longanimitas, bonitas, benignitas, mansuetudo, fides, modestia, continentia, castitas &c.*

Ve carnis & spiritus opa inter se sunt admodum dissimilia, ita etiam carnis & spiritus libertas.

Si ergo Apostoli doctrinam sequimur, Christianam vel spiritus libertatem nequaquam constituemus in fornicatione, aut immunditia, aut impudicitia, aut luxuria, aut sectis, aut dissensionibus, aut ebrietatibus, aut comessationibus, aut id genus aliis, quæ maximè vigent apud noui Euangelij præcones, carnalisque libertatis assertores; (Fatentur enim, qui primatum inter illos obtinent, nusquam gentium plures scurras, adulteros, blasphemos, helluones, ebriosos, impostores &c. inueniri, quàm in illis ipsis locis & oppidis, ubi nouum illud Euangelium profeminatur) sed in modestia & castitate, in fide & charitate, in benignitate & mansuetudine, aliisque similibus virtutibus, virtutumque officiis, quæ res apud sectarios sunt admodum raræ. Non diffiteor, multa ex iis apud multos quoque Catholicos desiderari; verùm inter hos & illos hoc interest, quòd apud hos esse queant, & sæpe esse soleant; apud illos autem esse non possunt; quippe qui omnium verarum virtutum fundamento destituuntur. Ieiunium itaque & abstinencia Christianam libertatem non infirmant, sed promouent; vt quæ vitia comprimant, mentem eleuent, virtutem largiantur & præmia.

Maxima carnis licentia apud sectarios.

Greg. in præf.

ARGVMENTVM QVARTVM eiusdemq. solutio.

SCRIPTVRARVM præsidio destituti, ad priuatorum quorundam hominum facta & dicta confugiunt. Inter cætera autem allegant, Spiridionem virum alioqui pium & sanctum hospiti, qui ieiuniorum die ad ipsum fortè diuerterat, suillas carnes apposuisse; tùm Alcibiadem quoque ab Attalo illustri martyre, quòd à carnibus abstineret, reprehensum. Verùm vtrumque exemplum nequicquam & deprauatè quoque allegant. Sozomenus de Spi-

Li. 1. ca. 17.

Y

ridione

Spiridion statis
tantum Quadra-
gesimæ diebus
cibum sumebat.

ridione ita scribit: Cum instaret Quadragesima, ex itinere quidam fortè ad eum venit illis ipsis diebus, in quibus vnà cum suis ieiunia peragere consueuerat, & ad statum diem cibum degustare, cum interpositis diebus sine cibo omnino remansisset. Cumque Spiridion vidisset hospitem valde de via fessum, age, inquit, ô filia, primùm viri huius pedes laua, deinde ei cibum appone. Vbi verò respondit virgo, neque panem in ædibus esse, neque polentam, (Superuacanea namq; fuisset istarum rerum apparatus propter ieiuniū) Spiridion cum precibus **DEVM** inuocasset, veniamque petiuisset, dedit mandatum filix, vt carnes suillas, quas fortè in ædibus habebat, sale conditas coqueret. Quibus coctis hospitem fecit secum accumbere, deque carnibus apposis comedere cœpit, hortatur hospitem, vt ipsum imitetur. Qui cum illud facere recusaret, diceretque, se Christianum esse; hanc ob causam, inquit Spiridion, minus recusare deberes; nam omnia munda mundis sacræ literæ pronunciant.

Nō est hominis
Christiani citra
necessitatem ve-
sci carnis: bus in
Quadragesima.

HÆC Sozomenus. quæ si rectè expendantur ciborum delictum magis confirmant, quàm infirmant: Constat hinc enim, Spiridionem non temerè suillas apposuisse, sed precibus munitum, euidentique necessitate compulsum. Nihil enim in ædibus aliud erat, quod peregrino fame exhausto, & oppidò lasso apponi posset. Qui tamen, ingenti fame & lassitudine non obstante, animosè allegat, se Christianū esse; neq; tali tempore tali escâ vesci posse. Expugnat tamen repugnantem & carnes comedere detrectatē insignis Spiridionis charitas, euidentique, qua premebatur, necessitas. Nihil est igitur, quodd aduersarij Spiridionis factū nobis obiecent. Nam quod Spiridion tunc fecit, hoc Ecclesia, similibus obiectent. Nam quod Spiridion tunc fecit, hoc Ecclesia, simile de non totum id sanctum & imitabile esse semper, quod faciunt sancti perfectique viri: Nam Spiritus sanctus ita ipsos regit & agit, vt interdum quoque in aliqua errata labi permittat. Quare etiam Spiridion quasi facti sui rationem non satis exploratam habens, oratione se præmunit, veniamque, si quid forsan erraret, humiliter petit. Nulla est itaque hæc consecutio: Spiridion vel alius quis hoc vel illud fecit, vel dixit: ergo rectè fecit vel dixit; tametsi Spiridionem rectè fecisse nihil ambigam.

Nō totum sem-
per sanctum &
imitabile, quod
faciunt sancti.

AD Alcibiadem porro quod attinet, fatemur, ab Attalo illu-
stri

stri martyre reprehensum fuisse; at negamus ob id hoc illi accidisse, quod à carnibus abstinere. Nam & Iohannes Baptista à carnibus & vino perpetuò abstinuit, & multi ante, & post ipsum abstinerunt, nec ob id tamen peccauerunt, aut ab aliquo notati sunt. Reprehensus est autem, quod cum aliorum offensione, & cum nonnullo quoque errore & superstitione abstinere. Tenebatur enim eo errore, quo multi alioqui fideles per id tempus adhuc tenebantur; nempe cibos quosdam esse, quibus vesci propter immunditiam vel Mosaicam prohibitionem nefas esset. Hic autem sensus falsus & reprehensione dignus erat. Quod dicimus, ex historiarum serie clarissimum est. Neutrum proinde exemplum, aut veritati, aut instituto nostro quicquam omnino aduersatur.

Cur Alcibiades ab Actalo reprehensus.

Alcibiades per errorem à carnibus abstinebat.

ARGVMENTVM QVINTVM & postremum.

AT nondum cauillandi finem faciunt homines inquieti; obiciunt enim; si à carnibus est abstinendum, quò caro spiritui subiungitur, Satanæq; regnū in nobis debilitetur, idem à vino, ouis, marinis beluis, multisq; aliis libidinis ardorem incendere natis, abstinere oportebit: at ab illis non abstinetur, ne apud eos quidem, qui cæteris sanctiores haberi volunt.

SOLVTIO POSTREMI ARGVMENTI.

SANE in primitiua Ecclesia, & multos annos postea ieiunantes, Quadragesimæ præsertim tempore, non solum abstinebant à carne, vino, ouis, lacte, caseo, marinis beluis, gradioribusque piscibus; sed à quibusdam quoque terre fructibus. Notum est enim illud Augustini: Catholici non hæretici edomandi corporis causa, propter animam ab irrationalibus motibus amplius humiliandam, non quod illa esse immunda credant, non solum à carnibus, verum à quibusdam etiam terræ fructibus abstinent, vel semper, sicut pauci, vel certis diebus atque temporibus, sicut per Quadragesimam ferè omnes. Et illud rursum eiusdem:

Christiani quodam non modò à carnibus, verum etiam à quibusdam terræ fructibus in Quadragesima abstinent.
Lib. 30 cap. 5. contra Faust.

CESSANT lauacra, vina, & carnes, non quod creaturam DEI iudicemus esse damnandam; sed qui toto anno nobis viximus, saltem vel paucos dies viuamus Domino. Et illud item Gregorij: Cæterum piscium esus ita Christiano relinquatur, ut hoc ei infir-

Ser. 65. de temp.

Denicq; d. 4.

Epistola ad Paulinum.

In ieiunij rigore temporis lapsu magna est facta remissio.

Satius salutaris legis rigore remittere, quam totam legem abrogare.

Carnes carnem magis faginant, quam vini potus.

Vini vsus raro vniuersè prohibetur, etiam ieiuniorum tempore.

Aque potus plebique parè gratus.

Math. 4.

Quò plura inflammantia coeunt, eò flamma exurgit maior.

mitatis solatium, non luxuriæ pariat incendiū. Deniq; qui à carne abstinent, nequaquã sumptuosiora marinarum beluarum cõuiuia præparent. Et illud tandem Hieronymi: Sit vilis & vespertinus cibus, olera & legumina, interdumq; pisciculos pro summis ducas deliciis. Verum vt in aliis ieiunij partibus ob humanā imbecillitatem, aliasque causas magna temporis lapsu facta est remissio; ita etiam in victu ciborumq; delectu. Neq; hæc indulgentia vitio verti potest Ecclesiæ; duxit em̃ illa & rectè duxit, satius esse, non nihil de legis rigore remittere, quàm legem apprimè vtilem & necessariam prorsus abrogare.

C A E T E R V M cur in vini potu dispensatum sit potiùs, quàm in carniū esu, non vna à Theologis & Canonistis ratio assignatur; potissima est, quòd carnes vino magis nutriat, maioremq; humorum copiã generent, adeoq; maiorem fomiti materiam suggerat. Vinum enim tametsi plusculum sumptum inflammet, facili tamè negotio euaporat. Quare illius vsus faciliùs quàm carniū indulgetur. Imò verò vini potus raro vniuersè inhibitus legitur. Nam licet feruentiores Christiani ab utroq; abstinebant olim, à vino tñ ex priuata deuotione abstinebant veriùs, quàm ex vllius præcepti necessitate. Carnes aut ieiunantibus nunquã indultę comperiuntur; vnde pleriq; omnes monachum professi à carnibus abstinet, à vino autem non item. Sed & multò faciliùs quoq; impetraueris à vino quopiam ieiunaturo, vt abstineat à carne quàm à vino ceterisq; que cum eo cognationē habent; potus enim aque vt palato, ita stomacho quoq; minùs est gratus. Deniq; primus homo non est lapsus per potum, vini, sed per pomum; neq; diabolus CHRISTVM tetauit per vinum, aut aliquid omnino hominem inebriare natum, sed tantum per cibum; aiebat enim: *Dic vt lapides isti panes fiant.*

V E R V M hæc postremę rationes eiusmodi sunt ferè, cuiusmodi est aduersarij argumentum, hoc est, ponderis non admodum magni. Qualis enim est hæc consecutio: Ecclesia non prohibet vinum, vel pingues pisces, quæ ipsa etiam inflammant, carnemq; faginant, ergo nec carnes quoque inhibere debuit? Nam vt iam dictum est, hæc non æquè faginant aut inflammant ac carnes: & vt maximè ex æquo faginant & inflammarent, adhuc tamen ratio illa nulla esset: Quandoquidem quò plura inflammantia & faginantia consociantur, eò interior flamma maior efficitur: Facilius

cilius est autem, paruam flammam superare quàm magnam. Ad hæc nemo dubitat, satius esse, aliquid ab infirmo, vel inuito obtinere, quàm omnino nihil, legisque rigorem nonnihil mitigare, quàm totam legem refigere, hoc autem hîc locum habet. Denique quæcunque Aëriani contra ciborum delectum obiiciunt, ea, dum rectè expenduntur, eiusmodi sunt, vt rem magis statuant, quàm euertant. Et de prima Christiani ieiunij parte hæc hæcenus; duas reliquas, quòd minùs latè pateant, paucioresque diffcultates habeant, expediemus paucis.

Satius est aliquid ab egro impetrare, quàm omnino nihil.

Ieiunium ab Ecclesia indictum constare non posse, si sapius quàm semel inter diu corpus reficiatur.

CAPVT SEXTVM.

ANTVM cœnandum vel prandendum esse, dum Ecclesiastico ritu ieiunatur, id ex perpetua, constantique Ecclesiæ consuetudine veterumque traditione, necnon ex communi doctorum hominum sensu atque consensu manifestius est, quàm ex vlla synodali aut pontificia, quæ disertis verbis ea de re edita sit, lege aut constitutione.

DE veterum consuetudine nulla est quæstio. Nihil enim hoc scribi, aut dici potest planius: *De vespera ad vesperam affligetis animas vestras.* item: *Per diem affligetis animas vestras.* Atqui non fit probabile, Iudæos, à quibus ieiunationis modus maiorem partem in nos defluxit, præceptum illud eo sensu accepisse, vt inter diu quidem in ediam tolerarent, nocte verò tota, Mahometanorum more, genio indulgerêt; siquidem eo ieiunationis ritu incensam DEI iram inflammassent veriùs, quàm placassent.

IGITVR per diem ieiunabant, aliasque corporis molestias sponte subibant, luce verò exacta, exhaustas ieiunio vires cibo potuque instaurabant. Id quod primos quoque Alexandriæ Christianos ad Iudæorum exemplum præstitisse commemorat Philo gentis illius scriptor neutiquam ignobilis. Nullus, aut, ibi cibum, aut potum sumit ante solis occasum: nonnulli ex illis vix tertio quoque die famem sentiunt. nec defunt, qui prælauto sapientiæ epulo excepti, perdurent duplum eius temporis. Hæc ille & alia multa in eandem sententiam. Eundem ieiunandi ritum seruasse

Leuit. 16.

Iudæi vsque ad vesperam ieiuniū producebāt, ad eoque semel tantum cibū sumebant.

Primi Christiani Alexandrini vsq. ad vesperam ieiunabant. Lib. de vit. cont.

Primi monachi antenoctem ieiunia non laxabant, adeoque semel tantum interdiu manducabant.

leguntur Paulus, Antonius, Hilarion, Pambo, caterique, quæ ea ætate florebant monachi; tum reliqui religiosiores Christiani; quemadmodum capite proximo fusiùs id declarabitur. Hic hætenus tantum eius rei meminimus, quatenus certa coniectura hinc fiat, veteres, dum ieiunio vacabant, semel duntaxat cibum sumere consuevisse.

Dist. 5.

Dominici dies solo refectio-
num numero à cæ-
teris quadragesi-
malibus secerni-
tur.

Ex iure Canonico hoc ipsum quoque vtcunque confirmari potest. Nam etsi ius illud nullum ea de re peculiare statutum ediderit, tulit tamen leges, ex quibus illud non omnino obscurè colligere licet. Nam de Consecratione cap. Quadragesima, seuerè cauetur vti quadragesimæ ieiunium summa cum religione obseruetur, exceptis diebus dominicis. Iam cum hi dies ciborum qualitate ab aliis non secernantur, consequens fit, vt solo refectio- num numero à cæteris secernendi veniant. Cum itaque dominicis diebus corporis vires bis cibo refici soleant, (accedit enim communi prandio cœna) rectè Caietanus & alij ex eo Canone colligunt, diebus, qui ieiunio consecrati sunt, tantum cœnare fas esse.

Can. 13.

Ipsum cœnæ vo-
cabulū, quo Cō-
cilia & Patres
vtuntur, semel
tantum ieiunio-
rum tempore
accumbendum
esse arguit.

Hanc collectionem validè confirmat Synodus Turonensis secunda, ætate Pelagij primi in Gallia celebrata. De ieiuniis verò, habet illa, antiqua à monachis instituta seruètur, vt de pascha vsq; ad quinquagesimam, exceptis rogationibus, omni die fratribus prandium præparetur. Post quinquagesimam tota hebdomada exactè ieiunent. In Augusto, quia quotidie missæ Sanctorum sunt, prandium habeant. Hætenus Concilium Turonense. Iam si ieiuniorum tempore non licet prandere, sed tantum cœnare: Ergo semel duntaxat, dum ieiunio vacatur, cibum sumere fas erit: siquidem apud eos, qui sobriam ciuilemque vitam ducunt, moris non est cœnæ cœnam addere, aut post solis occasum sapius comedere. Quamvis ergo ius Canonicum semel tantum ieiuniorum die accumbendum esse disertis verbis non decernat, ea tamen decreuit, vnde istud minimè obscurè inferre licet.

Apostolicæ tra-
ditiones non mi-
nus obligant, quæ
Synodorum Ca-
nones.

d. 11. Eccles.
Iuol. lib. 2.

ADDE non minùs ea obligare, quæ ex Apostolica traditione, aut recepta maiorum consuetudine ad nos deuenerunt, quam quæ certis legibus cauta sunt. notum est enim illud Augustini: Ecclesiasticarum institutionum, quasdam in scriptis, quasdam verò Apostolica traditione per successores in ministerio confirma-
tas accepimus; quasdam verò cōsuetudine roboratas approbauit
vñs,

vlus, quibus par ritus & idem pietatis debetur affectus. Et illud eiusdem: In his rebus, de quibus nihil certi statuit diuina scriptura, mos populi DEI, & instituta maiorum pro lege seruanda sunt: & sicut prauaticatores diuinarum legum, ita contemptores Ecclesiasticarum consuetudinum arcendi sunt. Et illud tandem eiusdem: Quicquid in Catholica Ecclesia tenetur, aut auctoritas est scripturarum, aut traditio vniuersalis, aut certè propria & particularis institutio. Auctoritate tota constringitur; vniuersali traditione maiorum nihilominus tota; priuatis verò constitutionibus & propriis informationibus, vnaquæque pro locorum varietate, prout cuique visum est, & subsistit, & regitur.

CÆTERVM dum ieiuniorum diebus tantum cœnandum esse statuitur, non est id ita scrupulosè accipiendum, quasi cuiusuis rei etiam minutæ ante vel post cœnam sumptio, ieiunij præceptum statim infringat; non ita enim res habet: Nam salua ieiunij lege cum interdiu, tum vesperi quoque modicum quid, ne potus stomacho officiat, aut quò somnum, quem absque modico illo inire non poteras, inire valeas, accipere licet. Neque refert panisne id sit, an pomum, quod sumitur, an nux, an aliud quippiam eiusmodi; dummodo & modicum sit, & in fraudem ieiunij sumptum non sit.

IN fraudem autem ieiunij sumi communiter dicitur, quod famis sedandæ causa, hoc est, per modum alimenti sumitur veriùs, quàm per modum medicamenti: Quanquam & hoc modo sumptum à noxa excusari queat; nisi id forsàn, quod sumitur, fuerit tantum, vt veri ieiunij rationem omnino soluat. Nulla enim consuetudine à violati ieiunij culpa purgare se possunt, qui circa meridiè pransi, noctu rursus piscibus, vel pultribus, vel aliis eiusmodi obsoniis sub nocturnæ collationis schemate vtuntur, etiam si tanta quantitate iis rebus non vtantur, vt famem plenè expleant. Nam communi doctorum hominum sententia, ea solum tragœmata ante vel post cœnam conceduntur, quæ de se ad corporis curationem ordinata non sunt, etiam si aliquam nutriendi vim habeant. Quòd si qua alia sumuntur, ea in tam parua quantitate sumi debent, vt ieiunij legem non labefactent; vel certè vt mediçinæ veriùs, quàm escæ rationem subeant.

Eadem d. in his epist. 16. ad Cassula.

d. 11. Catholica lib. de fide Christi.

Quicquid in Ecclesia obleruatur, aut scripturarum auctoritate, aut maiorum traditione, aut priuata quorundam institutione nittitur.

Salua ieiunij lege, & ante & post cœnam modicum quid degustare licet.

Quid sit in fraudem ieiunij bibere, vel manducare.

Quælibet extra prædicti, vel cœnam saluo ieiunio, ieiuniorum tempore sumere liceat.

Quod vesperi
hoc tempore, se-
cundum Ecclesie
indulgentiā con-
ceditur, hoc præ-
dicto in cœnâ reie-
cto, circa meri-
diem accipi po-
test.

Nouitas omnis
de vitio suspe-
cta.

Ieiunij lex com-
plectitur tres in-
hibitiones.

Præcepta, quæ
aliquid fieri ve-
rant, toties noxâ
adducunt, quo-
ties soluuntur.

ET quemadmodum vesperi, salua ieiunij lege, panis pauxil-
lum cum vini hauſtu, aut pomum, aut aliud quodcunque eiusmodi (nisi forſan patriæ conſuetudo alicubi reclamet) ſumi poteſt; ita ſi negotiorum pondus, aut corporis conſtitutio, aut alia non leuis cauſa id poſtulet, eadem illa ieiunij lege integra, modicum quippiam circa prandium accipere licet, & noctu deinde cœnare. Nam hîc quoque reſectionis vnitas non labefaſcitur, & inedia vltra conſuetum tempus producit. Quò autem ieiunium tardiùs ſoluitur, eò perfectiùs ieiunatur. Attamen quia iſtud nouiſt admodum vſitatum, ſoletq; nouitas omnis de vitio ſuſpecta haberi, conſultè religioſeque faciunt, qui abſque paſtoris, aut confeſſarij conſilio, receptum ordinem non interuertunt.

AS T poſito, ieiunium Eccleſiaſticum plures accubationes, corporiſue reſectiones non admittere, vt reuera non admittit, quæſtionem adhuc habet, totiesne ieiunij legi obſtriſtus peccet, quoties ſumptam ſemel cœnam vel prædium inſtaurat? Aientem partem tuentur nonnulli. præcipua illorum ratio eſt, quòd præceptum ieiunij inter ea cenſeatur, quæ aliquid fieri prohibent. (Compleſcitur namque tres inhibitiones, puta non eſſe veſcendum carnibus, non bis interdium, non ante horam, ab Eccleſia præſinitam) quæ autem eiusmodi ſunt, ea obligant ſemper. Conſtat enim, non ſolum peccare, qui primò furatur aut adulteratur; verùm etiam qui ſecundò, & tertio, & ſic deinceps. Addunt, tertiam & quartam accubationem non minùs contra ieiunij finem, & legiſlatoris voluntatem facere, quàm ſecundam. Æquè enim tertiâ alit vitium, & mentem, ne in DEVM aſſurgat, deprimit, ac ſecunda.

NEQVE rationis huius neruum euertentis, inquit illi, ſi eos aduerſus legiſlatoris mentem, indiſcriminate ieiunij finem æquè committere dixeris, qui multùm, vel opiparè comedunt, vel diu menſæ accumbunt, multùmve cœnam aut prandium producant, vel pingua libidinemque inflammare ſolita obſonia mandunt, atq; eos, qui cœnam vel prandium repetunt. Nam etſi iſthæ vitium non minùs alant, nec minùs quòque mentem proſternant, virtutumque vſum & incrementum præpediant, quàm menſa repetita, adeoque in hiſce vtunque conſpirent, in cæteris tamen non parum inter ſe diſcrepant. Etenim quoties, dum ieiunatur intra

24. horarum spacium corpus cibo reficere liceat, aut expediat, id commodè præfiniri potuit; ciborum autem qualitas, & quantitas, cæteraque vnius refecionis circumstantiæ non item; siquidem nec vna corporum omnium est constitutio, nec eadem omnium valetudo, nec idem omnium palatum. Vnde quod vni sapit, id alteri desipit, quod vni multum est, id alteri parum est; quod vni prodest, id alteri obest; Deniq; difficillimum est, quantitatis medium punctum attingere. Atque ita non est mirum, si Ecclesia alterum definierit, alterum indefinitum reliquerit.

SUNT sanè hæ rationes non prorsus contemnendæ; attamen opposita sententia non modò est mitior, sed rationi quoque conformior. Quandoquidem ieiunio altera accubatione iam sublato violatòque, nihil illius sit reliquum, quod tertia, vel quarta, aut alia quacunque auferri, violariue queat. Perinde enim res habet, ac si cui præceptum sit, ne vas aliquod frangat, aut ne præfixam metam transfiliat; nam vbi vas semel confregerit, aut metam præfinitam transierit, in idem redit, in multasne partes comminuat, an in paucas; rursus multisne passibus medium præteruolet, an paucis tantum. Ad hæc ieiuniorum lex pœnalis est, iisque de rebus cauet, quæ sua natura sunt mediæ: siquidem bis vel ter interdum cibum sumere secundum se adiaphorum est. Eiusmodi autem leges restringi solent: nō ergo vis illius ad quālibet cibi sumptionem sese diffundit. Denique si tertia, & quarta, & reliquæ omnes, quæ has consequuntur, essent culpæ obnoxie, notabiles earūdem partes cum peccato quoque forent coniunctæ: siquidem totius & partium, vnde totum conflatur, par videtur ratio; atque ita ieiunium vno die citra causam violatum permulta simul peccata adduceret, quod non fit verisimile. Agimus hīc autem de ea ieiunij præuaricatione, quæ contingit citra contemptum; nam qui secundam, & tertiam, & quartam, &c. adiungerent primæ, in Ecclesiæ contemptum, illi utique qualibet nouo peccato sese obstringerent.

At qui ab altera sententia stant, obiicient hīc fortè: Qui post perpetuæ continentiæ votum, matrimonium init, toties peccat, quoties coniugale debitum efflagitat. Sic quoque, qui certo die à vino, vel carne, vel alio quouis esculenti vel poculenti genere se abstenturum promisit, æquè dum secunda & tertia vice vinum

Quoties ieiuniorum diebus cibi sumere liceat, Ecclesia commodè definire potuit, cibi autem qualitatem & quantitatem cæteraque eiusmodi non item.

Ieiunio per repetitam passionē soluto, nihil illi restat, quod altera solui queat.

Ieiunij lex cauet de rebus sua natura mediis.

Qui in Ecclesiæ contemptū ieiunium soluit, tot peccata cōstant, quot distinctos passus eodem die instaurant.

contra votum bibit, aut carnē comedit, culpā sit affinis, ac dum primā. Pari modo sacerdos citra facultatem, aut iustam causam sæpius eodem die celebrans, tot noxas capiti suo accersit, quot missas post primam facit. Ad eundem itaq; modum, qui ieiunium indictum violant, nō solum prima vice peccant, sed etiam secunda, & tertia, & sic deinceps.

Ad hæc paucis responderi potest, inter exempla iam allata, & plures die ieiunabili accubitus, magnam disparitatem intercedere; Nam qui perpetuo continentię voto se obstrinxit, omnem viam ad Veneris commercium sibi præclufit. Quare non solum graui peccato se obligat, dum matrimonium initum primò consummat; sed postea quoq;, dum cōiugale debitum exigit; tenetur enim, quod in se est, semper castè viuere: per ieiunium autem non proscribitur omnis manducatio; sed certus tantum limes manducationi præfinitur; quem qui temerè transiliunt, peccant, quia contra legem committunt. At verò semel prætergressi, & citra contemptum vltra progressi, nulla noua labe se polluant, quia ea progressionem contra nullam legem committunt: Siquidem non erat illis prohibitum, ne multis passibus limitem transilirent; sed tantum, ne in limine vel infra limitem constituti, limitem ipsum transmitterent.

Qui vini potu vel troneo voto sibi interdixit, toties peccat, quoties vinum bibit.

Citra facultatē & graui necessitatem nulli bis vno die sacrificia relictæ,

DE abstinentia à vino par est ratio; nam qui certo die à vino se abstenturum promisit, is toto illo die & quauis illius dici parte ad omnem vini potum ostium sibi præclufit. Quare æquè committit, dum secundò, tertio, vel quartò vinum bibit, ac dum primò. Quod tandem de repetita sacrificiatione adferebatur, illud multò pl⁹ dissimilitudinis habet, quàm similitudinis. Magis enim aduerfatur mysterio & venerationi, quæ tanto Sacramento debetur, tertia salutaris hostiæ immolatio, quàm secunda; & quarta magis quàm tertia &c. Quare nisi grauis necessitas vrgeat, & tunc quoq; superioris auctoritas accedat, nulli sacerdotum fas est, bis aut ter eodem die incruentum illud altaris sacrificium offerre. Excipimus hinc diem Seruatoris nostri natalitiis sacrum, eo enim ter sacris operari licet.

SUNT qui nodi huius solutionem ex legislatoris mente, non ex schola aut scholæ argumentis petendam putent. Verum hi (quod bona illorum venia dictum sit) principiū petunt. Siquidem de

de nulla alia re magis, quàm de legislatoris mente hîc disquiritur. Certum est enim, si Ecclesia ieiunium indicens, ita illud indicit, vt omnes epulares accubitus, præter primum ex æquo velit esse interdictos, culpæ obnoxios, omnes præter primum peccato fore afines. Contrà verò, si solum secundum absolutè prohibet, solum secundum cum peccato fore coniunctum. Vtrum autem horum voluerit aut velit, hoc hîc disputatur; sit autem probabile, imò verò certum est, id voluisse & velle, quod mitius quodque filiorum suorum saluti vicinius est, & à laqueis nihilominus & conscientie tricus remotius est, cuiusmodi id est, quod posteriori sententia paulò antè adstructum est.

FACIO autem eam coniecturam non modò ex rationibus & argumentis, pro secunda opinione suprà adductis, singulariq; illius erga filios suos benignitate, verùm etiam ex perpetua constantique eiusdem praxi & consuetudine. Neque enim ea, dum pœnitens diei cuiuspiam ieiunium se violasse confitetur, per ministros suos interrogare solet, tærne an quater, an bis tantùm illo die cibum sumpserit: Atqui hoc omnino perquirere deberet, si singulæ epulationes peccato secundum se essent obnoxie; alioqui enim pœnitentis statum non satis cognosceret; neque idoneam pœnam, aut satisfactionem eidem præfinire posset; siquidem maior pœna debetur duobus aut tribus peccatis, quàm vni tantùm.

AT multò verò minùs sciscitari consuevit, neglectumne ieiunium per alterũ postea compensarit. Quod addo, propter quosdam, qui de proposita hîc controuersia verba facientes, tertiam & quartam & reliquas deinceps à peccato absoluunt, modò is, qui ieiunium se soluisse animaduertit, alio die, quo alioqui ieiunandum non erat, ieiunet, vel se ieiunaturũ statuatur. Nam etsi vtile est, quod vno die omissum vel neglectum est, altero compensare, non est tamen illud necessarium. Nam si iusta de causa prætermisum est, omissione peccatum non est; sin autem iniusta vel non iusta, peccatum actu iam conflatum est, solâque pœnitentia aboleri potest.

DICES forsân: si ratio, quæ ab Ecclesiæ benignitate paulò antè ducebatur, est firma, cõsequens sit, qui in Quadragesima vel alio die, quo per legem id non licet, ter aut quater aut etiam frequentius carnibus vescitur, cum vnum duntaxat peccatum ad-

Ecclesia ieiunium indicens, solum secundum accubitus sub peccato interdixit.

Ecclesia manifesta praxi ostendit se secundam tantum passionem, ieiuniorum tempore prohibuisse.

Non est necessarium, ieiunium vno die omissum alio die redintegrare.

mittere. Quandoquidem carnibus vesci res est, secundum se indifferens, crediq; potest, Ecclesiam perinde hic atque in ieiunio in mitiorem partem inclinare; & tamen oppositum non solum creditur, sed absolutè quoq; defenditur: puta toties vnumquemlibet fidelium peccare, quoties interdium citra necessitatem carnibus vel aliis escis, pro temporis ratione inhibitis pascitur.

Tres inhibitiones, quæ in ieiunij legem cadunt, non eodem modo ad illud affectæ sunt.

Toto tempore, quo indictum ieiunium decurrit, carnibus vesci non licet.

Interdium semel tantum, aut non bis interdium comedere, vel etiã ante meridiem non comedere, id non cadit sub præceptum Ecclesiæ absolutè, sed tantum ut sunt conditiones, vel partes ieiunij. Ieiunio itaq; per alterum accubitus sublato, non amplius obligant.

Non parum interest inter naturalis & humani iuris præcepta.

Non est par utrobique ratio; nam etsi Ecclesiasticum ieiunium tria prohibeat, videlicet ne die, quo ieiunium indictum est, carnem comedas; ne sæpius quàm semel interdium cibum sumas; ne ante horam ab Ecclesia præfinitam, ieiunium soluas; attamen tres istæ negationes non eodem modo ad ieiunium se habent: Siquidem duæ postremæ non veniunt sub præceptum absolutè; sed tantum ut sunt partes, vel quasi partes, ieiunium constituentes, prima autem cadit sub præceptum absolutè. Vnde toto illo tempore, quo indictum ieiunium decurrit, vim obtinet, adeoque iuxta præceptorum aliquid vetantium naturam, toties hic peccatur, quoties esca inhibita interdium sumitur. Cautum erat enim, ut toto illo tempore à carne abstineret: Sicut cautum quoque extat, ut toto vitæ tempore à rei alienæ contrectatione, aliisque peccatis abstineamus. At verò semel tantum, vel non bis comedere, vel ante istam vel illam horam non comedere, istud non cadit sub præceptum Ecclesiæ absolutè; sed tantum, ut est quædam conditio ad ieiunij rationem necessaria. Quare sublato iam per alteram manducationem ieiunio, semel comedere, vel non bis comedere, vel ante meridiem comedere, desinit esse conditio ieiunij, & per consequens tertio, & quarto, mensam repetere, vel meridiem non expectare, non adducit novum peccatum; quia non absolutè prohibitum, sed solum ut ad servandum ieiunium erat necessarium. Quapropter si rem rectè expendamus, non contingit hic propriè à communi negatiuorum præceptorum regula exceptio, sed declaratur, quanam ratione eiusmodi negationes sub præceptum cadat.

Hinc iam planum est, quid ad præcipuum oppositæ sententiæ rationem dici queat: Etenim posito, humani iuris præcepta, quibus aliquid vetatur, eodem rigore & latitudine obligare, quæ iuris naturalis: (id quod generatim concedi non solet: Interest enim plurimum inter ea, quæ suapte natura sunt mala; qualia sunt, quæ iure naturali inhibentur, & ea, quæ secundum se sunt adia-

phora,

phora, sed mala tantum, quia inhibita) ad propositum argumentum respondetur, nullam hic à communi illa negatiuorum præceptorum lege exceptionem fieri; sed solum exponi; quatenus ieiuniorum die sæpius comedere, sit contra præceptum vel præter præceptum. Cui hæc responsio, quæ vera & solida est, non placet, is responsum habeat, id nunquam facere licere, quod lege inhibitorium est, verum Ecclesiam non inhibuisse tertiam, aut quartam accubationem; sed eam tantum, qua ieiunium soluitur, hoc est secundam.

Ad secundum eiusdem sententiæ argumentum maiori ex parte responsum est iam antè dictum est namque, finem, propter quem legislator legem condit, non esse de ratione præcepti, sed illud tantum, quod lege vel præcepto cauetur. Neque enim, si qui mentem ad DEVM non eleuant, aut carnis petulantiam non coercent, aut virtutum suppellectilem non augent, ideo non ieiunant, modò tamen omnia, quæ ieiunij lex præfinit, accuratè seruent; Nam tria hæc ita ad ieiunij finem pertinent, vt tamen extra ieiunij substantiam existant. Quòd si legislator æquè obligaret ad legis finem, atque ad legis materiam, hoc est, ad id, quod lege mandatur, aut vetatur, legi plenè satisfacere difficillimum foret. Quod de multo, opiparo, &c. eidem rationi addebatur, admitti potest. Fatendum est tamen, non idem esse prorsus, lautè vel multum comedere, & sæpe comedere: hoc enim per se carnis fomitum auget, illud tantum per accidens. Quæ autem eiusmodi sunt, ea ad certam regulam cogi non possunt. Quæ hactenus exposita sunt, semel tantum ieiuniorum die cibum sumere licere, ostendunt: proximum est, vt paucis nunc exponamus, quanam dici hora eiusmodi cibum sumere fas sit.

Ecclesia non inhibuit tertium aut quartum accubitum ieiuniorum die, sed illud tantum, quo soluitur ieiunium, hoc est, secundum.

Finis præcepti, aut legislationis scopus sub præceptum non cadit.

Difficile foret legi satisfacere, si legislatoris mens sub præceptum caderet.

Qui Ecclesiastico ritu ieiunant, vel non prandere, sed tantum canare: vel solito tardius prandere.

CAPVT SEPTIMUM.



ERTA præfinita; soluendi ieiunij hora, Christiano ieiunio vsq; adeò intrinseca est, vt ab ea sola appellationem traxisse videatur; dicimur namq; vsq; ad sextam, vel nonam, vel noctem ieiunare, quasi tota

Ieiunij Ecclesiastici ratio deponit præfinitam horam.

Ed rectius ieiunatur, quò cibis tardius sumitur.

vel præcipua ieiunij vis in prorogatione inedia vsque ad tardiorum horam sit posita: Sed & communi quoque piorum omnium sententia eò rectius religiosiusque, si cætera sint paria, vnusquislibet ieiunat, quò tardius prandet; eò contrà minùs rectè minusque religiosè, quò maturius ieiunium relaxat.

Iudæi & primi Christiani ieiunia ad noctem vsque producebant.

Iud. 20.

1. Reg. 1.

2. Reg. 3.

Ecce quæ, inquis, horam lex, vel consuetudo soluendo ieiunio præfinit? Sanè vt temporis lapsu in ciborum delectu, vnaque corporis refectioe nonnulla accidit mutatio; ita non eadem apud omnes semper cœnandi hora obtinuit. Hebræi & primi Christiani ad initium noctis ieiunia plerunque producebant. Notum est enim illud Scripturæ: *Omnes filij Israël venerunt in domum DEI, & sedentes flebant coram Domino; ieiunaueruntque die illo vsque ad vesperam, & obtulerunt holocausta, & pacificas victimas.* Et illud eiusdem: *Apprehendens autem Dauid vestimenta sua scidit, omnesque viri, qui erant cum eo, & planxerunt & fleuerunt, & ieiunauerunt vsque ad vesperam super Saul & super Ionatham filium eius, & super populum Domini.* Et infra rursum: *Cum venisset vniuersa multitudo cibum capere, cum Dauid, claro adhuc die, inrauit Dauid, dicens: Hæc faciat mihi DEVS, & hæc addat, si ante solis occasum gustauero panem, vel aliud quicquam.* De primis Christianis antea similia ex Philone & aliis audiuius.

In vit. Anton.

In vit. Hilar.

Epist. ad Paulin.

Horn. 1. de ieiunio. Trecentis annis post Christum ieiunium à plebisque vsque ad noctem in initium producebatur.

EVND E M ieiunandi ritum seruabāt prisci monachi quoque & multi præterea alij pij religiosique Christiani. Athanasius: Pernoctabat in oratione sapissime, edebat semel in die post solis occasum: quandoque biduo ac triduo sic permanens, quarto demum die reficiebatur. Hieronymus: Inter mare & paludem vasta & terribili solitudine fruebatur, quindecim tantum caricis post solis occasum comedens. Idem: Sit vilis & vespertinus cibus. Basiliius Magnus: A vino abstines, sed ab iniuriis tibi non temperas; expectas vesperam, vt cibum capias; sed diem totum absumis ad tribunalia. Hæc Basiliius non de monachis, sed de vulgaris vitæ hominibus; ex quibus planum sit, trecentos annos post CHRISTVM passum, si non passim ab omnibus, certè à pluribus vsque ad noctem ieiunatum fuisse.

Lib. de hæres.

At verò post Basilij ætatem, in tepefcente iam sensim primo illo feruore, cœptum est cœnæ tempus aliquot horas antè capi. Quarta & profabbato, scribit Epiphanius, statum est ieiunium vsque

que ad horam nonam. Concilium Cabilionense: Solent plures, qui se ieiunare putant in Quadragesima, mox vt signum audierint ad horam nonā manducare, qui nullatenus ieiunare credendi sunt, si ante manducauerint, quā vespertinum celebretur officium. Concurrēdum est enim ad missas, & auditis missarum solennibus, & vespertinis officiis, & largitis eleemosynis, ad cibum accedendum est; si quis verò constrictus fuerit, vt ad missam venire non valeat, æstimata vespertina hora, completa oratione sua, ieiunium soluat.

De conf. d. 1.
Solent.

Quondam ieiunio adiungebatur eleemosyna, & preces aliaque eiusmodi.

HÆC porrō vsque ad horam nonam ieiunandi consuetudo inde exorsa, perpetua quadā serie vsq; ad Thomæ Aquinatis ætatem, qui trecentos plus minùs annos memoriam nostram antecessit, sese porrexit: Siquidem ubi is de hora, qua ieiunium ab Ecclesia indictum soluere licet, disputat, inter cætera ita scribit: Ieiunium ordinatur ad deletionem & cohibitionem culpæ. Vnde oportet, vt aliquid addat supra communem consuetudinem; ita tamen vt per hoc non multum natura grauetur. Est autem debita & communis consuetudo comedendi hominibus circa horam sextam: tū quia iam videtur completa esse digestio nocturno tempore, naturali calore interiùs reuocato, propter frigus noctis circumstans, & diffusio humoris per membra, cooperante ad hoc calore diei, vsque ad summum solis ascensum; tū etiam quia tunc præcipuè natura corporis humani indiget iuuari contra exteriorem aëris calorem, ne humores interiùs adurantur. Et ideo vt ieiunans aliquam afflictionem sentiat, pro culpæ satisfactione, conueniens comedendi hora taxatur ieiunantibus circa nonam. Conuenit etiā ista hora mysterio passionis CHRISTI, quæ completa fuit hora nona, quando inclinato capite tradidit spiritum. Ieiunantes enim, dum suam carnem affligunt, passioni CHRISTI conformantur, secundum illud Apostoli ad Galatas: *Qui autē CHRISTI sunt, carnem suam crucifixerunt cum vitiis, & concupiscentiis.* Hactenus Thomas, à cuius sententia Alexander, ceterique, qui eo tempore vixerunt & scripserunt, non dissentiant, hoc solo dempto, quòd quidam ex illis horam nonā in tota sua latitudine accipiunt.

22. q. 147. 7.

Ieiunium ordinatur ad culpæ inhibitionē & expiationem.

Ieiunantes passioni Christi conformantur.

COMPLECTITVR autem ea hora tres partes ex æquo diuisas, harum prima decurrit à duodecima vsque ad primam, media hinc

Hora nona, quæ olim ieiunium soluebatur, com-
plectitur tres
vel quatuor par-
tes, puta initium
primæ, secundæ,
& tertiæ, & finem
tertiæ.

Crucis myste-
riū ad nonæ ini-
tium, hoc est, ad
duodecimā, in-
choatum, sed ad
finem eiusdem
horæ absolutū.

Consuetudo à
maioribus scita
& approbata vel
non improbata
absolvit eos à ie-
iunij solutione,
qui hora ynde-
cima vel aliquā-
tā etiam citius
prædent.

hinc usque ad secundam, postrema inde usque ad tertiam. Quamobrem si nonam in tota sua latitudine acceperimus: & illi hora nona ieiunium solvere haud ineptè dicentur, qui audita duodecima prandium auspicantur; & illi rursus, qui post primam; & illi item, qui post secundam; & illi tandem, qui post tertiam. Neque pugnant cum hac assertionem, quæ ex Aquinatis sententia iam allata sunt. Nam etsi D. Thomas ad postremam nonam partem magis spectasse videatur, quàm ad primam, vel mediam, hoc ipso tamen utramque admittit, quòd non asserit, veteres nona finita cœnare solitos, sed circa nonam; constat enim quòd circa quandam latitudinem complecti. Nec obstat quoque exemplum, quod de CHRISTI perpersione idem autor adducit. Quamvis enim crucis mysterium ad nonam finem fuerit expletum, fuit tamen ad nonam principium inchoatum; pependit enim CHRISTVS tres integras horas vivus in cruce, videlicet à duodecima usque ad tertiam, siue, ut Evangelista loquitur, à sexta usque ad nonam.

VERVM utcumque veteres nonam horam acceperint, aut ieiunium soluerint (post meridiem autem soluisse, satis comperit) hoc sanè tempore multò plures comperias, qui undecima diei hora vertente, hoc est, sub tertiæ horæ finem ieiunium solvant, quàm qui sacro audito, precibusque expletis, & elemosynis inter egenos distributis nonam aut vesperam expectant. Neque ideo tamen, si cætera bona fide præstant, non ieiunant. Nam consuetudo à maioribus scita & tacite approbata, in plerisque positiui iuris constitutionibus idem ferè robur obtinet, quod lex ipsa. Quandoquidem ut eiusmodi leges utentium consensu firmantur & inducuntur, ita semel firmatæ & inductæ, contraria consuetudine denuo infirmantur, & tandem omnino abolentur. Porro sacris interesse, preces fundere, elemosynas erogare, aliisque, quæ Cabilionenſe Concilium exigit, præstare, ita est salutare & fructuosum, ut tamen non sit aliquod intrinsecum ieiunij membrum. Quare licet isthæc, si adsint, ieiunij meritum augeant, eiusdem tamen rationem non infirmant, si absint.

QUAMVIS ergo tempore Epiphanijs & Augustini; imò verò ab auctorum & auctorum nostrorum memoria, CHRISTI fideles usque ad horam nonam ieiunium producerent, & nonnulli quoque usque ad vesperam, hac tamen ætate, appetente undecima vel duode-

duodecima, hoc est, crassa quadam æstimatione hora meridiana, ubi patriæ consuetudo non reclamation, ieiunium soluere licet; siue iam tum fames adsit, ut plerumque solet; siue omnino nulla. Quandoquidem inedia aut corporis molestia non est conditio ad ieiunij rationem necessaria, multò verò minùs circumstantia ad quoduis præceptum requisita. Fideles autem non obligantur ad circumstantias in lege vel statuto non expressas, nisi illa sit communis, hoc est, talis, quæ ad nullam non legem deposcatur; non est ergo opus cœnam tantisper differre, dum insigniter fameas, aut capitis vertigine labores, aut tam parçè cœnare, ut continua inedia langueas.

1mo verò vitio quàm virtuti affinius esset, propter eiusmodi causas statutam, aut patriæ cōsuetudine receptam prandendi horam notabili spacio prorogare. Quum refectiois hora venerit, scribit Cassianus, refectio sumatur, etiam si homo non esuriat. Si quidem hoc modo parcimonia meliùs seruatur, quàm si refectio usque ad esuriem differatur; quia in magna esurie auidius & minùs temperatè sumitur refectio. Hæc ille & rectè quotidianæque experientiae consentaneè. Addo his, si ieiunium famem aut corporis molestiam necessariò includeret, nullum certum tempus, quo illud soluere liceret, ab Ecclesia præstinari posse. Sunt enim, qui citra incommodum usque ad noctem inediam ferant: sunt alij, qui meridianum tempus vix expectant: sunt denique, qui hoc possunt, illud non possunt, prout non omnes vnus eiusdemque constitutionis sunt, sed vnus huius, alter illius, alius rursus alterius.

NEQVE obstat his, quòd sacræ literæ, ex quibus ieiuniorum origo fluxit, nò alio quàm afflictionis nomine ieiuniū designant, quasi tota vel potissima illius vis in cruce, animæue, vel corporis afflictione consistat. Nam cum DEVS per Moysem afflictionem præcipit, dicens: *Mense septimo affligetis animas vestras, nullumq; opus in eo facietis.* Rursum: *Affligetis animas vestras in eo religione perpetua; & offeretis holocaustum Domino.* Demum: *Omnis anima, quæ afflictæ non fuerit die bac, peribit de populis suis:* non præcipit afflictionem secundùm se; Ea enim nec libera est, neq; ad ieiunij rationem necessaria est; sed præcipit tantùm opera, quæ ex se nata sunt afflictionem adferre, tametsi nò semper adferant. Cuiusmodi inter cetera sunt ieiuniū,

Inedia vel famem non est conditio ad ieiunium necessarii. Quare nò est opus cœnam tantisper differre, dum iam mes torqueat.

In patr. coll.

In magna fame cibum sumitur auidius & intemperantius.

Si inedia de ieiunij ratione foret, nulla certa hora, qua illud soluere liceret, cōstitui posset.

Leuit. 11. 16.

DEVS Iudaico populo afflictionem indicēs, nò ipsam per se afflictionem indicit, sed opera crucem circa nata,

& à delicatioribus escis abſtinentia, veſtitus aſper, vigilæ, chamœunia, aliaq; id genus complura. Nam vt horum oppoſita ſenſum quadam ſuauitate & voluptate perfundunt; ita hæc ipſa eundem nonnihil plerunq; offendunt.

Iudæi afflictio-
nis vocabulum
præpoſitæ, &
cræſæ interpre-
tabantur.

Matth. 6.

Cap. 8.

At verò Iudæi afflictionis notionem cræſæ, vt cætera ſolent, accipientes, nullum verum aut propitiatorium ieiunium citra ve- rum cruciatum conſtare poſſe perſuaſum habebant. Quare ſi quando ex ipſa ieiunatione, nullum doloris ſenſum hauriebant, ne minùs religioſi haberentur, aut ieiunij fructum perderent, in- ediam vltra conſuetam indiſti ieiunij metam prorogabant; aut quædam externa ſymbola, quæ de interno cruciatu ſpectatoribus fidem facerēt, adhibebant: quo etiam nomine CHRISTVS Do- minus meritò illos notat: *Cùm, ait, ieiunatis, nolite fieri ſicut hypocritæ triſtes; exterminant enim faciès ſuas, vt videantur ab hominibus.* Sed & Eſai- as quoque eam ſuperſtitionem neutiſquam obſcurè notat; ait em̃: *Nunquid tale eſt ieiunium, quod elegi, per diem affligere hominem animam ſuam? nunquid contorquere quaſi circulum caput ſuum? & ſaccum et cinerē ſternere?* quaſi dicat, nequaquam. Fatemur nihilominus, non de om- nibus Iudæis promiſcue hæc accipienda eſſe; ſed de quibuſdam tantùm; habebat enim Iudæa ſuos quoq; Sanctos, tametſi non ita multos.

Ieiunia ad tria
conſeſcunt.

FATEMUR equè (nam hoc quoq; qui pro Iudæorū conſuetu- dine ſtant, obiicere ſolent) donieſticum hoſtem, ne inſurgat, per ieiunium comprimendum, DEO q; pro admiſſis faciendum ſatis, necnon vitioſis habitibus exturbatis, ſtudioſos inferendos eſſe. Verùm vt hæc conſequamur, non eſt opus formali aliquo corporis cruciatu, aut carnis afflictione; ſed abunde ſat eſt, ſi ea adhi- beantur, quæ eiufmodi effectum ex ſe progignere nata ſunt: Vel quæ ab Eccleſia in hunc finem præſinita ſunt. Fatemur tandem cum Gregorio & Bernhardo, quos ipſi etiam in cauſa ſuæ patro- cinium aduocant, ventris claniorem, eiufdemque rugitum non ſemper audiendum, hoc eſt, non ſemper id illi deferendum eſſe, quod poſtulat, præſertim ſi ſuperuacanea poſtulet, vel ante tem- pus ius ſuum vrgeat; at hinc non conſequitur, ventris rugitum eiufdemque clamorem, hoc eſt, eſuriem aliamque corporis affli- ctionem ad intrinſecam ieiunij rationem pertinere. Aliud eſt enim, ventrem intempeſtiue clamantem audire, aliud tantisper, dum

dum clamet, cœnam vel prandium differre. Licet ergo circa meridiem ieiunium soluere, siue fames tunc aliqua adsit, siue nulla omnino.

DVSBITABIT hîc fortè quispiam, an, vt refectionis horâ vsu receptam, vel lege definitam, ad quantumlibet spacium prorogare licet; (modò ex Iudaica, vel Mahometica superstitione ea prorogatio non contingat) ita quoq; eandem, salua ieiunij lege, quârocunq; spacio anticipare liceat? Tum rursus, decuerit vel expedieritne, vt Ecclesia aliquod tempus, ante quod prandere vel cœnare non liceret, præfiniret? Tum demum horæne vsu vel legis statuto receptæ obseruatio, eo modo & ratione de Ecclesiastici ieiunij integritate existat, vt ea prorsus neglecta, veri nominis ieiunium nullum esse valeat. De his quidam disputant prolixè, nos singula expediemus paucis.

PRIMUM quæsitum difficultate caret. Nemo enim ambigit, eiusdem rationis non esse, anticipare & producere: siquidem hoc est supererogationis, quia maioris crucis; illud simpliciter transgressionis. Ecclesia enim nusquam præcepit, vt hora nona vel sexta ieiunium soluator, sed ne ante illud tempus soluator vetuit. Adhæc non indixit illa ieiunium, quò carnem foueamus, verùm quò illam maceremus, spirituiq; subiiciamus; at quò inedia differtur magis, cò illa affligitur intensius; sicut ediuersò quò esurienti stomacho occurritur maturius, cò carnis sensus cruciatur remissiùs. Tandem ieiunium ab Ecclesia institutum non solum complectitur certum ciborum delectum, vnamq; corporis refectionem, vt antè iam dictum est, sed certam quoq; præfinitamq; cœuandi horam. At si cuiq; ita liberum foret anticipare, sicut liberum est prorogare, nullum prorsus certum refectionis tempus fieret reliquum. Non ea itaque libertate cœnæ tempus anteuertere, qua illud differre licet.

AD alterum respondetur, omnino necessarium fuisse, vt Ecclesia ieiuniorum lege obstrictis præfiniret aliquod tempus, ante quod ordinariè cibum sumere non liceret. Nam si cuique integrum esset, cœnare vel prandere, quando vellet, non solum magna inter ieiunantes confusio & dissimilitudo obtineret, verùm multi quoque, qui alioqui ieiunaturi erant, ieiunium violarent: ægrè namq; à cœna se còtinerent, qui summo mane pransi essent;

Tres de accubationis hora questiones non inutiles.

Ecclesia nō præcipit, vt ieiuniū hora sexta vel nona soluator, sed vetat, ne ante illud tempus soluator.

Non licet cœnæ tempus anteuertere. cum ieiuniū operadatur, sicut h et illud prorogare.

Necessariū fuit, vt Ecclesiæ tempus præfiniret, ante quod ieiuniū soluere ordinariè non liceret.

Ut certæ preces
certis horis, ita
Ieronia certis
precibus sunt acco-
modata.

quippe cū illi quoque experientia teste vix sese contineant, qui circa meridiem ieiunium soluerant. Ad hæc cū extra ieiuniorum tempora communi populi vsu & consuetudine, suæ sint prandii & cœnis horæ constitutæ, quæ rarò quoque in ciuitatibus benè institutis prætermitti solent, cur ieiuniorum soluendorum tempora, quæ DEO deuotionique ex professo dedicata sunt, cuique libera relinquerentur? Deniq; cū statæ preces statis horis ex Apostolorum traditione in DEI Ecclesia solitæ sint persolui, magnamq; cum eiusmodi precibus ieiunia connexionem habeant, (Est enim longo iam tempore in Ecclesia vsitatu, vt vespertinæ preces in Quadragesima prandio, nonæ verò horæ aliis ieiuniorum feriis præmittantur,) rationi omnino cōsentaneum erat, vt ieiunio soluendo certum tempus determinaretur.

De 5. de cons.
Quinque.

Quinque modis
gulæ vitium tō-
ter hominem.

DICUNT quidam: non eadem omnium est natura corporumue cōstitutio, neq; vna omnium occupatio, neq; eadem tandem temporum aut locorum ratio: nō idem ergo omnibus tēpus præfiniri debuit, puta sexta aut nona? Addunt alij: ieiunium est opus vel actus abstinentiæ, abstinentiæ autem non solum temporis anticipatio aduersatur, verū etiam ciborum quantitas & qualitas, nimiaq; edendi auditas, & præparandi anxietas. Notum est enim illud Gregorij: Quinq; modis nos gulæ vitium tentat. Aliquando enim indigentia tempora præuenit: Aliquando non præuenit, sed cibos lautiores quærit: Aliquando quæ sumenda sunt, procurari accuratiùs expetit: Aliquando autem & qualitas ciborum & tempus congruit, sed in ipsa quantitate sumendi, mensuram refectionis excedit. Nonnunquam & abiectius est, quod desiderat, & tamen in ipso esu immensi desiderij deterius peccat. Cū ergo de quatuor posterioribus nihil cautum exstet, videri queat, nihil de primo quoque statui debuisse.

Nulla omnino
lex fertur, quæ
omnibus æquat
sit commoda.

NEGARI sanè non potest, non vnam omnium corporum esse constitutionem, nec eandem etiam locorum & temporum omnium rationem; verū hinc non sequitur, nullam certam soluendo ieiunio horam fuisse præfiniendam. Primò nulla vnquam lata est lex, sed nec vlla quoque ferri potest, quæ omnibus æquè sit commoda. Deinde tempus illud tam commodè definitum est, vt nemo de illius mora iure conqueri queat. Etenim cū plurimi passim propter occupationes, vel alias causas prandium vs-

que

que ad vndecimam vel duodecimam sponte differant, quid magis aut quod grauamen est, si Ecclesia caueat, ne quis ante vndecimam vel duodecimam ieiunium soluat? Postremò si quis est, qui tantisper ieiunare commodè non potest, ille cum bona superioris venia prandeat citius, & reliquas ieiunij partes seruet.

CÆTERVM non est eadem ratio vnicæ accubationis, abstinentiæ à carnibus, & statæ horæ: Quandoquidem vna refectio, ieiunio generatim saltem accepto, est magis intrinseca, quàm abstinentia à carnibus, aut ciborum delectus. Quare Iudæorum vulgus ista ieiunium ad noctem vsque producebat, vt tamen post solis occasum omnia, quæ lex permittebat, promiscuè manducaret. Abstinentia rursus à carnibus magis est de eiusdem substantia, quàm statata præfinitaque hora. Quamobrem si quis ea corporis constitutione est, vt ieiunare omnino non queat, nisi tempestiuè admodum prandeat, vel carnes comedat, facilius cum eo dispensabitur, vt tempestiuè prandeat aut cœnet, quàm vt carnes manducet. Imò verò non desunt, qui eos à toto ieiunio liberos pronunciant, qui citra carniū vsum ieiunium ferre non valent. Porro secundam corporis refectiōem ieiunium Ecclesiasticum nullo modo admittit; vnde cuiusque facultas facta est, vt bis iuxta diu cibum sumat, is à ieiunij lege planè est absolutus. Carne tamen cuiusmodi vesci non debet, si sine carnibus viuere commodè potest. Latius enim patet lex de abstinentia à carne lata, quàm ieiuniorum præceptum.

AD secundum dicitur, de ciborum qualitate & quantitate, de cœnationis modo & ratione, de esculentorū præparatione alijsq; hisce cognatis non ita procliuè fuisse certi aliquid statuere, ac de refectiōis tempore; Nam, vt alibi indicatum est, quod vni multum est, hoc alteri parum est, & vice versa. Rursus quod vni sapit aut conuenit, hoc alteri neque sapit neque conuenit, prout quisque durè vel molliter est educatus. Non enim eisdem vescuntur viri principes & homines vulgares, plebei & nobiles, pauperes & diuites. Sic quoque cum cibi auaritia, vel nimia quorundam edacitas oriatur ex interna corporis constitutione, prauaque consuetudine subinde augeatur, non potuit certa aliqua lege eiusmodi vitium integrè compesci. Qui enim insigniter fament, vix, quin in appetitas escas auide inuolent, se continent: Sic tandè de præparatione

Vna accubatio inter ieiunij partes primas tenet, proximas ciborum delectus, postremas statata hora.

Ieiunium Ecclesiasticum nullo modo ieiunio accubationem.

Edacitas, que ex corporis constitutione nascitur, non potest legem pati.

*Gulæ filij ieiunij
meritū ſæpe ſol-
uunt, ipſum autē
ieiunium non
item.*

dapibus nullum ſtatutum edi potuit, quod æqualiter omnibus conueniret; vt enim homines hominumq; conditiones & ſtatus ſunt varij; ita menſæ & cibi, quibus vtuntur, ſunt diuerſi. Diuerſi autem cibi diuerſum poſcunt præparandi ſtudium. Verū etſi quatuor poſtreme gulæ filiæ non ſoluant ieiunium, vt ab Eccleſia eſt inſtitutum; quò ad meritum tamen vel fruſtū, ſi non in totum ſoluunt ſemper, in totum tamen vel in partem ſoluere poſſunt.

*Qui manē cibū
ſumit, communi
mortalium iudi-
cio non ieiunat.*

Ad tertium quæſitum maiorem partem iam antè reſponſium eſt; dictum eſt enim, omnes tres conditiones eſſe de intrinſeca Eccleſiaſtici ieiunij ratione; neque illud ſuis numeris & partibus cōſtare poſſe, ſi vel vna ex iis omnibus defuerit. Dictum eſt æquē, tria illa, quæ ad ieiunij integritatem depoſcuntur, certo quodam ordine ad illud ſeſe habere. Nam vt ex veterum Hebræorum conſuetudine probatum eſt, vna interdiu reſectio magis eſt de intrinſeca illius ratione, quàm ciborum delectus, & hic rurfum magis, quàm ſtatuta accubationis hora; quamuis & ea quoque communi Chriſtianorum omnium ſenſu atque conſenſu de illius ratione exiſtat. Quicumque enim eo die, quo ex lege vel conſuetudine ieiunandum eſt, quempiam ſummo mane manducantem cernit, ſtatim eiufmodi conceptum apud ſe format; ille non ieiunat; neq; peccat eiufmodi iudicij efformatione; peccaret tamen, ſi talē peccati reum pronunciaret; quia forſan habuit iuſtam cauſam, cur tam tempeſtiuē cibum caperet.

*Commune o-
mnium iudicium
non facile fallit.*

Ex hoc autem, quòd omnes omnino homines vnanimi ſententia iudicant, eos non ieiunare, qui tot horas conſuetum prandendi tempus antecapiunt, euidenter colligitur, horam ieiunio ſoluendo, lege vel conſuetudine definitam, quæcunque tandem illa ſit (accidit namque maior in vna hac re, quàm in cæteris ieiunij partibus mutatio,) de ieiunij neceſſitate, eiufdemque integritate non minùs eſſe, quàm teſtum vel paries de integritate domus. Nam ſi de eiufdem neceſſitate nō eſſet, communi omnium iudicio & voce non negaretur ieiunium eſſe, quod tam tempeſtiuē ſoluitur. Quiſlibet proinde conſuetam prandendi horam æquē ſeruare obligatur atque ipſum ieiunium; peccantque non minùs, qui horam illam citra cauſam iuſtè excuſantem inſigniter anticipant, quàm qui aliam quamuis ieiunij conditionem non ſeruant.

EADDEM

EADDEM hac ratione euidenter quoq; probatur, bis ieiuniorum die cibum sumere, aliud esse, quàm Christianè ieiunare; nam quicumq; videt illum cœnâtem, quem certò antè pransum nouit, statim dicit, & verum dicit; ille non ieiunat. Idem omnino de illo citra temeritatem pronũciare licet, qui ieiunalibus diebus carni- bus vesci conspicitur: Quandoquidem si citra vllam necessitatem & dispensationē illis vescitur, Ecclesiastico ritu nequaquam ieiunat. Si autem tantæ debilitatis vel tam afflictæ valetudinis est, vt carnem comedere omnino necesse habeat, nulla lex ad ieiuniorum legem illum obligat. Atque ita siue necessitas excuset, siue temeritas incuset, qui carne vescitur, Christianè nõ ieiunat. Quin etiam canone Solent, disertè pronunciatur, eos ieiunare censendos non esse, qui ante nonam, quæ tum temporis vsitata erat, ieiunium soluunt. Et vt maximè nulla lege cautum extaret, ne quis ieiuniorum tempore ante sextam aut nonam cibum caperet, adhuc vniuersalis Ecclesiæ consuetudo, quæ hoc habet, &que ad eius temporis obseruationem adigeret, ac si certa ea de re lex promulgata foret.

NEQVE, est vt quis hîc cauilletur, per statæ horæ definitionem conscientis laqueum iniici: Siquidem hora illa non consistit in puncto, sed in quadam ciuili latitudine. Vnde vt de ea constet, non est necessarium, vt quis adhibeat astrolabium, machinaléue aut solare horologium, sed sat est, si commune iudicium in medium adferat; siue iudicium illud sextæ vel nonæ punctum attingat, siue infra illud cõsistat. Nam excedere, nullum est peccatum; imò quò prandium tardiùs sumitur, eò rectiùs ieiunatur. Sed & minùs quoque in horæ anticipatione peccatur, & faciliùs dispensatur, quàm in reliquis ieiunij partibus. Vnde si iter est faciendum, vel opus aliquod statim à prandio inchoandum, si amici vel hospites adsunt, si calor est vehemens, si deniq; aliquid aliud est, quod consuetam prandij horam nonnihil anteuertere suadeat, citra noxam illam nonnihil anteuertere licebit. ATQVE hæc de tribus ieiuniorum partibus, siue eas substantiales, siue integrales appelles, hætenus: Proximum est, vt de eorundem inter se discrimine & partitione nonnulla quoq; in medium adferamus; hanc enim tractandi methodum ipsa rei natura deposcit.

Qui bis interdum, aut carnem manducat, Ecclesiastico ritu non ieiunat.

De cons. d. 1.

Vniuersalis Ecclesiæ consuetudo legis vim obtinet.

Si ad hanc causam, licet prandij horam nonnihil anteuertat, ieiuniorum tempore.

*Non unam ieiuniorum omnium rationem, neque parem
eorundem obligationem esse, sed quorundam
maiores, aliorum minorem.*

CAPVT OCTAVVM.

Ieiuniorum alia
libera, alia neces-
saria, & cuius-
modi sint utra-
que.

IEIUNIORVM alia sunt necessaria, alia libera. Libera vocamus, quæ ita cum laude & merito suscipiuntur, ut tamen citra noxam prætermitti queant. Necessaria dicimus, quæ præcepti vim obtinent, adeoque citra causam iustè excusantem inculpatè omitti non valent. Necessaria pleraque omnia certa tempora sibi vendicant; libera non omnia, sed aliqua ex iis tantum.

Spontaneorum
ieiuniorum quædam
communia, quæ-
dam priuata.

LIBERORVM, quæ spontanea dici possunt, quædam sunt communia, alia priuata. Priuata appellamus, quæ vnusquislibet, quandocunq; visum fuerit, priuatim vsurpat: Siue illa vsurpet, quod vitium aliquod debellet; siue ut beneficiū aliquod à Deo Optimo Maximo impetret; siue ut cladem ceruici impendētem propellat. Communia vocamus, quæ certo definitoque tempore à religiosioribus Christianis celebrantur, etsi non ab omnibus; tū ea quoque, quæ cum vniuerso fidelium cœtu obseruantur, qui nulla alioquin ieiunij lege tenentur; siue lex ab eiusmodi vinculo eos absoluat, propter ætatis vel corporis imbecillitatem; siue propter laborum magnitudinem aut negotiorum molem; siue propter aliā quamcunque causam iustè excusantem.

Quæ ieiunia hinc
tempore genera-
tum libera.

Multa ieiunia
nunc libera, quæ
olim fuerunt ob-
ligatoria.

INTER ieiunia (nisi votum, aut peculiare statutum, aut peculiari loci cuiuspiam consuetudo obstat) hac ætate libera censemus ieiunium profabbati, sabbati, & feriæ quartæ: ieiunium maiorum litaniarum & rogationum; ieiunium aduentus Domini; ieiunium quolibet mense recurrens: ieiunium D. Ioannis Baptistæ natiuitati dies aliquot antecedens, & alia præterea nonnulla, quorum in sacris Canonibus & quorundam quoq; Patrum scriptis fit mentio. Nam etsi nonnulla ex illis in nascentis Ecclesiæ exordio, & aliquot etiam secula postea, fuerint necessaria; utpote magna seueritate indicta, communique populi consensu & vsu recepta, nunc tamen multis retro annis, quoad potiore sui partem attinet, abierunt in dissuetudinem, adeoque ex necessariis facta sunt libera.

QVOD ea autem ieiunia, quæ obiter hîc nunc attigimus, aliquando non fuerint libera, sed absolute præcepta, id apud eos, qui in veterum monumentis mediocriter versati sunt, quæstionem non habet; attamen quòd hoc tempore non desint, qui de ieiuniorum multitudine conquerantur; alij, qui omnia ieiunia indiscriminatim Christiano homini libera relinqui volunt, placet hoc loco pauca quædam ex veteribus Canonibus & Scriptoribus repetere, quæ ieiunia illa, quæ paulò antè hac hominum memoria libera esse diximus, olim obligatoria, magnâque seueritate præcepta fuisse clarè ostendant. Nam si aliud nihil, minimùm discemus hinc, quantum à primo illo primorum Christianorum feruore, mortificationisquæ studio paulatim recessum sit.

De ieiunio itaque profabbati & feriæ quartæ octauus supra sexagesimum Apostolorum Canon ita loquitur; Si quis Episcopus, aut Presbyter, aut Diaconus, aut Lector, aut Cantor quartani feriam, aut parasceuen non ieiunauerit, deponitor; præterquam si imbecillitate corporis impeditur: Si laicus sit, cômunionem priuator. En grauissima pœna Apostolorum ætate in eos cõstituta, qui profabbati & feriæ quartæ ieiunium citra causam violassent. Neque enim ob rem leuem, aut Clericus exauكتورari, aut laicus cõmunionem priuari solet, sed ob peccatum longè grauissimum.

HVC quoque pertinet illud Clementis principum Apostolorum discipuli: In quarta feria & parasceue nobis ieiunium indixit (Petrus); in illa obproditionem, in hac ob passionem. Iussit & in ipso quoque sabbato ieiunare. Et illud Innocentij primi: si sexta feria propter Domini passionem ieiunamus, sabbatum prætermittere non debemus, quod inter tristitiani & lætitiæ temporis illius videtur inclusum: Nam constat Apostolos biduo illo, & in maiore fuisse, & propter metum Iudeorum se occuluisse. Vtique non dubium est, intantum eos biduo memorato ieiunasse, vt traditio Ecclesiæ habeat, isto biduo Sacramenta non celebrari. Et illud Epiphaniij:

COMMVNIONES ordinatæ sunt fieri ab Apostolis quarta & profabbato & dominico. Quarta verò & profabbato ieiunium statutum est vsque ad horam nonam. Et paucis interpositis subdit: Apostoli statuerunt vt in his diebus ieiunia fierent, ita vt impleatur dictum hoc; Cum ablatus ab ipsis fuerit sponsus, tunc ieiunabunt in

b

Iniusta hoc tempore querela de ieiuniorum multitudine.

Ieiunium profabbati & feriæ quartæ tempore Apostolorum sub anathemate indictum.

Lib. 5. cap. 16.
Apost. const.
D. Petrus ieiunium sabbati, profabbati & feriæ quartæ indixit.
Epist. 1. ad Dec. cap. 4.
Cur Ecclesia sacro parasceues die & sabbato proximo, Sacramenta non celebret.
In doctrina compen. de fide Catho.

Matth. 9.
Marc. 2.
Luc. 5.

illis

Hō. 10. in Leui. *illis diebus.* Et illud Origenis; Habemus Quadragesimæ dies consecratos ieiuniis. Habemus quartam & sextam septimæ dies, quibus solenniter ieiunamus. Et illud Damasceni: Aërius nulli Artianorum secundus, adiecit quædam de suo; negat enim quicquam offerendum esse pro mortuis. Ieiunium feria quarta & sexta, & quadraginta diebus seruari, & pascha celebrari prohibet; stata hæc dānat omnia. Et illud Apolonij: Ieiunia legitima, id est, quarta & sexta feria non sunt soluenda, nisi grandis aliqua necessitas fuerit; quia feria quarta Iudas de traditione Domini cogitauit, & sexta feria crucifixus est Saluator. Videbitur ergo, qui in his diebus sine aliqua necessitate soluerit statuta ieiunia, vel cum tradente tradere Saluatorem, vel cum crucifigente crucifigere. En omnes isti idem statuunt de ieiunio sabbati, pro sabbati, & feriæ quartæ, quod de ieiunio Quadragesimæ; hoc autem strictè obligauit semper.

Epist. ad Casulanum.

PERTINET huc quoque illud Augustini: Cur sexta & quarta maximè ieiunet Ecclesia, illa ratio reddi videtur, quòd considerato Euangelio ipsa quarta sabbati, consilium reperiuntur ad occidendum Dominum fecisse Iudæi. Intermissio autem vno die traditus est nocte, quæ iam ad sextam sabbati, qui dies passionis eius manifestus est, pertinebat. Et illud Isidori:

Lib. 6. cap. vlt. etym.
Quid statio propriè.

STATIO est obseruatio statutorum dierum vel temporum; Dierum, vt feriæ quartæ & sextæ ieiunium ex veteri lege præceptum, de qua statione in Euangelio dixit ille: *Ieiunio bis in sabbato*, hoc est, quarta & sexta sabbati. Et alio rursus loco idem: Præter hæc autem legitima ieiuniorum tempora omni sexta feria propter passionem Domini à quibusdam ieiunatur. Sed & sabbati dies à plerisque propter quòd in eo CHRISTVS iacuit in sepulchro, ieiunio consecratus habetur; ne scilicet Iudæis exultando præbeatur, quod CHRISTVS sustulit moriendo. Hæc ætiologia est planior: Neque enim ideo ieiunamus feria quarta & sexta, quòd Iudæi illos dies ieiunio consecratos haberent, sed quòd CHRISTVS altero venditus, altero cruci affixus, altero rursus sepultus esset. Eadē ad verbum repetit Rabanus, Et illud Theophylacti

Luc. 18.

Lib. offic. ca. 42.

De cle. inst. c. 23.

Ad ca. 14 Marc.
Lib. 11. cap 17.

FERIA quarta conciliū conuenit, propterea nos ieiunamus quartis feriis. Et illud tandem historiæ tripartitæ; Perdurabat Theodo-

Theodosius in frigore & similiter in æstu, plerunque ieiunabat & maximè quarta & sexta feriis. En quanta de ieiuniis sabbati, pro-sabbati, & diei Mercurij testimonia, quæ omnia, Ecclesiæ pasto-ribus conuiuentibus, vitiisque & carnis illecebris paulatim cre-scentibus, iam olim vsque adeò sunt laxata & enervata, vt ex tri-bus ieiunij partibus solam à carnibus abstinentiam reliquam ha-beamus; quamuis ne hanc quidem satis integrè. Pauca enim pro- uincie reperiuntur, quæ die Mercurij à carnibus abstineant, imò non desunt, quæ sabbato quoque carnes manducant, etsi id ex se- dis Apostolicæ gratia & condonatione magis, quàm ex lege.

ERAT priscis temporibus feria secunda in ieiuniis quoque, verum id non apud omnes promiscuè; sed apud monasticen pro- fessos, publicæque pœnitentiæ mancipatos præcipuè. Presbyter, habet Gangrensis Synodi decretum, si fornicationem fecerit, vs- que ad expletionem septimi anni omni quidem tempore (excep- tis paschalibus diebus) tres legitimas ferias in vnaquaq; hebdo- mada in pane & aqua ieiunet; expleto septimi anni curriculo, si fratres, apud quos pœnituerit, eius congruam pœnitentiam lau- dauerint, Episcopus in pristinum honorem, iuxta beati Calixti auctoritatem, eum reuocare poterit. Sanè sciendum est, quòd se- cundùm feriam, vnum psalterium canendo, aut vnum denarium pauperibus dando, si opus fuerit, redimere poterit. Simile ieiu- nium Ioannes, eius nominis octauus, iniūxit illis, qui excommu- nicati sacrum ministerium contingere ausi fuerant. Sanctio illius, citante Gratiano, ita habet:

DE illis presbyteris, qui tempore sanctissimi prædecessoris nostri Domini Papæ Nicolai excommunicati, sacrum ministe- rium contingere præsumpserunt, ipsi in se damnationis (sicut Ca- nones statuerunt) sententiam intulerunt: tamen quia misericordia Apostolica veniam solet præstare correctis, ob multitudinem mi- sericordiæ illius, hanc indulgentiam exhibemus, vt sancta com- munionem saginati, studeant tribus annis continuis per hebdoma- dam omni tempore secunda & quarta & sexta feria à vino & car- ne penitus ieiunare, & ultra lugenda nequaquam committere. Quòd autem veteres Monachi feriam secundam in ieiuniis ha- buerint, id ex Turonensi Synodo audiuius antè, idem ex eadem paulò post denuo audituri.

Theod. Imp. iei- unat feria quar- ta & sexta, per- duratque in fri- gore & æstu.

d. 82. Presbyter.

Pœnitentiæ sacer- dotis in fornicationem lapsi.

11. q. 3. de illis.

Veteres Mona- chi feria secunda plerumque ieiunabant.

DE litaniarum ieiunio pauciora minusque solennia prodita extant, extant tamen & de illis nonnulla quoque synodalia decreta. Etenim Concilium Aurelianense primum tempore Hormisdæ in Gallia celebratum, non solum triduo illo ieiunium, sed vacationes quoque à seruilibus operibus indicit; cauet enim: Rogationes, hoc est, litanias ante ascensionem Domini placuit celebrari; ita ut præmissum triduanum ieiunium in Dominicæ ascensionis solennitate soluatur. Per quod triduum serui & ancillæ ab opere relaxentur, quò magis plebs vniuersa conveniat: Quo triduo omnes abstineant, & quadragesimalibus cibis vtantur.

Can. 19.

Dies rogationū
quondā solenni
ieiunio celebra-
ti.

Can. 33.

Quo ritu vete-
res Germani cele-
brant maiores
litanias, rogatio-
numque dies.

CONCILIUM porrò Moguntiacum Carolo Magno adhuc imperante celebratum ieiunio, & precibus cinerem quoque; & cilicium adiungit. Sanctio illius ita sonat: Placuit nobis, ut litania maior obseruanda sit à cunctis Christianis diebus tribus, sicut legendo reperimus, & sicut sancti Patres nostri instituerunt, non equitando, non preciosis vestibus induti, sed discalciati, cinere & cilicio induti, nisi infirmitas impedierit. Non sit hîc expressa ieiunij mentio, nihilominus ex adiunctis res est manifesta; siquidem cilicia, & cineres, & nudipedalia à ieiunio & abstinencia antiquitus nunquam ferè seiungebantur. Accedit huc quoque quòd Canon se referat ad maiorum statuta; atqui trecentos annos ante id tempus vulgò per illos dies ieiunia obtinebant.

QUOD si veteres Germani rogationum dies tanta deuotione & pietate celebrabant, facile est, diuinare quo animi sensu, quantaque religione Quadragesimæ ieiunium obseruarint. Cæterum ex hoc Rogationum ieiunio idem fere nobis relictum est, quod ex ieiunio sabbati, prosabbati, & diei Mercurij, abstinencia nimirum à carnibus; quanquam istud quoque non omnino plenè; siquidem quibusdam locis dies illi, quod ad ciborum delectum spectat, à cæteris nihil discrepant. Alicubi primò & vltimò abstinetur, interiecto autem, hoc est, die martis non abstinetur. Alibi solus vltimus inter ieiunales habetur. Denique quæuis religio suos hîc habet ritus & consuetudines, à quibus, si bonæ sunt, indigenis recedere non licet. Interim verum est, quod diximus, nempe rogationum ieiunium secundum se absolutè hac ætate nò esse præcepti, sed tantum consilij.

Magna hac ætate
varietas in die-
rum rogationū
obseruatione.

AD Dominici aduentus ieiunium pertinet illud Innocentianum: Ieiunium apud nos in aduētū Domini agitur. Hoc ieiunium in solis ferè monasteriis hac tempestate obtinet, cum æquè tamē ab Apostolis institutum credi queat, ac ieiunium Quadragesimę. Quod si qui extra monasteria etatem agentes, illud seruant, nullo legis vinculo compulsi seruant, sed solo virtutis amore pietatisq; studio ducti.

De obserua. ieiunij consilium.

Romę in aduētū Domini quoddam ieiunatum.

DE ieiunio menstruo Concilium Elibertinum ita canet: Ieiunia vel abstinentias per singulos menses placuit celebrari, exceptis diebus duorum mensium Iulij & Augusti ob eorundem infirmitatē. Hęc Elibertinę Synodi Canon vigesimustertius, qui subobscurus est: Siquidē ex hoc decreto certō colligi non potest quotoquoilibet mensis die ieiunaretur, aut quot intra mensē diebus ieiunaretur; nam toto mense ieiunatum fuisse non fit verisimile: nisi quis forsan sanctionem illam non ad omnes, sed tantum ad monachos pertinuisse existimet: Quandoquidem Synodus Turonensis secunda, toto anno excepto tempore paschali, & mense Augusto monachos ad stata quędam ieiunia obligat. verba Canonis sic habent:

Cano. 23.

Canon. Con. Elibertini de ieiunio mēstruo subobscurus.

DE ieiuniis antiqua statuta à monachis seruentur; vt de pascha vsque ad Quinquagesimam, exceptis Rogationibus, fratribus omni die prandium præparetur. Post Quinquagesimam tota hebdomada exactē ieiunent. Postea vsque ad Calendas Augusti ter in septimana ieiunent, secunda, quarta, & sexta die, his exceptis, qui aliqua infirmitate constricti sunt. In Augusto quotidie prandium habeant. In Septembri toto & in Nouembri ter in septimana ieiunent. In Decembri vsque ad natalem Domini omni die ieiunent: inter natalem & Epiphaniam excepto triduo item prandebunt. Post Epiphaniam vsque ad Quadragesimam ter in septimana ieiunent: Hactenus Turonense Concilium de monachorum ieiuniis, quę hac ætate non ita frequentem vsum habent. Nam etsi monachi frequenter ieiunent, non vbique tamen eum ieiunandi ritum obseruant.

Cano. 18.

Ieiuniorum ritus & modus monachis in Turonensi Synodo definitus, maiore partē in distinetudinem hoc tēpore abiit.

QUATVORDECIM dierum ieiunium ante Ioannis Baptistę natalem omnibus Christianis indicit Synodus Salegunstadiensis, ante quingentos annos in Oppido Selgenstad vulgò appellato celebrata. Synodi decretum ita sonat: Volumus, vt quatuor-

Cano. 1.

Ieiunium quatuor
decim dies ante
D. Ioannis fe-
stum quondam
indictum & ce-
lebratum.

Magna vis con-
suetudinis in sta-
tuendis & abro-
gandis legibus.

Ieiuniorum legiti-
me indictorum
quædam sunt co-
munia, quædam
loci alicuius p-
pria.

Metropolitani
& Diocesani po-
puli consensu ac-
cedente ieiunia
& festa indicare
possunt.

Communia &
propria ieiunia
intribus discre-
pant.

decim dies omnes Christiani ante festiuitatem sancti Ioannis Ba-
ptistæ in abstinentia sint carnis & sanguinis, nisi infirmitate im-
pediente, aut alicuius festi solennitate. Quod autem non de sola
à carne & sanguine abstinentia, sed de perfecto ieiunio agat, id,
quæ in eodem illo Canone mox subiungitur, planum faciunt; se-
quitur enim: & ante natiuitatē Domini similiter, & in vigilia Epi-
phanis, & in omnibus vigiliis Apostolorū, & in vigilia assumptio-
nis S. Mariæ, & in vigilia S. Laurentij, necnon etiam in vigilia o-
mnium Sanctorum. Hæc sanè de sola abstinentiâ à carne & sangui-
ne commodè exponi non possunt: Constat enim plerasq; vigiliis
hoc loco recensitas integrum ieiunium deposcere. Huius mense
Iunio indicti ieiunii nullum, quod equidem sciam, hoc tempore
extat vestigium: Vnde multò magis est liberū, quàm cetera, quo-
rum hæcenus meminimus. Tantam in statuendis & abrogandis
legibus vim habet consuetudo. At iam ad ieiunia necessaria re-
uertamur; de his enim ex instituto in hoc opere disserimus.

IEIUNIORVM porrò necessariorum seu præceptorum, quæ-
dam sunt communia, quædam propria. Propria appellamus, quæ
non passim per Ecclesiam celebrantur, aut præcepti vim obtinēt;
sed in certis tantum prouinciis, Diocesium, Collegiis, vel Eccle-
siis. Cuiusmodi sunt ea ferè, quæ ob peculiarem aliquam causam,
peculiarium prouinciarum, Diocesum, Ecclesiarum, vel Colle-
giorum Rectores, in locis, iurisdictioni suæ subiectis, instituūt, vel
olim instituerunt. Nam vt vnusquilibet sui compos voto vel iura-
mento ad certum ieiunium seipsum obstringere potest; ita Me-
tropolitani vel Diocesani, populi consensu antecedente, ob illu-
stre aliquod beneficium toti prouinciæ vel diocesi diuinitus col-
latum, in gratiarum actionem, vel ad propulsandam præsentem
aliquam pestem, aut cladem impendentem, aliquod peculiare ie-
iunium vel festum instituere possunt.

COMMVNIA è diuerso ea dicimus, quæ non in hoc vel illo
priuato loco, sed passim per orbem Christianum obtinent. Nec
hunc rursus vel illum populum seorsim ad sui obseruationē ob-
ligant; sed omnes, qui aliàs à ieiunij lege non absoluuntur, promi-
scuè. Nec ab hoc demum, vel illo priuato Episcopo vel Prælato
indicta sunt; sed à supremo totius Ecclesiæ magistratu. Cuiusmo-
di est ieiunium Quadragesimæ, quatuor temporū, & quarundam
vigilia-

vigiliarum: Atque tria hæc sunt potissima, in quibus communia & propria ieiunia inter se discrepant. In aliis autem maiorem partem conspirant.

ET ENIM tria illa, quæ intrinsecam ieiunij rationē absolunt, communibus & propriis ex æquo conueniunt, nisi quis forsan de hoc q̄stionem moueat, quòd ciborum delectus in Quadragesima aliquatò est accuratior, quàm extra Quadragesimā. Nam in Quadragesima, nisi patriæ cōsuetudo vel pontificis indultū aliud permittat, non solum à carnibus abstinendū est, verū etiam ab ouis & lacte & caseo, cæterisq̄, quæ ex carne originem trahunt. At verò in extraquadragesimalibus ieiuniis, nisi mos patriæ alicubi reclamet, lacticiiniis vti licet. Consentiant hoc rursus, quòd vtraq̄ inculparè violantur, cū iusta rationiq̄ cōsentanea adest violandi causa; aut cuiusmodi, quæ bona fide iusta censetur, esto reuera iusta non sit, aut dubia quoque, superioris tamen auctoritate approbata. Nam qui ratione vel superioris auctoritate nititur, siue agat, siue ab opere cesset, non facillè fallitur.

Communia & propria ieiunia in tribus conueniunt.

CONSENTIUNT hoc tādē, quòd neutra citra culpam temerè soluuntur. Neq̄ enim ij solū peccāt, qui communia citra causam iustè excusantem, vel piam necessitatem violant, sed ij etiam, qui loci alicuius propria infirmant. Vnicuique, scribit Rabanus, vt lubet, ieiuniorum modum habere licet, seu in ediam extendere: seruata præ omnibus constitutione legitimorum ieiuniorum, quæ suprà commemorauimus, quæ generaliter sancta & Apostolica seruat Ecclesia: Sed & illa quoque seruare oportet vnumquemque, quæ cōmuniter omnibus facere, siue pro tribulatione, siue pro gratiarum actione proprius Ecclesiæ mādāt Episcopus. Quia qui constituta & demandata ieiunia seruare neglexerit, peccat; qui autem expletis legitimis priuata superaddiderit, propriam mercedem habebit. Hæc Rabanus, quæ planum faciunt, non tantū communia obligandi vim obtinere, violataq̄ noxam adducere, sed loci quoq̄ cuiusque propria.

Lib. 2. ca. 15. de Cler. instit.

Peccant, qui cōstituta ieiunia negligunt, siue ea propria fuerint, siue communia.

VERVM enim uerò licet omne omnino ieiunium obligatorium absq̄ causa calcatum noxam adducat, non quoduis tamen semper parem: Quandoquidem ea maiorem adducere solent, quæ à maiori auctoritate sunt profecta, ea contrā minorem, quæ à minori potestate sunt indicta. Cū ergo maior sit auctoritas

Non omnia ieiunia paria sunt obligationis.

Aposto-

Communia ie
iunia maiorem
partem ab Apo-
stolis orta.

Apostolorum & totius Ecclesiæ, quàm cuiuscunq; Metropolitani; & huius rursus potior, quàm cuiusvis Diocæsani aut alterius cuiusque inferioris Prælati; sit, vt cæteris exæquatis, magis peccent, qui citra iustam causam frangunt vel contemnunt communia, quàm qui propria: Siquidem communia omnia ab Apostolis vel sede Apostolica, vel, quod in idem ferè redit, ab vniuersalis Ecclesiæ auctoritate sunt orta, & promulgata. Et inter eos, qui soluunt propria, magis offendunt, qui ea flocci faciunt, quæ religiosè obseruantur in tota prouincia, quàm qui ea, quæ in vno solo Episcopatu, vel in vna tantum parochia, aut in vno solum Collegio.

Communia ie
iunia p'erunq;
magis diuturna,
quàm propria,
& quare?

Nullum ieiuniũ
ita firmũ, quod
cõtraria consue-
tudinẽ abrogari
non queat.

SUNT qui inter communia & propria hoc quoque intercedere asserunt, quòd hæc illis plerunque sint minùs diuturna. Nam etsi propria perpetua esse queunt, sicut propria quoque festa; ferè tamen eiusmodi non sunt, siue id inde eueniat, quòd causas habeant plurimùm momentaneas; siue inde etiam, quòd priuatæ Ecclesiæ rector facili momento id soleat euertere vel antiquare, quod alius instituerat. Communia autem quòd maiori ex parte perpetuas vel graues certè causas habeant, non ea facilitate abrogantur, quamuis per contrariam consuetudinẽ abrogari queant. Quemadmodum multa iam, quæ in primitiua Ecclesia piè & religiosè obseruabantur, nunc in dissuetudinẽ abierunt. Quare nulla simpliciter sunt perpetua, hoc est, ita firma, vt opposita consuetudine vel alio modo labefieri non queant.

Quid intercedat
inter communia
ieiunia.

CAETERVM inter communia ieiunia hoc præter cætera intercedit, quòd præferiarum pleraque oninia ab Ecclesiæ Hierarchis, post Apostolorum consummationem sunt instituta. Quadragesima autem ab ipsis Apostolis est uata. Idem affirmant quidam de ieiunio, tertio quoque mense recurrente. Alij aliud de illius origine statunt. Vtunque res habet, certum est æquè in veteri Testamento adumbratum esse atque ieiunium Quadragesimæ. Scriptum est enim: *ieiunium quatuor: i, & ieiunium quinti, & ieiunium septimi, & ieiunium decimi erit domui Iudæ in gaudium & letitiam, & in solennitates præclaras.*

Zachar. 8.

VT ergo Apostoli ad Moyse, Eliæ, & CHRISTI exemplum instituerunt ieiunium Quadragesimale; ita, vt quibusdam placet, ad similitudinem ieiunij, quod Iudæi quarto, quinto, septimo, & decimo

decimo mense celebrabant, quatuor temporum ieiunia instituerunt. Verum de hac re loco magis idoneo postea: hic enim de Ecclesiasticorum ieiuniorum qualitate, eorundemq; inter se discrimine soluni disputamus. Porro de communium ieiuniorum generibus non est quòd aliquam peculiarem tractationem hinc instituiamus: Siquidem ex iis, quæ hæcenus dicta sunt, satis exploratum est, omnia communia ieiunia ad tria capita reduci, nempe ad ieiunium Quadragesimæ, ad ieiunium quatuor temporum, ad ieiunium præfæciarum, seu vigiliarum. Quòd si quid adhuc superest, quod explicatione indiget, id, dum de singulis seorsum discitemus, palàm fiet.

Omnia communia Ecclesiæ ieiunia ad tria capita referuntur.

Inter communia ieiunia, quodcumq; tandem spectare lubeat, principem locum obtinere ieiunium Quadragesimæ.

CAPVT NONVM.



ACROSANCTVM Quadragesimæ ieiunium in tanta apud veteres veneratione fuit, vt quidã primi nominis Theologi non humanam institutionem, sed diuinam traditionem esse scribere nõ dubitauerint. Sed & illi ipsi quoq; qui illius originem & institutionem ad Apostolos referunt, vt pleriq; omnes referunt, non absq; secreta DEI inspiratione ab iisdem institutum disertè asserunt.

Ieiunium Quadragesimale in magna apud veteres veneratione fuit.

CAETERVM Quadragesimæ nomine aliud nihil hoc loco accipimus, neq; deinceps accepturi sumus, quàm quadraginta dierum ieiunium; siue illud ordinarium fuerit, humanæq; naturæ viribus aptum; siue extraordinarium, communesq; naturæ vires excedens. Ordinarium fuit Niniuitarum; nam etsi primo triduo, cuius solius scripturæ meminerunt, fuerit quodãmodo extraordinarium, (abstinebāt enim homines & pecora ab omnibus) reliquis tamen 37. diebus (quadraginta enim totos dies ieiunius, aliisq; pœnitentiæ munis vacasse creduntur, non tres tantum) fuit communi ieiunantium legi consentaneum. Prodigiosum & quasi extraordinarium fuit Moyfi, Eliæ, & CHRISTI. Transegerunt hi enim 40. dierum intervallum absq; vllò omnino cibo & potu, id quod solis naturæ viribus instructi, præstare non poterant.

Quid accipiat nomine quadragesimæ.

Ion 3.

Moyfi, Eliæ, & Christi ieiunium prodigiosum.

In Phil. ca. 26.

Comperiti post
Christi & Moy
sen, q. totos 40.
dies absque vlllo
cibo & poru
trāire iterent.

Cap. 29.

Admirabile ie
iunium Simeo
nis Maranæ, &c
Cyra.

QUIN post CHRISTVM quoque, Moysen, & Eliam com
perti sunt, qui peculiari DEI spiritu adiuti corroboratiq; tantum
dierum intervallum absq; vlllo naturali alimento transmitterent.
Nam vt de aliis, quorum alij meminerunt, nihil dicam, Theodo
retus peruetustus scriptor refert, Simeonem quandam insignem
DEI seruum, Moyse & Eliæ diuinorum virorum exemplo 40. dies
sificiunasse, vt post eos sacram communionem, & postea lactu
cas, aliaque ægrè admitteret. Id ipsum ter præstitisse commemo
rat idem auctor Maranam & Cyram sanctas mulieres. De ie
iunio hebdomadario absque vlllo cibo transacto extant plura e
xempla, quàm vt paucis referri queant. Quæ sanè ieiunia si pro
digiosa extitisse negas, miraculi certè manifesti expers non erat,
quòd tali ieiunio se affligentes æquè vegeti comperiebantur die
ultimo, quo ieiunandi finem faciebant, ac primo, quo ieiunare
cœperant.

Adc. 4. Luc.
Gene. 7.
Gene. 8.

Exod. 34. 24.

Matth. 4.
Lucæ 4

DE numeri huius quadragenarij mysteriis & symbolis multi
multa adferunt. Nos Ambrosium, Hieronymum, Augustinum,
Gregorium, aliosq; veteres ea de re differentes audire malumus,
quàm priuatam sententiam depromere. Ambrosius: Quadragin
ta dies mysticum numerum agnoscis. Tot enim diebus aquas
abyssi effusas esse meministi. Tot ieiunio dierum sanctificato re
fusam cœli serenioris esse clementiam. Tot dierum ieiunio Moy
ses perceptionem legis emeruit. Tot annos in eremo constituti
Patres panem Angelorum & cœlestis alimonie gratiam conse
cuti sunt. Nec antequam mystici numeri tempus replerent, ter
ram promissionis intrare meruerunt. Tot dierum ieiunio ad Do
mini Euangelium nobis patefcit ingressus. Vnde si quis Euange
lij gloriam fructumq; resurrectionis optat adipisci, mystici ieiu
nij præuaricator esse non debet.

Ser. 67. de temp.
Gene. 7.

Ioh. 1. c. 169. q.
sup. Gene.

HIS cognata sunt hæc Augustiniana: Salutaris & mysticus est
quadragenarius numerus. Nam primùm cum mundi faciem ini
quitas hominum possideret, tot dierum curriculo DEVS effusus
de cœlo imbribus, vniuersam terrā diluuio superfudit. Vides ergo
in illo tempore mysterium in figura depositum. Nam sicut tunc
40. diebus pluit ad purgandum mundum, ita & nunc 40. diebus
miseretur ad hominem purificandum. Et alio rursus loco idem:
Quadraginta dies sepultura, quos commemorat scriptura, fortè
signi-

Matth. 16, in Ba-
angel.

Per Quadrage-
simæ ieiunium
anni decimas
DEO persolui-
mus.

De quatuor die-
bus, qui sex qua-
dragesimæ heb-
domadib. ad 40.
dierum numeri
explem adii-
ciuntur, variæ
sententiæ.

Nō eodem ritu,
modo & tempo-
re Quadragesi-
ma fuit celebra-
ta apud oēs.

Lib. 9. cap. 38.

In eisdem tempore
Quadragesima-
li magna apud
veceres varietas.

BEATVS Gregorius 40. dierum ieiunium, quasi anni decimas à nobis exigi alicubi tradit. A prima Dominica Quadragesimæ, scribit ille, vsq; ad pascha Dñi sex hebdomadæ computantur, quarum videlicet 42. dies sunt, ex quibus dum sex Dominici dies abstinentiæ subtrahuntur, nō plus in abstinentia quàm 36. remanent. Verbi gratia, si per 365. dies annus voluitur, deinde per 36. affligimur, quasi anni decimas DEO damus; sed vt facer numerus 40. dierum adimpleatur, quem Saluator noster sacro suo ieiunio consecrauit, quatuor dies prioris hebdomadæ ad supplementum 40. dierum, id est, quarta feria, quæ est caput ieiunij, subnotatur, & quinta feria sequens, & sexta feria, & sabbatum. Nisi enim istos dies quatuor 36. superioribus adiunxeris, 40. dies in abstinentia non habemus. Iubemur autem ab Omnipotente omnium bonorum nostrorum decimas dare. Hactenus Gregorius.

EANDEM quadragenarij ieiunij rationem, post Gregorium, assignat etiam Isidorus. Cassianus cæteris mystici numeri huius symbolis addit etiam 40. mansiones, quas populus Israëliticus habuit in deserto. Quatuor adiectionis dies, quæ quadragenarium numerum iuxta B. Gregorij expositionem explent, quidam ad eorum peccatorum punitionem referunt, quæ ex inordinato creaturarum, quæ ex quatuor elementis cōstantur, amore proficiscuntur. Alij ad eorum, quæ ex quatuor capitalibus animi affectionibus oriuntur. Nonnulli ad expletionem quatuor temporum, quæ in Quadragesimam iucidunt. Alij aliò, prout in eiusmodi symbolis quilibet in suo sensu abundare solet.

IEIUNII porrò quadragesimalis ritus, siue ciborum delectum, siue dierum numerum, siue ieiunationis initium species, non idem fuit apud omnes semper, sed alius frequenter apud alios populos & nationes: De vario ciborum delectu agunt hæc Socratici Scholastici Constantinopolitani: In ieiuniis ciborum abstinentiam non similem habent. Nam alij ab animatis omnino abstinent: Alij ex animantibus pisces solummodo comedunt: Quidam cum piscibus vescuntur etiam volatilibus, dicentes hæc secundum Moysen ex aqua habere substantiam: Alij verò etiam à carnibus & ouis abstinent: Quidam sicco tantum pane vescuntur: Alij ne hoc quidem. De diuerso autem dierum numero hæc D. Irenæi disserunt.

Non de die paschali solum, sed etiã de ieiunij ratione & modo est ista constituta controuersia. Quidam namque vnum diem se ieiunare existimant, alij duos, non pauci plures, multi 40., atque diurnis nocturnisque horis omnibus numeratis diem suam mediantur & statuunt. Atque eiusmodi eorum, qui hæc obseruabant ieiunia, varietas & discrepantia non nostra etate coepta est, verum etiam longè antè apud maiores nostros, qui, vt coniectare licet, non accuratè consuetudinem illorum, qui vel simplicitate quadam, vel priuata auctoritate, aliquid in posterum tempus statuisserent, obseruauerunt. Hucusque Irenæus.

Epistol. ad Viã.
Pont. Max.
Eusl. 5. c. 24.

Ætate Irenæi & de Quadragesima & de paschatis ratione controuersia nō parua.

Non multum ab his discrepant hæc Hermiæ Sozomeni: Iam illani, quæ hinc processit, quæque appellatur Quadragesima, in qua populus ieiunat, alij in sex dierum septimanas computant, vt Illyrij & qui ad occidentem siti sunt, nec non & vniuersa Lybia & Ægyptus cum Palæstinis: Alij in septem, vt Constantinopolitani & nationes circumiacentes vsque ad Phœnices: Alij sparsim tres intra sex aut septem istas ieiunant: Alij tres pascha immediatè præcedentes continuant: Alij duas, vt Montani Sectatores. Hæc Sozomenus.

Lib. 7. c. 19.

De diuerso tandem exordiendi modo & hæc ipsa agunt. (certum est enim, qui septem hebdomadas ieiunant, citius inchoare Quadragesimam, quàm qui sex tantum: & qui sex, citius rursus, quàm qui tres solus; & qui tres septimanas, citius quàm qui vnam solum aut duos dies ieiunant. Statuimus hinc enim, omnes ad solennitatem paschalem, ieiunium absoluerent, illudque eodem ubique tempore celebrari.) Et ea rursus, quæ venerabilis Beda ea de re annotauit: Siquidem libro de offi. Ecclesiæ inter cætera docet, alios Quadragesimam à Septuagesima auspicari solitos, alios à Sexagesima, alios à Quinquagesima, alios à Quadragesima, alios tantum à die cinerum, hoc est, à feria quarta ante Dominicam Quadragesimæ.

A Septuagesima ieiunandi initium faciunt nonnulla religionum hominum collegia. Auspicabantur inde quoque, si historie Polonicę fides est, veteres Sarmatę. A Sexagesima, tempore venerabilis Bedæ, plerique Græci. A Quinquagesima religiosi & clerici, qui Thelesphori sanctioni paruerunt; & multi etiam nunc Orientalis Ecclesiæ Christiani. A Quadragesima Mediolanenses

Variis ritibus exordiendi Quadragesimam.

Lib. 9. c. 38. his-
trip.
Falluntur qui B.
Gregorium qua-
tuor dies Qua-
dragesimæ adie-
cisse opinantur.

& Hellas vniuersa, si vera sunt, quæ ea de re commemorat Socra-
tes. A die cinerū tandem quotquot ferè Romanæ Ecclesiæ ritum
& fidem æmulantur, & iam inde ab initio æmulati sunt. Falluntur
enim, qui dies illos quatuor, qui Dominicam Quadragesimæ pro-
ximè antecedunt, Gregorium adiecisse nugantur. Extant namq;
Augustini & aliorum vetustissimorum Patrū sermones Quadra-
gesimales in diem cinerum, & alios tres ordine consequentes ha-
biti, in quorum vno Augustinus suos ita affatur:

Sermon in sab-
bato ante Quadrag.

Qui in Quadra-
gesima non iei-
nat, pœnam sen-
tiet.

Rogo vos, fratres charissimi, & admoneo, vt in isto legitimo
& sacratissimo tempore, exceptis Dominicis diebus, nullus pran-
dere præsumat, nisi forsan ille, quem infirmitas ieiunare non per-
mittit. Quia aliis diebus ieiunare remedium est, aut præmium: In
Quadragesima autem non ieiunare peccatum est. Alio tempore
qui ieiunat, accipiet indulgentiam; in Quadragesima qui non ie-
iunat, sentiet pœnam: & tamen qui ieiunare non præualet, secre-
tius sibi soli, aut si alius infirmus est, cum ipso in domo sua præpa-
ret, quod accipiat, & illos, qui ieiunare præualent, ad prandium
non inuitet: Quia si hoc fecerit, non solum D E V S sed etiam ho-
mines possunt intelligere, illum non pro infirmitate, sed pro gula
ieiunare non velle.

Lib. 9. c. 38.

A T magis fallitur Socrates, qui populum Romanum tres tan-
tū hebdomadas ante sacrum pascha ieiunare consueuisse com-
memorat. Nihil enim certius, quàm Romanos id studiosè & reli-
giosè obseruasse, quod à D. Petro, eiusdemq; successoribus acce-
perant. Ab illis autem non vigesimam aut vix vigesimam (Admit-
tis enim cuilibet septimanæ duos dies, sabbatum nimirū & Domi-
nicam; sed eadem fide, qua alterū illud: Cōstat namq; Romanos
nō solum intra Quadragesimam, sed extra Quadragesimā quoq;
sabbatum in ieiuniis habuisse) sed acceperant Quadragesimam;
comptum enim habebāt illud commune Apostolorum decre-
tū: Si quis Episcopus, aut Presbyter, aut Diaconus Quadragesimā
nō ieiunauerit, deponitor; si laicus sit, cōmunionē priuator. Tum
illud rursus Ignatij: Quadragesimam nolite pro nihilo habere,
imitationē enim continet Dei conuersationis. Tum illud deniq;
Clementis Romani, aut D. Petri verius per Clementem promul-
gatum: Seruandum est à nobis ieiunium Quadragesimæ, quod
continet memoriā conuersationis & legislationis Domini.

Lib. 5. c. 13.

QVOD

Quoniam si quis Thelephorum, qui sextus à Petro Romanam cathedram obtinuit, non quadraginta, sed quadraginta duos dies ieiunio consecrasset obiciatis paucis responsum habeat, prædictum pontificem quadragenarium numerum, quem ab Apostolis accepisset, non mutasse; sed clericos, quod ab aliis fecernerentur, commune omnium ieiunium biduo anticipare voluisse. Quod dicimus, ex illius constitutione manifestum est; ait enim: statuimus, ut septem hebdomadas plenas ante sanctum Pascha omnes clerici, id est, in sortem Domini vocati, à carne ieiunent. Quia sicut discreta debet esse vita clericorum à laicorum conuersatione; ita & in ieiunio debet esse discretio. Hec sane commune ieiunium, quod ante Thelephorum in Romana Ecclesia receptum erat, non mutant, sed clericis, quid cæteris amplius præstare debeant, insinuant, & hoc ipsum adhuc per modum consilij veriùs, quam absoluti præcepti; nam si absoluto præcepto id cauisset, non solum Monachi & regulares clerici huic decreto paruissent, sed cæteri omnes, quotquot ordinis extitissent Ecclesiastici, quod tamen ordinariè non fit, neque antè quoque factum fuit. Imò verò ne fieret, alicubi inhibitum videtur. certe Aurelianensis Synodus quiddam eiusmodi præ se fert; ait enim: Id sacerdotibus omnibus est decretum, ut ante paschæ solennitatem non Quinquagesima, sed Quadragesima teneatur.

d. 4. c. statuiimus.

Thelephori sanctio de Quadragesima anticipanda non obtinuit.

Can. 16.

ALLEGANT alij, Orientales plerosque septem vel octo hebdomadas ante pascha ieiunium ordiri, adeoque quadraginta dierum numerum accuratè non obseruare. Sed neque hi quoque, quod de numero quadragenario dicta sunt, infirmant: Quandoquidem octo dominicis, totidemque sabbatis, quibus ipsi ieiunare non solent, ab octo hebdomadibus sublatis, 40. tantum dies ieiunio consecrati manent reliqui. Instas: ergo qui septem solum septimanis ieiunant, tantum 38. dies ieiunabiles reliquos habent. Respondet Damascenus duplex esse ieiunium, alterum quod à vespere ad vespere usque in *παρατελὲς ασιτία* producit, quod plenum perfectumque appellari potest; alterum quod in *τινὶς ἡμερῶν ἀποχή* positum, constituit quoddam semiplenum, siue portionale ieiunium. hoc obtinebat, & etiam nunc obtinet apud Orientales die sabbati; illud in quinque reliquis diebus. atque ita habemus quadragenarium dierum numerum plenum, vel aliquid etiam eò amplius. Hac distinctione illorum quoque ieiunium, quod quidem ad dierum numerum attinet, Quadragesima appellari potest; qui

Duplex ieiunium, plenum & semiplenum.

qui feria secunda post Dominicam primam Quadragesimæ ieiunare incipiunt. Nam & ipsi quoque reliquis Dominicis. *τινῶν ἡμερῶν ἀπέχουσι*, hoc est, à carnibus, ovis, cæterisque eiusmodi abstinent.

SIVE ergo Orientales Quadragesimam suam auspicentur à Quinquagesima, ut eam inde inchoari volunt Athanasius, Petrus Martyr Patriarcha Hierosolymitanus, Basilii Magni, Anastasii Antiocheni, imò ipsæ quoque constitutiones Apostolicæ; siue à Sexagesima, ut eandem ex quorundam sententia exordientem existimat sanctus Dorotheus; siue à Quadragesima; siue à die Cinerum; siue à quocunque alio certo præfinitoque die, ad vnum omnes ieiunium illud Quadragesimæ nomine designant, eiusque vim & usum amplissimis verbis deprædicant. Origenes habemus Quadragesimæ dies ieiuniis consecratos. Theophilus Alexandrinus: Nequaquam diebus Quadragesimæ, sicut luxuriosi diuites solent, vini poculum suspiremus, neque in prælio, ubi labor & sudor est necessarius, carniū edulio delectemur. Cyrillus; Illi ieiunant, qui perdidērunt sponsum, nos ieiunare non possumus, habentes nobiscum sponsum. Neque hoc tamen dicimus, ut abstinentiæ Christianæ frena laxemus; habemus enim Quadragesimæ dies ieiunio consecratos.

CHRYSTOMVS: Hodie ingenti alacritate surrexi, vñà vobiscum lætitiæ illius spiritalis particeps futurus, & volens aduentus sanctæ Quadragesimæ, remedij, inquam, animarum nostrarum vobis annūciator esse. Communis enim noster omnium Dominus, veluti pater filios indulgenter amans, cupiens ea, quæ vnquam peccauimus abluere, hanc nobis, quæ per ieiunium fit, curationem adinuenit. Augustinus. Adest nobis venerabile tempus Quadragesimæ, charissimi, per quod ieiunantes peccatorum nostrorum vulnera curare debemus. Quantum ergo sit bonum ieiunium, breui sermone, exemplis additis, disseramus. Moyses primus 40. diebus & noctibus cum ieiunasset, legem Domini accipere meruit, per quam populus imperaret. Impetraverūt vnus hominis ieiunia, quod totius populi saturitas desperauerat.

AMBROSIVS: Qui dicit, se in CHRISTO manere, debet, sicut ille ambulavit, & ipse ambulare. Si vis ergo Christianus esse, debes, quod CHRISTVS, & ipse facere. Ille, qui peccatum non habebat

ἐν τοῖς ἑορτ.
Ser. cont. ebriof
ἐν τῷ ὁδῳ.
Lib. 5. c. 15.

Li. de ieiun.

Serm. 3. Pasc.

Lib. 10. in Leuit.

Marc 2.
Lucæ 5.
Hom. 1. in
Genes.

Ieiuniis abluuntur peccata.

Ser. 15. de temp.

Ieiunio peccatorum vulnera sanantur.

Exodi 24 34.

Sermon. 25. de Quade.

habebat, Quadragesimam ieiunauit, tu non vis Quadragesimam ieiunare, qui peccas? Ille, inquam, peccatum non habebat, sed pro nostris ieiunauit peccatis. Qualis ergo apud conscientiam tuam Christianus es? cum CHRISTO pro te esuriens, non ieiunas? Non igitur, vt dixi, leue peccatum est, indictum violare ieiunium. Idem: Bonum est quidem, cunctis temporibus ieiunare, sed melius ieiunare Quadragesimam cum CHRISTO. Hanc enim nobis Quadragesimam Dominus suo ieiunio consecrauit. Et infrà: Superiori Dominica prædicauimus, quòd sanctam Quadragesimam abstinendo ipse Dominus consecrauit, quam in totum non obseruare, sacrilegium est, ex parte violare, peccatum est.

Serm. 34.
Non leue peccatum est, indictum ieiunium violare.
Serm. 37.

BASILIVS Magnus: Nulla est insula, nulla terra continens, non ciuitas, non gens vlla, non extremus mundi angulus, vbi non sit auditum ieiunij edictum: Quin & exercitus, & viatores, & nautæ, & negotiatores omnes pariter audiunt edictum, & summo gaudio accipiunt. Ne quis igitur se excludat à numero ieiunantium, in quo omne hominum genus, omnis ætas, omnes dignitatum formæ censentur: Angeli sunt, qui in singulis Ecclesiis describunt, ac recensent ieiunantium capita. Hæc Basilius de Quadragesimæ ieiunio; de eo enim ibi verba facit.

Hom. 2. de ieiun.

Angeli obseruât & describunt singulorum ieiunantium capita.

BERNARDVS: Hodie sacrum Quadragesimæ tempus ingredimur, tempus militiæ Christianæ. Non nobis singularis est hæc obseruatio, vna omnium est, quicumque in eandem fidei conueniunt vnitatem. Et infrà: Hactenus vsque ad nonam ieiunauimus soli, nunc vsque ad vesperam ieiunant nobiscum vniuersi reges & principes, clerus & populus, nobiles & ignobiles, simul in vnum diues & pauper. Hinc patet, non modò Basilij, sed D. Bernhardi quoq; tempore, qui secula aliquot Basilium consecutus est, paucissimos à ieiuniorum lege fuisse exemptos; Tum eadem illa ætate Quadragesimæ ieiunium, si non passim, certè in Galliis, ad noctem vsque productum solitum fuisse. Scribit enim: hactenus vsque ad nonam ieiunauimus soli, nunc vsq; ad vesperam ieiunant nobiscum vniuersi.

Ser. 1. de Quadr.
Quadragesima tempus militiæ Christianæ.

GREGORIUS Nazianzenus: CHRISTVS paulò ante tentationem ieiunauit, nos ante pascha. Ieiunium vnum & idem est, at vtriusq; temporis non parua est differentia. Ille enim ieiunium aduersus tentationum impetus obiecit; nobis autem hoc ieiunio

Hom. in f. Bapti.
Alio Christus, alio tempore nos ieiunium celebramus.

d signifi-

significatur, cum CHRISTO emoriendum esse: Ille 40. totos dies à cibo abstinuit, utpote DEVS, nos autem ad virium nostrarum modulum attemperamus.

Epist. ad Marcel.

HIERONYMVS: Nos vnā Quadragesimā secundū Apostolorum traditionem toto anno, tempore nobis congruo ieiunamus; illi tres in anno Quadragesimas faciunt, quasi tres passus sint Saluatores; non quòd per totum annum, excepta pentecoste, ieiunare non liceat; sed quòd aliud sit necessitate, aliud voluntate munus offerre.

Toto anno licet ieiunare.

Ser. 1. de Quadr. Magna vis fructusque ieiunij quadragesimalis.

LEO Magnus: Scientes dæmones, nos agere sacratissimos dies Quadragesimæ, in quorum obseruantia omnes præteritæ desideria castigantur, omnes negligentia diluuntur, ad hoc totam suæ malignitatis vim intendunt, ut celebraturi sanctū Pascha Domini in aliquo inueniamur indigni; & vnde nobis obtinenda erat propitiatio, inde cōtrahatur offensio. Et infra: Quando opportuniùs, dilectissimi, ad remedia diuina recurrimus, quàm cum ipsa nobis Sacramenta redemptionis nostræ, temporum lege referūtur? quæ ut digniùs celebremus, saluberrimè nos 40. dierum ieiunio præparemus.

Serm. 5.

Ep. ad omnes Ep. c. 10.

In Quadragesima ab amplexibus abstinedum vigiliisq; & orationibus vacandum.

LIBERIVS Pont. Max. Abstinentū est his sacratissimis 40. diebus à coniugibus, & castè & piè viuendum est, ut sanctificato corde & corpore isti dies transigantur; donec perueniatur ad diē sanctum Paschæ; quia nihil penè valet ieiunium, quod coniugali opere polluitur, & quod orationes, vigilia, & eleemosynæ non commendant. Hæc diligenter obseruent tū cæteri omnes, tū ij maximè, qui non solum totam Quadragesimam, sed totam penè vitam in publico concubinatus sacrilegio summòque luxu & obscenitate transigunt.

Lib. 1. off. Eccl.

ISIDORVS: Primum ieiunium Quadragesimæ est, quod à veteribus libris cœpit ex ieiunio Moyfis & Eliæ, & ex Euangelio, quia totidem diebus Dominus ieiunauit, monstrans Euangelium nō dissentire à lege & Prophetis. In persona quippe Moyfis lex; in persona Eliæ Prophetæ accipiuntur; inter quos in monte CHRISTVS gloriosus apparuit, ut euidentius emeretur, quod de illo dicit Apostolus: Testimonium habens ex lege & Prophetis.

Lib. 2. cap. 18. Instit. cl.

RABANVS: Statio est obseruatio statutorum dierum vel temporum: Dierum ut quartæ & sextæ feriæ ieiunium: Temporum ut obser-

obſervatio Quadrageſimę, quę in vniuerſo orbe inſtitutione Apoſtolica ſervatur, circa confinia Dominicę paſſionis. En omnes hi patres ex inſtituto agunt de Quadrageſima, eiufdemquę uſu, inſtitutione, antiquitate, ſanctitate, generali obligatione &c. Agunt eadem de re quoque Concil. Nicenum, Conſtantinopolitanum, Martinianum, Agathenſe, Caſarauguſtanum, Mاتيſconenſe, Toletanum quartum, Toletanum octauum, Laodicensem, & alia præterea non pauca, quorum decreta, ubi de ieiuniorum vtilitate & obligatione ex propoſito diſſeremus, quatenus neceſſarium vel opportunum videbitur, in medium adferemus.

CAETERVM quid Apoſtolos mouerit, vt ieiunium hoc inſtituerent, id peculiari explicatione nõ indiget, vt ieiunium hoc inſtituerent, id peculiari explicatione nõ indiget, ſiquidem ex iis, quæ hæcenus expoſita ſunt, ſuoq; adhuc loco exponetur, ſatis clarè id patet: Vno verbo dici poteſt, hoc ipſum illos mouiſſe, quod illos mouit vt alias leges & ſanctiões ederent; nempe publicam vtilitatem certamquę membrorum Eccleſiæ neceſſitatem. Nam vt paulò poſt planum fiet, ieiunium eſt res ſaluberriſſima, vitæquę ſpirituali ita neceſſaria, vt abſque ea diu ſalua conſiſtere vix queat. Quod ſi vnicuique liberum relictum foret ieiunare, quando vellet, & quantum vellet, temporis lapſu vel nulli vel certè pauciſſimi in ſancto illo ſalutarique opere ſeriò ſeſe exercuiſſent. In conſeſſo enim eſt, ſpontanea ieiunia vſque adeò rara hac tempeſtate eſſe, vt pauci admodum comperiantur, qui ea accuratè ſeruent, quæ ſeucriſſimis legibus olim indiſta ſunt. Quid ergo futurum erat, ſi nulla omnino fuiſſent præcepta?

CVR autem 40. & non plurium vel pauciorum dierum ieiunium inſtituerunt, explicatũ eſt iam antè: Adde nihilominus, quò carnis impetus magis mitiſceret, pleniorquę purgatio & ſatisfactio obueneret, opus fuiſſe plurium dierum abſtinentiæ. Neque enim vt inſitam illam carnis concupiſcentiam vtcunque edomes, vitioſoſquę habitus expugnes, aut Deo pro peccatis ſatisfacias, adeoq; ad dignam ſacramenti Eucharistiæ ſuſceptionem, (adhanc enim ieiunium Quadrageſimale præcipuè ordinatur) idoneè te præpares, ſat eſt, ſi ſemel aut iterum abſtineas; ſed opus eſt diuturna quadam corporis exercitatione, vt, quod vno aut altero ieiunio obtentum non fuerat, id obtineatur tertio, aut quarto.

Quadrageſima eſt inſtitutio Apoſtolica.

Ieiunium reſ ſaluberriſſima.

Spontanea ieiunia mirè infrequentia.

Ieiunium Quadrageſimale ad dignã ſacramenti Eucharistiæ ſuſceptionẽ ordinatur.

Humanæ naturæ
imbecillitas non
fert perpetuum
ieiunium.

NEQUE hinc tamen sequitur, perpetuò ieiunandum esse: si-
quidem humanæ naturæ imbecillitas perpetuū ieiunium vel non
fert, vel ægrè admodum fert. Adhæc in omni re, maximè verò in
spiritualibus exercitiis cauendum est, ne quod tædium obrepat; at
perpetua eiusdem semper operis continuatio fastidium & nau-
seam generare, deuotionisque aciem retundere solet. Denique
licet caro, ne temerè contra spiritum insurgat, continuò com-
primi debeat; non est tamen necessarium, vt per continuatum ie-
iunium istuc fiat: Sunt enim alia multa, per quæ idem obtineri
queat, etsi non æquè commodè, vt ostensum est.

Causæ, cur Qua-
dragesima inco-
te vere celebre
tur, plures.

Ex prædictis causa quoque peti potest, cur Quadragesimæ
ieiunium, ineunte vere potius, quàm vllò alio anni tempore cele-
brari voluerint. Constat enim, peccatum, quod nos perdidit, to-
tòque vitæ curriculo miserabiliter affligit, verno tempore conflat-
tum fuisse; eodem quoque tempore CHRISTVS Redemptor
noster cùm pro hoc ipso tum pro cæteris omnibus mortem per-
tulit. Constat nihil osecius, propter crescentem calorem, gliscen-
temque humoris copiam, carnis libidinem, quam ieiunio oppu-
gnamus, circa id tempus maiorem in modum intendi. Constat
denique, resurrectionis Dominicæ festum, quod ob Eucharistiæ
sumptionem, peculiarem præparationem exigit, in vernam tem-
pestatem perpetuò cadere. Quæ causa tanti momèti est, vt Chry-
sostomus alicubi tradiderit, Quadragesimale ieiunium ob vnā
hanc potissimū institutum esse.

Honi de ieiun.
pri. pag.

MVLTI, scribit ibi, olim accedebant ad mysteria ἀπλῶς καὶ ὡς
ἐτυχιμ, hoc est, promiscuè ac sine vlla præparatione, eo præsertim
tempore, quo CHRISTVS tradidit seipsum. Quare cùm patres
(Apostolos designat) intelligerent, secumque reputarent incom-
modum & detrimentum ex negligenti illo accessu, congregati
ἐτύπωσαν sanxerunt; vel decreuerunt 40. dies ieiunij, precatio-
num, auditionis verbi DEI, ac conuentus ad Ecclesiam, vt his die-
bus purgati omnes diligenter per preces, per eleemosynas, per
ieiunium, per vigilas nocturnas, per lachrymas & compassionem
& per cætera alia, sic pro viribus nostris cum pura conscientia ac-
cedamus. Hæc Chrysostomus de præparatione ad mysteriorum
suscceptionem per ieiunia aliisque pietatis officia ex Apostolica
sanctione.

Præparatio ad di-
gnā Eucharistiæ
sumptionē plu-
ra requirit quā
ieiunium.

SIVE ergo in ieiunio Quadragesimali dierum numerum spectes; siue tempus vel modum, quo illud celebrari solet, cōsideres; siue aliam quamcunque eiusdem circumstantiam examines, nihil prorsus in eo comperies, quod certam iustamq; causam non habeat, quodque iure reprehendi queat. Porro autem de ieiunij huius utilitate & obligatione, cæterisque similibus nihil hīc ex instituto tractandum existimaui, sicut neque dereliquorum ieiuniorum vinculo quoque; pertinent hæc enim ad locum, vbi de obligatoriorum ieiuniorum vi & ratione ex proposito disputabitur. Nunc quæ de quatuor temporum & vigiliarum ieiunio explananda adhuc restant, pari breuitate expediantur.

Nihil circa quadragesimale ieiunium observatur, quod iustā causam non habeat.

Quatuor temporum, & quarundam præterea vigiliarum ieiunium heri non esse natum, sed vnā cum Ecclesia inchoatum.

CAPVT DECIMVM.

DE quatuor temporum ieiunio, primaq; eiusdem origine non idem omnium est iudicium: Quidam perinde ac Quadragesimæ ieiunium ab Apostolis profectum autumant: Alij post Apostolorum cōfirmationem ab Ecclesiæ proceribus institutum prædicant: Nonnulli Apostolorum ætatem antecessisse affirmant.

De quatuor temporum ieiunio, eiusdemque origine non idem omnium iudicium.

VNUM hic certum est, nempe aliquam illius vniuersam in veteri Testamento extitisse: Neque enim doctissimi sanctissimiq; viri nostrum hoc ad illud referrent, quod Iudæi mense quarto, quinto, septimo, & decimo celebrabant, si nullam prorsus cum illo communionem haberet: At plures ex illis eō referunt. Quod ex veteris prædicatione doctrinæ ad purificationem animarum corporumq; nostrorū ieiunium septimi mēsis assumimus, scribit Leo Magnus, non legalibus vos oneribus subiicimus; sed utilitatē continentia, quæ CHRIS TI Euangelio seruit, amplectimur. Eadem ad verbum penē ser. quarto, de ieiunio sept. mensis repetit.

Ieiunij quatuor temporum vniuersam in vet. Test. antecessit.

QUINTVS Isidorus Hispalensium Antistes, hoc ipso cum Leone facit, quod ieiuniorum tempora secundum scripturas sacras quatuor esse definit, in quibus per abstinentiam & lamentum pœnitentiæ, Domino supplicandum sit. Constat namque Scripturas

Serm. 7. de ieiunio, 7 mensis.

Lib. 1. ca. 36. & 37. cap. off.

Zachar. 3.

de eo ieiuniorum genere, quod nos quatuor anni temporibus celebramus nihil prorsus statuere; sed de eo tantum verba facere, quod Iudæi quarto, quinto, septimo, & decimo mense solenni ritu peragebant.

Plurimum intercedit inter quatuor temporum ieiunia, quæ olim celebrabant Iudei, & quæ modo Christiani.

At verò ut nostrum hoc ieiunium maximè ab illo fluxerit, non est tamen eadem vtriusque ratio. Nam neque ieiunia hæc iisdem anni temporibus; neque eodem dierum numero; neque eodem ritu aut modo; neque iisdem quoque de causis celebrantur. Neque enim nos mense Iulio, Augusto, Octobri & Ianuario ieiunamus; sed quatuor anni temporibus ex æquo penè diuisis; Et si non iisdem semper mensibus; neque septem diebus ieiunamus, sed tribus tantum; neque de vespere ad vesperam ieiunamus, sed usque ad nonam vel meridiem solum; neque propter confractas legis tabulas, aut propter ruptos ab hoste sanctæ ciuitatis muros, aut propter obortam ex exploratorum narratione in populo seditionem, diuturnamque in deserto peregrinationem, aut propter euersum profanatumque à Nabuchodonosore templum, aut propter dissipatas vnà cum duce suo Golodia tribus Iudæ reliquias, aut ob alias quascumque eiusmodi causas acceptæ clades ieiunamus; sed propter solam pietatem: Nempe quò debita, quæ negligentia nostra conflauimus, exoluamus, Deoque operum nostrorum primitias consecremus, ac CHRISTI tandem cruci eiusdemque perpersioni hac qualicumque corporis afflictione nos conformemus.

Solennibus ordinationibus iam inde ab Apostolorum ætate præmissa ieiunia.

Actor. 13.

SED & certum est quoque, sacras solennesque ordinationes ante mille quingentos annos circa hæc tempora fieri consueuisse; neque vllum citra statum ieiunium ordinaria lege sacerdotio initiatum esse; nemo enim, qui Apostolorum acta vel obiter tantum inspexit, nescit Paulum & Barnabam præmissa ieiunio in sacerdotum numerum cooptatos fuisse. Scriptum est enim: *Λειτουργῶν καὶ δουλῶν τοῦ κυρίου καὶ νηστευόντων*, hoc est, ministrantibus, vel sacrificantibus illis Domino & ieiunantibus, dixit illis Spiritus sanctus: *Segregate mihi Saulum & Barnabam, in opus, ad quod assumpsi eos. Tunc ieiunantes & orantes, imponentesque eis manus dimiserunt illos.* Ad hæc, ut ex capite proximè consequente manifestum est, Paulus & Barnabas sacris iam initiati, ita per singulas ciuitates Episcopos & Sacerdotes ordinant, ut tamen ieiunia non omittant. Denique cum idem Apostolus ad Titum scribens, eundem hortatur, ut per ciuita-

civitates & loca presbyteros & Episcopos constituat, vtiq; eo ritu & modo id eum facere voluit, quo ipse initiatus fuerat, vtiq; in tali re consueverat: ipse autem absque ieiunio ordinatus non fuerat, neq; citra ieiunium & orationem sacros ordines conferre solitus erat.

FACIT huc quoq; illud Leonis Magni: His, qui consecrandi sunt, ieiunis & ieiunantibus sacra benedictio conferatur. Nam præter auctoritatem cōsuetudinis, quam ex Apostolica nouimus venire doctrina, etiā sacra doctrina manifestat, quòd cū Apostoli Paulum & Barnabam ex præcepto Spiritus sancti ad Euangelium gentibus mitterent prædicandum, ieiunantes & orantes impositione eis manus; vt intelligamus, quāta & dantium & accipientium deuotione curandū sit, ne tantę benedictionis Sacramētum negligenter videamur impletum. Hæc Leo, quæ satis clarè ostendunt, ieiunia, quæ statis solēnibusq; ordinationibus de more præmittuntur, ex Apostolica doctrina & traditione descendisse, corroborandūq; etate celebrem vsum obtinuisse. Tum illud æquè, quod in B. Lini Pont. Max. actis habetur. Legitur hic enim mensis Decembris ieiunio (quod vnum est ex illis quatuor, quibus ordines publicè administrantur) bis illum ordinationes fecisse, duoq; de viginti presbyteros, & quindecim Episcopos duabus illis ordinationibus consecrasse. Similia in aliorum veterum Pontificum rebus gestis passim occurrūt. Dubium proinde nullum est, brumale ieiunium ab Apostolis ortum traxisse.

ET quia par omnium est ratio, idem cum Leone Magno de cæteris tribus statuere licebit. Certè de ieiunio, quod hoc tempore perpetuò cadit in Quadragesimā, & de eo rursum, quod post pentecostes festum celebratur, res est certa, quippe cum in Apostolicis constitutionibus expressa illius fiat mentio. Verba constitutionis ita habent: Post festum pentecostes celebrate vnam hebdomadam, post quam ieiunate alteram hebdomadam; æquum est enim, & latari de DE dono, & ieiunare post hilaritatem. Etenim Moyses & Elias ieiunarunt quadraginta dies, & Daniel hebdomadas dierum tres panem cupiditatum non comedit, nec caro, nec vinum in os eius intrauit. Hæc Clemens vel Apostoli ipsi. Neque enim is suam de ieiunio, quod post solennes pentecostes ferias peragitur, sanctionem refert, sed Apostolorum.

Epist. ad Dio.
Alex.

Act. 13.

Sacra ordinatio
Sacramentum.

Brumale ieiunium
ab Apostolis ortum.

Ieiunium, quod
post festum pentecostes celebratur, ab Apostolis institutum.
Lib. 5. cap. ult.

Exodi 24. 34.

3 Reg. 19.

Daniel 10.

Nō vno ſemper
tempore ieiunii
tertio quoque
menſe recurrēs
celebratum eſt.

Nāc quicquam præiudicat cauſæ, quòd ieiunium illud non intra pentecoſtes hebdomadam, vt noſtrum ſolet, Apoſtolorum tempore fuerit celebratum, ſed hebdomada, quæ pentecoſtes ſolemnitatem proximè conſequebatur. Nam etſi quatuor temporum ieiunium iam inde ab Apoſtolorum ætate in Eccleſia DEI fuerit vſitatum; attamen vt ex iis cognoscere licebit, quæ exempli maiorisquæ lucis cauſa ſubiicere hîc placet, non vno ſemper modo & tempore vbique celebratum fuit.

D 76. Conſtituimus.

SYNODVS Moguntiaca, Imperante Carolo Magno celebrata: Conſtituimus, vt tempora anni ab omnibus cum ieiunio obſeruentur, id eſt, menſe Martio hebdomada prima. Et feria quarta & ſexta & ſabbato veniant omnes ad Eccleſiâ hora nona cum Litaniiſ ad miſſarum ſolemnia. Similiter in menſe Iunio hebdomada ſecunda, feria quarta & ſexta & ſabbato ieiunetur vſque ad horam nonam, & à carne ab omniſ abſtineatur. Similiter in menſe Septembrio hebdomada tertia, & in menſe Decembrio hebdomada, quæ fuerit plena ante vigiliam natalis Domini, ſicut eſt in Romana Eccleſia traditum.

D 76. Can. de
ieiunio.

Ab hac temporum ratione non nihil degenerat. Concilium Salegunſtanum tempore Henrici ſecundi in eadem Moguntiaca diœceſi celebratum. Decretum illius ita ſonat: De incerto ieiunio quatuor temporum hanc certitudinem ſtatuiſ; vt ſi Cal. Martij, in quarta feria, ſiue antea euenerint, eadem hebdomada ieiunium celebretur. Si autem Calend. Martij in quintam aut ſextam feriam, aut ſabbatum diſtendantur, in ſequentem hebdomadam ieiunium differatur. Simili quoque modo ſi Cal. Iunij in quartam feriam aut ante inciderint, in ſequenti hebdomada ieiunium celebretur. Et ſi in quintâ feriam, aut ſextam, aut ſabbatum contigerint, ieiunium in tertiam hebdomadam reſeruetur. Et hoc ſciendum eſt, quòd ſi quando ieiunium menſis Iunij in vigilia pentecoſtes, ſecundùm prædictam regulam euenerit, nō ibi celebrandum erit, ſed in hebdomada ſolenni pentecoſtes. Eodem modo de Septembris ieiunio conſtitutum eſt, vt ſi Calen. in quarta feria euenerint, aut antea, ieiunium in tertia hebdomada celebretur, & ſi in quinta, aut ſexta feria, aut ſabbato contigerint, in quarta hebdomada ieiunandum erit. In Decembri illud obſeruandum erit, vt proximo ſabbato ante vigiliam natalis Domini

mini celebretur ieiunium; quia si vigilia in sabbato euenerit, simul vigiliam & ieiunium celebrare non conuenit.

CVM neutro horum satis conuenit quoddam Gerondensis Synodi decretum, quod etiam de his ipsis temporibus cauet, etsi nō de omnibus, sed de æstiuo aut autumnali tātūm. De æstiuo hæc decernit: Expleta solennitate pentecostes, in sequenti septimana à quinta feria in sabbatum, per hoc triduum abstinentia celebretur. De autumnali verò hæc: Secunda Litanía faciēda est Calend. Nouembris, ea tamen conditione seruata, vt si iisdem diebus Dominica intercesserit, in alia hebdomada secundū prioris abstinentiæ obseruantiam, à quinta feria incipiat, & in sabbati vespere missa facta finiatur, quibus tamen diebus à carnibus & vino decreuimus abstinendum.

Can. 2.

NON defuere, qui æstiuum ante pentecosten celebrarent. Hoc ieiunium, scribit Isidorus, à plerisque ex auctoritate Euangelij post Ascensionem Domini completur, testimonium illud Domini historialiter accipientibus, ubi dicit: *Nunquid possunt filij sponsi lugere, quamdiu cum illis est sponsus? venient autem dies, quando auferetur ab eis sponsus, & tunc ieiunabunt.* Dicunt etiam post resurrectionem Domini 40. illis diebus, quibus cum discipulis conuersatus est, non oportere ieiunare, nec lugere, quia in lætitia sumus. Postea verò cum illud tempus expletur, quo CHRISTVS auolans ad cœlos præsentia corporali recessit, tunc indicendum est ieiunium, vt per cordis humilitatem & carnis abstinentiam mereamur Spiritum sanctum suscipere. Hæc illi referente Isidoro, & post illum Alexandro Alensi. Parui itaq; roboris est, quod à temporum dissimilitudine contra Apostolicam cōstitutionem à quibusdam adfertur.

Li. 1. c. 27. offi.

Luc. 5.
Mat. 2.

4. p. q. 100. m. 4.

CAETERVM tantæ huic disparitati, quæ inde potissimum nata videtur, quòd alij alio modo ieiuniorum, de quibus hîc sermo est, ortum & scopum acciperent, nec mentis aciem in id, quod Apostoli tradiderant, conicerent, finem tandem imposuit Urbanus Pont. Max. Eius sanctio ita sonat: Statuimus, vt ieiunia quatuor temporum hoc ordine celebrentur, primum in initio Quadragesimæ, secundum in hebdomada pentecostes, tertium verò in Septembri, quartum in Decembri more solito fiat. Hæc Urbanus; cum quibus, quæ apud Leonem Magnum eiusdem Apo-

D. 76. Statuimus.

c

stolicæ

solitæ sedis Episcopum ea de re leguntur, per omnia consentiât, scribit is autem in hunc modum:

D. 76. Huius. **H**VIUS obseruantiz utilitas in Ecclesiasticis præcipuè constituta est ieiuniis, quæ ex doctrina Spiritus sancti ita per totius anni curriculum distributa sunt, vt lex abstinentiz omnibus adscripta sit temporibus: Siquidè ieiunium vernum in Quadragesima, æstiuum in pentecoste, autumnale in mense septimo, hibernum autem in hoc, qui est decimus, celebramus, intelligentes, diuinis nihil vacuum esse præceptis, & verbo Dei ad eruditionē nostram omnia elementa seruire, dum per ipsius mundi cardines, quasi per quatuor Euangelia incessabili tuba discimus, quod & prædicamus & agimus.

D. 76. Ieiunium. **N**EC pugnat cum his pontificibus Calixtus, cū ante se tria tantū ieiunia tertio quoquo mense recurrētia obtinuisse commemorat. Decretum illius ita habet: Ieiunium, quod ter in anno apud nos celebrari didicistis, conuenientiū nunc per quatuor tempora fieri decernimus; vt sicut annus per quatuor voluitur tempora, sic & nos quaternum solenne agamus ieiunium per quatuor anni tempora. Nam quod de tribus ieiuniis intra anni spacium celebrari solitis hic asserit, illud eo sensu accipiendum non est, quasi quartum aliquando defuerit, nunquam enim absolute defuit; sed quia vnum ex quatuor quadragesimali ieiunio permixtum erat, sicut eidem etiam nunc permixtum est; voluit is illud inde segregare, sed sanctio illius non obtinuit, vel certè ubiq; nō obtinuit. Nam apud eos, qui vernū ieiunium à Cal. Mart. aut à die Cal. Mart. viciniore auspicabātur, hætenus obtinere potuit, quatenus Calendæ illæ commune Quadragesimæ ieiuniū interdem antequertebant. A Martiis aut Cal. veteres Germanos vernum ieiunium auspicari consueuisse ex Conc. Moguntino & Sallegunstano ostensum est iam antè. Sed & Anglicanos quoque inde exordium fecisse ex cano. quinto Concil. Oxoniensis conicere licet; ait enim: In Martio prima hebdomada ieiunandum est feria quarta, sexta, & sabbato: In Iunio in secunda, quod dupliciter obseruatur à pluribus: In prima hebdomada post Litanias, hoc est, hebdomada pentecosten proximè antecedente; aut in hebdomada pentecostes: In Septembri per tres dies: In proxima septimana integra ante natalem Domini.

QVÆ hæcenus in medium allata sunt, ea quatuor temporū ieiunium antiquissimum esse ostendunt, siue illud ex antiqua lege dimanarit, vt putant multi; siue ex Apostolica traditione proximè ortum sit, vt defendunt alij; siue ex vtroq; simul, quod videtur satis verisimile; siue vndecunq; aliunde: ostendunt nihilosecius, non in vno aliquo orbis angulo, vt solēt quædam vigiliarum ieiunia; sed passim per Christianum orbem religiosè semper celebratum & obseruatum esse. Ostendunt tandem, in obseruationis eiusdem ritu & tempore, ita quibusdam ætatibus & locis variatum esse, vt nullo tamen loco aut tempore à quatuor primariis anni solisue mutationibus multum vnquam recessum fuerit. Etenim vbique locorum primum semper fuit celebratum circa æquinoctium vernum, proximum circa solstitium æstiuum, tertium circa æquinoctium autumnale, quartum & postremum circa solstitium hibernum.

Ieiunium quatuor temporum antiquissimum & communissimum.

Ieiunia quatuor temporum vbique semper celebrata circa præcipuas solis versiones.

QVÆRIS, cur ea ieiunia circa præcipuas solis versiones obseruentur, & hucusq; obseruata sint semper, & non mense Iulio, Augusto, Octobri, & Ianuario, quibus Iudæi suum quadripartitum ieiunium peragere soliti erant? Cur Iudæorum ritum hîc non æmulemur, expositum est iam antè; & qui latiore eius rei explicationem quærît, is legat Hieronymi commentarium ad cap. octauum Zachariæ, vel Gratianum d. 76. ca. Ieiunium. Cur porro CHRISTI Sacramentis initiati, ea ieiunia non quouis anni tempore obseruent, sed circa præcipuas solis conuersiones, plures cum mysticæ tum naturales quoque rationes assignari solent, nobis vnâ aut alteram assignasse sat fuerit; harum autem prima & præcipua est eiusmodi:

CERTVM est, vitæ nostræ momenta per dies & annos decurrere: Solaris autem annus constituitur ex quatuor partibus, ex æquo ferè diuisis, circa quas ob varium solis motum & positum in his inferioribus, (inter quæ etiam corpora nostra continentur) varîæ plerunque mutationes contingere solent. Igitur circa singularum maiorum istarum mutationum exordia, triduanum DEO Opt. Max. ieiunium offerimus, vel in gratiarum actionem, quod præterito trimestri spacio nos nostraque pro sua clementia prosperè gubernare non est dedignatus; vel certè in propitiatorium sacrificium, quò nimirum ineunte nouo iam anni tempore,

Cur circa æquinoctia & solstitia ieiunetur.

nostras actiones nostrasq; studia clementer promoueat, prosperè dirigat, ac foelicitè absoluat.

Dies ieiuniorū
quatuor tempo-
rum exprimit
12. Iudæorum
neomenias, tot-
idemque mino-
res Solis muta-
tiones.

Cur ieiunium
quatuor tempo-
rum porrigatur
in triduum.

SORTITVR autem quodlibet ieiunium tres dies, qui ex æquo respondent tribus cuiusque partis mensibus, adeoque toto anno habemus duodecim dies ieiunio consecratos, qui vtcunq; exprimunt duodecim Iudæorum neomenias: Siquidem illi singulis Solis & Lunæ cōiunctionibus in gratiarum actionem, futurorumq; malorū cautionem neomeniarum festum celebrabant. Respondent hi dies quoq; duodecim minoribus Solis mutationibus. Quandoquidem singulis mensibus Sol signum vnum percurrit, aliudq; communiter efficere consuevit, dum versatur sub vno, quàm dum sub alio. Producimus autem vnumquodq; ex his quatuor ad triduum: Siquidem ita omnes gubernamur ab vno, vt tamen tres sint, quibus laudem & honorē, & gratiarum actionem debemus. Quòd autem feria 4. 6. & sabbato ieiunamus potius quàm 2. 3. & 5. in causa est CHRISTI Redemptoris nostri passio, cui vel in partem nos conformare studemus. Constat namque, CHRISTVM Dominum die Mercurij fuisse venditum, die Veneris crucifixum, die Sabbati mortuum requieuisse in sepulchro. Et hæc est prima & præcipua ratio, cur quatuor temporum ieiunia illis diebus & temporibus obseruamus.

D. 76. Igitur.

OFFERIMVS nihilominus quatuor illa stata & triduana, intra anni curriculum, ieiunia DEO conditori nostro, in qualem-cunq; peccatorum, quæ qualibet anni parte admittimus, expiationem & satisfactionē. Post sanctæ lætitie dies, scribit Leo, quos in honorem Domini à morte resurgentis, ac deinde ascendentis exegimus, postq; acceptum Spiritus sancti donum, salubriter & necessariò consuetudo ordinata est ieiunij, vt si quid fortè inter ipsa festiuitatis gaudia negligens libertas, & licentia immoderata præsumpserit, hoc religiosæ abstinentiæ censura castiget. Hæc Leo de ieiunio æstiuo. De reliquis par est ratio; neque enim solum peccamus in vere, vel æstate, verum etiam in autumnò & hyeme. Tum rursus, vt planum hinc fiat, toto anni tempore, piè, sobriè, iusteque viuendum esse: Siquidem partium anni principia ostendunt, cuiusmodi esse debeant eiusdem fines & media. Hanc causam insinuat idem Leo, inter cætera de his ieiuniis ita scribens:

Huius

Huius obseruantię vtilitas in Ecclesiasticis præcipuè constituta est ieiuniis, quæ ex doctrina sancti Spiritus ita per totius anni curriculum distributa sunt, vt lex abstinentię omnibus sit adscripta temporibus. Tum denique vt quemadmodum DEO Opt. Max. ex dierum nostrorum numero per ieiunium Quadragessimæ offerimus decimas; ita ex eodem illo numero per ieiunia quatuor temporum eidem offeramus primitias. Alij alias huius quaternarij ieiunij causas assignant, sed iam assignatæ magis ad rem faciunt. Hęc igitur de ieiunij quatuor temporum causis, eiusdemq; origine & institutione breuiter dicta sint: Superest, vt pauca quoque de vigiliarum seu præferiarum ieiunio in medium adferamus.

D. 76. Huius.

Per ieiunia quatuor temporum offerimus DEO primitias, sicut per Quadagesimam decimas.

DE solenniorum quorundam festorum vigiliis, quas inter cætera Ecclesię ieiunia suprâ commemorauimus, non est quòd prolixè hic agamus. Sunt enim ieiunia hæc Christiano populo pleraque omnia perspecta; nec alio ferè à cæteris distincta, quàm quòd hæc in vnum tantum diem indicantur; illa in plures. Significant autem hæc præferiarum ieiunia vigiliarum nomine, non quòd vigiliæ, aut preces, vel eleemosynæ, vel aliud quippiam eiusmodi de intrinseca horum, vel aliorum quorumlibet ratione sit, (Nam ad ieiunij Ecclesiastici substantiam tria illa tantum, quorum suprâ meminimus, exiguntur) sed quòd Apostolorum ætate & longo etiam postea tempore vigiliæ, & preces & eleemosynæ ieiuniis adiungi fuerint solitæ.

Cur præferiarum ieiunia appellentur vigiliæ.

IN omnibus, scribit Paulus, exhibeamus nobismetipsos sicut DEI ministros, in multa patientia, in tribulationibus, in laboribus, in vigiliis multis, in fame & siti, in ieiuniis multis. Et alio rursum loco: Igitur non dormiamus sicut & cæteri, sed vigilemus & sobrij simus. Et ad Timotheum: Tu, ait, vigila, in omnibus labora, opus fac Euangelistæ, ministerium tuum imple, sobrius esto. Et Apostolorum coryphæus: Sobrij estote & vigilate; quia aduersarius vester Diabolus tanquam leo rugiens circuit, quaerens quem deuoret. Sunt sanè hæc generalia; attamen à re præsentī non protus aliena.

2. Cor. 6.

1. The 3. 6.

2. Timoth. 4.

1. Petri 5.

PROPIVS ad hunc locum spectant, quæ libro quinto constitutionum Apostolicarum de hoc ritu leguntur; quamuis ea ipsa quoque non de quauis, sed de vna duntaxat paschæ solennitate concionentur. A vespere quinti diei, habet constitutio, vsque ad

Cap 10.

gallicantum vigilantes, atque in Ecclesia conuenientes, vigilate orantes & rogantes **D E V M**, legentes in vestra pernoctatione legem, Prophetas, Psalmos, vsque ad gallicantum. Nullam hinc Apostoli ieiunij faciunt mentionem, nec id opus erat, iam antè enim cauerant, quomodo tota Paschæ hebdomada, hoc est vltima Quadragesimæ septimana ieiunio transigenda foret.

H V N C excubandi orandique ritum in aliis itidem ieiuniis seruari solitum, non vno loco indicat Leo Magnus; qui mille promodum supra ducetos annos ætatem nostram antecessit. Sermo. 2. de Pentec. inter cætera ita scribit: Quarta feria & sexta ieiunemus, Sabbato autem apud D. Petrum Apostolum vigilias celebremus, patrocinate eodem spiritu orationibus nostris, vt in omnibus misericordiam **D E I** obtinere mereamur. Et alio rursus sermone: Hunc venerabilem diem sequitur saluberrimæ obseruantia consuetudo, quam vtilissimam semper omnes sancti experti sunt, & ad quam sedulo celebrandam pastoralis vos sollicitudine exhortamur; vt si quid macularum proximis diebus, negligentia incauta contraxerit, id & ieiunij censura castiget, & deuotio pietatis mundet. Quarta igitur & sexta feria ieiunemus, sabbato autem in idipsum consueta deuotione vigilias celebremus. Hæc Leo; à quibus non multum dissident, quæ Eusebius Cæsariensis de Essæorum cæterorumque, qui sua ætate pietatem colebant, ieiuniis, nocturnisque vigiliis commemorat.

Q V I D, ait, commemorare attinet frequentes in vnum congressus, virorum in vno, mulierum autem in altero loco congregatarum exercitationes & seueram disciplinæ rationem, quæ de more adhuc obseruata est à nobis? Quanquam eam potissimum in festo salutaris Domini passionis non ieiuniis solum & vigiliis, sed attenta quoque sacrarum scripturarum auditione excolere & celebrare consueuimus. Sed & satis quoque cum iisdem consentiunt, quæ Oxoniensis Synodus ea de re tradit, nisi forsân vigiliarum nomen non pro nocturna statione, vel peruigilatione, sed pro ieiunio festi solennitatem proximè antecedente usurpet: quo sensu hac tempestate plerunq; usurpari afolet. Decretum Synodi ita habet:

V O L V M V S, vt vigilia Natiuitatis, Paschæ, Pentecostes, litania maior, tres dies Rogationum, vigilia Ioannis Baptista, Apostolo-

Ser. 1. de Pentec.

Lib. 2. cap. 16.
Hist. ecc.

Hebdomada sacra religiosissime à veteribus, celebrata & obseruata.

Can. 4.

scolorum Petri & Pauli, S. Laurentij, Assumptionis B. MARIÆ, S. Bartholomæi, S. Matthæi, Apostolorum Simonis & Iudæ, omniū Sanctorum, S. Andreæ, S. Thomæ, in obsequio & laude diuina deuotissimè celebrentur. Omnes hæ vigiliæ secundum potiorè suam partem, vbi pietas & verus DEI timor stationem suam constanter adhuc tuentur, etiam nunc obtinent. Verum nocturni ad Diuorum Basilicas conuentus, propter flagitia, quæ eiusmodi vigiliarum occasione frequenter committebantur, magna iam ex parte in desuetudinem abierunt.

CÆTERVM quæ vigiliæ, hoc est, præferiarum ieiunationes sint liberæ, quæ rursus obligatoriæ, id ob varios prouinciarum & diocesum ritus & consuetudines regula, quæ nusquam fallat, nulla definiti potest. Quod enim hîc religiosè seruatur & colitur, id alio loco remotè posito, sæpenumero ignoratur. Quàm multos Diuos colit Græcia, quos planè ignorat Ecclesia Romana, & vice versâ? Quamobrem qui eiusmodi in rebus non vult errare, neque alios, quibuscum versatur, offendere, Ambrosiani illius memor, (cùm, inquit ille, Romæ sum, die sabbati ieiuno, cùm Mediolani sum, non ieiuno. Et tu quoque, ad quamcunque Ecclesiam veneris, eius morem seruato, si pati scandalum non vis, aut facere) loci vel prouinciæ, in qua versatur, consuetudini sese accomodat: Hoc tamen non de omnibus promiscuè accipiendum est; sed de indigenis, vel diutius in vno aliquo loco hærentibus. Nam vt iter facientes, vel obiter transeuntes, loci, per quem fortè transeunt, priuilegiis & immunitatibus nō gaudent; ita neque eiusdem quoque legibus & cæremoniis tenentur. Secludimus hinc semper scandala & alia externa, quæ aliud interdum postulant.

VERVMENIMVERO si ieiuniorum numerum ex communire, vel consuetudine definire velimus, vt velle omnino debemus, (agimus hîc enim non de priuatis ieiuniis, sed de communibus) paucis dici potest, præter Quadragesimam & quatuor anni tempora, de quibus iam antè disputatum est, omnium Apostolorum præferias, (Philippi duntaxat, Iacobi, & Ioannis Euangelistæ exceptis) natiuitatis item Domini, & Pentecostes, & Ioannis Baptiste, & assumptæ ad cælos Virginis, & Laurétij Martyris, & omnium deniq; Sanctorum, solenni ieiunio cōsecratas esse.

Quam-

Non eadem vbi-
que ratio vigilia-
rum & festorū.

In ieiuniis, festis,
aliisq; similibus,
quilibet sese ac-
commodare de-
bet cōsuetudini
loci, in quo ver-
satur.

Quamuis ne horum quidem omnium meminerint antiqui scriptores, aut Romanæ Ecclesiæ Pontifices; at meminerunt tamen ferè omnium.

Serm. 15. ad fr.
in ere.

Aliud deuotionis,
aliud institutionis
ieiunium.

AUGUSTINVS; si is tamen sermonum ad fratres in eremo germanus auctor extitit: Scitote, fratres, quòd antiquitus patres nostri fideles ieiunare consueuerunt in vigiliis magnarum solennitatum vsque ad noctem, quod laudandum erat & bonum. Aliquod tamen est ieiunium deuotionis, vt ieiunare vigiliam sanctorum Cypriani compatriotæ nostri, & Geruasij & Protasij & similia. Aliud est ieiunium institutionis, vt assumptionis B. MARIAE, Natiuitatis Ioannis Baptistæ, S. Apostolorum Petri & Pauli, Simonis & Iudæ, Matthæi & Andree, & Iacobi maioris. Istorum vigiliis ieiunare semper debemus; vt sicut ieiunando cum iis patimur, ita & in futurum cum eis pariter gloriemur. Hæc Augustinus de præcipuis præferiarum ieiuniis sua ætate receptis, etsi fortè non de omnibus.

De ieiunij obseruatione consiliū.

Vigilie festorum
secundæ feriæ præcedenti sabbato
sunt celebrande.

SED neque Innocentius quoque, vbi ea de re agit, vigiliarum numerum ab Augustino assignatum multum excedit; Siquidem ad dubium de quarundam vigiliarum ratione à Bracharensis Ecclesiæ Episcopo propositum, ita rescribit: Consultationi tuæ respondemus, quòd omnium Apostolorum vigiliæ sunt in obseruatione ieiunij celebrandæ, præter vigilias Apostolorum Philippi & Iacobi, & B. Ioannis Euangelistæ, quoniam ipsorum solennitas intra solennitatem paschalem, istius autem intra natalem Domini celebratur. Sanctorum quoque vigiliæ, quorum festiuitates oportet secundæ feriæ celebrari, in præcedenti sabbato sunt ieiunandæ. De festiuitate verò B. Bartholomæi Apostoli, de cuius celebratione dubietas oritur apud quosdam, respondemus, quòd in hoc tuæ consuetudinem regionis obserues. Hæc de vigiliarum numero Innocentius, sed diminutè; nisi generali quadam ratione, quas non exprimit, per hoc complexum dicamus, quòd vigiliæ Diuorum, quorum festa cadunt in diem Lunæ, die sabbato celebrandas definit.

VERVM Concilium Oxoniense, Salegunstanum, & alia præterea cùm Diocesana tum prouincialia non pauca, nullam prorsus ex iis, quas paulò antè assignauimus, onuntiat. Et vt nihil quicquam in vilo omnino Concilio ea de re cautum extaret, adhuc sola

sola Christiani populi cōsuetudo, ad quamlibet vigiliam firmandam sat esset. Nam vt D. Augustinus rectè monet, in iis rebus, in quibus certi nihil statuit scriptura diuina, mos populi Dei, & instituta maiorū pro lege tenenda sunt. Quamuis ergo ius commune de vigilia Pentecostes, Ioannis Baptistæ, B. Laurentij, Assumptionis virginis matris, & omnium Sanctorum, nihil disertè decreuerit; attamen quòd longo iam tempore ab vniuerso populo Christiano æquè religiosè obseruentur, ac cæteræ, de quibus expressè in iure statutum est, non minùs obligant quàm reliquæ certa lege iniunctæ. At de intrinseca ieiuniorum ratione, communique communè partitione satis, nunc ordinis ratio postulat, vt de illorum vi, vtilitate & vinculo nonnulla quoque in medium adferamus.

Epist. ad Casulum.

Ius cōmune plurimum vigilarum nō meminit, quæ tamen ob populi cōsuetudinem æquè obligat, ac cæteræ.

Ieiunia cum in boni procuratione, tum in mali rursum depulsione insigni vi pollere, fructusq; si pio castoque animo suscipiantur & perficiantur, admirabiles de se fundere.

CAPVT VNDECIMVM.

DISPVTATVM est hætenus de internis externisque Christiani ieiunij partibus, proximum est, vt quædam quoque de propriis eiusdem viribus & fructibus exponamus. Nam cùm ieiunium actus sit abstinentiæ, vel peculiaris quædam eiusdem species, non potest suas quoque vires & vsus non fortiri. Nouatores duo hæc inter se confundunt, sed id absq; omni ratione & auctoritate; imò verò contra omnem rationem & auctoritatem. Constat enim, aliud ieiuniorum legem esse & finem, aliud abstinentiæ. Nam, vt alibi explicatum est, abstinentiæ lex obligat ad vnum omnes, & semper, & vbique: (nunquam enim plus comedere aut bibere licet, quàm pro tuenda valetudine manducandum vel bibendum esse recta ratio dictat) ieiunium autem nec omnes obligat, nec semper obligat, neque vbique obligat, sed loco & tempore tantùm. Lex rursum & regula abstinentiæ est ratio humana; hæc enim est, quæ pro loci, temporis, personæ, reliquorumque, quæ rem circumstant, qualitate & conditione dictat, quid, quomodo, quoties, quantum &c. comedere conueniat. Lex autem & regula ieiuniorum est

Nouatores citra rationem & auctoritatem ieiunij & abstinentiæ confundunt,

Lex abstinentiæ obligat omnes, vbique, & semper, ieiunium autem nec omnes nec semper.

Regula abstinentiæ est ratio humana; lex autem seu regula ieiuniorum est voluntas diuina per Ecclesiâ patefacta.

Finis ieiunij &
abſtinentiæ di-
uerſi.

Cap. 37.
In multis eſcis
non deſt infir-
mitas.

Cap. 37.
Cap. 4.
Ad Tit. 2.
de queſt. Euang.

d. 5. de conſ.
Nihil.
Mirabiles vires
ſobrietatis.
Matth. 6.

Marc. 2.
2. Cor. 11.
Cap. 13.

Pſal. 34.
Cap. 2.

Seſtarj nunquā
verē ieiunant, &
tamē ſemper ie-
iunandum cla-
mant.

Primum ieiunio
ſui opus carnē

voluntas diuina per Eccleſiam nobis patefacta. **DEVS** enim eſt, qui per Vicarios ſuos docet, quomodo, quādo, quantū &c. Chri- ſtiānum hominem ieiunare oporteat, vt hoc vel illud bonum im- petret, aut hoc vel illud malum euadet. Finis tandem & ſcopus abſtinentiæ eſt corporis ſanitas, bonāque eiſdem conſtitutio: Finis autem & ſcopus ieiuniorum eſt mentis in **DEVM** eleuatio, vitiorum compreſſio, virtutum adeptio, aliāque eiſmodi, de quibus hoc capite tractatur ex inſtituto.

AD abſtinentiam pertinet illud Eccleſiaſtici: *Noli auidus eſſe in omni epulatione; & non te effundas ſuper omnem eſcam; in multis enim eſcis erit infirmitas, & auiditas appropinquabit uſq; ad choleram.* Et illud eiſdē: *Qui abſtiniens eſt, adiiciet ſibi vitam.* Et illud Ezechielis: *Cibus tuus, quo veſceris, erit in pondere.* Et illud Pauli: *luucnes hortare, vt ſint ſobrij.* Et il- lud Auguſtini: Nō intereſt, quid alimentorum, vel quantum quis accipiat; dummodo id faciat pro congruentia hominum, cum quibus uiuit, & perſonæ ſuæ, & pro valetudinis ſuæ neceſſitate. Et illud Chryſoſtomi: Nihil ſic iocundum eſt, ſicut cibus bene dige- ſtus, nihil ſic ſalutem, nihil ſic ſenſuum acumen operatur, nihil ſic ægritudinem fugat, ſicut moderata reſectio.

AD ieiunium autē illud **CHRISTI**: *Tu autem cū ieiunas, unge caput tuum, & faciem tuam laua, ne videaris hominibus ieiunans; & pater tuus, qui videt in abſconſo, reddet tibi.* Et illud eiſdem: *Venient dies cū auferetur ab eis ſponſus, & tunc ieiunabunt in illis dieb⁹.* Et illud Apoſtoli: *In fame, in ſiti, in ieiuniis multus.* Et illud Aſtorum: *Miniſtrantibus & ieiunantibus illis, dixit Spiritus ſanctus: Segregate mihi Saulum &c.* Et illud Prophetæ regij: *Humiliaui in ieiunio animam meam.* Item: *Genua mea infirmato ſunt a ieiunio.* Et illud tandem Lucæ: *Et hæc vidua uſq; ad an- nos 84. quæ non diſcedebat de templo, ieiuniis, & obſecrationibus ſeruieus nocte & die.* Nam hæc aliāque ſimilia, quæ paſſim in ſcripturis occur- runt, ad ſolam moralem abſtinentiam rectē transferri non poſſe, id nemo dubitat, niſi Apoſtolos poſt ablatum ſponſum intem- peranter quandoq; vixiſſe perſuaſum habeat. Miſis proinde eorum nugis, qui ſemper ieiunandum eſſe vociferantur, cū ipſi tamen nunquam verē ieiunent, ad id, quod capitis huius proprium eſt, ſtylum vertamus.

PRIMUM igitur propriumque ieiuniorum opus eſt, carnem inordinatoſq; eiſdem motus, ne vehementius contra ſpiritum inſur-

inſur-

insurgant, comprimere, peccatūq; regnū in nobis euertere. Nam et si Baptismi Sacramentum omnem noxam expiet, CHRISTI quē meritum & satisfactiōem liberaliter nobis communicet, carnis tamen stimulum non tollit; neq; ea quoq; vi illam constringit, vt ad illicita, diuinęquē & rationis legi dissentanea interdum non allectet. Suppetunt sanē multa strenuis CHRISTI militibus pręsidia & arma, quibus domestico huic hosti, internōque Iebusō obfistere, eiusdeniq; impetum compescere valeāt, & compescere quoq; soleant; experientia tamen teste nullū ex omnibus est pręsentius, nullum efficacius, quā frequens ieiunū: Si quidem moralis abstinentia, quam Philosophi professi sunt, quāquē vnam, dum de ieiunio agitur, Sectarij admittunt, per se ad hunc tantum hostem debellandum non est satis. Imō quō quisq; temperantiū, naturęquē conuenientiū viuit, eō efficitur vegetior & sanior, adeōq; ad generandum & quiduis aliud pręstandum potentior.

Quare somiti membrorūque legi propriē non opponitur abstinentia Philosophica, sed parsimonia Christiana; quę vti nam ita nota & vīitata foret, vt Christianę vitę est necessāria, primisquē Christiani nominis hominibus domestica erat. Neque enim illi menstrua tantū & hebdomadaria, eāque triplicia ieiunia habebant, verū tot spontanea, vt tota illorum vita aliud nihil esse videretur, quā statum quoddam ieiunium. Practicabatur per id tempus illud Hilarionis: Ego, asine, faciam, vt non calcitres; neque te hordeo alam, sed paleis; fame te conficiam & graui siti onerabo; traham te per æstus & frigora, vt cibum potius quā lasciuia cogites.

Et quia ieiunia primis Christianis multō quā huius ætatis hominibus erant familiariora (vix enim adoriebantur arduum aliquod negotium, cui ieiunia & orationes non pręmitterent) fiebat, vt multō per id tempus pauciora in populo essent vitia, multōque rariora scandala in clero, quā sunt hac infelicitissima ætate: Si quidem vbi caro commodē nutritur, molliterquē tractatur, ibi carnis quoque vitia nutriuntur & propagantur. Contrā verō, vbi eadem edomatur, spirituique, vt par est, subiicitur, ibi etiam flagitia & peccata, quę hinc, veluti ex perpetua quadam scaturigine, promanare solent, comprimuntur & extinguuntur. Quapropter licet proximus ieiuniorum effectus sit carnis morti-

eiusemque motus comprimere.

Moralis abstinentia non facit ad debellandam carnem concupiscentiam.

Primi Christiani ieiuniis, & carnis mortificationibus deditissimi.

Hier. in vita Hilar.

Proximus ieiuniorum effectus carnis mortificatio, principalis carnalium vitiorum eliminatio.

Serm. de Ieiun.

Insignis ieiuniorum virtus in debellandis vitiis carnalibus.

Lib. contra Pſychicos.

Corpus nobis datum ad opus, non ad pondus.

Saginare carnem pugilum & porcorum proprium.

Ser. 65. de temp.

Saturitati coniuncta lascivia.

Epistol. 111. ad Bonifac.

ficatio, principalis tamen est vitiorum, quæ ex carne oriuntur, reſtinctio. Quod etſi nemo ſanæ mentis negare queat, conuincitur enim experientia, attamen quò veritas hæc illuſtrior euadat, carniſq; mancipia ad ſui amorem potentiùs rapiat, quid veteres ea de re literis prodiderunt, paucis hoc loco repetere placet.

CYPRIANVS: Ieiuniis vitiorum ſentina ſiccatur, petulantia marcet, concupiſcentiæ languent, fugitiuæ abeunt voluntates, extinguuntur ardentis Ætæ incendiū, & flammiumi fornax Vulcani extincta intrinſecùs, montes conterminos non adurit. Ieiunium, ſi diſcretionem regatur, omnem carnis rebellionem edomat, & tyrannidem gulæ ſpoliat & exarmat. Ieiunium extraordinarios motus in cippo claudit & arctat, & appetitus vagos diſtringit & ligat. Ieiunium, ſi humilitate ornetur, ſeruos DEI, mundi efficit contemptores. His nihil dici poteſt grauius, nihil ad id, quod de ieiunij energia in expugnandis carnis vitiis aſſertum eſt, accomodatius.

TERTULLIANVS: Nos certò ſcimus, quòd qui in carne ſunt, DEO placere non poſſunt, non in ſubſtantia, ſed in cura, in affectione, in operatione, in voluntate. Macies non diſplicet DEO, nec datum eſt nobis corpus ad pondus, ſed ad opus. Saginentur pugiles olympici, qui corporis curam habet, & porci, ſi vultis, Epicuri de grege, qui omnia cum corpore perire putant. Nobis vtinam carnis curam non facere contingeret; alia ſunt Eccleſiæ robora & certamina, aduerſus ſcilicet carnem & ſanguinem, ſed ſpiritu & virtute pugnare oportet. Diſce hinc pugne neceſſitatem, diſce aduerſarium, diſce arma & robora, quibus pugnandum eſt. Ecquænam ſunt arma iſta, ſi non ſunt ieiunia?

AVGVSTINVS: Princeps humani generis Adam, quamdiu ieiunauit, ſeruans mandatum, in paradifo, fuit; vbi verò comedit, eiectus eſt de paradifo. Et qui in paradifo DEI virgo fuerat, eiectus de paradifo, cognouit vxorem. Semper enim ſaturitati coniuncta eſt laſciuia; vicina ſibi ſunt venter & genitalia, & pro membrorum ordine, ordo vitiorum intelligitur. Alibi idem pater ita ſcribit: Semper caro noſtra ſubdita ſit animæ noſtræ, ſicut ancilla famulatur domini; non præbeamus vires illicitas corpori noſtro, ne committat bellum crudum aduerſus ſpiritum noſtrum, non incrāſſari permittamus ancillam, ne ſuperbiat in dominam.

Dome-

Domemus ieiuniis vigiliis, orationibus, imponamus frenū equo feroci; simus boni aurigæ, ne per præcipitia labamur, vt per viam rectam possimus incedere; temperemus ab escis, quæ non solum animam, verum corpus plerunque lædunt & deliciis mundi, quæ trahunt homines, vbi gutta aquæ desideratur, nec datur. Ethæc quoq; ieiuniorum vim aduersus carnem carnisq; vitia luculenter admodum explicant.

HIERONYMVS: Ventris ingluuies tam animæ quam corpori ministrat materiam, ideo medicinale ieiunium omnem auferat languorem, & omnem tribuat virtutem & gratiam. Quid verò virtutis contineat sacrum ieiunium, à vestro inuestigemus sponso, qui quadragenario peracto ieiunio, Diaboli vicit tentationem. Viri Ninivitæ non sileant, qui ieiuniis commune euaserunt exilium. Sed sit tale, ne dicatur à Domino: Non est hoc ieiunium quod elegi: Castigate membra, sed nolite interficere: non causet ieiunium verecundiam, vt scandalum sit cæteris. Non dolore capitis sacræ omittantur lectiones, & alia sancta exercitia. Sit ieiunium medicina; frangatur corpus, castigentur membra verberibus, multiplicentur abstinentiæ. Et si adhuc adsit concupiscentia illicita, adhibeantur grauissimæ disciplinæ, quousq; erigatur Domina & seruiat serua. Quòd si iterum erigitur, iterum fatigetur, sed non ultra modum, nihil enim habere potest virtutis, quod indiscretio facit, quod improuisio docet.

BASILIVS Magnus: Quæmadmodum vermes, qui in puerorum intestinis generantur, pharmacis quibusdam acerbis & amariorum excutiuntur, ita peccatum in intimis secessibus habitans extinguit enecatq; simulatq; in animum superuenerit, ieiunium; ob hoc ipsum suo dignum nomine, quòd inedia purget animæ viscera. Quòd si ieiunium carnis vitia intimis infixis visceribus potest expellere, multò magis ne in animam illabantur, poterit impedit. Facilius est enim hostem, ne ciuitatem occupet, arcere, quam iam admissum expellere.

CHRYSOSTOMVS: Abstinentia à cibis propter hoc recepta est, vt vigorem carnis refrænnet, & equum moderanti faciliè parere faciat: adest ieiunium, de quo loquimur, quod vt cum fructu fiat apud **DEVM**, adiungendum est illi alterum ieiunium, puta à vitiis: oportet enim ieiunantem ante omnia iram refrænare,

Esca & corpus,
& animam lædunt.

Epist. ad Eusto.

Medicinale ieiunium omnem auferat languorem, & omnem tribuit virtutem.
Lucæ 4.
Ionæ 3.
Esa. 58.

Membra castiganda nō interficienda.

Ser. 1. de ieiun.

Ieiunium peccatum intimis visceribus infixū expellit.

Hom. 8. in Gen.

Ueiunium fru-
ctuosum existat,
ieiunium à vitiis
adiunctum ha-
beat, oportet.

mansuetudinem & lenitatem addiscere, habere cor contritum, & quod absurdas concupiscentias repellat, ante oculos continuo ponere oculum æterni iudicis; liberalè esse in dando elemosynā, nullum malum aduersus proximū in cor admittere. Et infra: Propter hæc abstinentiam à cibis præcepit Dñs, vt refrēnantes carnis lasciuias eam obediētem faciamus, & ad mandata Dei implenda sequacē. Ieiunium corpus cōprimit, lasciuias inordinatas refrēnat, animam clariorem efficit, & sublimem & leuem facit.

1. Cor. 9.

Idem exponens illud Apostoli: *Castigo corpus meum, et in seruitutem redigo*, ita scribit: Si ille, cui tanta contigit gratia, post tanta & talia opera opus habebat, vt castigaret & in seruitutem redigeret, & subiiceret potestati & dominio animæ corporis lasciuias: (castigat enim, quod insurgit, & in seruitutem redigit, cui frænum imponit) quid dicemus nos, qui omnibus virtutibus destituti, omnibus peccatis onerati sumus; & præterea magnā ignominiam præ nobis ferimus? nunquid inducias habet hoc bellum? num tempus aggrediēdi dilatam? omnes nos vigilare & sobrios esse oportet, & nunquam in securitate esse. En vt sanctus hic vir nemi, dum in hoc mortali corpore versatur, securitatē promittat? En vt oēs, vti semper in acie consistent, ieiuniisq; & aliis piis operibus vacent, nec non assiduò cum carne & dæmone, qui nunquam non infestant, bellum gerant, studiosè admonet?

Dæmones & fo-
mes nullas in-
dulgent indu-
cias.

Lib. 10. in Gen.

CYRILLVS: Est certè libertas Christiana per omne tempus ieiunandi, non obseruantia superstitione, sed virtute continentia suffulta subsidiis? Quomodo Scripturis operam dabunt? Quomodo sapientia & scientia studebunt? nōne per continentiam ventris & gulæ? Quomodo seipsum quis castrat propter regnum cœlorum, nisi cibariorum assiluentiam refecet? nisi abstinentia vtatur ministra. Hæc Cyrillus, quæ paucis eò tendunt, vt intelligamus, neque victoriam contra carnem absque ieiunio obtineri, neq; aliud quicquam præclarum absque eiusmodi adminiculis præstari.

Serm. 6. de coll.
ser. 8.

Ieiunio concupi-
scētiæ carnis ex-
tinguuntur.

LEO Magnus: Oratione propitiatio Dei queritur, ieiunio verò concupiscentia carnis extinguitur. Et infra: Quamuis sine anima caro nihil desideret, & inde accipiat sensus, vnde sumit & motus; eiusdem tamen est animæ, quædam sibi subdita substan-
tia: negare, & interiori iudicio ab inconuenientibus exteriora
fræ-

frænare; vt à corporis cupiditatibus libera in aula mentis possit diuinæ vacare sapientiæ: vbi omni strepitu curarum silente, meditationibus sanctis in deliciis lætetur æternis. Quod si in hac vita difficile est continuari, potest frequenter assumi, vt sapius ac diutius spiritualib. potius quàm carnalibus occupetur. Et paucis interiectis subdit; Huius obseruantia vtilitas in Ecclesiasticis est præcipuè constituta ieiuniis.

QUAF hucusque ex Patribus allata sunt, ea disertè probant, ieiunium inter omnia, quæ inordinatos carnis motus comprimere carnaliaque vitia extinguere nata sunt, primas faciliè obtinere. Probât nihilominus, ieiunia generatim accepta, omni quoque lege seclusa, medicamentum esse Ecclesiæ membris vsq; ad eò necessarium, vt absq; illius præsidio salua consistere, vel non queant, vel ægrè admodum queant. Nam etsi singulis necessaria non sunt (comperiuntur enim multi infirmi; multi rursus, qui præ miseria alimento indigent magis quàm ieiunio; nonnulli etiani peculiari DEI gratia, longaque exercitatione id consecuti sunt, vt domesticæ hostis importunitatem non magni faciant,) in omni tamen hominum statu, ætate, & genere, semper inueniuntur aliqui, qui isthoc antidoto indigent, & ita quidem indigent, vt absq; eo commodè sanari non valeant.

Ieiunia Ecclesiæ membris necessaria, etsi non singulis.

SEQUITVR hinc quoque, qui generatim & indiscriminatum eos omnes à ieiunij lege eximunt, qui infra vigesimum primum ætatis annum constituti sunt, iudicio egere, ne quid grauius dicam. Etenim Ecclesia, quæ humanæ salutis auidissima & studiosissima est, nec vult, nec iustè velle potest, eos ab omni ieiunij lege absolutè absolvere, qui tali animi morbo tenentur, vt citra ieiunium sanari, vel non possint, vel ægerrimè possint. Atqui adolescentes pleriq; omnes, vbi decimum quartum, vel quintum, vel sextum ætatis annum excesserunt, nonnunquam tam acerbis Veneris stimulis perurgentur, vt solo ieiunio à tam infesto & pertinaci malo liberari posse videantur. Eos itaque à tam salutari, præsentaneo, & necessario præsidio arcere, aliud nihil est, quàm salutis eorum reum se constituere; arcet autem non obscurè, qui ab omni ieiuniorum lege & obligatione simpliciter illos liberos pronunciant.

Ieiunia non solum adultis, sed ephebis quoque sæpenumero sunt necessaria.

Basilii et Bernardi
etate nulla
etate à ieiunio le-
ge generatim
eximebatur,

ALLEGANT qui ab illis vel contra illos veriùs stant, ieiunia iusto corporum robori & incremento nonnullum detrimentum adferre. Verùm hæc causa (dummodo illorum ieiunia modum non excedant) neque vera est, neque quæ admittatur satis idonea est. Constat enim, etate Bernardi & Basilij Magni, & multos quoque annos antè, homines eodem corporis robore poluisse, quo nostro hoc tempore: & tamen, vt suprà audiuius, nullus illorum etate sexus, nulla etas, nulla hominum conditio à communibus Ecclesiæ ieiuniis eximebatur, nedum ab iis, quas dicat lex naturæ. Constat nihilofecius, plerasq; Ecclesias Orientales nullos ex illis (nisi morbus forsan vel aliud impedimentum aliud suadeat) à communi ieiuniorum lege absoluerunt, qui corpori & sanguini dominico communicarunt, vel decimum quartum ætatis annum expleuerunt; & tamen regionis illius hominibus, neq; iusta corporis moles, neq; iustum quoq; corporis robur deest; quod si cui alterutrum deest, non deest propter ieiunium, sed propter aliquam aliam causam. Constat tandem, ieiunia non ordinari ad robur vel salutem corporis; sed ad salutem & robur animæ. Quare si hæc citra ieiunium salute potiri non potest, vel commodè non potest, (id quod sæpe vsu venire solet) contemnendum est, quod de corporis incommodo allegatur; Maximè verò cùm eiusmodi incommodum vel nullum sit, vel tam exiguum sit, vt nulla eius ratio habenda videatur.

MITTO hic, illos ipsos, qui iuniores ab omni omnino ieiunio lege simpliciter absoluunt, haud grauatim fateri, consultè eos facere, qui adolescentes, imò etiam pueros inducunt, vt semel aut iterum quauis Quadragesimæ hebdomada ieiunent. Iam si citra ullam naturæ offensionem aut incrementi iacturam, (hanc unicam enim illi vrgent, qui vigesimo primo anno minores generatim ab omni ieiunio excusant) bis aut ter singulis hebdomadis ieiunare possunt, poterunt vtiq; omnia extraquadragesimalia ieiunia citra ullam valetudinis offensionem obseruare; vt quæ communiter ad vnum tantum, aut alterum diem protenduntur. Saluo proinde grauissimo Ecclesiæ iudicio, censerem adolescentes, vbi decimū quartum vel quintum annum expleuissent, non ad ea tantum ieiunia minis & cohortationibus adigendos, quæ lex naturæ ab illis exigit, sed ad quædam quoq; Ecclesiastica;

nam

Iuniores ad quæ
dam Ecclesiæ ie-
iunia inducendi
& compellendi.

nam ad omnia strictè obseruanda illos compellere, fortè non expedit.

SECVITVR ex prædictis rursum, nullū omnino mortalium, quantacunq; tandem auctoritate polleat, aut præeminentia fulgeat, ieiunium absolutè acceptum vniuersè abrogare, vel ita cum omnibus & singulis super ieiuniorum lege dispensare posse, vt nullus ampliùs ad vllum prorsus ieiunium obligetur. Solus autem vniuersè dispensare hic potest, qui solus omnem ieiunandi causam, omnemq; animi morbum præscindere per se potest, nempe DEVS Opt. Max. Cederet enim vniuersalis illa ieiunii abrogatio in apertum iuris diuini & naturalis præiudicium, & in manifestam quoque infirmarum animarum perniciem. Oboleretur namque ea ratione præsentaneum, & ordinarium, & ad spiritualis vitæ cōseruationem omnino necessarium alexipharmacum. Dixi, neminem ieiunium absolutè acceptum abrogare posse: Siquidem ieiunium, quod iam olim obseruatur in Ecclesia, si causa adesset, mutari, vel abrogari quoque posset.

Nullus mortalium ieiunium absolutè acceptum vniuersè abrogare potest.

CONSECVITVR hinc tandem, novos illos Physicos, qui totum penè Euangelium à vero legitimoq; sensu & scopo in carnalem quandam libertatem transferunt, præ nimia mentis cæcitate si non apertè pugnantiā, certè admirabilia statuere ac scribere: Patentur enim, magnisq; vocibus deblaterant, post susceptum Baptismi Sacramentum vsque adeò atrocem incensamq; carnis libidinem in regeneratis adhuc superesse, vt totus homo quasi caro, vel quadam carnalium vitiorum sentina effectus, aliud nihil cogitare, nihil dicere, nihil facere queat, nisi peccatum. Sed neque dissentent quoque, fidelibus perpetuò cum hoc hoste dimicandum, & congregiendum esse; imò verò potissimam perfectionis Christiani hominis partem in eo obnixu & pugna consistere, palàm prædicant. At cum vtrumque agnoscant, publiceque doceant; præcipuum tamen validissimūq; telum, quo contra hunc hostem digladiandum erat, Sanctiūq; & sapientes omnes digladiari solent, & digladiandum esse monent, puta ieiunium, Christiano populo è manibus eripere enixè contendunt.

Sectariorum doctrina sibi planè dissimilanea.

ADMITTUNT sanè illi quoddam ieiunium, sed illud planè commentitium, multisq; nominibus mutilum & mancum. Tra-

Cuiusmodi ieiunium admittant & statuunt ſacerdotes.

dunt enim, eos demum verè & Chriſtiane ieiunare, qui contra abſtinentiæ legem nihil committunt. Addunt, nihil referre, ſemelne comedas, an bis, carnemue an piſcem, vel aliud quodcunque vores, dummodo valetudini rectè conſulas, & intra morales abſtinentiæ limites te contineas; & tamen clarè iam antè oſtenſum eſt, & apud eos, qui cor & oculos habent, palpabile eſt, aliud eſſe ieiunare, vt CHRISTVS per Apoſtolos ieiunandum eſſe docuit, & totus fidelium cœtus iam inde ab Apoſtolorum tempore ieiunare ſemper conſuevit, aliud abſtinentiæ leges non excedere. Dicunt tandem, nullum ieiuniorum tempus vlli omnino præſcribendum eſſe, ſed vnicuique, quando ieiunare velit, & quantum velit, & quomodo velit, liberum relinquendum. Sed hoc æquè abſurdè & diſſentaneè ac primum: Nam ſi vnusquilibet debet & poteſt ſibi certum tempus deligere, quando ieiunio operâ dare velit; ergo non ſemper eſt ieiunandum; quod prima illorum ſententia diſertè profitetur: Nam, vt ipsis placet, aliud nihil eſt ieiunare, quàm abſtinētis leges accuratè obſeruare; at illas ſemper ſeruare oportet.

Sacerdiorum ſententia ſemper eſt ieiunandum.

Ad hæc ſi omnino ieiunandum eſt, vt ieiunandum eſſe Antagoniſtæ non diſſententur, quæro ab iis, ſemperne ieiunandum ſit, an aliquo certo tempore. Si omni tempore ieiunandum eſt; ergo eo etiam tempore, quo ab Eccleſia ieiunium indiſtum eſt: Si quidem omne tempus nullam temporis partē excludit. Si aliquo certo tempore; ergo aliquo tempore intemperanter viuere fas erit: Idem enim apud illos eſt ieiunare, quod naturæ conuenienter viuere. Rurſum ſi non omni, ſed aliquo certo & definito tempore; ergo cùm, vt ipſi ponunt, non ſit maior ratio de vno, quàm de altero, illud obſeruandum erit, quod à lege vel conſuetudine præſcriptum eſt. Quandoquidem ſi quid ſecundùm ſe adiaphorum aut indefinitum ad certum tempus vel modum determinandum eſt, ſi rationem ducem ſequamur, plus apud nos valere debet maiorum ſtatutum, vel communis populi cōſuetudo, quàm priuata cuiusque libido.

DICENT ad hæc forſan, omni tempore ieiunandum eſſe, adeoque illo etiam, quo Eccleſia ieiunium indiſcit, verùm non eo modo, quo iubet Eccleſia. At hæc exceptio nulla eſt; ſiquidem vt extet aliquod veri nominis ieiunium, modum à comuni

muni abſtinentia diuerſum habeat oportet. Talem autem modum illi nullum aſſignant; ſed neque vllum quoque, qui eo, quem designauit Eccleſia, ſit moderatior, omniſque ſtatui & ætati conuenientior aſſignare poſſunt. Excipient alij fortaiſis, & dicent: In modo, in tempore, aliisſque ſimilibus ab alterius præſcripto dependere, Chriſtianæ libertati non ſatis conſentaneum eſſe. Verùm hoc quoque nihil eſt: Sæpe enim iam dictum eſt, & per ſe ſatis quoque manifeſtum eſt, Euangelium non prædicare carnis licentiam, ſed crucem, ſed propriæ voluntatis abnegationem, ſed obedientiam, ſed omnem virtutis actionem. Notum eſt enim illud CHRISTI: *Qui vult venire poſt me, abneget ſemetipſum, & tollat crucem ſuam.* Item: *Qui non tollit crucem ſuam, & ſequitur me, non eſt me dignus.* Rurſum: *Si vis ad vitam ingredi, ſerua mandata;* aliaſque multa eiufmodi. Ad hæc nullum poteſt eſſe ieiunium, quod omni modo & lege ſit prorfus deſtitutum: Incepta ſunt ergo, quæ de modi vel temporis libertate allegant Sectarij. Verùm de primo præcipuoſque ieiuniorum effectu ſatis.

CAETERVM ex carnis carnaliumque; deſideriorum & vitiorum mortificatione, quam ieiunium per ſe primò efficit, naturali quadam *συνεργία*, ſequitur alius eiufdẽ fruſtus æquẽ ferè illuſtris ac iſ, de quo hæcenus egimus, nimirum mētis ad DEVM eleuatio. Nam cùm caro & ſpiritus veluti oppoſita perpetuò inter ſe colluſtentur, conſequens ſit, vt eò ſpiritus magis aſſurgat & florear, quò carnis ſenſus magis deprimatur, & conculcatur; è diuerſo verò vt ſpiritus eò magis langueat, proſtratusque iaceat, quò caro commodè molliterque habita, petulantius contra ipſum inſurgit. Alter proinde ieiuniorum effectus eſt mentis ad DEVM aſcenſus, cæteraſque omnia, quæ cum hac mentis eleuatione naturalem connexionem habent, vt ſunt cœleſtium rerum guſtus, orationis feruor, petitorum impetratio, diuinorum ſecreſorum præceptio, pluraſque id genus alia, quæ Scripturæ & Patres ea de re produnt. Conſtat enim, Danielem non priùs ea, quæ genti ſuæ olim euentura erant, & alia præterea multa, quæ ad CHRISTI regnum pertinebant, diuino ſpiritu mentem illius colluſtrante, & ſubuehente hauiſſe, mundaſque pateſeciſſe, quàm trium hebdomadarum ieiunio ſe maceraſſet. Neque ELIAM rurſum priùs ad DEI viſionem,

Scripturæ inter abſtinentiam & ieiunium manifeſtè ſecernunt.

Matth. 16.

Luc. 9.

Matth. 10.

Matth. 19.

Ex carnis compreſſione naturaliter conſequitur mētis ſeu ſpiritus in DEVM eleuatio.

Dan. 10.

Ieiunium ſubleuat mentem ad DEVM, rerumque cœleſtium notitiam & guſtū conciliat.

quanta homini in hac mortali vita obtingere potest, admissum esse, quàm 40. dierum ieiunio ad eiusmodi spectaculum se præparasset. Neque Moysen tandem antè legis tabulas, quibus secreta DEI voluntas continebatur & exponebatur, in monte Syna accepisse, quàm 40. dies non absque miraculo ab omni cibo & potu abstinuisset. Verùm præstat, ea de re veteres Patres differentes audire.

Exod. 24. 34.

Serm. de Ieiun.

Dan 2. 3.

Exod. 24. 34.
3. Reg. 19.

CYPRIANVS: Ieiunium carnes azymas mundat & solidat, & putredines, quæ ex adipe prodeunt, consumit & siccatur. Ieiunium scripturarum deliciis pascitur, contemplatione reficitur, gratia stabilitur, cœlesti pane nutritur. Danieli interpretatio somniorum reuelatur ieiunio, & tres pueri de Babylonio egrediuntur incendio. Moyses in monte 40. diebus cum Domino perseverans, & DEI familiare colloquium, & legis ministerium ieiunio promeretur. Elias quoque eodem dierum numero abstinens in cremo conuersatur. Vtilitas ieiuniorum, temporibus Christianis clariùs patuit, & à multis frequentata in plurimos se effudit. Quoties viri virtutum aliquid à DEO obtinere conati sunt, ieiuniis incubuere & lachrymis; & pernoctantes in orationibus ciliiciis carni adhærentibus supplices beneficia postularunt: nec defuit prouentus. Hæc Cyprianus de ieiuniorum vi, dum aliis pietatis officiis non destituuntur.

Anol. cont. Ge.
nes. 40.

Lib. de virg.

Dæmones oblectantur crapula & corporis otio: ieiunium autem vehementer metuunt.

TERTULLIANVS: Nos ieiuniis aridi, & omni continentia aspersi, in sacco & cinere voluntates, DEVM tangimus, & cum misericordiâ extorserimus, honoramus. ATHANAS: Quisquis immundo spiritu vexatur, certum habere debet, spiritus malos ieiunio afflictos abscedere, vim ieiunii metuentes; valde enim Dæmones oblectantur crapula & otio corporis. Magna vis ieiunii, magna & præclara sunt per illud. Alioquin quomodo fieri posset, ut homines tam mirifica præstent, ut Dominus per eos vel signa faciat, vel sanitatem laborantibus donet, nisi planè ob deuotas meditationes, & humilitatem animi, & conuersationem bonam? Ieiunium enim est cibus Angelorum, & qui eo vitur, ordinis Angelici censendus est. Atqui Angeli perpetuò in diuinorum mysteriorum contemplatione versantur, mentemque iugiter in DEVM erectam habent.

BASILIVS: Ieiunium reſtrinxit vim ignis, obturauit ora leonum; ieiunium preces noſtras ſubuehit in cœlum, dum illis alatum vice ſit, quo ſuſum ferantur. Ieiunium familiare eſt incrementum, iuuentutis pædagogus, ornamentum ſenibus, bonus comes viatori, tutus conuiſtor coniugatis. Ieiunium Prophetas generat, potentibus robur addit. Ieiunium legumlatoribus ſapientiam ſubminiſtrat. Ieiunium eſt bona animæ cuſtodia, corporis tutus conuiſtor, armatura fortiter belligerantium, ſobrietatis architectus. In bellis addit fortitudinem, in pace docet quietem; atq; vt ſemel omnia dicam, reperiſſes quotquot fuisse Sancti, omnes per ieiunium ad vitam D^Ei dignam fuiſſe inſtitutos.

AMBROSIVS: Magna virtus eſt ieiunij, tam ſpecioſa militiæ eſt, vt ieiunare delectaret & **CHRISTVM**; tam valida, vt ad cœlum homines eleuaret. Et vt humanis magis, quàm diuinis exemplis vtar, Heliæ ieiuni ore vox emiſſa cœlum clauſit ſacrilego populo Iudæorum. Quid reliqua eius contexam? Ieiunus ſilium viduæ ab inferis reſuscitaui; ieiunus pluuias ore depoſuit; ieiunus ignes de cœlo deduxit; ieiunus curru raptus eſt ad cœlum, & 40. dierum ieiunio diuinam præſentiam acquiſiuit, tunc deniq; plus, quando plus ieiunauit. Et infrà: Quid eſt ieiunium niſi ſubſtantia & imago cœleſtis? Ieiunium eſt reſectio animæ, cibus mentis. Ieiunium vita eſt Angelorum. Ieiunium eſt culpæ mors, excidium delictorum, remedium ſalutis, radix gratiæ, fundamentum caſtitaſ; hoc ad **DEVM** gradu citiùs peruenitur.

AVGVSTINVS: Aduertamus, quanta ſit inter ieiunium & ſaturitatem diſtantia, inter ventrem vacuum & pulmones epulis æſtuentes. Moyses quia ieiunauit, vidit Dominum; populus quia manducauit & bibit, idola fabricatus eſt. Eiufdem ſerè ſententiæ ſunt hæc Hieronymi: Sed nequæ ſecunda conſcriptio tabularum, abſque ieiunio potuit impetrari: quod ebrietas perdiderat, inedia reperiit; ex quo oſtenditur poſſe nos per ieiunium redire ad paradifum, vnde per ſaturitatem fueramus eieſti.

LEO Magnus: In omni agone certaminis Chriſtiani, vtilitas continentiæ plurimùm valet; ita vt quidam ſæuiſſimorum ſpiritus Dæmonum, qui ab obſeſſis corporibus nullis exorcizantium imperiis fugantur, ſola ieiuniorum & orationum virtute pellantur, dicente Domino: *Hæc genus dæmoniorum non eiicitur, niſi in ieiunio*

Serm. 1. de ieiun. dam. 2. 6.

Ieiunium Prophetas generat, & ſapientiā admiſtriat.

Lib. de ci. & ieiun. 2.

3 Reg. 17.

Iacob. 5.

4 Reg. 1.

4 Reg. 2.

Cap. 3.

Ieiunium eſt radix gratiæ, caſtitaſis fundamentum.

Ser. 65. de temp.

Li. 2. con. Iouin.

Per ieiunium patet reditus ad paradifum.

Serm. 2. de ieiun. 7. ment.

Matth. 17.

Ieiunantis oratio
DEO grata dæ-
monibus terri-
bilis.

Qui sanctè ieiun-
nat, à mūdo alie-
natur & spirita-
lis efficitur.

Serm. 1. de ieiun.
Quadr.

Serm. 43.

Psal. 50.

Hom. 1. in Gen.
Ieiunium omnē
ætatem & sexū,
quasi diademate
ornat.

Eiusdem est vitia
profigare & vir-
tutes inducere.

Oratione. Grata est ergo DEO, & terribilis dæmonibus ieiunantis oratio. Nec latet, quantum acquirit suæ salutis, quæ tantum præstat alienæ.

ISIDORVS: Quis parsimoniam non laudet? ieiunium non prædicet? ieiunium res sancta est, opus cœleste, ianua regni, forma futuri, quod qui sanctè agit, DEO coniungitur, alienatur à mundo, spiritualis efficitur. Per hoc enim prosternuntur vitia, humiliatur caro, Diaboli tentamenta vincuntur. BERNARDVS: Non est magnum, si compatitur membrum capiti, cum quo & glorificandum est. Et infra: Ieiunium corporis est vnctio capitis, & carnis inedia, est refectio cordis. Quid ni dixerim vnctionem, quæ & medetur vulneribus, & exasperatas conscientias lenit?

PETRVS Chrysologus: Mala tempora facit nobis contemptus temporum, cursus non facit. Quod ergo contemptu perdidimus, ieiuniis consequamur, animas nostras ieiuniis immolemus, quia nihil est, quod DEO præstantius offerre possimus, Propheta probante, cum dicit; *Sacrificium DEO Spiritus contribulatus, cor contritum & humiliatum DEVS non spernit.* Homo offer DEO animam tuam, & offer oblationem ieiunij, vt sit pura hostia, sacrificium sanctum, viuens victima, quæ & tibi maneat, & DEO sit data. CHRYSOSTOMVS: Ieiunium est animarum nostrarum tranquillitas, senum decor, adolescentium schola, continentium magister, qui omnem ætatem & sexum quasi diademate quodam ornat.

EN omnes hi patres alio aliòque orationis genere; alia rursum aliàque via & ratione illustribus sententiis & verbis probant, quod hîc probatum volebamus: nempe ieiunij opus esse, mentem ad DEVM eleuare, rerumq; cœlestium amore candè inflammare, Dæmonibus imperare, ad diuinorum arcanorum cognitionem viam munire, ieiunantiū preces cœlesti numini gratas acceptasq; reddere, aliàq; id genus non vulgaria virtutum ornamenta à DEO Opt. Max. impetrare. Ecquidni virtutes impetret ieiuniū, vel easdem augeat, cui vnum hoc munus incumbit maximè, vt carnis vitia ex animæ regno profiget, eandemque spiritui subiugiet? Constat enim, eiusdem esse vitia, profigare, & virtutes inducere: quippe cum in hoc rerum statu anima alterutrius, prorsus expers esse nõ queat.

SED

SED & ipsum quoque ieiunium, vt piuni & iustum, nullaque vitiosa circumstantia deformatum est, præstantis cuiusdam virtutis actus est; neque enim bonos viros facere posset, si aut virtus, aut præcellentis alicuius virtutis actus non esset: efficit autem optimos. Quotquot viros virtutis vidimus, scribit Cyprianus, sine ieiunio non legimus ascendisse, nec aliquid magni moliti sunt, nisi abstinentia præcessisset. His consentiunt hæc Basiliana; Comperies, quotquot fuere Sancti, omnes per ieiunium ad vitam Deo dignam fuisse institutos. Ad hæc supra ostensum est, ieiunium vel opus esse abstinentiæ, vel peculiarem abstinentiæ speciem; abstinentia autem inter virtutes temperantiæ annexas primatum tenet. Actus rursus & habitus ad idem virtutis genus pertinent. Denique quivis actus humanus ex eo studiosus dici solet, quod per rationem ad finem honestum ordinatur, ieiunium autem Christianum per fidei aut rationis lucem refertur ad carnis mortificationem, ad cœlestium rerum contemplationem, ad vitiorum expiationem, aliâque eiusmodi, quæ omnia constat esse honestissimas, rectæq; rationi quàm maximè consentaneas. Ieiunium itaque non modò virtutum causa, sed præclaræ quoque virtutis actus est.

Serm. de ieiun.
Ieiunium bonos
& sanctos viros
efficit.

Ser. 1. de ieiun.

Ieiuniū est actus
abstinentiæ, hæc
autē species te-
perantiæ.

IAM cū omne omnino iusti verèque studiosi hominis opus vitæ æternæ sit meritorium, sequitur, ieiunia non modò vitiorum expiatoria, multorumq; illustrium donorum conciliatoria esse, sed cœlestis quoq; gloriæ meritoria. Neque hoc CHRISTVS Dominus, vbi legitimum ieiunandi modum præfinit, quicquam dissimulat; ait enim: *Tu autem cū ieiunas, unge caput tuum, & faciem tuam laua, ne videaris hominibus ieiunans, & pater tuus, qui videt in absconso, ἀποδώσει* Γίξῃ τῷ φανερώ, hoc est, reddet vel retribuet tibi in aperto. Atqui omnis iusta redditio ponit debitum, hoc aut meritorium. Ea namq; reddimus, quæ iusto titulo aliis debemus. Pertinet huc quoque, quod Hieremiæ 35. legitur de Rechabitis, Ionæ tertio, de Niniuitis, Iudith 4. & Ester 3. & 4. de Iudæis morti destinatis, Matth. 17. de Damonibus soli ieiunio & orationis vi cedentibus, & alibi alia de aliis.

Ieiunium æternæ
vitæ est merito-
rium.

Matth. 6.

Debita merces
ponit meritorium.

DE veterum Theologorum & Patrum super hac re sententia nulla est quæstio. Nihil enim equè apud illos vñtatum est, ac ea adscribere ieiuniis, q̄ inter vera rationis merita vel primas obtinent.

Constat

Constat enim, peccata expiare, delictorum veniam impetrare, infernum claudere, cœleste regnum patefacere, filios DEI ex filiis iræ efficere, mentem cœlesti cibo pascere, animam purificare, hominem ex morte redimere, aliâque id genus complura, quæ præsci Theologi ieiunio passim tribuunt, res esse tales, quæ citra illustre meritum ordinariè nō obueniunt. Porro autem quo sensu, quâue ratione ieiuniis tanta hæc verè tribui queant, id alibi iam explicatum est, & suo fortassis loco denuo explicabitur, hic solum ostendere lubuit, Patres hæc aliâque eiusmodi ieiuniis familiariter tribuere.

Sermo. de ieiun.
de ieiun. & eli.

CYPRIANVS: Ieiuniis ardentis Æternæ incendium extinguitur, vitiorum sentina siccatur. AMBROSIVS: Ieiunium est mors culpæ, excidium delictorum, remedium salutis, radix gratiæ, refectio animæ, cibus mentis, purificatio animæ, charitatis illecebra, alimentum salutis, reconciliationis sacrificium, incrementum virtutis. ISIDORUS: Ieiunium est res sancta, opus cœleste, ianua regni: per ieiunium prosternuntur vitia, diaboli tentamenta vincuntur.

Ser. 4 de ieiun.

BERNARDVS: Bonum & salutare ieiunium, quo redimuntur æterna supplicia, dum redimuntur hoc modo peccata. Non solum autem est abolitio peccatorum, sed extirpatio quoque vitiorum. Non solum obtinet veniam, sed & promeretur gratiam: non solum delet peccata præterita quæ commisimus, sed & repellit futura quæ committere poteramus.

Lib. de vi. g.

ATHANASIUS: Magnum munimentum est ieiunium: Oratio item & eleemosyna, cum ex morte hominem liberet. Vt enim ob escam & inobedientiam deturbatus est Adam ex paradiso; ita rursum per ieiunium & obedientiam in paradysum, qui volet, redibit. BASILIUS: Ieiunium peccatum in intimis secessibus habitans extinguit enecatque, ieiunium tentationes depellit, ieiunium ad pietatem vngit, & vim ignis extinguit. Hæc patres illi de ieiuniorum vi & robore, quibus nihil dici potest clarius, aut ad reuincendum aduersarium potentius.

Hom. 1. de ieiun.

PORRO autem cum communi doctorum hominum sententia omnis omnino actus meritorius, simul quoque solcat esse satisfactorius: ieiunium verò pio animi studio susceptum perfectumque; vitæ æternæ sit meritorium; consequens sit, ut idem quoque promeritarum poenarum sit expiatorium: Siue illud ab Ecclesia fuerit indi-

Ieiunium est satisfactorium, promeritarumque poenarum expiatorium.

indictum; siue à Confessario iniunctum; siue sponte quoque susceptum. Nam etsi ieiunia à Confessario iniuncta cæteris expient efficacius (fortiuntur enim hæc non solum ex se internaque ieiunantium qualitate vim & energiam, verum etiam ex clauibus Ecclesiæ): cætera tamen sua satisfaciendi efficacitate non carent. Quandoquidem vt opus aliquod verè proprièque sit satisfactorium, sat est, si ex charitate sit ortu, carniq; sua natura molestiam adferre natum, etiamsi propter aliquam causam molestiam actu non adferat. Eiusmodi autem sunt tam ea, quæ vltro suscipiuntur, vel maiorum auctoritate indicuntur, quàm ea, quæ sacerdotis arbitrio pœnitenti præfiniuntur. Ad hæc satisfacere idè est quandoque, quod peccatorum radices exscindere, eorundemque suggestionibus aditum non præbere; eam autem vim non illa tantum ieiunia habent, quæ à confessario iniunguntur, verum ea etiam, quæ ab Ecclesia indicuntur, vel sponte à pœnitente suscipiuntur. Deniq; quando Theologi de satisfactionis officiis disputant, propriumque inter illa locum ieiuniis assignant, nihil secernunt inter indicta & non indicta; sed absolutè omnia ieiunia pio castoq; animi proposito suscepta satisfactoria esse pronunciant, & rectè pronunciant; singula enim eiusmodi vi pollent.

ENIMVERO quòd ieiunium à Confessario indictum, sit satisfactorium, id nemo negat, nisi qui errore deceptus, vel malitia occæcatus tertiam sacramenti pœnitentiæ partem in dubium vocat. Nam si vllum omnino opus verè est satisfactorium, vt citra omnem controuersiam est, certè ieiunium à sacerdote absolvente indictum, maximiè est eiusmodi. Quandoquidem ieiunium illud est opus genere suo bonum & voluntarium, est nihil oscius externo homini sua natura molestum, & charitate, vt hîc ponimus, informatum; (Nam de iustorum ieiuniis præcipuè hoc loco agimus) est tandem ab eo, qui auctoritatem habebat, iniunctum & præfinitum. cur ergo nõ esset satisfactorium? Mitto hîc, pœnitentes miserrimè delusum iri, idque ab Ecclesia, quæ columna & firmamentum est veritatis, si illiusmodi ieiunia non essent verè satisfactoria. Constat enim, per ministros suos ieiunia satisfactorii loco peccata confitètib; iniungere. Constat æquè, seriò pœnitentes ieiunationis molestiam, quò à peccatorum reliquiis absoluantur, promptè, alacriterque subire. Si ergo ad finem hunc

ieiunia à confessario iniuncta præ cæteris satisfactoria.

Gregor.

Omnia ieiunia, nisi in ieiunante hæreat impedimentum, sunt satisfactoria.

Ieiunia pœnitenti iniuncta, multis modis poenari sunt expiatoria.

Si ieiunia pœnitentibus iniuncta non essent verè satisfactoria, Ecclesia filios suos manifestè deciperet.

h obti-

obtinendum ieiunationes nihil prodesſent, in re ſummi momen-
ti deciperentur grauiffimè. Sed abſit, vt Eccleſia filiis ſuis in re vſ-
que adeò graui tam grauiter imponat.

Q V O D rurſum ieiunium ab Eccleſia indiſtum eiufmodi vñ
habeat, id ex cauſis iam adductis perſpicuè patet. Quandoqui-
dem in id genus ieiuniis comperiuntur ea etiam omnia, quæ de
intrinſeca ſatisfactionis ratione exiſtunt: puta operis moleſtia,
moralisquæ & naturalis eiufdem bonitas, ieiunantis voluntas &
charitas, indicentis vel præcipientis auctoritas. Liquet idem
quoque ex Eccleſiæ precibus, quibus publicè diſertis verbis iſtuc
aſſeritur. Eccleſiæ vox eſt: Concede miſericors D E V S, vt hoc ſo-
lenne ieiunium, quod animabus corporibuſque curandis ſa-
lubriter inſtitutum eſt, deuoto ſeruitio celebremus: Atqui ani-
ma non ſolùm curatur à noxa, verùm etiam à pœna, in hac vel
altera vita dependenda. Similes preces inſpirationes intra Quadreſi-
male tempus occurrunt plures, quæ omnes citra vllam dubita-
tionem ab omni falſitate immunes ſunt; niſi enim tales eſſent,
Eccleſia in publicis & ſolennibus ſacrificiis nullo modo eas ad-
hiberet. Colligitur illud ipſum tandem ex cognatis ſatisfactio-
nis partibus; fatentur enim, quotquot orthodoxè ſcribunt &
ſentiunt, eleemoſynas & preces, quas Eccleſia ob cauſam aliquam
indicit, ſatisfactorias eſſe. Idem de flagellis quoque, quæ vel D E V S
immittit, vel naturalis rerum curſus adducit, ſtatui conſuevit.
Cur ergo ieiunia, quæ non minùs ſunt moleſta, quàm illa, ſatisfac-
toria non habeantur? An non familiariter dici ſolitum eſt, ieiu-
nia ad hoc præcipuè ab Eccleſia inſtituta eſſe, vt illa diluantur &
expientur, quæ inordinato carnis amore contra D E V M vel proxi-
mum commiſſa ſunt?

D E N I Q V E quòd ieiunia ſponte ſuſcepta eadem illa vi præ-
ſtent, id euidenter oſtendunt, quæ iam expoſita ſunt: Siquidem
voluntarium operis vires non eleuat, ſed ſepe auget; cæteris nam-
que exæquatis eò vñ quodque opus magis videtur meritum
& ſatisfactorium, quòd ex meliori alacriorique voluntate profici-
ſcitur; atqui non minùs id voluntarium eſt, quod nemine iubente
vel vrgente ſuſcipitur, quàm quod ſecundùm alterius præſcrip-
tum obitur. Communi huic rationi addo, ieiunium ſpòte ſuſce-
ptum, debitòque modo expletum, omnium rectè ſentientium
iudicio

Ieiunium anima-
bus corporibz-
que curandis ſa-
lubriter inſtitu-
tum eſt.

Flagella vnde-
cũq; illata, ſunt
ſatisfactoria.

Ieiunia ſponte
ſuſcepta, ſunt ſa-
tisfactoria.

iudicio, vitæ æternæ meritorium esse; sed multò maioris momenti res est, promereri vitam æternam, quàm redimere quamcunq; pœnam temporariam. Sunt sanè Ecclesiæ clauēs efficaces, viresq; satisfactoriorum operum non parum augent; attamen ad sati sationem non sunt absolutè necessaria, alioqui ante conditum Euangelium nullè extitissent verè satisfactiones; quod est falsum.

Maiores momenti est promereri vitam æternam, quàm redimere pœnā temporariam.

TANDEM non est maioris operis maiorisue difficultatis, cladem vel mortem propter peccata à DEO in hac vita intentatam propulsare, quàm peccatorum reliquias exhaurire, aut pro temporariis pœnis satisfacere; at illud per ieiunia aliæque opera seria pœnitentia digna fieri posse, ostendunt complura illustria Scripturarum exempla. Constat enim, Nininitas, Bethuliatas, Indæos sub Assueri imperio degentes, Machabæos eorundemque socios, Regem Achab, Manassen, & alios præterea quàm plurimos per ieiunia & alia pietatis officia ab impendenti vitæ periculo se liberasse, calamitatemque, quæ ceruicibus illorum impendebat, euasisse. Nininitæ, scribit Clemens, cum per tres dies & noctes ieiunassent, iræ DEI periculum effugerunt; Ester quoque & Mardochæus & Judith impiorum insultationem, id est, Holophernis & Aman ieiunio declinauerunt. Et David dicit: *Genua mea infirmata sunt à ieiunio & caro mea immutata est propter oleum.* Vos quoque supplicationes vestras per ieiunium DEO offerte.

Non est maioris operis, mortē vel etiam cladē per ieiunia redimere, quàm Deo peccatorum reliquis satisfacere.

Lib. 5. cap. 21.
Apost. const.

Psal. 108.

HVC quoque pertinet illud Hieronymi: Ninive imminentem iram Domini, ieiuniorum miseratione detorsit, quàm & Sodomia quoque placasset & Gomorrha, si voluissent agere pœnitentiam, lachrymis patrocinate ieiunio. Achab rex impiissimus, vt sententiam DEI subterfugeret, & euersio domus eius differretur in posteros, ieiunio impetravit & sacco. Et illud nihilominus Chrysostomi: Ieiunium sententiam reuocat: dixit enim DEVS, subuertetur Ninive, & non est subuersa; Adhibuerunt enim ieiunium & effugerunt. Et illud tandem Petri Chrysologi, quod paulò antè attigi: Mala tempora, scribit ille, facit nobis contemptus DEI, non temporum cursus. Quod ergo contemptu perdidimus, ieiuniis conquiramus, animas nostras ieiuniis immolemus, quia nihil est, quod Deo præstantius offerre possimus. Patet itaque ieiunium vtcunque acceptum, satisfactorium esse.

Lib. 2. con. Ioui.

Ion. 3.
3. Reg. 21.

Serm. 1. de ieiun.

Serm. 43.

Summa eorum,
quæ ieiunia præ-
stant.

D E aliis peculiaribus ieiuniorum effectis & viribus seorsim agere non attinet; quippe cum nullæ sint omnino, quæ ad capita nunc exposita citra incommodum referri non queant. Vt ergo, quæ sparsim hucusque dicta sunt, in vnum colligamus, ieiunium carnem edomat, ieiunium mentem ad D E V M eleuat, ieiunium meritum parat, ieiunium peccatorum reliquias expiat, ieiunium Dæmones profligat, ieiunium miracula patrat, ieiunium iratum D E V M placat, ieiunium diuina mysteria reuelat, ieiunium hominibus apud homines gratiam & auctoritatem conciliat, ieiunium animas expurgatorij cruciatibus liberat. Denique tantæ sunt ieiuniorum vires, tantique ac tam mirifici eorundem fructus, vt omni quoque diuina humanâq; lege sublata, aduerso casu urgente, aut grauiori quocunque carnis cum spiritu conflictu infestante, ab omnibus C H R I S T I fidelibus studiosissimè adhiberi iure meritòque semper debeant.

Non omnes, qui
ieiunant, rectè &
meritoriè ieiunant.

A T obiciet hic fortè quispiam; si ieiunium tantarum virium esset, Monachi cæterique omnes, qui crebris ieiuniis vacant, magnæ perfectionis & sanctimoniæ viri forent, & tamen ea perfectio & sanctimonia in illis non apparet? Ad hoc breuiter respondetur, quæ de ieiuniis eorundemque viribus hucusque asserta sunt, ea non de quouis ieiunio promiscuè accipienda esse, sed de iustorum cæterorumque, qui pia, sancta, & studiosa voluntate ieiuniis dant operâ. Nam vt non omnes, qui orant, vel eleemosynam erogant, rectè & meritoriè orant, aut eleemosynas erogant; ita non omnes quoque, qui ieiunant, rectè & meritoriè ieiunant. Comperiuntur enim, qui Pharisaicè ieiunant, alij qui gulosè, alij qui dolosè, alij qui immoderatè vel inordinatè, alij qui superstitiosè vel hæreticè, alij qui sathanicè, alij tandem, qui alio modo inter ieiunandum errant; hi autem omnes, aut nullo omnino aut certè perquam exiguo fructu ieiunant.

Cuiusmodi sint,
qui pharisaicè ieiunant.

P H A R I S A I C E ieiunant, qui non ob id ieiunant, quò D E O placeant, aut pro contractis debitis eidem satisfaciant, aut carnem contra spiritum insurgentem comprimant, aut ad diuina capessenda & pertractanda aptiores se reddant, aut debitam Ecclesiæ eiusdemue magistratui obedientiam præstent: Sed quò pij religiosique hominis titulum vulgò obtineant, sanctimoniæque opinionem apud populares sibi comparent. De hoc hominum genere

genere CHRISTVS Dominus ita loquitur: *Cùm ieiunatis, nolite fieri sicut hypocritæ tristes: exterminant enim facies suas, ut appareant hominibus ieiunantes. Amen dico vobis, receperunt mercedem suam.* Quòd si eiusmodi mercedem iam receperunt; non est ergo, ut vllam amplius à DEO in hac vel in altera vita expectent.

Matth. 6.

GVLOSE ieiunant, qui debetæ temperantiæ leges inter ieiunandum non seruant. Cuiusmodi sunt, qui pro status conditione vel corporis sui constitutione iniis opipara, vel nimis curiosa, vel nimis quoque pretiosa quæritant. Tum ij rursùm, qui ieiunium soluturi nimis auidè vorant, aut in appositæ escas nimis præcipitanter inuolant; vel tempora ieiunio soluendo præfinita non expectant; vel plus certè quàm par est anticipant. Tum ij denique, qui pransuri vel cænaturi tantum simul ingerunt, quâtum biduo digerere vix queunt, quos intemperantiæ Hieronymi sententia meritò condemnat: *Qualis, scribitis, est illa refectio post ieiunium, cùm pridianis epulis distendimur, & guttur nostrum mediatorium efficitur latrinarum.* Dumque volumus prolixiori incidia famam quærere, tantum voramus, quantum vix alterius dici nox digerat. Hæc ille in eos, qui diutius quàm necessum erat, ieiunia protendentes, postea immodicis escis sese ingurgitabant.

Quid sit, gulosè ieiunare, & quibus modis gulosè ieiunetur.

Lib. 2. contra Iovin.

DOLOSE ieiunant, qui vino vel alio quouis potu ebrietatem ciere nato, ante vel post prandium ea copia studiosè vtuntur, ut esuriem fallant. Tum illi quoque, qui in vespertino aut matutino sacratissimo, Ecclesiæ indulgentia scientes volentesque abutuntur. Nam etsi illa per modum medicinæ, ne potus obsit, ante vel post cibum sumptum, exiguarum quarundam rerum vsum permittat, nullo tamen modo permittit luxuriosas cœnas, aut superuacaneas escarum ex quibuscunque rebus confectarum libationes. Falluntur enim grauitè, qui terræ vel arborum fructibus, aut dulcariis libis, aut aliis quibuscunque eiusmodi tragematis ieiunium solui posse negant. Verùm multò crassius hic errant, qui, si nihil calidum vel coctum vesperi accipiant, probè se ieiunare existimant, quodcunque demum ex aliis, vel quantumcunque fumant. Tum ij denique, qui quodcunque alimenti genus in fraudem ieiunij vsurpant.

Quid sit dolosè ieiunare, vel ieiunio fraudem facere.

Multis modis inter ieiunandè fraus committitur.

IMMODERATE & inordinatè simul ieiunant, qui ieiunio operam dantes, Christianæ prudentiæ & charitatis ordinem non

Qui cœsèndi sint inordinatè ieiunare.

D. s. de cons. nō
mediocr.

seruant: quales sunt, qui ita ieiuniis se macerant, vt ad munia debita rite obeunda inutiles ineptosque se reddant; maximè vero. si studio id faciant, secus si ob ingentem spiritus feruorem excessum non animaduertent. Spectant huc illi quoque, qui, vt indicta vel vltro suscepta ieiunia expleant, maioris pietatis vel necessitatis opera neglectui ducunt. Tum illi omnes, qui tam in seruando quàm in soluẽdo ieiunio, rationis medium transiliunt. Cuiusmodi inter ceteros sunt, qui post productum ad biduum vel triduum ieiunium ita cibo potuq; sese ingurgitant, vt molem gestare vix valeant. Contra totum hoc ieiunantium genus Hieronymus ita scribit: Non mediocriter errant, qui bono magno præferunt mediocre bonum. Nonne rationabiliter homo dignitatem amittit, qui ieiunium charitati, vel vigilias præfert sensus integritati? Et infra: De rapina holocaustum offert, qui ciborum nimia egestate, vel somni penuria corpus suum immoderatè affligit. Et eadem distinctione rursum: Sint tibi quotidiana ieiunia, & refectio saturitatem fugiens; nihil enim prodest biduo vel triduo transmissio vacuum portare ventrem, si pòst pariter obstruatur.

Quid sit super-
stitiosè ieiunare.

SUPERSTITIOSE ieiunant, qui prauo aliquo errore imbuti, modum ieiunandi ab Ecclesia præfinitum non seruant, aut quippiam tanquam necessarium ieiunio admiscunt, quod ad ieiunij rationem non spectat. Ad hunc locum pertinent, qui inter ieiunandum Iudæorum, vel Sarracenorum, vel Mahometanorum ritibus magis, quàm Christianorum moribus sese accommodant; rati nimirum, se non ieiunare, si ante nocturnorum siderum exortum, ieiunium soluant. Tum illi rursum, qui esculenta ex iis vasis degustare non audent, in quibus carnes quandoque coctæ fuerant, vel pisciculis tantum exanguibus vescendum putant. Ast multò maximè supersticiosos vel malitiosos veriùs hinc se probant, qui violatæ legis peccatum eiusmodi oratione nonnunquam excusant: Leporum, ceruorum, auium, cæterorumque delicatiorum animantium escas reprobamus, solis autem vulgaribus carnibus absque sale coctis vescimur. Quasi verò Ecclesia solas ferinas vel sale conditas carnes prohibuerit, & non reliquas omnes indiscriminatim? Demum illi quoque inter supersticiosos cenferi possunt, qui diebus lege vel consuetudine ab omni ieiunio

iunio exemptis non expietate vel alia iusta causa, sed ex errore vel contemptu ieiunant.

HÆRETICÆ ieiunāt & illi ipsi in partem, de quibus iam egimus, & alij præterea omnes, qui Nouatianorum, vel Manichæorum, vel aliorum quorumlibet hæreticorum ritu vel mente ieiunant, vel tempora, quæ ipsi ex certo errore ieiuniis consecraverunt, anxie observant. Notum est illud Conc. Carthaginensis quarti: Qui die Dominico studiosè ieiunat, non habeatur Christianus. Et illud Conc. Gangrensis: Si quis propter continentiam, quæ putatur, aut contumaciam in die Dominico ieiunat, Anathema sit. Et illud Melchiadis Papæ: Ieiunium Dominici diei & quintæ feriæ nemo celebrare debet, ut inter ieiunium Christianorum & Gentilium; veraciter credentium & hæreticorum vera & non falsa discretio habeatur. Et illud tandem Ignatij Martyris: Quicumque Dominicam aut Sabbatum ieiunauerit, ipse est CHRISTI interfector. Hæc illi contra hæreticorum sui temporis ieiunia, quæ nunc, quod ad feriam quintam & sabbatum attinet, ut ipsæ quoque hæreses, propter quas eiusmodi leges editæ fuerant, iam olim in dissuetudinem abiuerunt. Hæreticæ quoque hac tempestate ieiunant, si tamen ieiunium hoc dici potest, qui inter ieiunandum nullum ciborum delectum, nullum dierum aut temporum discrimen, nullum denique cœnarum vel prandiorum numerum aut modum observant. Etenim diebus ieiunio consecratis comedunt, quoties volunt, & quantum volunt, & quod voluit, nullam aliam suæ præuaricationis causam adferentes, quam homini Christiano libera esse omnia.

Quales sint, qui hæreticè ieiunant.

Cano. 46.

Cano. 18.

Epist. ad Episc. Hispa.

Epist. ad Philip.

Qui hac ætate hæreticè ieiunant.

SATANICÆ tandem ieiunant, qui ieiuniorum legi ita parent, ut tamen nullum peccandi finem faciant; hoc autem Dæmonum esse proprium, nemo sapiens ignorat. Constat enim, nihil illis cum cibo vel potu commercij esse, neque tamen à prava peccandi voluntate vlllo vnquam tempore desistere. Quod autem ieiunium eorum, qui in vitiorum sordibus persistunt, omni quæ virtutum præsidio destituuntur, nullius apud DEVM sit momenti, roborisque planè perexigui, id apud eruditos & veteres Theologos dubitationem nullam habet omnino.

Qui Satanicè ieiunare dicendi sint.

BERNARDVS: Si sola gula peccauit, sola quoque ieiunet, & sufficit: Si verò peccauerunt & membra cætera, cur non ieiunent & ipsa?

Ser. 3. de Quadr.

Ut ieiunio Deo
sit gratum non
modò gula, sed
cætera omnia
membra à vitiis
ieiunare debent.

ipsa, ieiunet ergo oculus à curiosis aspectibus, qui deprædatus est animam, ieiunet auris; ieiunet lingua; ieiunet manus; ieiunet anima ipsa. Ieiunet oculus à curiosis aspectibus, & omni petulantia. Ieiunet auris nequiter pruriens à fabulis & rumoribus. Ieiunet lingua à detractiōe & murmuratione. Ieiunet manus ab otiosis signis & operibus omnibus, quæ non sunt imperata. Sed & multò magis anima ipsa ieiunet à vitiis, & propria voluntate sua. Etenim sine ieiunio hoc, cætera à Domino reprobantur. Sicut scriptum est: *Quia in diebus ieiuniorum voluntates vestra inveniuntur.*

Esa 58.

D. 5. de con. Nihil.

Hom. 2.

FACIT huc quoquè illud Pij Pont. Max: Nihil prodest homini ieiunare & orare, & alia religionis opera agere, nisi mens ab iniquitate, & ab obrectationibus lingua cohibeatur. Et illud Eusebij Enyseni: Ieiunare & vigilare, & mores non corrigere, sic est, quomodo si aliquis extra vineam, aut circa vineam extirpet & colat, vineam autem ipsam desertam atque incultam relinquat, ut spinas & tribulos germinet. Et illud Augustini: Qui ista vitamus, quæ aliquando licent, inprimis peccata fugiamus, quæ nunquam licent. Itaque si volumus bene ieiunare à cibis, ante omnia ieiunemus à vitiis.

Hom. 1. de ieiun.

Ira mentis est
temulentia.

Lib. de virg.

ET illud Basilij Magni: Verum ieiunium est, à vitiis omnibus alienum esse. Solue omne vinculum iniquitatis, condona proximo; si quid dolet animo remitte illi debita. Nolite ad contentiones & lites ieiunare. Væ his, qui ebrij sunt non à vino. Ira mentis est temulentia, eamque à sobrietate excutit haud aliter, quam vinum. Et illud Athanasij: Qui ieiunio vitur, ordinis Angelici censendus est. Sed ne, mea dilecta, simplex quoddam ac promiscuum ieiunium putes. Non enim, qui à cibis abstinet solummodò, probè se gerit, sed qui abstinet ab omni opere malo.

Hom. 1. de ieiun.

Quid sit sancti-
ficare ieiunium.

ET illud B. Maximi: Quid aliud est sanctificare ieiunium, nisi ieiunij causa sancta velle, iusta facere, iniqua vitare? Et ideo, fratres charissimi, si voluntus DEO placita exhibere ieiunia, simus in fide fortes, in iudiciis iusti, in amicitia fideles, in iniuriis patientes, in contentionibus moderari, refugientes turpiloquia, aduersus iniqua constantes, in conuiuiis sobrij, in voluptatibus continentes, in charitate simplices, inter subdolos cauti. Si huiusmodi virtutibus nostra voluerimus sanctificare ieiunia, tribuente Domino

mino ad gaudia cœlestium promissionum indubitata fiducia & conscientia latiore veniemus.

ET illud tandem Gregorij: (Superuacaneum enim censeo reliquos, qui sunt plurimi, huc adducere) Per Ioëlem dicitur sanctificare ieiunium. Ieiunium quippe sanctificare est adiunctis bonis aliis dignam Deo abstinentiam carnis ostendere. Cesset ira, sopiantur iurgia. In cassum enim caro atteritur, si à prauis suis voluptatibus animus non refrænatur. Hæc Patres de ieiunio aliarum virtutum ornatu destituto, & vitiorum sordibus contaminato. Multa eiusmodi in sacris literis passim occurrunt. Iudicabant quandoq; Iudæi non satis iuste secum agi, quod nimirum ieiunarent, seque affligerent, neque votorum tamen compotes euaderent. Verùm de repulsa deque ieiunij illorum inefficacitate eiusmodi responsum tulerunt:

Ioël. 2.

In cassum caro teritur, si à prauis voluptatibus animus non refrænatur.

ECCË in die ieiunij vestri inuenitur voluntas vestra, & omnes debitores vestros repetitis; ecce ad lites & cōtentiones ieiunatis & percutitis pugno impiè. Nolite ieiunare sicut usq; ad hanc diem, vt in excelsis audiat clamor vester. Nunquid tale est ieiunium, quod elegi? per diem affligere hominē animam suam? nunquid contorquere, quasi circulum, caput suum? & saccum & cinerem sternere? Nunquid hoc vocabis ieiunium & acceptabilem diem Domino? Nonne hoc est magis ieiunium, quod elegi? dissolue colligationes impietatis, solue fasciculos deprimentes, dimitte eos, qui confracti sunt liberos, et omne onus dirumpe. Frange esurienti panem tuum; cūm videris nudum, operi eum, & carnem tuam ne despexeris &c. Patet hinc ergo, non omnia ieiunia esse fructuosa; & ratio rursus, cur non omnia sint talia, siue cur non omnes ieiunantes iis gratiis & beneficiis potiantur, quæ ieiuniis passim tribuuntur.

Esa. 58.

QVI ergo ieiuniorum suorum fructu frustrari non vult, non ieiunet is Pharisaicè, aut superstitiosè, aut dolosè, aut inordinate, aut hæreticè, aut satanicè, aut alio quocunque modo vitiosè, sed piè, sanctè, religiosè, rationi denique & legi per omnia consentaneè. Nam quæcunque in Scripturis vel sanctorum Patrum monumentis de admirabilibus ieiuniorum viribus passim leguntur, ea omnia de ieiuniis castis & Christianis accipienda sunt, non de iis, quæ modò reiecimus. Verùm de ieiuniorum viribus & fructibus satis.

*Non omne ieiunium esse liberum, tametsi per modum absoluti
præcepti nihil in nouo Testamento de illius
ratione cautum extet.*

CAPVT DVODECIMVM.



IEIUNIVM quatenus ad sanandos vel auertendos prauos animi vel corporis morbos absolute est necessarium, sub naturalis iuris præceptum cadit. Non quòd cibum quouis tempore sumere, dummodò sobriè sumatur, secundùm se sit malum; aut quòd crebriùs interdium comedere per se sit peccatum; aut quòd vllum omnino alimèti genus iure naturali simpliciter sit prohibitum; sed quòd res per se alioqui bona & salutaris, tum demum incipiat esse mala & noxia, cùm ex illius vsu certum aliquod animæ vel corpori exitium procreatur: Siquidè naturali equitate, omni quoq; humana lege submota, ab iis omnibus abstinere obligamur, quæ corporis vel animæ saluti aduersari certò dignoscuntur.

Iure naturali ab iis omnibus abstinere obligamur, quæ animæ vel corporis saluti aduersari dignoscuntur.

AT verò licet ius naturale peculiarem abstinentiam quandoque exigit; nullam tamen certam peculiaris huius abstinentiæ siue ieiunij rationem aut modum præfinit: præfinit autè pròque locorum ac temporum qualitate determinat isthæc ius humanum. Intercedit autem inter iura hæc eorundemque præcepta non parum. Etenim ius naturale ea tantùm vetat, quæ secundùm se simpliciter, aut certè ex aliqua loci aut temporis circumstantia sunt mala, animæue vel corpori noxia. Ea rursus solùm idè ius iubet, quæ natura sua sunt honesta, nec nò ad tuendam vel cōseruandam animæ corporisue salutē vtilia vel necessaria. Ius autè humanū non est contentum ea solùm vetare, quæ apertè sunt mala, vel ea tantùm mandare, quæ absolute sunt bona vel necessaria; sed porrò progressum ea interdum quoq; iubet, quæ viam ad ea mununt, quæ per se bona & honesta censentur; & ea rursus nōnunq̃ vetat, quæ an sã ad ea perpetranda subministrant, quæ per se mala vel inhonesta putantur; exempli causa: Ius naturale cauet, ne quis in fontem lædat aut occidat; Ius autem humanum, vbi id necessarium iudicat, ne quis arma, quibus alterum occultè vel manifestò offendere possit, deportet, seuerè inhihet,

Quid inter humanum & naturale ius intercedat.

Ius naturæ secundùm se absolute bonæ vel malæ, iubet vel vetat tantùm; ius humanū ea etiã iubet vel vetat, quæ viã ad eiusmodi bona vel mala aperiunt.

Ius naturale rursus quædam tantum communia dicitur & docet, Ius autem positivum generalia illa communiaque naturalis iuris decreta ad vitæ humanæ praxim, particularesque vivendi rationes & canones deducit. Exemplo rem declaro. Ius naturale fures, adulteros, sicarios, cæterosque eiusmodi, quod sint homines improbi, Christianæque Reipub. perniciosi, pœna coercendos dicitur. Verum quod fur sit fustigandus, aut ad metalla damnandus, vel in crucem agendus, quod adulter vel sicarius capite mulcandus, vel alio eiusmodi supplicio afficiendus, id ius naturæ non docet, neque determinat, determinat autem id prudentia vel lex humana; Verumtamen determinationis huius modus dependet ex communi illo iuris naturalis principio; mali sunt puniendi. Nunquam enim furem suspendere, aut fustigare liceret, si ius naturæ improbos in improbitate deprehensos impune dimittendos doceret. Idem statuatur de reliquis omnibus humanis legibus; tota enim illarum vis pendet ex iure naturali. Quod si qua est, quæ æquitati naturali aduersatur, ea non est lex, sed legis corruptio. Ius denique humanum, quod circa particularia resque sua natura indifferentes & mutabiles plurimum occupetur, est mutabile: Ius autem naturæ, propter causas paulò antè assignatas est immutabile.

Ius naturæ generalia tantum dicitur & docet, ius autem humanum generalia iuris naturalis præcepta vel discrimina ad particulares canones & leges deducit.

Fundamentum & praxis iuris humani est ius naturæ.

Ius humanum mutabile, naturale autem est immutabile.

Ad rem propositam; cum animæ vel corporis salus id deprecatur, ieiunio vel abstinentiæ vacandum esse, istud dicitur ius naturæ in genere; At verò quo modo, quæque ratione, aut quo tempore fieri id debeat, illud determinandum relinquitur prudentiæ humanæ. Igitur ut ieiunia sunt quædam alexipharmaca ad hominis salutem simpliciter necessaria, ius naturæ illa à nobis exigit; ut autem per humanam prudentiam ad hunc vel illum abstinentiæ modum sunt determinata, non absoluta rei necessitas, aut naturalis iuris æquitas ea à nobis efflagitat, sed tantum maiorum auctoritas, quacunque tandem de causa illa efflagitet; nam istud ad legis vinculum est quodammodo impertinens. Nam etsi scopus, quem legislator sibi proponit, præcepti sit ratio, legisque quadantenus anima, non tamen cadit in præceptum, sed tantum opus, quod ad eiusmodi finem vel scopum ordinatur.

Ieiunia ut ad hominis salutem sunt necessaria, exigit ius naturæ; ut verò ad hunc vel illum abstinentiæ modum sunt determinata, non naturæ necessitas, sed maioris auctoritas exigit illa à nobis.

Quomodo & quando iure naturali abstinere à quibusdā, vel ieiunare obligemur.

PORRO autem quòd omni humana lege & constitutione è medio sublata, sola naturalis iuris vi interdū obligemur ieiunare, hoc est, à quibusdā per se alioqui licitis abstinere, vel parcius, quàm communis abstinentiæ ratio postulat, cibum sumere, illud probare non admodum fuerit difficile. Constat enim, dum pleuritide laboro, aut ardenti febris æstuo, eodem illo iure & vinculo me à potenti vino, cæterisque omnibus insigniter inflammantibus, secundum periti medici præscriptum, vel rectæ rationis iudicium abstinere obstringi, quo obstringor vitā tueri, vel me ipsum non occidere. Ad utrumque autem iure naturali obstringor. Quare iure illo salvo, oppositum velle, aut facere neutiquam valeo.

Iure naturali ab iis omnibus abstinere obligamur, quæ obliunt animæ: & quidē multò magis quàm ab iis, quæ offiunt corpori.

Marth. 17.

Omnia quæ in vitæ humanæ vsum veniunt, iure naturali tantisper sunt permissa, dum corpori vel animo non offiunt.

Duplex naturæ adiaphorum,

IAM si iure naturali à noxiis escis abstinere teneor, ut corpus valeat, aut ne graue aliquod detrimentum accipiat, quantò magis eodem illo naturalis iuris vinculo adactus, ab eiusmodi escis abstinere obligabor, si ea fortè spiritali febris incensus ardeam, vel ea interna animi peste laborem, aut eo Dæmone obsessus teneor, quem absque ieiuniorum, vel abstinentiæ præsidio extinguere, aut ex animæ regno exturbare nullo modo queam? At potest nonnunquam id nobis vsu venire, cum quandoque non minùs ægrè habeamus, neque minùs quoque periculosè laboremur, quàm Euangelicus ille, qui CHRISTO attestante, citra ieiuniorum medicinam curari non poterat. Sunt ergo ea omnia, quæ in vitæ humanæ vsum veniunt, iure naturali permissa; at illud non semper, neque simpliciter, sed hætenus tantum, quatenus corporis vel animæ salutis non offiunt: Vbi autem alterutri parti insigniter obesse incipiunt, mox adiaphora esse desinunt.

DICES forsan, quod secundum se liberum vel indifferens est, id semper eiusmodi est, adeoquē iure naturali præceptum non est; sed ieiunia secundum se sunt libera, aliàs omnes promiscuè obligarent. Ad hoc dici potest, naturali iure quippiam bifariam liberum esse, vel, quod in idem redit, duplex naturæ adiaphorū in rerum natura extare: Vnum, quod neque secundum se, neque secundum operis modū ad hominis salutē est necessarium. Quomodo perpetua virginitas, volūtaria paupertas, professio monastica, & alia quædam eiusmodi sunt libera. Ius enim naturale secundum se,

nulli

nulli indicit cœlibatum, nulli spontaneam facultatum ἀποταλὴν, nulli propriæ voluntatis ad alterius arbitrium abdicationem. Alterum, quod secundum se quidem facit ad hominis salutem, non tamen semper, neque secundum operis modum, vel qualitatem; & hoc modo ieiunium, quatenus ad animæ vel corporis salutem est necessarium, non est simpliciter liberum; sed cadit in præceptum; veruntamen quò ad modum secundum hoc ius maiet semper liberum. Ius enim naturale non præfinit aliquem certum ieiunandi, vel abstinendi modum; sed ipsum tantum secundum se ieiunium, vel abinentiam.

Ieiunium iure naturali secundum se nō semper est liberum, secundum modum autem eius iure semper est liberum.

QUAMOBREM cum Niniuitæ certam ex Ionæ prædicatione pestem, nisi tempestiuè resipiscerent, sibi imminere intellexissent, rationis ministerio ducti, omnibus cum hominibus, tum iumentis quoque ieiunium indixerunt, saccoque induti & cinere conspersi totos se ad pœnitentiam composuerunt. Quamuis hæc omnia non absque peculiari quadam diuini spiritus synergia. Natura enim per se solam non docet, aut certè diserte non docet, offensum numen operibus nostris placari. Idem alios gentium & nationum populos fecisse comperimus, quotiescunque impendentem aliquam cladem propulsare, aut singulare aliquod beneficium à DEO impetrare voluissent; & id quidem eò feruentius, quò maiorem fidei lucem DEI quæ cognitionem hauserant. Quare qui prope Iudæam agebant, religiosius in eiusmodi pietatis officii se exercebant, quàm qui procul à Palæstina positi.

Gentes natura duce sepe à multis abstinabant, quæ secundum se libera erant.

AT verò nationes & populi illi, qui πολυθεῖας seu idololatriæ errore occæcati, veram DEI iustitiam ignorabant, singularemque eiusdem de rebus omnibus curam & providentiam non satis perspectam habebant, vel omnino etiam negabant, ut reliqua virtutum studia pro nihilo ducebant; ita ieiunia quoque cæteraque, quæ ad gulam & carnis voluptatem minùs faciebant, veluti ingratam stomacho escam, aut amara catapotia palàm auersabantur; tantumque aberat, ut libidinis ardorem carnis afflictione extinguere satagerent, ut vltro quoque ad omne libidinum & obscœnitatum genus sese dimitterent. Decantabant sanè illorum vates Stygias paludes, Syssiphi labores, Tantali sitim, aliâque id genus inferorum tormenta; sed hæc omnia, qui sapientes apud illos habebantur, ut mera figmenta publicè deridebant: rudes verò, quòd fabu-

Ut cætera virtutis studia apud paganos locum nō habebant, ita voluntaria quoque ieiunia apud illos iacebant.

larum inuolucris testa proponerentur, quorum attinerent, non intelligebant; aut si qui inter illos erant, qui de alterius vitæ supplicii aliquid compertum habebant; nesciebant tamen, per voluntaria ieiunia, aliosque corporis cruciatus sponte in hac vita susceptos redimi posse. Quare plerique omnes absque vlla pœnitentia in conceptis semel erroribus perpetratisque flagitiis, ad finem vsque vitæ persisterant.

Probabile fit patres, qui legem antecesserunt, suas habuisse ferias & ieiunationes.

Ad Patriarchas autem ceterosque sanctos, qui Moyfi legem antecesserunt, quod spectat, quod iustitia, pietate, sobrietate, omnique alio virtutum genere excellerent, dubium nullum est, quin omnia illa ieiunia, quæ lex naturalis ab illis exigebat, magna cum religione & diligentia explerent. Imò verò valde credibile fit, ut suas illi habebant statas preces & sacrificaciones, ita suas quoque habuisse ordinarias ferias & ieiunationes. Nani etsi sacræ literæ nusquam illud diserte affirmant, nusquam tamen quoque diserte negant. Imò aliquid eiusmodi isthic extitisse alicubi insinuant: Quandoquidem Moyfes, qui primus apud Iudæos legem scripto promulgauit, de ieiunio votiui perinde ac de re iam tum nota, vulgòque usurpata scribit & loquitur; ait enim: *Si qua mulier voverit, & iuramento se constrinxerit, ut per ieiunium, aut ceterarum rerum abstinentiam affligat animam suam, in arbitrio viri erit, siue faciat, siue non faciat.* Spectant ad futurum hæc sanè, nihilominus sanctiõis huius occasio ex antecedentium temporum usu & consuetudine petita est; sensus enim est, si qua mulier in posterum voverit.

Numer. 30.

Apud Iudæos duplex ieiuniorum genus obtinebat: vñ diuino præcepto, alterum maiorum traditione constans.

Apud Iudæos porrò post legem iam latam & promulgatam duplex ieiuniorum genus obtinebat: alterum diuinitus præceptum, quod erat omnibus ieiunare valentibus commune: alterum per traditiones à maioribus acceptum: quod Scribis & Phariseis, ceterisque religiosioribus erat proprium. De priori verbum DEI ita cauebat: *Decimo die mensis septimi affligetis animas vestras, & offeretis holocaustum Domino. Omnis anima, quæ afflictæ non fuerit die illa, peribit de populis suis.* De posteriori apud Matthæum hæc tradita extant: *Quare nos & Pharisei ieiunamus frequenter, discipuli autem tui non ieiunant?* Hoc de expiationis ieiunio accipi nequaquam potest; erat enim capitale, si quis illud violasset. Accipendum est ergo de ieiunio traditionario, quod homo plebeius citra noxam prætermittere poterat.

Leuit. 16. 23.

Matth. 9.
Marci 2.

IEIVNIO expiatorio, si legis vim spectes, cognatum erat Zachar. 9.
ieiunium mensis quarti, quinti, septimi, & decimi: tum cætera
omnia, quæ veteri illi populo propter necessitatem vel vrgen-
tem aliquam causam ex tempore iniungebatur. Nam & Saul vni- 1. Reg. 14.
uerso exercitui sub mortis interminatione diuinum ieiunium
indixit, & Ester Regina Iudæis, qui in ciuitate Susan versabantur, Ester. 4.
triduanam ab omni cibo & potu abstinentiam per Mardocheum Iudith 4.
demandauit, & Eliachim Sacerdos omnes tantisper ieiunare vo-
luit, dum auxilium ex alto veniret, & alij item alios. Erant autem
omnia illa ieiunia maiori ex parte temporaria, & certa quadam
ratione priuata, quæ proinde hoc tempore neminem omnino ad
sui obseruationem obligant.

At verò licet veterum Iudæorum & recentium Christia-
norum ieiunia, quoad vinculum & modum & numerum & tem-
pus, & alia quædam eiusmodi non consentiunt, in aliis tamen
plerisque inter se conspirant. Nam vt Catholicæ Ecclesiæ filij
ieiunant, quò cœleste numen ob peccata nostra offensum pla-
cent, eidemque in partem satisfaciunt; aut vt spiritale vel tem-
porale aliquod beneficium ab illo impetrent, ita vetus quoque
Iudæorum populus. Neque enim aliò spectabat acris illa Ioëlis
Prophetæ exhortatio: *Conuertimini ad me in toto corde vestro, in-*
ieiunio, & fletu, & planctu, quàm ad pœnitentiam. Nec alia rursus
de causa ieiunabat Achab, Daud, Ester, Iudæi, qui in Bethulia &
Susan ciuitate agebant, quàm vt iratum DEVM sibi propitium
redderent. Nec aliò tandem expiationis ieiunia, quæ decimo
mensis septimi die magna totius populi religione celebrabatur,
tendebant, quàm ad peccatorum expiationem, mentisque cum
DEO coniunctionem.

RVRSVM vt familiare erat Iudæis defunctorum gratia
ieiunio se affligere; ita iis quoque id legitimum est, qui CHRIS-
TIO nomina dederunt. Animæ defunctorum, scribit GRE-
GORIVS, quatuor modis soluuntur; aut oblationibus sa-
cerdotum, aut precibus sanctorum, aut charorum eleemosy-
nis, aut ieiunio cognatorum. Similia comperies apud alios vete-
res Theologos.

In quibus Iudeo-
rum & Christia-
norum ieiunia
conueniant, in
quibus item à se
inuicem discre-
pent.

Ioel. 2.

3. Reg. 21.

Ester 4.

Iudith 4.

Leuit. 23.

1. Reg. vlt.

2. Reg. 1. 3.

Iudæi defuncto-
rum causa ieiunio se affligebat.

Cap. animæ 1. 3.

q. 2.

DE NOTA vt Iudæi dies illos, quibus insignes calamitates aut clades populo acciderant, anniuersario luctu & ieiunio colebāt; (Huc enim, vt suprā ex B. Hieronymi & veterum Iudæorum sententia expositum est, pertinebat ieiunium quarti, quinti, septimi & decimi mensis) ita pij quoq; Christiani indignam Creatoris & Saluatoris sui necem, anniuersario ieiunio & luctu celebrare assolent. Nam etsi sacra illa paschalis hebdomada quadragesimalis ieiunij pars sit, attamē quò dolorem, quem de Redemptoris **CHRISTI** cruciatibus capiunt, testatiorem faciant, omnia pietatis officia & afflictionum genera per id tempus augere student. Quæ hucusque allata sunt, ea dilucidè ostendunt, & ante & post latam quoque Moyse legem non omnia ieiunia fuisse libera, id quod ea quoque validè confirmant, quæ suprā de ciborum delectu disputata sunt. Constat enim, eiusmodi delectum aliud ferè nihil esse, quàm quoddam partiale ieiunium.

AD Euangelium autem & nouum Testamentum quod attinet, etsi illud ieiunium in genere commendet, modumque nonnullum salubriter ieiunaturis præfinit, & religiosè ieiunantibus præmia promittat, & vsum ieiunij post sublatū sponsum futurum denunciet, & **CHRISTI** tandem ieiunantis exemplum ob oculos nobis proponat; attamen de ritu ieiunandi, deq; tribus partibus illis, quæ ieiunium in Ecclesia receptum & iam inde ab Apostolorum ætate in eadem vsitatum intrinsecè absoluunt, nihil per modum præcepti, aut legalis statuti cauet. Nusquam enim præcipit, vt ab hoc vel ab illo ciborum genere, isto vel illo tempore abstineas, nusquam vt semel tantum hoc vel illo die cibum sumas, nusquam ne ante nonam vel vespèram comedas; atqui, vt antè explicatum est, tota ieiunij nobis noti & hætenus in Ecclesia vsurpati vis & ratio in his est posita; de ieiuniorum numero & tempore par est ratio. Nusquam enim, in Euangelio præceptum extat, vt quadraginta dierum ieiunia continues, nusquam, vt tertio quoquo mense sabbato & profabbato & feria quarta ieiunes, nusquā, vt solennibus natalium **CHRISTI**, Ioannis Baptiste, assumptæ ad cælos Virginis matris, omnium Sanctorū, &c. feriis ieiunia præmittas.

QVOD dicimus, ex Testamento, quod appellatur nouum, liquidò patet. Etenim quæ de ieiunio hic traduntur, eiusmodi sunt ferè:

Christiani de
ieiunij passionis
memoriam ieiun-
ant, & luctu cele-
brant.

Ciborum dele-
ctus quoddā par-
tiale ieiunium.

Euangelium de
partibus, quæ ie-
iunij absoluunt,
nihil præfinit.

ferè: Cùm ieiunasset **LESVS** 40. diebus & 40. noctibus, postea esuriit. Item: Cùm ieiunatis, nolite fieri sicut hypocrita tristes &c. Item: Hoc genus demoniorum non eiicitur nisi in ieiunio & oratione. Item: Quare nos & Pharisai ieiunamus frequenter, tui autem discipuli non ieiunant. Item: Auferetur ab illis sponsus, & tunc ieiunabunt. Item: Anna non recedebat de templo ieiuniis & obsecrationibus seruiens nocte & die. Item: Ministrantibus illis Domino, & ieiunantibus dixit illis Spiritus sanctus; Segregate mihi Saulum & Barnabam. Item: Exhibeamus uosmetipsos in vigilis multis, in fame, in siti in ieiuniis &c. Hæc sunt præcipua, quæ noui Testamenti Scripturæ de ieiunio produnt, quorum alia ieiuniorum vim & fructum; alia **CHRISTI** Domini nostri & aliorum quorundam factum; alia salubre Apostoli Pauli consilium; alia tandem Pharisæorum & sectatorum Ioannis contra **CHRISTVM** eiusdemque discipulos murmur exponunt. Nihil autem ex iis omnibus absoluti alicuius præcepti speciem præ se fert.

Matth. 4.
Matth. 6.
Matth. 7.
Matth. 9.
Marc. 2.
Lucæ 2.
Actor. 13.
2. Cor. 11.

SED & dato quoque, **CHRISTVM** Dominum quadragesimale ieiunium (de eo namq; præcipua est controuersia) non verbo, sed facto vel exemplo instituisse & consecrassè, adhuc qui illud iuris diuini esse volunt, causam non obtinerent. Quandoquidem non omne, quod **CHRISTVS** in se consecrauit vel instituit, legis vim obtinet, aut omnes statim ad sui obseruationem ligat. Nam & ordinis & matrimonij Sacramentum instituit, & tamen nemo absolute tenetur maritus fieri, vel sacerdotio initiari. Sic idem quoque perpetuam castitatem, voluntariamque paupertatem in se consecrauit, & utramque verbo simul & exemplo consuluit, & tamen nullus ob hoc exemplum vel consilium, omnibus abdicatis in voluntaria paupertate, aut in perpetua castitate vitam traducere obstringitur.

Non omnia, quæ
Christus fecit, aut
instituit, obligat
omnes.

ADDE, si solum & nudum **CHRISTI** exemplum illam vim haberet, necessarium fore, ut post susceptum Baptismum ad desertum aliquem locum secederemus, ibidemque totum quadraginta dierum spacium vel omnino nullo, vel certe perquam exiguo cibo vitam toleraremus. At nemo compertus est, qui Christianum hominem ad hoc obligatum doceret. Denique si Quadragesimæ vel aliud quodcunque ieiunium in Catholica Ecclesia usitatum esset iuris diuini strictè & propriè (cuiusmodi utique foret, si à **CHRISTO** absolute esset præceptum), nulla in ipsum

k

caderet

Ecclesia in præceptis, quæ sunt iura diuini, strictè & propriè non dispensat, neque iure dispensare potest.

caderet dispensatio, nulla in iis, quæ ad substantiam illius pertinent, mutatio. Ecclesia enim in præceptis simpliciter diuinis non dispensat, nec dispensare potest. Atqui nihil omnino extat intrinsecam Ecclesiastici ieiunij rationem absoluens, quod iam dudum antè aliquatenus non sit mutatum & antiquatum, vel certè quod summi Hierarchæ auctoritate, si publica vtilitas, aut magna aliqua causa id postulare, mutari vel antiquari non posset.

Ratio præcepti late patet.

Quo sensu Christus ieiunium dicitur instituisse, vel præcepisse, Lucæ 10. Matth. 23.

At fateor interim nonnullos ex Patribus asserere, Quadragesimam continere diuinam institutionem: Alios ieiunium in nouo Testamento extare præceptum; verùm illi CHRISTI exemplum per catachresin præceptum appellant. Dicit enim solet, omnem CHRISTI actionem nostram esse institutionem. Addo aliud esse, hoc vel illud vero propriòque præcepto inditum esse, aliud improprio, hoc est, monitorio vel consultorio; Aliud rursus hoc per hunc vel illum immediatè iussu vel institutum esse, aliud, mediatè; Aliud item ieiunium absolutè sumptum diuinitus præceptum esse; aliud hoc vel illud ieiunium diuinitus præceptum esse; Aliud tandem concionatorem agere, aliud definitorem. Ad rem propositam licet CHRISTVS ieiunium quadragesimale per se proximè non instituit, neque præcepit, instituit tamen & præcepit mediatè; Scriptum est enim: *Qui vos audit, me audit, qui vos spernit, me spernit.* Rursum: *Qui Ecclesiam non audit, sit tibi tanquam Ethnicus & Publicanus.*

Sic quoque licet idem ieiunium absoluto præcepto non indixit, nec eo etiam modo consuluit, quo voluntariam paupertatem, aut perpetuam castitatem; (sunt enim hæc opera secundum se magnæ perfectionis, illustrisque charitatis) hætenus tamen instituisse vel præcepisse dici potest, quatenus rite ieiunantibus certam mercedem promittendo, eiusdemque vim & energiam in profligandis dæmonibus prædicando, & aliquam nihilominus ieiunandi rationem & modum verbo & exemplo præfiniendo, & vsum tandem illius post suam consummationem prædicando iustam Ecclesiæ occasionem obtulit, ut illa iis omnibus per modum absoluti præcepti illud indiceret, qui legitimum impedimentum nullum haberent. Quamvis ergo CHRIS-

SVS Dominus nullum per se peculiare ieiunium simpliciter præcepit, aut indixit, indicendum tamen familiariterque vsurpandum prædixit, & vt indiceretur, legitimam occasionem Apostolis eorundemque successoribus præbuit.

Christus nullū ieiunium indixit aut præcepit, dedit tamen occasionem & auctoritatem, vt indiceretur & præciperetur.

SED neque decebat quoque, neque saluti nostræ conueniebat, vt ipse per se ieiunium Quadragesimæ, vel aliud quodcunque indiceret, aut per modum absoluti præcepti proponeret. Nam præterquam quod is generalia tantum & ad salutem omnino necessaria indiciturus & præcepturus in mundum venerat, maiorem quoque in modum præcepto hoc hominum conscientias, imò verò Ecclesiam ipsam intricasset. Quandoquidem cum absoluta **CHRISTI** præcepta sint communia, omnesque promiscuè obligent, neque omnes tamen citra apertam valetudinis offensionem ieiunare queant, Ecclesia eos, qui ex imbecillitate vel aliqua alia causa ieiunium omisissent, neque à noxa liberos, neque legis rursus reos pronunciare ausa fuisset.

Nullo modo conueniebat, neque saluti nostræ expediebat, vt Christus quodcunque ieiunii per modum præcepti induceret.

NEQUE omnis statim difficultas sublata fuisset, si non omnibus absolutè, sed omnibus, qui commodè possent, ieiunium indixisset. Nam & noua fuisset hæc forma, neque parum præterea arduum, quid commodè quisque valeret, vna communi lege vel regula definire; relinquere autem rem totam vniuscuiusque conscientia, aliud nihil erat, quàm multis & magnis erratis & peccatis magnam fenestram patefacere: Sunt enim, qui conscientias habent nimis angustas; alij contra, qui nimis laxas, præfertim in iis, quæ gulæ & ventri suauia sunt; alij qui perplexas vel dubias; alij qui alio modo affectas. Quare nullo modo conueniebat, vt **CHRISTVS** per se aliqua peculiaria, hoc est, suis legibus & circumstantiis definita ieiunia absolutè indiceret; Abunde autem sat erat, si Ecclesiæ iustam indicendi causam subministraret. Patet ergo, quid iis responderi debeat, qui diuinum præceptum, vel diuinam institutionem ex Ambrosio, vel Augusto, vel alio quocunque vrgere solent.

Quid variæ sint conscientia, tum non esse rem aliquam arduam vniuscuiusque conscientia relinquere.

AT opponent hinc fortè scrupulosi nonnulli & dicent, doctrina hac tametsi vera, gulæ ventriculo deditis, tum ceteris

quoque, qui erga Ecclesiam eiusdemque sanctiones minùs bene affecti sunt, oñiù patefieri ansamq; offerri, vt recepta ieiunia faciliùs negligant, vel licentiosius contemnant. Verùm hi paucis responsum habeant, oppositum omnino hic sequi. Quandoquidem dicere quadragesimale, vel aliud quodcunque ieiunium in Euangelio absolute præceptum extare, vel omnem, qua pollet, vim ex inre diuino mutuare, aliud nihil est, quàm omne robur ipsi

Qui dicunt ieiunium omnē vim, quæ pollet, ex inre diuino habere, omne robur illi adimunt.

Trifariam peccat, qui Quadragesimā iuris diuini esse contendunt.

Probatum est enim, nullam ex tribus illis partibus, quæ Ecclesiasticum ieiunium absoluunt, in toto nouo Testamento ostendi posse, quæ per modum absoluti præcepti fidelibus demandata sit. Imò verò qui Quadragesimam iuris diuini esse contendunt, trifariam peccant. Primò enim id probandum suscipiunt, quod validè probare nullo modo possunt; atque ita & se ipsos & religionis nostræ sacramenta aduersariis deridenda proponunt. Deinde hoc ipso, quòd quadragesimale vel aliud quoduis ieiunium in Ecclesia DEI vsitatum iuris diuini, vel absoluto præcepto à CHRISTO indictum esse defendere nituntur, haud obscure innuunt, si iuris diuini non esset, in interno DEI foro obligatorium nec fore; quod, vt proximis capitibus ex instituto ostendetur, est falsum, & à vera orthodoxæque Ecclesiæ doctrina prorsus alienum. Postremò suo hoc priuato iudicio, grauissimo Ecclesiæ iudicio sese opponunt: Constat enim, Catholicos omnes ieiunium Quadragesimæ, ceteraque omnia ieiunia apud Christianos obseruari solita, non inter diuina, sed inter Ecclesiæ præcepta censere. Vanus proinde omnisque fundamenti expers illorum est timor, qui per hanc doctrinam, quæ planissima & apud eruditos receptissima est, ventris mancipiis, aut aliis quibuscunq; Ecclesiæ hostibus præuaricandæ Ecclesiasticæ legis ansam subministrari queritantur.

Ex Scripturis & Patribus euidentis esse, non ea solum legis vim obtinere, adeoque in foro conscientie obligare, quæ DEVS per seipsum proximè decernit, aut precipit: Verùm ea etiam, quæ per legitimos Ecclesiæ, vel Reipub. Magistratus iniungit.

CAPVT

CAPVT DECIMVM TERTIVM.

VERVM enim uero licet CHRISTVS Dominus Quadragesimæ ieiunium per se non indixerit, neque aliud ullum in Ecclesiâ usitatum per se absolute præceperit; sed quicquid legitimorum ieiuniorum extat, hoc totum ab Apostolis eorundemque successoribus ad nos defluerit: non ideo tamen ieiunare vel non ieiunare Christiano populo liberum reliquit. Quandoquidem is non solum diuinæ legis decreta ad sui obseruationem obligare vult, semperque voluit, sed iusta quoque maiorum præcepta.

Noui Testamenti ieiunia omnia ab Apostolis, vel illorum successoribus ad nos defluerunt.

Et quamuis hoc apud sapientes, sensuque & mente Catholica præditos dubitationem grauem nullam habeat: attamen quod plerique omnes, qui hac ætate ab Ecclesiæ castris, ad Satanæ regnum descuerunt, impudenter id negent, & inter orthodoxos quoque comperti sint nonnulli quandoque, qui ea de re non satis orthodoxè sentirent, & ea tandem, quæ de ieiuniorum Ecclesiasticorum vinculo paulò post dicturi sumus, hoc fundamentò destituta, infirmis admodum radicibus nixa subsisterent: (Nam si communia Ecclesiæ ieiunia secundum omnem partem sunt iuris humani, & ius illud, desit modò contemptus, citra noxam violetur, necessariò consequitur, qui Ecclesiæ ieiunia, vel alia quæcunque eiusdem præcepta citra contemptum præuaricatur, eos nulli culpæ a fines fieri) Cogimur certa quadam ratione de legum humanarum vinculo perinde differere ac de re non satis comperta. Non diffiteor seorsim de hac controuersia disputationem institui potuisse; attamen quia iusta hîc se offert occasio, quæ alibi fortassis deerit, & quotquot ferè de ieiunio ex instituto disceptant, in vtramque partem quæstionem hanc versare solent, nolui illam in alium locum reiicere, aut omnino intactam relinquere; sed neque velle quoque debui, ut æqui censores faciliè intelligunt. Vtar nihilominus compendio, ne ab instituta disputatione procul recedam.

Variè erratur de ca humanarum legum vinculo.

Qua occasione de legum humanarum vinculo disputetur.

QUOD si igitur, qui humanas leges, siue illæ politicæ fuerint, siue Ecclesiasticæ, temerè violant, tanquam qui DEVM ipsum in suis ministris & vicariis cõtemnant, culpæ obnoxij fiant, id sacræ literæ sacrique eorundem interpretes verbis vsque adeò planis &

Peccato affines fieri, qui humanas leges temerè præuaricantur, Scripture & Patres passim affirmant.

disertis passim assueverant, ut mirum videri queat, vltos vnquam in Scripturis vel Patrum monumentis aliquatenus versatos cōpertos esse, qui istud inficiari, aut in dubium vocare auderent. Scripturæ, quæ ea de re definiunt, sunt multæ, nos ex multis pauca tantum in hunc locum adferemus. Scriptum extat ergo:

Deut. 17.

Qui superbierit, nolens obedire sacerdotis imperio, qui eo tempore administrat Domino DEO tuo, ex decreto iudicis morietur homo ille, & auferes malum de Israël.

Deut. 21.

Rursum: Si genuerit homo filium contumacem & proteruum, qui non audierit patris aut matris imperium, & coercitus obedire contempserit, apprehendent eum, & dacent ad seniores ciuitatis illius, & ad portam iudicis, dicentes ad eos: Filius iste noster rebellis & contumax est, monita nostra audire contemnit, comestationibus vacat atq; luxuriæ, lapidibus eum obruet populus ciuitatis, & morietur, ut auferatis malum de medio vestri, & vniversus Israël audiens pertimescat.

Capitale apud Iudæos sacerdotibus, parentibus, cæterisq; maioribus non obedire,

Item:

Iosue 1.

SICUT obediimus in cunctis Moyfi, ita obediemus & tibi. qui contraxerit ori tuo, & non obediit cunctis sermonibus, quos præceperis ei, moriatur. Hic iam Antagonistas interrogo, æquene studiosè CHRISTI religionem professi summo Pontifici, cæterisque Ecclesiæ Prælaris, vel Reipublicæ magistratibus obedire teneantur, ac Israël Iosue, aut filius parenti, aut Hebræorum populus legali sacerdoti? Planissimè; constar enim quòd lex gratiæ perfectior est Moyfi lege, eò exactiorem obedientiam maioremque in omni virtutum genere perfectionem deprecere. Quæro rursum penâne illa, quæ contumaci populo, vel filio apud veteres irrogabatur, iusta fuerit an iniusta? non iniusta, quia à DEO definita: quicquid enim DEVS decernit, hoc iustum & sanctum est. Si autem iusta & sancta erat, vt tenera erat, ergo contumaces illi grauissimum facinus designauerant: Quandoquidem ob leuem noxam nullus capitali supplicio iuste affici potest; multò verò minùs omnis noxæ expers. Sed ad alia sacrarum literarum testimonia.

Lex noxia maiorem deposcit obedientiam & perfectionem, quàm lex veteris.

Ob leuem noxam nulli mortē inferre licet.

Matth. 18.

SI te non audierit, inquit vitæ nostræ dux, dic Ecclesiæ: si autem Ecclesiam non audierit, sit tibi tanquam Echnicus & Publicanus. Et quibusdam interiectis: Super cathedram Moyfi sederunt Scribæ & Pharisei; omnia, quæcunque dixerint vobis, facite: secundum opera autem illorum nolite

Matth. 19.

lite facere. Item: Quicumque non receperit vos, neque audierit sermones vestros, exeuntes foras de domo vel ciuitate, excutite puluerem de pedibus vestris. Amen dico vobis, tolerabilius erit terra Sodomorum & Gomorrhæorum in die iudicii, quàm ciuitati illi. Rursum: Qui vos audit, me audit; & qui vos spernit, me spernit: Qui autem me spernit, spernit eum, qui misit me. Huic cognatum est illud primi Regum octauo: Audi vocem populi buius in omnibus, quæ loquuntur tibi. Non enim te abiecerunt, sed me, ne regnem super eos, iuxta omnia opera sua, quæ fecerunt à die, qua eduxi eos de Ægypto, vsque ad hanc diem: Sicut dereliquerunt me, & seruiuerunt Diis alienis: sic faciunt etiam tibi. Et illud rursum Moysi: Audisti murmur vestrum contra Dominum, nos verò quid sumus, quia misistis contra nos? Dabit vobis Dominus vespere carnes edere, & manè panes in saturitate, eo quòd audiuerit murmurationes vestras, quibus murmurastis contra eum. Nos verò quid sumus, nec contra nos est murmur vestrum, sed contra Dominum.

Luc. 10.

1. Reg. 8.

Exod. 16.

Qui contra sapiores murmurat, vel eos spernit, cõtra Deum murmurat eundemq; spernit.

Hic denudò ab aduersario peto; paganine & publicani, Sodomitæ rursum & Gomorrhæi inter primæ notæ peccatores habendi sunt? Non negabit, certò scio; atqui Dominus eos, qui Ecclesiæ vocem non audiunt, paganorum & publicanorum loco haberi vult: Sodomitarum verò illos, qui Apostolos vel eorum sermones non recipiunt. Constat autem, quicquid Ecclesia vel eiusdem proceres mandant vel ordinant, hoc totum ad humanum ius pertinere. Nam siquid ex Euangelio vel euidenti & necessaria consecutione ex Euangelij lege deductum proponunt, hoc ipsi non mandant, sed à CHRISTO mandatum, tantum promulgant. Pari ratione quæri ab Antagonistis potest, grauène periculum sit CHRISTVM vel patrem eius spernere, DEVM Opt. Max. abiicere, vel spontè deferere, vel superbe contra eundem murmurare? concedent omnino; At qui contra Aaronem aut Moysen murmurant, aut Samuelem repudiunt, aut Apostolos aspernantur, DEVM vel CHRISTVM ipsum spernere vel abiicere, vel contra eundem murmurare locis iam citatis perhibentur. Ecclesia autem habet semperque habitura est suos Moyses & Aarones, hoc est, suos legislatores & sacerdotes, suosque Apostolos & Samueles,

Sodomitæ & Gomorrhæi inter primæ notæ peccatores.

Quicquid Ecclesia mandat vel ordinat, totum hoc ad ius humanum spectat.

Ecclesia semper habet suos Moyses, suosque Aarones, hoc est, suos legislatores & sacerdotes,

Ad Rom. 13. *PRAECLARVM* veritati huic testimonium præbet illud Pauli: *Omnis anima potestatibus sublimioribus subdita sit: Non enim est potestas nisi à DEO, quæ autem sunt, à DEO ordinata sunt. Itaque qui potestati resistit, DEI ordinationi resistit. Qui autem resistunt, ipsi sibi damnationem acquirunt. Nam principes non sunt timori boni operis, sed mali, hoc est, non bene agentibus, sed malè. Et illud rursus eiusdem: Obedite præpositis vestris, & subiaccete eis; ipsi enim peruigilant quasi rationem pro animabus vestris reddaturi. Et illud tandem Apostoli Petri: Subiecti estote omni humanae creaturæ propter DEVM: Sive Regi, quasi præcellenti; sive ducibus, tanquam ab eo missis, ad vindictam malefactorum; laudem verò bonorum: Quia sic est voluntas DEI &c.* His nihil scribi potest clarius. Disertè namque pronuntiatur, certam damnationem eos sibi asciscere, qui humanæ potestati resistunt. Illos autem potestati huic resistere, qui iustis eiusdem decretis & legibus parere recusant, id nemo dubitat. Quòd verò damnatio peccatum, illudque minime vulgare ponat, apud sapientes ancipitem sententiam non habet. Mittimus alia, quòd vni quoque aut alteri ex vetustioribus Patribus in veritatis huius assertionem & confirmationem locus suus constet.

Ep. ad Magnes. *IGNATIVS:* Dignum est & vos obedire Episcopo vestro & in nullo ei contradicere: Terribile est enim contradicere: Non enim istum visibilem quis spernit, sed illum inuisibilem in eo contemnit, qui non potest à quoquam contemni. Hic enim non ab homine, sed à DEO habet promotionem. Dicit enim DEVS Samueli de contemptoribus eius: Non te spreuerunt, sed me: Nam & Moyses populo aduersum se murmuranti ait: Non enim aduersus me murmuratis, sed aduersus Dominum Deum. Nemo enim inultus mansit, qui se contra potentiores extulit. Hæc sanctissimus Martyr & Scriptor vetustissimus Ignatius, quæ obseruatione apprimè digna sunt. Afferit enim terribile esse, Episcopo contradicere, quòd qui contradicit vel spernit (spernit autem, qui iusta præcipienti morem gerere contemnit) non illum spernat, qui sub aspectum cadit, sed eum, qui oculorū nostrorum obtutum subterfugit, hoc est, Deum ipsum. Quòd si priuatum cuiusque Ecclesiæ Episcopum spernere terribile est, quanto cum discrimine coniunctum erit, Episcopum Episcoporum, hoc est, Iesu Christi in terris Vicarium maledictis incensere, atrocibus conui-

tius

tiis publicè insectari, innumerisque apud seditiosam plebem impudentissimis mendaciis onerare?

PROBAT autem Ignatius sententiam suam illis ipsis Scripturæ testimoniis, quibus nos paulò antè vñ sumus, & aliis præterea nonnullis ad rem æquè facientibus; subdit enim: In lege, Dathan & Abiron Moyse resistentes viui ad inferos depositi sunt: Sed & Chore & qui conspirauerant cum eo contra Aaron, ducenti & quinquaginta igne consumpti sunt. Absalon etiam parricida existens, diuino iudicio arbori apprehensus est; sed & cor eius, quòd mala cogitauerat, sagittis trāsfixum est. Propter similem causam plexus est Aman. Ozias leprosus factus est, qui contra sacerdotes sacerdotium ausus est arrogare. Saul etiam sacrificare præsumens regali dignitate dehonorus est, non expectans principem sacerdotum Samuelem. Oportet & vos quoque reuereri potiores; & dignum est, nos non solum vocari Christianos, sed etiam esse; non enim dicere, sed esse facit beatum. Hæc omnia illustris ille Martyr in eos, qui legitimis pastoribus non parent, vel Ecclesiastico ordine contempto, sacerdotium temerè usurpant. Concludit autem, Christiano nomine indignos censendos, qui vel in hæc, vel in illam partem peccant.

CVM his Ignatianis satis conspirant hæc Cecilij Cypriani. Cùm scriptum sit: *Neque maledici regnum Dei consequentur.* Et iterum in Euangelio dicit Dominus: *Qui dixerit fratri suo, fatus, reus erit gehennæ;* quomodo possunt censuram Domini vltiùs euadere, qui talia ingerunt non solum fratribus, sed etiam sacerdotibus? quibus honor tantus dignatione Dei conceditur, vt quisquis sacerdoti eius & ad tempus hñc iudicanti non obtemperaret, statim necaretur. In Deuteronomio enim Dominus per Moysen loquitur, dicens: *Et homo quicunq; fecerit in superbia, vt non exaudiat sacerdotem, aut iudicem, quicunq; fuerit in diebus illis, morietur homo ille.* Item ad Samuelem cùm à Iudæis sperneretur; & Dominus quoque in Euangelio: *Qui audit, inquit, vos, me audit, & eum, qui misit me.* Et cùm leprosum mundasset: *Vade, inquit, & demonstra te sacerdoti.* Et cùm tempore passionis alapam accepisset à seruo sacerdotis, aduersus Põtificem nihil contumeliosè dixit, sed innocentiam suam ostendens: *Si malè, inquit, locutus sum, exprobra de malo; si autem bene, cur me cadis?* Et in actibus Apostolorum cùm dictum esset Paulo: *Sic in-*

Num. 16.

Terribilia exempla in eos constituta, qui legimos magistratū contemplerunt.
2. Reg. 18.

Ester 7.

2. Para. 26.

1. Reg. 13.

Princeps sacerdotum Samuel.

Christiano nomine indigni, q sacerdotes spernunt, vel in illorum munus sese ingerunt.

Lib. 1. ep. 3. ad Corn. Ep. Gal 5. Matth. 5.

Deut. 17.

1. Reg. 8.

Luc. 10.

Matth. 8.

Ioan. 18.

Cap. 23.

Sacerdotes Iude-
oru post Chri-
stum passum se-
lum inane sacer-
dotij nomen re-
tinebant.

Exod. 12.

Hæc notent, qui
tanto furore in
sacerdotes nō o-
minio probos
insurgunt.

Vnde hæreses &
schismata nata,
secundū Cyp-
rianum.

Vnus in terris
Christi Vicari⁹,
& summus Iu-
dex.

Tria illustria do-
cumenta de sa-
cerdotum hono-
re, ex Cypriano.

Hum. 20 ad ca.
2. Luc.

Episcopi potes-
tates nostri eorundē-
que loco habē-
di.

Deut. 21.

*miles in sacerdotem maledicendo? Quamuis Domino iam crucifixo sa-
cilegi & impij & cruenti illi esse cœpissent; nec iam quicquam de
sacerdotali honore & auctoritate retinerent, tamē ipsum quam-
uis inane nomen & vinbram quandam sacerdotis cogitans, Pau-
lus: Nesciebam fratres, inquit, quia Pontifex est. Scriptum est enim: Prin-
cipi populi tui non maledices. Et sermonem absoluens subdit:*

Cum igitur hæc tanta & talia exempla præcedant, quibus
sacerdotalis auctoritas & potestas diuina dignatione firmatur,
quales putas esse eos, qui sacerdotum hostes, & contra Eccle-
siam rebelles, nec præmonentis Domini comminatione, nec
tanti iudicis ultione terrentur? Nec enim aliunde hæreses obor-
tæ sunt, aut nata sunt schismata, nisi inde, quòd sacerdoti DEI
non obtemperatur; nec vnus in Ecclesia ad tempus sacerdos, &
ad tempus iudex vice CHRISTI cogitatur. Hæc Cyprianus, quæ
& assertam veritatem egregiè confirmant, & cum sectariorum
ætatis huius doctrina & moribus ex diametro pugnant. Pri-
mò grauissima pœnā eos dignos pronunciat, qui DEI sacerdo-
tibus, quouis prætextu aut nomine insultant. Mox iusta mor-
te illos multatos astruit, qui sacerdotis imperium superbè quon-
dam detrectarant. Hinc CHRISTI & Pauli exemplo, iis quo-
que sacerdotibus debitum honoris & reuerentiæ cultum defe-
rendum monet, quos improba vita magis condemnât, quàm
proba commendat. Tandem omnes errores & hæreses ex eo na-
sci affirmat, quòd CHRISTI in terris Vicario non obtempera-
tur, vnusque pro tempore sacerdos, à quo cæteri omnes depen-
deant, non agnoscitur.

ORIGENES: Discamus, filij, subiecti esse parentibus; Ma-
ior minori subiicitur: Nam quia maiorem videbat Ioseph æta-
te, propterea eum parentis honore coluit. Omnibus filiis exem-
plum præbens, vt subiiciantur parentibus. Quod si patres iis non
fuerint, subiiciantur illis, qui patrum ætatem habent. Quid lo-
quor de parentibus & filiis, si IESVS filius DEI subiicitur Ioseph
& MARIÆ, ego non subiiciar Episcopo, qui mihi à DEO ordi-
natus est pater? Non subiiciar presbytero, qui mihi Domini di-
gnatione præpositus est? En Origenes eodem loco habet eos, qui
suis Episcopis & Pastoribus parere nolunt, quo illos, qui iusta pa-
rentum

rentum imperia detrectant, hos autē veluti quarti præcepti reos, lex vetus lapidibus obrui mandat.

CVM his faciunt hæc D. Bernhardi quoque: Disce, ait, homo obedire, disce terra subdi, disce pulvis obtemperare, erubescere superbe cinis: DEVS se humiliat, & tu te extollis? DEVS hominibus se subdit, & tu dominari gestiens tuo te proponis auctori? Et friuolam eorum causationem refellens, qui inobedientiam suam improba prælatorum vita excusabant, alibi ita scribit: Qui Ecclesiam non agnoscunt, non est mirum, si Ecclesiæ ordinibus detrahunt, si instituta non recipiunt, si Sacramenta contemnunt, si mandatis non obediunt.

Ad eund. Euāg.
loc.

Ser. 66. sup. cāt.

At peccatores, inquit, sunt Apostolici, Archiepiscopi, Episcopi, Presbyteri, ac per hoc nec dandis, nec accipiendis Sacramentis idonei: nunquam duo ista conueniunt; peccatorem esse; & Episcopum esse. Falsum est. Episcopus erat Caiphas, & quantus peccator, qui in Dominum mortis dictabat sententiam? Apostolus erat Iudas, licet avarus & sceleratus. An tu de illius Apostolatu dubitas, quem Dominus elegit? *Nonne, inquit, Ego duodecim vos elegi, & unus ex vobis diabolus est? Super Cathedram Moysi sederunt Scribæ & Pharisei, & qui non obedierunt eis tanquam Episcopis, inobedientiæ rei fuerunt, etiam in ipsum Dominum præcipientem & dicentem; Quæ dicunt, facite.* Patet quamuis Scribæ, quamuis Pharisei, quamuis maximi peccatores, propter cathedram tamen Moysi ad eos quoque nihilominus pertinere, quod idem dixit: *Qui vos audit, me audit; qui vos spernit, me spernit.*

Ioan. 11.

Peccata non tollunt Episcopatus, aut alii Ecclesiasticum ordinem.
Ioan. 6.

Matth. 23.

Luc. 10.

HÆC in huius ætatis sectarios appositè congruunt. Constat enim eiusmodi argumentationes tritissimas apud illos esse: Episcopi, Pastores, cæteri que Romanæ Ecclesiæ ministri peccatis contaminati sunt; ergo veri pastores vel Episcopi non sunt, ergo lupi sunt, ergo fugiendi sunt, ergo rectæ fidei doctrina destituti sunt, ergo audiendi nō sunt. Et tamen omnes hæc collectiones sunt omnino insulsæ, & si quid virium habent, iusto titulo in illorum capita retorqueri possunt. Eæ enim vulgi prædicantium sunt fordes, ut mundus ferre vix queat. Verum, ut Bernardus rectè docet, ad Episcopale vel pastorale munus abrogandum, vel ad obedientiæ vinculum, quam subditi legitimo magistratui debent,

Quinimodo hæc reticorum argumentationes contra Ecclesiæ Catholicæ sacerdotes.
Inexhaustæ vulgi prædicantium fordes.

Quæ deponantur
ad verum
pastorem.

Graviter errât,
& cum Scriptu-
ris manifestis pu-
gnant, qui leges
humanas tantum
ad pœnam obli-
gare aſſerunt, nō
etiam ad culpā.

Si humane leges
non obligarent
ad culpam, nullo
modo fas foret
eiusmodi legi
præuaricatores
capitali sup-
plicio afficere,
aut anathema-
ti ſubiicere, aut
alia quacunque
gravi pœna affi-
cere.

diſcindendum, ſunt hæc omnia infirma & inefficacia. Qui enim orthodoxus eſt, ſacrisque rite initiatus eſt, & legitima, nullaq; Eccleſiæ cenſura impedita iuriſdictione præditus eſt, verus Episcopuſ & Paſtor eſt. Quem proinde, vtcunque tandem priuatim vixerit, æquè ac Chriſtum ipſum audire neceſſum eſt. Alios Patres, ne inſtituti compendij metas tranſiliam, miſſos facio. Solùm monuerim, non eos modò graviter hîc impingere, qui omnem obligandi vim humanis legibus adimunt, ſed eos etiam, qui eiufmodi leges tantum ad pœnam obligare contendunt: Quandoquidem Deum contemnere, aut ordinationi eiufdem reſiſtere, non eſt puniri, vt quivis iudicio valens facilè intelligit, ſed pœna digna committere.

PRAETEREA ſi humane leges nullo modo obſtringerent ad culpam, ſed tantum ad pœnam, principibus cæterisque politi-
cis magiſtratibus nequaquam fas foret, legum præuaricatores capitali ſupplicio afficere, aut exilio mulctare, aut ad perpetuos carceres damnare, aut bonis omnibus exuere, aut alia eiufmodi pœna plectere. Sed neque Eccleſiaſticis iudicibus quoque ius eſſet Eccleſiaſticarum ſanctionum tranſgreſſores excommunicationis, aut exauſtorationis, aut ſuſpenſionis, aut alteri ſimili pœnæ vel cenſuræ ſubiicere. Nam cum tota conſentiente ſchola hæc pœnæ ſint maximæ, nulli inſonti iuſto iure inferri poſſunt. At cōtumacibus eiufmodi pœnæ iuſtè inferuntur: obligât proinde humane leges non ſolùm ad pœnam, verum etiam ad culpam; imò verò mediante culpa obligant ad pœnam.

Quod ſi obviolatas humanas tantum leges id genus pœnas iuſtè irrogari poſſe negas, non modò piiſſimos Impp. ſanctiſſimosque Pontifices, & Martyres quàm plurimos iniuſtitie condemnas; ſed vniuerſam quoque Rempub. Chriſtianam, ~~et ceteras~~ inſimulas. Neque enim ſoli Imperatores & Pontifices pœnas, quas paulò antè recenſuimus, vt iuſtas decernunt, decretasque inſligunt, ſed complures quoque œcumenicę, provinciales, & diœceſanę Synodi. Mitto hîc, nō ſolùm vnanimem Patrum omnium conſenſum, totiuſque Eccleſię uſum iſtiusmodi pœnarum & cenſurarum æquitatem dilucidè probare; ſed pœnales quoque veteris Teſtamenti leges eandem validè cōfirmare. Siquidem lex Moſaica morte illos mulctabat, qui ſacerdotis, vel iudicis, vel parëtis
impe-

imperium fortè detrectassent. At non minor nunc est Principum vel Episcoporum Ecclesiæ auctoritas, aut in ferendis legibus potestas, quàm olim erat principum vel sacerdotum Synagoge.

DENIQUE res hæc apud prudentes, syncereque orthodoxos est certa & indubitata; Nam vt in sacris literis veterumq; monumentis nihil quicquam, vnde ea veritas constitui posset, traditum extaret; attamen ex opposita doctrina tam multa paradoxa consequuntur, vt iure inepti haberi queant, qui vt contrarium euincant, enixè laborant. An non meritò ab omnibus exhiberetur, qui eos à peccato immunes pronunciaret, qui nulla legitima causa præpediti, præmissa peccatorum exomologesi, singulis annis minimum semel corpori **CHRISTI** communicare nollèt? Qui sacris initiati, vel sacerdotium aliquod Ecclesiasticum consecuti, precum horariorum pensum data opera omitterent? Qui pastoribus decimas, vel principibus statuta vectigalia non soluerent? (nam etsi iure naturali vtrisque alimenta debeantur, eo tamen iure non debentur certa): Qui sacro Veneris die citra vllam necessitatem carnibus vescerentur? Qui tertio vel quarto consanguinitatis vel affinitatis gradu inter se cōiuncti matrimonium inirent? Qui contra interdictū sacris operarentur? &c. & tamen hæc omnia & sexcenta id genus alia, ex humano iure integrè dependent. Simpliciter proinde statuendum est, leges humanas nō solū obligare ad pœnam, verū etiam ad noxam.

In multa absurda sese coniiciunt, qui humanas leges ad culpam obligare iustificiantur.

DICES forsan: Si non solū diuinæ, sed humanæ quoque leges obligant ad culpam, ergo inter has & illas nihil intercedet quandoquidem tota vel certè præcipua legis vis in eo posita est, vt obligare queat ad culpam? Non sequitur; nam etsi in hac re vtrunque conueniunt, in aliis tamen non parum inter se dissentiunt. Etenim vt lex diuina sit iusta, absoluteque obligatoria, sat est, si sola legislatoris voluntas adsit; vt quæ certa primaq; omniū humanarum actionum sit regula; vt autem lex humana vim legis obtineat, non satis est, adesse legislatoris voluntatem, aut iustam legis ferendæ causam, sed præter hæc necessum est, vt diuinæ naturalique legi sit consentanea. Si enim alterutri fuerit dissentea, non erit lex, sed legis corruptio; tum vt sit honesta, Reipubl. utilis, secundum naturam & patriæ consuetudinem lata, loco ite-

Multū intercedit inter diuinæ & humanas leges, etsi in quibusdam conueniant.

Lex humana diuinæ vel naturali legi dissentea, non lex, sed legis corruptio est.

Lex humana vt obligandi vim habeat, multas requirit condiciones.

dem & tempori conueniens, nullo tandem priuato commodo conscripta. Quod si quid horum defuerit, roboris expers erit.

Lex diuina lege humana diuturnior.

Lex diuina latè patet, hoc est, multò plures obligat quàm humana, & strictiùs quæque ligat.

Quid deponatur, ut lex quæpiam diuina censatur & sit.

Prouerb. 8.

Ad hæc licet lex humana diuturna esse queat, & perpetuam esse eidem non repugnet, plurimum tamen lex diuina multò illa est diuturnior & constantior: Quandoquidem ut hæc à solo Deo fertur, ita ab ipso solo quoque tollitur: legem autem humanam multis modis mutari & abrogari contingit. Quin vinculum quoque; utrobique; non est prorsus idem; lex enim diuina nò modò latius patet, pluresque obligat, sed strictiùs quoque obligat. Nam lex humana multò plures conditiones deposcit, ut obliget, quàm diuina. Tandem lex diuina, per quemcunque; tandem promulgetur, vel proponatur, totum robur, quo pollet, à Deo accipit. lex autem humana ut vim, ita originem quoque; ab homine trahit. Nam ut lex quæpiam diuina habeatur, non sat est si generali quadam Dei facultate lata vel promulgata sit: (Quandoquidem si vnum hoc sat esset, omnes omnino leges diuinæ essent, scriptum est namque: *Per me reges regnant, & legum conditores iusta decernunt; per me principes imperant, & potentes decernunt iusticiam.* Sed & omnes quoque; municipales leges hac eadem ratione regiæ & imperatoris forent. Constat enim quicquid inferiores legislatores vel iudices legum vel iudiciorum ferunt, hoc totum supremi iudicis vel legislatoris auctoritate ferre) sed necessarium est, ut proximè ab ipsomet Deo sit lata, vel ea certè ratione ab illo profecta, ut totam, qua pollet, vim & energiam non aliunde, quàm ab ipso mutuetur. Hæc igitur præcipua sunt capita, in quibus diuina & humana lex inter se discrepant.

In quo diuina & humana lex conueniant.

Tam diuina quàm humana lex id sæpè facit necessarium, quod sua natura est liberum.

CONVENIUNT autem in eo, quod iam dictum est. Tum in eo rursus, quòd utraque id sæpè efficiat debitum & necessarium, quod antè erat medium planèque; liberum. Etenim ut à pisce squama non tecto, ab animante vngulam non findente, vel cibum ingestum non ruminante abstinere (modò valetudini non obsint) secundum se est adiaphorum; rursus ut sacerdoti peccatorum exomologesin facere, aquis sacris lustrari, sacrato oleo inungi &c. sua natura est medium, adeoque; liberum, sed vel malum, quia diuinitus inhibita, vel bonum vel necessarium, quia diuinitus præceptum; ita aurum vel frumentum extra prouinciā non efferre, serica veste nulla uti, armis non accingi, certo die carnibus non vesci, aliæque id genus quàm plurimæ, quæ humanæ leges vetant vel

vel mandant, secundum se sunt indifferentia: attamen quia vetita vel iussa sunt, liberè fieri, vel inculpatè omitti non possunt. Tum in eo demum quòd ambæ ita obligent ad pœnam & culpam, vt tamen non semper ad parem, sed quandoque ad maiorem, nonnunquam ad minorem, pro materiæ nimirum qualitate, aut præuaricationis ratione, aut præuaricatoris affectione.

QVOD humanæ leges studio violatæ noxam veniali maiorem quandoque adducant, id ex scripturis patrumque sententiis, & pœnis nihilominus quibus istiusmodi legum transgressiones puniri solent, iam antè probatum est, & apud eos, qui aliquo rationis discursu vtuntur, minimè obscurum est. (Quis enim ita obtusus sit, vt ab omni æquitatis ratione alienum esse non videat, eos corporali morte, aut perpetuo carcere, aut membrorum mutilatione, aut exauktionatione aut suspensione, aut anathemate multare, qui aut nullo, aut veniali tantum peccato sese contaminarunt) & Meldensis Synodi decretò propter importunos quosdam denuò cõfirmatur: Nemo, habet illud, Episcoporum quemlibet, sine certa & manifesta peccati causa, communionem priuet. Sub anathemate autem sine conscientia Archiepiscopi, aut Coëpiscoporum nullum præsumat ponere; nisi vnde canonica docet auctoritas. Quia anathema est æternæ mortis damnatio, & non nisi pro mortali debet imponi crimine, & iis qui aliter non potuerunt corrigi. At omnes enumeratæ iam pœnæ propter humanarum legum præuaricationem imponi consueverunt, & iam olim sæpissimè impositi fuerunt. Nihil hic iam dico de DEI contemptu.

PORRO autem quòd eiusmodi transgressio non semper sit mortifera, id proluxa probatione non indiget. Nam & materia, circa quam peccatur, sæpe est leuis; & actus, quo contra præceptum itur, non plenè semper est deliberatus; & legislatoris voluntas nonnunquam est eiusmodi, vt legis suæ transgressores ad mortale omnino nolit obligari. Et quamuis tota peccati quantitas hinc absolute non pendeat, pendet hinc tamen aliqua ex parte. Certum est enim eundem esse legislatorem, qui prohibuit homicidium & adulterium, paruum & magnum furtum, otiosum & perniciosum verbum, facetum & exitiosum mendacium, &c. & tamen non prohibuit hæc omnia sub eadem noxa & pœna. Sic quoque non ilem peccatum sibi consciscunt, qui ad euitandum maius

Diuinarum æquæ ac humanarum legum præuaricationis non est eiusdem semper gravitatis.

11. q. 2. nemo. Neminus peccati, lethali minus, anathema debet imponi, nec iure quoque imponi potest; nulli rursum nisi cõtumaci.

Humanarum legum transgressio, non semper est lethalis, sed neque diuinarum quoque.

maius malum, vel obtinendum maius bonum, ab humana legis obseruatione desistunt, & qui neutrius habita ratione contra legem agunt: Siquidem legislatoris scopus non est, sua lege maius aliquod bonum impedire, sed bonum promouere.

CAETERVM quando humanae leges violatae adducunt peccatum mortale, quando rursus veniale, vel nullum prorsus, id regula, quae nusquam fallat, tradi vix potest; siquidem rei huius cognitio dependet ex multis capitibus & causis. Quare qui hic certi aliquid pronunciare voluerit, multa consideret oportet, puta legis formam; legislatoris vel legis scopum; materię, contra quam peccatur, qualitatem; personae prauaricantis conditionem; poenae, quę in legis prauaricatorem decernitur, quantitatem; loci, vbi lex lata est, vsu & consuetudinem, aliaque similia nonnulla.

Satis enim compertum est, non idem peccatum committi, dum id agitur, quod absolutè vetatur; vel id omittitur, quod simpliciter precipitur: ac dum id designatur, vel pretermittitur, quod suadetur vel dissuadetur veriùs quàm absolutè mandetur, vel inhi-beatur. Nec idem rursus, dum in re graui peccatur, ac dum in re ponderis non admodum magni. Aut dum contra id committitur, quod sub exauكتورationis, aut anathematis, aut mortis, aut carceris poena vetatur; ac dum contra id, quod absque vilius poenae comminatione per modum statuti vel legis proponitur. Nec idem tandem, cum contra illud statutum peccatur, quod religiosè ab omnibus obseruatur, atque dum contra illud, quod à paucis, vel penè à nullis obseruatur: Nani vt leges non obligant, nisi vtentium moribus confirmantur, ita olim lata vsuque receptae, oppositis vtentium moribus denuo infirmantur, ac tandè omnino abolentur. Edisseram id clariùs:

CERTVM est, in iis, quae secundum se sunt media, vel indifferentia, (cuiusmodi sunt ea ferè omnia, de quibus humanae leges statuunt) legem praeicipuam suam vim ex legislatoris auctoritate & voluntate trahere. Quare vt nulla lex obligat, nisi legislator eam obligare velit, ita iam lata vsuque recepta, si ipse obligandi vim illi adenierit, obligare desinet. Atqui nullum euidentius mutati animi argumentum extare potest, quàm consuetudinem legi contrariam impunè absque vlla contradictione, aut admonitione, aut coërcione admittere; praesertim si legislator earum sit virum, vt

trans-

Qui de humanae legis prauaricatione, eiusque grauitate pronunciarere vult, plura consideret oportet.

Lex vsu non recepta, aut confirmata, vim obligandi non habet, sicut nec illa quoque, quam contrarius vsus abrogauit.

transgressores percommode, si velit, pœnis vel admonitionibus, ne legem violent, coercere possit. Nam si id non posset, aut propter præuaricatorum potentiam non auderet, & legis nihilominus ratio adhuc obtineret, præuaricatores contraria consuetudine à præuaricationis peccato excusationem non haberent. Quod si qui sunt, qui legem iustam Reipublicæ utilem per contrariam consuetudinem abrogari posse negant, illi de ea consuetudine id affirmant, quæ legistore nesciente, vel resistere non valente, contra receptam legem inducitur, vel certè contra legem ea, quæ suapte natura honesta sunt, mandantem, vel ea, quæ intrinsecè mala sunt, vetantem.

At quia de eiusmodi consuetudinibus vulgò non semper constat, aut si constet, de rei tamen iussæ vel inhibiti ratione non item, multò verò minùs de legislatoris voluntate, nisi ipse, quod rarò solet, eam in lege disertè exprimat, qui de præuaricationis qualitate, vel quantitate aliquid certius pronunciare voluerit, consultius fecerit, si in materiam, in quam peccatum cadit, in legis rursus formam, eiusdemque æquitatem, utilitatem, necessitatem, aliâque eiusmodi mentis aciem coniecerit; quàm si in huius vel illius loci consuetudinem, aut legislatoris voluntatem anxie inquisiuerit.

IGITUR vt in diuina & naturali lege communi quadam ratione id capitale censetur, quod contra Dei honorem, vel proximi dilectionem committitur; veniale verò, quod citra illa committitur; ita in humanis legibus id capitale censeri potest, quod contra publicum Ecclesiæ vel Reipublicæ bonum studio designatur. Quale est omne illud, quod contra eiusmodi legem temere perpetratur, ex cuius obseruatione dependet salus, pax, tranquillitas, aut quædam insignis Ecclesiæ vel Reipublicæ utilitas. Veniale verò quod præter hæc, vel contra eam legem committitur, quæ tanti momenti non est, vel cuius obseruatio ad Ecclesiæ vel Reipublicæ pacem & tranquillitatem non admodum necessaria est. Quin hac ipsa quoque lege posita, magna adhuc opus est cautione, ne id videlicet veniale æstimemus, quod veniali fortè gravior est.

Quo d si qui sunt, qui legislatoris voluntatem hîc etiam spectandam & consulendam contendunt, ij responsum habeant,

m

iure

Consuetudo legi contraria cõtra legislatoris voluntatẽ inducta, legem non infirmat.

Ex legis forma, materia, vñ, aliis que eiusmodi facilius transgressionis grauitas deprehenditur, quàm ex legislatoris voluntate aut loci consuetudine.

Generatim id capitale . enteri potest , quod contra publ Ecclesiæ vel Reipubl. bonum committitur, veniale quod citra illud,

Iure existimari
potest, legistato-
rem id voluisse,
quod materiæ,
circa quam fere-
bat, qualitas de-
põebat.

iure existimari posse legislatorem id voluisse, quod qualitas materiæ, circa quam tulit, iure meritòque cum velle postulabat. Neque enim putandum est, legislatorem rem maximi momenti; cuiusmodi ea est, cui totius Reipublicæ vel Ecclesiæ salus innititur, sub nulla aut sub minima noxa vetuisse, aut præcepisse: contra verò rem, nullius ferè pòderis, sub lethali crimine subditis indixisse, aut vetuisse. Fuiſſet enim eiusmodi voluntas primæ regulæ & rectæ rationi planè dissentanea. Nam etsi idem ille, qui dixit: non occides, dixerit quoque, furtum non facies, nihilominus eò grauius illos peccare censemus, qui occidunt, quàm qui furtum faciunt, quò vita hominis præstantior est pecunia; vel quò grauius læditur, qui è medio tollitur, quàm qui externis tantùm bonis spoliatur.

VERVM si id spectemus, quod communiter accidere solet, princeps vel magistratus, dum legem aliquam Reipublicæ vitalem vel necessariam promulgat, nullam plerumque de veniali vel mortali peccato cogitationem suscipit, sed totus in hoc incumbit, vt lex quam tulit, accuratè obseruetur. Quò autem istuc consequatur, non est contentus simpliciter iubere vel vetare, sed minas quoque & multas iussioni vel inhibitioni interdum addit, quas etià in aliorum terrorem à præuaricatoribus ordinariè exigere consuevit. At vero ex eo quòd id non sit, quod ille vult fieri, quodque iure fieri debebat, consequitur noxa. Nam contra legem humanam iustam, debitisque circumstantiis ornatam agens, agit contra rectam rationem, adeoque contra legem naturalem, & ex consequenti agit etiam contra legem diuinam. Iubet hæc enim seuerèque iniungit, vt iustis superiorum legibus morem geramus; contra rationem autem vel DEI legem agere, cum peccato coniunctum est, quodcunque tandem legislator voluerit. Non enim positum est in illius voluntate, velle simpliciter & cum ratione hoc vel illud à suo subdito fieri, & ipsum nihilominus, si, quod visum fuerat, studio neglexerit, à noxa immunem conseruare.

Qui: quid legem
ferens de trans-
gressionis nota
ita tenet, si id nō
fit, quod absolu-
tè vult fieri & cā
ratione voluit,
peccati in con-
stat.

QVAMOBREM non videtur operosè inquirendum prin-
cepsne vel magistratus legis suæ præuaricatorem ad mortale
peccatum obligare voluerit, an tantum ad veniale, vel etiam ad
nullum

nullum omnino. Est autem studiosè inuestigandum an id, quod lege cautum extat, absolutè præceptum sit, an solum consulti-
tum, vel suafum, vel insinuatum. Inuestigandum est hîc, in-
quam, an id, quod lex mandat vel vetat, mandet vel vetet per mo-
dum absoluti præcepti, an tantum per modum consilij. Nam si
per modum absoluti præcepti, legis præuaricator peccat, siue le-
gislator transgressorem peccato qualicunque inuoluere inten-
debat, siue nulli omnino. Si autem per modum salubris consilij
tantum, legem infringens aut non peccat, aut certè lethabiliter
non peccat, etiam si legislator eum ad peccatum obligare insti-
tuebat. Siquidem consilia, modò desit contemptus, communiter
non obligant ad peccatum.

*Videndum stu-
diosè an id quod
lege cautum est,
absolutè præce-
ptum, an tantum
consilium sit.*

QVÆRIS vnde colligam præceptivæ vim lex obtineat, an
tantum consilij? si legislatoris mentem omnino compertam
non habes, neque habere potes, eò quòd vel absit, vel commo-
dus ad illum aditus haberi non possit: expende statuti materiam.
Nam si est grauis, ad Reipublicæ salutem, vel ad boni commu-
nis conseruationem multum necessaria, vel magnum aliquod
malum impedire nata, vel præcepto alioqui digna, legislatorem
præcepisse magis quàm consuluisse existimes; si autem ponde-
ris est exigui, neque multum quoquè ad Ecclesiæ, vel Reipubli-
cæ incolumitatem necessaria, arbitrari licebit magis voluisse
suadere, vel ordinare, vel admonere, quàm absolutè man-
dare.

*Num statum
obtineat vim præ-
cepti, an verò con-
silij, ex materiæ
qualitate specta-
dum est.*

QVOD si legis obiectum fuerit subdubium, ad legis for-
mam, hoc est, ad verba, quibus lex proponitur, consideratio-
nem tuam transferas. Nam qui hac vel alia simili forma legem
proponit: Distinctè iubemus, inhibemus, mandamus: Vel, in
virtute sanctæ obedientiæ, sub anathemate, sub æternæ indi-
gnationis maledictione, sub seuerissimo DEI iudicio, &c. hoc vel
illud præcipimus, vel interdiciamus, absolutum, citra controuer-
siam, præceptum edit: Contrà verò si communibus tantum ver-
bis utitur; vt si ita dixerit, statuimus, decernimus, volumus, ordi-
namus, monemus, hortamur &c. nisi quid adiunctum fuerit, vn-
de oppositum inferre conueniat, legem suaforiam magis quàm

*Ex legis forma
aliquidne sim-
pliciter sit præce-
ptum an verò sta-
tutum, vel ordi-
natum, colligi
potest.*

præceptoriam promulgare voluisse existimari poterit. Quod si his omnibus adhibitis adhuc hæres, eruditos consulas, eorumque consiliis acquiescas.

A T esto, inquis, statutum aliquod humanum iusti præcepti vim obtineat, non ideo tamen, qui illud violat, lethali ter statim peccat? Omnino; modò tamen deliberato animi proposito id faciat: secùs si ex aliqua ignoratione, vel ex quadam animi præcipatione, aut ex aliqua alia causa factum in totum vel in partem excusante eiusmodi legem solueret. Nam qui iusta causa motus legem violat, non peccat. Siquidem causa iusta legis rationem quassat: legis autem ratione quassata, lex obligare cessat; generatim quidem si vniuersè quassata est; speciatim verò, si in peculiari aliquo casu labefactata est. At non est tamen cuiusvis de legis ratione iudicare, alioqui pauci comperirentur, qui legem religiosè obseruarent: sed eius præcipuè, qui legem tulit, si tamen aditus ad ipsum vel ad ipsius successorem haberi possit. Quòd si is haberi non quiverit, ij in consilium adhibendi sunt, qui & iudicio valeant, & D E V M timeant. Qui secus faciunt, violatæ legis periculo haud dubiè sese exponunt.

O B I C I S rursus; vnus aut alterius præuaricatio non potest magnum aliquod Ecclesiæ vel Reipublicæ detrimentum adferre; ergo licet materia, in quam peccatur, sit ponderosa, non ob id tamen capitale aliquam noxam adducet? Ad hoc respondetur, non esse hìc spectandum quantum Ecclesia vel Respublica detrimentum capiat, si vnus aut alter id faciat, quod per legem facere non licet; sed quantum si reliqui omnes idem faciant. Nam etsi forsàn non magnum regno vel Reipublicæ damnum adferatur, si vnus aut alter solùm contra edictum regum aurum aut frumentum è regno exportet, vel iusta vectigalia defraudet, vel aliam eiusmodi legem ad communem populi salutem latam non seruet: magnum tamen adferetur, si iste & ille & reliqui deinceps secùs ac cautum est facerent. Vnde omnes generatim loquendo grauiter peccant: sicut omnes quoque, qui decimas defraudant, aut publica æraria expilant, tametsi vna eiusmodi directio vel expilatio, non ita magnum detrimentum Ecclesiæ vel Reipubl. adferat.

ADDIS:

Qui iusta de causa legem violat, non peccat.

Nò est cuiusvis, de legis ratione iudicare, sed legislatoris præcipuè.

In legum præuaricatione nò est spectandù, quantum vnus præuaricatio detrimenti adferre queat, sed quantum plurimum.

ADDIS: Si peccati quantitas ex materiæ qualitate spectanda est, ut non semel iam dictum est, ergo lex non facit culpam, sed res secundum se: Siquidem per legem rei natura non mutatur. Quare quod post legem latam est utile vel necessarium, id prius quoque quam lex ferretur, erat eiusmodi? Ad hoc dici potest, multa secundum se Reipub. esse commodâ, utilia, & salutaria, quæ tamen non fiunt, quia sunt libera; ut autem fiât, accedit lex, quæ ea, quæ antè erant utilia, non tamen necessaria, facit necessaria. Sic quoque ad mala vel incommoda quod attinet, contingit nonnunquam ut quippiam ante legem latam vni tantum aut alteri malum sit, nõ tamen omnibus: attamen quò omnium commodo ex æquo consulatur, absolute interdicitur omnibus. Exempli gratia: Serico vel auro vestiri, non est malum aut incommodum viro nobili opibus affluentem; est tamen incommodum nobili pauperi; quia eiusmodi vestitus sortis suæ conditionem excedit; veruntamen quia vnus id facit & item alter, & rursus alter, & sic de reliquis, quò inter nobiles quædam æqualitas seruatur, & pauperum nihilominus nobilium honori consulatur, interdicitur omnibus, ne se serico vel auro ornent? Atque ita patet quò lex humana rerum naturas aliquatenus mutet: nam antè bona & utilia, libera tamen, facit necessaria; antè mala non tamen vniuersè, vniuersè efficit mala.

Lex ea, quæ antè erant utilia, & salubria, libera tamen, facit necessaria.

Lex rerum naturas aliquatenus mutat.

INSTAS tertio & postremo: non minor est auctoritas Papæ, vel Concilij, vel Imperatoris, vel Principis viri, vel aliorum quoque inferiorum magistratuum, quam Antistitum religiosarum familiarum; At illi leges edere possunt, & subinde quoque edunt, quæ tantum ad pœnam obligant. Ergo hoc ipsum quoque superiores magistratus facere potuerunt: ergo falsò paulò antè assertum est, in legislatoris potestate situm non esse, legis transgressorem immunem à culpa seruare, propterea quòd ut umbra corpus; ita voluntariam legis præuaricationem naturaliter & necessario consequatur noxa.

NEGARI sanè non potest, leges & sanctiones monasticas, patrum rursus & matrum familiâs, dominorum tandem & præceptorum eiusmodi ferè esse, quæ magis obligent ad pœnam aliquam vel mulctam, quam ad noxam, adeoque maiores quoque potestates eiusmodi leges & sanctiones condere posse, & reipsa

Cuiusmodi sunt natura & leges monasticæ, parentum nem & præceptorum.

quoque interdum condere; verum eiusmodi constitutiones, sanctiones, vel ordinationes non sunt absoluta & κατ' ἐξουσίαν præcepta vel leges: siquidem legislator vel constitutionum eiusmodi auctor vel exactor, siue is secularis fuerit, siue Ecclesiasticus, non præcipit hic, absolute; neque exigit absolutam in hisce à suis subditis obedientiam: sed ordinat tantum & insinuat quid fieri cupiat, vel quid fieri quoque expediat. Quare potius docere vel dirigere dicendus est, quàm absolute præcipere, vel districte inhibere. Quòd si religiosorum præfecti, patres familiars, vel parentes absolute præciperent, vel districte inhiberent, profectò eorum præcepta non secus obligarent, quàm leges ciuiles vel Ecclesiæ Canones. Tenentur enim monasticen professi suis obedire præpositis, liberi parentibus, vxores maritis, serui dominis. Quamobrem dicere; Regula huius vel illius loci vel ordinis obligat ad peccatum, huius contrà vel illius ad peccatum non obligat, idem est dictu, quod primus ordinis vel loci huius vel illius institutor ea, quæ Regula sua complexus est, absolute præcepit: Alter contrà, quæ in Regulam redegit, absolute non præcepit aut vetuit, sed tantum ordinauit, consuluit, insinuauit, &c.

Quæ hæcenus exposita sunt, ea planum faciunt, non solum leges diuinas obligare ad culpam, verum etiam humanas, modò tamen sint iustæ, nullaque mala circumstantia vitiatæ, & iis nihilominus propositæ, qui legislatoris imperio, vel iurisdictioni sunt subiecti. Qui enim legislatoris potestati non subditur, neque eiusdem quoque statutis, aut legibus obnoxius tenetur. Proximum est, vt ea nunc paucis proponamus & diluamus, quæ Antagonistæ contra humanarum legum vim obiciunt. Nam etsi illa nò ita multum vrgeant, ex eorum tamen discussione Catholica veritas illustrior euadet.

Vanas eorum rationes & argumenta esse, qui omnem humanis legibus vim & auctoritatem abrogant.

CAPVT DECIMUMQUARTVM.

PRIMUM

Quo sensu dicitur Regula huius vel illius ordinis obligare ad peccatū, vel ad illud non obligare.

I ex legislatoris subditos tantum obligat.

PRIMUM SECTARIORVM ARGVMENTVM.



ANIORI Euangelij doctrina instituti, nihil ex iis admittunt, quæ Christianæ libertati, aut Euangelico spiritui repugnant: Politicæ autem & Ecclesiasticæ leges vtrique repugnant non parum; scriptum est enim; *Vbi Spiritus, ibi libertas, si Spiritu ducimini, non estis sub lege.* Rursum: *Iusta lex non est posita, sed impiis & periuris.* Item: *Spiritalis homo iudicat omnia, ipse verò à nemine iudicatur.* Denique lex Euangelica non cuiusvis, sed perfectæ libertatis lex appellatur; perfecta autem libertas excludit omnem seruitutem, legumque molestiam.

1. Cor. 3.

Galat. 5.

1. Cor. 2.

Iacob. 1.

SOLVTIO I. ARGVMENTI.

HO c argumentum vsque adeò vulgatum & tritum est, totiesque iam antè inculcatum & refutatum, vt nauseam penè moueat. Quoties iam repetitum est, Christianam libertatem non esse positam in nihil agendo, aut malè agendo, aut in quacunque carnis libertate; verum in immunitate ab ea seruitute, à qua Christus nos liberauit: Hic autem non liberauit nos à maiorum legibus, aut à bonorum operum studiis, aut à vitæ huius miserijs; sed à peccati & dæmonis vinculis, à ritibus & cæremonijs Iudaicis, ab inferorum supplicijs, aliisque similibus, quæ vel peccatum sunt, vel ex peccato originem ducunt. Quare dum Antagonistæ ex Apostolo allegant, *vbi spiritus, ibi libertas*, id allegant, quod nulli Catholicorum negant, tametsi Apostolus aliò spectet. Nam vbi Spiritus regnat, ibi mors, ibi peccatum, ibi caro, ibi infernus, ibi diabolus regnum obtinere non valet: Regnat autem ibi charitas, gaudium, pax, patientia, benignitas, longanimitas, mansuetudo, fides, modestia, continentia, castitas, &c: Vbi autem hæc principatum tenent, ibi lex pœnam adferens, vel inuitos & refractarios ad officium compellens, locum non habet: Iusti enim vltro, quod legis est, faciunt. Habet tamen & apud hos quoque locum, vt dirigit, vt instruit, &c.

Christiana libertas in quibus posita.

A quibus incommodis Christus nos liberaret, vel non liberaret.

Galat. 5.

Quæ modo ex ipso non est posita.

NEQVE sunt hæc nostra cõmentaria, aut monachorum somnia, vt carnalis libertatis præcones nugari solēt; sed certa Spiritus sancti oracula. Quandoquidem enumeratis Spiritus sancti fructibus, Aposto-

Galat 5.

Quomodo iusti
non sunt sub le-
ge.

Apostolus statim subiungit: *Aduersus eiusmodi non est lex: quod idem est cum eo, Si spiritus ducimini, non estis sub lege; & cum altero illo, Iusto lex non est posita.* Neque enim ea ratione ipsi posita vel imposita est, ut premat vel inuitum compellat, vel pœnæ formidine ad officium adigit; verum ut moneat, quidquid opus est facto edoceat; vel certe propter ipsum non est posita: nam si omnes forerent iusti & æquitatis studiosi, nullis pœnalibus statutis opus esset: vel non eo fine aut ratione iustis est posita, quo impiis & iniustis.

1. Cor. 2.

Quo sensu spiri-
talis iudicet om-
nia, & à nemine
iudicetur.

Externa sancti-
moniarum iudicia
incerta.

Carnales carna-
lia sapiunt.

Cum autem Apostolus scribit, spiritalem omnia iudicare, ipsam autem à nemine iudicari, quidvis potius indicare vult, quam spiritalem hominem nullum superiorem, aut iudicem habere, nulla lege teneri, nulli mortalium obnoxium esse; in omnibus autem & per omnia sui iuris ac liberum esse, ita ut quicquid facere lubeat, inculpatè facere queat: Significat autem cuiusmodi sit, id à nemine certò discerni posse. Quandoquidem externa sanctimoniarum indicia sunt ambigua, malisq; cum bonis communia, adeoque ex iis ne ab altero quidem spiritali certum iudicium fieri potest, nedum ab homine carnali. Carnales enim carnalia tantum sapiunt & loquuntur: Ipse autem per internum Spiritum sancti magisterium rectè iudicat omnia; tam ea, quæ vitæ salutique sunt consentanea; quàm ea rursus, quæ eisdem sunt dissidentanea. Nihil est ergo, quod de spiritali omnia iudicante, aut de Christiana libertate adferunt.

Iacob. 1.

Sed neque magni quoque momenti est, quod de perfecta libertate ex D. Iacobi Canonica depromunt. Primò enim S. Iacobus Euangelium non appellat legem perfectæ libertatis, sed legem perfectam libertatis. Ait enim: *ὁ παρακύψας εἰς νόμον τέλει οὐ τῆς ἐλευθερίας; Qui perspexerit in legem perfectam libertatis, vel, quæ est lex libertatis.* Eodem omnino sensu locum hunc legunt Syri quoque. At multum interest inter legem perfectam libertatis, & legem perfectæ libertatis. Multæ enim extant leges, quæ & perfectæ sunt, & libertatis sunt, & tamen perfectæ libertatis leges non sunt. Deinde verò, ut perfectæ libertatis lex sit, perfectæque libertatis lex appelletur, adhuc nullum huic veritati præiudicium procreatur. Constat namque, libertatem eò censendam esse maiorem, quò scrutus, ex qua liberat, erat grauior: Attenebamur

serui-

Non omnis lex
perfecta liberta-
tis, est etiam lex
perfectæ liber-
tatis.

seruitute omnium teterrima & improbiſſima; niſi quis forſan ita ſobriè ſapiens ſit, vt leue exiſtimet, obnoxium eſſe Diabolo & peccato, preſſum eſſe Moſaicæ legis iugum, deuotum eſſe inferno, mancipatum eſſe morti, innumerisq̃ue huius vitæ miſeriis, à quibus omnibus liberati ſumus per CHRISTVM. Denique Apoſtolus nuſquam docet ſat eſſe ad ſalutem perfectæ libertatis legem cognoscere; monet autem ſerioq̃ue inculcât, qui ſalute potiri cupiunt, eos ſtudioſè illa omnino præſtare debere, quæ lex illa mandat: *Qui, inquit, perſpexerit in legem perfectæ libertatis, & manſerit in ea, non auditor obliuiſus factus, ſed ſactor operis, hic beatus in ſacto ſuo erit.* Atqui inter cætera legis huius decreta continetur ea quoq; obedientia, quæ maioribus debetur.

Duriſſima erat ſeruitus, à qua per Chriſtum liberati ſumus.

Non ſatis eſt legē cognoscere, ſed oportet eā, q̃ ſalutis fieri volunt, implere.

QVAMVIS ergo lex Euangelica libertatis lex ſit, lex tamen eſt, onus eſt, iugum eſt; & illud quidem, ſecundum ſe abſolutè cōſideratum, minimè leue. Nam nō irarſci, inimicis bene facere, pro perſequentibus orare, non modò manum, ſed oculum quoque & animum ab illicitis coërcere, crucem tollere, ſeipſum abnegare, aliq; cuiuſmodi præſtare, res proſectò eſt ſecundum ſe admodum ardua, hominiqu; carnali difficilima; dicitur nihilominus lex Euangelica onus leue, & iugum ſuaue, quia eſt lex charitatis, quæ facit omnia ſuauià & leuià; ſed vna quoq; hæc cuiuſmodi eſt, quæ præ cæteris omnibus impigrè laborantibus maxima ſubminiſtrat præſidia, quæq̃ne ſumma pro exiguo labore præmia dependit, & quæ denique cum Moſaica collata, ſimpliciter, id eſt, quod ait Dominus, onus nimirum leue & iugum ſuaue.

Lex Euangelica ſecundum ſe abſolutè cōſiderata, non parum gravis eſt.

Quo ſenſu lex Euangelica dicitur onus leue.

ARGVMENTVM SECVNDVM.

SINT ſanè, inquit, humanæ leges vtiles & ſalutares, aſt ad obtinendam Chriſti gratiam, ſempiternaq; vitæ hereditatem minimè videntur neceſſariæ: Nam vt ſalute potiârè, ſat eſt, ſi mandata ſerues. Conſtat enim adoleſcentem, quid facto opus eſſet, vt vitam æternam conſequeretur, ſciſcitantem, tale reſponſum à Chriſto tuliffe: *Si vis ad vitam ingredi, ſerua mandata.* Quod ſi quid eo ampliùs opus eſt, hoc totum plenè in Euangelio explanatum eſt. Sed & Dominus quoq; Apoſtolis non ſuas conſtitutiones prædicare iuſſit, ſed Euangelium: *Euntes, ait, prædicate Euangelium omni creaturæ.* Quod ipſi quoq; ea religione obſeruârunt, vt iis anathema

Matth. 19.

Matth. vi.

Galat. 3.

denunciare non dubitârint, qui secus facerent; *Si quis Euangelizauerit vobis præter id, quod accepistis, scribit Paulus; anathema sit.* Acceperant autem ipsi Euangelium CHRISTI. Præterea lex Euangelij non est minoris perfectionis, aut *ὑποφωτισίας*, aut autoritatis, quàm lex Moisaica; sed huic legi nihil adicere, aut adimere licebat: Quod si quid per Phariseos, aut legis doctores ad illam adiectum fuerat, illud in conscientiarum foro obligatorium nõ erat. Deniq; sub lege naturæ bonæ leges non minùs erant necessariæ, quàm hac ætate. Sed Adam, Noë, Abraham, cæteri; Patriarchæ nullas leges aut constitutiones, quæ vllam omnino vim conscientis adferrent, edidisse leguntur.

SOLVTIO II. ARGVMENTI.

Luc. 10.

Matt. 13. 23.

Rom. 13.

Ephes. 5.

Ephes. 6.

Ephes. 5.

1. Pet. 2.

Rom. 13.

Matth. 23.

1. Pet. 2.

Deuter. 17.

PRIMUM argumenti huius membrum solutione non indiget. Fatentur enim, qui cum Luthero & Caluino faciunt, solâ Decalogi obseruationem ad salutem sat nõ esse. Sed neq; Decalogi quoq; lex vnâ cum Euangelio eâ ad rem sat est. Et dato sat esse, adhuc aduersarius causam aduersus humanas leges nõ obtineret. Nam vt fuscè suprà expositum est, Euangelium seuerè mandat, vt maiorum statutis & legibus per omnia obediamus. Mandant idem quoq; Apostoli Euangelicæ doctrinæ interpretes longè fidissimi. Euangelij vox est: *Qui vos audit, me audit, qui vos spernit, me spernit. Qui Ecclesiâ non audierit, sit tibi tanquã ethnicus & publicanus.* Super cathedram Moysi sederunt Scribæ et Pharisei, omnia quæcunq; dixerint vobis, facite. Apostolorum voces sunt: *Omnis anima potestatibus sublimioribus subdita sit. Qui potestati resistit, Dei ordinationi resistit: qui autem resistunt, damnationem sibi acquirunt. Mulieres viris suis subditæ sint, sicut Domino. Filij obedite parētibus vestris in Domino. Honora patrem tuum et matrem tuam; quod est mandatum primum in promissione, vt bene sit tibi, & longæuis sis super terram. Serui obedite dominis carnalibus cum timore & tremore in simplicitate cordis vestri, sicut Christo. Item: Serui subditi estote in omni timore dominis, non tantum bonis et modestis, sed et discoloris.*

IAM si, iuxta Euangelicam & Apostolicam doctrinam, obediendum est potestatibus sublimioribus, si Scribis & Phariseis, si parētibus, si dominis etiam discoloris, cur non etiam summis pontificibus, cæterisque Ecclesiarum pastoribus & rectoribus? An non ipsi quoq; patres & sublimiores potestates sunt? quibus proinde æquè ac Christo ipsi honorem, reuerentiam, & obedientiam deferre obligamur? An non in lege veteri, quæ umbram tantum fu-

turo.

tutorum gerebat, capitale erat, si quis sacerdoti, qui pro tempore populo præerat, non paruisset? An non Apostolorum discipulis, idemq; illustri martyri Ignatius, perinde Episcopo obtemperandum docet, atque ipsi CHRISTO? An ob id forsân Episcopi, cæteri q; Ecclesiæ ministri audiendi non sunt, quia vt Petrus & Paulus sancti non sunt? At quid hac excusatione adferri potest ineptius, aut quod cum CHRISTI, Apostolorum, Sanctorumq; omnium doctrina, imò verò cum ipsa ratione pugnet magis? Nam si probis tantum obediendum est, cum de nullius probitate & sanctimonia certò constet; vel nulla erit obedientia in terris, vel omnino exigua. Quid enim, si fortè parère nolis, facilius fuerit quàm superioris tui vitam in ius vocare? Est itaq; legitimis superioribus, qualescunque tandem fuerint, obediendum, & alacriter obediendû, & in omnibus, quæ illorum potestatem nò excedunt, neq; vllam mali speciem præ se ferunt, obediendum.

Episto. ad Magneſ

Matth. 23.
1. Pet. 2.

Inquibꝰ, et quomodo superioribus parendû.

SED Apostoli, inquit, non proprias constitutiones, aut qualescunq; humanas leges prædicare iussi sunt, & re ipsa prædicârunt; sed ipsum purum putumq; Euangelion tantum? Apostolis Euangelium prædicare iussum nemo inficiatur; Interim non id solum Euangelizare iussi sunt, quod quatuor Euangeliorû voluminibus comprehensum est; sed totum illud, quod Euangelicę legi cõsentaneum, hominumq; salutis promouendę idoneû videretur. Quãobrem quicquid Apostoli, per Spiritum sanctum edocti, verbo vel scripto orbi tradiderunt, hoc totum Christi Euangelium appellari potest; quia totum doctrinæ Euangelicę in omnibus & per omnia consonum est. Ea propter cum Paulus ad Galatas scribens, ita ait: *Si quis Euangelizauerit vobis præter id, quod accepistis, anathema sit*, nequam eos anathemate ferit, qui ædificationis, aut explanationis causa aliqua in medium adferebant, quæ in Euangelio, vel in toto quoq; veteri, aut nouo Testamento prodita nò extabant; sed eos solum, qui Euangelio cõtraria, vel ab Euangelica doctrina aliena recens ad fidem conuersis instillabant. Cuiusmodi ætate Pauli erant quidam Pseudoapostoli, qui inter alia Euangelio contraria docebant, nemini salutem obtingere posse, qui legem Mosaicam vnâ cum Euangelio non obseruaret.

Apostoli non id solum prædicauerunt, quod in iussis est, quod quatuor Euangeliorum voluminibus comprehensum est, sed totum illud quod Euangelio consentaneum est.

Galat. 1.

Quod aut Apostoli non id tantum prædicârint, mandârint, & ordinârint, quod Euangelicus contextus disertè offert; sed alia

Plurima mada-
ta decreta & or-
dinata sunt ab
Apostolis, quæ
in Euangelio nõ
continentur.

- Ad Tit. 3.
2. Ioan. vlt. 10.
1. Tim. 5.
1. Tim. 3.
1. Cor. 11.
Ad Tit. 1.
1. Cor. 11.
Agor. 15.

præterea multa, quæ expresse in Euangelio non continentur, id apud eos, qui iudicio & ratione vtuntur, eorundemq; scripta legerunt, extra omnem cõtrouersiam est; & si quis neget, facillimo negotio probari potest. Nam vt de eorum canonibus & constitutionibus, quæ iam olim orthodoxorum manibus teruntur, nihil dicatur, quàm multa in illorum scriptis extant statuta, præcepta, & ordinata, quorum nullum prorsus in toto Euangelio cõperitur vestigium. Vbi, quæso, hîc proditum est, hæreticum hominẽ post vnã aut alteram admonitionem vitãdum? Vbi ne Aue quidem eidem impertiendum? vbi, iuniores viduas nubere, seniores domus gubernationi incumbere, vtrasq; aut à curiositate & garrulitate se continere debere? vbi, mulieri publicè docere, aut detecto capite orare, viro autem comam nutrire fas nõ esse? vbi, digamũ, vinolentum, percussorem, inhospitalem, &c. ad sacerdotium vel Episcopatum promouendum non esse? vbi, Eucharistiam profanis escis miscere non licere? vbi à sanguine & suffocato & idolothytis abstentum oportere? vbi, sexcenta id genus alia, quæ Apostolorum monumenta subministrant passim.

Quænam Dñs
Apostolos vo-
luerit docere,
cũm eos ad Eu-
angelizandum
amandauit.

Cum itaq; Dominus Apostolos ad prædicandũ Euangelium in terrarum orbẽ amandauit, neq; iussit, neq; voluit, neq; conuenienter iubere aut velle potuit, vt ea tantũ prædicarent, quæ Euangelij litera prima fronte offert: (Siquidem per id tempus, & aliquot etiam annos postea nullum adhuc Euangelium exaratum extabat) voluit autem vt illa mundo annuntiarent, quæ pertinet ad Euangelij statum, nullos illis prædicandi limites, aut modos præscribens. Quare etiam dubium nullum est, plurima illos docuisse, viuãque voce tradidisse, quæ neque in Euangelis, neque in illorum Epistolis comperiuntur: Imò verò maior illorum pars nihil scripsit, & tamen omnes plurimos annos in Euangelij prædicatione insumserunt.

Quæ Iudeorum
doctoribus legi
licuit addere,
quæ item non
licuit.

Quo de noua legis perfectione super Moyse legem allegabatur, id gratis cõceditur; at nihil hæc concessio ad eneruandum humanarũ legum vinculũ. Nam etsi Iudæis nefas fuerit legi, quam p̃er Deum à Moyse acceperant, aliquid addere, vel certò aliquid eiusmodi addere, quod substantiam illius mutaret, semper tamen licuit abstrusos legis sensus interpretari, verbisq; & exẽplis, quæ in lege difficilia videbantur, explanare & illustrare. Habebat enim

Iudæo-

Iudæorum populus æquè suos rectores & νομοδιδασκᾶλεις, ac Christianorum cætus suos Episcopos & Pastores. Quin quædam quoque; peculiaris ratio urgebat apud Iudæos, quæ non apud Christianos. Quandoquidem lex Mosaica maiori ex parte cæremonialis erat: cum autem cæremoniæ illæ ita haberentur inter sacrificia legalesque cultus, ut simul quoque futurorum essent symbola, solus Deus præfinire potuit; ut qui solus futurorum ex libera causa dependentium sit præsciens; sed & solus quoque definire debuit. Nam cum vetus ille populus, ex ingenita quadam leuitate, pronus esset ad omnem idolomaniam; si liberum illi fuisset quibuslibet ritibus ac cæremoniis uti, facilimo negotio in gentium ritus & superstitiones degenerasset. Fuerunt proinde eiusmodi ritus cultusque ipsi præstituendi, à quibus ne latum quidem culmen recedere fas foret. Veruntamen præter leges cæremoniales & iudiciales statas, Iudæi habebant constitutiones quasdam politicas & æconomicas non statas; sed pro locorum temporumque ratione mutabiles, quibus æquè morem gerebant, ac statis illis & quasi perennibus.

Solus Deus Iudæorum cæremonias præfinire potuit & debuit.

Iudæi habebant suas quoque; leges & sanctiones politicas, publici magistratus auctoritate editas.

SIMILE quiddam de Adamo, Noë, Abrahamo, cæterisque, qui legem antecesserunt, coniicere licet: Nam cum illi vitam ducerent non modò politicam, rationiq; per omnia consentaneam, sed admodum quoque piam & religiosam, haud dubiè non vivebant sine ciuilibus legibus, sacrisque cæremoniis & institutis: Si quidem vita sine legibus, sine ritibus, sine cæremoniis & sacrificiis non hominum, sed beluarum vita est. Sed neque dubitare quoque; licet protoplastum, quæ de suo statu ante & post peccatum, deq; vero DEI cultu, nec non de peccatorum remissione ac mediato re venturo comperta habebat, ea viua voce liberis suis prodidisse: & hoc rursum aliis & aliis, donec tandem proposita & promulgata est lex scripta. Nec dissimulat id scriptura, tametsi pauca admodum de primo illo mortaliu statu commemoret: inter alia namq; filios Adami sacrificasse, ciuitatesque & familias instituisse explanat; At nihil horum sine legibus & cæremoniis fieri potuit. Leges autem frustra figuntur, si nemo illis parère obligatur. Pertinent huc quoque, quæ de Abrahamo eodem illo libro referuntur. Num, inquit DEVS, celare potero Abraham, quæ gesturus sum? Scio enim quod præcepturus sis filiis tuis, et domui suæ post te, ut custodiant viam Do-

Patres ante legem Mosaicam non vivebant sine legibus ciuilibus & Ecclesiasticis.

Adamus multa tradidit posteris suis credenda, facienda, & obseruanda, quorum scriptura nō meminit.

Genes. 4.

Frustra leges figuntur si nemo illis parère obligatur.

Genes. 18.

mini, & faciant iudicium & iustitiam; & adducat Dominus propter Abraham omnia, quæ locutus est ad eum. Hæc sanè aperte agunt de legibus & cæremoniis, quæ in Abraham familia & generatione obtinebant; Atque ita nihil allatum est secundo argumento, quod assertam veritatem vlla ex parte infirmet.

TERTIVM ARGVMENTVM.

INSTANT tertio eiusmodi cavillatione Antagonistæ: Si humanæ leges & constitutiones in foro conscientiæ ad peccatum obligant, ergo, qui citra iustam causam, eas præuaricantur, ut pluri solent; nam & multorum charitas hoc tempore refrixit, & leges ipsæ ob multitudinem obseruatu sunt difficiles; inobedientiæ crimen incurrunt, illudque minimè leue: siquidem legitimo magistratui nolle obedire, peccatum est admodum graue. Scriptum est enim: *Quasi ariolandi peccatum est, repugnare: & quasi scelus idololatriæ nolle acquiescere*, adeoque infirmioribus conscientis magnus per eiusmodi leges laqueus iniicitur.

1. Reg. 15.

SOLVTIO III. ARGVMENTI.

SI hoc argumentum validè aliquid probat, probat omnem omnino legem è medio tollendam. Quotus enim quisque seruat præcepta Decalogi, aut legem CHRISTI? Quod de humana fragilitate, legumque humanarum multitudine dicitur, friuolum est planè: Constat enim, populum Iudæorum eadem illa, vel maiori quoque imbecillitate laborasse, quæ plebs Christianorum, neque ob id tamen DEVM Opt. Max. ab ingenti illa legum & obseruationum multitudine populum illum liberasse. Porro autem obedire nolle peccatum esse, illudque neutiquam vulgare, id nemo negat: siquidem obedire nolle, aliud nihil est quàm legem vel eiusdem auctorem contemnere. Qui autem legitimam potestatem spernit studiò eidem resistit, DEVM spernit: hic autem contemptus peccatum est longè grauiusimum. Interim non omnes, qui in humanas leges præuaricantur, ex contemptu vel fastu in illas præuaricantur: Imò verò minima præuaricantium portio hoc sensu præuaricatur. Quotquot enim de præuaricationis causa examinantur, omnes statim allegant, aut carnis infirmitatem, aut inscientiam, aut necessitatem, aut aliquid aliud eiusmodi.

SED

Populus Iudæorum magno diuersarum legum & obseruationum onere premebatur & exercebatur.

Quid sit nolle superiori parere, & quantum peccatum hoc sit. Non omnes, qui contra legem peccant, ex contemptu peccant.

SED & illi ipsi quoque, qui obedire nolunt, non eodem spiritu ducuntur omnes. Sunt enim qui ideo imperium detrectant, quò legitimuni magistratum ad iram prouocent, eiusdemq; præceptum vel legem flocci se facere palàm ostendant; & hi, quòd legitimæ potestati studio repugnent, Christumq; in suis vicariis apertè contemnant, grauissimè peccant; qualiscunque is demum fuerit, cuius mandatum tanta petulàtia proculcant. Sunt alij, qui manifesto errore occæcati, non obediunt, nec obedire volunt: quales sunt illi, qui soli DEO obediendum tradunt; vel illud solum obseruandum credunt, quodis per se proximè & specificè mandauit vel ordinauit. Hoc errore laborasse traduntur Iudas Galilæus & Theodas, quorum in Apostolorum actis fit mentio; laborant eodem quoque non pauci ætatis huius sectarij. Comperiuntur inter hos tamen, qui non omne hominum imperium respuunt, sed Ecclesiastici Magistratus tantum. Nā cum omnem, quam se habere putant, nullam enim spiritalem reipsa habent, à ciuili magistratu accipiant, non audent apertè profiteri nullam condendarum legum facultatem penes principes, aut politicos magistratus esse; legum, inquam, quæ ad peccatum obligent. Et hi quoq; non secus ac illi, qui ex contemptu imperium detrectant, grauissimè errant.

Non omnes, qui imperium detrectant, eodem spiritu & sensu ducuntur.

Imperium apertè detrectantium alij ex contemptu, alij ex errore illud detrectant, & utriq; grauiter peccant. Actor. 5.

Sectarij plus desiderunt magistratui politico quàm Ecclesiastico.

SUNT denique, qui superiorum mandatum manifestè non aspernantur, neq; honestis & licitis maiorum decretis obediendum esse diffitentur; attamen quòd suæ libidini, quàm superioris voluntati, obtemperare malint; vel quòd laborem vel molestiam, quam præceptum offert, auersentur; vel certè quòd oblatam peccandi occasionem haud negligendam existiment, legitimi magistratus præceptum scientes volentesq; infringunt; & hi quoq; inobedientiæ peccatum non euadunt. Nam et si non ita apertè repugnent, ut primi; nec ita quoq; punitiosè, ut secundi, at repugnant tamen, & aliquatenus quoq; contemnunt; Nā qui potest obedire, & scit se obedientiam debere, & tamen non obedit, videtur absolute nō velle: quòd idem est ferè quòd cōtemnere, vel repugnare: Adeoq; eiusmodi inobediens peccato sese contaminat, et si non semper capitali, sed quandoq; capitali, quādoq; veniali, pro ratione materiæ, præcepti, contemptus, voluntatis præcipientis, affectus præuaricantis &c, siquidem non omnia, quæ iubentur vnius sunt

Omnis omnino verè inobediens ex parte contemnit.

sunt ponderis, aut necessitatis; neque causæ ad peccandum inuitantes æquæ omnes sunt efficaces; neq; omnium præcipientium voluntas æquæ est seria. Quare licet res levis videri queat in qua Adam peccauit; (tantum enim quò vxori gratificaretur pomum comedit) attamen quia D E V S, sub mortis interminatione, ne id faceret, vetuerat, pomum comedendo grauissimo scelere sese obstrinxit. Atque ita patet; nulli planè, nisi studio improbus esse velit, vllum omnino per humanas leges scrupum aut laqueum iniici, aut peccandi ansam offerri; atque ita totum, quod tertio argumento vrgebatur, nullius esse ponderis.

Q V A R T V M A N T A G O N I S T A R V M

Argumentum.

A S T nondum conquiescunt maleferiati homines. Qui, inquiunt, humanam aliquam constitutionem edunt, populoq; obseruandam proponunt, aut transgressores illius ad culpā aliquam obligare instituunt, aut tantum ad pœnam, si ad culpam, præsertim mortiferā; rem à Christiana charitate alienam designāt: Nam & viam, quæ ducit ad vitam coarctant, & multorum conscientias intrincāt, & infirmis parumq; cautis mortis poculum propinant, adeoque tyrannos veriùs quàm clementes principes sese declarant. Si autem leges, quas figunt, cum tanto onere nō imponunt, & tamen leges ipsæ violatæ eiusmodi pestem adducunt, aliquam sanè pietatis & charitatis speciem præ se ferunt, re ipsa tamen ab utraq; alieni videri possunt, vt qui iurisdictioni suæ subiectos, citra vrgentem causam, non leui peccandi periculo exponant.

S O L V T I O I I I I. A R G V M E N T I

A R G V M E N T V M hoc fundamenti loco sumit quædam, vt certa, quæ omnino falsa sunt. Constat enim nullum legislatorem legis suæ præuaricationem, aut præuaricatoris pœnam, aut eiusdem culpam, aut aliquid aliud eiusmodi intendere. Nam si quid horum per se vellet, quiduis potiùs quàm cordatum legislatorem se ostenderet. Intendit autem boni publici promotionem; aut pacis publicæ quæ tranquillitatis conseruationem, aut fidei, spei, charitatis, reliquarumque virtutum custodiam & augmentationem, aut aliud hisce affine. Quare falsò infertur humanas leges (modò

Quid sibi proponant prohi legiflatores, dum legem aliquā promulgant.

(modò sint tales, quales esse debent) viam, quæ ducit ad vitam, coarctare, aut subditos grauare, peccandive discrimini obiicere; neque enim salutis viam coarctant; sed dilatant. Neque, vt pharisaicæ constitutiones solent, grauant aut intrlicant, sed benè affectos misericordè recreant & subleuant. Sed neque Dominus quoque ob id Phariseos notabat, quòd leges ferrent, constitutionesue ederent; sed quòd multas inutiles, minimèque necessarias ederent; editas magna cum seueritate ab aliis exigerent, cum ipsi interim eas ne digito quidem attingerent. Et cum eiusmodi essent adhuc tamen obseruari voluit. *Omnia, inquit, quæcunque dixerint vobis, facite.*

Cur Phariseorū leges & constitutiones à Deo reprehensæ.

Matth. 23.

VERVMENIMVERO quamuis legislator præuaricatoris culpam, aut eiusdem pœnam per se non intendit; sed bonum tantum Ecclesiæ vel Reipublicæ, vtrumq; tamen permittit: Vel, vt rectius dicam, neutrum impedit. Mallet sanè legislator publicam utilitatem per legem, quam tulit, promoueri & conservari; sed quia id quandoque obtinere non potest, non impedit, neque impeditum quoque vult, quòd minùs rei fiant culpæ & pœnæ, qui per legis præuaricationem bono publico temerè aduersantur. Et hæc voluntas iusta, diuinæq; Legi per omnia consentanea est. Nam & DEVS quoque, cum legem aliquam fert, primò & per se non intendit aliquam culpam vel pœnam; absit; sed priuatum vel publicum eorum bonum, quibus fert legem; secundariò tamen vult legis suæ præuaricatores pœnis subiicere; quod æquum suæque iustitiæ & misericordiæ oppidò consentaneum est. Si enim peccata impunita permetteret, plurimi peccarent, qui nunc à peccato se continent. Notum est illud Poëtæ.

Et si legislator præuaricatoris culpam, vel pœnam non intendit, permittit tamè, vel non impedit.

Oderunt peccare mali formidine pœnæ.

DICIS: habita humanæ fragilitatis ratione, legislator culpam saltem mortiferam impedire velle deberet. Non potest id efficaciter velle: nam hoc ipso quòd legi obnoxius legem iustam citra iustam causam, præuaricatur; necessariò peccat: lethaliter quidem, si res, in quam peccatum cadit, est magni momenti; vel si actus, quo lex violata est, prodiit ex non vulgari contemptu; Venialiter verò, si peccatum in rem paruam lapsum est, vel citra plenam deliberationem certè cõflatum. Iam si peccatum admissum est, non potest legislator, nisi æquitati diuinæq; voluntati aduer-

Legem iustam citra iustam causam præuaricandam, necessariò peccat.

fari velit, illud puniri non velle. Potest sanè superior constitutionem, aut sanctionem aliquam edere, quæ non obliget ad culpam, sed tantum ad pœnam; verum talis constitutio non habet vim absoluti præcepti, vel legis propriè dictæ, sed solum statuti, vel admonitionis, vel exhortationis. Quod si qua eiusmodi lex, vel præceptum est, non est illud absolutè, sed certa cum conditione, obligans nimirum ad opus præceptum, vel ad pœnam; vel multam præuaricatoribus constitutam. Exemplo id declaro; cum lex ita cauet; Quicumque arma gestare, pecuniam, vinum, aut frumentum, aut aliud quodcunque eiusmodi extra prouinciam portare deprehensus fuerit, exportatum amittat; non simpliciter, ne quis arma portet, aut annonam exportet, inhibet, sed multam dependere paratis, vel iacturæ periculum facere volentibus, deportandi vel exportandi facultatem quodammodo indulget, adeoque deportans vel exportans non peccat. Secludimus hinc casum, quo istiusmodi deportatio vel exportatio cum publico detrimento coniuncta foret. Constat hinc ergo iustas Reipubl. vel Ecclesiæ necessarias leges nihil prorsus continere, quod vllam sapiat tyrannidem, aut crudelitatem, vel quod cum vera pietate, aut Christiana charitate vllatenus pugnet.

QVINTVM ARGVMENTVM.

NEMO fallaci regula actiones suas confirmare obligatur: at omnis lex humana suapte natura fallax & inconstans est, quemadmodum ipsa quoque ratio, vnde proximè profluit. Sola autem diuina voluntas semper recta & constans, semperque sui similis est. Quod si qua creata voluntas recta, aut in bono constans est, eam constantiam & rectitudinem ex se non habet, sed ex peculiari DEI dono, quod paucis hoc tempore, quo tam rari per ostium intrant in ouile, cæque ratione vitam instituunt, vt diuini Spiritus illustratione digni habeantur, obtingere solet.

SOLVTIO V. ARGVMENTI.

EST sanè sola DEI voluntas ex se semper iusta & recta, at hinc tamen nõ sequitur; omnem omnino humanam semper iniustam vel obliquam esse. Est enim quædam omnino iusta, & recta, & sancta; etsi isthuc ex se non sit, neque ex se habeat, sed ex eo, vt in argu-

Constitutio tantum ad pœnam obligans, non propriè ratiois lex, aut præceptum est.

argumento rectè assertum est, ex quo fluit omnis sanctimonia & reſtitutio: nempe à DEO optimo maximo. Interim vt recta est, vndeunque tandem eam reſtitutionem hauſerit, rectam operandi legem vel regulam præſcribere poteſt. Sed neque verum est quoque, quæcunque ex nobis oriuntur, ea errori & falſitati obnoxia eſſe, vel eſſe poſſe. Inſita namque habemus prima principia theoria, practica, quæ ſunt certa & euidenter vera: Nec ipſa ſolùm ſunt certa & euidentia, ſed etiam conſuſiones, quæ euidenter inde deducuntur. Nec poteſt hominum malitia in hac vita tantùm creſcere, vt illa extinguantur; Tametſi multiplicatis in immenſum ſceleribus multum tenebrarum ipſis offundi poſſit.

Omnis voluntas recta fluit à Deo.

Non omne id, quod ab homine oritur errori aut falſitati obnoxium.

At verò præter hanc internam veritatis regulam, quæ inſeſti non poteſt, habemus aliam externam diuinitus nobis propoſitam, quæ ipſa quoque velut illuſtre quoddam ſidus non ſolùm quid factò vitatòque ſit opus, & alia præterea multa, quæ rationis lux aſſequi nequit, oſtendit; verùm etiam quales leges ſint edendæ; tum quales ſint eæ, quæ ab aliis ſunt propoſitæ, planum facit. Quamobrem ineptum eſt ex eo, quod humanus intellectus errare, humanæque voluntas deprauari nonnunquam poteſt, inferre, homini Chriſtiano liberum eſſe humanis legibus obtemperare, vel non obtemperare. Multum enim intereſt inter eſſe & poſſe, inter voluntatem obliquam & obliquabilem; inter intellectum falſum & falli idoneum; inter legem prauam & noxiam, & legem quæ cuiusmodi eſſe potuit. At multò verò ineptius aſſeritur, bonis legibus, propter malam reſtorum vel legiſlatorum vitam, nullam obedientiam deberi. Nam ſi improba vita ab obedientiæ vinculo abſolueret, vix vlla prompta & plena, vt nuperrimè dicebamus, obedientia reliqua fieret.

Homo duplicem actionum ſuarum regulam habet; vnā internam; alteram externam.

SEXTVM ARGVMENTVM.

SUNT qui leges humanas cuiusmodi argumento impetant. Homo capitale crimen pro merito punire nequit, ergo neque legem ferre poteſt, cuius præuaricatio cuiusmodi pœnam promeretur. Ergo humanarum legum tranſgreſſio nunquam eſt lethalis, niſi qua forſan ex illis diuinam, aut naturalem includat, aut earundem interpres exiſtat.

SOLVTIO VI. ARGVMENTI.

Legislator legis
præuicatorẽ,
neque pœne, ne-
que culpe inuol-
uit, sed ipsemet
præuicator se-
ipsum vtrique
inuoluit.

AD hoc argumentum paucis responderi potest, legislatorem legis suę transgressorem mortiferæ noxę, aut æterni supplicij reatu non inuoluere. Sed ipsummet transgressore hoc ipso se ipsum vtrique inuoluere: quod DEO in homine, iuxta expressum illius mandatum, obedire animum non inducit, vel obstinato animo eidem resistit. Sed neque verum est quoque, ideo hominem ad inferni pœnam hominem obligare non posse, quod eiusmodi pœnam per se inferre non valeat: abundè enim sat est, si per illum inferat, cuius personam in ferendis & exsequendis legibus sustinet. (Sunt enim omnes principes & legitimi iudices DEI ministri, & certi quidam eiusdem *πρωτοθυστου*.) Hoc autem hîc locum habet. Nam vt DEVS ad humanum ministerium confert gratiam & vitam æternam, & tamen ipse primarius vtriusque auctor existit; ita idem quoque illorum decreta per nefas violata, æternæ mortis sententia plectit.

Vt Deus ad ho-
minum ministe-
rium confert vi-
tam, ita ad eorũ-
dem ministeriũ
infernũ mortem.

CVM verò inferunt, humanum præceptum nunquam ad mortiferum peccatum obstringere, nisi diuinum aut naturale includat, parum oculatos sese ostendunt. Constat namque, semel tantum interdiu cibũ sumere; statis diebus à carnibus vel ouis abstinere; serica seu lintea veste indui; armis accinctum, vel inermem in publicum prodire; aliáque id genus innumera, quæ per leges humanas seuerè inhibentur, res esse, quod quidem ad naturale & diuinum ius attinet, planè indifferentes; adeoque humanis legibus seclusis, vnumquemque in iis omnibus contrariè & contradictoriè, citra vllam noxam, habere sese posse. Negari tamen non potest, quin in quouis præcepto humano extrinsecè admisceatur quiddam, ad diuinum vel naturale, vel vtrumque simul pertinens. Quandoquidem recta ratio dicat, & lex diuina grauius quoque mandat, vt legitimis magistratibus, iustisque eorundem legibus & constitutionibus ex animo, tanquam DEI ministris, pareamus.

In quouis præ-
cepto humano ex-
trinsecè admisce-
tur quiddam ad
naturale nec di-
uinum ius per-
tinent.

Pallitur qui hu-
manas leges ali-
ud nihil, quàm
quasdam tatum
diuinæ vel natu-
ræ legis interpre-
tes vel iudices ef-
se dicunt.

AT hinc tamen non sequitur, humanas leges ex se, vel secundum se nullam obligationem adducere, sed diuinæ tantum vel naturalis legis iudices, & quasi interpretes esse, adeoque quod per humanas leges iubetur vel vetatur, iam antè per diuinum vel natu-

naturale ius iustum vel vetitum fuisse. Est enim istud omnino falsum, & à ratione planè alienum; nemo enim ambigit, capitalem noxam eos incurrere, qui die Veneris, vel alio, quo per Ecclesiæ statutum id non licet, temerè citra ullam legitimam causam, carnibus vescuntur; vel die, quo ieiunium indictum est, bis cibum sumunt; & tamen iure diuino, aut naturali neutrum horum est inhibitus.

OBLIGANT itaque humanæ leges ad culpam & pœnam, etiam si diuinæ vel naturalis legis dictamen intrinsecè non includant; & ad culpam quidem lethalem & pœnam æternam, si id, quod absolute præceptum est, res est ponderis minimè parui, intelligendam tamen non per hominem, sed per eum, cuius vice & auctoritate homo fungitur, hoc est, per DEVM; qui in omni humanæ legis præuaricatione non minùs contemnitur & offenditur, quàm homo, imò multò magis. Impossibile est enim, ut à quopiam peccetur, neq; ipse tamen offendatur vel cõtemnatur. Iam si ipse quouis peccato contemnitur, quid mirum est, si iniuste offendenti, vel contemnenti iustam inferat pœnam, adimendo illi gratiam, vel irrogando inferni pœnam?

In omni peccato contra proximi commissio, Deus magis offenditur, quàm homo.

SEPTIMUM ET POSTREMUM ADVERSARIORUM Argumentum.

NON desunt tandem, qui contra humanarum legum vim ita argumententur; omnis omnino sublimior potestas ad hoc à DEO ordinata & instituta videtur, quò populum legum scueritate contineat in officio; ne videlicet ex inscitia vel malitia quippiam contra diuinam, aut naturalem legem committat; adeoq; magistratus, aut nullas, aut pœnales tantum leges edere debebat; quo iij nimirum, qui virtutis amore ad honesti studium non ducuntur, saltem pœnarum formidine huc adigantur. Tendit huc quoque Apostolus, dum publicos iustitiæ ministros in terrorem malorù, laudem verò bonorum gladium portare, Et alibi, legem non iustis, sed impiis & sceleratis positam esse, prædicat.

Rom. 13.

1. Tim. 1.

SOLVTIO POSTREMI ARGVMENTI.

HÆC Antagonistarum ratio maiorem partem iam antè soluta est. Didum est enim, in legislatoris potestate positum non esse,

esse, eum à noxa immunem seruare, qui legem ad Ecclesiæ vel reipub. salutem vel tranquillitatem necessariam, temerè præuaricatur. Additum est æquè, humanas constitutiones non esse meras diuini vel naturalis iuris determinationes, vt quidā non satis propriè loquuntur; sed veri proprii; nominis leges, quæ proinde verarum legum munus exercent; à quocunq; tandem calcètur. Sed neque satis quoq; prospectum esset Reipub. si magistratus in eos tantum pœnas decernere posset, qui ius naturæ vel diuinum violassent: Oportet enim adesse leges, quarum ductu boni probique viri erudiantur, & ad perfectioris vitæ rationem promoucantur, & tuti nihilominus aduersus improborum insultus & machinationes reddantur: & per quas improbi tandem ab improbitate ad vitæ honestatem transferantur, vel certè vt minus sæuiant & insolescant, coërceantur.

SANE si omnes homines essent perfecti & in gratia cõfirmati, paucissimis legibus opus esset, verum quia primā illam innocentiam amisimus, & in multis hallucinamur & cæcutimus omnes, nostræque natura ad malum proni sumus; & quia multi comperiuntur simplices rerumq; rudes, omnino necessarium fuit, vt ederentur quædam leges & constitutiones, quibus in hoc corrupto vitæ statu ad vitam & societatem politicam informaremur; nec non ad pacem & tranquillitatem retinendam iuuaremur. Quamobrè cum Christus Dominus, & post illum Apostolus Paulus, de obedientia maioribus & sublimioribus potestatibus præstanda præcipiunt, nihil secernunt inter leges, sed simpliciter pronunciant: *Qui vos audit, me audit: Qui vos spernit, me spernit, Qui potestati resistit, DEI ordinationi resistit &c.*

QUAE hæcenus exposita sunt, ea satis indicant, nō solū ius diuinum & naturale, si fortè violentur, pœnā & culpam adducere, verū etiam leges & constitutiones humanas. Cū ergo inter alias humanas cōstitutiones & leges extet ieiuniorum lex quoq;, prætermittere omnino non potuimus, quin de cōstitutionis huius ratione nonnulla in medium adferreimus: nam præterquā quod disputationis series hoc deposcebat, proderūt hæc iis quoque nonnihil, qui leui de causa indicti ieiunij legem præuaricantur, rati fortassis hoc vel illo die ieiunare vel non ieiunare rem esse parui momenti,

Ecclesiæ

Non satis prospecti esset Reipub. si illi tantum punirentur, qui diuinum vel naturale ius violassent.

Paucis humanis legibus opus foret, si omnes essent sancti.

LUCA 10,
Ad Rom. 13.

*Ecclesiasticorum ieiuniorum legem non solum obligare ad
pœnam, verùm etiam ad culpam, etsi non sem-
per ad mortiferam.*

CAPVT DECIMVMQVINTVM.



PORRO autem licet Ecclesia, vbi de ieiuniorum ratione agit, verbis, quæ expressam præcepti formam præ se ferant, vti ferè non soleat, vitur tamen tum verbis tum sententiis quoque, quæ præcepti vim insinuant. Neque enim aliud est facere, quod non licet; aut omittere, quod fieri oportet, quàm peccare. At verò quicumque peccat, necessariò præceptum aliquod infirmat: Siquidem Augustino definitore, peccatum est dictum, vel factum, vel concupitum aliquod contra legem. Sacri autem Canones disertè pronuntiât ieiunium soluere non licere.

QUADRAGESIMA, scribit Greg. summa obseruatione est obseruanda, vt ieiunium in ea, nisi quem infirmitas impediuerit, nullatenus soluatur. At idè sonat Nullatenus soluatur, quod Nullatenus soluere licet. Idem rursus est Summa obseruatione obseruanda est, quod summa obseruatione obseruetur necessum est. Et Canone rursus proximo: Ieiunia in Ecclesia à sacerdotibus instituta, sine necessitate rationabili non soluantur.

DENIQUE in Clementinis, Can: Exiui, inter alia, quæ ibidem de præceptis ad peccatum mortale obligantibus disputantur, habetur D. Francisci institutum professos, per ordinis ieiunia à ieiuniis Ecclesiæ, quæ cæteri Christiani seruare obligantur, non absolui. Atqui omnis obligatio nascitur ex lege, vel præcepto, vel voto, vel pacto, vel aliquo alio eiusmodi; Ieiunia autem in Ecclesia vsitata non habent vim ex voto, vel pacto, vel alio simili, ergo ex præcepto; nõ autem ex præcepto diuino aut naturali, saltem proximè & integrè, ergo ex præcepto Ecclesiæ.

ET vt ex locis iam citatis alijsq; similibus absolutum ieiunij præceptum non colligi donetur, iusto tamen titulo negari nõ potest laudabiles, pias, sanctas, longoq; iam vsu apud omnes receptas consuetudines in foro conscientiæ æquè ferè ligare, ac maiorum statuta. Notum est illud Augustini; In his rebus, in quibus

Quicq; peccat
præceptum ali-
quod infirmat.

De cõd. d. 5. can.
Quadragesima.

Homil. 16. in
Euang.

Can. ieiunia.

De verb. signif.

Omnis obliga-
tio nascitur ex
lege, vel præce-
pto, vel voto.

Ep. ad Casul.
nihil

Ieiunia non tantum maiori institutione, sed perpetuo quoque usu nituntur.

Ieiunij partes cadunt sub præceptum.

nihil certi statuit diuina Scriptura, mos populi DEI, & maiorum statuta pro lege tenenda sunt. Et sicut præuicariatores diuinarum legum, ita contemptores Ecclesiasticarum consuetudinum, coëscendi sunt. Atqui ieiunia non modò maiorum institutiones, ut iam antè ostensum est, sed longissimo quoque, totius Christiani populi usu & consuetudine nituntur.

Ad hæc nemo dubitat, quin equè vel grauius quoque peccent, qui totum aliquod præceptum infirmant, ac qui vnā aliquam partem conuellunt; ex iis autem, quæ suprà disputata sunt, manifestum est, ciborum delectum Ecclesiastici ieiunij rationem ingredi tanquam substantialem vel integram eiusdem partem. Cum ergo apud orthodoxos & eruditos criminis rei habeantur, qui die Veneris vel in Quadragesima, citra necessitatē & dispensationem, carnibus vescuntur, non poterunt profecto à noxa immunes haberi, qui nullam ieiunij partem obseruant. At quicumque peccant aliquam legem infringant, oportet: ieiunium itaque Ecclesiæ præcepti vim habet.

Pœnæ, quæ ieiunij temerè solue-ribus irrogatur, illud sub præceptum cadere manifestè ostendunt.

Cano 68.

Anathema ab Apostolis iis decretum, qui citra causam ieiunium soluunt.

DE NIQUE suprà expositum est, cū de legislatoris mente, aut de materiæ, circa quam lex versatur, ratione non satis constat, peccati præuicariatæ legis quantitatem ex gravitate pœnarum, quæ legis præuicariatoribus decretæ sunt, spectandam esse. At verò pœnæ, quas Ecclesia iam olim in eos decreuit, qui indicta ieiunia temerè violant, sunt tantæ, ut maiores ipsa irrogare non queat. Apostolorum decretum in eos, qui citra causam ieiunium soluunt, editum ita sonat: Si quis Episcopus, vel Presbyter, vel Diaconus, vel Lector, vel Cantor sanctam Paschæ Quadragesimam non ieiunat; præterquam si propter imbecillitatem corporalem impediatur, deponatur; Si sit autem laicus segregetur. En hic laico anathema, Clerico exauktoratio, si fortè Quadragesimam non seruauerint, ab Apostolis decernitur. His autem telis nulli, nisi vel obstinati, vel grauib. peccatis obstricti, ferri solent.

COGNATVM huic est illud Conc. Moguntini sub Carolo Magno ante octingentos annos celebrati: Si quis indictum ieiunium superbiendo contempserit, & obseruare cum cæteris Christianis noluerit, ut in Gangrensi Synodo præcipitur, Anathema sit, nisi se emendare statuerit. Hæc autem non de solis ieiuniorum con-

Cano 35.

contemptoribus accipienda esse; sed de omnibus promiscuè, qui citra legitimam causam ea soluunt, patet ex gemino ieiunantium ordine, què hîc Moguntiacę Synodi Patres assignât, & ex canone rursus Concilij Gangręsis, ad quem iidem illi se referunt; habet is autem in hunc modum: Si quis eorum, qui exercentur absque corporali necessitate, se insolenter gerat, & tradita ieiunia, quę communiter seruantur ab Ecclesia, dissoluat, perfecta in eo residente ratione, anathema sit. Et hic quoq; Canō anathema iis denunciat, qui communia Ecclesię ieiunia violant.

Cano. 19.

SED neq; multum quoq; ab his recedunt, quę Conc. Toletanum quartum de eare commemorat. Quicumq;, cauet illud, in die passionis Dñi, præter paruulos, senes, & languidos, ante peractas indulgentię preces, ieiunium soluerit, à paschali gaudio depellatur; nec in eo Sacramentum corporis & sanguinis Dñi percipiat, qui diem passionis eius per abstinentiã non honorauit. Constat enim neminem à paschali gaudio, aut à Dominici corporis & sanguinis communionē iustè arceri, qui graue aliquod peccatum non perpetrãrit. Mittimus hîc Conc. Cartag. quartum, quod Clericum, propter violatum ieiunium, è superiori gradu in inferiore deiicit; Concilium Laodicenum, Concilium Triburiense, & alia, quę omnia magna cum seueritate Quadragesimale ieiuniũ indicunt, pœnasq; haudquaquam leues transgressoribus decernũt.

Cano. 7.

Cano. 63.

Cano. 50.

Cano. 35.

His Synodorum decretis magno consensu astipulantur veterum Theologorum sententię: Vix enim vnus ex omnibus comperitur, qui eos à delicto immunes pronunciet; imò verò qui grauius illos peccare nō doceat, qui Quadragesimale, vel aliud quodcunq; ieiunium, ab Ecclesia indictũ, citra iustam causam violant.

AMBROSIVS: Quisquis Christianus consecratam ieiunando non impleuerit Quadragesimam, præuaricationis & contumacię reus tenebitur, quòd legem diuinitus pro sua salute datam prandendo ipse rescindit. En hic Quadragesimale ieiunium lege indictum, & non ieiunantes præuaricationis reos asserit, & vtrumque in idem recidit: Siquidem omnis omnino præuaricator in aliquam semper legem præuaricatur; & omnis rursus lex vinculum aliquod legi subiectis iniicit. Quomodo autē lex hæc diuinitus sit data, vel qua ratione diuina appelletur, id idem explanat his verbis:

Serm. 34.

Omnis præuaricator in aliquã semper legē præuaricatur.

Veteres Christi
exemplū vel fa-
ctum, statutum
vel præceptum
familiariter ap-
pellant.

RESCINDIS enim legem, qui exemplum ieiunij Dominici non custodis. Nam, vt alibi dictum est, Patribus familiare est, CHRISTI exemplum vel factum, legem, vel præceptū appellare. Subiungit autem; Qualis Christianus es, cum Domino ieiunante, tu prandes? Qualis Christianus es, cum CHRISTO esuriente, tu reficeris? Ille pro salute tua famem sustinet, tu pro peccatis tuis ieiunare formidas? Dicite mihi, interrogo vos, qui in Quadragesima prandetis, si non in conscientiis vestris rei estis, quod abstinente toto populo, vos soli contra præceptum Domini deuoratis? Quod antè appellauerat legem diuinitus datam, hîc Domini præceptum vocat, eosque, qui Quadragesimam non ieiunant, in conscientia sua reos pronunciat.

1. Reg. 14.

Ieiunium à Saul
indictum, & per
errorem à Iona-
tha violatum,
grauissimè vin-
dicatum.

AT verò quantum sit peccatum ieiunia Ecclesiæ, quæ ille præceptum Domini appellat, temerè violare, id exemplo ieiunij à rege Saulo vniuerso populo indicti, & à Ionatha per errorē violati, eiusmodi verbis declarat: Cum Saul abstinentiam diei suis omnibus indixisset, & Ionathas filius eius præcepti nescius, inter medias hostium acies victor incedens fauū mellis, intacta sceptri summitate, gustasset, tanta indignatio repente commota est, vt & differretur victoria, & diuinitas læderetur. Denique nec bello finis imponitur, nec Regi propheticum responsum datur. Vnde intelligimus, quod Saul non tam virtute militum, quàm militum abstinentia superabat. Denique vnius culpa cunctis cōfertur ignauia, & vnius delicto omnibus generatur infirmitas: deficit enim virtus in exercitu, vbi deficit in obseruatione ieiunium. Quod peccatum vt Saul ex ipsa diuinitatis offensione cognouit, statim Ionathæ dixit non esse parcendum, sed peccatum admissum effusione eius sanguinis expiandū. Videte quanta apud Regem Saul fuerit religionis obseruantia, qui offensum DEVM optauit etiā parricidio mitigare? En quanta sit resoluti culpa ieiunij, quæ nō nisi sanguinis effusione punitur? Et si ignorans Ionathas indictū à patre ieiunium, qui resoluerat, morti addicitur, qui sciens indictum à Christo ieiunium resoluerit, quid meretur?

Lib. 2.

Cap. 14.

IMPETITE eodem hoc Ionathæ exemplo D. Hieronymus Ioninianum quoque. Verba illius ita habent: Saul, (sicut in Regum lib. 1. legitur) *Maledictus, inquit, qui ederit panem vsq. ad vesperam, donec ulciscar de inimicis meis. Et non gustauit omnis populus eius, et tota terra prande-*

prædebat. Tantaq; fuit auctoritas stationis semel Domino destinata, ut Ionathas, qui causa victoriæ extiterat, deprehenderetur sorte, & ignorantia crimen declinare non posset, patrisq; in se concitaret manum, & vix populi precibus saluaretur. Hæc Patres illi de ieiunio à Saulo indicto & à Ionatha imprudenter violato: & vterq; ad rem præsentem admodum opportunè. Quæ enim erat auctoritas Sauli, à Deo iam tum reprobati, si cum Ecclesiæ Catholicæ autoritate compareretur? Quale rursus peccatû Ionathæ, qui inuincibili ignorantia laborans, paternû decretum violauerat, cum eorum scelere collatum, qui ex manifesto contemptu & fastu indicta ab Ecclesia ieiunia præuaricâtur? Constat enim Ionathæ delictum vel nullum extitisse, aut omnino exiguum. Multauit illud tamen DEVS grauissimè, non quòd Ionathæ obedientiâ multare vellet, Ea enim re ipsa nulla extiterat, sed quò mûdo patefaceret, quâ tum ipsi displiceant, qui legitimorû superiorum statuta temerè conuellunt. Quantum deniq; interest inter Ionatham, etiamsi id studio fecisset, quod imprudens fecerat, qui virgæ extremitate modicum mellis degustauit, spiritu præ lassitudine iam penè deficiente, & eos, qui ieiuniorum tempore, nulla necessitate cõpulsî; verûm insana quadam arrogantia, præfractaque contumacia moti, publicè carnes vorant? Sed quosdam adhuc alios ex eadem hac Patrum schola audiamus.

Cur Deus ieiunium, à Ionatha imprudenter violatum tam grauitè punierit.

MAXIMVS: Sacrarum literarum exempla protulimus, quibus approbamus, hunc quadragenarium numerum non esse ab hominibus constitutum; sed diuinitus cõsecratum; neq; terrena cogitatione initiatum, sed cœlesti maiestate præceptum. Et paucis interiectis rursus: Hæc non tam sacerdotum sunt præcepta, quàm DEI, atque ita qui ea spernit, non sacerdotem spernit, sed CHRISTVM, qui loquitur in suo sacerdote. Et hic quoq; auctor duplicem rationem assignat, cur Quadragesimale ieiunium diuinitus institutum, aut cœlesti maiestate præceptum dicatur. Altera est, quia Quadragenario Moyû & Eliæ ieiunio fuit adumbratû, CHRISTI verò exemplo initiatum. Altera est, quia CHRISTI autoritate per sacerdotes est indictum. Allegat autem ad hoc illud Lucæ; *Qui vos audit, me audit, qui vos spernit, me spernit.*

Serm. 36.

Duplex ratio cur Quadragesimale ieiunium diuinitus institutum dici queat & soleat.

AVGVSTINVS: Ego in Euâgelicis & Apostolis literis, totoq; instrumêto, quod appellatur nouû, animo reuoluens præceptû inuenio

Ep. ad Casula,

esse ieiunium. Quibus autem diebus nō oporteat ieiunare, & quibus oporteat, præcepto Domini, vel Apostolorum non inuenio definitum. Et alio rursus loco de ieiunio ita scribit: Aliis diebus ieiunare remedium est, aut præmium; in Quadragesima non ieiunare, peccatum est. Alio tempore qui ieiunat, accipiet indulgentiam; in Quadragesima qui nō ieiunat, sentiet pœnā. Et hīc quoque clarē asseritur, qui Quadragesimæ ieiunium non obseruant, peccare, pœnæq; meritum incurrere. Quo autē sensu ieiunium Evangelicum præceptum appellet, expositum est iam dudum antè.

In Quadragesima non ieiunare peccatum est.

Ser. 1. ieiun. 7. mens

LEO primus Pontifex Maximus: Veruntamen huic studio adiicienda est nostræ admonitionis adhortatio; vt si qui sunt in hoc exercitio tardiores, in his saltem diebus communi abstinentiæ se adiungant, in quibus nos oportet sacratissimam consuetudinem attentius celebrare; vt per humilitatem ieiunij, contra omnes hostes nostros, diuinum mereamur auxilium. Res est enim præcipui operis, quam ex auctoritate indicimus, & ex charitate suademus; vt paululum edendi libertate compressa, castigationi corporum, & pauperum studeamus eleemosynæ. Hæc Leo de ieiunio septimi mensis, quod, vt hīc audimus, & ex charitate suadet, & ex auctoritate indicit: non quod iam dudum antè non esset indictum; sed quò indictum seruaretur religiosius, placuit præceptum renouare.

Ser. 1. de Quadr.

BERNARDVS: Hodie, dilectissimi, sacrum Quadragesimæ tempus ingredimur, tempus militiæ Christianæ. Nō nobis singularis est hæc obseruatio; Vna omnium est, quicunq; in eandem fidei conueniunt veritatem. Quidni commune sit CHRISTI ieiunium omnibus Christianis? Quidni caput suum membra sequantur? An respuere tristitia volumus, & communicare iucundis? si ita est indignos nos capitis huius participatione probamus. Omne, quod patitur ille, pro nobis patitur. Et infra: Qualis ille est non dicam Monachus, sed Christianus, qui minus deuotè suscipit ieiunium, quod tradidit ipse CHRISTVS? Hæc ieiunium præceptū esse disertè non affirmant, attamen hoc ipso quod CHRISTI traditionem, Christoq; indignos prædicant, qui cum CHRISTO nō ieiunant, satis indicant quantam ieiunia vim habeant.

Qui cum Christo non ieiunat, indignus qui cum illo triumphet.

Hom. 1. de ieiun. ieiunij edictum ubiq; terrarum notum,

BASILIVS Magnus: Nulla est insula, nulla terra continens, vbi non sit auditum ieiunij edictum. Quin & exercitus, & viatores,

res, & nautæ, & negotiatores omnes pariter audiunt ieiunij edictum, & summo gaudio excipiunt. Ne quis igitur semet excludat à ieiunantium numero, in quo omne hominum genus, omnis ætas, omnes dignitatum formæ censentur. Angeli sunt qui in singulis Ecclesiis describunt, atque recensent ieiunantium capita. Duo asserit hoc loco Basilius; alterum horum est Quadragesimæ ieiunium esse indictum; alterum est, edictum hoc omnem ætatem, omnem hominum statum atque conditionem complecti.

Angeli describunt & observant ieiunantes.

EPIPHANIVS: A quo non assensum est in omnibus orbis terrarum regionibus, quod quarta feria & prosabbato ieiunium in Ecclesia decretum est? si verò etiam oportet constitutionem Apostolorum proferre, quomodo illic ἐπίπρασιν, decreuerunt, quarta & prosabbato ieiunium per omnia, excepta Pentecoste. Et de sex diebus pascatis quomodo præcipiunt nihil omnino accipere quàm panem, salem, & aquam, qualemque diem agere, & quomodo dimittere in illucescentē dominicam, manifestum est. Quis autem magis de his non ita hicne seductus homo, qui etiam nunc superest, & hucusque in mundo versatur, an qui ante nos testes fuerunt? Hæc Epiphanius de feriæ quartæ, sabbati, prosabbati, & hebdomadæ sanctæ ieiunio.

Hæres. 75.

Lib. 5. cap. 19.
Hebdomada sancta secundum Apostolorum sanctionem pane & aqua tantum utendū.

PORRO quòd de sex dierum ieiunio ante pascha hic asseritur, id non ita accipiendum est, quasi Apostoli Quadragenarium in sex dierum ieiunium redegerint: Iam antè enim audiuimus sub exauktionis & anathematis pœna 40. dierum ieiunium iudixisse. Est autem referendum ad peculiare postremæ hebdomadæ ieiunium. Aliis diebus quotidie cœnabatur, sed postremis, nisi infirmitas aliud postulasset, inedia ad biduum vel triduum producebatur. Aliis rursus communes ieiunantium cibi admittebantur, sex ultimis panis tantum, & salis, & aquæ vsus concedebatur. Aliis tandem vsitatis stratis & lectis utebatur, sex postremis vel humi cubabant, vel in oratione pernoctabant.

Multum olim intererat inter postremam Quadragesimæ hebdomadæ & alias quinque præcedentes.
Lib. 3. Pascha.

FACIT huc quoque illud Theophili Alexandrini. Qui legum præcepta custodiunt, ignorant vinum in ieiuniis. Qui desidia & citò peritura voluptate studium virtutis infamant, non erubescunt clam vinum bibere, & audis faucibus mulsam in cubiculis potare, ut in ediam & ieiunia, quæ ultro appetere debebant, ieiuniorum tempore cum luxuria commutent. Et illud rursus Chryso-

Serm. 1. de ieiun.

stomi: Neputetis paruum quoddam lucrum esse ieiunium; ab vno ligno si abstinuisset Adam, si ab vno ieiunasset, mortua fuisset mors: imò non fuisset mortua, quæ non erat. Et paucis interiectis subdit: Quare occisi sunt filij Aaron sacerdotes? nonne quia in ministerio vinum gustauerunt? Quæ lex erat Nazaræorū? nonne abstinere à vino & omnibus, quæ inebriant? Quæ dicit huc tendunt: Vt Adam & Aaronis filij propter violatam abstinentiæ legem morte mulctati sunt; ita Christiani, qui ieiunia à maioribus indicta temerè violant, iustas pœnas euasuri non sunt. Et illud tandem Apollonij: Ieiunia legitima non sunt soluenda, nisi grandis aliqua necessitas fuerit. Atqui si ieiunia essent libera, non opus foret grâdem aliquam necessitatem expectare; sed quæuis etiam leuissima ad soluendum ieiunium sat esse posset.

Quæ hætenus ex Ecclesiæ decretis, veterumque scriptorum monumentis attulimus, ea planum faciunt, Ecclesiastica ieiunia non esse libera; sed præcepti necessitate ad salutem necessaria, adeoque noxa minimè leui illos sese obstringere, qui citra ullam causam illa soluunt. Verùm quòd iuxta Apostoli doctrinam, non ij solum morte digni sunt, qui malè faciunt; sed ij quoque, qui malefacientibus consentiunt, sit vt non illi tantum in hanc Ecclesiæ legem committant, qui ieiunium temerè per se soluunt, sed illi quoque, qui alijs, vt illud soluant vel contemnant, auctores vel impulsores sunt; vel anam aut materiam, vt soluatur vel continetur, vtrò obtrudunt.

Imò verò magis interdum peccat, qui eum ad soluendum indictum ieiunium efficaciter inducit, qui alioqui ieiunaturus erat, quàm qui, citra iustam causam, aut piam necessitatem, per se illud violat. Est enim illi non solum vera & efficax causa, vt peccatum committat, sed occasionem quoque offert, vt de ieiunij lege erroneam opinionem concipiat. Alit fecus de iis censendum est, qui quadam vrbanitate, vel humanitate, vel hospitalitate moti inuitant quempiam, rati quòd salutis suæ memor non accumbet, vel quòd facultatem vel iustam soluendi ieiunij occasionem obtineat, vel certè quòd alibi ieiunium soluere certum deliberatumque habeat. Quandoquidem tales non subministrant causam, vt ieiunium soluatur simpliciter, sed tantum vt soluatur in tali loco; vel vt is illud soluat, qui citra noxam soluere poterat.

vel

Filij Aaronis ob violatam abstinentiæ legem morte mulctati.
d. 3. conſciun.

Rom. 1.

Qui ad soluendum ieiunium alios efficaciter inducunt, grauius peccant.

Magis interdum peccant, qui ad peccatum inducunt, quàm qui peccatum committunt.

vel qui se inuitari intelligebat, non vt solueret; sed quò hospitii sui promptitudinem & humanitatem inde disceret. Tutius est tamen ne tales quidem inuitare, & maximè eos, qui alibi cænare statuerunt.

ET quemadmodum ij, qui studio ad infringendum ieiunij præceptum inuitant, peccatum incurrunt; ita etiam patres & rectores familiarum cæterique omnes, qui ea illis, quorum curam gerunt, proponunt, per quæ ieiunium vel ciborum delectum, ad quæ alioqui obligantur, certò soluturi sunt. Nam etsi eiusmodi primum fortassis peccati fomitem non suggerunt, suggerunt tamen eius continuandi & explendi ansam; vtrumque autem est illicitum, & Christianæ charitati dissentaneû. Interuenit hinc enim tacitus quidam in alterius peccatum consensus.

Patresfamilias ieiuniorum tempore ea familiæ administrantes, per quæ ieiunij soluitur, soluti ieiunij rei sunt.

HABD multò leuius peccatum committunt hîc Caupones, & lixæ, qui ieiuniorum tempore non modò omnium votis vltro sese offerunt, susque deque ferentes, peccentne hospites an secus, dummodò ipsi sperato quæstu non frustrentur: verum eos quoque, qui abstinere volunt, ad cænani quadantenus compellunt. At verò si eiusmodi caupones, vel alij quicumque mensarum rectores idoneam causam extare animaduertunt, cur id, quo ieiunium soluitur, administrare conueniat, (vt si cernant eum, qui petit, senem, ex itinere lassum, infirmum, laboribus exhaustum &c.) non peccant, si cænani eiusmodi administrant; sicut nec illi quoque, qui secrete illis carnes parant, quos bona fide iustas causas habere credunt, cur petant; esto isti causæ æquitatem non deprehendant.

Qui caupones ieiuniorum feriis cibum administrantes grauius peccant; qui item à peccato excusantur.

INTER eos tandem, qui ad ieiuniorum præuaricationem concurrunt, illi quoque censeri solent, qui domesticis vel subditis suis, nulla necessitate compulsi, ea ieiuniorum tempore onera imponunt, quæ ieiunium non ferunt, vel tam parcè cibum administrant, vt simul ieiunare & consueta munia obire non queant. nec iniuria: nam etsi propter ieiunium familiæ otium indulgere non teneantur, deberent tamen vel laborem diminuere vel annonam augere, vel vtrumque simul facere, ne Ecclesiæ præceptum contemnere, aut parui ducere viderentur. Constat hinc ergo, nò eos solùm peccatum admittere, & illud quidem genere suo mortale, qui

Qui citra necessitatem ea onera familiæ imponunt, q̃ ieiunium non ferunt, à peccato violati ieiunij immunes nō sunt.

qui ieiunia ab Ecclesia indicta temerè soluunt; sed eos quoque, qui alijs, vt soluant, causam adferunt. proximum est illorum rationes & argumenta proponamus & diluamus, qui iciunij præceptum oppugnant.

Argumenta & rationes, quibus atatis huius sectarij ieiunij legem oppugnant, vel oppugnare certè possent, nihil euincere.

CAPVT DECIMVMSEXTVM.

PRIMVM ANTAGONISTARVM

Argumentum.

AST esto, inquit, Ecclesia præcepta vel leges, quæ temerè violatæ noxam adducunt, ferre queat, de ieiunio tamen eiusdemq; partibus eiusmodi sanctionem edere non debuit, nec iustè quoque potuit. Nam vt lex quæpiam absoluti præcepti robur obtineat, esse debet absolutè honesta, iusta, possibilis, secundùm naturam, & patriæ consuetudinem lata, loco temporisque conueniens, utilis, necessaria, manifesta, nullo priuato commodo, sed pro communi utilitate conscripta; eiusmodi autem conditiones in ieiunio maiori ex parte desiderantur. Nam ad primam conditionem quod spectat, quòd ieiunium per se non sit aliquid de genere honestorum, hoc est, virtus vel virtutis cuiuspiam actus patet; quia neque propter se expetitur, neque in rationis medio positum est, neque bonis proprium, sed malis cum bonis commune est.

SOLVTIO I. ARGVMENTI.

CONCEDI potest ieiunium absolutè sumptum, non esse virtutem, aut virtutis cuiuscunq; actum, vt quod multis modis malè præposterèque suscipi perficique queat. Concedi quoque potest eiusmodi virtutis actu non constare, qui absolutè propter se expeti debeat. Quis enim mente valens ieiunet, vt ieiunet? At hinc tamen inferri non potest, secundùm se turpe vel à virtute alienum esse. Nam vt malo & improbo, ita pio & sancto quoque animi instituto suscipi perficique potest: Rursum vt ad inhonestum, ita ad hone-

Bonæ legis conditiones variæ.

honestum quoque finem referri potest. Neque virtutis rationem illi adimit, quod alio refertur; constat namque pœnitentiam, perpetuam castitatem, voluntariam paupertatem, & quædam eius generis alia, alio referri, hoc est, propter se absolute non expeti, neq; ob id tamen è virtutum choro excludi. Quamuis ergo ieiunium non suscipiatur propter se, sed propter aliud; nempe vt caro spiritui subiugetur, mens ad DEVM eleuetur, vitium expietur vel præcaueatur, DEO tandem vel Ecclesiæ debita obedientia præstetur, non ideo tamen non est honestum, aut cum virtute coniunctum.

QVOD de neglecto rationis vel virtutis medio in argumento additur, nihil est omnino: Siquidem virtutis medium non est sumendum secundum quantitatem, sed secundum rectæ rationis dictamen. Hæc autem suadet vt ob animi vel corporis morbum sanandum vel prepediendum, aut ob vtriusque commodum promouendum, minus interdum alimētorum sumamus, quàm communis aliqui abstinentiæ lex sumere permittebat. Nulla tamen ratio suadet, aut lex permittit, vt tantum ex iis rebus tibi adimas, quæ corpori sustentando sunt necessariæ, vt valetudinem lædas, aut vt ad obcundum debitas functiones inutilem te reddas, aut vt vitæ periodum insigniter accidas. Quod si qui sunt, qui aliquod ex iis incommodis immoderato ieiunio sibi asciscunt, illi neque quantitatis, neque rationis quoque medium seruant, atq; ideo inter ieiunandum peccant; nisi forsan excessus sit modicus, aut propter incensum CHRISTI amorem non animaduersus.

AT ieiunium, inquebant, malis cum bonis commune est? Est sanè, si externum ieiunationis actum tantum spectes, secus si ieiunantium animum consideres: Alio enim fine & animo ieiunant boni, alio mali. Quare licet idem vtrorumque ieiunium sit in genere naturæ, non est tamen idem in genere moris, etsi interdum idem esse queat. Nam licet impij & scelerati communiter non ieiunent, vt Ecclesiæ morem gerant, aut vt illicitos carnis motus comprimant, aut vt DEVM offensum placent, eidemue satisfaciant, vt boni solent, sed ob fines à virtute planè alienos; at possent tamen, si vellent, ob eiusmodi fines ieiunare. Materialiter proinde ieiunium vtriusque commune est, formaliter non item.

Actus quispiam non ideo non est studiosus, quòd alio refertur, adeòq; propter se non exercetur.

Virtutis mediū non est sumendum secundum quantitatem sed secundum rectæ rationis dictamen.

Quid inter bonorum & malorum ieiunium communiter intercedat.

ARGVMENTVM SECVNDVM.

QVOD autem ieiunium sub peccati reatu indicere res sit iniqua, id faciliè animaduertemus, si pœnam & culpam inter se commitemus. Nam qualem, obsecro, æquitatis rationem præ se fert, propter vilem escam, quam DEVS creauit, vt cum gratiarum actione percipiatur, hominem CHRIS T I sanguine redemptionum, æternis suppliciis mancipare? Ad hæc hominem Christianum citra causam suo iure spoliare, res videtur non parum iniusta; at hac ieiuniorum lege libertate, per CHRIS TVM, & propter CHRIS TVM nobis debita citra vllam iustam causam spoliamur. Mitto hîc legem de statis ieiuniis latam redemptionis beneficium vehementer obscurare. Hoc ipso enim quòd vltroneis vel necessariis ieiuniis nos maceramus, CHRIS TVM gratis mortuum & passum esse palàm indicamus. lex itaque ieiuniorum secunda bonæ legis conditione est desituta.

SOLVTIO II. ARGVMENTI.

SÆP E iam antè dictum, multisq; modis & rationibus ostensum est, Christiani hominis libertatem non esse eiusmodi facultatem, qua vnicuique quodcunque lubitum fuerit, facere ius sit: Siquidem potestas faciendi quodcunque vāsana libido suaserit, non est libertas spiritus; sed licentia carnis, quæ Christianæ libertati aduersatur vt quæ maximè. Neque talem rursus, qua homini, absque omni prorsus difficultate & impedimento, sobriè, piè, ac iustè in hoc seculo viuere integrum sit: Quandoquidem ea ab omni impedimento immunitas vel miseriarum vacuitas, non est huius miseræ & corruptæ vitæ; sed gloriæ, vel status innocentia. Innumera sunt enim, quæ in hac mortali ac mutabili vita pios homines à pietatis studio præpediunt. Sed neque eiusmodi quoque facultas est, qua homo, quæ naturæ suæ vires non excedunt, seclusis impedimentis, potest velle & non velle, vel oppositum quoque velle; facere & non facere, & contrarium facere. Neque etiam potestas faciendi, quod ius vel vis facere non prohibet: Nam vtræque hæc libertas promiscuè comperitur in bonis & malis, libertas autem Christiana non inuenitur in malis, sed tantum in iustis Christoque per gratiam adiunctis.

In hac vita non est plena libertas à tentatione & miseria.

Libertas Christiana non reperitur in malis & improbis sed tantum in bonis.

DENIQUE libertas illa Christiana, non est immunitas à seruitute corporali, quam ius gentium, vel lex ciuilis induxit; aut eiusmodi, quæ hominem Christianum à maiorum suorum lege vel imperio eximat; aut à vinculo dependendi iustum tributum, aut constitutum vectigal principibus publicisque magistratibus, absoluat. Nam eiusmodi vincula per Christianum nomen aut fidem non tolluntur, sed firmantur: *Serui*, inquit Petrus, *subditi estote in omni timore Dominis, non solum bonis & modestis, sed etiam dyscolis*. Pertinet huc quoque illud Pauli: *Serui obedite dominis carnalibus cum timore & tremore, & simplicitate cordis, sicut CHRISTO*; non ad oculum seruientes, quasi hominibus placentes. Et illud rursum eiusdem: *Admone illos principibus & potestatibus subditos esse, dicto obedire, ad omne opus bonum paratos esse*. Et illud tandem eiusdem Apostoli: *Vis non timere potestatem? bonum fac, & habebis laudem ex illa*. **DEI** enim minister est tibi in bonum: si autem malum feceris, time; non enim sine causa gladium portat, **DEI** enim minister est, vindex in iram ei, qui male agit. Ideoque necessitati subditi estote, non solum propter iram, hoc est, vindictam, sed etiam propter conscientiam, hoc est, propter peccatum ex inobedientia natum, quod conscientiam vulnerat. subdit. *Reddite ergo omnibus debita, cui tributum, tributum; cui vectigal, vectigal; cui honorem, honorem*. haecenus Apostolus.

Libertas Christiani hominis non est immunitas à seruitute corporali, aut legum humanarum onere, aut debito pecuniario,

1. Pet. 2.

Ephes. 6.

1. Tim. 6.

Rom. 13.

AT multò verò minùs libertas Christiana eiusmodi priuilegium, aut prærogatiua est, qua homo Christianus absoluitur à voto, vel iuramento, vel à quocunque alio ciuili vel naturali debito. Certum est namque hominem Christianum, Christiana libertate per omnia salua, multis se vinctis & obligationibus obstringere posse. Potest enim ducta vxore matrimonij iugo colla submittere; potest alteri suam operam locare; potest in spontaneam seruitutem sese tradere; potest aliis quàm plurimis modis, quam habet, libertatem imminnere. Est autem libertas Christiana quædam vacuitas vel immunitas ab ea seruitute & captiuitate, in quam primus generis nostri parens se totamque posteritatem suam imprudens coniecerat. Coniecerat se autem ceterosque omnes, qui olim originem ex eo tracturi erant, in peccatum & iniustitiam, in mortem & sæuam Dæmonis tyrannidem, in crassam rerum coelestium ignorantiam, & in alias quàm plurimas animæ corporisque miseras & pestes; quæ omnia nos

Quid propriè libertas Christiana.

nostra ignavia & malitia plurimum auximus, subindéque magis magisque augemus.

ITAQUE Christiana libertate liberum esse, aliud nihil est, quam per CHRISTI gratiam & misericordiam à peccato, æternæque mortis reatu liberatum esse: ita ut ea libertate donatus non amplius seruiat peccato & Diabolo in iniustitia & immunditia, sed DEO summo totius creaturæ bono in iustitia & sanctimonia. Veruntamen licet homo per CHRISTI gratiam liberetur à peccato & Diabolo, adeoque à sempiternæ mortis debito, non ea tamen perfectione à peccati reliquiis in hac mortali vita liberatur, ut ab omni statim miseria & pœna, omnique dæmonis insultu, & carnis concupiscentia immunis euadat, sed hæcenus tantum, quatenus hæc ipsa, aliæque his cognata nullum amplius regnum in illo obtineant.

VNDÉ licet CHRISTVS Dominus multò plus commodi generi nostro attulerit sua obedientia, quam Adamus incommodi sua inobedientia, Adamus tamen ante peccatum multò maiori libertate potiebatur in paradiso, quam iusti in hoc seculo. Manent enim iustificati adhuc obnoxij vitæ huius miseriis, morti item & mortis prodromis; carnis, dæmonis, & mundi tentamentis; ignorantis, benèque agendi difficultatibus, humanis legibus & constitutionibus, & aliis quam plurimis miseriis & pestibus, à quibus omnibus Adamus felici illo seculo immunis erat. Quare etiam non egebat tanta cautione, neque tot supernaturalibus præfidiis, ut in accepta semel iustitia perseveraret, quot temporis huius iusti, ut iustè semper sanctèque viuant & agant.

QUIA verò Christianæ libertatis fundamentum & quasi basis est CHRISTI gratia, vitæque sanctimonia, fit ut hoc libertatis genere eò quisque censendus sit liberior, quò fuerit sanctior, & ab iis omnibus, quæ Christianam charitatem veramque sanctitatem præpediunt, vel ab illorum usu & exercitatione abstrahunt, expeditior. Eo rursus seruiior & à vera illa libertate alienior, quò vitiis aut vitiis somentis extiterit plenior. Quamobrem exuere se à perituris opibus, abdicare se à curis & seculari vanitatibus, nuncium mittere nuptiis, vitam traducere sub severæ disciplinæ legibus &c. Id Christianam libertatem adeò non infirmit, ut eandem plurimum quoque confirmet promoueatque.

Sicut

Nulla plena Spiritus libertas in hac vita.

Adamus maiori libertate potiebatur in paradiso, quam iusti in hoc seculo.

Christianæ libertatis fundamentum & basis Christi gratia.

Christiana libertate eo quisque liberior: quo melior, & à peccatis eorundemque occasionibus expeditior.

Sicut è diuerso pressum esse iugo coniugali, affluere mundi huius delitiis vel diuitiis, publicis muniis obcundis occupatum esse &c. Eandem libertatem maiorem in modum obturbat & eleuat: *Qui sine uxore est*, inquit Apostolus, *solicitus est, quæ sunt Domini, quomodo placeat Deo. Qui autem cum uxore est sollicitus est, quæ sunt mundi, quomodo placeat uxori, & diuisus est. Et mulier innupta & virgo cogitat, quæ Domini sunt, ut sit sancta & corpore & spiritu. Quæ autem nupta est cogitat, quæ sunt mundi, quomodo placeat viro suo.* Constat hinc ergo, carnem ieiunio; siue illud indictum, siue ultro susceptum sit, maccare spirituiq; subiicere, libertatem per CHRISTVM nobis paratam nequaquam labefactare, sed eandem maiorem in modum augere & exornare.

1. Cor. 7.

Ieiunia ceterasque carnis mortificationes Christianam libertatem augent.

ÆQUE insulsè & vanè argumento attexitur, ieiunia; ceterasque carnis mortificationis causa susceptas exercitationes Christi passi meritum vel gratiam obscurare; Tantum enim abest ut ieiunia vel alia quæcunque Christianæ pietatis officia Christi gratiam, vel redemptionis nostræ beneficium aliquam partem obscurant, ut utrumque insigniter quoque illustrent. Nam quicumque Christiano pectore ieiunant, vel orant, vel eleemosynas erogant, ad vnum omnes profitentur & prædicant, nihil horum omnium rectè & pro dignitate præstare se posse, si Christi gratia careant; sed neque ignorant quoque, totum, quod hinc præstant, nullius aut roboris aut meriti apud DEVM fore, si CHRISTI meritum hinc excludant. Huius enim solius donum & beneficium est, quod nostra ieiunia, nostræ preces, nostræ eleemosynæ, & reliqua opera nostra DEO placent. Omne meritum, omnis vis & energia, quæ illis tribuitur, ex CHRISTI morte & merito fluit. Quod proinde si è medio sustuleris, omnem actionum nostrarum valorem extinxeris: Sicut ediuerso quoque sublato omni adulti hominis opere, Christi meritum otiosum & inefficax in illo erit. Sed & fatendum est quoque, & fatemur libenter, singularis cuiusdam gratiæ & misericordiæ esse, illud ipsum opus tametsi ex gratia ortum, tanta mercede in altera vita pensari.

Pietatis cuiuscunque generis officia, Christi meritum & gratiam illustrent.

At quid opus est verbis? si ieiunia Christi meritum obscurant cur ipse ea suadet? cur vtilem & fructuosum ieiunationis modum præfinit? Cur Apostolos sponso sublato ieiunatos certò prædicit? Cur Apostoli ipsi ieiunia carnisque mortificationem

Quodcunque opus Christi suadet, hoc illius meritum non obscurat.

verbo & exemplo tantopere commendant? Cur sancti Patres CHRISTI legem edocti eiusdemque spiritu pleni, eam pietatis partem tam studiosè exercuerūt semper? Constat enim, quò quisque eorum extiterat sanctior, eò ieiunia excoluisse impensius. Cur denique ieiunia piè exulta tam admirabiles fructus, non solum in hac, sed in altera quoque vita, progenerant? Mitto hìc vesaniz quàm sanæ doctrinæ similis videri, asserere, quod indomitos carnis motus reprimat, quod vitiorum fomitem restinguit, quod virtutem animò inserit, quod mentem ad DEVM subrigit, quod peccatorum reliquias exhaurit, quod DEVM denique pacatum placatumque nobis reddit, id CHRISTI meritum obscurare. At ieiunium probè excultum hæc omnia efficere probatum est iam olim prolixè.

AD principale membri huius argumentum responsum est iam dudum antè; dictum est enim, legislatorem, dum legem Ecclesiæ vel Reipublicæ vtilem vel necessariam fert, nullius pœnam aut culpam per se intendere: Sed tantum boni communis promotionè, aut eiusdem cōseruationem, aut aliquid aliud eiusmodi; sed neque nouum est quoque, cibo vel potu interdicare alicui sub graui aliqua pœna. Constat enim, Adamo, sub mortis comminatione, vt ab arbore scientiæ boni & mali abstineret, interdictum fuisse. Sub pari pœna filiis Aaron indictum est, vt, dum sacris operarentur, vel aliàs in tabernaculo occuparentur, à vino & omni potu inebriante sese continerent. Sed & homini DEI vita adempta est, eò quòd fallacibus Pseudoprophetae sermonibus circumuentus, cibum, contra DEI mandatum, in Bethel sumpsisset. Ionathas tandem, quòd contra præceptum paternum modicum mellis imprudens degustasset, mortem vix euasit. Non est ergo nouum aut ab humanitate alienum, pœnam alicui decernere & irrogare, propter cibum vel potum contra legem vsurpatum. Nam etsi res parui momenti sit bibere vel manducare, si hæc secundum se absolutè spectes, non est tamen res leuis, contra expressum mandatum bibere vel manducare: Quandoquidem contra expressum mandatum bibere vel manducare, nō est tam manducare vel bibere, quàm ipsum legislatorem vel legem contemnere.

Non est nouum
cibum aliquem
sub mortis pœ-
na interdicare.

Genes. 3.

Leuit. 10.

2. Reg. 13.

1. Reg. 14.

Secundum se nō
est malū come-
dere vel bibere,
est tamen malū
& graue quoque
peccatum cōtra
expressum mā-
datum illud si-
cere.

DICIS:

NOTIS: De cibo & potu eiusmodi leges ferri deberent, quæ violatæ nullam pœnam vel culpam adducerent. Iam antè dictum est, leges, quæ calcatæ nullam adducunt pœnam aut culpam, non esse veri nominis leges, sed quasdam tantùm admonitiones vel exhortationes. Tum in legislatoris potestate positum non esse, temerarios veræ & iustæ legis præuaricatores à noxa immunes seruare: Siquidem temeraria legis præuaricatio intrinsecè noxam inclusam habet. Addo, eiusmodi leges conuenienter fortassis ferri potuisse aut posse, si omnes, quibus feruntur, essent sancti, vitæque & moribus integri; sed quia plerique eorum sunt nequam & refractarij, talesque qui neque DEVM metuunt, neque hominem curant, omnino opus erat aliquo pœnarum antidoto. Quandoquidem grauium pœnarum interminatione non obstante, multi adhuc comperiuntur, qui contra legis præceptum agere pro nihilo ducunt. Quid ergo futurum putamus, si in legis præuaricatorem nulla pœna decreta fuisset? Nihil est ergo hæcenus allatum, quod iciuniorum legem iniustam esse probet.

Leges quæ temerè violatæ noxam nullam adducunt, non sunt veri nominis leges.

ARGVMENTVM TERTIVM.

CONTRA legis possibilitatem eiusmodi rationem instituunt; esto, nonnulli inter fideles inueniantur, qui præceptum hoc vtcunque explere valeant, maxima tamen mortalium pars citra incommodum explere nequit. Quandoquidem inter Christianos, ad quos solos lex hæc pertinet, plurimi comperiuntur pueri, iuuenes, elanguidi senes, ex morbo vel corporis constitutione debiles, rerum necessariarum inopes, duris necessariisque laboribus assiduò intenti, lactantes, vterum gestantes, alij; id genus complures; quos si ad iciuniorum legem compellis, si non perimis, grauiter certè lædis; si autem omnes illos veluti impotentes à lege absoluis, vix paucos quos iciuniorum lex obstringat reliquos facis. At quorsum attinet legem ferre, quam nulli, aut certè paucissimi obseruare valent?

SOLVTIO III. ARGVMENTI.

Hoc argumentum seipsum conficit: Nam si illi omnes à iciunij lege absoluantur, qui commodè iciunare non possunt, vt absolui

absolui hinc solent, ergo lex hæc non est admodum difficilis ne-
dum impossibilis. Neque hinc tamen sequitur legem hanc esse
superuacaneam; Quamuis enim multi sunt, qui ieiunium ferre
commodè non possunt, reliqui tamen sunt innumeri, qui & pos-
sunt, & quibus spiritale hoc præsidium oppidò est necessarium.
Addo veteres Theologos & Patres multò pauciores à ieiuniorum
lege exemisse, quàm hoc tempore passim inde eximuntur. Ne-
mo, clamabat olim Basilius Magnus, ieiunantium numero se sub-
ducat, in quo generationes cunctæ, sexus omnis, ætas & ordo o-
mnis includitur. Similia legas apud Bernardum, qui sexcentos fe-
rè annos post Basilium in Ecclesia DEI floruit.

NON debuit autem lex hæc inter eos secernere, qui possunt
commodè, & qui commodè non possunt, sed aliarum legum mo-
re, quæ simpliciter citra ullam limitationem aut exemptionem
proponi solent, omnes qui commodè possunt, indiscriminatim
obligare. Qui autem possunt commodè vel non possunt, id hu-
manæ prudentiæ, quæ circa singularia occupatur, definiendum re-
linqui debuit, præcipuè vero eorum iudicio id permissum opor-
tuit, quos DEVS Ecclesiæ suæ pastores & rectores instituit. Ho-
rum enim munus est legum Ecclesiasticarum vinculum, si fortè
perplexum fuerit, explicare; vel si necessitas id postulauerit, in to-
tum vel in partem tollere.

ARGUMENTVM QVARTVM.

LEGIS ieiuniorum inutilitatem quidam ex aduersariis ita
oppugnant: Quod non leuem peccandi ansam subministrat, il-
lud iusto titulo inter vtilia censi non valet; ieiuniorum autem
lex est eiusmodi. Constat enim perpaucos esse, qui indicta ieiu-
nia seruent; multò verò pauciores, qui rectè seruent; At tam isti
quàm illi, hoc est, tam ij, qui non seruant, quàm ij qui malè ser-
uant, peccant. Peccatum autem magnum animæ detrimentum
adfert. Sed & dato quoque, comperiri nonnullos, qui rectè ieiu-
nent; attamen quod ieiunia habeantur inter cultus externos, cor-
poralesq; exercitationes, per modicum ad pietatem conferunt.
Notum est enim illud Apostoli: *Corporalis exercitatio ad modicum uti-
lis est.* Quod si qui sunt, qui ieiunium commendant, animoque &
corpori salutare prædicant, illi non commendant illud corpo-
rale.

Olim multo
pauciores à ie-
iunij lege exime-
batur quàm hæc
ætate.

Serm. 66, super
cant.

Quorum est Ec-
clesiasticarum
legum difficul-
tates enodare et
explicare,

1. Tim. 4.

rale & externum, quod certo ciborum delectu, vnaque corporis refectioe constat; sed internum & mysticum, quod vitiis bellum indicit verius quam gulę ant ventri; Vel si externum quoque probant, non probant tamen superstitiosum illud, & penę Iudaicum, quod hactenus in Papatu viget, sed purum & Euangelicum; quale est, quod non est positum in dicrum vel ciborum discrimine, verum in quadam spiritus libertate, mentisque & corporis sobrietate.

SOLVTIO IIII. ARGVMENTI.

EXIMIAM esse ieiuniorum vim & vtilitatem ex Scripturis & Patribus ostensum est iam antę; probatum est enim ieiunia pio animi studio suscepta, peccata, ne committantur, impedire; commissa expiare, ad paradisum, vnde propter inuiolatum ieiunium expulsi fueramus, reditum præstare, mentem ad DEVM eleuare, promerita supplicia redimere, impendentes clades arcere, magna DEI beneficia impetrare, sanitati denuum vtriusq; hominis plurimum conferre. Qui ergo ieiuniorum legem plus incommodi quam commodi adferre deblaterant, non modò ab omni pietate alienos sese ostendunt, verum etiam Ecclesiam & Apostolos, qui ieiuniorum leges ediderunt, aperta iniuria afficiunt.

Ingētia sunt eodemmoda, quę ieiunia adferunt.

Apostolos & Ecclesiam iniuria afficiunt, qui ieiunia plus incommodi quam eodemmodi adferre dicunt.

CAETERVM peccata, quę non ieiunantes vel malè ieiunantes committunt, ea ex ieiuniorum lege non proueniunt, sed ex peruersa nō ieiunantium vel malè ieiunantium voluntate. Quòd si ieiunij legem ob id è medio tollere oportet, quòd nonnulli, vel multi quoque cum salutis suę detrimento ea non seruant vel malè seruant, è medio tollere oportebit omnes diuinas humanasque leges; Paucissimos enim comperias, qui integrè religiosequę eas seruent. Quod si qui sunt porrò, qui malè, hoc est, præposterè ieiunant, quales sunt, qui ieiunio errorem vel vitium aliquod admiscunt, illi, vt in alijs fieri solet, de errore vel vitio admoneantur; nihil enim tam bonum aut sanctum est, in quod abusus quispiam irrepere non valeat.

Peccata malè ieiunantium, vel nō ieiunantium, non oriuntur ex ieiuniorum lege, sed ex praua hominum voluntate.

DICIS: Comperiuntur, qui maioris interdum faciunt ieiunia, & alia quædam Ecclesię statuta, quam DEI aut legis naturę decreta: Ecclesia autem eiusmodi errorem adeò non emendat, vt factò quoque eundem confirmet; Constat enim acrius

Cur Ecclesia
suarū legum &
statutorū trans-
gressiōem gra-
uiss. nōnunquā
puniat, quā di-
uinorum præce-
ptorum præua-
ricationem.

eos plerunq; punire, qui sanctiones, quas ipsa edidit, præuarican-
tur, quā eos, qui diuinum vel naturale ius violasse deprehensi
sunt. Sit ita, tametsi negari queat; at non ideo errat, aut facto suo
vllum omnino errorem confirmat. Nam quòd sua quā DE I
præcepta studiosius quandoque vindicet, non ea de causa hoc fac-
cit, quòd sua grauiora, aut salubriora, aut magis necessaria cen-
seat, absit, sed quòd quorundam errori obuiam itum, rudiumque
saluti consultum cupiat. Nam qui, citra vllam prorsus necessita-
tem, die Veneris, vel alio tempore, quo id non licet, carnes vo-
rant, vel cum excommunicatis liberè communicant, vel festa ab
Ecclesia indicta temerè violant, vel aliquid aliud contra Ecclesiæ
decreta designant, indicium haudquaquam obscurum faciunt,
secus se de Ecclesiæ potestate & auctoritate sentire, quā Ca-
tholicos decet. At si quid est vsquam, quod hæresin sapit, hoc
Ecclesia nequaquam dissimulare aut impunitum relinquere de-
bet; multò verò minus manifestos errores. Facit hoc ipsum quo-
que ad salutarem aliorum terrorem: Quandoquidem si eiusmodi
temeritatem relinqueret impunem, tota illius auctoritas paula-
tim vilesceret, & in apertum contemptum abiret, quod utiq; ce-
deret in magnum Christianæ religionis detrimentum. Hoc au-
tem periculum in præceptis diuinis, vel iuris naturalis locum non
habet. Omnes enim intelligunt & profitentur DEO & legi na-
turæ obtemperandum esse.

CVM verò inter cætera allegatur, externum cultum corpo-
risque exercitationem externam spiritali vitæ parum per se con-
ducere, id allegatur, quod certa quadam ratione concedere licet.
Certum est enim, cultum externum interno cultu destitutum
parum prodesse: Quemadmodum parum quoque potest corpo-
ris exercitatio, si desit feruor spiritus. Verum vbi externum & in-
ternum, corporale rursus & spiritale, simul cōiunguntur, ibi mi-
rabilia operantur. Christiani autem dum ieiunant, si tamen Chri-
stianè, hoc est, rectè ieiunant, ita corpus exercent, vt tamen spi-
ritum non negligant. Nam etsi proximus ieiuniorum finis est
corporis extenuatio, motuumque carnalium compressio, pri-
marius tamen ieiunantis scopus est vitiorum mortificatio, men-
tisque & spiritus ad DEUM eleuatio, cæteraq; quorum suprà iam
meminimus.

PORRO

Sola per se cor-
poris exercita-
tio parum con-
fert ad salutem.

PORRO autem dum Apostolus Timotheum instituens, corporis exercitationem ad modicum utilem prædicat, nequaquam carnis mortificationem, quam alibi seriò commendat, ipseque familiarissimam habebat, damnat, aut dissuadet: Verùm charissimo discipulo, qui hac in parte nonnihil excedebat, frænum iniicere studet. Nam cum is debilis & valetudinarius esset, neque secus tamen ieiunio & abstinencia ac sanus quispiam sese maccraret, fiebat ut alia, quæ ad pastorale munus pertinebant maiorisque momenti erant, minùs promptè alacriterque obire posset. Suadet proinde Apostolus, posteaquam utrumque per valetudinem commodè præstare non potest, ut hoc potius quàm illud remissius vsurpet; præsertim cum expriato vnius ieiunio exiguum commodum in alterum redundet: ex prædicatione autem & oratione plurimum. Atque istuc omnino sonat oratio, qua Apostolus vtitur: Non enim dicit corporalem exercitationem ἀνωφελὶς, hoc est, inutilem esse, sed πρὸς ὀλίγον ὠφέλιμος, hoc est, ad modicum utilem: Vult autem per hæc significare, utilitatem illius minus latè patere quàm aliarum virtutum; & earum præcipuè, quæ ordinem ad alterum sortiuntur. Huc quoque tendunt, qui ieiunia inter minora bona censenda asserunt.

1. Tim. 4.

Quo sensu & occasione Apostolus corporis exercitationem ad modicum utilem esse scribat.

QUANDO verò Patres internum tantum & mysticum ieiunium commendare asserunt, insigni vanitate sese imbutos ostendunt: Constat enim quotquot de ieiunio ex instituto scripserunt, aut docuerunt, ad vnum omnes de externo scripsisse & docuisse, Etsi non de hoc solo: Norant enim externum vel corporale interno & spiritali destitutum parui momenti esse. Externum autem interno destitutum dicitur, cum non solum cæteris virtutibus homine Christiano dignis orbat; sed scelere quoque vitæque turpitudine contaminatur. Cuiusmodi ieiunium DEO, qui sacrificantis animum spectat potius, quàm ipsum sacrificium, gratum esse non potest. Neque est hoc ieiunio peculiare, sed ipsi cum omni honesto officio, quatenus in exteriori actione versatur, commune. Nullum enim opus, quantumlibet heroicum, DEO placet, si quocunque notabili vitio pollutum est.

Quomodo ieiunium externum seu corporale, interno destitutum dicatur.

Aliter ſectarij,
aliter orthodo-
xi vſurpant ꝑ
Euangelicum.

TANDEM cū illos, qui corporale ieiunium commendant, purum tantū & Euangelicum commendare aſſeuerant, illud aſſeuerant, quod nulli negant. Certum eſt enim, nullum vnquam Theologum, Iudaicum aut aliud quodcunque ſuperſtitioſum ieiunium commendafſe. Interim Antagoniſtæ ꝑ purum & Euangelicum purē & Euangelicē non exponunt, ſed impurē & hæreticē. Non enim ob id Chriſtianorum ieiunium Euangelicum appellatur, quod vniciue liberum ſit ieiunare, quando velit, & quantum velit, & quomodo velit, quomodo ipſi ꝑ Euangelicum exponunt: Verū ob id hoc nominis ſortitur, quia in Euangelio inſinuat, & à CHRISTO Euangelij conditore commendatum, & vſurpatum eſt, & quia ab Apoſtoliſ legitimisq; eorundem ſucceſſoribus ad normam Euangelicæ legi conuenientem inſtitutum, grauiq; ſub pœna omnibus, qui poſſunt, ab eiſdem iniunctum eſt; & quia conſtanti eorum vſu, qui vnquam Euangelio paruērunt, validiſſimē confirmatum, & familiariſſimē vſurpatum eſt; & quia tandem ad finem Euangelio proprium, qui eſt charitas, omne Chriſtianorum ieiunium referendum eſt. Nulla ſunt ergo, quibus ieiuniorum vtilitatem oppugnant, aut eorundem inutilitatem perſuadere laborant.

ARGVMENTVM QVINTVM.

IEIUNIORVM neceſſitatem eiufmodi telo impetunt. Quicquid fieri poteſt per ieiunium, hoc ipſum per veſtium aſperitatē, per crebras vigilias & lucubrationes, per aſiduas preces, frequentesq; peregrinationes, per improbos labores, aliasq; eiufmodi corporis vel ſpiritus exercitationes fieri poteſt. Sed & multo quoque comperiuntur, qui carnis mortificatione, aut corporis extenuatione non admodum indigent, vt illi omnes, qui nullam aut perquā exiguam carnis aduerſus ſpiritum luctam ſentiunt, nullūque debitum, pro quo DEO ſatiſfaciant, aut vitium, quod per ieiunia exhauriant, contraxerunt; vt ergo ieiunia, his poſitis, non ſunt neceſſaria, ita lex de ieiuniis lata videri poſſit ſuperuacanea.

SOLVTIO ARGVMENTI V.

NVLLE vnquam mortalium ad eam vitæ ſanctimoniā in hac vita euafit, aut euafurus eſt quandoque, vt ieiunando vel orando
vel

vel aliud eiusmodi opus præstando proficere non queat: Nam vt eos quispiam progressus in spiritali vita fecerit, vt nullos vnquam carnis stimulos, nullam amplius eiusdem rebellionem sentiat, (id quod citra peculiare priuilegium contingere non solet: Quandoquidem vsque ad cineres fomes & mala libido carni nostræ cohererent: Quare etiam Ecclesia anathematis eos condemnat, qui hominem ad tantam perfectionem in hac vita deuenire posse contendunt, vt amplius proficere non valeat) adhuc ieiunia suum locum obtinerent, & illum quidem iustum.

Nullus mortali-
um in hac vita
peruenit vnquā
ad summū, hoc
est, tantum pro-
fecit, quin plus
proficere potue-
rit.
Ad nostram; de
hæc, in Clem.

QVOMODO? dicam paucis. Suprà prolixè ostensum est, ieiunia non solum valere ad carnalium desideriorum mitigationem, mentisque ad DEVM sublationem; verum, etiam ad alia complura æquè atque hæc ipsa ad vitam salutemque vtilia vel necessaria; puta ad gratiæ augmentationem, ad impetrandam plenam à DEO peccatorum remissionem: *Siquidem in multis offendimus omnes, & si dixerimus, quia peccatum non habemus, nos ipsos seducimus, & veritas in nobis non est*; peccata autem & offensæ citra pœnam non expiuntur. Tum rursum ad depellendam communem vel priuatam aliquam cladem; ad præstandam debitam Ecclesiæ obedientiam. Nulla enim perfectio est tanta, quæ hominem Christianum à maiorum obedientia eximat. Imò verò quò quisque fuerit perfectior, eò CHRISTI exemplo in omnibus obsequentiorē præstare se debet. Tum denique ad aliorum exemplum publicamque ædificationem. Effet enim res pessimi exempli, Ecclesia tota ieiunante nolle se aliorum moribus accommodare.

1. Ioan. 2.

1. Ioan. 1.

Nulla perfectio
est tanta, quæ ho-
minem liberet à
maiorum obe-
dientia.

SED neque indicitur quoque ieiunium eiusmodi remedio indigentibus, (tametsi omnes aliquatenus eo indigeant, vel vt lapsi plenè resurgant, vel certè ne in peccatum aliquod proruant) sed omnibus promiscuè, qui ieiuniorum legem citra graue incommodum obseruare valent. Frustra proinde vitæ perfectio ieiuniorum necessitati opponitur. Sed aiebant; per aliud totum id fieri potest, quod fit per ieiunium. Primò negari istud potest: Sunt enim morbi, qui solo ieiunio sanantur. Deinde vt fieri id possit, non æquè tamen commodè potest, vt fatentur omnes. Postremò de aliis illis, aut lex aliqua ferri debuit, aut nulla omnino; si de aliis ferri debuit, cur non etiam de ieiunio? si autem non debuit, quis sponte vsurpabit? An non seuerè iniuncta vulgò præ-

Ieiunium non in-
dicitur tali me-
dicamento egē-
tibus, sed omni-
bus ieiunare va-
lentibus.

stantur negligentissimè? quid ergo fieret si nihil extaret præceptum?

ARGVMENTVM SEXTVM.

QVOD autem ieiunia præsertim diuturna, non sint secundum hominis naturam, id eiusmodi argumentatione probant. Constat naturam nostram post peccatum effectâ esse infirmam & debilem, multisque miseriis & morbis obnoxiam. Constat certa nihilominus experientia multos sæpe propter ieiunia in graues ægritudines incidisse. Constat tandem Ecclesiani, animaduersa humanæ naturæ imbecillitate, multa temporis lapsu de ieiuniorum rigore remisisse, multosque ab ea lege absoluisse, qui olim religiosè illam obseruabât. Hæc autem clarè ostendunt ieiunium non esse secundum ieiunantium naturam.

SOLVTIO VI. ARGVMENTI.

ET SI aduersario concedi queat, ieiunium non esse secundum hominis naturam, vt animal tantum vita sensuque præditum est: siquidem per ieiunium adimitur aliquid corpori, quod salua temperantiæ lege concedi eidem poterat. Est tamen secundum hominis naturam vt animal mente & ratione ornatum est. Quandoquidē vt animo & corpore valeas, vel rectius valeas, ratio suadet vt ab iis omnibus abstineas, quæ citra vtriusque offensionem sumere non potes. Nam & bestiarum naturæ ductu, quò melius habeant, abstinent vno tempore à quibusdam, à quibus alio non abstinent. Sed & verè quoque defendi potest, moderatum ieiunium ad vtriusque partis sanitatem & integritatem multum sæpe conferre. Experientia namque compertum est non semel, qui frequenter abstinent agiliores vegetioresque euadere, & diutius nonnunquam viuere, quàm ij, quorum omne studium in vnū hoc intendit, vt gulæ ventrique omnem curam cultumque deferant.

ILLVSTRE huius rei exemplum suppeditant, qui diluuium antecesserunt. Nam cum hi carniū & vini vsum maiorem partem ignorarent, plerique tamen tot annorum hecatontadas vivebant, quot huius ætatis homines decades. Tum patres illi, qui seculo deserto vitam in solitudine transigebant: Quamuis enim ij durissimam vitæ rationem tenerent, in multos tamen annos ætatem producebant. Tum Hebræorum demum populus per desertum

Ieiunium rationali hominis vitæ cōsentaneum est, animali non semper.

Bestiæ & pecudes naturæ ductu abstinere quandoque à quibusdā, à quibus aliās nō abstinere. Mediocris abstinentia producit vitam & conseruat valetudinē.

Diuturnæ vitæ causæ ante diluuium.

tum oberrans. Siquidē tantisper sanus & incolumis viuebat, dum cœlesti manna & aqua contentus erat: vbi primū verò manna fastidito ad carnes & capas Ægyptias anhelare cœpit, cœpit cum variis quoque miseriis & infortuniis conficiari, ita vt ex tanta populi multitudine, quæ ex Ægypto egressa fuerat, duo tantū ad promissam terram peruenerint.

Sed quorsum antiquis cōmemorandis immoror? An non in omnium oculis est, qui gulę ventriq; dediti, in comestationibus & ebrietatibus ætatem conterunt, eos variis subinde morbis, doloribus, & miseriis inuolui? & post longam molestamq; cū morbis conficiationem miserè tandem miserum spiritum abiicere? Nam vnde dirus ille articulorum cruciatus, membrorum cōuulsio, capitis vertigo, oris grauiolentia, oculorum lippitudo? Vnde lepræ, mortesq; repentinę, & alia sexcenta id genus incommoda, nisi ex crapula & gula? An non dici solet: Plures interire crapula & ebrietate quàm gladio? an nō sanitatis matrem sobrietatem appellant antiqui? Ieiunium, scribit Basilius Magnus, est mētis pædagogus, ornamentum senibus, comes viatori, tutus conuictor, mater sanitatis. Nullus ab aqua grauatus est crapula, nullius caput doluit aqua grauatum: nullus alienis pedibus opus habuit in aquæ potu vitam degens, nullius pedes ligati sunt, nullius manus inutiles factæ sunt irrigatæ aqua.

Luxus innumeros parit morbos.

Homil. 1. de Ieiunio.
Sanitatis mater ieiunium.
Aquæ potu vitiis tolerans, alienis pedibus, aut manib⁹ nō indiget.
Hoc notent podagrici.

Non multum ab his abscedit illud Hieronymianum; legimus quosdā morbo articulari & podagrę humoribus laborantes, prescriptione bonorum ad simplicē mensam & pauperes cibos redactos, cōualuisse. Caruerant enim sollicitudine dispensandę domus & epularum largitate, quæ & corpus frangunt & animū. Et paulò ante hunc locum: Multi morbi ex nimia saturitate concitantur, multique impatientiam gulæ vomitu medentur, & quod turpiter ingesserunt, turpius egerunt. Hippocrates in Aphorismis docet crassā & obesa corpora, quæ crescendi mensurā impleuerunt, nisi citò ablatione sanguinis minuantur, in paralyfin & pessima morborū genera erūpere, & idcirco necessariā illis esse demptionem.

Podagra inedia & mensæ frugalitate sanatur.

FACIT huc illud Chrysostomi quoque: Nihil sic iucundum est sicut cibis bene digestis; nihil sic salutem, nihil sic sensuum acumen operatur, nihil sic ægritudinē fugat, sicut moderata refectio: Sufficiētia quippe cum nutrimento & sospitatem simul pro-

Homil. 29. ad Hebr.

pro-

procreat & voluptatem, abundantia verò morbum facit. Hæc illi de ieiunio & sobrietate sanitatis matre. Quòd igitur Ecclesia indulgentius, hoc tempore cum ieiunantibus agit quàm olim, hoc ea de causâ non facit; quòd ieiunium valetudini obfit: sed quòd modicum quid à filiis suis obtinere malit, quàm omnino nihil. Nam si nunc tam pauci religiosè ieiunant, cum tanta facta est remissio, quid fieret si Ecclesia antiquum rigorem vrgeret?

Cur Ecclesia indulgentius nunc agat cū ieiunantibus, quā olim.

ARGVMENTVM SEPTIMVM.

PORRO autem quòd hæc lex ad patriæ consuetudinem non ita multum faciat, ad oculum penè patet. Quàdoquidem id consuetudinarium vel secundum regionis consuetudinem receptum dicitur, quod vel ab omnibus indiscriminatim, vel certè à potiori parte seruatur: atqui ieiunia Ecclesiastica, neque ab omnibus, neque à potiori Christiani populi portione seruantur; sed à paucis, idque tacentibus populique errorem & præuaricationem exemplo suo confirmantibus iis, à quibus ieiunia ortum traxerunt, vt sunt Episcopi, Monachi &c.

SOLVTIO VII. ARGVMENTI.

Nulla omnino consuetudo, quæ per se bona sunt, mala efficere potest, neque quæ natura sua mala sunt, bona.

MAGNUM esse consuetudinis robur fatentur omnes: At non est illud tantum, vt ea efficiat bona & licita, quæ secundum se sunt mala & illicita; vel vice versa, vt ea reddat mala, turpia, vel nefaria, quæ secundum se sunt honesta, hominèque Christiano digna. Quamuis ergo ieiunium generatim acceptum res sit quædam media; attamè vt ad animæ vel corporis salutem est necessarium, sua natura bonum & vtile est, & eius oppositum intrinsecè malum & noxium est, adeoque nulla contraria consuetudine vis eius aboleri potest. Eiusdem rationis est quamdiu absoluti præcepti rationem tenet; etiamsi huic vel illi secundum se absolutè necessarium non sit; Nam vt maiorum præcepta contemnere vel petulanter iisdem obistere semper est malum, ita eo loco & tempore, & modo illis parère, quo iis parère obligaris, semper est bonum. Tamdiu autem præcepta vim obtinent, adeoque in foro conscientiæ obligant, quàm diu superior vel legislator absolutè & cum ratione vult ea obtinere. Eiusdem enim est figere & fixum ex causâ reuellere. Voluntatem porro suam legislatores manifestius ostendere

Legis vinculum tādīa durat, quā diu legislator illud cum ratione durare iubet.

dere non possunt, quàm si legum suarum transgressores publicè puniant, aut veluti præuaricatores publicè obiurgent.

CVM igitur Catholicæ Ecclesiæ Pastores populum fidei suæ commissum, hoc vel illo die ex Ecclesiæ præcepto ieiunandum esse monere solcant; eosque qui indicta ieiunia non seruant non DEI sacerdotem, sed DEVM ipsum, qui per sacerdotem loquitur, contemnere publicè prædicent, & eos tandem, qui indictum ieiunium temerè violarunt, si non publicè, saltem in interno DEI foro puniant, satis planum sit ieiuniorum legem per quorundam malè ieiunantium consuetudinem necdum abrogatam esse. Quòd autem eiusmodi transgressores non publica semper pœna mulcentur, plures sunt causæ. Primò de eiusmodi transgressione non semper constat. Deinde vt maximè de ea compertum sit, non certo tamen semper constat, neque certò quoque constare potest de transgressionis causa. Tandem propter præuaricantium multitudinem nimis onerosum foret, cõtra omnes iuridicè procedere. In foro tamen interio nemo impunè præceptum hoc violat.

TANDEM si eos, qui indicta ieiunia religiosè obseruant, cum eis conferas, qui non ieiunant vel malè ieiunant, concedi potest non ita multos esse, qui rectè legique conuenienter ieiunent. Veruntamen si ritè ieiunantes secundum se absolutè consideres, multa adhuc hominum millia comperies, qui ieiuniorum legem probè seruant, sed & illi ipsi quoque, qui non plenè obseruant (nam syncerè Catholici aliquam semper illorum partem tacentur) intelligunt perperam & contra legem se agere, optarentque nullum ieiunium indictum esse: quæ omnia arguunt, prauam non ieiunantium vel malè ieiunantium consuetudinem ieiunij legem non sustulisse. Quod si qui inter Ecclesiæ procures, aut monachos inueniuntur, qui non ieiunant vel malè ieiunant, illi nullam nobis helluandi vel non ieiunandi potestatem faciunt; nouimus enim scriptum esse: *Omnia, quæcunque dixerint vobis, facite: secundum opera autem illorum nolite facere.* Tametsi falsò quoque assertum sit, Episcopos vel Monachos communia Ecclesiæ ieiunia instituisse; non enim illi ea instituerunt, sed Apostoli, proximique eorundem successores.

Cur Ecclesia ieiuniorum legem nō seruantes publicè nō semper puniat.

Multa mortaliū millia ieiunia ab Ecclesia indicta probè adhuc obseruant.

Matth. 23.

ARGVMENTVM OCTAVVM.

QVOD autem ieiuniorum lex tempori & loco vniuersè non conueniat, id ex iis, quæ proximè contra hanc legem attulerunt, colligi posse contendunt; aiunt enim: Quod cum natura pugnat, & à communi mortalium consuetudine dissidet, quomodo illud cum tempore, aut loco consentiet? Rursum (& eòdem ferè spectat) si luxus & gula vbique hoc tempore principatum obtinent, vbi, quæso, ieiunium & abstinentia sedem inueniet? Denique negari non potest, quin multis locis ea defint, quibus Quadragesimæ onus tolerari queat; aut certè tã carè hoc tempore ea passim æstimari, vt mediocris fortunæ homines parare non valeant, nedum pauperes.

SOLVTIO ARGVMENTI VIII.

IAM antè ostensum est dilucidè, ieiuniorum legem cum hominum natura bene instituta, aut cum piorum consuetudine non pugnare. Pugnât autem cum Epicuræorum vsu & refractariorum more; verùm illiusmodi hominum consuetudo nequaquam earum est virium, vt legem aliquam firmare, aut infirmare valeat. Quòd si nihil hætenus de ieiunio cautum extaret, nullæq; leges aut consuetudines abstinentiæ à nobis exigent, profectò nostra hæc tempora & loca, in quibus perpetua bacchanalia obtinēt, nouas ieiuniorum & abstinentiarum leges efflagitarent; nō tantùm ob animarum salutem, quæ assidua illa helluatione & perpotatione vehementer offenditur; verùm etiam propter corporum sanitatem, quæ maxima incommoda hinc hauriunt.

CAETERVM quando in eiusdem argumenti patrocinium allegatur, multis locis deesse oleum, pisces, cæteráq; ad obseruandum ieiunium necessaria, nihil, quod alicuius momenti sit, allegatur. Nam passim vel hæc ipsa, vel alia his cognata comperiuntur, quæ etsi specie vel toto quoque genere ab illis disident, Ecclesia tamen in aliorum locum clementer indulget. Sed & nusquam quoque defunt olera, legumina aliáque id genus complura, quibus solis ferè ieiuniorum tempore utebatur primitiua Ecclesia, & in hodiernum vsque diem vtī feruntur ij omnes, qui ieiuniis dant operam in Armenia & Græcia. Quòd si pauperes manuum labore

vitam

Si ante hæc nulla
ieiunia fuissent
iudicata ob ani-
marū & corpo-
rum salutē, hoc
tempore iudici
debent.

Vt legumina
frequens, in pri-
mitiua Ecclesia
& Græcia ieiunio-
riorū tempore.

vitam tolerant, vel alij quicunq; ad ieiunium necessaria parare non possunt, faciant quod possunt. Nō enim tenentur ad oppidō difficilia, nedum ad impossibilia: si qui, inquam, sunt, qui ieiunare & artem simul, quam ad alendam familiam tractare debent, tractare nequeunt, causa superiori indicata, ne ieiunēt; sed vel orent, vel aliud pium opus obeant. Verū vñ interdum venire solet, his p̄fertim locis, vt desint, quę ad ieiunium sunt necessaria, nec desint tamen, quę ad luxum & vanitatē fouendam sunt opportuna.

ARGVMENTVM NONVM CVM

eiusdem solutione.

IEIUNIORVM legem nō esse manifestam ex vario ieiunantium & ieiuniorum ritu inferunt. Si enim, inquit, lex hæc esset plana, idem seruaretur vbiq; & semper. Verū hæc collectio non est necessaria, neque ad infringendam ieiuniorum legem valida. Nam etsi in diuersis regnis vel prouinciis diuersus existeret queat ieiunandi ritus, in eadem tamen diœcesi, vel certē in eadem ciuitate non existit diuersus sed vnus toti populo communis. Quilibet autem, nisi DEVM, eosq; quibus cum versatur, offendere velit, eum ieiunandi modum seruare debet, quem obseruant viri sanctiores loci, in quo ætatem agit, etiamsi hic modus cum primo ieiuniorum instituto, vel cum communi Ecclesię consuetudine per omnia non conueniat.

In ieiuniorum obseruatione quilibet se accommodare debet laudatę consuetudini loci. in quo versatur.

ARGVMENTVM DECIMVM

& postremum.

IEIUNIORVM porrō legem ob priuatum commodum primò conscriptam apertē dicere nō audent, tametsi qui impudentiores apud illos sunt, hoc quoq; interdum effutiant, interim legis huius exactores, hoc est, modernos Pontifices & Episcopos in ius vocāt; asserunt enim vna hac lege auctoritatē suā arroganter vendicare, commodaq; non vulgaria ex legis huius relaxatione aucupari.

SOLVTIO DECIMI ET POSTREMI

Argumenti.

PRIMAM, sanctam, & rectam eorum fuisse mentem & voluntatem, qui primò ieiunia indixerunt, nec aliud quicquam spectasse, quam

*Quæsi fuerint,
& quis eorū sco-
pus exierit, qui
primo ieiunia in-
dixerunt.*

quàm DEi gloriam & animarum salutem apud eos, qui de Ecclesia Catholica rectè sentiunt, extra controuersiam est. Nam si hi Apostoli vniuersè non fuère (nam præcipuorum auctores extitisse ex illorum Canonibus & Constitutionibus ostensum est iam antè) fuerunt certè proximi eorundem successores. Hos autem omnes non solum illustris sanctimonia commendat, sed immortalis quoq; martyrij palma condecorat. Quare piaculum est non leue ea de sanctissimis viris euomere, quæ ne de vulgari quidem homine citra temeritatem suspicari liceret; puta lucri aut auctoritatis ostentandæ gratia hanc vel aliam quamcunque legem tulisse. Quomodo credi queat eos sæculi huius gratiam quæsiuisse, aut pecuniæ lucra consecratos esse, qui vt CHRISTVM lucri facerent, omnia quæquiliarum & stercoreum loco habebant? vnumq; hoc grande lucrum ducebant, si quid pro CHRISTI nomine preferendum se obtulisset?

QVOD si qui Ecclesiarum rectores, qui hos postea consecuti sunt, quosdam quos iustam causam habere iudicabant, ab hac lege absoluerunt, vel etiam nunc absoluunt, & ieiunij loco aliquam pecuniarū eleemosynam iniungunt, aut aliquando iniungunt, non ob id statim veluti qui sua potestate abutantur, condemnandi sunt. Est enim in Ecclesia receptissimum iis, qui ieiuniorum onus ferre non possunt, ieiuniorum vice eleemosynam, aut preces, aut aliquod aliud pium & religiosum opus indicare. Verùm si qui essent, qui eiusmodi dispensationibus, non DEi gloriam, aut animarum salutem, sed proprium quæstum & gloriam quærerent, illos vtique nemo bonus probaret, nec vllò quoque iusto titulo probare posset, quin omnes pctiùs inter dissipatores bonarumque legum euersores eiusmodi homines censerent.

QVÆ hæcenus explicata sunt, ea perspicuè ostendunt, legē de ieiunio latam, iustam, honestam, vtilem, cæterisque omnibus bonæ legis conditionibus ornatam esse, atque idcò præuaricantium multitudine non obstante, robur suum inconcussum etiamnum obtinere; Omnesque adeò, qui citra iustam causam illam præuaricantur, certam noxam pœnæque reatum sibi asciscere. Superest vt nonnulla de iis in disputationem proponamus, qui ex hac ieiuniorum lege eximuntur.

Quo

CAPVT DECIMVM SEPTIMVM.

Quo docetur non omnes, qui Ecclesiastica ieiunia soluunt, prauaricata legis reatu constringi, sed eos solum, qui citra legitimam causam illud faciunt.



EIVNIVM ab Ecclesia indictum, citra iustam causam violare peccatum esse, ostensum est hactenus. Qua autem ratione violetur istuc ex iis, quæ de ieiuniorum partibus suprà disputata sunt, negotio nõ admodum magno colligi quiuert. Confiatur enim totum ex suis partibus, neque potest vllum omnino totum perfectum existere, quod ex suis partibus simul sumptis integrè constitutum non sit; verum quò ea de re cõstet planius, antequam, quod capitis huius proprium est, exponam, pauca de dissolutionis huius viis & modis prẽmittam.

Totum conflatur ex suis partibus simul sumptis.

IGITVR iudictum ieiunium trifariam solui contingit; vno modo, sola voluntate, altero modo, solo opere, tertio & postremo, opere & voluntate simul. Sola voluntate soluunt ieiunium, qui ea omnia, quæ ad intrinsecam ieiunij rationem faciunt, accuratè seruant, nihil eorum omnium seruaturi, si secus facere possent. Hoc modo ieiunant qui & sapius & citius & lautius quoque comederent, si ad manum haberent; sed quia quod animus malè appetit, facultas non suggerit, vel inuiti ieiunant.

Contingit ieiunium trifariam solui, opere videlicet & voluntate, & utroque simul.

CONTRA verò solo opere non etiam voluntate illud infringunt, qui vel crebrius interdiu, vel maturius, quàm ieiuniorum fert ratio, manducant, vel ab escis interdictis nõ abstinent, nihil horum facturi si ieiunium indictum esse animaduertent. Quorum proinde noxa pro ignorationis ratione, vel nulla est vel non admodum magna est. Opere tandem & volutate simul illud violant, qui scientes volentesque vel omnia, vel aliqua ex iis non seruant, quæ Ecclesiasticum ieiunium intrinsecè absoluunt. Cuiusmodi sunt, qui vel sapius, vel maturius, quàm par est, cibum sumunt, vel escas pro temporis ratione inhibitas citra necessitatem & facultatem vorant.

Cuiusmodi sint qui ieiunium opere & voluntate simul violant.

PORRO autem ut illi, qui nulla aut mala voluntate, hoc est, non propter DEVM, sed propter auaritiam vel inanem gloriam, aut inappetentiam, aut aliam eiusmodi causam, quæ ieiunio intrinseca sunt, integrè seruantes, aut temperantię legem inter cœnandum vel prandendum excedentes Ecclesiæ ieiunium propriè non soluunt; (Quandoquidem cibi quantitas, & legis scopus sub Ecclesiæ præceptum non cadunt) ita illi quoque in legem hanc non committūt, qui siti compulsi ante vel post cœnam vel prandium vini aut ceruisiæ haustum bibunt. Nec illi rursus, qui manè aut vesperi, vel intra prandium & cœnam aliquid per modum medicamenti accipiunt. Nec illi item, qui pro muneris ratione dominorum esculenta, aut poculenta prægustāt; aut prandium inchoatum, neque tamen propter ministerium aliquod, aut aliquod legitimum impedimentum absolutum mensa repetita absoluūt. Nec illi tandem, qui feriis negotiis præpediti, prandio in noctem reiecto, modicum quid ante vel circa meridiem, quò diem durare valeant, sumunt: Siquidem nulli ex his omnibus vnā formalem corporis refectionem excedunt, atque ita ieiunij legem non infringunt.

SED nec illi quoque ieiunium soluere putandi sunt, qui pro loci consuetudine modicum quid vesperi accipiunt; siue id crudi vel cocti fructus sint, siue frustum panis, siue aliud quodcunque eiusmodi. Nam si in aliis Ecclesiæ præceptis patriæ consuetudini conformare se licet, cur non etiam in ieiuniorum obseruatione? Modò tamen loci consuetudo eiusmodi non sit, quæ cum legis vel præcepti ratione apertè pugnet. Quandoquidem ad hunc locum quod spectat, nulla consuetudine à violatæ legis reatu excusare se possunt, qui Ecclesiæ indulgentiam in ieiunij fraudem trahunt: Cuiusmodi sunt, qui extra cœnam vel prandium concessis ea frequentia vel quantitate vtuntur, ut ligurire rectius eos dixeris, quàm religiosè ieiunare. Satis enim comperturn est, non solum carnibus, piscibus, ouis, &c. corpus refici, esuriemque sedari posse, verum atro quoque pane, terræque fructibus, & aliis id genus escis, si copiosè ingeras.

ET quemadmodum ieiunij meritum perdunt, & legem eiusdem soluunt, qui ea quæ ante vel post cœnam vel prandium per modum

Legis finis sub
præceptum nõ
cõdit.

Modicum quid
quocunq; tem-
pore sumptum
nõ infringit ie-
iunium,

Patriæ consue-
tadini conformare se licet,
modò eiusmodi
consuetudo le-
gi non sit con-
traria.

modum medicamenti humanæ infirmitati indulgentur, in ieiunij fraudem transferunt; ita illi quoque vtrumque incommodum incurrunt, qui statam refectiois horam citra causam insigniter anteuertunt: Secus si causa non leui impulsu hoc faciunt. Nam ne iter facturus comitum commoditate careas; aut nequam rerum, si tardiùs prandeas, iacturam facias, aut ne officium, quod tibi obeundû incumbit, negligas; aut ne aliud quodcunque incommodum feras, prandium antecapere licet. Quandoquidem si ob hæc aliæque his similia ieiunium interdum soluere licet, quantò magis cœnæ vel prandij tempus anteuertere? Interim non eorum par est ratio, qui in seram noctem inediam prorogant, & eorum, qui horam ieiunio soluendo præfinitam insigniter antecipiunt. Nam ne citra causam multum anticipes, id, vt suprà obiter monuimus, lex iubet, ne autem prandium in noctem differas, id non vetat. Imò verò quò diutius cœna differtur, eò meliùs ieiunatur: modò tamen istud non fiat ex aliqua Iudaica, vel Mahumetica superstitione, sed mortificationis & pietatis studio.

Licet tēpus cœnæ vel prandij anteuertere, si iusta causa id exigat.

Qui imprudentes ieiuniorum tempore manè comedunt, non ob id statim ab illius diei ieiunio liberi pronunciandi sunt; nam anticipatione illa non obstante, obligantur reliquam diei partem, quantum per vires & occupationes licet, ieiunando producere, Ecclesiæque præcepto satisfacere. Quare si postea quasi violato iam ieiunio denuo prandent vel cœnant, peccant. Verùm si anticipatio illa scientibus vel crasse ignorantibus acciderat, non erit aliquod operæ precium vel illo ipso, vel alio die ieiunare: Siquidem peccatum est iam plenè consummatum, nec fieri potest, vt iam perfectum non sit. Quemadmodum ille quoque qui vnam vel plures ex horis Canonicis recitare omisit, non tenetur illas postera luce repetere: Nam vel studio omisit, & citra causam: & sic iam tum omissionis peccatum incurrit: Vel ex inculcata obliuione, aut graui aliqua occupatione, atque ita multò minùs redintegrare obligatur: Quandoquidem non tenebatur absolutè orare: vel ieiunare (par enim vtriusque est ratio) sed ea tantum lege, si recordaretur, vel commodè posset.

Qui prudentes manè comedunt, siue postea totâ diē ieiunio producant, siue denuo cœnent, vel prandeant, ieiunium simpliciter soluunt.

Ieiunium vno die commissum, altero die vt compensetur, nullus est operæ pretium.

DE cibo-

De ciborum delectu nihil est quod hoc loco addam. Nam quæ ad eam partem attinent, ea copiosè iam antè exposita sunt: solum monuerim non idem esse prorsus, solum esse à ieiuniorum lege & à ciborum discrimine. Quamvis enim communiter à ieiunij lege absoluti haberi soleant, quibus ob causam carniū vsus vel gemina corporis refectio indulgetur, non contra tamen quibus ob causam ieiunium relaxatur, iisdem quoque carniū vel lacticiuorum vsus permittitur. Neque rursus quibus lacticiuorum vsus indulgetur, iisdem quoque ieiuniorum vinculum relaxatur: siquidem indultum illud ieiuniorum difficultatem, si qua ea est, non auget, sed eleuat.

CAETERVM causæ ieiuniorum vinculum in totum vel in partem relaxantes sunt permultæ, prout ea quæ per accidens impediunt vel obsunt, nullo ferè certo numero contineri solent. Compendio tamen omnes ad tria vel quatuor capita reduci possunt, nimirum ad impotentiā, necessitatem, pietatem, & iustam legis relaxationem, cui adiungere quoque licet legitimam legis interpretationem. Habent autem duo hæc postrema nō semper locum, sed tū demum cum de tribus, vel de aliqua ex tribus primariis causis dubium aliquod occurrit. Nam cum de impotentia, vel necessitate, vel pietate euidenter constat, nulla opus est dispensatione, aut interpretatione.

IMPOTENTIA à ieiuniorum lege absoluit pueros & adolescentes ad iustum corporis robur & incrementum nondum perductos, quales generatim haberi solent, qui infra vigesimum primum ætatis annum etiamnum degunt. At verò licet Ecclesia ante id tempus ad ordinaria ieiunia absolutè non compellat, lex tamen naturæ rectæque rationis magisterium, non omnes infra vigesimum primum annum cōstitutos, ab omni ieiuniorum onere eximit: Siquidem multi ea ætate minores ob succi sanguinisque copiam, internique caloris effervescentiam, multis sæpe vitiis & flagitiis, pro quibus fleudum & satisfaciendum est, inuoluntur, talique interdum dæmouio occupati tenentur, quod absque ieiunij & orationis flagello non pellitur. Et ut nihil horum vrgeret, vrget tamen interdum tanta Ecclesiæ vel Reipublicæ necessitas, ut operæ precium videatur non modò robustiores ephebos, verum

A ieiunio abso-
luti, non semper
absoluitur à ci-
borum delectu
& vice versa.

Causæ ieiunium
in totum vel in
partem relaxan-
tes ad tria pri-
maria capita re-
feruntur.

Impotentia à ie-
iunio excusat
pueros & iuue-
nes infra vige-
simum primum
annum consti-
tutos, sed non
simpliciter.

rùm teneros quoque pueros, imò ipsa etiam iumenta & pecudes ad ieiunium compellere. Nam & iumentorū quoq; & infantium ieiunia ad diuinam iram placandam vtiliter nonnunquam adhibita leguntur.

Ionæ 3.

QVAMOBREM licet fortè necessarium non sit, eos, qui primum supra vigesimum ætatis annum nondum absoluerūt, compellere, vt omnia Ecclesiæ ieiunia obseruent strictè, attamen quò durioribus Christianæ religionis legibus paulatim assuefiāt: Tum quò præcipientes illos ad libidinem & carnis illecebras impetus frēno hoc instructi facilius coërceant, & Deo nihilominus pro contractis debitis satisfaciant, & contra grauiores tandem lapsus sese cōmuniant, expedit omnino, illos, qui decimumquartū, vel quintum, vel sextum annū exceßerunt, inducere, vt ieiunia extra Quadragesimam occurrentia cum cæteris fidelibus communia habeant, ipsam verò Quadragesimam in partem obseruēt, semel nimirum aut iterum vel alternis diebus singulis septimanis, per totam Quadragesimam ieiunio operam dantes. Deberent hi autem eò ad plura & grauiora semper ieiunia aliaq; onera subeunda induci, quò ad iustum incrementum accederent propius. Nec est vt hinc magnum aliquod roboris detrimentū metuant: Nam si post absolutū decimumquartum annum permulti spōte & inoffensa valetudine vacāt negotiis & rebus, quæ corporis vires multò magis exhauriunt, quàm quæcunq; ieiunia; poterunt profectò citra vllum corporis incōmodum, aut virium præiudiciū semel atq; iterum intra hebdomadam ventri bellum indicare.

Qualia ieiunia sint præstinienda pueris cæterisq; ad iustum corporis incrementum nondū adductis.

EADEM ætatis imbecillitas excusat etiam senes, licet non omnes, sed eos solū, qui citra virium detrimentum ampliùs ieiunare non possunt. Cæterū quænam ætas veluti iam emerita à ieiunij vinculo absoluat, id certò definiri commodè vix potest. Nam pro varia corporum constitutione, exhaustorumque laborum quantitate, & morborum in primæua ætate exantlatorum grauitate, alij trigesimo ætatis anno senescunt, hoc est, viribus destitui incipiunt: Alij quadragesimo, alij quinquagesimo, sexagesimo plerique omnes. Quare sexagenarij, nisi compertum sit eius esse roboris, vt citra valetudinis offensionem ieiunium ferre valeant, ieiunare non tenentur. Nam cū de grandi ætate certò

Senes excusantur à ieiunio, sed non omnes.

Sexagenarij plerique omnes à ieiunij lege absolui possunt.

t confiet,

constet, & de corporis robore res ambigua existat, non est hic expectandus ampliorum virium accessus (præsertim cum in ea ætate virium detrimenta egerimè instaurari soleant) sed præsens corporis imbecillitas salubri frequentique alimento est fouenda & confirmanda. Si qui tamen sexagenarij sunt, qui se communi lege teneri putant, aut quid commodè præstare hic queant, dubitant, illi peritos consulant, illorumque consilio acquiescant.

HO c ipso quoque titulo à ieiunij lege eximi solent, mulieres vterum gestantes, aut fœtum adhuc tenerum lactantes. Nam cum eiusmodi fœminæ præter se ipsas infantem quoque, quem gremio vel vtero gestant, nutrire habeant, vnaque vice tantum alimenti sumere sumptumque; commodè digerere nō valeant, quantum vtrique; sat sit, non debent ad strictam ieiuniorum rationem adigi, si qua tamē tanti roboris esset, vt citra incōmodum vtrumque præstare posset, illa à communi ieiunantium lege absolui non deberet. Siquidem immunitas illa à ieiunio non omnibus est concessa, sed tantum impotentibus. At quia rarissimæ sunt, quæ commodè id possunt, generali quadam ratione omnes inter eos censentur, qui ieiunium ferre non possunt.

Pauperes ceterosque oēs, quos debilitas gradior tenet à ieiunio excusat impotentia.

HÆC eadem demum impotentia excusat etiam pauperes, necessariis alimentis destitutos: siue illi ostiatim panem vel stipem emendicent, siue domi lateant. Tum eos rursus, qui propter ἀνωφεζία, aut caloris depressionem, vel aliam quamcunque corporis infirmitatem, tantum simul cibi sumere non possunt, vel non audent, quantum natura vt in diem integrum incolumis sustentetur meritò efflagitat. Tum eos denique omnes, qui citra aliud quod valetudinis detrimentum ieiunium non ferunt. Cuiusmodi inter alios quàm plurimos sunt, qui ob capitis vertiginem, aut stomachi debilitatem, nisi subinde reficiantur, in deliquium vel alios casus faciliè incidunt, quæ vacuo stomacho somnum capere, aut noctis frigora superare non possunt: aut vnius diei inediam in plures dies sentiunt. Hos itaque omnes impotentia propriis impotentie ratione à toto, vel à parte ieiunij absoluit.

AD necessitatem porro quod attinet, ea illos omnes ab indigetis ieiuniis liberat, qui arduis & necessariis laboribus assidue distinen-

tenentur. Arduos labores hoc loco vocamus, qui vnà cum ieiunio constare non possunt. Necessarios autem, sine quibus paterfamilias, aut alius quicumq; honestè se alere, aut statum tueri, aut filiam dotare, aut filio sumptus ad studia sufficere, aut debitum soluere commodè non potest, siue debitum illud reale fuerit, siue personale, siue etiam coniugale. Siquidem Ecclesia ieiunium instituens publicè illud indicēs, illius causa nequaquam vult creditorem defraudatum, familiamue aut statum neglectum, aut aliud quodcunque incommodum constatum.

QVAMOBREM si paterfamilias, aut Reipub. obsequiis mancipatus, aut publicis Theologiæ, aut iurisprudentiæ, aut medicinæ, aut philosophiæ, aut alterius cuiuscunque disciplinæ professor, aut concionator, aut confessarius, aut pastor, aut viator, aut agricola, aut cementarius, aut quicumque opifex alius, non potest simul id facere, quod ratione officij, status, vel ordinis facere obligatur, & ieiuniū integrè obseruare, inculpate eam ieiunij partem posthabere potest, quam munere suo saluo præstare non valet. Nam, vt modò dicebamus, ieiunia ea seueritate ab Ecclesia non sunt indicta, vt horum causa opera necessaria, iustoque titulo debita, aut omnino prætermitti, aut æquo negligētius tractari debeant.

VERVM qui laboribus vacant non admodum grauibus, vt tabelliones, pictores, sartores, &c. vel non admodum necessariis, vt mercatores, q; solius quæstus gratia, nulla rei familiaris necessitate compulsi terra mariue iter faciunt, aut alteri cuiuncq; operi incumbunt: Tum cæteri omnes, qui rebus omnibus ad vitam & statum tuendum necessariis affluunt, non ea facilitate à ieiuniis absoluedi sunt, qua ij, quorum proximè meminimus. Nam etsi vtrobique par difficultas vrgeret, quæ tamen, vt exempla allata ostendunt, non vrget, vel non semper vrget, attamen non æqua vtrobique necessitas vrget. Nihilominus si qui ex horum grege non vulgaris lucri iacturam facturi crederentur, si post habito ieiunio iter non capefferent, aut operi cuiquam arduo impigrè non incumberent, à communi hac lege absolui possent. Quamuis enim istiusmodi lucra necessarium vsum non semper habeant, habere tamē possunt: possunt enim in necessarium aliorum vsum conuertere.

Qui dicendi sint labores ardui & necessarij.

Ecclesia propter ieiunium creditorem non vult defraudatum, aut statum neglectum.

Multi à ieiunij lege eximuntur propter arduos & necessarios labores.

Laboribus parū grauib; & necessariis intenti à ieiunij lege nō absoluitur, etiā si quandoq; absolui queant.

SED neq; probabile fit quoq; Ecclesiam tanta seueritate indicta ieiunia vrgere, vt quenquam illorum causa graue aliquod daninum accipere velit, vel lucrum non contemnendum amittere. Coniecturam huius rei ex insigni illius clementia & sapientia, aliisque eiusdem legibus & sanctionibus facere licet. Constat enim, Christianum hominem non minus obligari ad obseruationem festorum quàm ieiuniorum, sed certa quadam ratione magis: Siquidem multi ob priuatam vtilitatem vel publicam necessitatem excusantur ab obseruatione ieiuniorum, qui simili necessitate vrgente non absoluerentur à festorum obseruatione. Atqui festi religione non obstante, ne quis graue rerum detrimentum accipiat, aut insigne aliquod lucrum deperdat, festo die laborandi copiam facit; cur ergo, si quid eiusmodi vfu venerit, ieiunium soluere non permittat?

Facilius Ecclesia dispensat in precepto ieiunij, quàm festi.

QVOD si spes lucri diuites à ieiunij obseruatione nonnunquàm excusat, multò sanè magis eos ab hac lege excusabit, qui simul ieiunare & ea præstare non possunt, quæ ad tuendam famam, vel familiæ incolumitatē sunt necessariæ. Sunt enim hæc illis multis partibus præstâtiora, & quæ defendâtur multò digniora. Porro quod de nullius rei necessarię egentibus negotiatoribus paulò antè dictum & exceptum est, hoc ad similis fortis, hoc est, pro cõditionis suæ ratione diuites mercenarios trahi quoq; potest. Quare si cui operâ suam locare visum fuerit, debent laborem ita moderari, vt opus diurnū vnâ cum ieiunio tolerare valeant, hoc est, debent minùs laborare & minùs rursû diurnę mercedis loco exigere. Minùs aut rectè facerent, qui citra causam, aut vrgentem necessitatem eiusmodi conducere nollent, nisi ieiunium soluerent, opusque diurnum, quod extra ieiuniorum tempora præstare soliti erant, integrè explerent. Si tamen necessitas operis festinationem exigeret, neq; alios ad manū haberent, possent conductores suo iure vti. Sed neq; mercenarios quoq; grauioris noxæ damnare aude-rem, si quod de laboris & mercedis ieiuniorū tempore diminutione dicebatur, nõ accuratè semper obseruarent. Consultius tamen faciunt, qui Ecclesiæ statuto morem gerunt.

Quos pietas à ieiunio abiciuat.

PIETAS eos oēs à ieiunio excusatos habet, qui simul ieiunare, & munus illud obire, vel opus præstare nõ possunt, quod ex se maioris momenti, maiorisue necessitatis vel vtilitatis est, quàm ipsum iei-

ieiunium. Quapropter si fidei mysteria rudibus tradere; grauius afflicto in sua afflictione solari; lecto affixis necessaria administrare; mortuos sepelire, vel, vt sepeliantur, curare; carceri mancipatos redimere; fame, siti, frigore, vel alio incommodo pereuntibus vel periclitantibus opem ferre, peccatorum confessiones excipere, sacramenta administrare, cæteraque necessaria misericordiae opera, vel charitatis officia exhibere, & ieiunia ab Ecclesia indicta vnâ cum his seruare non valeo, teneor hæc illis posthabere; vt quæ tantum præstent ieiuniis, quantum charitas morali abstinentiæ.

VIDETVR hîc tamen inter eos secernendum, qui ex officio vel pacta mercede hæc opera præstant; & eos, qui solo charitatis igne inflammati absque vlla caducæ mercedis spe aut passione in eiusmodi pietatis muniis sese occupant. Inter eos rursum, qui vrgente necessitate hæc obeunt, eò videlicet quòd nemo adsit, qui obeat, vel egentibus opem ferat; & eos, qui citra vllam necessitatem vltro in isthæc sese ingerunt. Inter eos demum, qui hac occasione à ieiunij molestia callidè eximere sese satagunt; & eos qui vtrumque libenter præstarent, sed quia per vires id non possunt, alterum, quod secundum se excellentius iudicant, Deoque acceptius fore sperant, citra fraudem suscipiunt. Nam vt de aliis nihil dicam, non fit probabile, iustum iudicem eos ab ordinariis ieiuniis liberos censere, qui citra vllam necessitatem in istiusmodi munera sese ingerunt; aut nihil aliud, quàm caducam mercedem, cum alioqui non indigeant, aut molestiarum, quæ ieiunia adferunt, excusionem quærunt. Secus de iis censendum, qui ex instituto solius DEI honorem proximique vtilitatem præ oculis habentes hæc præstât, esto secundariò & quasi per accidens aliquod etiam emolumentum inde ad se redeat.

Ex hac pietatis munia obeuntium distinctione planum fit quoque, non omnes promiscuè, qui religionis ergò peregrinantur, à ieiunij lege absolui, sed eos præcipuè, quos vera pietas, vel vrgens Ecclesiæ aut Reipub. necessitas ad hoc impellit. Inter hos autem primus locus iis meritò tribuitur, qui pro communi patriæ, Ecclesiæ, vel Reipub. salute, pace, vel tranquillitate id faciunt, præsertim si per alium id commodè fieri non queat, vel certè non

Inter eos, qui pietatis opera obeunt, plurimum intercedit; quare pietatis titulus non omnes à ieiunio eximit.

Triplex peregrinationis ratio, & peregrinantium gener, qui omnes à ieiunio absoluti possunt, si simul ieiunare & iter facere non queunt.

zquè commodè. Neq; enim parum refert cùm ad impetrandum id, quod petitur, tum ad communem quoque populi pietatem & deuotionem excitandam, hinc an ille, hoc est, illustrisne publicæ persona legatione ad diui cuiuspiam monumentum fungatur, an vilis & abiecta. Proximus illis assignari potest, qui tanto animi feruore ad loca sacra visenda feruntur, vt probabilissimum sit, longè maiora spiritus præsidia ex eiusmodi peregrinatione hausturos, quàm ex ieiunij obseruatione: Siquidem non est mentis Ecclesiæ maius bonum, siue id publicum fuerit, siue priuatum, per minus bonum impedire. Postremus illis, qui peregrinationis voto obstricti, extrinseca quadam necessitate tempore, quo ex lege ieiunatur, ad peregrinandum vrgentur; siue necessitas illa inde proueniat, quòd tempus, quo votum exoluere oportet, iam instat; siue ex eo, quòd commodus itineris comes sese offerat; siue ex eo, quòd alia quæcunque commoditas ad hoc inuitet. Qui tamen vtrumque simul præstare possunt, quacunq; tandem ratione possint, pietatis titulo à ieiunio nō excusantur; multò verò minùs illi, qui vana quadam curiositate cum laborem suscipiunt.

Quæ causæ vxores ieiunare alio qui valentes à ieiunio absoluant.

Hoc pietatis titulo excusare licet vxores, quas duri mariti ieiunare non sinunt. Nam etsi magnum bonum sit ieiunium piè obseruatum, maius tamen est pax domestica, animorumque consensus, & mutua coniugū inter se beneuolentia. Quare si vtrumque obtineri non potest, hoc illi anteferatur; maxime verò cùm non desint causæ & modi, quibus violati ieiunij damnum sarcitur. Et quod de ieiunio hoc loco dicitur, hoc, iis præsertim in locis, vbi hæreses & schismata publicè obtinent, ad ciborū delectum transferri posse videtur; modò tamen vis aliqua adsit, & omnis prorsus legis contemptus desit. Nam si improbus & in hæresi obstinatus maritus in Catholicæ religionis contemptum orthodoxam vxorem, filium, vel filiam ad carniū esum adigere veller, fortissimò constantissimòque animo sacrilegis eius conatibus obsistendum foret. Meminisse enim hîc oporteret illud CHRISTI: *Qui me negauerit coram hominibus, negabo eum ego illum coram patre meo.* Item: *Qui plus amat patrem, aut matrem, aut filium &c. quàm me, non est me dignus.* Denique non illi solum à ieiunio excusantur, qui causam præternendi ieiunij verè piam vel iustam habent, sed illi etiam qui bona fide

Marth. 10.

fide piam vel iustam habere se putât; esto fortassis fallantur. Nam qui ita affecti sunt, illi per se contra præceptum non agunt: sed tantum per accidens.

PORRO autem ad huius relaxationem legis vel interpretationem quod spectat, si de impotentia, vel necessitate, vel pietatis ratione certò constat, nulla, vt nuperrimè dicebamus, opus erit, aut superiorum gratia, aut eruditorum interpretatione: Quod si verò de vna aliqua ex tribus dubium occurrat, illos in consilium adhibere conueniet, qui rei, de qua quæstio est, sint gnari; & morum innocentia vitæq; probitate commendati. Quòd si eiusmodi non habentur, vel habiti propositum dubium nõ resoluunt, conueniatur superior, si aditus ad illum patet, illiusque sententiæ stetur; siue absolutè super lege dispenset, siue opus per legem imperatum in aliud permutet. Quod si superioris sententiæ exquiri nõ potest, neque eruditi super dubio consulti absolutè respondent, illud sequare, in quod illi magis propendere, vel quod rationis lumen magis suadere videtur.

VIRI autem, quos infra ordinarium super hac controuersia consulere licet, sunt proprii parochi muneris sui non ignari; Medici eruditi religiosoque pectore præditi; Theologi Theologorum appellatione non indigni, & alij deniq; omnes, in eiusmodi rebus probè exercitati. Neque enim opus est in casibus vsq; adeò frequenter occurrentibus, ordinariũ semper adire, etiam si citra magnam difficultatem adiri & consuli queat. In grauib; tamè & illum ipsũ & summum quoq; Ecclesiæ Hierarcham conuenire oporteret. Verũ siue Papam, siue Episcopum diocesanum, siue alium quemcunq; publica autoritate præditũ gratiæ impetrandæ causa adeas, iustam dispensandi causam adferas necessarium est.

FATENDVM est tamen, si Pont. Max. citra causam cum aliquo super hac vel alia lege, quam ipse cum causã in totum vel in partem abrogare potest, dispensaret, dispensationem suo robore non carituram. Nihilominus propter scandalum, quod eiusmodi dispensatione infirmis fortè pareret; tum propter aliqualem quoq; iniuriam, quam temerè dispensando Apostolicis cõstitutionibus irrogaret, minùs prudenter faceret, si id faceret. Ea propter licet summi pontifices in Apostolorum decretis, vniuersalijmq;que

Quando opus dispensatione, aut legis interpretatione & quando non.

Qui sint consulti, occurrente dubio de lege ieiunij.

Iusta legis relaxationis iustam causam deposcit.

Pontifices in legum relaxatione sobrios & cautos esse oportet.

Syno-

Synodorum sanctionibus, quæ ad fidem vel Sacramentorum integritatem, vel ad vniuersales Ecclesiæ traditiones, generalis eiusdem ritus & consuetudines non pertinent, pro potestatis suæ plenitudine dispensare valeant; attamen absque vrgentibus causis in his dispensare communiter non solent.

Post pontificem maximum in ieiunio dispensare possunt locorum ordinarij, generales ordinum vicarij; imò singuli ferè Ecclesiarum, Collegiorum, vel monasteriorum rectores. Nam, ut proximè dicebamus, casus eiusmodi occurrūt frequentius, quam ut omnes ad Papam vel Episcopum deferri queant. Cùm hæc ergo facultas in inferioris ordinis Prælatos conueniat, si quando à subditis interrogantur, sitne hæc vel illa causa satis idonea prandium anticipandi, vel cœnam sumendi, vel non ieiunandi, vel omnibus promiscuè vescendi, nō debent respondere, hoc se illorum conscientis relinquare, sed vel paternè dispensare, aut quid opus sit factō, disertè exponere, aut onus ieiunij, quod hoc ipso deprecari videntur, quōd consilium petunt, in aliud pium opus commutare.

At videndum est tamen, & diligenter expendendum, quam adferant causam, qui dispensationem aut legis interpretationem, aut iniuncti operis in aliud opus permutationem petunt. Neque enim illi causam satis legitimam adferunt, qui maiores carnis stimulos se experiri exponunt, dum ieiunant quàm dum cœnant. Nec illi rursus, qui propter helluandi consuetudinem difficulter inediam se ferre conqueruntur. Nec illi tandem, qui illos, quibus cum viuunt, vel inter quos agunt, Ecclesiæ ieiunia nihil curare causantur. Siquidem nihil horum omnium per se adducit ad malum, aut eam adfert difficultatem, quam homo, si strenuè pugnare velit, expugnare non valeat. Adferunt hi tamen eiusmodi causam, propter quam, si aliæ quoque iustiores accederent, facilius cum ipsis dispensari possit.

Iam si gulæ ventriculique dediti, aut improborum helluonum contubernio adiuncti, à ieiuniorum lege, si aliàs ieiunare valent, exempti non sunt, nec ea tantum de causa iure eximi inde possunt, multò minùs illi eximi hinc debent, qui pro causa suam allegāt iustitiam vel perfectionem. Nam etsi istiusmodi verè id essent, quod

Quomodo Prælati Episcopo in inferiores in ieiunij relaxatione præcedere debeant cum suis subditis.

Qui ieiunij relaxationem petit, causas non quasvis, sed iustas adferant oportet.

quod se esse profitentur (quod tamen verisimile non fit: quandoquidem viri perfecti & iusti suam iniustitiam & imperfectionem accusare solēt familiariùs, quàm suam iustitiam vel perfectionem venditare) adhuc D. Paulo, qui crebris ieiuniis & vigiliis corpus suum castigabat & in seruitutem redigebat, non sunt sanctiores; neque Angelis, qui in peccatum prolapsi sunt, firmiores. Nam si iustus septies cadit in die, non est quòd eiusmodi de constanti sua iustitia multa sibi polliccātur. Imò verò si iusti sunt, hoc ipso propter gratiam, quam præ cæteris ampliorem sortiti sunt, & aliorum ædificationem, legem perfectiùs seruare obligantur. Nam si iusti legem non seruant, quid expectandum est ab impiis & peccatoribus?

Nulla iustitia vel perfectio absoluit à lege ieiunij,

SED nec illos quoque, qui verè iustam dispensationis causam adferunt, à toto statim ieiunio absoluerè oportebit, sed ab ea tantum parte, quam citra priuatum aut publicum aliorum detrimentum præstare nequeunt. Neque si à toto fortassis superior absoluat, totam mox gratiam admittere conueniet; sed hæcenus tantum, quatenus priuata vel publica vtilitas vel necessitas illud efflagitat. Ratio huius est manifesta: nam qui iusta necessitate compulsus à lege vel regula recedit, ille iustam excusationem habet, qui autem voluntariè & citra necessitatem id facit, apertè contra legem committit. Igitur qui ob causam iustam vel necessariam, quam habet vel habere se putat, plùs à lege vel regula declinat, quàm causa vel necessitas postulat, ille in illo ampliori, neque iuste neque necessariò exorbitat, sed iniquè & voluntariè; & per consequens in eo ampliori peccat, vt qui in illo nullam iustam exorbitandi causam habeat. Peccat hic, inquam, si rem secundum se spectes. An autem extrinsecè propter imprudentem dispensationem liberetur à peccato, id nos hoc loco in medio relinquimus; viderint, qui talibus dispensationibus sibi blandiuntur.

Qui ieiunij legè relaxant, nō debent totam relaxare, sed eam tantum partem, quā supplex serre nō potest.

QUAMOBREM si corporis infirmitas, aut capitis debilitas, aut laboris assiduitas, crebriorem sibi sumptionem exigit, nō tamen carnium aut ouorum vsum, non licebit eiusmodi ægris, aut inualidis, aut operariis carnibus vesci. Contrà verò si eiusmodi malo vel morbo teneris, qui peritorum medicorum iudicio carnium vel ouorum vsum efflagitat, non tamen crebram corporis refe-

u ctionem,

Poteſt ciborum
delectus relaxari
abiſq. ieiunij rela-
xatione & vice-
uerſa, ſi neceſſi-
tas id poſtulat.

Etionem, licebit tibi carnibus vel ouis veſci, non tamen ſæpius inter diu comedere: modò tamen, quantum corpori ſuſtentando ſat eſt, vna ſimul vice ſumere, commodèq; digerere poſſis. Fareor tamè, qui eius conſtitutionis vel debilitatis ſunt, vt citra carni-um eſum viram tolerare omnino non queant, eos communi quadam ratione à ieiunij lege liberos cèſeri; poſito nihilominus, in horum albo comperiri, qui cum carnibus ieiunij legem ferre poſſunt, abſque illis autem non poſſunt, debent hi cum cæteris indiſta ieiunia ſeruare & carnibus veſci.

Quilibet indi-
cto ieiunio præ-
flare debet, quò
poteſt, quodcun-
que tãdem illud
ſit, ab eo autem,
quod nò poteſt,
remiſſionem im-
petrare.

R V R S V M ſi quotidie per Quadrageſimam ieiunare non va-
les; vales tamen alternis diebus, vel ſemel aut iterum intra ſepti-
manã, obligaris alternis diebus, vel ſemel aut iterum hebdoma-
datim id laboris ſubire. Pari modo ſi tẽpore veſpertina, modico cibo ſumpto, ſiue id panis ſit & vinum, ſiue terrę vel arborum fru-
ctus, ſiue aliud quodcunque cuiusmodi, ieiunium continuare po-
tes; eo autem ſuſtentaculo deſtitutus continuare non potes, de-
bes veſperi aliquid ſumere & continuare ieiunium. Sic ſi vſque ad
meridiem in ediam ferre potes, non tamen noctu dormire, aut
caleſcieri, niſi cœnulam, hoc eſt aliquantum plus ſumas, quàm per-
fecti ieiunij ratio permittit, licebit tibi veſperi cœnulam ſumere,
non tamen ante ſextam vel nouam prandere. Idem de cæteris ſi-
milibus caſibus ſtatuatur; ſunt enim cuiusmodi frequentiſſimi, ne-
que poſſunt omnes commodè aſſignari.

C O N S T A T hinc, cùm corporum tum animarum quoq; me-
dicos cautos hîc eſſe debere: ne videlicet, vbi neceſſitas vnum tã-
tùm aut alterum cõcedi flagitat, ibi omnia indiſcriminatim con-
cedant. Debent enim id ſolum indulgere, quod infirmitas vel ne-
ceſſitas poſtulat, & non amplius. Aut ne, vbi vnum propter neceſ-
ſitatem indulſerunt, ibi totum reliquum damnent, aut veluti in-
utile reſpuant. Comperiuntur enim inepti quidam, qui ex vno aut
altero patrum dicto, quod non intelligunt, pronunciare audent;
qui vnum Quadrageſimæ diem non ſeruunt, eos totius violatæ
Quadrageſimæ reos fieri; tum qui ita comparati ſunt, vt ieiunare
nequeant, niſi veſperi aliquantum plus quàm communiter con-
ſuetum eſt fieri, ſumant, illos à totius Quadragenarij ieiunij vin-
cũlo liberos eſſe. Sed vtrumque inconfultè & pernicioſè. Incon-
ſultè

Imprudẽtia
quorundam de
ieiuniorum ſolu-
tione loquentiũ.

sultè quidem, quia contra rectè rationis dictamen, communemq; doctorum hominum sententiam. Perniciosè verò, quia ineptiis suis quandoque efficiunt, vt hi, qui nihil aut modicum omnino peccaturi erant, peccent sæpius & grauiùs. Pater ex his ergo, non omnes, qui ieiuniorum legem violant, vel non integrè seruant, noxæ semper affines fieri.

QVÆ de ieiunio hoc capite & alibi exposuimus, ea planum faciunt, ieiuniorum legem multis hoc tempore partibus leuiorem, obseruatq; faciliorem esse, quàm erat Apostolorum & martyrum, imò etiam atauorum & abauorum nostrorū ætate. Olim, vt ex Basilio Magno, Bernardo & aliis Patribus suprà audiuius, nulla ætas, nullus sexus, nulla hominum conditio à ieiuniorum lege eximebatur; nunc tam multi ab hac regula excipiuntur, vt vix minima Christianorum pars maneat reliqua. Olim potior totius anni pars ieiunio erat consecrata (nec enim veteres contenti erant ieiunio Quadragesimali, cæterisque per anni circulum occurrentibus; verum, vt suprà demonstratum est, singulis septimanis ter ieiuniis operam dabant, nimirum sabbato, profabbato, & feria quarta) nunc verò minima: Siquidem ieiunia illa singulis hebdomadibus recurrentia & alia præterea complura, penitus in desuetudinem abierunt, hoc solo excepto, quòd sabbato & profabbato & quibusdam locis feria quarta à carnibus adhuc abstinetur.

Ieiuniis hac ætate multis partibus facilius, quàm erat olim,

OLIM ieiunium producebatur vsque ad vesperam vel nominam diei horam; nunc plerisque in locis horam vnā ante meridiem cœnatur. Olim, quòd ieiunia tardè admodum soluerentur, noctu nihil quicquam sumebatur; nunc vesperi passim aliquid, & alicubi satis multum sumitur. Olim ieiuniorum diebus non modò à carnibus, ouis, caseo, cæterisque lacticiis abstinebatur, verum etiam à vinò & pinguioribus piscibus; nunc nulum pisculentorum, aut poculentorum genus excipitur, & multis præterea locis, ouorum & lacticiniorum vsus permittitur. Olim adesse debebant non vulgares causæ, vt cum aliquo super ieiunio inditio dispensaretur, neque tunc quoque ieiunium tam relaxabatur, quàm in aliud pium opus permuebatur; nunc leui sæpe de causa ieiunij vinculum relaxatur;

Quantum intercedat inter modernum & veterum ieiunij breuis notatio.

De conc. d. 1.
solent,

neque frequenter admodum ieiunij loco aliud opus iniungitur. Olim tandem eleemosynę, preces, alięque eiusmodi pietatis officia ieiunio adiungebantur, ieiuniumque illis comitibus destitutum pro nihilo ferè ducebatur. Nunc istę appendices ieiuniorum comites æquę atque ieiunium ipsum apud plerosque plüs satis frigent.

Cum tantum ergo à prisca illa seueritate & perfectione degeneratum sit hoc tempore, ut ieiunium nostrum cum priscorum ieiunio collatum, moralis abstinentię rationem quandoque vix assequatur, non modò morosos ingratosque sese ostendunt, qui de ieiuniorum onere queritantur & murmurant, sed graui quoque noxa sese cõtaminant, si citra causam ea violant, vel minüs quàm par est religiosè obseruant. Verùm de ieiunio eiusdemque vi, partibus, & peristasis satis; proximum est, ut de oratione nonnulla quoque in medium adferamus.

L A V S D E O.



D E

DE ORATIONE

LIBER TERTIVS.

De deuotione, eiusdemq; causis & effectis.

CAPVT PRIMVM.



INTER virtutes iustitiæ annexas primatum obtinet religio. Appellamus autem religionem, virtutem iustitiæ adiunctam non absolute iustitiam; quia, licet ad alterum spectet, & debitum reddat, (quorum vtrumque cum iustitia commune habet) non reddit tamen, quantum debet, sed quantum potest. Etenim si parentibus, aut præceptoribus, vel aliâs præclare de nobis metitis par reddere non possumus, multò minùs DEO, cui totum, quod habemus & possumus, debemus insolidum, par reddere poterimus. Ad perfectam autem iustitiæ rationem pertinet, vt id totum integrè dependatur, quod debetur.

Religio virtus
iustitiæ annexa.

DEO nemo par
reddere valet.

RELIGIONI autem duplices actus assignari solent: alteri interni, alteri externi. De externis, quòd latè pateant, & ad nostrum institutum non ita multum faciant, in præsentiarum nihil; de internis ea solùm, quæ ad id, quod explicandum hoc loco suscepimus, sunt omnino necessaria, vel certè admodum opportuna. Inter internos religionis actus primas tenent deuotio & oratio. Deuotio aliud ferè nihil est, quàm vehemens quædam animi ad ea, quæ pertinent ad DEI cultum, debitumque eius honorem & reuerentiam applicatio; vel, est talis quædam voluntatis affectio, quæ homo se suaque omnia promptè alacriterque diuini mancipat obsequio. Breuiter, est voluntas promptè famulandi DEO.

Duplices religi-
onis actus.

PRIMARIÆ deuotionis causæ sunt duæ: Interna vna, externa altera. Externa, quæ principatum obtinet, est DEVS. Hic vnus enim est, qui quoscunque visum fuerit temporis puncto deuotos, sibi que addictos efficit. Interna complectitur ea omnia, quæ serio animo versa pertractataq; nostram erga DEVM fiduciam & charitatem excitare nata sunt. Nam cum deuotio sit peculiaris

Deuotionis cau-
sæ sunt duæ, in-
terna vna, exter-
na altera.

quidam voluntatis actus, omnisque eiusmodi oriatur ex aliqua intelligentia (est enim voluntatis obiectum, bonum intellectum) non potest ea animi alacritas & promptitudo, qua voluntas in res diuinas fertur, ex aliqua intellectus consideratione non proficisci.

MEDITATIONIS autem deuotionem ciere & excitare idonea materia patet latissimè. Verùm ad nostrum institutum quod spectat, tota ad duo capita reduci potest: nempe ad attentā diuinę erga nos clementię & benignitatis, summęq; eiusdem excellentię considerationem, & frequentem nostrę malitię miserięque contemplationē. Etenim cū homo beneficia, quę à Deo Opt. Max. iam antè accepit, subindeq; accipit; & mala itidē tam pœnę q̃ culpę, quę per eiusdem misericordiam euasit & identidē euadit, diligenter considerat, fieri vix potest, vt ad redamandum tantum benefactorem, tanq̃ benignum parentem nō inardescat; notum est enim illud regij vatis: *In meditatione mea exardescit ignis*. Amor aut̃ fouet & auget dilectionem. Rursum cū suam erga Deum ingratitudinem, miseriam, imbecillitatē, frequentes lapsus, vanitatem, sexcentaq; eiusmodi alia crebrò seriōq; mēte pertractat, fieri planē nequit, vt sibi non displiceat, totaq; mox fiducia in DEVM reiecta, eiusdem opem & misericordiam submissē non imploret. *Ad Dominum*, clamat Propheta, *cū tribulaber, clamaui*.

Qui se ergo ad deuotionē excitare desiderat (vt vnusquibet Christianorum meritò desiderare debet) is primū omnium toto pectore totaq; animi submissione Deum Opt. Max. vt pro sua imensa clementia & benignitate deuotionis gratiam impertiri dignetur, roget & obsecret: Mox grata animi memoria tam priuata quàm communia eiusdem beneficia recolat. Perpendat, inquam, secum, quòd ad Dei imaginē sit conditus; quòd Filij Dei morte & sanguine à dæmone, inferno, & morte assertus; quòd baptismi Sacramēto initiatus & expiatus; quòd CHRISTI carne & sanguine toties passus; quòd tanta patientia ad pœnitentiam expectatus; quòd tot mediis modisq; ad meliorē vitę frugem excitatus; quòd ex tot animę corporisq; periculis liberatus; quòd occæcato & curioso hoc sęculo ab errore & hęresi clementer cōseruatus. Postremò ob oculos ponat defectus, quibus scatet; cogitet & doleat, se
tantis

Vniuersa meditationis materia, quę latè alioqui patet, ad duo capita reduci potest.

Psal. 38.

Amor acuit & excitat deuotionem.

Psal. 119.

Quid facere debeat, qui deuotionis gratiam consequi desiderat.

tantis Dei beneficiis tam frequenter tamq; impudenter abufum. Expendat & damnet mentis fuæ cæcitatem, voluntatis prauitatem, incenfam carnis libidinem, cordis mutabilitatem, fœdam virtutum omnium orbitatem, innatam in bene agendo ignauiam, in malè operando alacritatem, frequentem fenfum mentisq; euagationem, ceterasq; vitæ miferias & morum labe; certus, nifi id fecerit, & quidem crebrò & diligenter fecerit, haud temerè ad deuotionis apicem fe peruenturum. Quandoquidem, vt effectus fine caufa, finis abfque medio, infularis portus abfque nauigatione, ordinaria via non obuenit; ita deuotio quoque vel religio in actu abfque meditatione, crebrâque earum rerum, quas nunc obiter & ex parte tantum attingimus, pertractatione non facilè alicui obtingit.

Deuotio exigit
meditationem.

D I C I T S; Si hinc diuinæ potentia, fapientia, clementia, maiestatis &c. inde humanæ miferia, infirmitatis, malitiæ, ingratitude &c. confideratio, deuotionis caufa exiftit, ergo quò quifque fuerit acutior rebusque fublimibus vel fubtilibus contèplandis aptior, eò erit deuotior; At certa rerum experiètia oppofitum oftendit. Videmus enim homines rudes, fimplices & indoctos magnis fæpe Theologis & Philofophis multis partibus deuotiores effe. Sic quoq; magis plerunq; ad fui cõtèptum incenfumq; Dei amorè inflammantur, qui incarnati Verbi œconomiam, hoc eft, Chrifti Dñi noftri natiuitatem, vitam, crucem, mortem, refurrectionem, damnatorum cruciatus, eorundemq; miferiam, mortis, & quæ huic coniungitur, iudicij qualitatem, aliâque eiusmodi corporalia attentè confiderant, quàm qui Trinitatis myfteria vel naturæ fecreta anxie indagant.

N A E ita res habet, interim ea quorundâ perfpicacium vel eruditorum tepiditas non prouenit ex indolis bonitate, aut præftantis eruditionis vbertate: neq; rurfum non nullorum fimplicium deuotio ex naturali eorundè tarditate per fe oritur; fed vtrumq; ex bono vel malo vtriusque qualitatis vfû proficifcitur. Etenim excellenti doctrina vel ingenio præditi, eruditionis fuæ excellentiam, ingeniique perfpicacitatem magnificantes, magisq; hæc ipfa interdum quàm diuinam benignitatem admirantes, viribus fuis multum tribuunt, de Deo verò rebusq; diuinis parum, aut certè multo quàm par eft, minus folliciti funt. Cùm ergo diuinis donis ad

Vnde proueniat
quòd rudes, debiles, obfcuri & infortunati magis plerunq; fint deuoti, quàm ingeniofi, validi, illuftrès, fortunati &c.

tumo.

tumorem & fastum abutantur, suamque quam DE I gloriam studiosius nonnunquam aucupentur, iusto DE I iudicio in sua miseria & tepiditate deseruntur; & quod grauius est, quandoque tanquam putidi & insanabiles omnino abiiciuntur. At verò rudes & simplices suæ simplicitatis & infirmitatis non ignari, DE O eiusdemque providentiæ & gubernationi se totos submittunt atque permittunt; Et quia eiusmodi homines nullum obstaculum diuino influxui ponunt, sit, vt DEVS, qui mites & humiles magni ubique facit, liberalissimè se illis communicet.

EADEM est causa, cur scæminæ pleræque omnes magis sint deuotæ quàm viri, eoque deuotiores, quò se fragiliores, hebetiores, pluribusque naturæ donis destitutas intelligunt. Pauperes rursum quàm diuites, debiles quàm sani validoq; corpore præditi, obscuri quàm illustres, aduersæ fortunæ fluctibus tandem iactati quàm fortunati, adeoque, vt multò plura vota in ægritudine & aduersitate quàm in sanitate & prosperitate edantur. Interim sanitas, vel alia quæcunque scælicitas per se non sunt causæ illius frigiditatis & indeuotionis. Nam si cruditi, robusti, fortunati &c. agnoscerent, se eiusmodi naturæ vel fortunæ beneficia ex se non habere, sed gratis à DE O accepisse, iuxta illud Apostoli: *Quid habes, quod non accepisti?* quodque strictam de omnibus rationem olim sint reddituri, & quòd, nisi DEVS pro sua bonitate illa conseruaret, temporis puncto interirent omnia, non se efferrerent, sed humili pectore pro acceptis beneficiis gratias agerent, Christoque Domino, vt ea conseruaret, & ad bonum vsum dirigeret, demisso animo supplicarent.

PORRO autem quòd res sensibus obiectæ, & inter eas, quæ ad CHRISTI humanitatem pertinent, magis, dum animo pertractantur ad dilectionem, animique deuotionem quandoque excitant quàm cœlestia, cætæraque à materia vel sensibus abstracta, isthuc non prouenit ex rei, quæ consideratur, natura, sed ex mentis nostræ conditione. Neque enim nos spiritus sumus, vt Angeli, sed caro & sanguis, iisque, quæ sub sensum cadunt, iam inde ab ineunte ætate perpetuò assueti. Quare licet diuina maiestas & bonitas animo conceptæ & pertractatæ animi deuotionem excitare secundum se sint maximè idoneæ (est enim DEVS amabilis super omne amabile, incensus autem amor incensum generat feruorem,

Cur plura vota edantur in aduersitate quàm prosperitate.

1. Cor. 4.

Cur sensib' obiecta magis plerumque moueant ad pietatem & deuotionem quàm abstracta & spiritalia.

uorem, ingentemque animi deuotionem) attamen, quia homines sumus sensu præditi, carneque vestiti; quemadmodum ad diuinorum mysteriorum cognitionem egemus sensili quadam $\chi\epsilon\pi\alpha\gamma\omega\gamma\acute{\iota}\varsigma$, ita quoque ad obtinendam diuinam dilectionem, internamque animi deuotionem. Inter ea autem CHRISTI humanitas & quæ in illam salutis nostræ causa inciderunt, principem locum obtinent. Quod de naturalium secretorum pertractatione addebatur, leue est: Constat enim, non quæuis sublimia vel subtilia animo pertractata deuotionem parere; sed ea solùm vel potissimum, quæ DEI dilectionem, veramque animi submissionem procreare nata sunt. Quæ autem ad hæc non faciunt, ut rerum naturalium consideratio, deuotionem eleuant sæpe magis quam augent.

PARIT autem deuotio per se quidem lætitiā, per accidens verò tristitiā, sed talem, quæ sit secundum DEVM. Quomodo autem vtrumque affectum alia & alia ratione generet, ex iis, quæ de deuotionis causa proximè in medium allata sunt, spectandum venit. Dictum est enim, deuotionem ex duplici capite dimanare; hinc nimirum ex diuinæ clementiæ pertractatione; inde verò ex nostræ miseriæ consideratione; Summa illa summi DEI erga genus nostrum clementiæ & bonitas animo concepta per se quidem offert causam lætitiæ, per accidens verò tristitiæ. Quandoquidem animus diuino amore incensus, DEVM totius felicitatis fontem apprehendit ut absentem; hoc autem absentis desiderium sua natura affligit, afflictumque cum Propheta exclamare compellit: *Sitiuit anima mea ad DEVM fontem viuum; quando veniam & apparebo ante faciem DEI.* Item: *Sicut ceruus desiderat ad fontes aquarum, ita anima mea desiderat ad te DEVS.* Item: *Heu me, quia incolatus meus prolongatus est.* At verò propriæ miseriæ propriæque infelicitatis & abiectionis contemplatio per se quidem est causa tristitiæ, per accidens autem lætitiæ. Nam dum iustus suum in hac lachrymarum valle exilium, suam miseriam & quotidianam crucem mente reuoluit, meritò suspirat & gemit: at verò cum harum calamitatum finem per DEI benignitatē suo tempore futuram animo perpendit, gaudet in Domino, & cum Apostolo exultans dicit: *Non sunt condignæ passionēs huius temporis ad futuram gloriam,* quæ reuelabitur in nobis. Item: *Scimus, quoniam si terrestris domus nostra*

Christi humanitas & passio per idoneam meditationis argumentum subministrant.

Deus secundum se conceptus animi recreat, conceptus autem ut absens amanti, animo morosè generat.

Deuotio lætitiæ & tristitiā parit, sed alia & alia ratione.

Psal. 41.

Psal. 41.

Psal. 119.

Rom. 8.

2. Cor. 5.

stra dissoluatur, quod habemus domum non manu factam eternam in calis.

Christi Domini
mors & perpe-
sio alio & alio
modo lœtitiâ
& tristitiâ ex-
citant.

Contemplatio
nō modò inter-
nam deuotio-
nē, sed externas
quoque lachry-
mas excitat.

Intensum gau-
dium interdum
necat.

Tetrici morosi-
que homines p-
rarò deuoti.

Tristitia quæ se-
cundum Deum
est, semper cum
gaudio coniun-
cta est.

QVOD DE DEI Opt. Max. excellentia & benignitate, nostræque naturæ infirmitate hîc assertum est, hoc ipsum ad CHRIS-
TI passionem & mortem trahi quoque potest. Nam hæc ipsa
etiam vtrumque affectum excitare nata sunt. Tristitiâ qui-
dem, dum pœnarum acerbitas earundemque causa, quæ vtique
peccata nostra fuere, animo pertractatur; lœtitiâ verò, dum sin-
gularis illa DEI misericordia & charitas, qui hominem vsque
adeò dilexit, vt proprii Filij morte & sanguine, vulneribus illius
mederi voluerit, ferio perpenditur. Ad externas verò lachry-
mas quod attinet, eæ non modò ex vera animi tristitia oboriun-
tur, verum interdum quoque ex quadam sensus teneritudine
contemplationisque suauitate. Liquefcit enim animus, & in la-
chrymas diffluit, dum immensam illam DEI erga hominem
benignitatem & clementiam intensè expendit: Sed & in hu-
manis quoque, dum rei afflictæ & quasi deploratæ inopinatum
aliquod gaudium vel gaudij argumentum accedit, aliquid eius-
modi nonnunquam contingit. Comperti sunt enim non semel,
qui quòd præter spem in amicos vel liberos, quos extinctos puta-
bant, fortè incidissent, præ lœtitiæ magnitudine illachrymaren-
tur, nonnulli quoque, qui omnino dissoluerentur.

COLLIGERE hinc licet, homines morosos, tetricos, agre-
stes &c. qui absque molestia & tædio cum nemine viuere, cum
nullo pacatè versari queunt, perrarò verà deuotione ornatos
esse. Siquidem verè deuoti & spiritales non solum ex prima-
ria lœtitiæ causa, quæ est diuina benignitas animo oblata, in Do-
mino sunt læti & affabiles; verum etiam ex secundaria, quæ est
priuatæ miseræ, prout sanabilis olimque per CHRISTVM sa-
nanda concipitur, consideratio: Quandoquidem tristitia, quæ se-
cundum DEVM est, qualis solet esse Sanctorum, semper cum gau-
dio coniuncta est. Hinc illud Augustini: Dolear, & de dolore gau-
deat. Sic magnos quosdam Sanctos semper hilares, semper in
Domino lætos, nec non omnibus, quibus cum agebant, gratos
acceptosque extitisse legimus. Et de deuotione, eiusdemq; pri-
mariis causis & effectis hæc breuiter; de oratione, quæ secundum
inter

inter internos religionis actus locum obtinet, similia ferè in considerationem veniunt.

DE ORATIONE SECUNDVM SE,
eiusdemq; partibus.

CAPVT SECVDVM.



ET SI verò oratio propter singularem virtutem & excellentiam, qua pollet, vsumq; necessarium, virtus à nonnullis appellatur: imò verò virtutum omnium maxima; per se tamen non est aliqua infusa vel innata vel acquisita virtus: Quandoquidem omni omnino veræ rationis virtuti aliquod semper vitium opponitur, orationi autem nullum peculiare vitium aduersatur. Ad hæc virtus est bona mentis qualitas, qua & rectè viuitur, & nullus malè vititur: Oratio autem neque mentis qualitas est, nec semper quoque cum bono vsu coniuncta est. Constat enim, fures, adulteros, ficiarios, aliosq; id genus nequam & sceleratos homines, ne in crimine vel flagitio, quod animo conceperant, deprehendantur, multum sæpe orare. Tandem Hugo Victorinus constituit tres cõtèmplicationis partes, lectionem, orationem, & meditationem: sed lectio & meditatio non habentur inter virtutes: ergo neque oratio quoque inter eas censenda est, cùm ipsò autore par omnium sit ratio. Sed neque si qua virtus quoque esset, omnium statim prima vel maxima esset: Quia licet concedi posset, inter morales primatum obtinere, Theologicis tamen inferior esset, præsertim Charitate; hæc enim secundùm Apostolum inter omnes arcem tenet.

Oratio nō est virtus propriè, sed virtutis actus.

Quamuis oratio virtus esset, non omnium tamen præstantissima esset.

EST autem oratio proprius religionis actus. Nam etsi nos nostra oratione nihil quicquam DEO Opt. Max. præstemus, si id solum spectemus, quod orantes petimus; sed aliquod potiùs beneficium ab eo expectemus; præstamus tamè illi aliquid, si ipsam petitionem secundùm se, vel ipsum petitionis modum consideremus. Nam quicumque aliquid ab aliquo petit, ipsamet petitione se inopem, alteriusq; ope & gratia indigentem ostendit, adeoque illi, à quo, quod sibi deest, petit, tanquam superiori, opulen-

Oratio est actus patriæ, vel religionis.

tiori, & præstantiori sese submittit. Rursum quicumque alterius opem implorat, in eo, cuius fidem implorat, potentiam ad iuvandum, promptum animi studium ad volendum, iustitiam ad iniuriam illatam vindicandum, clementiam ad offensam condonandum, si venia fortè poscatur, aliâque eiusmodi posita agnoscit. Atqui hæc, aliâque his cognata de D E O concipere, vocæue vel alio symbolo exprimere, aliud nihil est, quàm honorem, cultum, & reuerentiam eîdem tanquam primò summôque rerum omnium moderatori, primôq; intelligentis naturæ principio & finî, bonorumq; omnium eiusdem causæ deferre; hoc autem ad religionem pertinere, nemo est qui dubitat. Siquidem proprium illius munus est, animum impellere & inclinare, uti D E V M rite decenterque colat. Oratio itaque est actus vel usus religionis, quam Græci *λατρεία* appellant. Et quia soli D E O latria debetur, consequens fit, orationem, ut est proprius latriæ vel religionis actus, in solum D E V M conuenire, verùm de hoc, loco magis idoneo postea.

Oratio trisariâ
accipitur.

Cap. 1.

C A E T E R V M oratio, ut suprâ quoque meminimus, trisariam accipitur; Generalissimè, communiter, & propriè. Generalissimè sumpta complectitur omnem honestam actionem. Quo sensu glossa exponit illud Lucæ: *Oportet semper orare, & nunquam deficere*. Homo, ait illa, nunquam desinit orare, nisi quando desinit iustus esse. Item: Semper orat, qui semper agit bona. At communi quadam ratione comprehendit omnem contemplationis, laudationis, & gratiarum actionis actum. Iuxta quam notionem Damascenus scribit: Orationem esse mentis in Deum ascensum. Augustinus: Pium in D E V M mentis affectum. Bernardus: Hominis D E O adhærentis affectionem, illuminatæque mentis stationem ad fruendum D E O, quamdiu licet. Hugo Victorinus: Conversionem in D E V M, per pium & humilem affectum, Spe, Fide, & Charitate subnixam. Iuxta eandem notionem Phariseus in templum ascendisse scribitur, ut oraret; & D O M I N V S in montem solus, & Apostolos monuisse, ut vigilarent & orarent. Oratio autem propriè sumpta, est interni desiderij explicatio, vel petitio apertè vel tacitè D E O oblata.

Lucæ 18.

Matth. 14.

Oratio intellectu
& voluntate
actum includit.

Ex qua orationis definitione planum euadit, quod perplexam alioqui disputationem habet, nempe orare, neque solius ratio-

rationis, neque solius rursus voluntatis opus esse, sed vtriusque simul, etsi istud alia & alia ratione. Etenim si efficax oratio deprecationem apud se constituere debet, quid sit petendum, qua via vel ratione, quod petitur, impetrandū; Tandem si orare, est mentis desiderium symbolo aliquo patefacere, profectò plena oratio absque rationis opere constare non potest. Rursus si orare, est desiderio in DEVM tendere, si ratio nihil deliberat, nihil ordinat, nihil considerat, quod voluntas antè non imperarit, si denique oratio est internus religionis actus, & hæc pars iustitiæ, quæ omnium iudicio in voluntate insidet, euidens sit, voluntatis opus à perfecta oratione seiungi non posse.

ABSOLUTA proinde suisque numeris perfecta oratio vtriusque facultatis opus includit. Nihil enim seriò petitur, quod actu non desideratur: neque seriò rursus id desideratur, quod oblata occasione illi non panditur, qui desideria nostra explere potest, & explere nihilominus paratus est. Verum enimverò licetres ita habeat, attamen quòd orationis nomine petitio communiter designari & accipi soleat, quæ non est absque interno vel externo verbo, imò verò est ipsamet interna vel externa locutio; concedi potest orationem voluntatis imperium & desiderium ita includere, ut tamen proprium practicæ rationis opus existat. Ratio autem practica hoc à theorica discrepat, quòd hæc tantum apprehendat, non etiam efficiat; illa verò vtrumque præstet.

Oratio propriè
est practicæ ra-
tionis opus.

AT verò practica ratio bifariam aliquid efficit. Vno modo absolutè imperando; ut cum corporis membris, vel inferioribus viribus, vel subditis, in quos absoluta potestas est, hoc vel illud simpliciter iniungit. Altero modo non absolutè imperando, sed qualitercunque persuadendo, vel inducendo; ut cum ab eo aliquid concedi vel effici cupit, qui nulla ex parte ipsi est subditus. Non enim tunc imperat; sed cum quadam animi submissione rogat, causasque & rationes, cur hoc vel illud fieri conveniat, in medium adfert. Hoc ipsum in oratione quoque locum habet. Nam cum rem aliquam à DEO impetrare volumus, non modò nos nostraque omnia humiliter illi submittimus, supplicesque eidem sumus, verum si rectè cordatèque orationem instituimus, non nullas quoque rationes & causas, cur id, quod petimus, concedi debeat, vel

Practica ratio
bifariam accipi-
tur.

conueniat, exponimus. Vel enim allegamus illius promissionem, vel potentiam, vel clementiam, vel aliquam aliam eiusdem perfectionem, vel nostram necessitatem, vel hostium iniquitatem, vel aliquid aliud istiusmodi; quæ omnia sua mouendi & impetrandi vi pollent.

*Ut quisque affici-
tus est, ita orat.*

PORRO autem ad priuatos precandi modos quod attinet, tot eiusmodi assignari poterunt, quot precantium sunt affectiones: ut enim quisque affectus est, ita orare consuevit. Constat namque, aliter orare, qui læto rerum successu exultant: Aliter, qui maiorum mole pressi, animum penè despondent: Aliter, qui temptationibus non vulgaribus pulsantur: Aliter qui largo spiritalium consolationum haustu inebriantur: Aliter, qui peccatorum veniam precibus urgent: Aliter, qui virtutum augmentum oratione efflagitant: Aliter, qui gehennæ diuinæ iudicii terrore concutuntur: Aliter, qui futurorum bonorum spe dilatantur, vel eorundem desiderio inflammantur: Aliter, qui cælestium arcanorum patefactione illuminantur: Aliter, qui spiritus sterilitate internæque mentis ariditate constringuntur: Aliter demum, qui alio alioque modo afficiuntur: Nam ex vario animorum statu, tam variæ oriuntur orationum formæ, ut certo numero comprehendi vix queant.

QUOD si orationum discrimini, quod ex diuersa orantium affectione petitur, ea addere discrimina lubeat, quæ peti possunt ex re quæ petitur; vel ex persona, ex qua vel pro qua petitur; vel ex causis, propter quas petitur; vel ex principiis, è quibus oratio proximè vel mediatè proficiscitur, modorum precandi nullum facile modum inueniemus. His itaque quasi infinitis, artisque rationem fugientibus posshabitis, de ea solum orationis partitione breuiter hoc loco agere placet, quæ & certior, & apud eruditos receptior est.

*Oratiōis in suas
partes diductio.
Quid mentalis,
quid item vocalis
oratio.*

ORATIONVM itaque alia est mentalis tantum, alia verbalis aut scripta tantum, alia ex vtraque mixta. Mentaliter tantum orat, qui internum animi desiderium, quo in DEVM propter rem aliquam fertur, nullo externo signo manifestat. Vocaliter tantum orat, qui inter orandum vel recitandum, castra, ut dici solet, in aëre fabricat, hoc est, qui nihil prorsus, quid dicat, aut quod tendat, attendit. Mentaliter & vocaliter simul orat, qui mentis aciem

aciem in id, quod petit, vel ad eum, à quo voce vel scripto aliquid petit, defigit.

ORATIONVM rursus alia est bona, alia mala. Bona est, quæ nulla debita parte, aut circumstantia destituta est. Mala est, quæ praua aliqua circumstantia vitiata est, aut necessaria aliqua parte orbata est. Quod autem non omnis oratio sit bona, id ex sacris literis manifestum est; scriptum est enim: *Oratio eius fiat in peccatum.* Item: *Maledicam benedictionibus*, hoc est, orationibus *vestris*: Siquidem omne omnino sacrificium, cultusque diuinus aut oratione constat, aut oratione perficitur.

Orationum alia bona, alia mala, & quæ utraque

ORATIONVM tandem alia est priuata, alia publica. Hæc nomine totius Ecclesiæ, pro populi salute per publicos ministros, & plurimum in publico loco funditur; illa pro se vel alio à priuato depromitur, & priuatim quoque frequentius, quamuis publicus locus nequitam illi repugnet.

Nullum constat sacrificium citra orationem.

Orationum alia priuata, alia publica.

APOSTOLVS PAVLVS, vbi discipulum suum Timotheum de pastoralis muneris ratione instituit, quatuor orationis mēbra vel species insinuat. Scribit is autem in hunc modum: *Obsecro primum omnium, fieri obsecrationes, orationes, postulationes, gratiarum actiones pro omnibus hominibus: hoc enim bonum & acceptum est coram Salvatore nostro DEO, qui omnes homines vult saluos fieri, & ad agnitionem veritatis venire.* Hæc ille, qui de obsecratione, oratione, postulatione, & gratiarum actione loqui videtur, tanquam de diuersis orationis speciebus. Certè Cassianus, ex sententia Abbatis Isaac, ad distinctas orationis formas isthæc spectare haud obscurè insinuat; inter cætera autem ita scribit:

1. Timoth. 2.

OBSECratio est imploratio vel petitio, p peccatis. Orationes sunt, quibus DEO aliquid offerimus, vel vouemus. Postulationes, p aliis, dum sumus in feruore spiritus constituti, solemus emittere. Gratiarum actiones mēs DEO refert, cū pterita recolit beneficia, vel pſentia contēplatur; vel cū in futurū, q̄ & quāta preparauerit DEVS his, qui diligunt eū, prospicit. Obsecratio de compunctione peccatorū nascitur. Oratio de fiducia oblationū & consumatione votorū profluit. Postulatio de charitatis ardore procedit. Gratiarum actio de beneficiorum DEI consideratione generatur. Prima species pertinet ad incipientes, qui adhuc vitiorū suorū aculeis ac memoria remordentur. Secunda ad illos, qui in profectu spiritali appe-

Coll. p. c. 11.

Quomodo oratio, obsecratio, postulatio, & gratiarum actio inter se differant secundum Cassianum.

appetitūq; virtutum consistunt. Tertia ad eos, qui perfectionem votorum suorum operibus adimplentes, pro aliis quoque intercedere prouocantur. Quarta ad illos, qui iam, pœnalis conscientia spina de cordibus euulsa, securi munificentias Domini ac miseraciones, quas vel in præterito tribuit, vel in præsentī largitur, vel præparat in futuro, mente purissima pertractātes, ad illam ignitā, & quæ ore hominum comprehendi & exprimi nō potest, orationem feruentissimam raptantur, & nonnullis interiectis subdit:

Hæc quatuor supplicationum species ita Dominus exemplo suo initiari dignatus est, ut in hoc quoque impleret illud, quod de ipso dicitur: *Cæpit I E S V S facere & docere*. Nam obsecrationis genus assumpsit, cum dixit: *Pater si possibile est, transeat à me calix iste*. Oratio est, cum dicit: *Ego te clarificaui super terrā, opus consummaui quod dedisti mihi ut facerem*. Postulatio est, cum dicit: *Pater quos dedisti mihi, volo ut ubi ego sum, & ipsi sint mecum*. Gratiarum actio est, cum dicit: *Confiteor tibi pater cæli & terræ, quia reuolasti ea paruulis*. Item: *Pater gratias ago tibi, quoniam audisti me*; *Ego autem sciebam, quia semper me audis*. Hæc compendio ex Cassiano.

HAYMO Apostoli locum edisserens, quatuor illas orationis partes ita exponit, ut singulas singulis præcipuis sacræ liturgiæ partibus accommodet. Obsecrationis nomine ea complectitur, quæ mysteriorum consecrationem antecedunt: In iis enim recolitur **C**H R I S T I doctrina & vita: Referuntur hîc quoque Sanctorum suffragia & merita: & alia quædam ad obsecrationem pertinentia. Orationis verò ea, quæ ad corporis & sanguinis **C**H R I S T I consecrationem faciunt. Hæc enim deposcunt summam mentis in **D**E V M elevationem, summamq; ad ea, quæ præ manibus sunt, attentionem. Postulationis autem ea quæ à consecratione vsq; ad Sacramenti sumptionem decurrunt: multa enim in hac parte pro viuis vitæq; defunctis certò ac determinatè petuntur. Gratiarum actionis tandem ea, quæ post communionem vsque ad sacrificij finem sequuntur.

De vit. solit.

BERNARDVS obsecrationem tum demum locum habere docet, cum homo causæ suæ parum fidens, non per se, sed per aliū **D**E V M interpellat; ut si dicat, sancte Petre vel Paule, ora pro me. Orationem verò cum per se aliquid efflagitat. Postulationem autem cum nullius amplius noxæ sibi conscius, pro se vel altero gloriam

riam postulat: Gratiarum actionem tandem, cum ad eam perfectionem devenit, ut prius quodammodo à DEO audiri mereatur, quam salutaria vel necessaria ab eo petat. Non multum ab his dissident, quæ Glossa ordinaria ad Apostoli locum adfert. Monet enim, obsecratione difficilia peti; ut impij conversionem, aut insignis alicuius calamitatis depulsionem; Oratione, virtutum, celestiumq; donorum ornamenta; Postulatione interminabilis vite felicitatem; Gratiarum actione autem & hæc ipsa, & cætera quodque, quæ divinitus obtigere, quadantenus pensari.

EN omnes isti Patres de quatuor illis partibus, quas Apostolus assignat, perinde loquuntur atque de quatuor orationis speciebus, cum tamen re ipsa non sint orationis species, sed integre orationis partes. Nam ut D. Thomas rectè alicubi annotavit, ad orationem perfectam deposcuntur tres conditiones. Harum prima est ascensus vel elatio mentis in DEVM: Oraturus enim animo pertractare debet DEI potentiam, clementiã, sapientiam, maiestatem, aliãq; eiusmodi, quæ inter orandum interdum quodque exprimuntur; ut cum ita precamur: Omnipotens sempiterne DEVS &c.

ALTERA est petitio, quæ postulationis vocabulo exprimitur, siue determinatè aliquid petatur, ut si quis cum Salomone ita precetur: *Duo rogaui à te, vanitatem & verba mendacij longè fac à me: mendicitatem & divitias ne dederis mihi*: siue indefinitè, ut si quis cum Psalmista DEVM eiusmodi oratione interpellet: *DEVS in adiutorium meum intende, Domine ad adiuvandum me festina*. Vel cum Publicano ita oret: *DEVS propitius esto mihi peccatori*. Vel cum cæco illo Evangelico, eiusmodi precatione CHRISTVM adeat: *JESU fili David, miserere mei*. Siue factum aliquod simpliciter narret, ut si cum sororibus Lazari CHRISTVM in hunc modum compellet: *Domine ecce, quem amas, infirmatur*. Hoc petitionis genus insinuationem vocant, sicut primum postulationem, medium autem supplicationem.

TERTIA & postrema est ratio impetrandi id, quod petitur. Hæc autem ex parte DEI, est illius beneficentia, clementia, sanctitas &c. propter quæ exaudiri petimus. Atque huc pertinet obsecratio, quæ aliud nihil est, quam quædam per sacra obtestatio, ut cum ita oramus: per crucem & passionem tuam libera nos

y

Domi-

Membra orationis, quæ Apostolus assignat, sunt quatuor potius orationis partes, quam species.
22. q. 83. a. 17.
Perfecta oratio tres conditiones deposcit.

Prouerb. 30.

Psal. 69.

Luc. 18.

Marc. 10.

Ioan. 11.

Quid propriè sit obsecratio.

Domine. Hoc orationis genere vititur Ecclesia in omnibus penè precibus, quas dirigit ad patrem; semper enim sub orationis finem adiungere solet per CHRISTVM Dominum nostrum. Quin ad Filium quoque preces suas transmittens, semper ferè eius mortem vel crucem vel aliquam aliam æconomiz illius partem interponere consuevit. Ratio verò impetrandi ex parte petentis est gratiarum actio: Qui enim dona accepta grata memoria recolunt, vt semel collata augeantur, conferuentur & perficiantur, certa quadam ratione promerentur; sicut è diuerso, qui per ingratitudinem benefactorem non agnoscunt, viam ad alia beneficia impetranda sibi quodammodo obstruunt. Pertinent ad hunc etiam locum illustria DEI opera, eiusdemque promissa & dicta, quæ precibus inter orandum interdum quoque admiscuntur, vt cum ita inuocatur: Omnipotens sempiterne DEVS, qui hoc vel illud fecisti, dixisti, promissisti, &c.

OMNES hæc partēs precandæ formulæ in vna sæpe oratione comperiuntur, vt cum Ecclesia in hunc modum orat: Omnipotens sempiterne DEVS, mæstorum consolatio, laborantium fortitudo, perueniant ad te preces de quacunque tribulatione ad te clamantium, vt omnes in necessitatibus suis misericordiam sibi gaudeant adfuisse, per CHRISTVM Dominum nostrum. Hic ꝑ omnipotens sempiterne DEVS, ad orationem; Illud verò, mæstorum consolatio, laborantium fortitudo ad gratiarum actionem, ꝑ autem perueniant ad te preces &c. ad petitionem vel postulationem, (Apostolus enim vtrumque pro eodem usurpat: Nam vt ad Timotheum scribit: *Obsecro fieri obsecrationes, orationes, postulationes, gratiarum actiones pro omnibus*; ita ad Philipenses: *In omni oratione, & obsecratione, & gratiarum actione, petitiones vestrae immutescant apud DEVM*.) Illud denique per CHRISTVM Dominum nostrum, ad obsecrationem. Similes orandi formulæ occurrunt aliæ non pauca. Ex quo planum fit, quæ Apostolus de oratione exponit, ita seorsim in Psalmis & alibi posita comperiri, vt tamen rectius appellentur vnius perfectæ orationis partes integrales, quàm diuersæ orationis species. Quare non est necessum, vt orationis definitio de singulis ex æquo & reciproce semper prædicetur; sed sat est, si de omnibus simul sumptis. Verùm de orationis partibus cæterisque, quæ ad quidditatis illius

Ingratitudo benevolentiz ton-
tem obstruit.

1. Timoth. 2.

Cap. 4.

illius notitiam faciunt, satis; proximum est, vt de eiusdem qualitate & quantitate, aliisque id genus circumstantiis nonnulla quodque in medium adferamus.

De orationis qualitate, quantitate, forma ceterisque eiusdem comitibus & circumstantiis.

CAPVT TERTIVM.



VID, cuius facultatis, cuius item virtutis opus sit oratio, tum quæ eiusdem sint partes vel species, expositum est hæcenus: proximum est, vt de iis nonnulla etiam proponamus, quæ ita orationi adiuncta sunt, vt propriam tamen & intrinsecam illius rationem nõ ingrediantur. Etenim solæne mente Deo vota tua pendas, an mente & voce simul: rursus paucisne id præstes, an multis; manéne, an vesperi, an alia diei parte; domine an foris, hoc est, in templone an alio loco; corporéne erecto, an prono, vel prostrato &c. id orationis substantiam nõ mutat. Nihilominus quòd hæc omnia suas difficultates habeant, eaque, quæ rem circumstant, magnam in moralibus sæpe vim adferant, prætermittere non potuimus, quin aliquid quoque hisce de rebus in medium adferremus. Pono hinc autem, duplex orationis genus esse. Alterum commune & publicum; alterum priuatum & certa quadam ratione secretum. Ad orationem publicam vel communem pertinent horæ Canonicæ, sacrificium Missæ, publicæ Litaniæ, preces fœnebres, aliæque eiusmodi, quæ totius populi nomine & loco per publicos Ecclesiæ ministros persoluuntur. Ad priuatam omnes omnino preces, quæ per publicos ministros non depromuntur, vbicunque tandem vel per quoscunque promantur.

Quære circumstant magnam vim habent.

IAM hoc fundamento præiacto, facile est respondere ad questionem, qua quæri hinc solet, mentaline oratione vtendum sit tantum, an verò mixta, hoc est, mentali & vocali simul. Certum est enim orationem communem & publicam solo interno mentis actu constare non posse. Oportet enim de eiusmodi precum ratione & qualitate communitati certò compertum esse; tum quò se publicorum ministrorum studio conformet,

Publica oratio solo interao mētis actu absolui non potest, & quare.

mentemque iuxta ea, quæ publicè decantantur, vel recitantur, in DEVM subleuet; tum etiam, quò suisne votis ac legibus fiat satis, an secùs, apertè cognoscat. Nam cùm per occupationes iugem statumque DEO cultum per se deferre non valeat, propriis impensis & sumptibus ministros alit, qui vicem illius expleant, pròque communi omnium salute statas solennesque preces diuinæ maiestati quotidie offerant; sacramenta itidem administrent, aliàque id genus munera Ecclesiastica publicè obeant. Sed & ipsi quoque Ecclesiæ eiusdem Hierarchis de ministrorum suorum fide & diligentia palàm constare debet: At nulli hac de re certò constare potest, nisi preces ordinariæ clara & intelligibili voce persoluantur.

*In publicis & p-
sereim liturgicis
precibus bifarià
pocatur.*

DEBENT proinde publicæ preces mente & voce simul exolui; & quidem tali, quæ ab astantibus vtcunque intelligi queat. Qua in re bifariam à quibusdam peccatur: Sunt enim, qui, dum sacris operantur, ea, quæ ad populi informationem faciunt, eiusdemque pietatem & deuotionem excitare nata sunt, & iuxta Ecclesiæ ritum & ordinationem clara intelligibilique voce enunciari debuerunt, voce vsque adeò submissa proferunt, vt ipsi se ipsos vix intelligant, nedum alij, qui aliqua intercedine ab altari distant. Sunt alij, qui in oppositum vitium quodammodo dilapsi, ea quæ secundùm legem receptamque Ecclesiæ consuetudinem secretò dici solent, & secretò quoque dici deberent, voce vsque adeò sublata efferunt, vt non solum propè astantes, sed multùm quoque distantes audire valeant. At verò quanta vocis contentione in Missæ sacrificio, vel canonicis precibus opus sit, id spiritus vnctio, vel prudentium vsus, si lex defuerit, facile demonstrauerit.

*Oratio priuata
solo mentis actu
consistere potest.*

ORATIO autem priuata suòque modo libera vtroque modo persolui potest, nimirum mente tantùm, & mente & ore simul. Quòd sola mente vel solo interno animi actu orare liceat, id scriptura multis passim locis & exemplis declarat, vsusque piorum & ratio præterea ipsa validè confirmat. Quandoquidem, vt ex Damasceno, Augustino, & aliis Patribus suprà auditum est, oratio communiter sumpta, est mentis in DEVM ascensus, vel pius in DEVM affectus: atqui vt mente in DEVM ascendas, nullo opus est verbòrum strepitu, nullo labiorum motu: fiqui-

liquidem negotium hoc gemitibus & suspiriis magis plerunque agitur quàm sermonibus. Ad hæc vocali oratione hætenus tantum opus est, quatenus latens animi desiderium alteri patefiat; DEO autem, quem solum præ oculis habet, qui priuatæ orationi vacat, omnia mortalium omnium vota & desideria sunt apertissima. Denique nullum extat diuinum præceptum aut humanum, quod mentalem orationem inhibeat; quicquid autem non inhi- betur, hoc licitè vsurpatur.

Plures causæ pri-
uatam orationem
vocem non de-
polsere osten-
dunt.

QVOD autem mentali orationi vocalis non modò inculpate sed fructuosè quoque accedere queat, id nemo in dubium vocat, neque citra erroris suspicionem, manifestæque vrsanix notam in dubium vocare potest. Constat enim, CHRISTVM Dominum vocali oratione crebrò nostri causa vsum esse, precandique formulam, qua vocaliter vteremur, clementer præscripsisse. Constat, idem Apostolos multosque alios egregios viros studiosè præstittisse, publicèque docuisse. Constat tandem, quicquid in nobis siue externum siue internum existit, id totum à DEO ortum traxisse, adeoque non tantum mentem, sed linguam quoque cæte- ràque omnia corporis membra in illius honorem & cultum sa- lubriter verti. Imò verò tantum abest, vt vocalis oratio, dum mo- do mentali non destituatur, sit illicita aut superuacanea, aut otio- sa, vt multarum quoque vtilitatum sit causa. Etenim cum homi- nes simus ex corpore & animo concreti, crassissque & corporatis rebus iā inde ab ortu assueti, naturaliter crassa & corporata acrius nos mouent, quàm interna merèq; spiritalia.

Mentalioratio-
ni vocalis salu-
briter adiungi-
tur.

QVOD dicimus, certæ experientix fides manifestè probat. Quàm multi & quàm admirabiles animorū motus viuæ doctōris voce cientur sæpe, qui nulla priuata meditatione cieri potuissent? An non magis communiter frigemus, dum ingentes calamitates, quas aliquando perpessi sumus, vel damna, quæ accepimus, aut discrimina, quæ euasimus, solitaria cogitatione versamus, quàm dum ea aliis exponimus, vel patheticè ab aliis exponi audimus? Vtiq;. Habet enim viuæ vox occultā quandam energiā, quæ verbis exprimi non faciliè potest. Sic quoq; dum indignas aliorū clades, vel casus miserabiles ad viuum descriptos legimus: vel ex aliis, qui legunt aut rferūt, fortè audimus, longè magis cōcitamur, quàm dum priuatim ea apud nos pertractamus.

Viuæ vox occul-
tam quandam
energiam sorti-
tur.

VALET proinde vocalis oratio ad excitandum deuotionis sensum, internamq; mentis illustrationem: Quandoquidē verba, quibus oratio contexta est, admonent, quid sit petendum, quomodo petendum, &c. Atq; hæc potissima Christo causa extitisse videri potest, cur certam vocalis orationis formulam Apostolis, cæterisq; per Apostolos præscripserit. Sanè rudibus & idiotis, qui vix aliud quicquam capiunt, quàm quod sensu aliquo hauriunt, vocalis oratio vsq; adeo est necessaria, vt ea destituti nihil omnino rectè petituri videantur.

Vocalis oratio
rudibus & idiotis
apprimè nec
cessaria.

VALET eadem rursus ad conferuandam earum rerum memoriā, quas per orationem petere vel impetrare institueramus. Tum ad coercendam & compescendam mentem, ne multum diuagetur. Nam cum cogitatus res sit fluxa, nisi externo quopiam præsidio firmetur, & quasi contineatur, citò euanescit. Quod enim fixum mansurum est, bene firmatum & radicatum sit, necessum est. Difficillimum est autem, sola mente constanter orare, vniq; illi quod petitur, animo immotè semper affixum esse. Verba autem adiuncta, etsi suapte natura fluant; attamen mentem dilabentem ad institutum, hoc est, ad illud, quod legitur, vel dicitur, subinde reuocant.

Cogitatus res
fluxa & incon-
stant.

VALET tandem ad aliorum quoque exemplum & informationem. Nam dum alij orationi nos vacare animaduertunt, & ipsi quoque, quid sibi faciendum incumbat, intelligunt. Mitto hic, tantam quandoque internam esse deuotionem, vt ipsis etiam precantibus insciis, & propemodum inuitis, in verba quædam externa prorumpat. Motus enim virium superiorum, si fuerint vehementiores, frequenter redundant in inferiores, & propter naturalem connexionem interdum quoque in externas corporis partes.

Motus interio-
res, si fuerint ve-
hementiores, re-
dundant inter-
dum in externū
hominem.

HÆC omnia probant, vocalem orationem vtilem & salutarem esse: At verò sitne itidem necessaria, nonnullam quæstionem habet. Nobis, proluxa disputatione missa, probabilius fit, secundum se absolutè necessariam non esse. Nam si per se absolutè necessaria esset, aut id esset necessitate finis, aut necessitate præcepti; at neutro modo videtur necessaria. Non necessitate finis: Nam quicquid obtineri potest oratione vocali, hoc ipsum etiam

Vocalis oratio
secundum se ab-
solutè ad salutē
non est necessa-
ria.

men-

mentali impetrari potest. Neque necessitate rursus præcepti saltem communis; quia nusquam in nouo, aut veteri Testamento cautum extat, ut priuatim orantes beatitudinem, aut aliquid ad illam faciens, vocali oratione urgeant. Quod si quæ Scripturæ de vocali oratione agunt, ut plurimæ sanè agunt, illæ de ea non agunt tanquam de re præcepta, sed tanquam de re utili & salutari. Orauit sanè CHRISTVS sæpe vocaliter, & vocaliter orare docuit; verum non omnis CHRISTI actio aut institutio legis vini obtinet. Dixerim per se absolutè, aut communi præcepto non esse necessariam: Nam qui quacunque de causa impeditus, mentaliter orare non posset, ille profectò, cum priuata necessitas, aut publica utilitas id postularet, vocaliter orare deberet. Idè de illo statuas, qui voto, vel iuramento, vocali orationi se obligauit: Aut cui à confessorio, aut alio quocunque, legitimam potestatem habente, tale quippiam impositum fuerit.

Qui mentaliter orare non potest, aut vocaliter orare obligatus est, is vocaliter orare tenetur.

DE mentalis orationis necessitate nulla est controuersia: Nam cum vocalis per se non sit necessaria, ut obiter iam ostensum est, si mentalis suo saltem loco & tempore necessaria non esset, nulla vnquam simpliciter necessaria esset. At hoc est falsum, Scripturæque & Patrum traditioni omnino dissentaneum: Neque enim scriptum esset: *Oportet semper orare*. Item: *Petite, & accipietis*, multa que alia eiusmodi, si semper liberum foret orare vel non orare; vel si absque vlla petitione, desiderata, vel ad salutem necessaria impetrare liceret. Sed neque frustra quoque ab Augustino scriptum est: Nullum credimus ad salutem venire, nisi DEO inuitante; nullum inuitatum, nisi DEO auxiliante, suam salutem operari; nullam nisi orantem auxilium promereri. Et à Magno Gregorio: Obtineri nequaquam possunt, quæ prædestinata non fuerint, sed ea, quæ sancti viri orando efficiunt, ita prædestinata sunt, ut precibus obtineantur. Nam ipsa quoque perennis regni prædestinatio ita est ab omnipotenti DEO disposita, ut ad hoc electi ex labore perueniant, quatenus postulando mereantur accipere, quod eis omnipotens DEVS ante sæcula disposuit donare. Denique tantæ interdum insurgunt tentationes & tempestates, ut nisi cum Apostolis clamemus: *Domine, salua nos, perimus*, omnino nobis pereundum sit. Tenetur proinde homo non solum vitam æternam, reliquaque; ad salutem necessaria ex Charitate

Luc 11.

Dedogm. Eccl.

Nulli adulto salus obtingit citra orationem.

In dialog.

Matth 9.

deside-

desiderare, sed ex religione quoque petere. Verùm de orationis præcepto & necessitate paulò pòst ex instituto.

Quando vocali, quando rursus mēali oratione vtendum est, id certa regula tradi non potest, sicut nec illud quoque, vtra aliter sit vtilior,

CAETERVM quando solam mentalem, quando rursus mē-talem & vocalem simul adhibere conueniat, id certa regula tradi vix potest. Generatim dici queat hætenus, vocali vtendum esse, quatenus ad deuotionem excitandam, vel retinēdam, vel incendendam est vtile. Quamobrem si externa verba internam deuotionem impediunt, vt eorum plerunque solent, qui magnos spiritus progressus habent: desistendum est à vocali, & veniendū vel redeundum ad mentalem. Ediuerso si mentalis oratio magnam adfert mentis distractionem, transeundum est ad vocalem. Deberent tamen hæc omnia certo quodam ordine sibi inuicem succedere: verùm vtcunque res instituatur, nunquam mentalis à vocali sciungi debet. Nam sola vocalis, qualis eorum est, qui tota orationis decursu nihil, quid dicant, aduertunt, nullius apud DEVM est ponderis. Mentalis verò vocalem per se non magnopere desiderat. Nam vt mentem sursum eleues, peccatorum veniam, aut cœlestem gratiam impetres, sat est, si sola mente vota tua DEO explices. Quilibet ergo priuatim orans, eo vtatur orandi modo, quo magis adiuuatur & incitatur ad pietatem; publicè autem, hoc est, vnà cum aliis preces fundens, nullis nouis aut peregrinis gestibus vtatur, ne aliis, quibus cum orat, offensionem offerat.

Ex his planum fit, licet mentalis oratio secundum se absolute haberi soleat præstantior, certò tamen definiri non posse, vtra huic vel illi homini sit salubrior vel vtilior. Nam aliis opportunior est mentalis, aliis vocalis, prout quisque affectus est. Et eisdem ad numerum vno tempore vtilior est vocalis, alio mentalis. Vox enim, vt dictum est, quandoque impedit, quandoque promouet, quandoque medio modo se habet. Verùm de mentali & mixta oratione, de quæ vtriusque discrimine & vsu satis. De orationis malitia & bonitate (nam hæc res ad qualitatem quoque, de qua hic sermo est, spectat) nihil est ferè, quod iis addamus, quæ suprà exposita sunt, cum de oratiōis diuisione agebatur, nisi hoc forsàn addēdum sit, esse qui malæ orationi inter veræ rationis orationes locum ægrè concedant; sed id absque ratione, cum æquè mali atque boni tacitè vel apertè aliquid à DEO petere queant, & sæpe petant.

petant. Fatendum est tamen, malos ut eiusmodi, nunquam bonum, aut si bonum, nunquam tamen bene petere; sed semper malum, vel malè. Malè petunt, cum inter petendum debitam aliquam circumstantiam omittunt. Malum verò petunt, cum id petunt, quod citra peccatum fieri, vel impetrari aut non potest, aut ægrè admodum potest: Ut si quis petat iniustum lucrum aut Episcopatum.

Mali aut malè
aut malum ple-
runq; petunt.

DE ORATIONIS QUANTITATE.

DE orationis porrò mensura, hoc est, longitudine vel brevitate commodè aliquid dicturi, iterum hic inter priuatam & publicam secernere debent. Constat namque, orationes communes vel publicas eo pondere eaque mensura & numero exoluendas esse, quo præfinitum est ab Ecclesia: Siquidem priuata auctoritate nihil hic addere, nihil adimere, nihil mutare licet, verum id simpliciter præstandum & dependendum est, quod à maioribus constitutum est. Ad priuatas autem preces quod spectat, eæ orantis constitutioni & fini, ad quem referuntur, quoad eius fieri potest, accommodari debent; siue is boni alicuius impetratio, siue mali cuiuspiam depulsio, siue aliud quodcunque eiusmodi sit: Neque enim vnus idemque precantibus omnibus scopus præfixus est, sed alius plerumque aliis.

Priuata orationis
mensura est
incerta, publicæ
lex Ecclesiastica.

PUBLICAE proinde orationis mensura est lex vel sanctio Ecclesiæ; priuatæ verò id, quod iam diximus, vel prudens cuiusque orantis discretio. Qui enim iudicio valet, haud difficulter apud se statuet, quousque orationis studium producere conueniat. Statuendum est tamen, orationes omnino liberas non facillè dici posse, aut nimis productas, aut nimis quoque contractas. Nam qui liberè orat, si prolixè orat, non peccat; sed neq; peccat rursum, si vota sua paucis exponat.

Libere orationes
non facillè
sunt nimis con-
tractæ, aut nimis
productæ.

QUI DE o pro contractis debitis satisfacere desiderat, is crebras preces fundere studeat: nam quò quisque diutius frequentiusque precatur, eò citius & plenius satisfacit: Quandoquidem prolixior oratio maiori constat labore, maioriq; difficultate; cæteris autem exequatis maioris laboris molestiæque quæritatem, maius consequitur satisfactionis pondus. Qui autem vitæ æternæ meritum venatur, magis quærat orationis feruorem, internamq;

Vbi maior labor
& molestia, ibi
cæteris exequa-
tis maior con-
tingit satisfactio.

Cauendum ne
orationis proli-
xitate in tædiū
incidamus.

animi deuotionem, quàm verborum prolixitatem. Eò namque oratio magis est meritoria, quò ex maiori charitate, maioriq;e spiritus feruore fuerit orta. Quare qui meritum, aut internam mentis dulcedinem aucupatur, tantisper oret, dum feruor ille spiritus perstat: Eo autem se remittente, ab oratione desistat. Si- quidem natura ad id redire trepidat, & quodammodo horret, in quo antè cū tædio & molestia versatā se meminit. Vnde Monachi Aegyptij, ne in id incommodum inciderent, crebras orationes habuisse legūtur, sed breuissimas & raptim quodāmodo eiaculatas.

1. Theff. 5.
I. u. c. 8.
Matth. 6.

At obiciat hīc fortè quispiam: Oratio continua non potest esse contracta, aut ad certam aliquam mensuram accommodata; Christus autē & post illū Apostolus semper, vel citra intermissione orandum esse prædicāt. Idem ille, qui dixit: Oportet semper orare, & nō deficere; dixit quoq; orantes nolite multum loqui, quod idem sonare videtur, quod inter orandum cōtracta oratione utamini. At quia mota difficultas non tota prorsus hac responsione sublata videtur, ne vlla antilogiæ suspicio fiat hīc reliqua, paucis explanādum est, quid sit semper orare, quid rursum, inter orandū non multa loqui: Siquidem de vtroq; loco non idem omnium est iudicium, nec eadem doctorū hominum interpretatio.

1. 2. q. 83. a. 14

D. T H O M A S orationem non quidem secundū se sed secundū causam, quæ ad orandum mouet, cōtinuam esse debere admonet, etsi postea in ea sententia non persistat. Orationis autē causa, eodem auctore, est charitatis, hoc est, gratiæ & gloriæ desiderium. Ioan. Gerson eundē Christi locum edisserens, virtualiter vel habitualiter semper orādum asserit. Virtualiter autem vel habitualiter, ut eidē placet, is semper orat, qui, vbi semel orare cœpit, nunquam orare per cōtrariam voluntatem desistit; ita ut ampliū orare nolit. Origenes & Glossa ad eundē locum hætenus semper orandum tradunt, quatenus nunq̃ desistendum est à bene operando. Dicitur em̃ solet; semper orat, qui semper bene agit. Huic interpretationi astipulatur Alensis quoq;e. Secundū hos ergo oratione vulgarissimè sumpta semper orandum est; dictum est namque, orationem trifariam accipi, propriè, communiter & communissimè, hoc est, impropriissimè.

Quomodo sem-
per orādum se-
cundū Gerso-
nem Orig. Glos-
sam, &c. alios.

OMNES isti interpretes orationem continuā ponunt & admittunt, quāuis alij alio sensu & modo: verū ad Dominicā parabola

læ scopū parū, ni fallor cōuenienter. Nam si rem rectè expendimus, Christus Dñs similitudine illa nō docuit, neq; docere voluit, semper citra vllam omnino intermissionē orādum esse; nōrat enī in hac mortali vita id fieri nullo modo posse: Voluit autē per illam nos admonere, non statim desistendum esse, si semel aut iterū aut etiam sæpius repulsam acceperimus; verū iterum iterumq; vrgendum & instandum, dum voti tandem compotes euaserimus. Quemadmodū quoq; vidua illa non contenta fuit semel aut iterū iniquum iudicem interpellare; sed repetitis vicibus toties eūdem adiit & interpellauit, donec tandem sua importunitate inuitū expugnauit. Neq; enim Dñs paradiigmate illo indicare voluit, viduā illam perpetuō ad iudicis ostium hēsisse, donec tandem, quod beneuolentia non poterat, importunitate extorqueret, sed crebrō cundē adiisse, frequenterq; de suo aduersario vindictā expetiisse.

ADDO, verba illa non esse Christi, continuam orationem indicentis; sed Euangelistæ, quomodo Christus similitudine quadā instanter orandum esse docuerit, exponentis. Quòd autem allatæ ad Euangelicam parabolam explanationes non ita sunt planæ, vt omni prorsus difficultate carcant, opōsa probatione non magno opere indiget. Ex prima sequitur, qui Christo per gratiā vel charitatē semel adiūctus est, eū vt determinatē aliquid à Deo petat, opus non habere: parabola autē agit de instanti oratione; prout vidua illa de aduersario suo instatē vindictā petebat. Secunda ad parabolæ scopum minus adhuc facit: Aliud enī quærit illa, quā simplicem rei cuiuspiam petitionem, à qua animus per oppositā volūtatem nunquam resiliat. Sed neq; verum est quoq; orationē virtualiter vel habitualiter continuam esse debere. Nam re, quæ petebatur, semel impetrata, nō est vt eam actu vel habitu ampliū vrgēamus; & eadem necdum obtenta, quoties lubitum fuerit, desistere licet, maximē si id, quod petitur, ad salutem non est absolute necessarium. Quin tertia quoque non ita multum cum parabola affinitatis habet: Aliud est namq; ab hoste vindictā vel aliam quamcunq; rem vtilem vel necessariam petere; aliud bonis operibus continuō vacare. Oportet ergo semper, hoc est, instanter magnaq; cum contentione, quod nobis necessarium indicamus, petere: neque prius à petitione desistere, quā iudicem nostra importunitate in sententiam nostram transfulerimus.

Quo sensu dictū sit, semper orandum esse.

Refutatur sententia Thomæ, Gersonis, Origenis, & aliorum quorundam de continua oratione.

1. Theff 5.

Scripturæ phra-
fi ea aſiduo ſe-
ri dicuntur, quæ
ſunt crebrò.

Lucæ 1.

Lucæ 2.

Qui cōtinuè vel
ſine intermiſſio-
ne orare rectè
dicantur.

Semper orandū
ſicut ſemp gau-
dendum.

1. Theff 5.

Eccleſ 3.

DICIS: Eſto, **CHRISTI** parabola continuam orationem non depoſcat, depoſcit tamen Apoſtoli admonitio: Siquidem is nulla vſus ſimilitudine aut circuitione, abſolutè ſine intermiſſione orandum pronunciat. Concedi poteſt, Pauli dictum aliquantò acrius vrgeret; Sed neq; huius quoq; mens fuit, mentali aut vocali orationi perpetuò inſiſtendum eſſe, ita vt nulla ab orationis ſtudio detur ceſſatio, aut requies. Voluit nos autem crebras frequētesq; ad Deum preces eiaculari, ne lōgo temporis interuallo ab oratione feriātes, hoſtis inſidiis capiamur, aut in aliquod aliud incommo- dum incidamus, idq; vſitata ſcripturæ phraſi. Nam Aſtorum duo- decimo ſine intermiſſione pro Petro carceri mancipato oratum legimus; & tamen non fit veriſimile, nullā orantibus à precatōne requiem fuiſſe indultam. Sic quoq; Anna filia Phanuel nunquā de templo deceſſiſſe ſcribitur, & tamen credi vix poteſt, eam dormiuiſſe in templo, aut cibum ſumpſiſſe in templo, aut cetera politicæ aut animalis vitæ munia in templo obuiuiſſe. Sed neq; tota quoque nocte & die ieiunabat & orabat, vt ibi aſſeritur; ſed hæc omnia per certas tantum temporum intercapedines præſtabat.

R E C T E proinde ſine intermiſſione, vel ſemper orare dicitur, qui ſtatis quotidie horis orat, etiamſi intermedio tempore aliud agat. Nec ab hac ſententia abhorrent, quæ D. Thomas in ſolutione quarti argumenti in rem præſentem adfert; ait enim: Aliquis continuè orat, vel propter cōtinuitatem deſiderij, vt dictum eſt, vel quia non intermittit, quin temporibus ſtatutis oret, vel propter effectum, ſiue in ipſo orante, quia etiam poſt orationem manet magis deuotus; ſiue etiam in alio, puta cū aliquis ſuis beneficiis prouocat alium, vt pro ſe oret, etiam quādo ipſe ab orando ceſſat & quieſcit. Denique ſemper orandum eſt, ſicut ſemper gaudendum eſt. Apoſtolus enim vtrumq; coniungit; ait namque: Semper gaudete, ſine intermiſſione orate, atqui, vt ex Salomone didiciſſus, nō ſemper gaudendum vel ridendum eſt; ſed ſuo quoque tempore ſlendum & plangendum. Sortiuntur enim mortalia omnia ſuum tempus ſuamq; vicifſitudinem.

S E D iuſtus nihilominus homo eget perpetuo Dei auxilio, vel ne cadat, vel vt lapſus reſurgat, vel vt à peccatis, quibus irretitus tenetur, ſe expediat, (ſine peccato enim non viuatur) vel certè vt **D E O** pro offenſis aliquid ſatisfaciat; gratia autem com-
muniter

muniter non datur, neque semel data conseruatur, nisi humiliter id petatur. Quicquid hinc dicitur, hoc totum cōcedi potest, verūm hinc nō sequitur, continuæ orationi insistentū esse. Sat est enim, si debita loca & tempora obseruentur: Siquidem præceptum, quo ad orationem urgemur, est vnum ex eorum numero, quæ certum à nobis actum exigunt; eiusmodi autem non obligant ad semper, vt dici solet, sed pro loci & temporis & aliarum peristaseōn qualitate. Debet proinde homo orare, sed necessitate id exigente; vt cū sacramentum sumere, aut periculosum iter ingredi instituit; aut grandius cum Dæmone vel carne certamen inire; vel aliud quod aliud negotium pōderosum capeffere compellitur. Verūm de hoc postea.

Quando præcipue sit orandum, ita vt peccetur si orationi non insistatur.

QVOD verò ad multiloquium attinet, quod CHRISTVS ab orationis regno proscribere videtur; ait namque: Orantes, nolite multum loqui; non est istuc ita accipiendum, quasi prolixè orare, aut eandem rem sæpius urgere, nefas sit, licet enim: nam & Dominus ipse in oratione frequenter pernoctabat, & in agone constitutus prolixius orabat, & calicis translationem tertio deprecabatur. Sic plurimos Sanctos diem cum nocte orando transiisse legimus. Proscribitur hinc autem & condemnatur inanis quædam gentilitiâq; in orando garrulitas. Etenim cū pagani eos inuocarent, propitiūque numinum loco haberent, quos homines extitisse plerique eorum nihil dubitabant; perinde cum illis agebant atque cum hominibus, erroribus, perturbationibus, ceterisque humanæ naturæ miseriis obnoxiiis.

Matth. 6.

Lucæ 6.

Lucæ 22.

Quid sit inter orandum multum loqui.

QVAM OBREM vt duros aut aliàs difficiles blanda oratione inflectere, absentes voce contentiore aduocare, causæ statum nescientes informare, aliud tandem agentes cohortatione attentos reddere consueuimus; ita illi minima opinione sua præsentia composita, absentia verò sonora oratione compellabant, quò nimirum hac ratione facilius, quod petebant, impetrarent. Sic sacerdotes Baal diu multumque Baal DEVM suum, vt exaudirentur, inclamasse scribitur: quos proinde Elias Propheta eiusmodi sarcasmo excepit: *Clamate voce maiori, DEVS enim est, & fortè loquitur, aut in diuersorio est, aut in itinere, aut dormit, vt excitetur. Clamabant ergo voce magna, & incidebant se, iuxta ritum suum, cultellis & lanceolis, donec perfunderentur sanguine.* Sed & Dæmones quoque, quos in Iouis,

3 Reg. 18.

Dæmones citra
externa indicia
mortalium cogi-
tatus cognoscere
non possunt.

aut Mercurij, aut Apollinis, aut Herculis, aut alterius hominis personam transformatos colebant, reipsa vocibus, aliisque indi-
ciis, aut signis, è quibus orantium conceptus haurirent, egebant; ut qui in illorum corda illabi, secretosque eorundem cogitatus rimari non possent.

Cur pagani &
infideles proluxa
oratione Deos
suos inuocabant.

D O M I N U S itaq; non omne multiloquium inhibet, sed tan-
tùm paganorum vel paganorum cognatum; ait enim: *nolite multum loqui, sicut Ethnicifaciunt.* Causamque, cur multa temerè verba pro-
funderent, adferens, hæc subdit: *putant enim, quòd in multiloquio suo exaudiantur.* Quæ dicit huc tendunt: Non alia illi de causâ prolixè orant, quàm ut inuitos auersosue in sententiam suam pertrahant, vel certè ut ignaros de causâ vel egestatis suæ statu informet. Vnde rursum subiungit: *nolite ergo illis assimilari. Scit enim pater vester, quid opus sit vobis, antequam petatis eum;* quasi dicat: Illi clament, illi verba prodigant, illi Rhetorù tropis & flosculis vtatur, quibus res est cū mutis insensatisque; statuis, aut, si quid eo amplius, cū iis, qui, quid in homine est, scire non possunt; Vobis autè, quibus cum eo negotiū est, qui ubiq; præsens est, omniāque; scit, priusquàm fiant, non opus est multis verbis, sed iis solū, quibus vota vestra patefaciatis, meamque; potentiam & misericordiam vos agnoscere declaretis.

Cuiusmodi sint
illi, qui multum
loquuntur, & pa-
rum orant.

M U L T U M ergo loquitur & parum orat, qui multiloquio suo DEVM perinde ac hominem in suam sententiam pertrahere labo-
rat, quasi aliter inflecti nō queat: Quandoquidem istud conari vel opinari, nō tam stultum est quàm planè impium. Multum rursum loqui & parum orare dici potest, qui inhonesta vel aliàs illicita à Deo efflagitat, esto concisissima oratione id faciat: Siquidè quicquid est contra legē vel rationem, hoc totum multum, imò verò nimium est; à Deo enim petenda sunt gratia & gloria, & quæ adhuc obtinenda sunt vtilia vel necessaria, nō caduci honores, aut opes, non inimicorū interitus, nō huius generis alia; aut si quid istiusce-
modi petendū est, absolutè petendū nō est. Multum nihilominus loquitur & parū orat, qui inter orandum vtitur verbis nimium affe-
ctatis, aut nimis exquisitè compositis: tollunt hæc enim omnem deuotionis & spiritus gustū, nec placent Deo, qui candore & simplicitate magis capitur, quàm verborū lenocinio. Multum tandem loquitur & parum orat, qui multa verba citra necessitatē cruetat, etiam si tantum honesta vel licita pctat. Absit ab oratione, scribit

Augu-

Augustinus, multa locutio, sed non desit multa petitio, si feruens perseverat intentio: Nā multū loqui, est in orando rem necessariā superfluis verbis agere: plerumq; enim hoc negotiū plūs gemitib. quā sermonibus agitur. Patet ergo semp orare, & nō multa loq; inter se non pugnare, quōue modo vel ratione bonus Christianus vtrumq; p̄dictorū p̄stare queat, & p̄stare quoq; suo tēpore debeat.

DE ORATIONIS FORMA.

DE orationis textura vel forma idem certa quadam ratione dici potest, quod de eiusdem qualitate & quantitate iam dictū est. Nam si est communis vel publica, ea solū verborum forma recitari vel decantari debet, quē ab Ecclesia est p̄z̄finita: Nihil enim homini priuato circa eam rē immutare licet; sed vnū illud simpliciter dependendum est, quod maiorū auctoritate constitutū est, & eo quidē modo & ordine & verborum tenore, quo cōstitutum est. Si autē est oratio priuata, cū aliud nihil sit orare, quā interni desiderij interpretem agere, potest vnusquisq; iis verbis vel signis inter orandū vti, quibus desiderium suum commodē decenterq; exprimat; si tamen vocali oratione vti placuerit: Nam si ea vti non voluerit, nulla opus erit externa precandi formula.

VERVMENIMVERO quōd multi passim comperiantur vsq; adeō rudes, vt neq; idoneos cōceptus formare, neq; vtcunq; formatos commodē exprimere valeant: Tum etiam quōd nō omnes vbiq; quid petere conueniat, satis exploratum habeant, operæ precium fuit, vt per quosdam idoneos rei illius artifices certę quēdam orationis normę conciperentur, scriptoq; inuulgarentur, quę & simplices erudirent, & ā formandi labore liberarent, & inane confusumq; multiloquium, quod ibi plerunq; accidere solet, vbi imperitia regnat, p̄z̄pedirent, & deuotionem suo pondere & grauitate excitarent, & de tempore tandem, quo orationi vacandum est, incogitantes commonefacerent.

Ea propter Apostoli, quā ardua res sit, commodē orare, nō ignari, precandi methodum ā CHRISTO expetendam putauerunt. *Doce nos, inquit, orare, sicut docuit Ioannes discipulos suos.* Quin in veteri Testamento quoq; multæ extabant orandi leges, multi precandi modi; quos ætatis illius sapientes diuino spiritu afflati, pro diuersis rebus impetrandis vel incōmodis auertendis conscripserant, populūq; communes fecerāt. At multō verō plures sub legē

Euan.

Epiad Probam.

Publica oratio
ea verborum for
ma persolui de
bet, quę ab Eccle
sia est p̄z̄finita.

Vbi imperitia
regnat, ibi mul
tiloquium ple
runque locum
habet.

Luce 11.

Triplex præci
Ecclesiasticarum
genera.

Euangelica sunt editi. Vix vlla enim extat res, quæ honestè peti possit, de qua peculiare orationes & preces non sint conscriptæ. Est nihilominus magnus in eiusmodi orationibus delectus habendus, ne forsan inde virus hauriamus, ubi mel querebamus. Omnium præstantissimæ & tutissimæ sunt, quæ petuntur ex sacris bibliis; proximum locum tenent, quas vniuersalis Ecclesiæ vsus approbavit; postremum, quas diuturna particularium Ecclesiarum consuetudo recepit: Quamuis ne illæ quidem omnes satis sunt limatæ & aptæ.

Oratio dominica excedit omnes alias orationes, quodcumque tandem spectare libuerit.

Collo. 2.

Matth. vlt.

Oratio dominica est præstantissima.

De orat. Domi.

Actor. 2.

Ioan. 14.

Oratio dominica sanctissima.

In exp. or. Dom.

Ad Prob.

Nihil iustè peti potest, quod dominica oratio non comprehendat.

INTER omnes autem precandi formulas, omnium iudicio, principatum obtinet oratio Dominica; siue orationis huius dignitatem, siue fecunditatem, siue ordinem, siue breuitatem, siue aliud quodcumque eiusmodi considerare lubeat. Est orationum omnium dignissima; quia ab eo dictata nobisque tradita, in quo omnes thesauri scientiæ & sapientiæ sunt reconditi, cuique tradita est omnis potestas in cælo & in terra; nempe ab vnigenito summi DEI Filio. Quæ oratio, scribit Cyprianus, potest esse spiritualiior, quàm quæ à CHRISTO nobis data est? à quo etiam Spiritus sanctus nobis missus est? Quæ petitio apud patrem exauditiior, quàm quæ ab ore Filij, qui veritas est, prolata creditur?

Est fecundissima, quando quidem nihil extat, quod iustè peti queat, quod ea in se non comprehendat. Magna, scribit idem Cyprianus, sunt orationis Dominicæ sacramenta, quia multa & magna breuiter sunt in sermone collecta; ita vt nihil prætermisum sit, quod non in precibus & in orationibus nostræ cœlestis doctrinæ compendio comprehendatur. Huic cognatum est illud Augustini: si rectè & congruenter oramus, nihil aliud petere possumus, quàm quod in oratione Dominica positum est. Et infra: Si omnia sanctarum precationum verba percurras, quantum existimo non inuenies, quod ista oratio Dominica non includat. Et scripturarum exemplis, quod dixerat, verum esse per singulas petitiones ostendens, hæc subdit:

QVI dicit: *Clarificare in omnibus gentibus, sicut clarificatus es in nobis, vt Propheta tui fideles inueniantur*, quid aliud dicit, quàm *sanctificetur nomen tuum*? Qui dicit: *Ostende nobis faciem tuam, & salui erimus*, quid aliud dicit, quàm *adueniat regnum tuum*? Qui dicit: *Dirige gressus meos in semitis tuis secundum eloquium tuum*, quid aliud dicit, quàm *fiat volun-*

Eccles. 36.

Psalm. 79.

Psalm. 118.

voluntas tua? Qui dicit: Diuitias & paupertatem ne dederis mihi, quid aliud dicit, quàm panem nostrum quotidianum da nobis hodie? Qui dicit: Memento Domine David & omnis mansuetudinis eius, & iterum: si reddidi retribuētibus mihi mala, quid aliud dicit, quàm dimitte nobis debita nostra, sicut & nos dimittimus debitoribus nostris? Qui dicit: Aufer à me concupiscentiam ventris, quid aliud dicit, quàm & ne nos inducas in tentationem? Qui dicit: Eripe me de inimicis meis, quid aliud dicit, quàm sed libera nos à malo? Et sic si per omnia sanctarum precationum verba discurras, nihil inuenies, quod in ista oratione Dominica non contineatur. Hactenus Augustinus, qui idem quoq; confirmat ex omnibus pene afflictionibus, quæ in hominē cadunt. Verùm non est huius loci fusiùs isthæc persequi: Pertinēt ea enim ad singulorum petitionum explanationem, quam hic non meditatur.

Est eadem rursus sapientissimo ordine digesta. Nam cùm oratio desideriorum nostrorum interpret sit, consentaneum est, vt votorum nostrorum ordini respondeat ordo petitionum. Est autem desiderij & executionis dispar ratio: Siquidem id postremo plerumq; obtinetur, in quod voluntas primò fertur; Vnde dici solet, quod primum est in intentione, id vltimū est in executione. In voluntatis autem desiderium primò cadit finis: mox ea, quæ sunt ad finem; & quæ fini sunt viciniora, ea voto sunt priora; sicut è diuerso, quæ executione sunt priora, ea à fine magis sunt disita. At finis noster DEVS est. In DEVM autem voluntas vel desiderium nostrum bifariam tendit: Vno modo absolutè, prout nimirum secundum se summum bonum est, & huc tendit prima orationis Dominicæ petitio; petimus hac enim nominis illius sanctificationem, eiusdemq; gloriam & perfectionem. Altero modo relatè; prout nimirum summum nostrum bonum est; & ad hoc pertinet secunda petitio, qua regni illius aduentum exoptamus.

Ad finem autem, qui DEVS est, bifariam aliquid nos promouet; vno modo per se, altero modo per accidēs. Per se huc nos dirigit bonum vtile, quod est bipertitum. Alterum primariū, quale est, quod directè in hunc scopum nos transmittit. Eiusmodi bonum est vitæ æternæ meritum. Meritum autem religiosa diuinorum præceptorum obseruatione præcipuè comparatur. Atque huc spectat tertia Dominicæ orationis petitio, nempe illa: *Fiat voluntas tua sicut in celo & in terra.* Alterum secundarium minusque

Prouerb. 30.

Psal. 131.

Psal. 7.

Eccles. 23.

Psal. 58.

Oratio dominica sapientissimo ordine digesta.

Voluntas humana bifariam in Deū fertur, absolute & relatè.

Ad cœlestē beatitudinem, bifariam nos aliquid promouet, per se & per accidēs.

principale, quo nimirum veluti instrumento externoque adminiculo ad sempiternæ vitæ fontem promouemur. Hoc autem am-
bimus, dum ita oramus; *panem nostrum quotidianum da nobis domine*; siue de naturali & terreno pane id accipiatur, siue de cœlesti & trans-
naturali, hoc est, Eucharistico & Sacramentali. Nam vt panis na-
turalis inter cibos naturales primas sibi vendicat; ita Eucharistia
inter cætera Sacramenta, quæ sunt quædam spiritalia alimenta.

Tria sunt, quæ
à cœlesti gloria
nos impediunt.

PER accidens ad DEVM cœlestemque beatitudinem pro-
hibentis vel præpedientis remotione dirigimur. Ab utroque autem
tria nos impediunt. Horum primum & potissimum est peccatum;
siquidem vnum hoc directè à cœlesti regno excludit. Et huc ten-
dit quinta petitio, nimirum illa: *dimitte nobis debita nostra, sicut et
nos dimittimus debitoribus nostris*. Secundò non parum sæpe insti-
tutum melioris vitæ cursum remoratur tentatio: Efficit enim
hæc, præsertim si grauior extiterit, ne promptam DEO præste-
mus obedientiam: Quandoquidem sua natura inclinatur ad pecca-
tum; & nisi cautio & peculiare DEI auxilium adsit, frequenter in
illud deiciit: & contra hanc assignatur sexta petitio, quæ est eius-
modi: *Et ne nos inducas in tentationem*. Tertiò & postremò non leue
multis vinculum iniungit vitæ huius miserię & pænę, aliæque, quæ
vel ex his oriuntur, vel eas comitantur; & contra hæc facit vltima
petitio, quæ talis est: *Sed libera nos à malo*. Alij alia ratione & metho-
do colligunt petitionum harum seriem & numerum, sed in rem
præsentem sat est iam assignata.

Oratio domini-
ca pro rerū pon-
dere est breuif-
sima.

Causæ diuersæ,
cur oratio domi-
nica sit succin-
cta.

EST tandem pro rerum pondere & sententiarum grauitate
breuissima. Contextuit autem CHRISTVS Dominus orationem
hanc verbis paucis, primò quidem quò hinc coniciamus, inter
orandum magis vtendum esse mente & animo, quàm verborum
streptu, Patremque misericordiarum DEVM (modò pio submissòque
pectore inuocetur) facilimos aditus præbere. Mox verò quò absque
molestia & tædio crebrius repeti, maiori que cum deuotione &
attentione dici possit: Siquidem animus orationis prolixitate de-
fatigatus, facili negotio ad inepta dilabitur. Postremò autem quò
commodius ab omnibus valeat edisci. Vix enim tam rudis aut in-
docilis quispiam comperitur, qui orationem Dominicam, saltè
secundùm sententiam, dummodo velit, memoria completi non
possit. sed & verba quoque tanta non sunt, vt perdisci non queant.

QVAM-

QVAMOBREM omni excusatione indigni videntur, qui hæc non tenent, aut vt teneant, diligentem operam non nauant. Certè Concilium Toletanum quartum CHRISTVM omnibus, vt orationem hanc dicant, præcepisse affirmat. At quomodo dicent, si ignorant? Quin Remense Concilium quoq; nulli Christiano orationem Dominicam ignorare fas esse disertis verbis pronunciat: nisi quis forsan isthæc, aliâque similia, quæ alibi leguntur, non ad verborum seriem referenda existimet; sed tantum ad orationis sententiam; omnibus enim generatim compertum esse debet, quid petendum sit, quiddæ honestè peti possit; hoc autem totum habetur in oratione Dominica. Patet ex his ergo, quot modis & partibus oratio Dominica cæteris omnibus à quibuscunque tandem conscriptis præstet.

NEQVE hinc tamen sequitur, solis illis verbis, quæ Dominus præscripsit, inter orandum perpetuò vtendum esse: vt insulsè aliquando putauerunt & docuerunt insani VValdenses. Nam & ipse CHRISTVS & Apostoli eiusdem post ipsum alia orandi forma per sæpe vsi sunt. *Mi pater*, ait CHRISTVS, *si possibile est, transeat à me salix iste*. Item: *Pater sancte, serua eos in nomine meo, quos dedisti mihi*. Item: *Pater dimitte illis, quia nesciunt, quid faciunt*. Et Apostoli: *Te Domine, qui nosti corda omnium, ostende quem elegeris ex his duobus vnum*. Possumus ergo exemplo CHRISTI & Apostolorum, imò totius Ecclesiæ, quæ pro rerum diuersitate, quas petit, diuersis precationibus de more vtitur, quibuslibet verbis, dummodo sint commoda, secreta cordis nostri vota DEO patefacere.

AT quanquam animi desiderium quibuslibet idoneis verbis depromere liceat, non licet tamen aliquid desiderare, aut petere, quod ad aliquam Dominicæ orationis partem reduci non queat. Nam, vt ex Cypriano & Augustino paulò antè demonstratum est, quicquid piè iustq; peti potest, hoc totum CHRISTVS oratione illa complexus est. Quare cum Dominus ait: *sic vos orabitis*, non cogimur, sed sic aduerbium; ad verborum similitudinem referre, sed fat est, si ad rerum petendarum cognationem referamus, vt idem sit; sic orabitis, quod orantes similia petetis. Et eodem modo exponere licet illud Cypriani: Aliter orare, quàm CHRISTVS docuit, non solum ignorantia est, sed etiam culpa. Sed neque CHRISTVS quoque tradidit eam formam

Can. 9.

Can. 2.
Quis Christianus, orationem dominicam discere obligatur.

Licet alia oratio ne quam dominica sit.

Math. 26.

Ioan. 17.

Luc. 23.

Act. 1.

Nihil licet petere à Deo, quod ad aliquam orationis dominicæ petitionem reduci non queat.

Math. 6.

absolutè præcipiendo, sed tantùm erudiendo & informando ab Apostolis, vt Lucas narrat, ad hoc rogatus. Interim, vt proxime dicebamus, nullo modo culpa vacare putandi sunt, qui orationem hanc, neq; discunt, neq; dicunt, neq; vt discant & dicant incūbunt.

PORRO autem solāne lingua vernacula disci & dici debeat; an verò lingua tantùm latina vel alia peregrina, hoc nōs propter diuersos locorum & prouinciarum ritus & consuetudines in medio relinquimus. Generatim dici potest, qui priuatim & liberè orant, consultiùs facere, si ea lingua vel idiomate mentem suam coram Deo effundant, quam rectiùs callent. Quandoquidem affectus consequitur intellectum, vbi autem nullus eorum, quæ petuntur, vel dicuntur, habetur intellectus, aut quidam tantùm generalis, ibi ordinaria lege exiguus assurgit affectus. Quare nisi lex aut mos patrius obstat, idiotæ literarumque rudes rectiùs faciunt, si orationem Dominicam, salutationem Angelicam, symbolum fidei, præcepta Decalogi, cæteraq; fidei rudimenta ea lingua ediscant, quam vnā cum lacte hauserunt, quàm si quamuis aliam externam vel peregrinam ad eam rem adhibeant.

DIXERIM, priuatim orantes consultiùs facere, si noto sermone inter orandum vtātur, quàm si ignoto: Nam si qui sunt viri aut fœminæ, quæ horas Canonicas ex ordinis sui statuto publicè cantunt aut legunt, illæ instituti sui legibus accommodare se debent, & nō promiscuè hac vel illa lingua vti. Sed & tolerabilius est quoque, si Italus, vel Hispanus, vel Gallus orationem dominicam latinè recitet, quàm si Germanus, aut Sarmata, aut Bohemus id faciat. Siquidem natiuum horum idioma cum lingua latina nullam prorsus cognitionem habet, illorum satis magnā. Et hæc de orationis forma.

DE ORATIONIS LOCO.

Ad loci porrò, in quo orandum est, qualitatem quod spectat, ea ex precum discrimine, cuius semel atq; iterum iam antea mentio facta est, peti debet. Neq; enim par ratio est publicarum & priuatarum precum, Quamuis enim communes vel publicæ preces vbilibet locorum salubriter fundi queant, & pro rerū necessitate, vel temporū difficultate fundi quoq; nonnunquā soleant (nam & per agros & cāpos, p̄ vrbes & vias publicas, per exercitus & nauales classes, & alia quīs loca ad impendentē cladem vel præsentem

mise-

Oratio dominica, cæteraq; quæ ad Christianam catechesin spectant, ab iis qui latinè non callent & priuatim orant, salubrius discuntur & dicuntur lingua vernacula quàm latina.

Publicæ preces pro rerū necessitate vbilibet depromi possunt.

miseriam depellendam opportuna, stationes haberi possunt, nostraque & auorum nostrorum memoria sæpe habitæ sunt. Sed & Martyrum quoque tempore Christi fideles in montibus & cryptis terrarumque cauernis, vel in priuatis ædibus multò frequentius conuentus agitabant, quàm in publicis Basilicis; vt quæ perraræ id ætatis extarent) vsitatiùs nihilominus in locis certò ad hoc munus determinatis & destinatis, vt sunt templa publica que oratoria, fundi haberi que assolent; Quò nimirum ij, pro quibus funduntur, illi, si voluerint, sese coniungere; nec, nõ ritè ac decenter ea fiant, quæ communi omnium nomine fieri debent, explorat è cognoscere valeant. Nam, vt obiter suprà indicatum est, Ecclesiæ ministri non ea de causa ex publico sacræ censu aluntur vt otientur, verùm vt quotidie pro communi omnium salute precentur, debitumque; Deo cultum deferant: Sicuti in veteri Testamento leuitæ pro cæteris omnibus tribubus, quarum sudoribus victitabât, iugiter in tabernaculo Deo deserviebant. Debent proinde publicæ preces publicis certisque locis persolui; sicut etiam certis statisque temporibus & horis; nisi publica forsân utilitas, vel necessitas aliud quandoque postulauerit.

At verò priuatæ & liberæ preces, imò etiam præceptæ, quæ iure vel consuetudine nullum certum locum sibi determinant, quouis loco, dummodo cæteræ circumstantiæ non desint, de promiac fundi possunt. Ad secretum orationis locum pertinet illud Christi: *Tu verò cum oraueris, intra in cubiculum tuum, & clauso ostio, ora Patrem tuum in abscondito, & Pater tuus, qui videt in abscondito, reddet tibi.* Ad quemlibet promiscuè illud Apostoli: *Volo viros in omni loco orare, leuantes puras manus sine ira & disceptatione, similiter & mulieres.* Et illud item Prophetæ Regij: *In omni loco dominationis eius, benedicat anima mea Dominum.* Et illud tandem Christi: *Veri adoratores Patrem in spiritu & veritate adorant.* Siquidem spiritus, quòd partis exors sit, abstrahit à loco & tẽpore. Præterea oratio interior interioris voti vel desiderij interpres & index est: atqui interior vis animi fertur in Deum sine ordine ad certum tempus vel locum. Denique cum Dei præsentia à nullo loco excludatur; (Scriptum est enim: *Ego cælum & terram impleo.* Rursum: *Quò ibo à Spiritu tuo? Si ascendero in cælum, tu illic es; si descendero ad infernum, ades; si sumptero pennas meas diluculo, & habitauero in extremis maris, etenim illuc manus tua deducet me)* nullus

Quo fine sacris
initiati ex sacro
censu alantur.

Matth. 6.
Preces priuatæ
vbi libet fundi
possunt.

1. Tim. 2.

Psalm. 102.

Ioan. 4.

Hierem. 25.

Psalm. 138.

quoq; locus ab illius cultu & laude vacare debet, adeoque seclusa aliorum offensione, quæ in mentali oratione locum habere non potest, in omni loco licitè adoratur & inuocatur.

VERVM enim uerò licet vbilibet locorum, etiam in stabulo, si alius cōmodior locus se nō obtulerit, Deum inuocare, eiusdemq; fauorem & opem implorare liceat; sit id tamen conuenientiùs in locis sacris, precibusq; fundendis ex instituto destinatis, quàm in profanis. Nam si ea omnia, quæ ad humanæ uitæ vsum cōficiuntur vel administrantur, habēt sua certa & determinata loca (neq; eñ eodē loco cubatur & cœnatur; idem statuatur de reliquis. singulæ enim artes, singulaq; munia, sua sortiuntur loca suasq; officinas) cur oratio, quæ, vt rectè fiat, maxima attētionē & studio eget, nulum peculiarem locum sibi vēdicet? Vt ergo locus sacer profanis negotiis tractandis non censetur idoneus: ita neq; locus omnis profanus vocalibus præsertim & debitis precibus ad Deum fundendis sat cōmodus videtur; adeoque si domi oratorium vel alius opportunus locus desit, consultissimum & decētissimum est, orationis causâ publicâ templâ adire.

SEDE neq; solū decens est, orationis causâ sacra loca frequētare; sed multis quoq; de causis vtile & fructuosum est: Quandoquidem propter cōsecrationem, Christi; in sacrosanctæ Eucharistiæ Sacramēto, sacrarumq; reliquiarum & Angelorum præsentiam; tum ob certam quoq; DEI Opt. Max. promissionem, (neq; enim minor est virtus Episcopi cōsecrantis, piissimasq; totius Ecclesiæ nomine preces adhibentis, quàm Salomonis) publicâ templâ multò ad orandum, feruoremq; excitandum sunt aptiora, multòque ad id impetrandum, quod petitur, efficaciora, quàm loca quæcunque profana.

MITTO hic piorum exemplum, quod magnâ vtiq; ad excitandam deuotionem vim habet. Quis enim ad orandum se nō componat, dum alios secum agentes tam fernidas preces fundere cōsiderat? Mitto singularem eorundem, dum ad vnum aliquod opus sanctè conspirant, quiduis efficiendi vel impetrandi potentiâ; notum est enim illud Christi: *Dico vobis, quia si duo ex vobis consenserint super terrâ, de omni re, quâcunq; petierint, fiet illis à Patre meo, qui in calis est.* Iam si tantam vim habet duorum, aut trium consensus ad impetrandum, quid non impetrabitur si aliquot millia, vt sæpe fit, in vnum

Satius & vtilius & decētius quoque est in sacro quàm in profano loco orationem iacere.

Sacer locus multa offert, quæ deuotionem excitant & augent.

Matth. 18.

Concursus orationis auctorem augere vires.

unum coierint? Deumq; pro re aliqua salutari, vel necessaria suppliciter rogauerint?

Mitto tandem, locum sacrum pij cuiusdam admonitoris officio ppetuò fungi. Etenim qui horreum, vel ænopolium, aut aliù quemcunq; eiusmodi locum profanum ingrediuntur, nihil ferè vnquam obuium habent, quod de pietate fundendisue ad Deum precibus illos cõmonefaciat; sed multa potiùs, quæ à precandi benèq; agendi studio seuocant. At verò vbi quis pio animi studio quodcunq; templum intrauerit, vt nullus adsit, qui exemplo, prouocet, aut consilio instiget, ex ipso statim loco lociq; cõpositione orandum esse intelligit. Atq; hinc factum videtur, vt in plerisque Germaniæ ciuitatibus publica templa ita sint exedificata, vt ostiis ex diametro oppositis publicam quasi semitam transeuntibus offerant, quò hac ratione ij quoq; ad orandũ prouocentur & inducantur, qui nullam fortassis de oratione cogitationem conceperant: Mouent enim obiecta sua natura sensus, & illi mētem. Patet hinc ergo, non solùm decorum esse, in locis diuino cultui dedicatis orare, verùm etiam vtile & salutare. Sed obiicis; CHRISTVS Dominus, vt paulò antè auditum est, orationem priuatam secreto vult fieri, ait enim: *Tu autem cùm oraueris, intra in cubiculum tuum, & clauso ostio ora patrem tuum &c.* Secretum autem & publicum inter se pugnant. Ad hoc breuiter dici potest, publicum & priuatũ ad orationis naturam secūdum se nihil facere. Nam cùm orare, actus sit genere suo bonus, vbilibet fieri potest, et laude dignus est, vbicunq; tandem fiat, modò rectè fiat. At verò ad orãtem quod attinet, debet is eo loco & tempore orare, quo minùs impeditur, magisq; ad deuotionem incitatur. Si quispiam ergo eius ingenij est, vt in hominum turba orare non queat, vel cõmodè id non queat, aut sine aliqua inani gloria vel grandi distrac̃tione nõ queat, oret is domi, vel loco aliàs secreto, nisi priuatum votum, aut Ecclesiæ statutum, aut superioris mandatum aliud exigat. Contrà verò si quis solus orans plerunq; friget, cum aliis autem orans calet, aut minùs friget, is orantium multitudini sese adiugat. Denique si quis ita affectus est, vt æquè commodè publicè orare valeat, atq; priuatim, si nihil impedit extrinsecum, consultiùs facit, si publicè cum aliis, quàm solus domi oret. Rationes huius paulò antè allatæ sunt nonnullæ, quibus maioris lucis causa vnã aut alteram adhuc addo.

Templa pij ciuiliam monitoris munere funguntur.

Matth. 6.

Quis eo loco oret, vbi maiori spiritali fructu sese orare possit persuasum habet.

Honesti amant
lucem.

Ioan. 3.

Publica oratio
diuinum cultū
ornat, & proxi-
mum ædificat.

Matth. 5.

1. Pet. 3.

Cur Dominus
precaturus se-
cretum cubiculi
petere hortetur.

Matth. 6.

Quid sit mysti-
cè in cubiculo
orare.

PRIMO orare res est secundum se honesta; iam ut turpia amant tenebras, ita è diuerso honesti amant lucem: *Qui malè agit, inquit Christus, odit lucem; & non venit ad lucem, ut non arguantur opera eius. Qui autem facit veritatem, venit ad lucem, ut manifestentur opera eius, quia in Deo sunt facta.* Mox publicè orare non parum facit ad diuini cultus amplificationem proximi què ædificationem; Certum est enim, quò plures ad publicam orationem conueniunt, eò diuinum cultum augustiorem populi què deuotionem auctiorem reddi: Neque enim frustra à Domino nostro dictum est: *Sic luceat lux vestra coram hominibus, ut videant opera vestra bona, & glorificent Patrem vestrum, qui est in cælis.* Pertinet huc quoque illud Petri: *Conuersionem vestram inter gentes habentes bonam, ut ex bonis operibus vos considerantes, glorificent DEVM.* Denique qui publicè orant, ab erroris vel hæresis suspitione, in quam fortè deuenire poterant, sese vindicant. Quis enim eum de religione rectè sentire diceret vel iudicaret, quem nulla re impeditum ad nullum vnquam publicum orationis locum, nisi vi præcepti fortè adactum, prodire cerneret? Addi hîc potest, si in locis publicis orare res esset mala vel minùs bona, DEVM per Spiritum suum nunquam suafurum fuisse, ut publica orationis loca non sine ingentibus sumptibus passim erigerentur & instituerentur.

Illud autem Christi: *Tu cum oraueris &c.* non condemnat eos, qui publicè orant; condemnat autem insulsam pharisæorum ambitionem. Consueuerant enim illi in Synagogis & angulis platearum stantes orare, quò ab hominibus viderentur, pii què ac religiosi vulgo haberentur, quod orandi studium, ut vanum & fastu plenum, Deo placere non potuit. Sed neque præcepti quoque vim Christi dictum obtinet, sed tantum consilij. Ostendit enim infirmis viam, per quam incedentes ab inani gloria & turba inter precandum liberi esse queant: Confutat hîc nihilominus quorundam paganorum errorem; putabant hi enim, DEVM quasi loco circumscriptum, in solis delubris supplicum preces audire, quod & falsum & cogitatu planè ineptum erat. Mysticè autem clauso ostio intra cubiculum orant, qui vbicunque tandem orationi vacent, irruentibus malorum cogitationum turbis nullum locum præstant, curas què seculares, & quicquid tandem feruenti orationi impedimentum adferre potest, studiosè eliminant. Verùm de orationis loco satis.

DE orationis tempore, quæ necessaria videbantur, exposita sunt iam antè: Quòd si quid adhuc reliquum est, illud, vbi de horis Canonicis seorsum differetur, cōmodiùs explicabitur. Hic vnum id solum monuerim, nempè, publicas preces tempori, quod vel lege præfinitum, vel more receptum est, accommodari debere; priuatim autem orantes quauis diei hora orationi salubriter vacare posse. Fallūt enim, qui solis dominicis & festis diebus orādum putant; nam etsi dies illi peculiari quadam ratione pietati & deuotioni nuncupati & consecrati sint, cæteris tamen diebus ab oratione non est prorsus abstinendum. Sanè qui manè, antequā ordinarium opus adoriuntur, & vesperi rursum, priusquam quieti sese dedunt, breui saltem oratione sese non muniunt, illi Christiani hominis officium nimis supinè & negligenter obeunt, magnæque ruinæ periculo sese exponunt.

DE corporis compositione & situ, cæterisq; gestibus & cæremoniis, quarū cū in publica tum in priuata quoq; oratione vsus est, sacræ literæ nihil, quod præcepti vim præ se ferat, tradunt. Scribit sanè Paulus: *Volo viros in omni loco orare leuantes puras manus.* Et alio loco: *Flecto genua mea ad patrē dominī nostri Iesu Christi etc.* Sed neq; per hoc, vt inter orādum genua incuruamus, neq; per illud, vt manus subleuamus, mandat. Verū verbo & exēplo, vt castas humilesq; preces fundamus, tantū suadet. Sed neq; sacri quoq; Canones aliud ferè his de rebus decernunt, quā vt ad Euangelij lectionē stetur, ad nominis Iesu pronuntiationem genu flectatur, ad versiculum, Gloria Patri & Filio &c. assurgatur, ne ad cōmunem orationem inter Pascha & Pētecosten genua curuentur. Quamobrē in publica oratione vnusquilibet Ecclesiæ suæ ritum & consuetudinem obseruet: in priuata autem id sequatur, quod in finem, in quem tendit, præ cæteris vtilius fore arbitratur.

HVG O Victorinus de externis eiusmodi ritibus & cæremoniis, scribit alicubi in hunc modum: Sunt quædam in Ecclesia Sacramenta; in quibus etsi principaliter salus non consistit, tamē ex his salus augetur, in quātum deuotio exercetur. Et ex iis quædam constant ex rebus, qualia sunt aquæ aspersiones, susceptio cinerū, benedictio florum, cercorum, & huiusmodi. Aliqua cōstant ex factis; qualia sunt signaculū crucis, exufflatio exorcizationis, expāfio manuum, incuruatio genuum, & huiusmodi. Aliqua cōstant in

Non solum festis, sed etiā pro festis diebus orandum est.

1 Timoth. 2.
Ephes. 3.

De corporis, gestibus & cæremoniis, quas inter orandum adhibere oportet, Scriptura & Canones pauca præscribunt.

Ceremoniarum rerumq; Sacramentalium alie constant rebus, alie factis, alie dictis.

diſcis, vt Trinitatis inuocatio. Signa proinde corporalia & geſtus, quæ in oratione adhibentur, ſuam quoq; ſignificationē habent.

Quare Orientē
verſus oratur, plu-
res ſunt cauſæ.

CÆTERVM VT in quauis oratione duo minimū ſe offerunt, vnus nimirum, qui rogat, alter qui rogatur: ita orantium geſtus duo designant. Alterum ex his pertinet ad Deum, qui inuocatur; alterū ad hominē, qui inuocat. Ad Deum ſpectat vultus ad Orientem cōuerſio; Significatur hac enim, vt ſol & lux, quæ inde oriuntur, & quendam inter ſui ordinis res principatū obtinent, hæc quidem inter corporeas qualitates, ille verò inter cætera cæli luminaria; ita Deum, ad quem oratio dirigitur, naturas oēs procreatas immenſo intervallo poſt ſe relinquere. Cū ad orationē ſtamus, ſcribit Auguſtinus, ad Orientem cōuertimur, vnde cælum ſurgit, non tanquam hic habitet Deus, quaſi cæteras mundi partes deſerens, qui vbiq; locorum præſens eſt, non locorum ſpaciis, ſed præſentia maiestatis; ſed vt admoneatur animus ad naturā excellentiorē ſeſe conuertere, hoc eſt, ad Deum, cū ipſum corpus, quod terreum eſt, ad corpus cœleſte excellentius conuertitur.

Lib. 2. de ſerm.
Dei, mont.

Lib. 4. cap. 13.

DAMASCENVS communi huic rationi addit quaſdam alias: Deus, ſcribit ille, paradifum non ad Occidentem, ſed ad Orientē, vbi hominē plaſmauit, poſuit: quem inde quoq; propter trāſgreſſionem, expulit. Antiquam igitur patriam inquirentes, & oculum ad ipſum conuertentes, Deum adoramus. Moyſes quoq; tabernaculum, velum, & propitiatorium Orientem verſus habebat: Et in Salomonis templo porta Domini ad Orientem ſtatuta erat: Et Chriſtus crucifixus ad Occidentem ſpectabat: Et aſſumptus ad Orientem ferebatur, & ſic illum Apoſtoli adorauerūt; ipſum igitur expectantes ad Orientem adoramus. Hæc Damascenus & alia quædam in eandem ſententiam.

Chriſtus in eru-
cem aſtus Occi-
dentem ſpecta-
bat.

Deus ibi magis
eſſe dicitur, vbi
peculiaris ope-
ratur.

ADDI his poteſt, licet Deus ex æquo ſit vbiq; attamen quòd recepto loquendi modo, ibi magis eſſe perhibeatur, vbi peculiaris operatur, (familiarius enim dicitur, eſſe in cælo, quàm in inferno, aut in alio quouis loco) fieri, vt certa quadam ratione magis cenſeatur eſſe in Oriente quàm in Occidente: Quandoquidem in ſublunari hoc orbe pleraque omnia per corporum cœleſtium motum, qui ex oriente cæli parte exordium facit, moderatur & efficit. Ob hæc igitur efficiendi vim, quæ in ea cæli regione euidentior exiſtit, DEVM in Oriente collocaamus, eundemq; adora-

adoraturi Oriētem verſus ora conuertimus. Iudæi porro, ne cum idololatriſ, qui ſolem orientem, reliquaſque aſtra, quæ inde exurgunt, adorabant, conſpirare viderentur, intra templum conſtituti Occidētem verſus adorabant: Extra templum autem, vbicunque terrarum egiſſent venerationis cauſa, templum verſus perpetuò ſe incuruabant.

Quò Iudæi ſolè
cōuerterent in-
tra vel extra tē-
plum oraturi.

AD DEI itaq; maieltatem designandā pertinet, quòd contra Orientem adoramus: Cætera ferè, vt ſunt genuflexio, prona adoratio, peſtoris tunſio, manuum ſubleuatio vel cōplicatio, aliæque eiufmodi complura, ad nos potiùs quàm ad DEVM ſpectant. Sunt iſthæc enim certi quidam interni hominis indices. Nulla itaque ex eiufmodi cæremoniis eſt otioſa, tametſi publicè non quæuiſ ſint adhibendæ, ſed eæ ſolùm, quæ iure neminè offendere queāt. At de præcipuiſ orationis circumſtantiis ſatis; ſi quæ ſunt aliæ, eæ ibi commodiùs explicabuntur, vbi de efficaciſ orationis adminiculis & impedimentis peculiarem diſputationem inſtituimus.

Cuiuſmodi cæremoniz & geſtus publicè inter orādum adhibendi.

De orationis vi cum pro ſe, tum pro aliis quoque ſuſa.

CAPVT QVARTVM.



ACTENVS de præcipuiſ orationis partibus, vulgarioribusque eiufdem circumſtantiis diſputatum eſt; nunc ordinis ratio poſtulat, vt de illius vi & efficacia nonnulla quoque in medium adferamus: Si quidem cuiuſque rei quidditatem conſequitur ſua viſ & operatio, vnde de ipſius natura iudicium fieri queat. Nam quale eſt vnumquodque, talia operatur, & vice verſa, tale eſt cuiuſque opus, quale eſt illius eſſe vel natura, vnde dimanat. Orationis autem viſ eſt tanta, vt vix vllus orationis modus eam conſequi valeat. Neque enim vllum malum extat tantum, quod orationis virtute proſligari non poſſit; neque vllum rurfus bonum tam illuſtre, quod eiufdem ope & adminiculo obtineri non queat.

Vnaquevis res & natura ſuam ſortitur viſi, ſuamque operationem.

ORATIO enim, vt ſummatim vires illius ob oculos ponam, noxas ſanat: *Serue nequam omne debitum dimiſi tibi, quia rogasti me, nonne oportuit et te miſereri conſerui tui?* Eſt hic ſermo de noxarum, non de pecuniarū debito. Oratio dæmoneſ fugat: *Hoc genus dæmoniorū non*

Cap. 18. Matth.

Lucæ 18.
Matth. 17.

Iacob. 5. eiicitur, nisi in ieiunio & oratione. Oratio corporis languores sanat: *Infirmatur quia in vobis, inducat presbyteros Ecclesia, et orent super eum, et oratio fidei saluabit infirmum, & alleuiabit eum Dominus.* Oratio fluxam & caducam hanc vitam prorogat: *Et orauit ad Dominum Ezechias, & dixit: Obsecro Domine &c. sequitur: Audiui orationem tuam, & vidi lachrymas tuas, Ecce ego adiciam super dies tuos quindecim annos.*

1. Tim. 2. **Baruch 4.** **Esaï. 38.** **Exod. 17.** **Iacob. 5.** **Iacob. 5.** **Iacob. 1.** **3. Reg. 3.** **Gen. 25.** **1. Reg. 1.** **Daniel. 13.** **Tob. 3. 8.** **Exod. 32.** **Lucæ 3.** **Lucæ 23.**

omnium, orationes fieri pro omnibus, vt quietâ & tranquillam vitâ habeamus. Oratio ab hostibus & inimicis liberat: *Clamate ad Dominum, et liberabit vos de manu principum iniquorum.* Item: *Audiui orationem tuam, de manu Regis Assyriorum eruam te, & ciuitatem istam, & protegam eam.* Oratio victoriam impetrat: *Cum Moyses leuaret manus, vincebat Israël.* De hoc effectu ingentem exemplorum vim suppeditant Machabæorum libri. Oratio animi tristitiam & ægritudinem sedat: *Tristatur aliquis in vobis, oret æquo animo, & psallat.* Oratio soli vbertatem & pluuiam obtinet. *Multum valet deprecatio insti assidua: Elias homo erat similis nobis passibilis, et oratione orauit, vt non plueret super terram, & non pluit annos tres, & menses sex. Et rursus orauit, & cælum dedit pluuiam, & terra dedit fructum suum.*

ORATIO parit sapientiam & intellectum: *Si quis indiget sapientia, postulet eam à Deo, qui dat omnibus affluenter, & non improperat.* Et alio loco: *Quia postulasti verbum hoc, et non petiisti tibi dies multos, nec diuitias, aut animas inimicorum tuorum; sed postulasti tibi sapientiam ad discernendum iudicium: Ecce feci tibi secundum sermones tuos, & dedi tibi cor sapiens & intelligens in tatum; vt nullus ante te similis tui fuerit, nec possit surrecturus sit.* Oratio sterili vtero fecunditatem impertit: *Deprecatus est Isaac Dominum pro vxore sua, eò quod esset sterilis, qui audiuit eum, & dedit conceptum Rebecca. Sic Anna Helcanæ vxor Samuellem & alios liberos precibus à Deo impetrat.*

ORATIO eruit à probro & morte, vt patet de Susanna, Sara Raguelis filia, & aliis præterea quam plurimis: Oratio iratum Deum placat, eiusdemq; manû ab intenta clade cohibet: *Cur Domine irascitur furor tuus contra populum tuum? Quiescat ira tua; Esto placabilis super nequitiam populi tui.* Et placatus est Dominus, ne faceret malum quod locutus fuerat aduersus populum suum. Oratio cælum & paradysum aperit: **I E S V** Baptizato & orante, apertum est cælum. Et infra: **D O M I N E**, memento mei, cum veneris in regnum tuum; **Dixit illi I E S V S:**

Amen

Amen dico tibi, hodie tecum eris in paradiso. Denique nihil ita est arduum, nihil tam difficile, quod per orationem aut factum non sit, aut certe fieri non possit; stat enim immotum **DE** I verbum: *Quæcunque petieritis in oratione credentes, accipietis.*

Matth. 21.

POTERAT sane hæc sola effectuum orationis enumeratio factæque à **CHRISTO** sponſionis allegatio, sat esse ad persuadendum & euincendum, admirabiles esse sanctarum precum vires: Verùm quòd frequens admodum cùm in scholis tum in publicis quoque concionibus hac de re incidere soleat mentio, quodque ad excitandum orantium studium non parum valeat exploratum habere, quantæ piæ orationis sunt facultates, in rem fore existimavi, si aliquantò latius & ordinatiùs de orationis efficacia hoc loco dissererem.

Frequens mentio de orationis viribus in publicis concionibus.

CAETERVM cùm variæ precum sint formæ variæque earundem effectiones; prout ex variis fontibus nascuntur, vel ad varios fines referuntur, ad nostrum tamen institutum quod attinet, commodè omnes ad tria capita reduci possunt. Certum est, omnem omnino orationem vndeunque profectam, vel ad quemcunque finem relatum, aut viuam esse, aut mortuam, aut mortiferam. Viuam dicimus, quæ nascitur ex charitate; mortuam, quæ ex bono virium naturalium vsu dimanat, nō tamen ex gratia; mortiferam, quæ intrinsecè noxam aliquam includit, qualis est, quæ fertur in rem secundum se illicitam: vt si quis petat re vel vxore aliena potiri, aut inimicum occidere, aut aliud quodcunque flagitium designare.

Omnis omnino oratio aut viuæ est, aut mortuæ, aut mortifera.

ET quia qualis est oratio, talis est orator; vel contrà veriùs qualis orator, talis est oratio, sequitur, triplex orantium genus esse. Alij enim sunt iusti, alij peccatores, alij peccantes; peccantes fundunt orationem mortiferam; peccatores mortuam; iusti viuam: siue pro se illam fundant, siue pro aliis. Nam etsi non pari fructu pro se quis oret & pro altero, attamen cuiuscunque tandem conditionis peccator extiterit, vt pro se ita pro altero quoque orare potest. Nihilominus quòd charitatis ordo suadeat, & naturæ quoque lex doceat, priùs propriæ, quàm alienæ, salutis rationem habendam esse (iubemur enim proximum diligere non ante nos, aut supra nos, sed secundum vel iuxta nos, vel sicut nos ipsos; ita vt modus proximi diligendi petendus sit ex modo, quo nos ipsos

Triplex peccatorum genus.

diligere obligamur) prius explicandum est, quid oratio confetatur suo auctori, quàm quid alteri, pro quo fortè depromitur.

Oratio generatim accepta trifariam valet, per modum meriti, solutionis, & impetrationis. Non omnis oratio est meritoria, aut satisfactoria, aut impetratoria. Si quid tamen valet, ad aliquid istorum valet.

SOLIT autem dici, orationem generatim acceptam trifariam valere, nimirum per modum meriti, per modum solutionis vel satisfactionis, & per modum impetrationis; non quòd omnis omnino oratio tria hæc semper & certò præstet (planum est enim, orationem mortiferam neque vitæ æternæ meritoriam, neque satisfactoriam, neque ordinaria quoque lege impetrariam esse: Hoc ipsum etiam de mortua dici potest: nam etsi hæc nonnunquam impetret, precantique in solutum cedat, neutrum tamen horum ex se, vel ex lege habet, sed tantum ex DEI Opr. Max. liberalitate. Sic etiam non omnis oratio meritoria & satisfactoria, semper quoque est impetratoria; & vice versa, non omnis impetratoria, semper quoque est meritoria vel satisfactoria) sed quòd omnis omnino orationis fructus, qui latissimè alioqui patet, ad tria hæc membra referri soleat; sensus enim allegatæ sententiæ est: Quicquid boni oratio de se fundit, hoc totum pertinet ad vitæ meritum, aut ad satisfactionem, aut certè ad rei petitæ impetrationem.

QVOD autem iustorum oratio sempiternæ vitæ sit meritoria, prolixa probatione nõ indiget: Etenim si omnis omnino formata virtutis actus cælestis gloriæ est meritorius, ut fatentur orthodoxi omnes, quantò magis iustorum oratio, quæ præstantissima virtutis, nempe patriæ vel religionis opus est, id erit? At non habet iusti hominis oratio illam vim ex se, siue ex natura sua, sed ex DEI gratia liberalique eiusdem promissione, sicut reliqua omnia opera meritoria: charitas enim & gratuita sponsio sunt, quæ dant illis vitam & pondus. Quòd si alterutrum horum exclusis, cælestem gloriam iure petere nequaquam valebis; notum est enim illud Apostoli: *si tradidero corpus meum, ita ut ardeam, charitatem autem non habuero, nihil mihi prodest.* Et alterum illud eiusdem: *Non sunt condigna passionibus huius temporis ad futuram gloriam, quæ reuelabitur in nobis.* Constat hinc, propriæ rationis meritum tria includere, nimirum opus humanum, DEI gratiam, & eiusdem passionem; verum non est huius loci disputare de merito, aut de iis, quæ ad constituendam plenam meriti rationem deposcuntur. Solùm autem

Vnde habeat iusti oratio, ut vitæ æternæ sit meritoria.

1. Cor. 13.

Rom. 8.

Propriæ rationis meritum tria includit, opus humanum, Dei gratiam, & eiusdem passionem.

autem ostendere volui, iustorum orationem vitę æternę esse meritariam: hoc autem meritum pendere ex tribus capitibus.

EST eadem quoque satisfactoria: Quandoquidem generali quadam ratione omne omnino viatoris opus verè & propriè meritum simul quoq; solet esse satisfactorium: & è diuerso omne opus propriè & de rigore iustitię satisfactorium, gratię & glorię consuevit esse meritum. Neque enim audiendi videntur, qui ad iustitię amussim per opera mortua DEO satisfieri posse contendunt, tametsi is pro sua benignitate insignique liberalitate eiusmodi opera frequenter in solum admittat, iustęque mercede pensare soleat. Decet namque summam illius clementiam, vt peccatores ad se confugientes recipiat, eorundemque opera moraliter bona, etsi vitę spiritu destituta, aliquo etiã loco & precio habeat; interim istiusmodi opera non sunt propriè satisfactoria, multò verò minùs meritoria. Quare si DEVS illa in pœnarum condonationem nō admitteret, peccator iniquè secum agi, iure conqueri non posset: hoc autem posset, si propriè & de lege satisfactoria forent, vt notum est satis.

AD HÆC vt opus aliquod apud DEVM sit satisfactorium, fat est, si ex charitate sit ortum, carnisque sensui sua natura molestum. Vtrumque autem comperitur in iustorum oratione. Neque enim vllus omnino potest esse iustus & gratia destitutus. Quòd autem orare, carni eiusdemque sensui sit molestum, præter certam experientiam ratio manifesta demonstrat. Etenim cùm ardens oratio mentem ad DEVM subleuet, sensus autem rationem ad ima trahat: nempè ad ea, quę carni sunt suauia, necessariò inter sensum & rationem intestina quædam pugna exurgit; hæc verò, quòd ratio, dum feruidè oratur, victoriam obtineat, carnem naturaliter affligit. Rursum quicumque orationi seriò incumbunt, hinc suam inopiam, miseriam, infirmitatem, ingratitude, aliąque eiusmodi; inde verò DEI maiestatem, gloriam, potentiam, cæterasque eiusdem perfectiones expendunt; at vtriusque rei consideratio animo tristitiam ingenerat: Siquidem miserię concipiuntur vt præsentēs, vt verè quoque præsentēs sunt, DEVS autem, qui solus hisce mederi potest, vt absens. Denique piorum oratio includit cordis compunctionem, & DEI super omnia dilectionem; vtrumque autem doloris sensum adiunctum habet.

Iustorum oratio
de iustitia est sa-
tisfactoria, iniu-
storū non ideo.

Oratio supæte
natura carni est
molesta, & vnde
hęc molestia p-
ueniat.

Alle-

Allegarem in hunc locum scripturas & veteres patres, verùm cum eandem satisfaciendi vim tribuant orationi, quam ieiunio & eleemosynæ, de quibus fusè suprà actum est, superuacaneum duco. Est itaque oratio non solum vitæ sempiternæ meritoria, sed pœnarum quoque expiatoria.

Est eadem tandem impetratoria: Hæc assertio cum ex multis CHRISTI Domini promissis multisque exemplis & scripturarum testimoniis paulò antè allatis, & quæ in rem præsentem, si opus id foret, adferri adhuc possent, sit manifesta, accuratiorem probationem nullam postulat. Solum monuerim, vt non omnis oratio impetratoria simul etiam est meritoria aut satisfactoria (constat namq; Diuos in cælo multa nobis impetrare, qui tamen nullum meritum colligunt; neque vllum rursus domesticum debitum exoluunt; sic quoque iniusti & peccatores DEVM enixè inuocantes, eiusdemque opem & misericordiam submisè implorantes, persæpe votorum compotes euadunt, qui tamen, quòd charitate destituantur, neque merentur, neque propriè quoque satisfaciunt) ita non omnem quoque orationem meritoriam aut satisfactoriam, semper etiam impetratoriam esse. Causa huius est, quia non omnes iusti eas condiciones adhibent, quæ oratio impetratoria deposcit. Quæ autem istæ sint, id postea explicabitur ex instituto.

Quæ obiter hætenus exposita sunt, ea planum faciunt, quantum cuiusq; rationis oratio priuatim pro se fusà profit, prodesse possit. Etenim viuæ, gratiæ & gloriæ est meritoria, pœnarumque temporalium expiatoria. Impetratoria autem non est semper, sed tum demum, cum cōditionibus, quæ ad rem petitam certò impetrandam habentur necessariæ, est ornata. Mortifera autem neque temporariam neque spiritalem vitam, neque vllam etiam promeritarum pœnarum relaxationem promeretur; sed mortem tantum & maiorem condemnationem. Sed neque de lege quoque postulata impetrat; quòd si quandoque impetrat, innoxæ & pœnæ augmentum impetrat. Concedit enim DEVS aliquid interdum iratus, quod negat placatus. Oratio tandem mortua, neque de iustitia est meritoria, neque de lege est satisfactoria. Est tamen vtrumque nonnunquam ex gratia. Est autem eiusmodi oratio sæpenumero impetratoria. Audit enim DEVS peccatores

Nō omnis meritoria oratio semper quoque est impetratoria.

Oratio mortua sæpe impetrat, & ex gratia pœnarum debita expiat.

catores frequentet & libenter, dum ad salutem vtilia vel necessaria humiliter petunt. Patet id de Magdalena, Publicano, Zachæo, Latrone in cruce, & aliis penè innumeris, quos Scripturæ in exemplum nobis proponunt.

QVARE etiam mortua oratio suas vires suosque fructus & vsus habet, eosque varios: Disponit enim ad gratiam & peccatorum remissionem; Impetrat bona temporaria & magna inter-dum imperia; Impedit peccatum si erat præcepta, vel aliàs debita; Generat bonos habitus, vitiisque cum aliis, tum iis præcipuè, quæ ipsi magis aduersantur, vt sunt superbia, inanis gloria, & aliæ eiusmodi, potèter obstat; Retinet Angelorum custodiam; Excitat deuorum intercessionem; Deniq; tam multa bona procreat & impetrat, vt nunquam ab ea desistendum sit, vtcunque tandem homo sese affectum inueniat. Hæc de valore orationis pro se fusæ hæcenus.

QVID porro vitium oratio pro aliis fusæ habeat, id ex illorum statu & qualitate præcipuè spectari debet, pro quibus funditur. Continentur hi autem sub quadruplici discrimine: Etenim hominum alij etiamnum versantur in hoc seculo; alij cum CHRISTO triumphât in cælo; alij expiantur in purgatorio; alij tandem propter scelera sua plectuntur in inferno; à quibus eos non diuello, qui detinentur in puerorum limbo, esto hi, seu silis pœnæ expertes viuant.

PRECES pro illis fusæ, quos certò constat, cœlesti beatitudine iam donatos, non sunt cordatæ neque officiosæ; sed stultæ, & illis, pro quibus funduntur, quadantenus iniuriosæ. Iniuriâ enim facit martyri, vt est apud Augustinum, qui pro martyre orat. Ast idem iudicium est de martyre, & de quouis alio, ad claram DEI visionem admissio. Quamobrem, qui pro infantibus post susceptum Baptismi Sacramentum extinctis orant, aut pro illorum salute sacra fieri curant, non modò inutilem operam nauant, sed certo quoq; errore sese detineri declarant. Quod si verò officium illud ei præstat, quem cælo insitum esse certò, hoc est, per iudicium Ecclesiæ non constat, opera non perditur; Nam præter meritum, quod oranti hinc obuenit, ipsi quoque beato, pro quo oratur aliquod accidentarium gaudiū inde provenit: Gaudent enim Sancti, cum intelligunt, amicos vel domesticos suos pio quodam

Iniustorum oratio nō est superuacanea, sed multorum bonorū sæpe causa.

Quatuor hominū genera quatuor distinctis locis seiuincta,

Pro iis, quos certò beatos esse cōstat, nō est orandum.

affectu preces sui causa offerre, aliâque pietatis munia obire. Sed & excitantur hac ratione quoque, ne sint ingrati ad *ἀντίδοξα* præstanda.

In Enchir.

De verb. Apost.
Serm. 34.
Pro animabus,
quæ derinentur
in purgatorio,
orandum.

At verò preces illorum causa depromptæ, qui detinentur in purgatorio, profunt illis, ut vel citiùs inde liberentur, vel certè ut remissiùs ibi torqueantur; notum est enim illud Augustini: Quibus profunt, ad hoc profunt, ut plena fiat remissio, aut tolerabilior damnatio, hoc est, pœna, quæ in purgatorio irrogatur. Et illud eiusdem: Orationibus sanctæ Ecclesiæ, & sacrificio salutari, & elemosynis, quæ pro eorum spiritibus erogantur, non est dubitandum mortuos adiuuari, ut cum eis misericordiùs agatur à Domino, quàm eorum peccata meruerunt; hoc enim à patribus, hoc est, Apostolis, traditum vniuersa seruat Ecclesia. Verùm de hac controuersia alibi actum est diffusè.

Pro iis, quos in
mortali peccato
extincti esse cõ
stat, non est orã
dum.

Tandem qui studio pro iis orant, quos apud inferos torqueri probabiliter existimant, vel quòd in Calviniana, vel Lutherana, vel alia quacunque hæresi, vel alio lethali & publico crimine impœnitentes vitæ finem fecerint, vel quòd sibi ipsi mortè sponte attulerint, illi neque Ecclesiæ legi eiusdemue consuetudini, neque diuinæ quoque voluntati satis consentaneè orant. Vult enim **DEVS** in mortifero peccato extinctos, absolutèque damnatos in æternum citra ullam pœnarum relaxationem punire. Sed & Ecclesia quoque pro talibus orare non intermitteret, si alicuius præsidij capaces essent. Verùm qui imprudètes pro damnatis orant, (quales sunt, qui eos in purgatorio detineri credunt, qui apud inferos pœnas luunt) non peccant, sed Christiani hominis officium præstant, tametsi nullum prorsus sua oratione inferni mancipiis auxilium aut solatium adferant.

Cõmuni Eccle
siæ & bonorum
omnium consue
tudini aduersan
tur, qui pro da
mnatis orant, ut
à venialium pec
catorum debito
soluantur.

Sunt qui piorum preces aliâq; pia opera hæcenus damnatis prodesse opinantur, quatenus per illa à pœnis temporariis, quas pro noxis venialibus, aut peccatis lethaliibus semel condonatis debebant, liberari valeant. Verùm hæc opinatio non modò cum communi illo axiomate pugnat, quò asseritur & creditur, nullam apud inferos redemptionem esse; sed cum communi quoque orthodoxorum omnium cõsuetudine. Nemo enim ex professio pro iis orare solet, quos certæ damnationi obstrictos putat. Augustinus quoque non magis se pro patre oraturum profitetur, si illum damna-

damnatum certò sciret, quàm pro diabolo. Denique (nec enim in hisce immorandum est) diues ille epulo ne guttam quidem refrigerij, cum studiosè illam quæsiuisset, inuenire potuit; & tamè dubium nullum est, quin inter peccata mortalia, propter quæ dānationem incurrerat, multa quoq; venialia cōflasset, quæ in vita per pœnitentiam non expiauerat, à quibus tamen, si illorum sententia vera esset, in inferno constitutus absolui potuisset. Taceo hîc, damnatos prorsus indignos esse, quibus vlla omnino suffragia applicentur. Nam cum tales sint capitales DEI hostes, diu noctûq; conuiciis blasphemisq; vocibus ipsum impetêtes, quis pro iis rogare instituat? Certò itaq; dānatis, sicut & certò quoq; beatis mortaliû preces nihil profunt, adeoq; pro talibus nunquā orare licet.

ORATIONES autem, quas viui pro viuentibus DEO offerunt, tam iis, qui offerunt, quàm iis etiam, pro quibus offeruntur, viles ac salutares esse, demonstrant quàm plurima scripturârum exempla, confirmantq; innumera sanctorum Patrum dicta, praxisq; & consuetudo Ecclesiæ perpetua: Quandoquidem iam inde à religionis exortu semper receptum fuit, vt alteri pro alteris orarent: atqui incassum planè alter pro altero interpellaret, si vnus interpellatio alteri nihil conferre posset. Verùm vt hoc certum & apud omnes rectè sentientes indubitatum est; ita à multis sæpe quæsitû & dubitatum est, ecquidnam vnus oratio alteri præstare queat. Sunt enim, qui orationi pro altero depromptæ nimium tribuunt; alij rursum, qui nimis parum; alij demum, qui non id, quod debebant, sed aliud, quod nō debebant, prout de rebus dubiis, vel non satis exploratis varia iudicia emergere solent.

VIDE TVRAUTEM quæstionis huius decisio ex duplici capite præcipuè pendere: nempe ex illorû discrimine, qui pro alijs orant; & ex eorum rursus, pro quibus alij orant. Hoc autem discrimen est quadripartitum. Aut enim iustus orat pro iusto; aut iustus pro iniusto; aut iniustus pro iniusto; aut iniustus pro iusto. Huic quadripartitæ distinctioni adde alteram illam de triplici orationis valore. Ostensum est enim, iustorum preces æternæ vitæ meritorias, promeritarum rursus pœnarum expiatorias vel satisfactorias, & eius tandè, quod petebatur, impetratorias esse; aut, quod in idem redit, valere per modum meriti, per modum solutionis, & per modum impetrationis. Hac distinctione posita, duo statim

Vt certum est, vi uorum preces vi uentibus prodesse posse, & multè sæpe prodesse solere, ita non satis compertû esse, quomodo, quæue via vel ratione illis profint.

discutienda hîc sese offerunt. Alterum est, quid iusti oratio in ratione meriti, satisfactionis, vel impetrationis conferat iniusto vel alteri iusto. Alterum est, quid per viam meriti, solutionis, vel impetrationis iniusti oratio conferre valeat iusto vel alteri iniusto. De utroque capite disputari posset prolixè, verùm quia aliò festinamus, perstringemus capitum horum membra comprehendio.

SIT itaque primum in hac controuersia quæsitum, iustine oratio alteri iusto valeat ad vitæ meritum, siue ad gratiæ incrementum; iniusto verò ad obtinendam primam iustificationis gratiam. Ad utrumque valere defendunt nonnulli. Allegant in sententiam suam Gregorium, qui edisserens illud Euangelistæ: *Cap. 7. Matth. Videns Iesus fidem illorum, dixit paralytico: confide fili, remittuntur tibi peccata tua*, ita scribit: Quantum valet apud DEVM fides propria, apud quem tantum valuit fides aliena? Hic insinuat, aiunt illi, offerentium fidem contulisse paralytico ad peccatorum remissionem, adeoque ad impetrandam primam gratiam; siquidem nullius peccati remissio contingit sine gratia. Allegant & illud *Cap. 16. Lucæ* quoque: *Facite vobis amicos de mammona iniquitatis, ut cum defeceritis, hoc est, ex charitate excideritis, per pauperum preces recipiamini in æterna tabernacula*; hæc autem receptio ponit gratiam & charitatem. Et illud rursum Apostoli Ioannis: *1. Ioan. 5. Qui scit fratrem suum peccare peccatum non ad mortem, petat, & dabitur illi*. hic rursum per aliorum preces vita promittitur peccantibus peccatum nou ad mortem. Atqui peccatum nō ad mortem, est quoduis peccatum mortiferum, excepto finalis impœnitentię peccato, quod peccatum in Spiritum sanctum appellari consuevit. Et illud tandem *Cap. 5. Iacobi*: *Infirmatur quis in vobis, inducat presbyteros Ecclesiæ, & orent super eum; & oratio fidei saluabit infirmum, etsi in peccatis fuerit, remittentur ei*. Iam si iustorum preces valent ad impetrandam primam gratiam, multò magis valebunt ad acceptæ gratiæ augmentationem: siquidem longè difficilius est, vitam amissam recuperare, quàm in accepta vita progressum facere. Hæc illi; nec malè, si de congrui improprietate rationis merito, quod donantis gratia & liberalitate, nō etiam operis dignitate nititur, id attruunt. At si ad meritum iustitiæ vel condigni, quod dicunt, referunt, vi fortè referunt, nulla ratione admitti possunt.

AT multò verò minùs admitti debent, si omnem illius, pro quo oratur, synergiam, modò diuinæ gratiæ obicem non ponant, hinc excludant. Nam vt quis ex iniusto euadat iustus, aliquem omnino doloris sensum cordisq; pœnitentiam, tum informem quoque fidem & spem, & alia quædam eiusmodi in medium adferat necessum est; nihil autem ex his omnibus per se proximè alterius oratio progignit, nedum iustitiam ipsam. Dixerim, alterius orationem nihil eiusmodi per se proximè progignere. Nam mediàtè, hoc est, remota quadam dispositione, hæc omnia per orationem confici possunt, etsi non semper conficiantur: Siquidem piorum preces frequenter mouent DEVM, vt gratia præueniente peccatorem ad fidem, spem, & charitatem, interioremq; pœnitentiam excitet, excitatumq; plena iustitia donet.

QVOD autem vnus oratio vel intercessio alteri primam gratiam, vel gratiæ augmentum ex condigno non promereatur, id operosa probatione non indiget. Nam cum cuilibet gratiæ, etiam minimæ, ex æquo sua respondeat gloria, sicut cuiq; merito suum respondet præmium, si vnus ex alterius opere proximè consequeretur gratiam vel gloriam, omnino vnus pro alterius opere coronaretur, quod DEVS per Prophetam Ezechielem prolixè negat: Docet enim filium patris iustitiam vel iniquitatem non portaturum; neque patrem rursus filij; sed vnumquemlibet onus suum deportaturum, rationemq; pro se ipso redditurum. Docet idem quoque Apostolus non vno loco, scribit enim: *Qua seminaueris homo, hæc et metet.* Item: *Vnusquisq; onus suum portabit, propriamq; secundum laborem suum, mercedè accipiet.* Item: *Omnes nos manifestari oportet ante tribunal Christi, vt referat vnusquisq; propria corporis prout gessit, siue bonum siue malum,* aliaque multa eiusmodi. Denique receptissimum in scholis axioma est, solum CHRISTVM alteri ex cōdigno gratiam & gloriam mereri potuisse.

VERVNTAMEN quòd vnus meritum in alterum de lege non transfertur, hoc non impedit, quòd minùs DEVS liberaliter & citra legem vni propter alterius intercessionem, vel primam gratiam, vel gratiæ incrementum impertiri queat: Quandoquidem aliud est, aliquè præmio promerito defraudare, quòd DEVS nunquam facit; aliud bonum aliquod indebitum ad alterius preces impertiri. Nam quòd paterfamilias tantum illis dedit, quā ad

Ad iustificatio-
nis beneficiā ob-
tinendum neces-
sariò de posui-
tur proprii cordis
motus in adu-
tis.

Nullus mortali-
um alteri primā
gratiam, aut gra-
tiæ augmentum
ex condigno me-
reri potest.

Ezech. 18.

Galat. 6.

1. Cor. 3.

2. Cor. 3.

Merito congrui
vnus alteri gra-
tiam, aut pecca-
torum remissio-
nem mereri po-
test.

horam vndecimam in vineam venerant, quantum illis, qui totius diei pondus & æstus tulerant, hoc est, à prima diei hora ad nonam vsque laborauerant, id meræ liberalitatis & gratiæ fuit: At hæc interim liberalitas nihil de pacta promeritaq; mercede ademit primis. Neque auctoritates paulò antè allatæ, si rectè expendantur, aliud probant.

Paralyticus Matthei 9. citra propriam fidem & spem non est iustificatus.

Matth. 9.

NAM ad primam quod spectat, certum est, paralyticum non obtinuisse gratiam, aut peccatorum remissionem sine propria fide & pœnitentia; frustra namque dixisset ad illum IESVS: *Confide fili, remittuntur tibi peccata tua*, si nullam ille de CHRISTI clementia spem concepisset. Itaq; propria fide & pœnitentia interueniente, peccatorum remissionē & gratiam obtinuit. Contulit nihilominus aliorum fides & pietas ad vtrumq; non parum: Effecit enim, vt CHRISTVS fortiùs illum ad se traheret. Neque enim par omnes vi, DEI spiritu tanguntur, qui ab illo tanguntur, sed alij maiori, alij minori.

Quomodo diuites per pauperes transmittantur ad æterna tabernacula.

SECUNDA minùs ad rem facit; neque enim defectio illa lapsus à gratia dicit; sed casus à præsentì vita. Piè autem defuncti hætenus per pauperes ad æterna illa tabernacula admittuntur, quatenus illorum precibus maturiùs à pœnis purgatorijs liberantur. Neque enim ullus iis ad cœlum patet aditus, qui quocunque pœnarum debito etiamnum irretiti tenentur. Vel hætenus sanè diuites pauperum & egenorum præsidio euehuntur ad æterna tabernacula, quatenus illorum intercessione, veluti merito quodam congrui ad primam iustificationem disponuntur, vel omnino etiam perducuntur.

In tract. de purgat.

Quid sit peccatum ad mortem, vel non ad mortem.

QUID porrò sit peccatum ad mortem, pro quo orandum non sit; quid rursus peccatum non ad mortem, expositum est alibi; nunc solum monuerim, peccatum ad mortem haud inscitè illud appellari, in quo quis apertè citra ullam prorsus pœnitentiæ significationem intermoritur: vt cum quis sciens volensque seipsum perimit, vel post conflam hæreseos, simoniam, vsuram, vel alterius cuiuscunq; flagitij labem, Sacramentum pœnitentiæ contemnit, in eoque contemptu, vitæ finem facit. Illud è diuerso peccatum non ad mortem, quod ante mortem per pœnitentiam deletum est, etsi non prorsus expiatum, oratio autem in talismodi peccatis

etatis vita defunctis haftenus dar vitam, quatenus sua vi à pœnis, & debiris, quibus obstricti à regno arcebantur, illos liberat.

TANDEM quod ex Apostolo Iacobo adfertur, id ad extreme unctionis Sacramentum, quod perinde ac cætera nouæ legis Sacramenta, ex se, siue ex vi operis, obice semoto, gratiam & peccatorum remissionem confert, pertinet. Quod si huc referre non lubet, quò tamen referri omnino debet, idem hîc sit responsum, quod iam antè responsum est sæpe, nimirum presbyterorum orationem saluare infirmum non proximè, sed mediante pœnitentia veraque animi conuersione, quam ij ægro, sua oratione gratiosè à D^{eo} impetrant. Patet ergo, orationem iusti tanti roboris non esse, vt alteri citra propriam illius synergiam per iusti meriti viam primam gratiam, aut gratiæ incrementum obtinere valeat.

MAIOREM aliquantò difficultatem habet, iustorumne preces aliorum causa suæ ex condigno sint satisfactoriæ. Nam etsi multi de absoluta iustitia satisfactorias esse defendant, certamq; rationem à se stantem habere videantur; (nam si Petrus id integrè dependit nomine Ioannis; quod Ioannes Paulo debebat, Paulus iure nihil ampliùs à Ioanne exigere valet) attamen sententia hæc non omni prorsus nodo caret. Quandoquidem si eiusmodi satisfactio esset iusta absolutè, oporteret extare aliquam legem, qua Deus se obligasset ad acceptandam vnus precationem vel aliam quamcunq; satisfactionem in pœnarum, quas alius debet, compensationem; sed talis forsan nulla extat; vel si qua extat, eam, qui eiusmodi satisfactionem absolutè iustam esse contendunt, in medium proferre deberent.

EXEMPLVM, quod pro ratione adferunt, tametsi sit vsitatum, non est tamen satis euident: Siquidem aliud statuendum videtur de debito reali vel pecuniario, aliud de personali vel pœnali. Nam si quis propter scelus patratum, vel flagitium designatum promeritus est mortem, vel fustigationem, vel aliam pœnam, & adsit quispiam, qui sponte, vel rogatus, vel precio conductus eiusmodi pœnam vel ignominiam pro altero subire velit, non obligatur iudex talem commutationem admittere. Pari modo si quis propter delictum quodcunq; ad metalla vel triremes damnatus alium, qui locum suum expleat, comparet, eundemq;

magi-

Dubium habet
nō omnino nul-
lum, vn^o ne pro
altero ex condi-
gno satisfacere
queat.

Non idem vide-
tur iudicium de
debito pœnali
& pecuniario,
quærum ad hoc
vt vnus iustè p
altero satisfi-
ciat.

magistratui, à quo ad eiusmodi pœnam condemnatus fuerat, offerat, satis manifestum est, magistratum eiusmodi compensationem recipere lege non teneri; esto in rei locum suffectus reo ipso multò sit fortior, multòque ad impellendum remos aptior. Quã obrem nisi communis sententia, & fundamentum præterea, quo indulgentiæ nituntur, ex parte obstarer, defendi fortassis posset, eiusmodi preces ex liberali & ordinaria D E R acceptance magis satisfactorias esse, quàm ex absolutæ iustitiæ lege. Etenim cum is benignus sit, nolitque cum infirmo plasmate, summo iure agere ordinariè, semper tamen liberè, vnius satisfactionem pro altero admittere consuevit.

Q V I D autem iusti oratio impetrare queat iniusto, id peculiarem explicationem non postulat: Siquidem ex iis, quæ de orationis vi ex Scripturis allata sunt, satis apertè id constat. Solùm hîc repetierim, qui quinque ciuitatibus propter decem iustos, si tot fortè in iis comperti fuissent, parcere voluit: qui D. Pauli intercessione ducentas septuaginta animas à naufragio liberauit: qui toti Israëlî propter vnius Moy sis orationem pepercit: qui tandem vniuersam Abimelechi familiam à sterilitatis vinculo propter Abrahæ intercessionem absoluît, aliâque multa & mira propter amicorum suorum preces præstitit, eum vni iniusto minimè defuturum, si iustus quispiam humiliter id efflagitauerit, ipseque iniustus sibi non defuerit, hoc est, saluti suæ obicem nullum posuerit. Quòd si qui iusti pro iniustis deprecantes non audiuntur, propter iniustorum indignitatem, aut aliquod occultum impedimentum non audiuntur.

S I T ita, inquis; at hinc tamen nondum satis liquidum euasit, iustine oratio alteri per modum debitæ impetrationis valeat; ita vt D E V S: de iustitia obstrictus sit concedere, quod iustus pro iniusto vel altero iusto petit, modò ex parte illorum nihil obsit, an tantùm ex gratia? Sanè causam grauem nullam video, cur peculiaris hæc de re quæstio institui debuerit. Satis enim comper tum est, quicquid precibus à Deo impetratur, id illius benignitate & misericordia veriùs niti quàm vlla nostra iustitia. Sed & inter alias quoque; efficacis orationis condiciones vna est, vt qui certò impetrare velit quod petit, pro seipso & non pro alio oret. Quamuis ergo iusti pro aliis iustè orantes frequenter impetrent

nom

Gen. 18.

Act. 27.

Exod. 32.

Gen 20.

Quòd iusti pro iniustis orantes non semper audiuntur, id ex praua iniustorum dispositione plectung; prouenit.

Quicquid precibus à Deo impetratur, id totum veriùs illius gratia, quàm vlla nostra iustitia aieitur;

non modò temporalia, vt sunt opes, honores, liberi, sanitates, aliaq; eiusmodi complura; verùm etiam spiritalia, vt sunt boni cordis motus, piæ inspirationes, præsidia contra tentationes dæmonisque insidias, & dona quædam interdum rara & peculiaria: hæc omnia tamen impetrant non ex iustitia, sed ex mera DEI gratia, promptaque eiusdem munificentia. Et hoc nobis sat esse debet, vt impigrè pro aliis oremus, aliorumque preces vicissim auidè expetamus.

DE vi tandem orationis, quam iniustus fundit pro iusto vel pro alio iniusto, distinguendum est. Nam si iniustus orat pro alio iusto vel iniusto, in persona Ecclesiæ, vel vt minister Ecclesiæ, vel alterius cuiuslibet non iniusti loco, oratio illius efficax esse potest, vt qui suo nomine, vt persona principalis non agat, sed tantùm vt minister alterius loco. Quòd si verò orat vt persona priuata, sua oratione parum plerunque efficit, vt quæ sit mortua, spiritalique vita omnino destituta: mortuum autem, vt eiusmodi, vitalem operationem edere nequit. Interim DEVS Opt. Max. cuius benignitati nullus modus aut terminus præfigi potest, etiam talem orationem nonnunquam admittit: Nulla est itaq; veræ rationis oratio (oratio enim mortifera, orationis nomen vix meretur) quæ alteri prodesse non queat, etsi causa aliqua impedita non semper proficit.

*Iniusti oratio
prodest alteri, si
orat vt minister
Ecclesiæ.*

VERVM enim verò licet apud omnes orthodoxè sentientes certū sit, orationis robur ad alios quoq; sese diffundere, quæstionem tamen nonnullam habet, an vis illa eò minor semper euadat, quòd ad plures sese effundit. De hoc dubio non idem omnium est iudicium, nec idem respondendi modus. Sunt, qui orationem pro multis fusam æquè singulis prodesse iudicent, ac si pro vno tantùm promeretur. Probant: Oratio inter bona spiritalia habetur; Spiritus autem, cùm partis expers sit, cuiusq; communicatur, totus communicatur. Adhæc oratio eo ferè modo ad illos se habet, quibus applicatur, quo lux tedæ ad illos, quibus præfertur, aut vox præconis ad eos, quibus regium aliquod edictum promulgatur: Atqui vox & lux integra singulis citra vllum omnino alterius præiudicium communicantur. Denique Hieronymus alicubi asserit, nihil minùs accipi, dum Psalmus pro cunctis animabus recitatur, quàm dum pro singulis decantatur.

Non mediocriter de cons. d. 5.

Non idē est spiri-
ritus & bonum
spir.ale, hoc em̄
diuiduū est, ille
nequaquam.

VERVM vt hæc sententia est parum recepta, ita rationes & firmanenta, quibus nititur, sunt parum quoque firma. Non primum; constat namque latum discrimen inter spiritum & bonum spiritale: spiritus enim sua natura sectionem fugit, bonum aut spiritale tam secundum se, quàm secundum effectum diuisionem admittit: Planum est enim, omnem omnino orationem suis constare partibus, sed & malum quoque, quod illius vi profligatur, & bonum rursus, quod per eandem impetratur, non est indiuiduum. Nam & virtutes & dona & gratia, & cætera omnia eiusmodi minimum secundum intētionem diuidua sunt; admittunt namque hæc omnia gradus & incrementa. Sic pœnæ quoque malum non est partium exors: Habet enim illud suos gradus, suasque durationes. Culpæ lethales inter se quidem sunt sectiles; aliud enim malum est adulterium, aliud furtum &c. at, tamen quòd nulla ex illis gratiæ præsentiam ferat, quando ex animæ regno abscedunt, omnes simul abscedunt, & non successione quadam vna post alteram. Nihilominus quòd ea ipsa abscessio non contingat sine pœnitentia, quæ, vt omnis alia dispositio, recipit gradus, sit vt oratio respectu culpæ quoque diuiduum effectum sortiatur.

Lux & vox non
liberè agunt, sed
naturaliter &
necessariò, ora-
tio autem eius-
demq; vis depē-
det ex causa spī-
bera.

NEC secundum rursus, quia vox & lux non liberè agunt, sed naturaliter & necessariò, adeoque in æque propinqua æqualiterque disposita ex æquo agunt. Neq; enim in illarum potestate situm est, vnius aures acrius ferire, alterius remissiùs; aut vnius oculos clariùs perfundere, alterius obscuriùs; oratio autem eiusdemque vis procedit ex orantis intentione, dependetque ex acceptantis voluntate. Potest hic enim acceptare, pro quibus voluerit, & ille fundere, pro quibus visum fuerit. Quod si similitudo, quæ ex lucis aut vocis ratione petitur, aliquid efficaciter probaret, probaret utiq; plus quàm oporteret, puta orationem tam iis prodesse, pro quibus non funditur, quàm iis, pro quibus funditur; iisque magis, qui melioris sunt animi. Siquidem fax, quæ in Domini gratiam accenditur, æquè præbet lucem infimo atrienfi famulo ac ipsi Domino. Sic lectio, quæ in heri gratiam instituta est, æquè erudit seruos præsentis & audientes ac herum ipsum, & illos magis, qui melioris sunt indolis. Idem statuatur de musica ceterisque similibus.

Hæc tertium denique; siquidem Hieronymus loco citato nullam de orationis valore fert legem, aut promulgat sententiam: Solùm autem illorum notat infcitiam, qui maius operæ precium ponebant in orationum numero & multitudine, quàm in earundem fervore & pondere. Scribit autem in hunc modum: Non mediocriter errant, qui bono magno præferunt mediocre bonum. Nonne rationabiliter homo dignitatem amittit, qui vel ieiunium Charitati, aut vigilias præfert sensus integritati? Vt propter abstinentiam immoderatam, aut indiscretam Psalmorum aut officiorum decantationem, aut amentię aut tristitię notam incurrat? Nunquid multitudine verborum flecti **DEVS**, ut homo, potest? Non enim verbis tantùm, sed corde orandus est **DEVS**. Quapropter melior est quinque Psalmorum decantatio cum cordis puritate & serenitate ac spiritali hilaritate, quàm totius Psalterij modulatio cum anxietate cordis ac tristitia. Hæc Hieronymus, quæ nihil planè statuunt de orationis valore.

D.5. de conf.

Hieronym⁹ falsò allegatur pro orationis valore pro multis suis.

SED & simpliciter quoque verum est, quod ex Hieronymo adfertur, si admeriti vel impetrationis rationem referatur. Tantum enim vel amplius quoque meretur, qui pro centum simul orat, quantum qui pro vno tantùm. Sic quoque æquè facile est, donum vel bonum quodcunque impetrare pro mille ac pro vno solo; si non ex orationis pondere, certè ex **DEI** liberalitate. Denique totam hanc sententiam cum suis fundamētis funditus evertit perpetua vniuersalis Ecclesię consuetudo: Etenim si tantum prodesset oratio singulis, dum pro multis offertur, quantum si pro vno solo, semper orandum esset pro omnibus & nunquam pro singulis; & tamen Ecclesia, quam pios omnes imitari decet, subinde orat, sicut & Missas quoque celebrat, pro peculiaribus personis & rebus.

Non minus meretur & interdū non minus quoque impetrat, qui orat pro multis, atque qui pro paucis.

Cōsuetudo Ecclesię apertè demonstrat orationem minis prodesse singulis, dā pro multis offertur, quā dum pro vno solo.

SUNT alij, qui orationi, de qua hīc sermo est, triplicem valorem assignent, proprium nimirum vel principalem, communem, & medium. Nam ut quoduis pium opus primò omnium suo prodest auctori, mox viuis totius Ecclesię membris, iuxta illud: Particeps sum omnium timentium te, postremò illi, in cuius gratiam suscipitur; ita oratio quoque proprius primarię sue viæ orationis valor, qui utique vitæ æternæ meritum est, in

Psalm. 135.
Triplex cuiusq; pī operis valor iuxta quorundam sententiā,

dd 2

alterum

alterum non transfertur, neque transferri potest: Et ut maximè posset, precator tamen in alterum transferre non deberet; committeret enim quadantenus contra charitatis ordinem diuinamque institutionem: Vult enim **DEVS** unicuique reddere secundum proprium, & non secundum alterius meritum. Idem quoque de illo asseri potest, quod mysticis Ecclesiæ membris ex alterius bono opere obuenit. Nam si diuina ordinatione ex quolibet iusti opere aliquid redundat in alios iustos, quodcumque tandem illud sit, propter quod cum omnibus bonis operibus, quæ fiunt in Ecclesia, communicari verè dici possunt, illud sanè non poterit illis adimi, & pro orantis arbitrio in alium transferri: Effet hoc enim & contra diuinam ordinationem, & contra communem illam communicationis legem.

MEDIUM autem valorem ut sibi asseruare, ita cuilibet quoque idoneo adiungere licet. Quòd autem medium hic valor ponendus sit, ex recepto Ecclesiæ usu manifestum est: Orat hæc enim per ministros suos non solum pro viuus & defunctis promiscuè, verum etiam pro hoc vel illo viuo vel defuncto determinatè: At frustra id faceret, si nihil prorsus haberet, quod huic vel illi speciatim adiungere posset. Iam si medium hic orationis valor, qui solus pro orantis arbitrio communicabilis est, finitus est, ut citra ullam controuersiam est, (si enim totus orationis valor finitus est, & ita finitus, ut infinitus esse non possit, multò magis pars eiusdem valoris finita erit) planum mox fit, orationem minùs profuturam singulis, si multis simul applicetur, quàm si unitantùm. Hoc autem est, quod in quæstionem vocabatur, quodque de orationis valore vsitatiùs tradi consuevit.

VERVM enim uerò, licet quæ de definito orationis & partium eiusdem valore hoc loco dicuntur, sint verissimæ; (neque enim potest ullius omnino orationis vis infinita aut incircumscripta esse) attamen quod de tripertito cuiusque boni operis fructu hic & alibi passim traditur, nò omnis prorsus difficultatis expers videtur. Primò namque communis ille valor non solum viuus **CHRISTI** membris, hoc est, iustis Deumque timentibus prodesse videtur, verum etiam mortuis, hoc est, iniustis & peccatoribus, **CHRISTO** tamen per fidei sacramentum incorporatis: Nam &

CHRISTO

CHRISTVS pro omnibus mortuus & passus est, & Apostolus pro omnibus hominibus orationes & obsecrationes fieri iubet, & Ecclesia publicè pro omnibus orat, & CHRISTVS Dominus non pro amicis tantum, sed pro inimicis quoque & persecutoribus orare mandat; inimici autè & persecutores, vt eiusmodi, non sunt iusti. Præterea si solis iustis, vt iusti sunt, communis hic valor communicaretur, consequens fieret, quò quisq; foret iustior, eò plus de eiusmodi valore percepturum, adeoque magis iusti minùs iustis aliquod præiudicium procrearent, quod non videtur verisimile. Deniq; anathema vel excommunicatio iniustis adueniens, cæteris incommodis hoc quoque adiungere communiter dicitur, quòd illos priuet non modò sacrorum susceptione, sed omnium quoque bonorum, quæ in DEI Ecclesia sunt, participatione.

AD HÆC valor ille generalissimus, quem assignant, aut est finitus, aut infinitus. Non infinitus; aliàs enim cuilibet iusto ex quolibet alterius iusti opere obueniret bonum infinitum, quod est prorsus incredibile, & vt res à DEO sunt constitutæ, prorsus impossibile. Si est autem finitus, vt sanè est, ergo quò plures sunt iusti in Ecclesia, eò minus de communi hoc valore participabunt singuli; atque ita præiudiciale & detrimentosum esset iustis, multos in Ecclesia esse iustos. Et quamuis dici ad hoc queat, quantum hinc decedit, tantum inde, nempe ex multiplicatis plurium iustorum meritis, accedere, falleret hæc tamen exceptio, si tantum paruulos baptizatos ad iustorum numerum aggregari poneretur; illi enim nulla habent merita propria, neque per ætatem habere possunt, quæ aliis communicentur.

TANDEM non iniuria quæri hoc loco posset; ecquidnam sit communis hic valor, qui in omnia & singula viua Ecclesiæ membra ex quouis bono opere redundare asseritur. Nam si est gratia gratum faciens, sequitur, paruulos regeneratos, ante rationis usum extinctos non saluari sola Baptismali gratia. Cum enim multa quotidie in DEI Ecclesia bona opera edantur, & ipsi sint eorum omnium, quæ fiunt, participes, continuò crescent in gratia: At hoc est contra communem doctorum hominum sententiam, & contra ipsam quoque veritatem. Sequitur nihilominus, adultos nihil quicquam operis molientes, imò somno vacantes in gratia

1. Timoth. 2.
Rationes ostendentes, bona opera, quæ in Ecclesia fiunt, communi quadam ratione non solum iustis prodesse, verum etiam iniustis.

progressus facere, & cùm pondus gloriæ respondeat quantitatî gratiæ, sequitur tandem, vnum propter alterius opus essentiali gloria donari, quod apertè pugnat cum scriptura Christique & Apostolorum doctrina: Afferunt enim, vnumquemque accepturum, prout gessit in proprio corpore.

Si autem communis hic valor non est gratia, neque gloria, neq; aliquid aliud, quod veri meriti rationem subeat, sicut reuera non est, nisi forsan remotè & improprie, erit itaque satisfactio, vel boni cuiuspiam impetratio. Solet enim dici, orationem valere per modum meriti, satisfactionis, & impetrationis. At neutrum videtur certum, nam vt pro eo satisfaciam, aut bonum aliquod illi impetrem, de quo nihil cogito, neque cogitare valeo, id videtur admodum admirabile. Nihilominus demus, omnibus istis tribus modis, & aliis præterea nonnullis prodesse, ne quod de Sanctorum communione credimus & profitemur, in dubiū vocare, vel communi doctorum hominum sententiæ obniti videamur; quæri adhuc posset bonumne illud, quod vni ex alterius bono opere obuenit, obueniat ipsi ex gratia; hoc est, ex mera DEI liberalitate, an ex iustitia: Non ex iustitia, vt videtur, quia DEVS nunquam promississe legitur, se quodcunq; bonum vel donum ei impertiturum, pro quo speciatim nihil petitur. Multo verò minùs, se ex quolibet iusti hominis opere aliquid decerpturum, quod adiungatur cæteris Ecclesiæ membris. Si autem datur non ex lege; sed ex mera gratia & liberalitate, consequens fit, quod de generalissimo illo valore scribitur, non tam certum & apertum esse, quàm certò & apertè passim recipitur & asseritur.

DE valore medio similis quæstio moueri posset: An nimirum valor hic sit gratia gratum faciens, aut aliquod veræ rationis meritum. Si est gratia aut vitæ meritum, contra charitatis ordinem committit, qui pro alio orat, aut aliud bonū opus eidem applicat. Nam & debita gloria se priuat, & DEVM remissiùs quàm par est amat: Quandoquidem gratiæ magnitudinem cōsequitur magnitudo dilectionis. Si est autem quiddam à vitæ merito vel gratia diuersum, puta satisfactio, defensio, conseruatio, exuscitatio, vel impetratio, &c. quæro, vt antè, an quod inde obuenit, obueniat ex gratia, an ex iustitia: nō ex iustitia propter causas antè assignatas; si autem ex gratia, quod opinio habet, fundamento nō satis certo nititur.

nitur: Siquidem quæ ex sola DEI liberalitate dependent, ea quandoque eueniunt, quandoque non eueniunt. Cum ergo de medio hoc valore non habeatur certa reuelatio, neque certa promissio, neque expressa quoque scripturæ traditio, neque auctoritas tandem omni exceptione maior, dubitari queat, consultumne sit, de eo pronunciare tanquam de re modis omnibus certa.

SED neq; satis constanter quoq; hîc loquuntur: Dicunt enim, si oratio vel aliud bonû opus applicetur vni alicui in primo gradu, & postea alteri, & rursus alteri, & sic deinceps in gradibus inferioribus, illis etiam secundarias illas applicationes prodesse: neq; primo tamen ex multiplicatis illis applicationibus quicq; omnino decedere. At difficile est intellectu, quomodo totus hic medius valor maneat penes primû, & secundariis nihilominus aliquid inde emolumentû obueniat. Nisi forsân dixerint, quod primo obuenit, ex iustitia obuenire, quod autem aliis, ex gratia & liberalitate. At iam sæpe dictum est, quod sit ex pura gratia & liberalitate, id ad certam regulam reduci non posse. Sequitur hinc quoq; medium illum valorẽ non esse determinatû; vt qui pluribus prodesse queat citra alterius præiudiciû. Patet itaq; quod de triplici orationis valore traditur, non parum multis difficultatibus expositum esse.

ILLO proinde, quod de communi, proprio, & medio orationis valore dicitur, pro suo valore in medio relicto; eo autẽ, quod de orationis valore in ratione meriti, solutionis, & impetrationis paulò antè explicabatur, repetito, ad id, quod in quæstionem vocatum est, paucis responderi potest, orationem pro multis fusam per viam solutionis vel satisfactionis non tantum prodesse singulis, quantum profuisset, si vni tantum, aut paucioribus fuisset applicata: siquidem orationis vis in ratione satisfactionis non est infinita, sed finita; prout orantis quoque feruor, conatus, charitas, & ipsius rei difficultas, & cætera omnia, quæ orationem comitantur, sunt finita, suisque limitibus circumscripta; at qui omne finitum in partes dissectum, sit minus.

CAETERVM plûsne valeat oratio per modum satisfactionis iis, qui maiori pollent sanctitate, illud disputatione non indiget; siquidem oratio non prodest alteri per viam solutionis ex se aut naturaliter, sed tantum secundum orantis intentionem & voluntatem. Quamobrem si is, dum pro multis precatur, pro multis satisfacere instituit, pro multis, quod ad se attinet, & operis

Non semper nobis
quo cerd obue-
nit, que ex sola
gratia obueniunt.

Quod de communi,
proprio,
& medio orationis
valore dicitur,
magnis difficultatibus
expositum esse.

Oratio per viam
solutionis plus
prodest, si paucis
applicetur, quàm
si multis.

Oratio per viam
satisfactionis multis
applicata, nõ
prodest illis magis,
qui aliis sunt
sanctiores.

fatis-

satisfactorij ratio fert, satisfaciet, si æqualiter, equaliter; si inæqualiter, inæqualiter. Neq; exemplum, quo quidam oppositum probare nituntur, ad rem facit: aiunt enim, medicinam ibi potentiùs operari, vbi comperit subiectum magis dispositum: Quandoquidem medicina operatur naturaliter, nimirum secundum ægri corporis modum. Si tamen subiectum esset omnino indispositum, hoc est, mortifero peccato obnoxium, nihil illi prodesset impensa satisfactio per modum iustitiæ, sed tantum per modum liberalis cuiusdam donationis; D E V S enim nullo modo admittere tenetur, quod pro peccatore offertur, etsi clementer sæpe admittat.

Oratio per viam meriti congrui, aut per modum liberalis cuiusdã impetrationis æquè impetrare & mereri potest pro multis atq; pro vno,

S I autem consideremus orationem, vt valet per viam meriti congrui (condignum enim meritum hic locum non habet) vel per modum liberalis cuiusdã impetrationis, in idem penè redit, pro multisne ores, an pro paucis. Nam cum hic valor non nitatur certa aliqua lege, sed sola D E I liberalitate, potest is æquè illam admittere pro mille ac pro vno; pro iniusto & scelerato ac pro iusto. Solet nihilominus familiariùs admittere pro iustis quàm pro iniustis; vñtatiùs rursus pro magis iustis quàm pro minùs iustis. Veruntamen quia D E V S neque ex certa promissione, neque ex operis quoque natura obligatus est id concedere, quod pro altero petitur, non est certum semper, an oblatas preces admittat, quibusue ex pluribus petita indulgeat.

A T credi nihilominus potest, liberè & amicè illud facere, quod amicus amici causa facere consuevit. Vt ergo amicus amici preces pro altero oblatas, (modò iustum & honestum sit, quod petitur) plerunque admittit; ita D E V S quoque eiusmodi preces frequentius admittit. Attamen si id non faceret, non posset de vlla omnino iniustitia insimulari; quia nihil debet homini, quod ipsi certò non promisit. Ex Scripturis habemus, D E V M aliquando iniustis pepercisse propter iustorum preces: Interdum verò ne ipsos quidem iustos, pro se orantes audiuisse: Quandoque autem oppositum factum legimus, puta iustos supplices ipsi factos à clade impendète liberasse: iniustos autem & sceleratos in interitum ruere permisisse. Quæ omnia ostendunt, orationis euentum non semper constantem & certum esse.

Exod. 32.

2. Cor. 12.

Ezech. 14.

TANDEM ad meritum proprium quod spectat, non minùs communiter merentur, qui pro multis precantur quàm qui pro paucis, aut vno tantùm; imò plerunq;e magis. Eò namq; cæteris exæquatis vnumquodq; opus est magis meritoriũ, quò ex maiori charitatis feruore est ortum; at cò incensior videtur charitas, quò ad plures sese diffundit. Sed & dubium quoque nullum est, quin CHRISTVS eiusmodi orandi modum tradiderit, qui Deo omnium sit gratissimus, at tota Domínica oratio multitudinis numero est accommodata.

DIXERIM, orationem magis plerunq; meritoriam esse, quæ pro pluribus funditur. Nam qui maiori ardore, deuotione, vel attẽtione oraret pro vno aliquo sibi charo, quàm pro multis, plus mereretur pro vno illo orando feruidè, quàm pro multis tepidè. Sic magis satisfactorium & interdum non minùs meritorium est, orare pro inimicis & persecutoribus, quàm pro amicis, quia hoc illo minoris difficultatis est, secundum se tamen absolutè vt melius est amare amicum & iustum, quàm inimicum & iniustum; ita melius est quoq; orare pro iusto & amico, quàm inimico & iniusto. Quamuis autem oratio pro multis fusa sæpe magis sit meritoria, non semper tamen est magis impetratoria: Quia in magno hominum cœtu multi semper comperiuntur, qui eo beneficio indigni sunt, quod intercessor sua oratione impetrare nititur. Verùm de orationis viribus satis; proximum est, vt de iis nunc agamus, quæ orationis vim promouere vel impedire nata sunt.

De preparatione, alijsq; nonnullis, quæ orationis vim, si adsint, promouere nata sunt.

CAPVT QVINTVM.



MAGNAS esse orationis vires, illustresq; eiusdem fructus, ostensum est hætenus: Verùm quòd magna ea in re appareat disparitas (comperiuntur enim, qui plurimùm hîc proficiunt; alij qui parum aut nihil omnino; nonnulli quoque, qui detrimentum ex sua oratione capiunt) priùs vnde nam tanta illa disparitas proueniat, inuestigandum videtur, quàm vlla omnino de orationis necessitate disputatio instituat; nam alicundè prouenire indubitatum est.

Communi lege non minùs meretur, qui pro multis simul orat, æque qui pro vno tantum.

Non omnes, qui orationi vacant, parè ex oratione fructũ referunt.

Tres ſepe in oratione perſonæ interueniunt.

C A E T E R V M cū tres in oratione perſonæ interuenire queant, & ſæpe quoque interuenire ſoleant; vna quæ orat, altera, ad quam oratio dirigitur, ſive cuius auxilium imploratur, quæ plerunque D E V S eſt; tertia, pro qua oratur, neceſſum eſt, vt illa effectuum diſſimilitudo, vel ex diſpari illorum qualitate naſcatur, qui orationem fundunt; aut ex diuerſa eorum conditione & ſtatu, pro quibus oratur, vel certè ex diſſimili illius volūtatē, ad quem oratio dirigitur, quod tamen non admodum ſit veriſimile. Nam etſi D E V S Opt. Max. liberè donet: (neque enim vlli debitor eſt, niſi certa aliqua promiſſione ſeipſum debitorem alicuius conſtituerit) attamen quia ſummè bonus ſummèque benignus & potens eſt, nulli, quod ad ſe quidem attinet, opem ſuam denegat. Prouenit itaque diſcrimen illud aut ex eorum diſcrimine, qui orationi incumbunt, aut ex eorum ſanè, pro quibus preces ſiunt.

Ex parte precantis oratio perſicitur & vitatur, vt quoduis aliud opus humanum; nempe ex obiecto, fine, modo, tempore, loco, cæterisque ſubſtantiam illius comitantibus vel circumſtantibus. Vt ergo ieiunium, eleemoſyna, aliàque pietatis officia Deo ſunt grata & fructuoſa, quæ omnibus ſuis neceſſariis circumſtantiis ritè ſunt ornata, ſuiſque partibus & qualitibus integrè perſecta; ita quoque oratio. Rurſum vt eleemoſyna, vel ieiunium, vel aliud quodcunque opus genere ſuo bonum, cenſetur vicioſum, & ob id inutile, quod vna vel pluribus neceſſariis partibus vel circumſtantiis deſtituitur; & eò quidem vicioſius, quod pluribus magisque neceſſariis partibus & circumſtantiis deſtituitur; ita quoque oratio.

Orationem eadē inſiciunt vel perſiciunt, quæ ieiunium vel eleemoſynam.

Quomodo oratio vitium contrahat ex obiecto, fine vel modo.

Ex parte obiecti oratio vitatur, cū petitur aliquid iniuſtum, aut inhoneſtum, aut immoderatum, hoc eſt, petentis conditioni vel ſorti non ſatis conſentaneum, etiamſi ſecundū ſe non ſit turpe aut inhoneſtum; vt ſi pes ſua ſorte non contentus, ambiat ea, quæ ſunt oculi, aut manus ea, quæ ſunt cordis vel capitis. Ex fine deformatur oratio, quando precator orationem ſuam non refert ad D E I gloriam, vel aliā honeſtam cauſam, ſed ad iniquam ſui exiſtimationem, vel ad aliam quamcunque rem turpem. Ex modo vitium contrahit oratio, dum ea per ſolas preces ambiuntur, quæ diuina ordinatione & institutione, labore, ſtudio,

dio, consilio, aliisque id genus mediis obtinenda sunt, vel certè absque illis obuenire communiter solita non sunt. Ex loco, tempore, cæterisque similibus similia inconuenientia peti possunt: satis enim compertum est, non omnia conuenire omni loco aut tempori.

At quia rectum est μέτρον sui & obliqui, haud difficulter de iis constabit, quæ orationis fructum impediunt, si certò de iis constiterit, quæ eiusdem vires & robur augere nata sunt. Sunt autem eiusmodi tria potissimum, præparatio videlicet, denotio, & attentio. De deuotione primariisque eiusdem causis actum est tractationis huius initio. Quæ autem de peculiaribus quibusdam eiusdem causis, ibi prætermissa sunt, ea ad segmenti huius finem breuiter adiicientur. De attentione autem, quòd latè pateat, pluresque difficultates offerat, peculiare caput instituemus. De præparatione verò ea solùm hoc segmento in mediũ adferentur, quæ vel necessaria vel ad rem admodum opportuna videbuntur.

CAETERVM ad idoneam præparationem multa deposcuntur, & eò quidem plura & maiora, quòd precaturus qui audiatur minùs videtur aptus. Pluribus enim præsidii indiget peccator, vt petita consequatur, quàm iustus; & hic rursùm plura, quàm cælesti gloria iam donatus. Primus autem præparationis gradus, quo ad maiestatis thronum aditum sibi iniungere peccator debet, est admissorum scelerum cognitio & detestatio. Meritò enim eiusmodi propter peccatorum sordes se non modò, qui quicquam à DEO impetret, indignum censebit; verùm etiam qui in illius conspectum, aliquid ab eo petiturus, prodeat. Quòd si delictorum recordatione cum doloris sensum non capit, quem iure capere debebat, saltem doleat, quòd iustum doloris sensum adferre non valeat.

VERVM quia sunt quædam scelera, quæ maximè obstant, quòd minùs DEVS precationem nostram audiat, vt vis, rapinæ, cædes, infantium oppressiones, aliæque his cognata, qui repulsam ferre non volunt, manum contineant à cæde & sanguine, omnique alia violentia & crudelitate; linguam à conuiciis & maledictis; cæteras denique animæ vires à cæteris flagitiis & noxis. Constat enim, hæc omnia orationis robur vel omnino frangere, vel multum certè infirmare; notum est illud Esaiæ:

Tria orationis
fructum augere
nata sunt.

Quomodo pre-
cator affectus ef-
se debeat, q̃ ora-
tione sua aliquid
à Deo impetrare
studet.

Orationis fructus
præcipuè impe-
diunt vis, paupe-
rumque oppressio.

Cap. 1.

Cum extenderitis manus vestras, auertam oculos meos à vobis, & cum multiplicaueritis orationem, non audiam; manus enim vestrae sanguine plene sunt.

Prouerb. 11.

Imò verò non modò à pauperum vexatione eum desistere oportebit, quia aliquid à Deo impetrare voluerit, verùm benignè quodque eisdem facere; scriptum est enim: *Qui obturat aurem suam ad clamorem pauperis, & ipse clamabit, & non exaudietur.* Est itaque primus præparationis gradus pœnitentia: quæ vsque adeò ad hanc rem est necessaria, vt iustos quoque nedum iniustos & peccatores à sui accusatione orationis exordium facere conueniat.

Prouerb. 18.

Sed nunquid, ais, peccant, aut frustra omnino laborant, qui citra pœnitentiam orant? de priuata oratione neutrum est asserendum; de publica nonnulli dubitant; sed citra causam, nisi forsitan de liturgicis & sacramentalibus precibus agant, non etiam de horis Canonicis. Nam si peccator horarias, vel alias quasunque preces publicè citra aliorum scandalum recitans vel decantans peccat, aut peccat propter irreuerentiam, eò nimirum, quòd indignus sit, qui DEVM, aliquid ab eo petiturus, adeat; vel ratione officij, ea videlicet de causa, quòd munus publicè precandi gratiam exigit. At neutrum horum rationi videtur consentaneum. Non primum, nam aliàs homini peccatori ne priuatim quidem DEVM rogare eiusue opem implorare fas esset: Nam ad irreuerentiam quod attinet, par vtrobique est ratio. Sed hoc falsum & à ratione alienum est: Quandoquidem homo peccator diuino naturalique iure seipsum diligere obligatur; potest ergo, imò verò animæ & corporis sui salutem optare debet. Quòdcunque autem desiderare fas est, hoc à DEO expetere nefas non est. Neque secundum rursus, nam si ratione officij nefas id foret, consequens fieret, qui ius dicere, aut sacra profiteri, aut aliud quòdcunque munus ex officio obire teneretur, eos, nisi in charitate id obirent, noxam incurfuros: Siquidem illud Deuteron. *Quod iustum est, iuste exequere*, quod contra communem sententiam allegare solent, ex æquo affatur omnes, cuicunque honesto muneri mancipatos; sed nullus, opinor, facile istuc admiserit: Esset enim legem CHRISTI, quæ iugum suauis & onus leue appellatur, in onus importabile vertere. Non ergo peccant, qui peccato aliquo præsertim occulto constrikti preces Canonicas publicè decantant vel recitant, multò verò minùs qui priuatim orant.

Nō peccant, qui
peccatis obli-
ti Deum inuo-
cant.

Cap. 16.

Quod iustum est, iuste exequere, quod contra communem sententiam allegare solent, ex æquo affatur omnes, cuicunque honesto muneri mancipatos; sed nullus, opinor, facile istuc admiserit: Esset enim legem CHRISTI, quæ iugum suauis & onus leue appellatur, in onus importabile vertere. Non ergo peccant, qui peccato aliquo præsertim occulto constrikti preces Canonicas publicè decantant vel recitant, multò verò minùs qui priuatim orant.

Math. 11.

At quamvis res ita habeat, distinguendum est tamen inter peccantes & peccatores, hoc est, inter eos, qui peccati reatu tenentur obstricti, cuiusmodi sunt, qui DEVM aliquando offenderunt, neque tamen ex animo adhuc resipiunt; & eos qui actu in id, quod lege vetitum est, feruntur, siue qui id à DEO petunt, quod citra certam noxam obtinere non possunt. Quandoquidem solus peccati reatus (modò scandalum desit) veræ orationis rationem non tollit; tollit tamen bonam effectus illius partem: Siquidem eiusmodi oratio, neque de condigno est meritoria, neque de iustitia quoque est satisfactoria. At verò qui prudentes improba efflagitant, DEVM, quod nefarium est, peccati auctorem & promotorem constituunt; sunt tamen qui non solum peccantes, sed eos etiam, qui ita comparati sunt, ut neque à peccato desistant, neque desistere proponant, ob insignem impudentiam, qua beneficium ab eo petunt, à cuius offensa desistere non volunt, citra novam culpam orare non posse contendunt; verum horum sententia à ratione & iugi CHRISTI suauitate est prorsus aliena; sicut illorum quoque, qui dubitant, inter depravatene vel vitiosè orantes censendi sint, quia ita quippiam à DEO petunt, ut suam tamen voluntatem diuinæ voluntati non submittant. Quandoquidem nemo nescit, insignis cuiusdam insolentiæ esse, suam voluntatem compertæ DEI voluntati nolle submittere. Quis enim eum ferat, qui non dico DEO, sed vulgari quoque homini eiusmodi petitionem offerat: Domine fiat in hac re, quod ego desidero, non quod tu decreuisti, vel iuste decernere potuisti. Taceo, huc orandi modum diserte pugnare cum tota CHRISTI vita manifestæque eiusdem doctrina. Neque enim is orare nos docuit; Pater fiat voluntas mea; sed fiat voluntas tua, sicut in cælo & in terra: neque dum passionis calicem deprecabatur, suam voluntatem fieri volebat, sed Patris: *Veruntamen, ait, non sicut ego volo, sed sicut tu.*

HINC tamen non sequitur, si cui fortè DEVS damnationem suam prædixisset, vel interminatus esset, illi salutaria petere non licere: DEVS enim & natura iubent, ut nos ipsos diligamus, adeoque ut salutem nostram desideremus & procuremus, contra quam naturæ legem nihil existimandus est absolutè præcipere. Quamobrem damnationis prædictione vel comminatione non obstant, te, homo totis viribus salutis suæ procurandæ insistere, certoque sibi

Non eadem peccatorum & peccantium Deum inuocantium ratio.

Non bene orat, qui suam compertæ Dei voluntati voluntatem submittere recusat. Match. 6.

Match. 16.
Luc. 11.

Potest is licet salutem suam procurare & pro illa Deum rogare, cui Deus damnationem est comminatus.

persuadere debet, Deum nulla bonorum aut malorum operum habita ratione istud absolute non velle, sed finali tantum posita oblatione. Secus res haberet, si certo constaret id, quod diximus, absolute illum velle. Nam etsi non obligemur id velle, quod vult Deus consequenter vel conditionaliter, quia non tenemur velle conditionem, quam voluntas illa ponit; puta oblationem in peccato, vel aliquid aliud eiusmodi, tenemur tamen id velle, quod certo nobis constat illum absolute, determinate, vel antecedenter velle, quale est, quod hic ponebamus. At de hoc preparationis gradu satis.

Aliud preparationis membrum vel medium assignari solet fides, de hac Christus in Euangelio ita concionatur: *Amen dico vobis, si habueritis fidem, & non hesitaueritis, non solum de siculnea facietis; sed & si monti huic dixeritis, Tolle, & iacta te in mare, fiet. Et omnia quacumque petieritis in oratione credentes, accipietis.* Et alio rursum loco: *Si potes credere, omnia sunt possibilia credenti.* Pertinet huc quoque illud Augustini: Si fides deficit, oratio perit. Et illud Bernardi: Cœlesti benedictione indignus conuincitur, qui Deum dubio quærere affectu. Et illud itidem Ignatii: Noli dubio esse animo in oratione; Beatus est, qui non dubitauerit. Et illud tandem Apostoli Iacobi: *Si quis vestrum indiget sapientia, postulet à Deo & dabitur ei. Postulet autem in fide nihil hesitans: Qui enim hesitat, similis est fluctui maris, qui à vento mouetur, & circumfertur. Non ergo extimet homo ille, quod accipiet aliquid à Deo.* Hæc illi. Qui ergo orando petita vult impetrare, ne Apostoli Petri vestigiis insistat. Hic enim cum precibus impetrasset, ut pedes super aqua ad Iesum veniret, ventique procellam inter ambulandum animaduertisset, statim animo cœcidit, mergique cœpit. Quare etiam meritò illud Christi audiuit: *Modicæ fidei quare dubitasti?* Sed Abrahamum, qui teste Apostolo, *Contra spem in spem credidit; neque infirmatus est in fide, corpus suum mortuum considerans*, imitetur.

Ex fide autem, quæ summam Dei Opt. Max. potentiam, summamque eiusdem clementiam, & misericordiam nobis ob oculos ponit, naturali quadam *σωτηρία* consequitur fiducia. Qui enim seriò animo pertractat, eum, quæ inuocat, summè esse potentem, summèque clementem, fieri vix potest, ut non omnia bona de ipso sibi promittat, cunctaque, quæ iuste petiuerit, sese obtenturum non speret. Ast verò, præter fiduciam illam, quæ pro-

ximè

Math. 21.
Oratio, ut sit efficax, postulat fidem.

Math. 9.

Dever. Do.

Cap. 1.

Math. 14.

Rom. 4.

ximè ex fide procreatur, & ab efficaci oratione abesse non debet, sunt alia complura, eaque non vulgaria, quæ certam impetrandi spem faciunt. Est imprimis ipsa propensa in nos Dei voluntas. Est summa eiusdem in omnibus dictis & promissis veracitas. Est numerus eorum, qui Deum, exorant penè infinitus. Est summus ille mediator & deprecator, qui nobis semper præsto adest, Christus Dominus, de quo ita scribit discipulus dilectus: *Si quis peccaverit, aduocatum habemus apud Patrem, Iesum Christum iustum: Et ipse est propitiatio pro peccatis nostris.*

Multa sunt quæ excitât nostram in Deo fiduciam.

1. Ioan. 2.

EODEM spectant hæc Apostoli Pauli: *Christus Iesus, qui mortuus est, imò qui & resurrexit, qui est ad dexteram Dei, qui etiam interpellat pro nobis.* Et infra: *Vnus enim est DEVS, vnus & mediator DEI & hominum, homo Christus Iesus.* Et ad Hebræos rursum: *Debuit per omnia fratribus assimilari, ut misericors fieret, & fidelis pontifex ad Deum.* Quamuis ergo nos, qui petita impetremus, indigni simus, attamen Christo Iesu patrono optimo intercedente, Deum nobis omnia, quæ rite per illum petiuerimus, concessurum sperare debemus. Denique nostræ deprecationis auctor est Spiritus sanctus (*accepimus enim Spiritum adoptionis filiorum Dei, in quo clamamus Abba pater.*) Hic autem nostram infirmitatem, nostramque in hoc precandi munere incitiam non modò adiuuat, sed ipse quoque gemitibus inenarrabilibus pro nobis postulat. Quòd si qua interdum titubatio obrepserit, voce Apostolorum vsi, dicamus: *Domine, adauge nobis fidem.*

Rom. 8.

1. Tim. 2.

Hebr. 2.

Rom. 8.

Rom. 8.

Luc. 17.

AT verò haud magna cum re, fide & spe instructi ad orandum nos accingemus, si in Dei vel proximi odio obstinatè perstiterimus, hoc est, si vtriusque dilectionem vel ea, quæ viam ad illam muniunt, ut sunt pœnitentia, melioris vitæ propositum, obseruandæ legis studium, aliæque eiusmodi huc non attulerimus. Nam etsi sacræ literæ non ita perspicuè & clarè de charitate agât atque de fide & spe; ea tamen ponunt, ex quibus, ut orationis fructu certò potiùs opus esse charitatis semine, non omnino obscurè colligitur. Tradunt enim, eorum preces audiri, qui Dei mândata seruant, qui Deum timent, qui conscientiam mundam obtinent, aliæque eiusmodi, quæ omnia ad charitatem pertinent: *Si, inquit Christus, manseritis in me, & verba mea in vobis manserint, quod-*

Qui orationem suam vult exaudiri, vitam suam emendare oportet.

Ioan. 15.

1. Ioan. 3.

HVC quoque facit illud Ioannis: *Charissimi, si cor nostrum non reprehenderit nos, fiduciam habemus ad Deum, & quicquid petierimus, accipiemus ab eo, quia mandata eius custodimus, & ea, quae sunt placita coram eo, facimus.* Et illud item Prophetæ Regij: *Voluntatem timentium se faciet, & deprecationem eorum exaudiet, & salus faciet eos.* Est hic sermo de

Psalm. 144

casto & filiali timore. Qui igitur DEVM castè non timet, qui eius mandata non seruat, neque ut ea seruet, quicquam pensi habet, qui conscientiam suam non mundat, neque ad eius munditiam anhelat, quomodo oratione sua rem magnam faciet? Denique suprâ ostensum est, efficaciter precaturo necessariam esse pœnitentiam; at hæc si vera & consummata est, sine gratia & charitate non est: Fructuosam proinde orationem facturum enixè contendat necessum est, ut secundum fidem & spem, DEI & proximi charitatem huc quoque adferat.

Qui repulsam pati nō vult, ille animi submissionem ad orationem adferat necessum est.

Psalm. 101.

Matth. 23.

Luc. 14. 18.

1. Pet. 5.

20. Moral.

PORRO autem præter scelerum detestationem & fidem, ceteraque, quæ ad efficacem orationem necessaria hætenus ostendimus, adesse quoque debet magna quædam animi submissio, suique ipsius abiectio. Qui enim ita comparati sunt, ut se propter egregias virtutes dignos qui audiantur censeant, illi orando latere lauant. Contrâ verò qui ita affecti ad orationem accedunt, ut se propter quotidianos defectus, quibus se obstrictos agnoscunt, crebrasque offensiones & insignem ingratitude omnino DEI favore, gratia, & benevolentia indignos prorsus iudicent, illi diuinis donis ac beneficiis capessendis maximè idoneos capacesque sese reddunt; scriptum est enim: *Respexit in orationem humilium, & non spernit preces eorum.* Cui cognatum est illud CHRISTI: *Qui se exaltat, humiliabitur; Qui autem se humiliat, exaltabitur.* Et illud Apostoli Petri: *DEVS superbis resistit, humilibus autem dat gratiam.* Et illud tandem Gregorij: Ille vram DEO orationem exhibet, qui semetipsum, quia pulvis est, humiliter videt; qui sibi nihil virtutis tribuit; qui bona, quæ agit, esse de conditoris misericordia recognoscit.

Luc. 18.

Luc. 7.

LVCULENTVM humilis deprecationis exemplum suppeditat nobis publicanus ille Euangelicus, qui longè consistens ne oculos quidem ad cælum tollere audebat, sed terram spectans, DEVS, inquebat, *propitius es tu mihi peccatori.* Et mulier illa peccatrix, quæ dolore commota stans retrò, Domini pedes lachrymis perfun-

perfundebat. Vterque quantum orationi pondus adferat humilitas Christiana satis declarat. Sed & CHRISTVS Dominus quoque insigne humilitatis exemplum in oratione præbuit, dum & genibus nixus, & in faciem prolapsus cœlestem patrem ita orauit: *Pater; si possibile est, transeat à me calix iste, veruntamen non mea, sed tua voluntas fiat.* De beata Virgine quoque legitur, DEVM illius humilitatem præ cæteris omnibus virtutibus, quibus cumulata erat, præcipuè spectasse.

Luc. 22.
Matth. 26.
Marc. 14.
Luc. 1.

Ab hac autem humilitate procul aberat Phariseus ille, qui stans ita orabat: *DEVS gratias ago tibi, quia non sum sicut ceteri homines.* Tum illi, quos CHRISTVS Dominus in vicis & platearum angulis, quò ab hominibus viderentur, orare consueuisse commemorat. Oportet autem eum, qui salubriter precari & exaudiri vult, non solum humilem affectum ad orationem adferre; sed humilem quoque submissumque intellectum. Qualem illi non adferunt, qui quadà fatali necessitate omnia euenire cõtendunt; aut Deum inferiora hæc & sublunaria, quasi aliena, & ad se nihil pertinentia, nihil quicquã curare sacrilegè statuunt. Nam etsi eiusmodi homines quandoque orent, humilisque precatoris speciem præ se ferant; attamen quia orationis necessitatem excludunt, fatòque vel casui omnia adscribunt, nunquam istuc ex animo faciunt, sed fictè & simulatoriè.

Oratio quæ efficax futura est, nõ solum humilem affectum postulat, sed humilem quoque intellectum.

Ad humilitatem, de qua hîc disserimus, pertinet etiã supplicum benignitas, & in rebus aduersis patientia: facîle namque Deus illos precantes audit, qui propter Christum vel iustitiã malè habitî, vel alias iniuste vexati, vel morbo quoque vel alia quacunque miseria vel calamitate pressi, æquo patientique animo ferunt. Et inter hos eos familiarissimè audire solet, qui graui iniuria à quocunque affecti adeò vindictam nullam expetunt, vt seridò quoque & feruidè pro persequentibus vel iniuriam inferentibus orent, magisque doleant de illorum peccato, quàm de suo incommodo. Est enim res hæc planè heroica, neque prodire potest, nisi ex magna quadam charitate animique perfectione. Quò autem quisque precator est perfectior, eò qui audiatur est dignior.

Præ cæteris facîle orantes audiuntur, qui iniuriarum immemores pro persequentibus & calūniantibus orant.

EADEM quoque de causa solitariam verèque religiosam vitam agentium preces efficaciores plerunque & fructuosiores solèt esse, quàm hominum opibus cæterisque seculi huius cõmodis affluen-

ff tium.

tium. Nam quò mēs à rebus curisq; terrenis magis est seiuncta, eò intensius fertur in DEVM: Quò autem feruentius in DEVM assergit, eò etiam ardētiores preces fundit. Quò autem preces fuerint ardentiores, eò ad quidvis impetrandum habentur efficaciores. Atque huc spectant, qui de orationis viribus disputantes, eam cæteris potentiorē statuunt, quæ cæteris est spiritalior. Spiritaliorem autem eam dicunt, quæ à carnalium desideriorum terrenorumq; negotiorum sordibus est defæciatior, & ab inanum phantasmatum tritis expeditior.

Quò oratio est spiritalior eò plerumque est efficacior.

Oratio aliarum virtutum comitatum deposcit.

RITE tandem ad orationē preparatus accedit, qui ne absq; aliarum virtutum comitatu huc accedat, quantum in se est, cōtendit. Nam qui orat, & malè agere non cessat, vel cæterarum virtutum actus non curat, puluerem in aërem quodammodo iactat.

Ieiunium & elemosyna multum virium addunt orationi.

INTER externa autem præsidia, quæ orationem non modò ornant, sed vires illius vehementer quoq; augent, præcipuè censerī solent ieiunium & elemosyna. Nam qui cibo vel potu sunt onusti, horum mens ita plerumque est oppressa, vt neque DEVM intueri, neque quid sibi velit oratio satis cogitare valeant. Sed & elemosyna quoque magnam cum oratione societatem habet: Quis enim cui facultas sit benignè faciendi, neque opitulatur tamen proximo & fratri, qui aliena ope indiget, charitate se præditum dicere audeat? Quo autem ore is DEI auxilium implorabit, qui fratrem odit, aut miseriam illius quasi nihil ad se pertinentem despicit?

Societas cōprecantium orationis vim intendit.

March. 18.

QUI D? quòd non aliarum virtutum piorumq; & studiosorū operum comitatus tantum orationis robur augeat, eiusdemque vim intendat, sed hominum quoque comprecantium societas? Fieri enim vix potest, vt multorum preces pacis & charitatis vinculo inter se coniunctorum non audiantur; neque enim frustra à CHRISTO dictum esse putandum est: *Siduo vel tres ex vobis consenserint super terram, de omni re, quamcunque petierint, fiet illis à Patre meo, qui est in cælis.* Sed neque citra causam quoque Ecclesia Catholica cum calamitas aliqua impendit, aut grauis aliqua necessitas premit, communes publicasque preces & litanias indicit: Siquidem per Spiritum sanctum edocta intelligit, fideles plus posse, dum simul ad publicas communesq; preces in Domino conueniunt, quàm dum singuli domi seorsum precantur.

Ex hoc autem principio, quod verum & in diuinis literis fundatum est, sequitur, eam orationem efficaciorē esse, quæ pro vniuersali Ecclesiæ bono, & ex communi eiusdem præcepto funditur, quàm quæ promitur pro quocunq; priuato & liberè. Sequitur æquè, potentiores Deoq; acceptiores illas esse preces, quæ offeruntur pro regibus, principibus, aliisq; in potestate constitutis, quàm quæ pro quibuscunq; inferioribus: siquidem quò bonum est communius, eò est diuinius. Reges autem & viri principes, cæteri que in magistratu collocati communem & publicam personam sustinent.

Salubris orator
pro regibus, cæ-
terisq; in pote-
state constitutis
quàm pro pri-
uatis.

DEVOTIONEM feruensq; & incensum ad Deum resq; diuinas studiū orationis vires augere nemo dubitat. Vnde quotquot de orationis comitibus aut eiusdem circumstantiis scribunt, ad vnum oēs ardentem animi contentionem inter cæteras fructuosæ orationis conditiones referunt. At dubium interim nonnullū habet, internāne animi deuotio spiritusq; feruor orationis pondus, eiusdemq; meritum ita augeat intendatq; vt eius oppositū, hoc est, tepiditas, deuotionis sue vacuitas noxam aliquam adducat.

Deuotio & fer-
uor orationem
vegetant, eiusq;
robur augent.

SANE diuinæ literę aliquid eiusmodi insinuant; notum est enim illud Apocalypsis: *Vinam calidus aut frigidus esses, sed quia tepidus es, incipiam te euomere ex ore meo.* Hic ne utiquā obscure indicatur, tepidos Deo inuisos esse, Deus aut solū peccatum, & hominem propter peccatum inuisum habet. Cognatū huic est illud Hieremiæ: *Male dictus, qui facit opus Dei negligenter.* At idem sonare videtur tepidè facere & negligenter facere: Sicut è diuerso ardentem vel calidè facere & diligenter facere. Ad hæc Dñs per Michæam requirit, vt sollicitè coram illo ambulemus. Eandem quoq; sollicitudinē exigit à nobis Apostolus; ait enim: *Honore inuicē præuenientes, sollicitudine non pigri, spiritu seruantes, Domino seruientes.* Sollicitudo autem includit studium, curam, & diligentiam. Deniq; qui orationem omnis feruoris & deuotionis exortem DEO offert, haud ab similibus illi videtur, qui cū possit sanum & integrum, claudum & morbidum pecus DEO offert: in veteri autem lege nefas erat, claudum, aut cæcum, aut debile animal DEO offerre.

Apocal. 3.

Cap. 41.

Mich. 6.

Rom. 12.

PROFECTO sunt isthæc talia, quæ tepidos omnes iure meritoq; terrere & excitare debeant. Nihilominus si ad legis præuaricationem nō deposcitur certa animi cōtentio; sed, vt legis præ-

*Tepor orationis
nō est per se pec-
catum, nisi tātus
sit, vt necessitāz
circumstātiāz o-
missionem in-
cludat.*

uaricator sis verēq; dicaris, sat est, si quouis modo contra præceptum vel legem agas, videri queat talismodi animi cōtentionem vel intentionem ad legis obseruationem necessariō non deponisci; sed vt peccatum vites, sat esse, si id integrē præstes, quod legē cautum erat; esto tepidē vel frigidē isthuc facias. Quemadmodum etiam, vt peccatorum condonationem consequare, sat est, si peccatum propter DEVM detesteris, etiam si admodum remissē id fiat. Iubemur sanē DEVM ex toto corde, ex tota mente, & ex totis viribus diligere; verū id expletur, si nihil in corde vel animo, quod diuinæ dilectioni aduersum sit, foueatur, aut si nihil supra DEVM ametur; sed omnia in ipso & propter ipsum. Denique nullum omnino diuinum aut humanum præceptum ad sui obseruationem gradualem aliquam intentionē animiue contentionem exigere videtur, alioqui enim præceptōne factum esset satis semper dubitaretur. Sat putatur ergo, si tanta adsit contentio, quæ ad opus præceptum suscipiendum integrēq; explendum sufficiens sit: Neque quæ ex Scripturis allata sunt, si rectē intelligantur, oppositum euincunt.

Ad primum responderi solet, geminā circa orationem tepiditatē accidere. Vnam, quæ opponitur feruori vel intenso conatui illumq; excludit; & hanc Scripturas peccati nō condemnare, et si eandem quoq; non laudant. Alteram, quæ aduersatur debitæ diligentiz: eamq;, quod negligentiam ponat & aliquā etiam omissionem includat, cum noxa plerunq; coniunctā esse. Ea ergo sola tepiditas culpæ obnoxia est, quæ opus præceptum, vel aliquam eius partem omittit. Ad locum ex Apocalypsi allegatum responderi potest, Angelum cum calidum appellare, qui quod debet, ex amore facit: Frigidum, quem non virtutis studium, sed gehennæ metus ad officium adigit: Tepidum qui nec amore, nec timore ad id præstandum mouetur, quod præstare obligatur. Alij aliter hunc locum edisserunt, sed hæc expositio præ cæteris magis probatur. Michæas autem de ea sollicitudine agit, quæ omissionem excludit; & de eadem quoque loquitur Apostolus. Quod de spiritus feruore ibidem addit, vt admonitor vel concionator non vt legislator addit.

ILLVD portō Hieremiæ; Maledictus, qui facit opus DEI negligenter, suam secum solutionem adfert. Agit enim de ea negligentia,

*Quis dicēdus sit
calidus, quis itē
frigidus vel tepidus.*

negligentia, quæ eius rei omissionem adiunctam habet, quam fieri omnino oportebat. Quare emendatoria exemplaria, quibus etiam Hebraica & Chaldaica editio suffragantur, non legunt negligenter, sed fraudulenter. Execratur eos enim, qui dolo malo contra Moabitas rem administraturi erant; de iis enim ibi est sermo, non de precatoribus. Postremum autem nihil probat, aut siquid probat, probat, omnem omnino eleemosynam tenuem, quando pinguior exhiberi poterat, depravatam esse. Omnem item DEI & proximi dilectionem remissam, si intensior in medium adferri quibat, vitio affinem esse, quod falsum est. Illud itaque opus metaphorica quadam locutione appellatur claudum, vel mutilum, quod vitio aliquo laborat, vel quod debita aliqua circumstantia caret. Quamuis ergo tepiditas orationis fructum diminuât; peccatum tamen ex se non generat, nisi forsan sit tanta, ut rei alicuius debitæ vel necessarię circumstantiæ omissionem includat.

Quo sensu male dicti dicuntur, qui faciunt opus Dei negligenter.

DE primariis internæ deuotionis fontibus suprà, quæ ad rem opportuna videbantur, allata sunt. Hic solum monuerim, multa esse, quæ principales fontes multum iuuare & promouere solent. Iuuat, exempli gratia, ardens obtinendæ deuotionis desiderium. Iuuat animi fortitudo & in perferendis laboribus constantia. Opus est enim magno & diuturno quodam exercitio & studio, ut quis spiritus feruorem, veramque animi deuotionem obtineat. Iuuat diligens cordis custodia: Facilmè enim animus ad vanas ineptasque cogitationes dilabitur, nisi studiosè inter recti limites assiduo coërceatur. Iuuat continua DEI præsentis memoria, Christi que pro peccatis nostris passi frequens recordatio. Iuuant breues & iaculatoriæ preces, quas omni ferè tempore & loco adhibere licet: Vbique enim possumus à DEO aliquid petere, aut culpam agnoscere, aut gratias eidem agere, aut aliquid aliud eiusmodi animo cogitare. Iuuat crebra piorum & ad deuotionem excitandam cōscriptorum librorum lectio. Iuuat accurata sensuum externorum cura. Iuuat vita solitaria, & quātum per externas occupationes licet, ab hominum strepitu secessio. Iuuat locorum & temporum, quæ excitandæ deuotioni magis conueniunt, obseruatio. Iuuat piarum meditationum & exercitationum assiduitas. Iuuat religiosa corporis compositio, religiosorumque gestuum

Per multæ sunt causæ, quæ primarias deuotionis causas plurimum adiuuant.

vsurpatio. Iuuant tandem ea omnia, quæ ad impetrandam veram animi submissionem seriamque carnis mortificationem sunt utilia. Verum de animi præparatione internaque deuotione, prout quædam fructuosæ orationis conditiones sunt, satis; proximum est, vt de attentione, quæ ad efficacem orationem apprimè necessaria est, nonnulla quoque in medium proponamus.

De attentione, quatenus ad obtinendū præcipuos orationis effectus, vel explendum orationis præceptum est necessaria.

CAPVT SEXTVM.

*Veræ rationis
oratio deponit
attentionem.*

ATENTIONEM porro, vt aliquæ orationis effectum certò consequare, imò verò ne orando noxam incurras, necessariam esse, extra controuersiam est. Quandoquidē veræ rationis oratio secundum Augustinum, Damascenum, & alios veteres Theologos præter tacitam vel expressam petitionem deponit mentis in DEVM ascensum; at qui non attendit, quid dicat; neque quid petat; neque vt attendat quicquam curat, sed sciens volensque cogitationibus ad rem nihil facientibus animū occupat, quidvis potius quam mentem in DEVM defixam habet. Adhæc vocalis oratio, de qua hîc præcipuè agitur, internæ orationis signum est. Ne ergo falsum signum existat, consentaneum est, vt is, qui voce orat, oret simul & mente: Mente autem absque attentione nemo orare potest. Omni proinde attentione sublata, necessariò aufertur mentalis oratio, adeoque vocalis oratio in signum falsum degenerat.

PRAETEREA orare, vt multi non inscitè definiunt, est animi desiderium symbolo aliquo DEO pandere, vel id, quod animus desiderat, à DEO expetere, desiderium autem ponit intellectus considerationem, eiusdemque; ad id, in quod animus desiderio fertur, applicationem: Siquidem nihil expetitur, quod antè non cognoscitur. Atque ita nulla potest esse veræ rationis oratio, quæ minimum in exordîo aliqua saltem attentione non fulciatur. Denique si oratio est opus humanum, vt reuera est, ex electione procedat oportet: Electio autem nascitur ex intentione, vtrumque autem ponit attentionem: Quandoquidem omnem omnino
voluntatem

voluntatis actum antecedit cognitio, cum voluntas in rem pro-
 fus incognitam non feratur. Nulla est itaq; oratio illa, quæ omni
 penitus attentione destituitur. Atque hoc neutiquam obscure
 indicat illud Apostoli: *Siorem lingua, mens mea sine fructu est.* Et illud 1. Cor. 14.
 rursum Augustini: Quid prodest strepitus labiorum, si mutum est
 cor? & illud tandem CHRISTI: *Spiritus est Deus, & eos, qui adorant* Ioan. 4.
eum, in spiritu & veritate adorare oportet. At quo modo in spiritu ado-
 rat, qui absque vlla attentione adorat?

DICIS: esto, obligatoria oratio attentionem deposcat, attam-
 en ut preces liberæ citra peccatum possunt omitti (alioqui enim
 liberæ non essent) ita earundem quoque partes, conditiones, &
 circumstantiæ inculpate prætermitti posse videntur, adeoque qui
 liberè, hoc est, nulla lege, voto, aut præcepto adacti orant, non
 peccant, si mentem ab orationis scopo ad quæcunque aliena, &
 ad rem non facientia studio auertant.

HÆC ratio mouit quosdam, ut dicerent, orationem, quæ sub-
 nullum præceptum cadit, eo rigore attentionem non deposcere,
 ut peccet, qui inter orandum animo peregrinatur, quamuis data
 opera id faciat, hætenus tamen deposcere, quatenus precatori
 fructum aliquem est allatura, verum id citra iustam causam. Nam
 ut is, qui tempore, quo alioqui lege non tenetur, vult confiteri,
 aut corpori CHRISTI communicare, aut sacris operari, nisi
 manifestum sacrilegij crimen incurrere voluerit, ea omnia, quæ
 ad sacramentalem confessionem, aut ad dignam communio-
 nem, vel celebrationem sunt necessaria, studiosè & diligenter
 adhibere debet; ita qui vult aliquid à Deo petere, ne irreue-
 rentiæ noxam incurrat, reuerenter, piè, religiosè, & quan-
 tum humana fragilitas patitur, attentè & studiosè istud faciat
 oportet. Siue ergo oratio sit libera, siue necessaria, semper de-
 poscit aliquam attentionem, non solum ad impetrandum id;
 quod petitur, verum etiam ad irreuerentiæ peccatum deuitan-
 dum.

Non modò præ-
 cepta, sed libera
 quoque oratio
 deposcit atten-
 tionem, ut citra
 peccati oratur.

CONQUERITVR de hac negligentia Dominus per Prophe-
 tam & ipse etiam CHRISTVS: *Hic, inquit, populus labiis me honorat,* Matth. 15.
cor autem eorum longè est à me. Expostulat ea ipsa de re grauiter quoq;
 beatus martyr Cyprianus: Quæ, scribit ille, segnitia est alienari, &
 capi ineptiis, & profanis cogitationibus; dum Dominum depre-
 caris;

Lib. de ora.

Dominum maiestatis offendit, quod ad orationem non attendit.

Tra. de orat.

Ser. 49 sup. cant.

Triplex attentio, actualis, virtualis, habitualis, & triplex eisdem attentionis obiecta.

Oratio omni priorius attentio, ne desiruit, auditoris suum certe noxx inuoluit. 2. 2. q. 83. art. 1. 3.

Reg. 3.

caris; quasi sit aliud, quod debeas magis cogitare, quam quod cum Deo loquaris: Quomodo te audiri à Deo postulas, cum teipsum non audias? & addit: Hoc est ab hoste in totum non cauere, hoc est cum oras Dominum maiestatem Dei offendere. En eos ab hoste capi & Dominum maiestatis offendere hic asserit, qui studio inter orandum vagantur. Asserit idem quoque Hugo Victorinus, si, ait, cum orationem fundimus, quodlibet aliud in corde versamus, à culpa liberi non sumus. Bernardus autem à voluntaria illa euagatione adeò alienus est, ut ne honestas quidem cogitationes orationis tempore admitti velit. Scribit enim, Spiritus sanctus illa hora gratum non recipit, quicquid aliud quam debes, neglecto eo quod debes, obtuleris.

At quia magni refert, compertum habere, quæ quantaque attentio est necessaria, non modò ut noxam inter orandum vites, verumetiam ne orationis fructum perdas, de orationis attentione aliquantò accuratius disserere lubet. Solet autem triplex ab eruditis attentio assignari. Vnam ex his appellant actualem, alteram virtualem, tertiam habitualem. Harum autem quælibet aut fertur in verba, aut in verborum sententiam, aut in orationis finem, hoc est, in Deum vel in id, quod orationis præsidio consequi nitimur: siue id meritum sit, siue debiti solutio, siue mentis cum Deo unio, siue spiritalis quædam animi refectio, siue cuiuscunque alterius rei utilis vel necessaria impetratio. Hæc porro de triplici attentione, triplicique eiusdem attentionis obiecto distinctione præmissa, & finibus nihilominus, quos precator spectare potest, obiter indicatis, sit hæc prima assertio.

Ad obtinendum qualemcunque orationis effectum, tum ad euitandum quoque omissionis peccatum, aliqua saltem opus est attentione. Hæc est communis, & expressè D. Thomæ: nam argumento contra mentis euagationem, quæ inter precandum frequenter accidere solet, proposito, eodemque Basilij Magni auctoritate confirmato ita respondet: Dicendum est quod si quis ex proposito in oratione mente euagatur, hoc peccatum est, & impedit orationis fructum, & contra hoc Augustinus dicit in regula: Psalmis & hymnis cum oratis Deum, hoc versetur in corde, quod profertur in ore. Euagatio verò mentis, quæ sit præter propositum, orationis fructum non tollit. Vnde Basilius: Si debilitatus à peccato

peccato nequis orare fixè, quantumcunque potes, teipsum cohibeas, & D^{eu}s ignoscit, eò quòd non ex negligentia, sed ex fragilitate non potes, vt oportet, assistere coram D^{eo}. Hæc ille, quibus per omnia stipulatur Caietanus; scribit is autem in hunc modum:

NOTA diligenter, quòd quia ex proposito vagari in oratione peccatum est ex genere suo, ideo non solùm in oratione necessaria ex præcepto, sed etiam in oratione spontanea tenetur orans attendere: ita quòd licet non teneatur orare, tenetur tamen, si orat, attentè, quantum ex parte propositi, orare. Et est similis ratio in aliis virtutum actibus, quòd scilicet homo, si exercet eos, tenetur eos exercere cum debitis circumstantiis. Et paucis interiectis, ex Basilij Magni & D. Thomæ sententia ostendit, non eos solùm peccare, qui ex proposito vagantur; sed eos etiam, qui ex voluntaria negligentia incidentem mentis euagationem non coercerent: quæ omnia ea validè confirmant, quæ contra eos paulò antè allata sunt, qui spontaneam euagationem in oratione libera à culpa excusabant. Fatendum est tamè, minorem esse noxam, quæ nascitur ex libera oratione citra attentionem deprompta, quam quæ ex necessaria, quacunque tandem de causa sit necessaria.

SECUNDA assertio: Animi attentio ad obligatoriæ orationis verba hætenus est necessaria, quatenus ea debitè integrèque pronuncientur. Assertionis huius ratio est manifesta: Nam quicumque ad voces, quas in oratione vsurpat, non attendit, is manifesto periculo se exponit, ne id dicat, vel certè ne rite id dicat, quod ex lege, statuto, voto, vel præcepto dicere obligatur; atqui scriptum est: Qui amat periculum, peribit in eo. Neutiquam ergo à noxa excusari possunt, qui obligatoriam orationem recitantes vel decantantes, ad verba nihil attendunt.

QVOD si oratio, quæ promitur, modis omnibus est libera, aut est ea rectè, piè, prudenterque composita, vt sunt scripturæ, aliæque ab Ecclesia traditæ vel receptæ preces; aut extempore est confecta. Si aptè concinnèque confecta est, non videtur opus peculiari attentione ad verba propter mutilationis vel omissionis periculum. Posito namque, attentionis vitio verbum aliquod omitti, vel perperam enunciari, non ob id statim aliquod peccatum constabitur; quia oratio fuit libera, & omisio

2.2.9.83.
Non illi modò peccant, qui in oratione data opera vagantur, verùm illi quoque, qui incidentem euagationem cum possent, nò comprimunt.

Attentio ad verba obligatoriæ orationis hætenus est necessaria, quatenus ea rite integrèque proferantur.

Libera oratio nò tantam exigit attentionem, vt verba rite proferantur, quàm obligatoria.

Aptis verbis gra-
uibusq; senten-
tiis cū Deo agen-
dum est.

vel deprauatio, vt hic ponimus, non fuit studio quaesita. Si autem oratio aliunde nō est petita, sed extēpore ab orante concepta, ne aliqua dicantur insulsa, inepta, vel malè cohaerentia, (quod vtique vergeret ad aliquam nūminis irreuerētiam adeoq; ad noxam) attētio ad verba est necessaria. Enimuerò si cum Rege terreno aptis grauibusq; verbis agendum est, & si secūs agitur, contra bonos mores peccatur, & pro gratia, quæ expetebatur, pœna interdū re- portatur, quantò magis piè prudenterq; cum cœlesti Rege loquē- dum est, tum ad exhibendum illi debitum honorem & reueren- tiam, tum maximè ad id impetrandum, quod ab eo expetebatur?

Attentio ad ver-
borum sensum
utilis est, necessa-
ria tamen nō est,
ne in obligato-
ria quidem ora-
tione.

TERTIA assertio: Attentio ad verborum sensum non est ab- solutè necessaria, ne in obligatoria quidem oratione. Hæc proba- tione longa non indiget: Constat enim, permultos vtriusq; sexus horarias preces publicè & quidē cum merito decantare, quarum tamen sententiam non capiunt, neq; quòd lingue, qua decantan- tur, ignari sint, capere omnino possunt; sed neque vt capiant, vllæ prorsus leges compellunt. Sat est enim, si mentem ad DEVM, ad quem omnis oratio tandem refertur, dirigant, & verba bene pro- ferant. Sed neq; qui intelligunt quæ legunt, verborum sensum ea ratione obseruare tenentur, vt peccent si non obseruent. Nam cū ea, quæ recitant, aptè sint composita, ritèq; proferre & men- tem ad DEVM referre queant, etiamsi ad vocum sententiam non attendant, iure suo vtentes, ad alia quàm ad verborum sensum at- tendere possunt. Consultè tamen faciunt, qui non solū ad ora- tionis finem, sed ad verborum quoq; sententiam attendunt. Ve- rùm quia difficile est, ad plura simul attētionem adferre, quilibet id hic confectetur, quod suæ infirmitati magis conuenire, vel suo instituto magis seruire existimauerit. Quare qui cō, quò rendunt, commodiūs venturos se sperant, si attendant, ne in verborū pro- latione errent, & in ea attentione persistere deliberār, in ea, dum Dominus melius quippiam largiatur, persistant. Idem suo modo statuatur de cæteris attentionibus. Interim vt ea, quæ occupatur circa legitimam verborum pronunciationem, est maximè neces- saria; ita quæ fertur in finem, omnium est præstantissima.

QUARTA assertio: vt orationis debitum soluas, actualis atten- tio ad singula verba aut verborum sensum non est necessaria. Hęc recipitur ab omnibus, nec iniuria: Nam si cum, qui horas Cano- nicas,

nticas, vel alias quascunq; obligatorias preces persoluit, toto orationis curriculo actu semper ad verba, aut ad verborum sensum, aut ad orationis finem intentum esse oporteret, quotiescunque mens præter institutum inde ad alia quædam, vt fieri solet, dilaberetur, preces interea loci persolutas repetere necessum foret; at istud iugum esset humanæ imbecillitati prorsus importabile. Vix enim orationem Dominicam citra aliquam animi distractionem perorare possumus, nedum preces vsque adeò prolixas & varias, quales sunt horæ Canonice. Adde his, Ecclesiæ præceptum magis cadere super debitam vocum prolationem, quàm super quamcunq; internam mentis actionem: Quandoquidem illa de merè internis animi actibus certum iudicium facere, aut sententiam ferre omnino non valet; vt qui nisi externo aliquo indicio manifestetur, hominem prorsus lateant. Et quamuis illa pro sua pietate peroptet, cum preces tum cetera omnia, quæ iniungit, ita expleri, vt explentes fructum inde capiant; attamen hoc pium & sanctum illius desiderium ea vi non stringit, vt si quando in casum cedat, peccatum semper adducat: modò tamen externum opus, quod iniunctum fuerat, integrè fiat.

IVBET sanè illa, vt diurnum nocturnumq; officium, quantum Dominus dederit, deuotè & studiosè celebretur, & vt hoc fiat, ratio & æquitas omnis postulat; verùm ea sanctio, vt eruditis quibusdam placere video, ad externam corporis compositionem magis spectat, quàm ad internā animi cōstitutionem. Vult enim, magnæque cum seueritate iniungit, ne quid exterius designetur, quod cum attentione pugnet, aut internam animi deuotionem impedire valeat. Fauet huic sententiæ & interpretationi tametsi minus tutè minusq; communi Clementina, eadem omnino de re edita. Nam etsi ea ipsa etiam deuotionis mentionē faciat, attamē ex totius canonis serie & congectione minimè obscurè constat, quicquid eo loco statuitur, inhibetur, vel ordinatur, hoc totū pertinere ad externū corporis statum, externamq; morū ac motuum cōpositionē. Vult enim, vt Ecclesiarū pastores, abusus omnib⁹, q; in Ecclesiastica officia & loca irrepererāt, pscriptis, sollicitè curēt, vt diuinum officiū in cathedralibus & collegiatis Ecclesiis debite, reuerenter, & deuotè, hoc est, quod ad externum hominem attinet, maturè, grauitè, & religiosè celebretur. Fauent eidem quo-

Actualis attentio per totā orationem neq; necessaria, neque humanæ imbecillitati possibilibus.

Ecclesia de actibus merè internis non iudicat, neq; leges fert, neque iudicare potest.

De cele. miss. & dolentes.

que omnes illi Theologi, qui eos Ecclesiæ præcepto satisfacere negant, qui orationis tempore, studio & quasi data opera in his rebus vel actibus se occupant, qui sua natura cum debita attentione & deuotione pugnant. At multò clariùs & planiùs fauente huic doctrinæ illi, qui Ecclesiam internos mentis actus per se percipere non posse contendunt, sed tantùm per accidens & quasi secundariò, ea nimirum mandando, quæ attentionem excitare vel conseruare nata sunt: vel ea inhihendo, quæ internos deuotionis vel attentionis sensus impedire solita sunt. Secundùm hos ergo qui inter orandum animo peregrinantur, etiamsi studio id faciant, magis contra diuinam, vel naturæ legem peccant, quàm contra Ecclesiæ constitutionem.

At iure hisce obieceris: qui studio vagatur, non orat; si quidem vocalis oratio, vt fundamentum ponit mentalem, hoc est, studium aliquid à Deo petendi vel impetrandi; vtrumque autem deposcit attentionem: Si ergo nulla adest attentio, nulla aderit oratio, & ex consequenti, Ecclesiæ statuto, quæ indicit orationem, non fiet satis. Ad hoc respondent illi, aliud est verè orare, aliud horas canonicas recitare. Hoc autem Ecclesia præcepit, non etiam illud; quia hoc ponit internum mentis actum, non etiam illud. Quamuis ergo studio vagans propriè non orat, si tamen nihil eorum omittit, quæ dicere debebat, indicitas preces verè recitat, atque ita Ecclesiæ statuto facit satis.

VERVM licet hæc responsio sit acuta, non est tamè satis firma: Constat enim, ministros Ecclesiæ institui, nò vt quouis modo recitent, vel preces murmurèt, sed vt pro se & pro populo apud Deum intercedant. Antè ad hæc oratio diducta fuit in priuatam & publicā; At priuata vt sit oratio, deposcit attentionem: Ergo & publica. Deniq; Ecclesia orationē indicens indicit actū humanū: at quod citra vllam prorsus attentionem effunditur, hoc neq; oratio est, neq; actus humanus est. Quāuis ergo quod de Ecclesiæ potestate circa actus internos dicitur, aliqua ratione niti videatur, longè tamen rectiùs, multòq; tutiùs defenditur, prout multi quoq; graues & eruditi Theologi simpliciter defendunt, Ecclesiā ad deuotionē & attentionē, ceterosq; mētis actus hæcenus obligare posse, quatenus ordinē dicūt ad actus externos adcoq; decreto illo, q̃ suprà allegatū est, nò modò ad externā corporis compositionem vt

ut ibi dicebatur, sed ad internam quoque animi deuotionem & attentionem certa quadam ratione obligare voluisse; Atque ita quotquot horas Canonicas vel alias preces obligatorias citra vllam prorsus attentionem recitant, Ecclesiæ præceptum non explere. Iniunxerat hæc enim deuotionem & attetionem, quam illi non adhibuerunt, neq; adhibere curauerunt. Et quia iuxta hanc legem idem est non recitare, & citra vllam attentionem recitare, consequens fit, id totum instaurandum & repetendum esse, quod absque vlla prorsus actuali aut virtuali attentione recitatum fuerat: Sicut & illud quoque, quod alio quàm debiti soluendi animo recitatum vel decantatum erat. In vniuersum ergo tres sunt causæ, propter quas preces antè dictas repetere oportet. Prima ex his oritur ex conscientia recitantis, cùm nimirum aliquam illarum partem se omisisse existimat: Siquidem partem illam, de qua probabiliter dubitat, ne omisionis periculo sese exponat, instaurare debet. Altera est solutionis defectus, cùm videlicet dixit, sed non eo animo, ut satisfaceret debito. Tertia & postrema neglectus omnis prorsus attentionis. Sunt qui quartam adiiciant, quando nimirum inter recitandum, peccatum aliquod interuenerit. Verùm hoc citra iustam causam: neque enim maioris operæ est, satisfacere statuto Ecclesiæ quàm diuinæ aut naturali legi. Vtrique autem per actus vitio aliquo contaminatos, satisfieri potest. Dicis, qui inter orandum inani gloria, vel alio modo aut via peccat, non præstat actum bonum, sed malum: Ecclesia autem orationem indicens, indicit actum bonum. Respondetur, ut Ecclesia id solum præcipit, quod ex obiectio seu genere suo bonum est; ita statutis illius fieri posse satis per actus genere suo bonos & honestos, etiã si mala aliqua circumstantia fuerint contaminati. Quare si horarum canonicarum integritati aliud nihil defuit, quàm quòd in peccato, vel non absque peccato fuerint recitatæ vel decantatæ, non erit opus de integro illas repetere.

AN verò horam inchoatam, ob aliquam autem causam non absolutam, qualiscunque tandem illa extiterit, dum ad orandum reditur, ab exordio repetere oporteat, id dubitant quidam. Nobis verisimilius fit, eiusmodi à capite inchoationem supererogationis esse veriùs quàm necessitatis: siquidem penso diurno integre semel persoluto, nihil restat ampliùs, quod persoluatur: Sed

Quod citra vllam attentionem recitatur, ut legi satis fiat, repeti debet.

Tres vniuersæ sunt causæ, propter quas preces antè recitatæ repeti debent.

Hora inchoata & ob causam ad absolutam, ut a capite denuò inchoetur non est necessariam.

& nullum quoque extat Ecclesiæ præceptum, quod eiusmodi repetitionem iubeat, aut recepta consuetudo, quæ confirmet. Non caret tamen omni prorsus culpa, horam inchoatam citra necessitatem, aut iustam causam notabili spacio interrompere. Verùm de quarta assertione satis.

Ad nullum communem orationis fructum perperua actualis attentio est necessaria.

QVINTA assertio: vt eos orationis fructus assequaris, qui sunt illi cum cæteris bonis operibus communes, hoc est, vt orando merearis, vel pro conflatis debitis facias satis, meliorque euadas, non est necessarium, vt toto orationis decursu actu semper ad verba aut verborum sensum, vel orationis scopum attendas; sat est autem, si in orationis exordio id præstes, & in eiusdè progressu præstare studeas; etiam si quod studes, non obtineas. Hæc etiã operosa probatione nullo modo indiget: siquidem ad orationis verba, aut verborum sensum, vel aliud quodcũq; eiusmodi, actu semper attendere, res est non modò ardua, verùm in hac infirmitate & mortalitate planè impossibilis: DEVS autem & Ecclesia non obligant ad difficillima nedum ad impossibilia. Ad hæc oratio censeretur inter cætera pietatis officia: Sed illa non exigunt, vt operi intentus toto operis lapsu actu semper ad opus vel operis finem attendat; sed sat est, si initio id faciat, opusq; pio studio inchoatum vsq; dum ad finem perducatur, impigrè semper persequatur. Deniq; quicquid tandè statuatur de fine, certè si actualis attentio ad verba, aut verborum sensum, ad meritum vel satisfactionem absolutè foret necessaria, qui horas Canonicas lingua ignota decantât, vel recitant, sua illa decatatione nihil plerunq; mereretur, vt qui verborum sententiam non intelligant, & ægrè admodum ad verba semper attendere valeant. Sed quis hoc dicere audeat?

Spiritalis dulcedo, quam oratio fundere solet, deponit actualem attentionem. Habitualementem ad orationem adferre non est satis.

NIHILOMINVS vt internū feruorem & spiritalem dulcedinẽ ex oratione haurias, necessarium est, vt actu in verborum sensum, vel Deum, qui præcipuus orationis scopus est, vel aliquid aliud hisce cognatum intendas; siquidem ad eum motum ciendum virtualis attentio non est satis, multò verò minùs habitualis. Imò verò ad nullum omnino orationis effectum obtinendum vna hæc sat esse videtur, nisi forsan ad debiti solutionem: Siquidem eiusmodi attentio & intètio in dormiente, aut quiduis aliud ab oratione alienum agente extare nonnunquam potest.

QVOD autem actualis attentio, saltem in orationis exordio, ad meren-

merendum, vel satisfaciendum, imò etiam ad peccatum vitandũ, sit necessaria, probatum est iam antè, & cõfirmatur denuo eiusmodi ratione. Nullũ opus potest esse meritoriũ aut satisfactoriũ, quod non sit humanũ: Sed quod ex nulla attentione aut intentione ortũ est, id humanũ dici satis propriè non potest; quandoquidẽ homo per rationem & voluntatẽ est hoĩno. Cũ ea ergo oratio, quæ omni prorsus attẽtione & intentione tam in exorsũ q̃ in progressũ destituta est, humanũ opus dici rectè non queat, sit, vt inter opera meritoria aut satisfactoria censeretur nullo iusto titulo valeat.

Idem incommodum inferre licebit, si orationem spectemus, vt in præceptum cadit. Nam cũ præcepta non dentur brutis, sed hominibus, necessum est, vt expleantur ex certa deliberatione, & non ex sola imaginatione, quæ brutis animantibus cum homine cõmunis est; deliberatio autem requirit attentionẽ. Cũ itaq; actualis attentio per totam orationẽ non sit necessaria, tamen si ab orationis exordio abesse non debeat, & habitualis sola ad obtinendos communes orationis effectus, communi doctorum hominum sententia, non sit satis, consequens fit, virtualem ad id, quod diximus, impetrandum & sat esse, & necessariam quoq; esse; neq; enim plures assignari solent attentionis species. Durat hæc autem tantisper, dum succedat illi voluntaria à re instituta aliena cuiusque rei cõsideratio. Vbi enim incipit voluntaria mentis euagatio, ibi definit virtualis attentio.

Habet aut quæstionem nonnullam, an dum inter orandum occurrit nobilis aliquis conceptus, aut consideratio rei alicuius admodũ utilis vel illustris, tantisper orationis cursum suspendere liceat, & ad rei occurrentis considerationem animum cõuertere, donec animo factum sit satis, & tunc orationem inchoatam persequi. Paucis respondetur, dum quis priuatim orat, id nefas non esse, secus dum publicè cum aliis orationi vacat. Nihil aliud, scribit Bernardus, dum psallitis, præter id, quod psallitis, cogitetis; nec solas dico vitandas cogitationes vanas & otiosas, sed viles quoq; vitandæ sunt illa hora & loco. Salubria sunt, sed minimè salubriter inter psallendum ea reuoluitis. Spiritus sanctus enim illa hora gratum non recipit, quicquid aliud quàm debes, neglecto eo, quod debes, obtuleris. Hæc Bernardus de bonis cogitationibus in publica oratione occurrentibus.

Actualis attentio in orationis exordio est necessaria.

Virtualis attentio ad obtinendum cõmunes orationis effectus sat est.

Quousq; se porrigat virtualis attentio.

Priuatim orantes, si experiantur nobiles aliquos cõceptus, non tenentur illis propter orationis continuationem reicere, Ser. 49. sup. cã.

At verò cùm attentio ad orationem vsque adeò sit necessaria, vt nulla veræ rationis oratio sit, nec esse possit, quæ minimum in exordio actualcm, in progressu autem actualem vel saltem virtualem attentionem non fortitur (sola enim habitualis non est satis) ob humani autem ingenij mobilitatem, aliqualem inter orandum attentionem retinere, res sit admodum ardua, quærat hîc meritò quispiam, quid opus sit factò, vt orationi operam dantes aliquantò simus attentiores & deuotiores, quàm communiter esse consueuimus? Sanè qui studiosè & religiosè ea vsurpant, quæ suprâ, cùm de præparatoriis orationis legibus agebatur, exposita sunt, illi multò minus laboris hîc habent, quàm cæteri, qui horum nihil curât nec adhibere student. Præter hæc autem multum ad comparandam & conseruandam attentionem profuerit, si prius quàm cor nostrum coram DEO effundimus, animo pertractauerimus, quales nos simus, qui preces fundimus, tum cuiusmodi is sit, cuius opem imploramus; hinc quinam illi, pro quibus oramus; postremò quid ac quale sit illud, quod oratione impetrare satagimus, quibusq; verbis id proponere & perurgere conuenienter debeamus. Hæc enim omnia attentionis studium plurimùm promouent.

Quæ ergo deuotè attenteq; orare desiderat, ante omnia à se ipso exquirat, tu quis es merito vel peccato? Quis statu, ordine, vel professione? Quis iniuncto ministerio vel gratuito DEI beneficio? aliaq; eiusmodi. Quis merito? peccator, incertus in odiòne an in amore finiturus sis vitam. Scriptum est enim: *In multis offendimus omnes. Rursus: si dixerimus, quia peccatum non habemus, veritas in nobis non est.* Item: *Omnia in futurum seruantur incerta.* Quo statu, ordine, vel iniuncto munere? fortè sacerdotio initiatus, aut monachum indutus, aut animarum curator, aut talis quispiam, qui peculiari quadam ratione ad orationis ministerium sis mancipatus & obligatus. Quis tandem singulari DEI beneficio? Creatura ratione & mente prædita, ad DEI imaginem condita, Christi sanguine redempta, ad cælestem gloriam, nisi per te steterit, destinata. Horum omnium consideratio nata est deuotionem & attentionem augere: Nam quis ad orationem diligenter frequenterq; se non componat, si se peccatorem inter vitam & mortem medium constitutum? si se ad orandum pro se & alijs consecra-

Aliquot saluberrima remedia ad comparandam & retinendam in oratione attentionem.

Iacob. 3.

1. Ioan. 1.

Eccl. 9.

Deum oraturus consideret, quis sit merito vel peccato, ordine vel professione, vel singulari Dei beneficio.

secratum & destinatum? si se non hostem aut tyrannum, sed clementissimum & benignissimum parentem precaturum animo verset?

Mox iterum iterumq; consideret, secumq; perpendat, quis, qualis, quantusque sit, ad quem orationem dirigit: Et in ipso statim meditationis suæ vestibulo occurret illi **D**EVUS, cuius sapientiam nihil latet, cuius potentiam nihil æquat, cuius bonitatem nulla peccatorum vis superat, cuius iustitiam nulla astutia, aut potentia fallere aut infirmare valet. Hic iam eiusmodi conceptum apud se formet: si à terreno & mortali principe aliquid petiturus, aut verba alioqui coram illo factururus, uti solet tanta attentione, tantaque consideratione & obseruatione, ne quid contra decorum, aut debitam reuerentiam committat, quantum equidem attentionem, studium, & diligentiam adhibere debeo, ut summum illud numen conuenienter decenterque compellem? Secundum **D**EVUM autem occurrunt diui, quorum intercessionem & patrocinium fortassis exquirere percipiet; cum quibus eò etiam maturius & attentius agendum erit, quò terrenis principibus sunt digniores, Deoque coniunctiores & acceptiores, vel ad hoc aut illud beneficium nobis à **D**EO impetrandum potentiores: Quandoquidem ut gratiarum sunt diuisiones in terra, ita etiam in cælo.

PERPENDAT tertio, quæ petiturus est, si tamen rectè petiturus est, non esse vulgaria aut parua, sed præstantissima. Neque enim res parua est regnum **D**EI eiusdemque iustitia; liberari à peccato, à diabolo, ab inferno; ornari virtutibus & donis cælestibus; qualia orationis præsidio communiter peti solent, sed longè maxima. Atqui quò maiora sunt, quæ petuntur vel desiderantur, eò qui sapiunt, maiorem diligentiam, maiusq; studium & attentionem adhibere consueuerunt, ut commodè ea proponant, gratioseq; impetrent.

EXPENDAT quartò illorum statum, conditionem, necessitatem, &c. pro quibus oraturus est. Nam quò digniorem locum obtinent, qui precibus nostris subleuantur, vel nobis in Domino coniunctiores sunt, eò maiorem diligentiam maioremq; attentionem adhibere soliti sumus, ut exaudiamur. Offeret se hic autem ipsemet, qui orationem fundit, iuxta illud sapientis: *Miserere*

h h

animæ

Orationem factururus perpendat quis, qualis, quantusq; sit, ad quem orationem dirigit,

Quò maiora sunt, quæ precibus obtinere satagimus, eò maiorem attentionem adhibere debemus.

Eccl. 30.

anima tua, placens Deo. Offerent se iusti, qui expiantur in purgatorio, pro quibus tantò frequentius & attentius supplicandum est, quantò feuerius plectuntur, minusq; seipso iuuare possunt. Offerent se principes, & Ecclesiæ proceres, quorum causa & salus eò studiosius Deo cõmendanda est, quò illorum ruina maius parit scandalum, eorumq; probitas & sanctitas cedit in maius Ecclesiæ vel reipublicæ emolumentum. Offerent se tandem mali & scelerati Diaboli laqueis miserè irretiti, eiusdemque iugo grauissimè pressi, Pro quibus eò enixius frequētiusq; orandum est, quò illorum status est periculosior, damnationiq; vicinior.

COGITET quintò & postremò, quibusnam verbis causam suam apud DEVM agere velit; neque enim omnia eque sunt idonea. Si oratione Dominica, vel alia à Prophetis vel Apostolis vel ab ipsa etiam Ecclesia tradita uti placuerit, minùs ipsi laborandum erit, ut necessitatē, qua premitur, aptè proponat: Sunt enim eiusmodi preces aptissimis sententiis & verbis contextæ. Interim magnopere hîc ipsi enitendum erit, ut summa cum reuerentia & attentione proponat: Sunt enim verba illa non hominis commenta, sed certa Spiritus sancti oracula. Quòd si verbis propriis & quasi extempore natis rem suam agere malit, summa opus erit attētiōe, ne insulsis vel ineptis utatur. Quod incommodum quia rerum imperitis facillimè euenire potest, consultius faciunt, si precibus ex sacris Bibliis petitis, vel ab Ecclesia cõscriptis DEVM interpellent, eiusdemq; opem implorent, quàm si proprii capitis commentis ea in re utantur.

SED dicis, quæ ex Bibliis petita familiariter in Ecclesia vsurpantur, ea maiorem partem nihil cum iis commune habere videntur, quæ nobis desunt, communiterq; peti solita sunt. Quid enim facit Genesis, aut Exodus, aut Esaias, aut Psalmus: Quare fremuerunt gentes; aut Euangelium Lucæ, aut Epistola ad Romanos, aut quiuis alius sacrorum Bibliorum codex (nullus est enim, ex quo non aliquid sumatur, publicisque Ecclesiæ officiis & precibus adhibeatur) ad peccatorum remissionem? aut diuinæ gratiæ communicationem? aut cœlestis gloriæ consecutionem? aut ad aliquid aliud eiusmodi, quæ vsitatiùs expetere consueuimus? Ad hoc dici potest, veræ rationis orationem præter petitionem cõplecti pium & humilem in DEVM affectum, inter

Quòd maiores
vel egētiore sūt
pro quibus ora-
mus, eò pruden-
tius & attentius
orationem insti-
tuere debemus.

Rerum rudes &
imperiti consul-
tūs faciunt, si
compositæ antè,
quàm si extem-
poraria oratione
inger orandum
utantur.

inter animi autem affectus, qui orantis instituto deferuiunt, principatum obtinere amorem, animi submissionem, & indignationem. Primum progignit diuinæ laudis commemoratio; primo proximum nostræ miseriæ explicatio; postremum hostilis nequitie & improbitatis expositio, eiusdemque nequitie vel insolentie exaggeratio.

DIVINI amoris studio admirationis & congratulationis affectio adiungi plerunque solet. Nam ut ex diuinæ clementiæ & benignitatis consideratione exoritur dilectio; ita ex maiestatis & felicitatis eiusdem commemoratione exurgit admiratio & congratulatio. Amamus enim benignos, admiramur potentes, congratulamur felicibus. At verò humiliationis sensui doloris & timoris sensus plurimum adesse cōsuevit. Ut enim ex propriæ vilitatis & infirmitatis contemplatione nascitur animus submissus & humilis; ita ex malorum, quæ pertulimus, vel etiamnum perferimus recordatione, doloris sensus oboritur; ex consideratione autem malorum vel miseriarum impendentium timor consurgit. Affectioni tandem indignationis contra iniquos & sceleratos adiungitur ferè ardens vindictæ zelus, & certa quædam de misericordia & iustitia DEI fiducia. Cùm ergo Scripturæ sacræ & præcipuè Psalmi ea plerunq; exponant, quæ pertinent ad diuinæ bonitatis, potentiæ, maiestatis, beatitatis &c. laudem & commendationem, aut ad nostram miseriam & calamitatem, aut certè ad hostium nostrorum crudelitatem & iniustitiam, semper offerunt aliquam mentis in DEVM erigendæ materiam. Mentem autem vel affectum in DEVM subleuare, tacitè est orare, etiam si nihil omnino determinatè petatur. Addo his, qui priuatim orant, non quibuslibet Scripturæ locis uti solere: sed iis tantum, quæ instituto suo magis conueniunt. De quinta assertione hæc dicta sint.

SEXTA & postrema assertio; ut proprium orationis effectum consequare, hoc est, ut certò id impetres, quod petis, non sat est, si attentè & studiosè ores, sed opus est præterea, ut piè & perseueranter id facias, eaque petas, quæ sint salutaria, & id quidem pro te ipso. Hæc est Glossæ, ubi edisserit illud Lucæ; Quis ex vobis habens amicum, &c. & omnium penè veterum & recentiorum Theologorum; imò ipsius quoq; CHRISTI: Neque

Quo sensu & modo scripture, quarum in Ecclesiasticis officiis usus est, ad aliquam orationis speciem reduci queant.

Oratio impetratoria quatuor deposcit conditiones.

Cap. II.

Ioan. 16.

Piè nō petit, qui
per Christum
non petit.

enim is omnes promiscuè sese exauditurum promisit, sed eos vel solùm vel potissimùm, qui aliquid patrem in nomine illius peturi essent; ait enim: *Amen amen dico vobis, si quid petieritis Patrem in nomine meo, dabit vobis.* Hæc aliis verbis eandem ferè animo sententiam offerunt, quam Glossa. Indubitatum est enim, illos piè non petere, qui in CHRISTI nomine non petunt: Constat namque, totum, quod habemus & possumus, à Patre per CHRISTVM in nos descendere.

Quinam sint illi,
qui inter orā-
tū dicantur ali-
quid petere.

Ioan. 15.

Matt. 21.

PARI modo qui perituras opes, honores, hostium clades, aliæque eiusmodi petunt, non petunt quid, hoc est, aliquid stabile & salutare; sed quiddam fluxum & casui obnoxium: Siquidem ea sola rectè aliquid dicuntur, quæ ad salutem, quæ æterna est, faciunt: Nam temporalia vnà cum tempore fluunt, nec vnquam in eodem statu consistunt. Sic quoque, qui, vbi semel repulsam acceperunt, statim ab orando desistunt, non agunt cum DEO, tanquam cum pio parente, (nam etsi benigni parentes interdum differunt & prorogant, nunquam tamen in finem abiiciunt) sed tanquam cum hospite & peregrino. Quòd tandem certò impetraturus pro se ipso orare debeat, id æquè atque cætera ex ipsius literæ contextu patet; non enim dicit: *Si quid petieritis Patrem in nomine meo, dabit aliis, sed dabit vobis.* Idem sonant reliquæ illius promissiones, vt: *Quæcumque petieritis in oratione credentes, accipietis.* Item: *Quodcumque volueritis petetis, & fiet vobis, &c.* Qui ergo certò vult obtinere, piè petat, cōstanter petat, salutaria petat, pro se ipso petat.

PIE autem petit, qui ex fide, spe, & charitate petit, vel non absque illis petit. Non absque fide orat, qui de DEI potentia propensaque in nos voluntate nihil dubitat. Non absque spe supplicat, qui de DEI benignitate & misericordia per fidem edoctus, certam de impetrando fiduciam concipit, eaque armatus ingenuè, haud secus ac filius cum patre solet, cum DEO agit. Non absque charitate orat, qui omnia, quæ desiderat, in DEVM summè dilectum ordinat. Exempli causa, petit vitam æternam, quò indissociabili charitatis vinculo DEO vnitus, illum in secula seculorum laudet; petit animi robur aut de tētatione victoriam, ne fortè à dæmone vel mundo vel carne superatus, ab illius amicitia excidat; petit sanitatem, necessariamq; vitę sustentationem,
aliaq;

aliaque eiusmodi externa, quò faciliùs ad scopum sibi præfixum veniat. Charitas ergo omnia in DEVM ordinat: Spes consequendi fiduciam præstat: Fides de donatoris potentia & liberalitate informat.

HINC conficitur, eos absolutè piè non orare, qui mortifero peccato obstricti orant; siquidem in charitate, quæ ad orationem absolutè piam est necessaria, carent. Neq; hi tamen, si DEI misericordiam, aut peccatorum veniam, aut aliquid aliud istiusmodi humiliter à DEO efflagitant, cum pietate pugnant aut peccant; quin potius DEO gratum sibi que vtile opus præstant; peccarent autem si qua illicita peterent, vel quæcunq; licita malo fine, modo, vel animo peterent. Sic minùs quoque piè orant, qui de DEI in nos studio hæsitant; notum est enim illud Iacobi: *Si quis indiget sapientia, postulet à Domino: postulet autem in fide, nihil hæsitans.* Piè autem humiliterque orant, qui suam ingratitude, tepiditatem, vilitatem, infirmitatemque animo pertractantes, qui petita à DEO impetrent, indignos se planè iudicant. Iacobi. i.

PIERURSUM orat, qui ordinatè orat: ordinatè autem orat, qui per media ordinaria ad finem præfixum contendit. Exempli causa, ad peccatorum remissionem per pœnitentiam; ad vitam æternam per gratiam, diuinorumque præceptorum obseruationem; ad scientiam & sapientiam per studium & vigilias; ad opes vitæ vel statui necessarias per laborem & industriam; siquidem si quis hæc aliâque similia per solam orationem, absque villo prorsus labore, obtinere vellet, cum labore alioque & industria obtinere posset, ille vtique non tam oraret, quàm DEVM tentaret. Quare iure quoque reprehensi sunt filij Zebedæi, quòd priùs cogitarent de regno & triumpho, quàm de cruce & pugna. Sunt itaque hæc omnia frequenter petenda, sed interim media ordinaria, quibus ad illa peruenitur, neutiquam sunt negligenda. Piè tandem orat, qui ea omnia, quâ tum vires ferunt, adhibet, quæ ex parte orantis adhiberi debent, quæ vtique sunt minimè pauca; pertinent huc enim ea omnia, quæ de attentione, deuotione, præparatione, aliisque consimilibus suprà explicata sunt. Matth. 20.

ALTERA impetratoriæ orationis conditio est assiduitas vel perseuerantia. Hæc ex eo potissimùm spectatur, ad quem oratio dirigitur. Dominus namque quod petimus & ipse dare instituit,

consultò nonnunquam differt, quò ardentius petamus, feruentiusque in illum nos conuertamus. Etenim vt pusillum aquæ in ignem coniectæ ignis ardorem excitat, ita res dilata desiderium inflamat. Facit id quoq; vt donum ambitum tandem aliquando impetratum maiori loco habeamus. Minoris enim plerunq; sūt, quæ facili labore obueniunt. Vnde Augustinus: Ipse Dominus, qui vult dare, differt dare, vt ampliùs desideres ipsum dilatum, & vt desiderando capax inueniaris, vt cū venerit, ampliùs implearis. Rursum: Qui nos hortatur vt petamus, & cui displicet si non petimus, si aliquando tardiùs dat, commēdat dona sua, non negat ea; quoniam diu desiderata dulciùs obtinentur, data verò citò vilescunt. & infra: Quædam non negantur, sed vt commodò tempore dentur differuntur. Fit hoc tandem propter perseverantiæ meritum. Nā quò diutius vrgemus, pertinaciusq; instamus, eò auctius apud DEVM meritū nobis cōparamus, ipsiq; chariores euadimus.

PERSEVERANTIAE vim egregiè nobis declarat CHRISTVS improbi cuiusdā iudicis exemplo. Nam etsi is DEVM non timeret, neq; hominem vllum reuereretur, attamen assiduitate magnāq; viduæ ab aduersario iniuste oppressæ importunitate victus, cessit tandem illius postulationi. Sic Chananaea quoq; dum orādo perseverat, non id solū, quod voluit, impetrauit; sed à CHRISTO etiā laudari promeruit. Est itaq; crebris precibus insistendum, neque statim, vbi semel aut iterum frustra orauimus, desistendū, ne operam perdamus, ac leopardis, qui si primo aut secundo assultu prædam, quam insequuntur, nō assequuntur, persequi mox desinunt, similes habeamur: Neq; enim satis est ad obtinendum, quòd iussimus, quòd amici sumus, quòd semel aut iterū maiestatis thronum adiuiimus; sed opus est perseverantia & quadam importunitate. Virtutis pondus, scribit alicubi Gregorius, oratio non habet; quam nequaquam perseverantia continui amoris tenet. Perseueranter autem is propriè petit, qui obtinendū desiderium per oppositam voluntatem non interrumpit; neq; per peccatum, quò minùs impetret, obicem ponit, & illud nihilominus, quod semel aut sæpius quoque vrsit, suo tempore vrgere non desinit.

TERTIA conditio ad id impetrandum, quod petitur, necessaria, sumitur ex parte obiecti, hoc est, ex earum rerum natura & qualitate, quæ petuntur. Nam qui certò à DEO vult audiri, ea
petere

Bever. Domini.
Cur Deus petita
non statim sem.
per concedat, sed
quæ dare vult se-
pe differat.

Lucæ 18.

Matth. 15.
Marc. 7.

Leopardorum
ingenium & na-
tura.

In mot.

petere debet, quæ ad DEI gloriam & ad animæ vel corporis salutem sunt vilia vel necessaria; cuiusmodi sunt ea omnia, quæ continentur in septem Dominicæ orationis petitionibus. Petimus hîc enim non tantum DEI gloriam & vitam æternam cæteraque omnia, quæ ad hæc obtinenda sunt necessaria vel opportuna, vt legis obseruationem, quotidianam corporis sustentationem, &c. sed eorum quoque amotionem, quæ internam externamque hominis salutem impedire nata sunt: Cuius generis sunt carnis, Dæmonis, & mundi tentationes, animi vel corporis ægritudines, tyrannorum, hæreticorum, vel infidelium vis, aliæque eiusmodi pestes complures. Quod si homo iis, quæ oportuit, adhibitis, quod petit non semper impetrat, cogitare debet, saluti suæ non expeduisse, vt id impetraret quod petebat. Sæpe enim quod est salute nostra est, non satis intelligimus; & interdum quoque id, quod petebat, non accipit, sed aliud salubrius.

POSTREMA efficacia orationis conditio est, vt precator pro se ipso petat. Id vt certò impetres, deposci ex scripturis paulò antè in eam rem allegatis colligunt eruditi, potestque illorum collectio eiusmodi ratione confirmari. Vt oratio sit efficax, ab omni impedimento immunis sit oportet; at nullum est impedimentum, quod per DEI gratiam à nobis ipsis amoliri non queamus, ab aliis autem, nisi ipsi quoque velint, non possumus, cum aliorum voluntas in nostræ voluntatis potestate non sit posita. Cum ergo in aliis sæpe hæreant impedimenta, quæ ipsi tollere non volunt, nos autem propter causam iam allatam tollere nequeamus, non est mirum, si pro aliis orantes nō semper audiamur. *Noli orare pro populo isto, dicebat Dominus, nec assumes pro eis laudem, & orationem, neque obsequas mihi, quia non exaudiam te.* Et infrà: *Si steterit Moyses & Samuel coram me, non est anima mea ad populum istum.* Causa huius erat, quia populus ille erat omnino indignus, pro quo Sancti orantes exaudirentur. Erat enim grauissimis sceleribus obstrictus, neque vllam de pœnitentia, aut vitæ emendatione cogitationem suscipiebat.

DIXI mirum non esse, si pro aliis orantes nō semper audiantur Sancti, vel alij quicunque idonei; siquidem iusti imò etiam iniusti & peccatores multa sæpe pro aliis impetrant: Verum id non semper nec certò, quia nō ex lege, sed ex mera gratia: Sæpe namq;

Quicquid comprehendit oratio
Dominica hoc
totum licet petitur.

Hier. 7.
Cap. 15.

DEVS nonnullos audit ex quadam benignitate, & interdum ex quadam indignatione, quos ex lege audire non obligatur, quia nimirum non præstant, quod secundum legem ab ipso præscriptam præstitum oportuit. Neque enim omnes promiscuè se auditurum spondit, sed eos, qui patrem quid peteret in nomine illius. Qui ergo certò vult audiri, pro se oret, constanter oret, pie oret, & salutaria petat. Quòd si ex his quatuor aliquod defuerit, & nihilominus, vt sæpe fit, audiatur, cogitet, se nò audiri ex legis iustitia, sed ex legislatoris gratia. Verùm de bonæ & fructuosæ orationis còditionibus & peristasis satis proximum est, vt de orationis necessitate nonnulla quoque proponamus. Nam quæ hæcenus proposuimus & exposuimus, ea omnia ad orationis vim & vtilitatem pertinent.

Qui conditionibus ad impetrandam orationem necessariis non adhibitis auditur, non ex lege, sed ex mera Dei liberalitate audiuntur.

De orationis necessitate & erroribus, qui de hac necessitate quandoq; existere & alicubi etiamnum extant.

CAPVT SEPTIMVM.



RATIONEM rectè institutam, suisque partibus & circumstantiis rite ornatam magni roboris esse, illustresq; fructus de se fundere, ostensum est hæcenus: verùm quia non omnia vtilia, ad salutem sunt necessaria, vt de consiliis Euangelicis & aliis quam plurimis manifestò constat, ne quis orationem ita vtilem esse admittat, vt eius tamen necessitatem prorsus ueget, vel in quæstionem vocet, paucis hoc capite demonstrandum existimaui, cùm publicam tum priuatam quoque orationem ita salutarem esse semper, vt interdum quoque ad spiritalis vitæ salutem & conseruationem sit necessaria.

Non omnia vtilia ad salutem sunt necessaria.

De orationis necessitate duo oppositi errores existere.

EXISTERVNT autem hac de re duo oppositi errores. Alter eorum, qui orationis necessitatem absolutè negabant, contra quem præcipuè hoc segmento certamen nobis erit; est enim altero multò perniciosior. Alter illorum, qui eiusdem vsum & energiam nimium extollebant. Putabant hi, spiritalis vitæ sensum absque continua oratione consistere non posse; Tum quia scriptum est; oportet semper orare, & non deficere, tum maximè, quia homo ne cadat

cadat, vel vt lapsus refurgat, semper eget DEI gratia eiusdemque præsidio & ope; hæc autem citra orationem ordinaria via non impetratur.

Hæc erronea opinatione contaminati fuerunt Messaliani, quos alio nomine Psallianos & Euchetas appellant. Tantum autem illos orasse asserit Augustinus, vt iis, qui audiunt, incredibile videatur. Iidem suæ illi continuæ orationi tantum virium tribuebant, vt eam solam, cæteris omnibus seclusis, ad salutem sat esse prædicarent. Certè Adelphius qui, vt historia Tripart. refert, secus illius Coriphæus & quasi dux habebatur, non Baptismum sed studiosam orationem Dæmones fugare palam asseribat. Addebat, Dæmone orationis viam profligato, Spiritum sanctum aduenire, suoque aduentu corpus & animam ab omni miseria & infirmitate liberare; eumque in modum vtrunque in omni sanctimonia & bono confirmare, vt homo de cætero neque ieiunio neque vlllo alio, quod carnem refrænet, adminiculo opus habeat. Præter hos extiterunt alij, qui orationem vsque adeò efferebant, vt diuinam quoque providentiam eiusdemque ordinem & dispositionem vi illius frustrari & mutari posse defendere non dubitarent.

VERVM sunt hæc omnia absurda, neque quibus refutandis multum operæ infumatur satis digna. Et quidem ad primam assignati erroris partem quod attinet, satis compertum est, DEVM nihil vnquam homini præcepisse aut iniunxisse, quod in hac mortali vita expleri nulla ratione posset: at nemo mortalium omnium perpetuò citra vllam intermissionem orationi incumbere potest. Nam & dormiendum est, quo tempore nullus rationis vsus est, nec esse potest; hic autem ad orationem omnino est necessarius; siquidem oratio iuxta August. & alios est mentis ad DEVM ascensus. Sic quoque manducandum & bibendum, & ne desit quod manducetur vel bibatur, laborandum est; alij qui his ex instituto vacat, orationi ex instituto vacare non valet; nisi id totum fortè orationem appellent, quod propter DEVM vel aliam honestam causam suscipitur, iuxta illud Apostoli: *Siue manducatis, siue bibitis, siue aliud quid facitis, omnia ad laudem DEI facite.* Verùm de hoc orationis genere illi non agebant, alioqui inter hæreticos censi non fuissent, neque illorum oratio fidem, vt Augustinus refert, excessisset. Quandoquidem piorum hominum proprium est, omnia

Lib. de hæres.
hæc. 57.

Adelphij & aliorum Psallianorum errores de orationis virtute,

Nemo mortalium citra intermissionem orare potest oratione propriè dicta.

1. Cor. 10.

dicta, facta, & cogitata sua ad DEI laudem & gloriam, quoad eius fieri potest, referre. Quod ergo de continua oratione asserunt, non modò à fide, sed ab humana quoque ratione prorsus alienum est.

FUNDAMENTA, quibus nituntur, iam antè euerfa sunt: Dictum est enim, ad comparandam vel conseruandam DEI gratiam, Sathanæque insidias propulsandas & illicitos carnis motus comprimendos sat esse, si oretur suo tempore & loco, quando nimirum opportunitas id suadet, vel necessitas postulat, vel maiorum lex iubet. Pari modo ostensum est, illud CHRISTI: *Oportet semper orare*; & illud item Pauli: *Sine intermissione orate*, non exigere continuam orationem, sed tantum frequentem. Nam vt ex Augustino & aliis suprà ostensum est, semper orat, vel sine intermissione orat, qui statis horis quotidie diuinam opem implorat: siue id manè faciat, siue vesperi, siue alia quacunque diei parte. Secundum Bedam porrò is semper orat, qui iuxta Ecclesiæ ritum septies in die orat, iuxta quod Dauid quoque aiebat: *Benedicam Domino in omni tempore*, hoc est, certis horis quotidie. Denique tam CHRISTVS quàm Apostolus hyperbole quadam, quæ in scripturis admodum vfitata est, orationis studium & assiduitatem nobis commendant.

Quod autem sola oratio, cæteris omnibus exclusis, ad salutem satis non sit, scriptura passim ostendit; notum enim est illud CHRISTI: *Nisi quis renatus fuerit ex aqua & spiritu sancto, non intrabit in regnum cælorum*. Et illud eiusdem: *Nisi poenitentiam egeritis, omnes simul peribitis*. Et illud item: *Nisi iustitia vestra abundauerit plùs quàm Scribarum & Phariseorum, non intrabitis in regnum cælorum*. Et illud tandem: *Si nò dimiseritis hominibus peccata eorum; nec pater vester dimittet vobis peccata vestra*. Mitto cætera vtriusque Testamenti testimonia: Perabsurdum est ergo dicere, hominè per solam orationem, cæteris omnibus virtutum actibus seclusis, vitam æternam consequi posse.

At multò absurdius asseritur, earum virium esse assiduam orationem, vt hominem secundum corpus & animam impatibilem, futurorum contingentium præscium, à ieiuniorum & omni alia lege liberum reddere queat. Si enim Apostolus Paulus cæteris, qui spiritus primitias acceperant, à carnis stimulis immunes

non

Luce 18.

1. Thess. 5.

Ad c. 18. Luc.

Mal. 33.

Sola oratio ad salutem satis non est.

Ioan. 3.

Luce 13.

Matth. 6.

Matth. 6.

Phanaticus error est, ea orationi tribuere, quæ tribuebant illi Phallani.

non viuebant, neque citra miraculum vivere poterant, multò minus reliqui, qui tanta gratia cumulati non sunt, ut cunque orationis studio incumbant, ab eiusmodi insultibus & hostibus immunes viuent. Oratio enim, ut maximè ferueat, fomitem in hac vita non extinguit, sed tantùm ne nimium insole scat, comprimit, quamuis ne hoc quidem per se solam.

AsT omnem absurditatis modum excedit, quod de orationis vi in frustraudo vel euertendo diuinæ prouidentiae ordine & dispositione adfertur. Quandoquidem ut in DEVM nulla cadit nec cadere potest mutatio, ita nec in eiusdem quoque prouidentiam, ut quæ non sit alia quàm ipsamet illius *æternæ*. Vnde Ecclesia: DEVS cuius prouidentia in sua dispositione non fallitur. Ad hæc si diuina prouidentia æternæ eiusdem dispositio penderet ab humana voluntate, vel à quocunque alio hominis opere; sic ut utique pederet, si per humanas preces mutari posset, nihil in rerum vniuersitate certum foret, ne ipsa quidem diuina prædestinatio, quæ præcipua diuinæ prouidentiae portio existit. Denique ut æternum per temporale non potest effici; ita nullo modo per idem quoque potest euerti, aut mutari, aut à suo cursu impediri. Error est proinde intolerandus docere, diuinam prouidentiam per iustorum, aut quorumlibet aliorum preces mutari posse.

Diuinæ prouidentiae ordo & series nullius orationis vi frustrari, aut impediri potest.

PATET hinc alio fine & animo rogari DEVM, alio hominem: Non enim rogamus DEVM, quòd nostra oratione illum flectamus, aut ab æterno voluntatis suæ decreto abducamus (comperit enim habemus, vnum illum esse, qui de nolle flecti non potest in velle, aut de velle in nolle, aut de vno velle aut nolle in aliud velle aut nolle, neque nunc aliquid velle aut nolle, quod ab æterno non voluerit) Rogamus autem illum, quòd prouidentiae illius ordinem exequamur, hoc est, ut id precum nostrarum præsidio assequamur, quod ab æterno eiusmodi medio & instrumento assequi nos voluit. Tum rursus, ut nos ipsos ad pietatem & deuotionem excitemus, nostrarumque miseriarum contemplatione & propositione ad piam quandam nostri ipsorum sympathiam prouocemus. At verò hominem rogamus, ut nostra oratione illum permoueamus, hoc est, de nolente volentem, aut contrà de volente nolentem efficiamus.

Alio fine & animo rogari Deum, alio homo.

Aliz sunt leges
terrestres fori,
aliz fori cœle-
stis.

Prouerb. 28.

1. Cor. 11.

Psalm. 13.

ET quia alia est ratio fori cœlestis, alia terrestis, fit, vt reus aliter causam suam agere soleat, & agere quoque debeat apud DEVM, aliter apud hominem. Enimuerò criminis confessio apud ciuilem iudicem plerunque obesse consuevit, apud cœlestem autem tantum abest vt obsit, vt sæpe etiam multum profit. Eò namque meliorem causam nostram apud DEVM reddimus, minori- que negotio veniam impetramus, quò sincerius peccata nostra prodimus, seueriusque nos ipsos condemnamus, nullam obten- dentes excusationem, nulla vtentes delicti extenuatione. Curia cœlestis lex hæc est: *Qui abscondit scelera sua, non dirigitur*, qui autem non absque cordis gemitu confessus fuerit, eaque reliquerit, mi- sericordiam consequetur. Item: *Si nosmetipsos diiudicemus, non uti- q, à Domino iudicemur*. Per hanc legem rex Dauid in DEI consilio veniam & misericordiam impetrauit; aiebat enim: *Confitebor aduersum me iniustitiam meam Domino; et tu remisisti impietatem peccati mei*. At verò in curia seculari longè aliter res habet: ibi enim sui accu- satio, admissique criminis confessio, si non mortem, certam sanè pœnam aut multam confitenti reo adducit.

Cùm homo pec-
catū detestatur,
aut peccatorum
veniam precatur,
mutatur ipse, nō
etiam Deus.

SI ergo peccatorum venia vis potiri, teipsum ex animo accu- sato, teipsum iudicato, teipsum condemnato, & voti compos eua- des; non per mutationem DEI, sed per mutationem tui. Cū enim peccator peccatum incipit detestari, mutatur, quia habet peccati detestationem, quæ antè destituebatur. Pari modo si corundem petit condonationem, vel CHRISTI gratiam, vel aliud quod- cunque eiusmodi, iterum mutatur, quia formauit petitionē, quam antè non formauerat. DEVS autem, siue peccatum deleat, siue gratiam præstet, siue quodcunque aliud faciat, nullam subit muta- tionem, quia nihil recipit, quod antè nō habebat: quia quod facit hoc temporis articulo, id ab æterno facere voluit. Quemadmodū enim homo offensus nō mutatur, dum inimico noxā condonat, si certò antè decreuerat, veniam se concessurū, quocunque tandem tempore inimicus illam peteret; ita DEVS quoque nullo modo mutatur, dum ad hominis petitionem veniam, aut quamcunque aliam gratiam largitur; siquidem ab omni æternitate ad talem & propter talem petitionem tale beneficium impertiri statuerat. Nulla itaque orationis vi DEI, ab eo quod semel decreuerat, abducitur, aut à providentiæ suæ ordine dimouetur.

Q V O D

QVOD si qui ex orthodoxis Patribus sunt, qui DEVM Sanctorum precibus flecti dicunt, illi aliud nihil suo illo loquendi modo significare volunt, quàm DEVM Opt. Max. id per & propter huius vel illius orationem facere vel concedere, quod absq. eiusmodi oratione effecturus vel concessurus non erat. Exempli causa; DEVS ab æterno Paulum ad sese conuertere statuerat, sed non absque medio. Quia ergo Stephani oratio, vt placet Augustino & aliis, fuit occasio vt Saulus conuerteretur, dici aliqua ratione potest, B. Stephanum sua oratione DEVM flexisse: Siquidem DEVS propter Stephani intercessionem aliquid fecit, quod absque illa facturus non erat; hoc ipsum tamen citra vllam sui mutationem: Quandoquidem non iam tum primùm, cùm Stephanus preces fundebat, sed ab omni æternitate talem effectum per talem causam producere constituerat. Idem statuatur de cæteris similibus; par enim omnium est ratio.

Quomodo eorū sententia exponi debeat, q. Deum Sanctorū precibus flecti tradunt,

ET quamuis de eiusmodi DEI dispositione certò nobis non constet, neque citra renelationem certò constare queat, attamen multis scripturarum exemplis & documentis adducti probabiliter credere possumus, DEVM nobis vel aliis per orationem hoc vel illud bonum conferre decreuisse. Quòd si is non per hoc, sed per aliud medium nos ad salutis portum adducere decreuerit, adhuc feruenter orantes operam non perdimus. Nam oratio, vt supra ostensum est, non solum impetrandi vim habet, verùm etiam merendi & satisfaciendi. Porro autem quòd plurimi clades, quas DEVS illis comminatus fuerat, precibus euasisse leguntur, id non arguit DEI ordinationem esse mutabilem; arguit autem eiusmodi comminationes vel denunciationes non fuisse absolutas, sed certæ conditioni astrictas. Nam si absolutæ fuissent, nullis precibus redimi potuissent. Quamuis ergo orationis vires sunt magnæ, non sunt tamen tantæ, vt diuinæ prouidentię ordinem mutare, aut hominem per se, cæteris virtutum actibus seclusis, seruare, aut impatibilem reddere, aut ab omni obedientię iugo eximere valeant. Rursum licet oratio loco & tēpore sit obligatoria, adeoque ad salutem necessaria; attamen vt saluus fias, non est necessarium, vt cōtinuò orationi insistas. Verùm de iis, qui orationis vim nimium extollunt, satis.

Quādo Deus id non infert, quod cōminatus fuerat, euentu ipso ostendit, cōminationem suam non fuisse absolutam, sed conditionatam,

Quotquot diuinam prouidentiam negat, aut humanæ voluntatis libertatem impugnant, orationis necessitatem è medio tollunt.

ALII oppositam quasi viam ingressi omnem omnino orationem superuacancam pronunciant. Hoc errore tenetur ij omnes, qui aut diuinam prouidentiam negant, aut humanæ voluntatis libertate è medio sublata, omnia quadã fatali & inuitabili necessitate euenire blasphemant. Etenim si **D E V** res humanas nõ curat, frustra ad illum funduntur preces: Rursum si omnia necessario eueniunt, nequicquam laborant, qui, ne hoc vel illud fiat, vel ut hoc vel illud fiat, oratione efficere contendunt: Omnino enim fiet vel non fiet, in quamcunq; tandem partem se verterint; neque enim magis **D E I** scientia potest falli, aut eius prouidentia à suo cursu præpediri, quàm ipse mutari. Non est sanè huius loci, de **D E I** prouidentia, aut arbitrij libertate, aut vtriusque inter se cõcordia disputare: Attamen quò de orationis necessitate, quam illi negant, constet clariùs, prætermittere nõ potuimus, quin obiter aliquid saltem de his attingeremus.

CONTRA Arabes igitur & Epicuræos cæterosq; omnes, qui diuinam prouidentiam in totum vel in partem negant, breuiter eiusmodi ratio institui queat. Si **D E V** res, quas condidit, (condidit autem omnes, etiam minimas: *Omnia enim per ipsum facta sunt, & sine ipso factum est nihil*) non curat, vel singula secundum cuiusque rationem & proprietatem non administrat, ob id vtiq; non curat, vel quia curare vel administrare non nouit, vel quia non vult, vel quia non potest. Si nescire dixeris, ignorantia & rerum inscium; si nolle, negligentem & inuidum; si non posse, debilem ac infirmum facis: At nihil horum citra manifestam impietatem de **D E O** dici aut cogitari potest. Adhæc cum ad exactam prouidentia rationem perfecta singulorum solùm deposcatur cognitio, efficacq; cum absoluta potestate voluntas vnumquodque secundum naturæ suæ conditionem & proprietatem dirigendi & promouendi in suum finem, & tria hæc summè in Deum conueniant, nemo nisi vel mentis inops vel malitia occæcatus diuinam prouidentiam in dubium vocare valet. Denique si **D E O** cura est de omnibus, ut Scripturæ testantur, si passer non cadit in terrã absq; eiusdem voluntate, si omnia, ut quarto decimo Sapientie capite legitur, gubernat prouidentia, quomodo apud Christianos de illius prouidentia vlla adhuc quæstio hære potest?

IAM si res vita sensuq; destituta, si bruta animantia, si cætera
omnina

Ioan. 1.

Aliquot graues rationes ostendentes diuinam prouidentiam.

Sap. 6.
Matt. 10.

omnia sublunaria diuinæ providentiæ & gubernationi subsunt, ut subesse breuiter iam ostensum est, & indubitata fide tenendum est, quantò magis eidem suberit homo, omniaque eiusdem studia & opera? Siquidem quò vnumquodque est nobilius, primòque principio propinquius, eò diuinæ providentiæ rationem participat plenius. Inter omnia autem, quæ sub aspectum cadunt, homo propius ad DEVM accedit: ut qui secundùm illius imaginem & similitudinem procreatus, sempiternæ felicitatis capax sit. Homo proinde singulari quadam ratione diuinę providentię subditur; quod CHRISTVS Dominus hoc ipso etiam clarè indicat, quòd omnes illius capillos numeratos alibi affirmat.

Quò vñquodque primo principio est victin, eò diuinę providentię rationē participat plenius.

Math. 10.

CAETERVM cùm DEVS peculiarem hominis curam & providentiam habere dicitur, non est id ita accipiendum, quasi is alio actu curet hominem vel Angelum (par em̄ vtriusq; est ratio) alio cætera omnia. Vnico em̄ simplicissimo actu administrat omnia, cùm superiora tum inferiora. Neq; ita rursus quasi maior aut intensior cura sit illi de vna re quàm de alia; cognoscit enim, diligit, & dirigit omnia infinita quadam scientia, amore, & beneuolentiā. Dicitur aut̄ ob id peculiarem rationis compotis creaturę providentiam & curam habere, quia quod ad se attinet, ordinauit illam ad peculiarem finem, puta ad eternam felicitatē, idq; per media peculiaris, nimirum per merita & dona transnaturalia. Cætera aut̄ omnia per media communia & naturalia promouentur in suos fines. Sic idem quoq; peculiarem iustorum curam & providentiam habere perhibetur. Nam quæcunq; illis accidunt; siue illa æterna sint siue temporalia; siue prospera siue aduersa; siue laude, siue vituperatione digna, omnia tandem vertuntur in illorum salutem. Hinc Apostolus: *Diligentibus Deum omnia cooperantur in bonum.* Et ut electis diuina dispositione omnia vertuntur in bonum; ita reprobis sua culpa omnia cedunt in laqueum. *Creaturæ*, scribit Sapiens, *in odium factæ sunt, & in mscipulam pedibus insipientium*, hoc est, peccatorum.

Quo sensu Deus peculiarem hominis providentiam habere dicatur, & peculiarissimam electorum.

Rom. 8.

Sap. 14.

QVOD autem hæc providentia humanā libertatem, aut rerum contingentiam è medio non tollat, id proluxa probatione nō magnopere indiget. Etenim si DEI providentia absolutam rebus, quę sub illam cadunt (cadunt autem sub eam vniuersę) necessitatem imponeret, causæ secundariæ ad vnam omnes necessariæ forent:

Diuina prouidentia neq; rerum contingentiam, neque humanę voluntatis libertatem tollit.

forent: Siquidem vnusquilibet effectus non à prima aut remotà causa contingens, liber, aut necessarius dicitur, sed à proxima. Homo enim liberè generari dicitur, quia proxima productionis illius causa liberè agit, & tamen sol, & reliqua astra, quæ ad generationem eius coeunt, necessariò agunt. Atqui permultæ in rerum vniuersitate extant causæ, quæ non necessariò, sed liberè vel contingenter agunt: Quandoquidem ad sensum patet, innumeras propemodum esse, quæ deficere & impediri possunt, subindeque deficiunt & impediuntur.

AD HÆC diuinæ prouidentia est, vniuersitatis ordinem, totamque eiusdem perfectionem constituere & conseruare, non etià hanc vel illam euertere aut quauis ratione labefactare: at si omnia absoluta necessitate euenirent, totus hic vniuersitatis ordo, totaque eiusdem perfectio funditus euertetur. Constat namque, vniuersitatis perfectionem, ordinem, & pulchritudinem ex diuersis rerum gradibus, maxime verò ex necessariis & contingentibus (in quæ ens proximè diduci solet) conflare. Cùm ingens itaque rerum causarumque contingenter agentium sit moles, vniuersum valde mutilum & imperfectum foret, si omnia contingentia è medio facerent: Facerent autem omnino, si DEI prouidentia rebus omnibus necessitatem imponeret. Denique ea opinione, quæ vanissima est, semel admissa, non modò contingentia omnia è medio submouerentur, sed omnis quoque ortus & interitus, omnisque mutatio & motus, quibus ad illa peruenitur: Quandoquidem omne necessarium est semper; nullum occasui obnoxium est semper. Si ergo omnia essent necessaria, nihil corrumpetur, & per consequens nihil generaretur: semper enim vnus interitus vel corruptio, alterius est generatio: Atqui omnia hæc admodum sunt absurda, & non modò à ratione, sed à sensu quoque prorsus aliena.

Quod si diuinæ prouidentia ordo suauisque eiusdem dispositio rerum anima menteque carentium naturas non tollit, neque vllam in partem labefacit: sed in sua natura & proprietate singulas conseruat: multò minùs rerum anima, sensu, menteque præditarum naturas & proprietates tollet, aut destruet, vt quæ cæteris omnibus sint multò nobiliores, Deoque multò chariores. Atqui liberum arbitrium non minùs est de intrinseca hominis ratione,

Ad vniuersitatis perfectionem pertinent non solum necessaria, sed etià contingentia & libera.

Si omnia quæ in rerum vniuersitate existunt, essent necessaria, nihil oriretur, aut interiret.

Liberum arbitrium æquè est de hominis ratione, atque mens ipsa.

tione, atque mens ipsa. Dei itaque providentia homini innatam libertatem nullo modo adimit.

RVRSUM sapientis est, rebus secundum vniuscuiusq; modum & conditionem vti (nam aliàs frustra ad vsum sumeret. Quis enim, nisi mente captus, assumat ignem ad humectandum, vel aquam ad desiccandum?) actionis autem cuiusq; modus consequitur rei formam; siquidem forma est actionis principium: Forma autem per quam homo, & omne omnino agens voluntarium agit, non est certa & determinata. Voluntas namq; agit per formam, hoc est, per speciem ab intellectu apprehensam; intellectus autem non apprehendit vnā aliquam certam & determinatam formam, sed quamlibet indiscriminatim: Quandoquidem obiectū illius est ens in summa sua latitudine acceptum. Sed neq; singula solum apprehendit, verum de singulis quoq; per speciem apprehensis (sint ne videlicet ad hunc vel illum finem obtinendū idonea, vel quæ voluntas consecetur satis digna) iudicium facit. Iudicium porrò, quod fecit, offert voluntati, quæ pro sua ingenita libertate oblatum respuit vel admittit. Nam vt intellectus liber est ad iudicandum; ita voluntas ad consecrandum vel auersandum: Deus autem est summè sapiens; ergo vtitur humana voluntate secundum ipsius voluntatis modum, naturalemque eiusdem proprietatem. Ergo providentia sua humanam voluntatem suā libertate non orbat, sed eandem in sua naturali libertate confirmat conservatque.

Forma, qua homo agit, non est certa & determinata.

DENIQUE diuinæ providentiæ est, bona quæ rebus indidit, augere, eaque, quæ eiusmodi bona diminuere nata sunt, submouere: At si DEVS per providentiam suam homini libertatem adimeret (sicut vtrique adimeret, si rebus prouisis necessitatem imponeret) plurima non vulgaris momenti bona è medio tolleretur; puta omnem virtutem omnemque humanæ vitæ actionem; siquidem humana actio absque libertate constare non potest, homo autem sine vlla hominis actione, quam edat vel eदेre queat, belua est veriùs quàm homo. Quare diuina providentia non eripit homini libertatem. Atque hoc ostendunt innumeræ Patrum & Scripturarum auctoritates, è quibus illustiores tractatu ultimo de originis peccato adduximus, inde petat, qui volet.

Absque libertate nulla constare potest humana actio, adeoque nulla ratio meriti aut premij.

DICIS, assequi non satis valeo, quomodo vnum & idem ad numerum simul queat esse necessarium, & contingens vel liberum: Atqui res omnes, rerumque omnium effectus & motus, si ad DEI scientiam aut prouidentiam referas, sunt certæ & necessariæ. Impossibile est enim, vt vel hæc frustretur, vel illa fallatur. Quo ergo sensu quippiam in tota rerum vniuersitate poterit esse liberum vel contingens? Sanè si Cardinalis S. Syxti opinatio ratione nixa est, horum inter se conciliatio facilius creditur, quam commodè explicatur. Quòd si verò hoc vnum ex iis non est, quæ tantum creduntur, statuendum secundum eundem est, ex diuinæ prouidentiae ad alteram contradictionis partem, determinatione non sequi, rem esse necessariam aut contingentem; fallibilem aut infallibilem; euitabilem aut ineuitabilem: sed tertium quoddam, quod neque necessarium est, neque liberum aut contingens; neque fallibile rursus aut infallibile; neque euitabile tandem aut ineuitabile; verum medium vel tertium quoddam eminenti quadam ratione vtrumque complexens, puta necessarium & liberum vel contingens, fallibile & infallibile, euitabile & ineuitabile.

Caletanus reser-
contingentiam
cum diuina pro-
uidentia nouè
planèq; obscurè
conciliat.

VERVM hæc responsio multò ipsa quæstione obscurior, intellectuq; difficilior est. Quis enim capiat, etiamsi magno ingenij acumine præstet, effectum aliquem certò à DEO prouisum, vt ab eodem prouisus est, neq; necessarium esse, neq; contingentè, sed vtrumq; eminenter & tertium quoddà formaliter: Quandoquidem contingens est, quod potest non esse; necessarium est, quod non potest non esse; posse aut non esse, & non posse non esse, sunt cōtradictoria; hæc aut medium nullum admittunt, neq; per participationem, neq; per abnegationem: Impossibile est ergo, aliquid à DEO esse prouisum, quod tamen neq; necessarium sit, neq; contingens. Pari ratione fallibile est, quod potest fallere vel deficere; infallibile, quod non potest fallere aut deficere; hæc autem aperte sunt pugnantia, adeoque medio destituta. Idem statuas de euitabili & ineuitabili, cæterisque similibus.

QVI igitur paucis ab hac difficultate expedire se volet, respondeat is, diuinam prouidentiam omnem omnino effectum, vt in ipsa æternitate præsens est, efficere necessarium, (Quod enim est, non potest eo modo, quo est, non esse) vt autem futurus est, aliquem

aliquem quidem efficere necessarium, eum videlicet, cui præparavit causas necessarias; Aliquem rursus merè contingentem, eum nimirum, cui præparavit causas merè cōtingentes: Aliquem demum liberum, eum videlicet, cui præparavit causas verè liberas. Idem statuatur de fallibili & infallibili, euitabili & ineuitabili. Omnes namque effectus, ut in æternitate sunt præsentés, sunt infallibiles & ineuitabiles; ut verò olim expectantur futuri, aliqui ex illis sunt fallibiles & euitabiles, aliqui infallibiles & ineuitabiles, prout nimirum proximæ illorum causæ sunt necessariæ vel contingentes.

Ut hæc doctrina, quam veram & planam existimo, habeatur clarior, aduerte quamlibet rem contingentem bifariam considerare posse. Vno modo, ut adhuc in sua causa existit, siue causa illius sit humana voluntas, siue alia quæcunq; naturalis. Alio modo, ut iam actu producta est. Quamdiu adhuc hæret in sua causa, omnino contingens vel indifferens est; potest enim esse & non esse. Nam antequam lego, vel scribo, vel oro, integrum est mihi scribere & non scribere, orare & non orare, legere & non legere. At verò posteaquã re ipsa iam lego, scribo, vel oro, quod antè indifferens indeterminatumq; erat, indifferens ad vtrumq; indeterminatumq; esse desinit, & incipit iam esse non solum determinatum, verum etiam necessarium: Sed isthæc interim determinatio vel necessitas non obstat, quò minùs hæc omnia liberè vel cōtingenter eueniant. Potuisssem enim non legere, non scribere, non orare, sed quiescere vel aliud facere. Et quod de re hîc dicitur, hoc ipsum de rei cognitione, de quæ propositione, qua res significatur, dictum quoque accipiatur. Cognitionis enim rei futuræ, nisi in causa sua sit certa, sua natura est incerta: At verò cognitio rei præsentis & iam ob oculos obuersantis, est certa. Dum enim legentem, vel scribentem, vel orantem te video, vera est hæc cognitio, & vera rursus hæc propositio; tu legis, tu scribis, tu oras; & tamen hæc cognitionis & propositionis veritas, vel ex hypothesi necessitas non impediunt, quò minùs hæc omnia secundum naturam suam sint contingentia, cōtingenterq; eueniant: Poterant enim non euenisse.

HIS adde, DEVM Opt. Max. sua infinita scientia omnia contingentia, antequam eueniant, vel extra causam suam emergant,

k k 2

ut in

Omnis effectus ut in ipsa æternitate præsens est, necessarius est; ut autè futurus est, pro cautari proximarum ratione, aliis libere, alius necessarius, alius cōtingens est.

Quis effectus cōtingens bifariam considerari potest, vno modo ut iam actu productus est, altero modo ut adhuc in sua causa hæret. Hoc modo est verè contingens, illo necessarius, verum id adhuc ex hypothesi.

*Omnia futura,
Deo omni mo-
do, quod sunt vel
esse possunt, sunt
præsentia.*

ut in se ipsa sunt, siue ut iam ad alteram contradictionis partem deter-
minata sunt, latè cognoscere, dilucideque intueri. Quic-
quid enim vnquam futurum est, hoc ab æterno omni illo modo,
quo esse potest, ipsi præsens est. Hæc tamen æterna visio, vel rerum,
quæ olim futuræ sunt, in diuina æternitate præsentia, rerum natu-
ras non mutat, sed omni modo indemutatas conseruat. Nam ad
mutationem quod spectat, perinde se habet Dei notitia aut visio
ad res cōtingentes & necessarias, atque mea vel alterius cuiuscūque.
Ut ergo dum Titium adu iam currentem vel scribentem video,
mea visione illius cursum vel scriptionem necessariam nō efficit;
(vtrumque enim cōtingens est, cōtingenterque effectum est) ita nec
summi quoque illius monarchæ visio vel præuisio, illa quæ secun-
dum se sunt contingencia, simpliciter facit necessaria.

*Contingētia vt
futura sunt, in-
certa sunt, vt au-
tem pientia vel
producta, & cer-
ta, & secundum
quid quoque, ne-
cessaria sunt.*

CONTINGENTIA ergo, vt futura sunt, incerta sunt, verèque
& propriè contingencia sunt: vt autem iam producta, vel ad alte-
ram cōtradictionis partem determinata sunt (quo modo omnia
vtique apud Deum sunt) & certa sunt, & secundum quid quoque ne-
cessaria sunt. Quod enim est, pro tempore, quo est, vt non sit,
planè impossibile est. Hæc tamen hypothetica necessitas non
adinit illis veram contingentiz rationem: Hæc enim non pen-
dēt ex huius vel illius visione, prouisione, vel notione, sed ex cau-
sis, vnde proximè dimanant; tales enim sunt verèque habentur
effectus, quales propriæ illorum causæ. Patet ergo, quomodo
diuina scientia vel providentia rerum contingentiam non
tollat, humanæque voluntatis libertatem non infirmet; adeoque
quàm putido friuoloque fundamento nitantur, qui propter cer-
tam Dei scientiam, indemutabilemque eiusdem providentiam,
orationis necessitatem, inò verò omnem omnino humanam
actionem è medio tollunt.

*Pelagianorum do-
ctrina orationis
necessitati con-
traria.*

Sed neque Pelagiani quoque, & qui horum dogmata sectan-
tur, de orationis necessitate satis orthodoxè sentiunt. Nam si ho-
mo solis naturæ viribus salutem, omniaque ad salutem necessa-
ria potest consequi, vt illi impudenter statuunt, profectò nullo
opus erit orationis p̄sidio, quò isthæc à Deo impetremus. Quo-
rum enim aliunde emendicabo, quod citra incommodum ex me
ipso petere valeo? Verùm horum fundamentum est æquè infir-
mum, vanum, & putidum, ac illorum, quos hæcenus oppugnamus.

Cer-

Certum est enim & ex scripturis manifestum, hominem diuina gratia, aliisq; non paucis, quæ ex se petere nequit, indigere, adeoque precibus & obsecrationibus, quibus illa à Deo obtineat, opus habere.

ET ENIM si nihil boni cogitare, aut velle ex nobis possumus, quomodo opera vitæ æternæ meritoria per nos edemus? Quod isthæc autem ex nobis non queamus, disertis verbis indicat illud Apostoli: *Non sumus sufficientes cogitare aliquid ex nobis, quasi ex nobis, sed sufficientia nostra ex Deo est.* Et illud rursum eiusdem: *Gratia Dei saluati estis per fidem, & hoc non ex vobis; Dei enim donum est.* Et illud: *Deus est, qui operatur in nobis velle & perficere per bona voluntatē.* Et illud: *Nemo potest dicere Dominus Iesus, nisi in Spiritu sancto.* Et illud CHRIS-
TII: *Nemo potest venire ad me, nisi pater traxerit illum.* Et infra: *Sine me nihil potestis facere.* Et illud tandem Hieremix: *Scio Domine quia non est hominis via eius, nec viri est, ut ambulet, & dirigat gressus suos;* nempe ad salutem & vitam æternam non simpliciter ambulare solo generali DEI auxilio possumus. Eiusmodi in utroque Testamento occurrunt alia quàm plurima.

SED obiciis: si homo DEI præcepta seruare, peccata & dæmonis tentationes, aliâq; eiusmodi incommoda ex se vitare non potest; ergo non peccat, si mandata non seruat, aut peccata non vitat, quia nemo obligatur ad impossibile. Nihil horum est impossibile cum DEI gratia, eiusdemque fauore & adiutorio, quod semper paratum est petentibus, vel gratis quoque oblatum non repudiantibus: stat enim ille ad ostium & pulsat, manusque vitro extendit & porrigit, si quis fortè aspiciat & apprehendat: Sed plurimi sunt, qui pulsantem non audiunt, inuitantem non sequuntur, manum porrigentem non aspiciunt. Quare à peccato non excusantur, qui præcepta illius non seruant, aut dæmonis, vel carnis, vel mundi tentantis locum dant; quia non faciunt, quod debent, ut salui fiant. Neque hinc tamen sequitur, nullum nobis meritum apud DEVM repositum esse: Nam etsi diuina gratia principatum in merito obtineat, ipsa tamen per se absque nostra synergia, neque meritum est, neque meritum vllum generat. Verum non est huius loci de merito, aut gratiæ præsidio disputare. Solum ostendere voluimus fundamentum, quo Pelagiani orationis necessitatem excludere contendunt, esse planè infirmum, &

1. Cor. 3.

Ephes. 2.

Philip. 2.

2. Cor. 1.

Ioan. 6.

Ioan. 15.

Cap. 10.

Apoel. 1.

Proverb. 1.

Nō excusantur à peccato qui gratia Dei tentantur in his tentantibus succumbunt, aut diuina præcepta negligunt, quia cum Christi gratia perueniunt non succumbunt, & non negligunt.

ab expressa Spiritus sancti doctrina, Scripturarumque sententiâ prorsus alienum.

Hæretici extrema plerumque cōsectantur, Ecclesia autem mediū obseruat.

Cum itaque errores, quos hætenus confutauimus, sint extremi (prout hæresi imbuti extrema ferè consecrari soliti sunt; Alij enim, vt audiuius, orationis vires eiusdemque necessitatem, nimium extollunt; alij contrâ vsum & robur illius nimium deprimunt) Ecclesia mediam ingressa viam, orationem non modò vtilem & salutarem, sed ad salutem quoque necessariam prædicat. Non quòd, cæteris omnibus posthabitis, perpetua quadam contentione orationi incumbendum sit; neque quòd cætera omnia præ oratione susque deque ferre fas sit, vt perperam docebant & volebant Pfalliani: sed quòd loco & tempore, cum nimirum necessitas vel vsum id postulat, vel legitimus magistratus mandat, piè, studiosè, ac religiosè adhibenda sit.

Verum quò de hac necessitate planius constet, ex superioribus repetendum hic est, duplicem esse orationem, vnam priuatam, alteram publicam. Et quamuis vtraque sub præceptum interdum cadat, non eodem tamen modo hic casus contingit. Priuata enim quadam tantum generali ratione, puta absque omni loci, temporis, vel modi determinatione sub præceptum venit. Solennis autem & publica sub certis legibus, locique & temporis circumstantiis indici consuevit: Vnde quidam hanc determinatam, illam indeterminatam appellant. Ordinar autem à priuata, vt quæ solenni latius pateat: Obligat hæc enim suo loco & tēpore omnes rationis luce vtentes; illa non omnes, sed Ecclesiæ tantum ministros, qui sunt minima mortalium portio. Hætenus tamen publica quoque ad omnes pertinet, quatenus Ecclesiæ ministri non pro se tantum precantur precarique obligantur, sed pro omnibus, maximè verò pro iis, quorum stipendiis aluntur.

Priuata oratio latius patet, quàm publica.

Quod ergo priuata oratio in præceptum interdum cadat, compendiò eiusmodi ratione probari queat. Quod nulla omnino lege aut statuto cautum est, hoc citra noxam perpetuò omitti potest; & vice versa; quod citra culpam omitti non potest, omnino aliqua lege cautum sit necessum est: siquidem omnis omnino culpæ obnoxia omisio, sicut & commissio quoque, semper est contra aliquam legem, statutum, vel præceptum; atqui vt iam antè sæpe ostensum est, oratio perpetuò omitti inculpate nō potest; ergo certa aliqua lege

lege indiſta ſit neceſſum eſt. Adhæc iure naturali ea omnia præſtare obligamur, citra quæ ſalutem obtinere non poſſumus: at citra orationis præſidium certa ſalute potiri nequaquam valemus; oratio proinde minimū ſub iuris naturalis præceptū cadit. Maior ratiocinationis huius eſt manifeſta. Minor probatur: Abſque ſpe, charitate, cæterisq; Spiritus ſancti chariſmatis ſalus conſtare non poteſt: aſt via ordinaria nulli adulto citra orationis præſidium hæc obtingunt, neq; ſemel obtenta, diu quoque abſq; eiufdem adminiculo ſalua conſiſtunt. Deniq; omnes obligantur orationem Dominicam non modò ſcire, ſed etiam recitare; omnis autem obligatio oritur ex aliquo præcepto.

Et quemadmodum ea, quæ ſalutem conciliare nata ſunt, citra orationis beneficium communiter non obueniunt, nec diu citra illud ſalua cōſiſtunt; ita nec illa quoq; citra illius opem facilè propulſantur, quæ eandem ſalutem ſua natura impediunt, vt ſunt grauioreſ carnis, Dæmonis, vel mūdi tentationes, alięq; eiufmodi corporis, vel animę peſtes. Quare etiā in oratione Dominica non ſolū gratiam & gloriam, peccatorumq; veniam & neceſſariam corporis ſuſtentionem petere edoſi ſumus, verū etiam opportunam à tētationibus & aliis malis liberauonem. De hac orationis neceſſitate D. Auguſtinus alicubi ita ſcribit: Nullum credimus ad ſalutem venire, niſi Deo inuitante; nullum inuitatum, niſi Deo auxiliante, ſalutem ſuam operari; nullum niſi orantem auxilium promereri. Hęc ille, quibus cognata ſcribunt alij. Oratio itaque generatim accepta ſalutem potituro omnino eſt neceſſaria: Nam de modo, tempore, loco, cæterisq; ſimilibus nihil per modum præcepti cautum extat.

NASCITVR autē hæc priuatæ orationis obligatio ex triplici capite; primò quidem ex cultu, quem Deo Opt. Max. propter ſupremum dominium, perceptaq; ab illo beneficia omni iure debemus. Eſt enim oratio præcipuus religionis actus. Quare etiam Eccleſia debiti huius non ignara, designauit certos dies, quibus precando, aliq; pietatis munia obeundo hunc latræ cultū Conditōri noſtro peculiariter depēdamus: Conſtat enim, primarium inſtitutorum feſtorum ſcopum eſſe diuinum cultum. Quo etiam ſit, vt illis diebus ea opera inhiberi ſoleant, quę cum hoc cultu pugnant, vel non ſatis conueniunt; vt ſunt munia omnia externa & ſeruilia.

Citra orationē
adulto ordina-
riē non contin-
git ſalus.

Quę ſalutem im-
pediūt, citra ora-
tionis præſidium
egre propulſan-
tur.

Lib. de dogma-
eco.

Priuatæ oratio-
nis debitum ori-
tur ex triplici
fonte.

Non minùs obli-
gamur nos ama-
re secundùm ani-
mam, quàm se-
cundùm corpus.

Mox verò ex lege illa, qua obligamur non minùs nos ipsos diligere secundùm animam, quàm secundùm corpus, imò verò inagis, quantò anima potior est corpore. Quamobrem ut quilibet iure naturali tenetur mendicare, si alia ratione vitam tueri nō potest: ita ea quoque, quæ ad animæ vitam & salutem sunt necessaria, à D^eo emendicare supplexq; petere; si secus impetrare non potest: Atqui diuina charismata vñtata lege per orationem ad nos deriuantur; vult enim D^eus rogari, etsi citra rogationem sua nobis dona impertiri queat, & interdum impertiri solet. Postremò autem ex eo præcepto, quo iubemur proximum amare sicut nos ipsos, maiorisq; facere illius animam, quàm vel nostri vel illius quoque corporis salutem. Ut ergo sub mortis æternæ pœna proximo in extremæ vitæ periculo propter inopiam vel aliam causam constituto, pro viribus opitulari obstringimur; ita sub eadem illa pœna pro eodem in extremum æternæ salutis vel spiritualis vitæ discrimen adducto orare obligamur, si alia ratione illum iuuare non possumus, & spes est non parua, illum ea ratione à periculo, in quo versatur, liberatum iri.

Pro proximo in
extremo. salutis
periculo cōstitu-
to, si alio modo
eum iuuare non
possumus, orare
obligamur.

Ex iisdem illis capitibus haud difficulter colligi potest, quando præceptum de orando, (quod secundùm se alioqui indeterminatum est) obliget, actualémue sui obseruationem postulet. Etenim si locus vel tempus se offert, qui orationis cultum exigar, vñdecunq; tandem eiusmodi exactio vim trahat; (Sunt enim plurima, quæ eam necessitatem parere queant) omnino qui in orationis legem præuaricari non volet, precationi operam dare debet. Pari modo si vel nos ipsi vel proximus noster tali quopiam Dæmonio correptus tenetur, quod sine orationis præsidio profigari non valeat; aut in tali æternæ vel temporariæ vitæ discrimine versetur, ex quo nisi diuinam opem humili submissioque animo imploremus, emergere nequeamus, modis omnibus orationi vacandum erit. Denique si lege illa notissima, qua nos ipsos diligere iubemur, vitam æternam eaque omnia, quæ ad illam sunt necessaria, desiderare tenemur, tenebimur quoque eandem subinde expetere: Siquidem solum votum vel desiderium sine petitione, vel eiusdem, vbi se offert occasio, explicatione, non est satis consummatū. Quòd si orationem ea latitudine accipias, ut idem sit orare, quod iuste viuere, vel rectè agere, semper nobis orandum erit;

Præceptum ora-
tionis multis ca-
sibus obligat, po-
tissimè à n tamē
in tribus.

erit; nunquam enim iniuste licet viuere, vel prauè agere: Athoc sensu orationis vocabulum hîc non vsurpamus.

VERVMENIMVERO licet priuata oratio ad modum iam expositum indeterminatè cadat sub præceptum, dubium tamen nonnullum habet, de mentaline tantum hoc accipiendum sit, an de vtraque simul. Non sat esse solam mentalem, vt saluus fias, defendunt quidam; allegant autem illud Cantici: *Fac me audire vocem tuam*. Item: *Sonet vox tua in auribus meis*. Et illud Ecclesiastici: *Constituimini illi in voce labiorum vestrorum*. Et illud vatis Regij: *Vox mea ad Dominum clamaui*. Et illud eiusdem: *Domine labia mea aperies, & os meum annuntiabit laudem tuam*. Et illud Esaie: *Populum istum formam mihi, & laudem meam narrabit*. Et illud Osee: *Reddemus vitulos labiorum nostrorum*. Allegant huc etiam CHRISTI exemplum & documentum; constat eum enim sæpenumero vocali oratione vsus esse, & vocalis orationis formulam edidisse. Addût his auctoritatibus eiusmodi rationem: Omnia, quæ habemus & possumus, gratis à DEO accepimus; ergo omnia grato animo in illius laudem vertere debemus; ergo non solum mente, sed lingua quoque DEVM laudare & inuocare obligamur.

HIS tamen omnibus non obstantibus, rectius defenditur, prout suprà quoque obiter defensum est, priuatam orationem vocem necessariò non deponere; neque quenquam omnino priuatim orantem ad vocalem orationem communi aliqua lege obligari. De priuatis autem debitis, vel legibus, vel obligationibus, vel necessitatibus nihil hîc dicimus. Nullum enim est dubium, quæ ita stupidi aut frigidi sunt, vt meditari vel mentaliter orare planè non valeant, illos quotiescunque necessitas orationem postulat, vocales preces adhibere debere. Idem de iis quoque statuas, qui citra còtinuam animi distractionem & euagationem sola mente orare nequeunt; & de iis itidem, qui citra aliorum offensionem à vocali oratione abstinere nò possunt, & de iis tandè, à quibus lex, vel votum, vel peculiare institutum vocalem orationem deponit. Verùm hæc omnia, & si qua id genus sunt alia, ad vocalè orationè per accidens se habent: Quæ autem talia sunt, ea legum & præceptorum rationem non subeunt; per se ergo sat est oratio interna.

NEQUE oppositum euincunt, quæ pro vocali oratione paulò antè allegata sunt. Nam quæ ex Canticis & Psalmis & Osea allata

Cap. 8.

Can. 2.

Cap. 39.

Psal. 3.

Psal. 50.

Cap. 43.

Cap. 14.

Matth. 26.

Luc. 6.

Matth. 6.

Priuata oratio
nò necessariò de-
ponit vocem vel
aliud externum
signum.

Christi exemplum vel factum non habet vim legis, sed consilij tantum, etsi hoc quoque non semper.

sunt, ea de vocalis orationis necessitate nihil præfinit. Commendant tamen externam orationem, eamque DEO gratam & Christiano homine dignam prædicant. Sic quoque CHRISTI exemplum, eiusdemque doctrina non figit semper legem: Multa enim ille fecit & docuit, quæ tamen non iussit, neque per modum præcepti iniunxit. Vtrumque tamen indicat, vocalem orationem rem esse utilem, quamquæ CHRISTI discipulus sedulo exerceat, idoneam. Sic tandem omnia nostra in illius obsequium sunt vertenda, verum id liberè, ubi aliud præceptum non fuerit. Sed neque vnus quoque est tantum linguæ vsus, sed varius & multiplex. Quare si orando in DEI seruitium illam non conuerto, possum docendo, vel prædicando, vel ius dicendo, vel aliud quippiam eiusmodi præstando conuertere.

DE mentalis porro orationis necessitate nulla est quæstio; non solum propter euidentes causas & rationes iam antè allatas, verum etiam propter CHRISTI voces manifestam præcepti formam præ se ferentes; ait enim: *Petite, & accipietis; querite, & inuenietis; pulsate & aperietur vobis.* Hic Thomas: Non solum petere, quæ desideramus, sed etiam rectè aliquid desiderare sub præceptu cadit: Sed desiderare cadit sub præceptum charitatis, petere autem sub præceptu religionis: Quod quidem præceptum ponitur Matthæi septimo, ubi dicitur: *Petite, & accipietis.* Cum ergo præceptum hoc non sit datum de oratione vocali, vt exponit idem auctor art. 12. eiusdem quæstionis, consequens fit, vt datum sit de oratione mentali; quippe cum nulla sit oratio, quæ ad mentalem aut vocalem non pertineat. Equè præcepti speciem præ se fert alteru illud eiusdem CHRISTI: *Oportet semper orare, & non deficere.* Et illud item: *Vigilate, & orate, ne intretis in temptationem.* Et illud tandem Iacobi: *Orate pro inuicem, vt saluemini.* Verum de priuatæ orationis necessitate satis; proximum est, vt de publica quoque nonnulla disseramus: Nam etsi vsus illius tam latè non patet, atque priuatæ; patet tamen maioribus aduersariorum telis.

De iniustis illorum querelis & calumniis, qui horarum canonicarum rationem & usum oppugnant.

CAPVT OCTAVVM,



VI ea omnia referre, accuratèq; refutare vellet, quæ veteres hæretici aduersus horas Canonicas, solennesque & publicas preces olim attulerunt, & nuper nati etiamnum aduersus easdè adferunt, prolixiore oratione opus haberet; verùm quòd ad alia festinemus, quodque Thomæ VValdensis opera veteribus abundè factum sit satis; nos ea solum hoc loco in medium adferemus & propugnabimus, quæ illi impugnant, vel damnant, vel superstitionis notat, qui hac hominū memoria Ecclesiam perturbant, Sathanæq; regnū dilatant.

CAVILLANTVR hi autem permulta, sed non eadè omnes, prout ætatis huius sectarij in paucis admodum inter se cōspirant; ast omnia malignè & vanè: Quandoquidem si rectè, vt par est, rem expenderent, nihil omnino in horis Canonicis earundè muc partibus vel circumstantiis inuenirent, quod iure damnare, aut cuiuscunque superstitionis notare possent. Et quamuis istud apud cordatos, & erga orthodoxiam bene affectos obscurum non sit, clarius tamen euadet, si præcipua rei huius capita, potioraq; corporis huius membra in medium adduxerimus. Neque enim est animus de horis Canonicis ex instituto, hoc loco disputare; sed ea tantum, vt paulò antè monebam, propugnare, quæ ab Antagonistis acrius oppugnantur.

INTER cætera igitur horæ Canonicæ deposcunt orationem, eamque frequentem. Deposcunt certum tempus & locum: tum certum quoque modum & numerum. Deposcunt delectos homines, qui totius populi nomine & loco pensum horarium publicè, ritèque persoluant. Deposcunt tandem, vt illi, qui ad munus hoc allecti sunt, officium diligenter faciant, iustasq; si secus fecerint, negligentia suæ pœnas luant. At nihil ex his omnibus est, quod cum ratione pugnet, aut à maiorum traditione dissentiat, aut scripturis aduersum existat, aut vllam omnino mali aut vanæ religionis speciem præ se ferat.

ET ENIM orare secundum se, non est malum, sed bonum & salutare, vt fatentur omnes. Nam etsi sunt, qui parum ad salutem prodesse contendunt, nullus tamen sano iudicio vtens est, qui orare malum aut peccatum esse dicat. Dicunt sanè & scribunt, qui in Lutheri verba iurarunt: Omnia iustorum opera peccata esse; verùm quia hoc & contra rationem, & contra scripturā, & contra

Sectarij in paucis admodum inter se cōspirant.

Nihil omnino cōperitur in horis Canonicis, qd cō scripturis, aut ratione, aut religionis, aut maiorum traditione pugnet. Mentis sedes ita totos demonstrat, qui orare malū, aut peccatū esse docent.

communem sapientum omnium sensum atq; consensum dicunt & scribunt; neq; de sola oratione, sed de omni omnino iustorum opere asserunt, non existimauit, eos inter illos censendos, qui sano iudicio præditi sunt. Quis enim nisi prorsus amens mētisq; impotens asserat, CHRISTVM, Apostolos, Prophetas, Martyres, Sanctos deniq; omnes verbo & exemplo certatim ad id instigasse, quod de se peccatum erat? Atqui hi omnes, vt in vtroq; instrumēto videre est passim, ad orationis studium instigabant, vt qui maximè.

Non est malum rursus, sed bonum & apprimè salutare, frequenter orare. Nam & Apostolus, vt sine intermissione oremus, monet. Et CHRISTVS, oportet semper orare & non deficere, clamat; & Anna filia Phanuelis laudi vertitur, quod ieiuniis & obsecrationibus noctu ac die DEO seruiret; & Danieli, quod ter interdiu genibus nixus Hierosolymam versus oraret; & viduæ Euangelicæ, quod apud iniquum iudicem opportunè importunè ius suum vrgeret; & Cornelio centurioni, quod semper DEVM deprecaretur; & primitiuæ Ecclesiæ, quod sine intermissione pro Petro in vincula coniecto Dominū rogaret; & Dauidi, quod totas noctes oratiōi vacaret. Sed & Paulus quoq; nocte & die sese orasse profitetur, quò Thessalonicensium faciem videre liceret, eaq; quæ fidei illorū deerant, expleret. Idem de solatis viduis vt nocte & die orationibus & obsecrationibus instent, præfinit. Alibi Ephesiis vt pro se & omnib⁹ Sanctis omni instātia orent, seriò iniungit. Mitto hīc Aaronis posteritatem, quæ vt precibus diuinisq; laudibus diu noctūq; in tabernaculo operam daret, diuinitus electa & instituta erat: Nō itaq; nouū aut à scripturis alienum est, frequenter orare.

IAM si bonum & salutare est, frequenter orare, frequensque oratio distincta temporum interualla deposcat, (neq; enim preces distinctæ, vel eadem crebrò repetitæ in vnū temporis articulum incidere possunt) non erit malum orandi tempora ita inter se distribuere, vt præcipuis diei partibus respondeant. Primariæ autē diei partes sunt quatuor, manè videlicet & vespere; dies media & nox intempesta; quas eò quisq; obseruat obseruauitq; semper accuratiùs, quò pietati & deuotioni magis erat deditus. Prophetæ Dauidi familiare erat noctu vel summo manè orare, etsi interdiu ab oratione nō prorsus vacaret. De nocturna oratione cōcionatur illud: *Media nocte surgebam ad confitendum nomini tuo.* Et illud:

Memor

Præcipuæ naturalis diei partes quatuor.

Psalm. 118.

Psalm. 137.

Memor fui nocte nominis tui Domine. Et illud: Meditatus sum nocte cum corde meo. Et illud: In noctibus extollite manus vestras in sancta, & benedicite Dominum.

Psal. 9.
Psal. 76.
Psal. 87.

DE matutina verò illud: *Manè exaudies vocem meam; manè astabo tibi. Et illud: Exaltabo manè misericordiam tuam. Et illud: Manè oratio mea praeueniet te. Et illud: In matutinis meditabor in te. Et illud: Castigatio mea in matutinis. De nocturna autem & matutina illud: Clamabo per diem, & non exaudies: nocte & non ad insipientiam mihi. Et illud: Bonum est confiteri Domino, & psallere nomini tuo, ad annuncian- dum manè misericordiam tuam, & veritatem tuam per noctem. De vespertina, matutina, & meridiana simul illud tandem: *Vespere, & manè, & meridie narra- bo, & annuntiabo, & exaudiet vocem meam.* Habemus hinc, regium vatem stata orandi tempora obseruasse, puta nocturnum, matu- tinum, meridianum, & vespertinum, vt quæ cæteris ad orandum viderentur aptiora. Quare eadem etiamnum Catholica obseruat Ecclesia.*

Psal. 5.
Psal. 58.
Psalm. 87.
Psalm. 11.
Psalm. 19.
Psalm. 54.

QVOD si David & veteres Patres, (neque enim putandum est, solum Dauidem, qui grauissimis regni negotiis perpetuò dis- stinebatur, stata orandi tempora obseruasse, reliquos autem pios & religiosos homines pro nihilo illa duxisse) habebant certas ho- ras præfinitaq; tempora orationi destinata, quantò magis Chri- stianos coruscante iam Euangelij luce, exundanteque Seruato- ris CHRISTI gratia & veritate suas stas precandi horas & vi- ces obseruare oportebit? maximè verò cum non modò veteris Synagogæ procures ea in re habeant duces & magistròs, sed ipsos quoque Apostolos. Constat hos namque partim veteres æmu- lantes, partim legem suo exemplo firmantes, certa orandi tem- pora studiosè obseruasse, & quidem eadem ferè, quæ nunc in so- lennibus precibus obseruat Ecclesia. Nam & Paulus & Sylas in carcerem coniecti media nocte ad orationem surrexerunt, iuni- nisque laudibus clara voce incubuerunt. Quæ quoque oratio DEO tantopere placuit, vt eam manifesto miraculo statim cõfirmaret: Siquidem omnia carceris ostia èuestigio sunt aperta, ompiumq; vincula illico soluta. Sic Petrus quoque & Ioannes ad nonam ora- tionis horam in templum ascendisse leguntur. Idem Petrus dum sexta diei hora orationi incumbit, nullum hominũ genus ab Eu- angelij doctrinã excludi cœlesti, sed symbolico oraculo didicit.

Apostoli certa orandi tempora obseruauerunt, & ea ferè quæ etiam nunc in Ecclesia sunt in vñ. Actor. 16.

A. 9or. 7.
A. 2or. 10.

ADD E his, Apostolos non solùm noctu & interdiu de more orasse; sed aliis quoq; vt idem facerent, auctores & hortatores extitisse; notum est enim illud Pauli: *Orationi instate, vigilantes in ea, in gratiarum actione.* Et illud rursum eiusdem: *Quæ verè vidua est, instet obsecrationibus & orationibus noctu & die.* Et illud item Petri: *Estote prudentes & vigilate in orationibus.* Et infra: *Sobrii estote & vigilate, quia aduersarius vester Diabolus, tanquam Leo rugiens circumit, quærens, quem deuoret.* Tandè Apostolus graui reprehensione excipit Corinthios, quòd ad publicam orationem, quæ utiq; statis temporibus & horis habebatur, citra ordinem, debitamq; modestiâ & grauitatem conuenirent; scribit enim: *Quid ergo est fratres? Cùm conuenitis, unusquisq; vestrùm psalmum habet, doctrinam habet, apocalypsin habet, linguam habet, interpretationem habet; Omnia ad adificationem fiant.* Et quibusdam interiectis, ita demum concludit: *Omnia honestè & secundùm ordinem in vobis fiant.* Cuiusmodi autem ordo in publicis congressibus & precibus seruandus sit, id ibi plenè non præscribit, sed tantùm ex parte. Habemus ergo, non modò veterum Patrum, sed Apostolorum quoq; ætate non absq; certo ordine, temporumq; intercapidine orationi vacatum fuisse.

SED quid CHRIS TVS? nullumne ille eius rei exemplum, aut documentum nobis reliquit? Vtique; scriptum est enim: *Exiuit in montem orare, & erat pernoctans in oratione Dei.* Et cùm dies factus esset, vocauit discipulos suos, & elegit duodecim ex ipsis, quos & Apostolos nominauit. Et infra: *Erat autem diebus docens in templo; noctibus verò exiens, morabatur in monte, qui vocatur Oliueti, nempe quò ibi orationi vacaret.* Faciebatq; id ipsum subinde partim solus, partim discipulorum ceterua stipatus. Hinc illud Ioannis: *Sciebat autem Iudas locum, quia frequenter IESVS conuenerat illuc cum discipulis suis.*

QVIN & illa ipsa quoque nocte, qua à Iudæis captus est, prolixè orauit, tertioque eandem orationem repetiuit. Dubium præterea nullum est, quadraginta illis diebus & noctibus, quas ieiunus transegit in deserto, orationi, rerumq; cælestium contemplationi præcipuo studio incubuisse. Et quemadmodum familiare ipsi erat noctu orare; ita alios quoque ad vigilias, nocturnasq; preces frequenter exhortabatur. Notum est illud Marci: *Vigilate, ne cùm repente venerit, inuenerit vos dormientes.* Quod autè vobis dico, omni-
bus dico. Et illud Matthæi: *Vigilate, quia nescitis, qua hora Dominus vester*
ventu-

Venturus sit. Et illud eiusdem: Sustinete hęc & vigilate, & orate, ne intreis in tentationem. Et illud tandem Lucę: Vigilate omni tempore orantes, ut digni habeamini stare ante Filium hominis. Cap. 21.

SED dicent forsan: Esto cū veterum, qui CHRISTI aduentum secula aliquot antecesserunt; tum CHRISTI quoque & Apostolorum exemplo orandum sit, & frequenter orandum sit, & noctu orandum sit, & aliqua etiam temporum ratio inter orandum obseruanda sit: at nihil hęc omnia ad statuendum septenarium horarum canonicarum numerum. Neq; enim Apostoli solliciti erant de numero, multò verò minùs de modo, loco, tēpore, cæterisq; quę publicis precibus nunc passim adhiberi consueverunt: Verū vnum hoc illis studium erat; nempe vt munus illud precandi ritè, hoc est, in spiritu & veritate obirent.

SANE si nocturno, matutino, meridiano, & vespertino tempore, vel aliàs frequenter orare malum non est, vt diffusè paulò antè ex sacris literis ostensum est; non erit quoq; malū iis, qui Ecclesię obsequiis diuinoq; cultui ex instituto mancipati sunt, certū orandi modum & methodū, quò munere suo fungantur rectiùs, præfinire, certumq; precationum pensum, quod quotidie absoluant, eisdem præscribere. Verū quia plura sunt, quę in horis Canonicis displicent Antagonistis: Oppugnant enim personarum delectum, locum, tempus, modum, numerum, legis vinculum, & alia quædam eiusmodi quò de iniusta illorum oppugnatione & cōquestione, adeoq; de re tota constet clariùs, de singulis eo ordine, quo iam proposita sunt, seorsum nonnulla attingam.

PORRO hęc autem, quod neminem inficiaturum existimo, religionem Christianam illustrioresq; eiusdem partes tantam, vel maiorem quoque curam exigere, quantam secularis politia, vel quævis alia functio externa; vt quę cuiusque externo muneri politicoq; statui tantum præstet, quantum anima corpori, cœlestia terrenis, sempiterna caducis. Si ergo negotia ciuilia, publicaq; munia, & ea præcipuè, quę ad totius Reipublicę salutem & incolumitatem pertinent, non conceduntur quilibet citra vllum delectum, neque tractantur à quibuslibet promiscuè; sed à certis & ad impositum munus obeundum idoneis, cur solennis publicusq; DEI cultus committetur quibusuis absque vilo prorsus discrimine?

Secularij plura circa horas Canonicas catillatur, sed omnia iniuste & inopè.

Religio Christiana maiorem deposcit curam, quæcunq; negotia politica.

Ecclesia nō mi-
nūs eget suis p-
priis ministris,
magistratibus,
& stipendiariis,
quàm Respubl.

Si, inquam, Respub. bene institutę, si provincię, si regna omnia habent suos milites & satellites studio ad hoc conductos, & institutos, vt ad propulsandum iniuriam, quę ab externo hoste inferri poterat, semper sint in procinctu: Si suos Iudices & assessores, qui controuersias, quę inter ciues frequenter oboriuntur, iuste prudenterq; dirimant: Si suos prętores & lictores, qui improborum scelera legitimis pœnis coërceant: Si alios quamplurimos magistratus, qui alia aliaq; in Repub. munia obeant; Cur Catholica Ecclesia mystica CHRISTI sponsa nō habeat suos ministros, qui sacra conficiant & porrigant? Qui ea, quę ad fidem & mores faciunt, populo è suggestu proponant? Qui diuinas laudes totius populi nomine die noctinq; publicè decantēt? Qui cętera tandem Ecclesiastica omnia ex professu curent & administrent?

Sectariorū mi-
nistri corporis
& sanguinis
Christi loco.
merum panem
& vinum distri-
buunt.

RVRSVM si Iudæorum Synagoga alebat suos pontifices & sacerdotes, aliosq; inferioris ordinis ministros ex Leuitica tribu delectos & assumptos, quibus solis fas erat sacra tractare & procurare, diuinasq; laudes publicè concelebrare, adeo vt capitale esset, si quis alius in illud munus se intrusisset. Si gentium populus habebat suos flamines & protoflamines, suosq; auru-
spices & diuinos, qui soli sacra administrabant, Decorum oracula consulebant, hymnosq; & carmina in eorundem laudem publicè concinebant: Si ciuitates & provincię, quę Lutheri vel Caluini vel alterius magistri errores complexę sunt, alunt suos Diaconos & Pseudodidascalos, quibus solis potestatem faciunt Lutheri vel Caluini Euangelium ebuccinandi, merumq; panem & vinum, corporis & sanguinis CHRISTI loco, distribuendi, ægros animam agentes in concepto semel errore confirmandi; Cur CHRISTI Ecclesia non habeat, qui ex instituto apud DEVM pro communi populi salute iugiter intercedant, & quosdam quasi secundarios ministras inter DEVM & homines sese constituent?

DENIQVE si in ciuitatibus bene compositis & institutis, nō cuilibet promiscuè quodlibet mechanicum opificium tractare licet, ne quod inde detrimentum respub. capiat, vel aliqua noxia confusio inter ciues emergat; sed iis tantum, qui hanc vel illam artem probè didicerunt, eiusq; rei publicum testimonium à suo magistratu retulerunt: quę, obsecro, ratio suadet, vt quiuis citra vllum delectum ad sacrorum procurationem admittatur? An nō sapien-

fapientum omnium iudicio, ars artium est, sacra rite tractare, decenterq; administrare? Nihil est ergo, cur ob id Ecclesiam in culpā vocent, quòd hīc nō absq; delectu agat, non solū in admittēdo, verū etiam in obligando. At de obligatione loco postea magis idoneo; habet em̄ ea res peculiarē apud Antagonistas difficultatē.

Ars artium est, sacra rite tractare & administrare.

Hoc ipso ariete ea quati & everti quoque possunt, quæ contra definitum publicæ orationis locum & tempus obiciunt Adversarij. Etenim vt negotia publica non tractantur quolibet loco promiscuè, sed certo peculiariq; ratione ad isthæc deputato, puta in curia vel domo ciuica, vel alia quauis æde publica ad eiusmodi munia destinata: Neque quolibet rursus tempore, sed certo & præfinito, nimirum ante vel post prandium, semel aut sæpius intra hebdomadam, annum, mensem, &c. Neque quouis tandem modo, sed certo, exempli causa, cum strepitu vel absque strepitu, publicè vel secretò; cum examine vel absque examine, & sic de cæteris (variant hæc enim pro negotiorum, quæ tractantur, ratione plurimū) ita etiam publicæ preces non quouis loco, tempore, aut modo indici, aut persolui debent, sed certo & præfinito. Quandoquidem vbi certa tempora & loca certis negotiis & muniis non sunt præfinita, ibi plerunque nullus seruari solet ordo; vbi autem ordo deest, ibi nihil perpetuum aut certum esse potest: Qui enim nulli tempora stricti sunt, facillimo negotio de die in diem, de hora rursus in horam differunt, & tandem, vt quotidiana experimenta euidenter ostendunt, nihil faciunt.

Citra legitimū ordinē nihil potest esse perpetuum aut certū.

AD HÆC si gentium & Iudæorum populus habuit sua delubra & fana, sua tabernacula & templa, sua quoque stata tempora, quibus numini, quod colebant, precibus & sacrificiis litabant, & suum nihilominus litandi, precandiq; ritum: Si cuiusvis generis & factionis Sectarij publicas ædes, horreis vel theatris quàm templis similiores obtinent, in quas ad profanam suam cœnam sumendam, suorumq; ministrorum spermologiam audiendam frequentes cōueniunt: Si iuxta Sapientis dictum omnia sua tempora, addo & sua etiam loca habent; (neque enim eodem loco reus iudicatur & capite plectitur) cur publicæ solennesq; preces non haberent sua præfinita loca & tempora? Deniq; cū horæ Canonice non in huius vel illius priuati gratiam, sed in totius

m m popu-

Diuerſa munia & ministeria diuerſa depoſcunt loca & tēpora, Eccl. 3.

populi utilitatem celebrentur & decantentur, cur ea ratione non instituerentur, ut populus, si vellet, eas adire & frequētare posset? Ast hic aditus nullo modo obtineri poterat, nisi certa loca & tempora definirentur, in quibus ordinariē persoluerentur. Verū de tempore paulò pōst latiùs: Est enim temporis ratio cum horarum numero ita coniuncta, ut ab ea diuelli vix queat.

Preces publicæ
certo ordine &
pondere præfiri
bi debuerunt.

IAM si necessum erat, ut ad publicam orationem certæ deputarentur personæ, quæ munus illud ex instituto obirēt, certa rursum loca & tempora, in quibus obirētur, multò magis necessariū erat, ut certa psalmodiarum, lectionum, antiphonarum, aliorumque eiusmodi ratio & ordo assignaretur. Quādoquidem si isthæc vnicuique Ecclesiæ, vico, vel oppido libera relinquerētur, multò maior dissimilitudo, rerumque confusio oriretur, quàm si de loco, aut tempore nihil certi decerneretur. Adhæc quæ totius populi nomine publicè procurantur vel administrantur, ea non modò cum certo pondere & mensura, verū cum summa quoque prudētia & gravitate institui debent; at ea prudentia, iudiciūque maturitas nō reperitur in singulis, sed tantū in paucis, puta in Reipublicæ Christianæ proceribus, primariisque eiusdem membris. Non debet proinde id hīc fieri, quod cuique lubet, sed quod certa lege definitum est: Quemadmodum isthuc in aliis quoque rebus ad Rempub. vel Ecclesiam pertinentibus obseruari consuetum est.

Quicquid circa
horas Canonica
obseruatur,
hoc totū ratio-
nis distamini &
populorum o-
mnium consue-
tudinē maximè
est consentaneū.

PRAETEREA ut apud populum Christianum vnus agnosci-
tur DEVS, vna fides, vnum baptisma; ita vnus quoque, quantum
per regionum & temporum rationem licet, externus cultus ob-
tineat oportet; at hīc nullo modo constare posset, si nihil firmi
aut certi ea de restatutum aut traditum extaret, sed cuiuslibet col-
legio, oppido, vel vico, quid precum Canonicarum loco dicere
vellet, integrum foret. Denique quæ de personis, locis, tempo-
ribus, cæterisque cognatis hætenus exposita sunt, ea rationi vs-
que ad eò sunt consentanea, ut gentes verum DEI cultum igno-
rantes solo naturæ instinctu hæc omnia obseruauerint quàm stu-
diosissimè. Habebant enim illæ (ut & Patres quoque, qui legem
Mosaicam antecesserunt) suos Sacerdotes, suas aras, suas ho-
stias, suas preces, imò verò suas quoque execrationes & excom-
municationes. Apud Iudæos autem omnia ad externum DEI cul-
tum pertinentia vsque ad eò DEO ipso auctore erant certa & de-
finita,

finita, ut ne latum quidem culmen à præfinitis recedere fas esset.

At torquet interim aduersarios septenarius horarum Canonicarum numerus; sed id citra ullam iustam causam. Neq; enim heri aut nudius tertius hic numerus est natus, verum vnà cum ipsa Ecclesia exortus, vel ut rectius dicam, à veteris Ecclesiæ Patribus acceptus, indeque per Apostolos, legitimosq; eorundem successores ad nos translatus. Fatetur enim Dauid, septies interdum DEVM se laudare consuevisse, quod utiq; neque solus faciebat, neq; sine auctore faciebat, sed ad aliorum piorum exemplū, quod tum celebre extabat. Sed neq; Petrus & Ioannes ad nonā orationis horam ad templum ascendisse; neq; Petrus orationis causa ad sextam superiora domus petiisse; neque Cornelius nona diei hora, quæ haud dubio orationi intentus erat, Angelum ad se introeuntem vidisse; neq; Paulus & Syllas media nocte ad orationem surrexisse; neq; Daniel tandem ter interdum, nimirum tertia, sexta, & nona Hierosolymam versus orasse diceretur, nisi ea tempora peculiari quadā ratione apud Iudæos orationi deputata & consecrata fuissent. Sed & nihil quoq; vani aut superstitiosi hic numerus præ se fert: Imò verò multæ & magnæ extiterunt & extant causæ, cur hic potius quàm ullus alius præfiniri debuerit.

VERVM priusquam vel ex parte illas assignem, quæro ab Antagonistis, ij ne, qui peculiari ratione ad hoc instituti sunt, ut totius populi nomine & loco diuinæ laudes decantent, iugesque precatores & intercessores pro communi omnium salute apud DEVM existant, semel duntaxat interdum DEVM inuocare, debitasque eidem laudes & gratiarum actiones persolvere debuerint, an sæpius. Non semel tantum, quia neq; populi voto, neq; diuino quoque præcepto hac ratione factum fuisset satis. CHRISTVS enim Dominus ut semper, Apostolus autem ut sine intermissione oremus iubet, nisi quis forsitan existimet, semel tantum, hoc est, continuò citra ullam interpolationem orandum esse; verum hoc propter causas suprà allatas, & vulgo quoq; satis notas, fieri nullo modo potest: Ergo sæpius. Quod si sæpius, quæro rursus ab iis, bis ne, an ter, an quater, & sic deinceps? At quemcunque tandem numerum assignauerint, semper recurret eadem illa quæstio: Cur bis & non ter? vel cur ter vel quater, & non quinquies, vel sexies, vel decies, atque ita de cæteris,

Precum horarum numerus ex veteri Ecclesia in nostram translatus.

Psal. 118.

Act. 3.

Act. 10.

Act. 16.

Dan. 6.

Luc. 18.
1. Thess. 5.

Nullus horarum numerus potuit assignari, qui scætariorum telis non esset expofitus.

Preces Canonice iis horis sunt assignatæ, quæ præ cæteris ad orandum visæ sunt magis idoneæ.

PLACUIT autem maioribus nostris, ut septenis vicibus id fieret; idque iis horis & temporibus, quæ præ cæteris ad orandum visæ sunt magis idoneæ; siue naturalem temporum qualitatem spectes; siue mysteriorum, quæ in illa inciderunt, rationem consideres. Norunt enim, qui iudicio & rerum usu valent, seriam orationem tempus pacatum & à turbis quietum deposcere; at noctu silent omnia. Norunt equè, auroram cibo iam plenè concocto, ad orandum & contemplandum aptissimam haberi. Norunt nihilo seciùs, diei primitias cœlesti numini consecrandas, eidemque pro fida noctis custodia ex animo gratias agendas esse. Norunt, pij Christiani vocabulo indignos censendos, qui priùs somnum capiunt, quàm contra noctis pericula, Satanæque tentamenta precibus se muniant, Deoque Opt. Max. de diurna luce foeliciter transacta gratias agant. Norunt tandem, tota reliqua, hoc est, intermedia diei parte ab omni orationis studio feriatum, esse minimè conuenire; adeoque intelligunt, publicæ orationis tempora, etiam si solam rationem ducem sequamur, commodissimo modo inter se distributa esse.

Plures rationes mystice cur preces publicæ in septem partes sunt distributæ.

Genes. 1.

MYSTICA s porro septenarij numeri rationes alij alias assignant, prout in symbolicis illis alia alijs, quæ ad rem facere videntur, occurrere solent. Ante principalem autem, quam Ecclesia potissimum spectasse videri potest, ex vulgaribus illis referā nonnullas. Primò ergo ut CHRISTVS IESVS vna oratione, quam Dominicam appellamus, complexus est septem distinctas petitiones, vel septem distincta rerum genera, quas iuste desiderare & petere licet; ita Ecclesia assignauit septem distincta publicæ orationis tempora, quibus vel ea ipsa petamus, vel pro antè collatis gratias agamus. Mox spiritualis vitæ ratio absque Spiritus sancti donis constare non potest; hæc autem citra orationis præsidium obuenire temerè non solent: Cum ergo septem sint Spiritus sancti charismata, æquum est, ut septenis vicibus cœleste numen eorundem causa adeamus, suppliciterque inuocemus. Tertiò quæcunque condita sunt, in hominis commodum condita sunt; homo proinde pro omnibus & singulis Conditori debet laudem & gratiarum actionem: Atqui DEVS opus, quod fecerat, die septimo cõpleuit. Hæc ratio tangitur in hymnis, quæ per septimanam ad cuiusque diei vespas decantantur vel recitantur.

Q V A R -

QVARTO nemo lapsus resurgit, sed neque resurgere quodque potest absque peculiari DEI Opt. Max. gratia; hæc autem, vt supra ex Augustino audiuius, non obtingit sine oratione: Iustus autem septies in die cadit, vel cadere certè potest; ergo ne cadat, vel vt lapsus resurgat, per se vel per alterum septies orat oportet. Quintò numerari solent septem mundi ætates, in quarum singulis magna quædam opera effecta, indultaque sunt generi nostro illustria quædam beneficia, maximè verò in postrema: In ea enim Filius DEI nostri causa homo factus, passus, & mortuus est. Ne ergo tantorum munerum auctori simus ingrati, æquum est, vt per nos, vel per alios ad hoc initiatos & deputatos septies DEVM laudemus, gratesque eidem dicamus. Sextò lex, vt tradit Apostolus, vmbra erat futurorum; atqui supra ostensum est, si non ab omnibus ludæis promiscuè, certè à melioribus & sanctioribus septies interdiu & noctu orationi vacatum fuisse. Septimò & postremò septenarius hic precum horariorum numerus per septem tubas, quarum sonitu prostrati sunt muri Hiericho, adumbratus videtur. Nam vt hostium munitiones per illas corruerunt; ita Diaboli machinationes septenis hisce diuinarum laudum buccinis veluti validis quibusdam balistis, aut arctibus quassatæ dissoluuntur & prosternuntur.

VERVMENIMVERO licet Ecclesia ad hæc omnia, vel ad horum aliqua fortè respexerit, nullum tamè ex his primaria causa extitisse videtur, cur publicas preces in septè partes distribueret, easque eo ordine & tempore, quo iam olim fieri consuevit, recitari vel decantari iuberet. Causam autem cõsilij decretive huius principem habuit salutarem CHRISTI seruatoris nostri perpeffionem: Hanc enim per eiusmodi preces grata memoria recolere, perpetuòque celebrare & decantare voluit, eaque recordatione, iugique celebratione ad noua beneficia viam sibi munire; siquidem digna pro acceptis beneficiis gratiarum actio, est regia via ad impetrandum nouum à DEO beneficium. Sed iam quid singulæ horæ cum singulis crucis mysteriis cognatum habeant, paucis expendamus.

SERIES salutaris perpeffionis breuiter eiusmodi extitit. Sub noctem CHRISTVS Dominus cum discipulis suis cœnat, augustissimumque corporis & sanguinis sui Sacramentum consecrat.

mm 3

Mox

*Vltima mundi
erare magna, pla-
neq; illustria Dei
beneficia huma-
no generi obci-
gerunt.*

Iosue 6.

*Ecclesia horas
Canonicas, earū
demq; tempora
accommodauit
principali paf-
si. Cuius my-
steriis & parib.*

Dominicæ passionis series paucis comprehēda.

Mox hymno dicto vnâ cum vndecim exit ad montem oliueti, ibidemque ter patrem, vt calicem si fieri queat, à se transferat, ardentibus precibus rogat, singulisq; vicibus Apostolos, vt orent & vigilent admonet; & prolixiùs orans sanguineum sudorem sudat. Paulò pòst à Iudæis captus circa noctis medium exhibetur Annæ & Caiphæ. Hic colaphis cæsus, totâque deinceps nocte vsque ad auroram variè ludificatus, summo manè Phariseorum & seniorum populi concilio sistitur. Hinc porrò veluti blasphemus mortisq; reus ad Pilatum abducitur. Pilatus rei exitum nullum inueniens, in innocentem IESVM mortis fert sententiam.

HORA tertia proinde CHRISTVS Dominus flagellis cæsus, spinis coronatus, arundine percussus, ad crucis supplicium abripitur. Hora sexta in crucem agitur. Hora nona, posteaquam spiritum emisisset, lancea cõfoditur; vesperarum hora à cruce deponitur. Circa noctem tandem syndone inuolutus & aromatibus conditus in sepulchrum infertur. Jam horæ præcæ canonicæ ad eum modum ab Ecclesia sunt institutæ & distributæ, vt singulæ respondeant singulis perpeſsionis CHRISTI mysteriis, singulisque primariis eiusdem perpeſsionis partibus; ne videlicet earum memoria è filiorum suorum pectoribus vnquam excidat, ipsæque de tam illustri inauditòque beneficio, erga sponsum suum, à quo tantopere dilecta est, gratam sese declarent.

Cur præces Canonice passionis partibus sint accommodatæ.

Matutinæ præces quatuor comprehendunt partes, quæ olim quatuor distinctis noctis vigiliis decantabantur.

PRÆCES matutinæ in eorum memoriam celebrantur, quæ Dominus IESVS tota nocte partim in horto, partim in Annæ & Caiphæ domo perpeſsus est. Porrò autem vt nox tota diducitur in quatuor vigilias, ita solennes matutinarum præces quatuor complectuntur partes, nimirum tres nocturnos & laudes; quæ olim, vt Hieronymo, Isidoro, Thom. VValdensi, Cosmæ, & aliis nonnullis placet, ita erant distributæ, vt primus nocturnus absolueretur prima noctis vigilia, secundus secunda, tertius tertia, atque istud per diuersos Ecclesiæ ministros. Laudes verò sub postremam noctis vigiliam, hoc est, circa auroram, idque per totum initiatorum cœtum. Postea verò humanæ infirmitatis habita ratione præces matutinæ vnâ cum laudibus simul dici cœperunt: Atque hoc à quibusdam prima noctis vigilia, hoc est, vesperi post cœnam; ab aliis verò postrema vel circiter, hoc est, summo manè, ab

ab aliis secunda vel tertia, hoc est, paulò ante vel post mediàm noctem. Primum obseruant plerique horas Canonicas priuatim recitantes. Secundum Ecclesiæ Cathedrales & collegiatæ. Tertium monasticen professi & alij præterea nonnulli pij.

TRES nocturni, quorum singuli tribus constant Psalmis, totidemque lectionibus, respondent tribus illis interpolatis vicibus, quibus CHRISTVS Dominus orauit in horto; etsi non illis solis, vt paulò antè dicebatur. Prima autem in illorum memoriam & commemorationem peragitur, quæ CHRISTVS Dominus pertulit à summo manè vsq; ad tertiam. Tertia in eorum, quæ inde vsq; ad sextam. Sexta in eorum, quæ tribus horis perpeffus in cruce: Reliqua in eorum, quæ inde acciderunt vsque ad sepulturam.

ADDO his, CHRISTVM Dominum non solum iis horis & temporibus, quæ iam attigimus, varia perpeffum esse, sed validè & feruidè quoque ad mortem vsque precatum esse: Tum quò nobis ostenderet, ecquidnam cum grauib; quandoq; iactaremur tentationibus, vel magnis vrgeremur periculis, facere nos oporteret; tum etiam quò singulas perpeffionis suæ partes hac ratione cœlesti patri acceptiores, adeoque ad merendum vel satisfaciendum efficaciores redderet.

ET quidem in cruce & antequam à Iudæis caperetur, vocali oratione vsus esse, planum est ex Euangelio. An autem in aliis passiois suæ articulis vocaliter orarit, id ex Euangelistis certò non constat. Interim dubium nullum est, quin mentali oratione singulos dolores & cruciatus suos æterno patri seriò commendaret, votisque ardentibus pro omnium salute obtulerit. Si enim mentem ad DEVM semper erectam, eleuatamque habebat, maxime cum magnum illud cruentumque sacrificium pro totius mundi salute cœlesti patri offerebat, erectam habuisse putandus est. Etenim si summi pontifices, qui CHRISTI typum gerebant, in sancta non introibant absq; prece & sanguine, multò minùs magnus ille sacerdos, qui patri dextera asidet in cœlestibus, vt non sine sanguine; ita quoque non sine prece seipsum in holocaustum obtulit. Magnæ proinde Ecclesiæ fuerunt causæ, cur Canonicas preces numero septenario indiceret; iisq; temporū interuallis & discriminibus celebrari & peragi vellet, quibus iam olim de more celebrantur & peraguntur.

Quid singulæ horæ cum singulis passiois Christi partibus cognatum habeat.

Christus totius passiois tempore orationi, quantum licuit, intentus fuit.

Christus Domi-
nus circa noctis
medium in lucē
editus, & vitæ
post mortē resti-
tutus est.

Marc. vii.

Astor. 2.

1. Cor. 15.

Luc. vii.

Ioan. 10.

Marc. vii.

Astor. 1.

Matth. 27.

Ephes. 4.

In expo. orat.
domi.

Cypriani senten-
tia de tertia, sex-
ta & nona.

ADDVNT his quidam alias nonnullas ex eorum temporum ratione petitas, quibus CHRISTVS Dominus peculiare aliquod opus patravit, aut beneficium in genus nostrum contulit: Etenim circa noctis medium in hanc lucem editus est: Postrema noctis vigilia vel etiam citius propter iustificationem nostram ex mortuis exsuscitatus est, quo etiam tempore natiuitas illius per angelos pastoribus annūciata est. In crepusculo vespertino, vt quidam, in matutino autem, vt alij volunt, verbum in vtero virgineo caro factum est. Quare etiam vbi Catholica religio obtinet, manē & vesperi campanæ pulsū ad orationem signum datur. Manē orto iam sole post resurrectionē suam apparuit Magdalenæ & aliis mulieribus: Tertia (quando etiam Apostolis cæterisque, qui cum illis erant, impertitus est Spiritum sanctum) vt quibusdam placet, Petro; Sexta Iacobo, Nona duobus discipulis euntibus in Emaus; vesperi omnibus simul; Ad cælos tandem circa meridiem vel horas aliquot post meridiem, ascendisse creditur; quo etiam tempore ad sanctorum Patrum Limbum descendit.

ET vt horum omnium nihil omnino extaret, adhuc sola Catholica Ecclesiæ voluntas, illustrisquæ veterum patrum auctoritas sat nobis hîc esse deberet; vix vllus enim comperitur antiquus scriptor, qui vel omnium vel aliquarum certè Canonicarum horarum non meminerit. Cyprianus: In illis horarum spatiis (loquitur de tertia, sexta & nona) ter trinitatis sacramentum denotatur. Nam à prima hora vsque ad tertiam trinitas horarum completur. Rursum peracta tertia à quarta vsque ad sextam, altera est trinitas. Deinde à septima vsque ad nonam, trinitas tertia completur. Hæc ergo horarum spacia iam pridem spiritualiter determinantes adoratores DEI, statutis & legitimis ad precem temporibus seruiebant. Hæc Cyprianus de temporibus, quæ Iudæi inter orandum obseruabant.

VERVM quòd nos in maiori luce, absolutiorēque lege versemur, monet nos eo horarum numero contentos esse non debere; addit proinde: Sed nobis, fratres dilectissimi, præter horas antiquis obseruatas orandi nunc & spacia & sacramenta creuerunt: Nam & manē orandum est, vt resurrectio Domini in matutina oratione celebretur, quod olim Spiritus sanctus designauit in

Psal. 5.

Psalms dicens: *Quoniam ad te grabo Domine, manē exaudies vocem meam.*

Manē

Manè aſtabo tibi & contemplabor te. Et iterum per Prophetam loquitur, dicens: diluculo vigilabunt ad me, dicentes: Eamus & reuerſamur ad Dominum DEVM noſtrum. Recedente item ſole, & die ceſſante, neceſſariò rurfum orandum eſt. Nam quia ſol CHRISTVS verus eſt, & dies verus, Sole ac die ſeculi recedente quando oramus & petimus, vt ſuper nos veniat denuo lux, CHRISTI precamur aduentum, lucis æternæ gratiam præbiturum. Hic oblique tanguntur omnes horæ, quæ hucusque obſervantur & decantantur in Eccleſia DEI: Siquidem matutinæ orationis nomine complectitur matutinas cum laudibus & primam. Nomine autem veſpertina præcis, veſperas & completorium designat; reliquas verò ſuis propriis vocabulis appellat.

FACIT huc quoque illud Baſilij Magni: Horæ à ſanctis viris precibus ad DEVM & laudibus dicatæ ſequendæ ſunt; ait enim magnus David: *Mediæ nocte ſurgebam ad conſcendum nomini tuo, ſuper iudicia iuſtitie tuæ.* Rurſum ait: *Veſpere, & manè, & meridie narrabo, & annuntiabo, & exaudiet vocem meam.* Et hæc quoque generali quadam ratione omnes horas in Eccleſia receptas complectuntur. De nocturnis precibus concionatur illud Hilarij: *Memor fui nocte nominis tui.* Scit præcipuè nocturno tempore diuini eſſe à nobis numinis recordandum. Scit tum maximè custodiam DEI legis à nobis eſſe retinendam, cum ſubrepunt animo impuræ cupiditates, cum ſtimuli vitiorum per recens aſſumptum cibum corpus exagitant: Tum DEI nomen recordandum eſt, tum custodienda eius lex eſt, pudicitiam, continentiam, timorem DEI ſtatuens. Nouit hoc præcipuè tempore Dominum eſſe orandum, deprecandum, promerendum, dicens alio loco: *Lauabo per ſingulas noctes lectum meum, lachrymis meis ſtratum meum rigabo,* non eſt periculoſo nocturnarum vigiliarum otio animus relaxandus, ſed in omnibus deprecationibus, in confeſſionibus peccatorum occupandus eſt, vt cum maximè corporeis vitiis detur opportunitas, tum præcipuè eadem vitia diuinæ legis recordatione frangantur. Hætenus Hilarius de nocturnis precibus, deque grauibz nocturnarum precum cauſis Dæmonisq; inſidiis.

AD nocturnas & diurnas horas ſimul pertinet illud Hieronymi, horam tertiam, ſextam & nonam; diluculum quoque & veſperam nemo eſt qui nesciat, & in eadē epistoſa rurfum; bis nocte,

Cyprianus oblique exponit oēs horas Canonicas.

De inſtitu relig.

Pſal. 118.

Pſal. 54.

Ad Pſal. 118.

Dæmones nocte præcipuè caſtis corporibus & mentibus inſidiantur.

Pſal. 6.

Epistol. ad Euseb.

terque ad orandum surgendum est; & ad caput sextum Danielis: Has tres horas, nimirum tertiam, sextam & nonam, quas Prophetæ Daniel quotidie celebrare solitus erat, & Ecclesiastica traditio intelligit. Et ad Demetri: Præter psalmodi & orationis ordinem, quæ tibi hora tertia, sexta, nona, ad vesperam, media nocte, & manè semper exercenda est, statue quot horas sanctam Scripturam addiscere debeas. Et in Epitaphio Paulæ: manè, hora tertia, sexta, & nona, vesperi, noctis medio per ordinem psalterium cantabat.

Paulæ Romanæ
cōsuetudo in ho-
ris Canoniciis.

MULTA hîc dicit Hieronymus obseruatione digna, primò diurnas, nocturnasque horas, quas suis ille nominibus appellat, vsq; adeò notas esse, vt nemo illas nesciat. Mox orationes & psalmos, quæ manè, vespere, tertia, sexta, nona, & noctis medio per id tempus de more dicebantur (vnde etiam traditionem Ecclesiasticam vocat) nunquam intermittere licere. Postremò noctu bis aut ter ad orationem surgendum, quæ res certo nobis argumento est, ætate Hieronymi tres matutinarum nocturnos tribus distinctis temporibus dici consueuisse: puta prima, secunda & tertia noctis vigilia: Siquidem laudes, vt ex hymnis, qui ferialibus diebus ad laudes decantari solent, notum est, quarta noctis vigilia, hoc est, circa auroram celebrabantur. Ad quem ritum disertè quoque alludunt hæc Valeriana: Vigiliis tribus horis dispertimus nocturnis, vt non solum verbo, sed & factò quoque tres vigilias prædicemus, de quibus ait Dominus; Beati sunt serui illi, quos cum venerit Dominus, inuenerit vigilantes &c.

Tempore P. Hiero-
nymi ter no-
ctu ad præces sur-
gebatur.

Li. i. c. de Mat.

Lxx. 12.

At quia caullabitur hîc fortè quispiã, Hieronymum & alios veteres non omnium horarum Canonicarum conceptis verbis meminisse (vix vsquam enim extat memoria Completorii, rarò etiam Primæ) adeoque illorum ætate non septem, sed quinque tantum aut sex obtinuisse, subiicere hoc loco placet Concil. Agathensis decretum, quod ætatem nostram mille propemodum supra ducetos annos antecessit. Decretum Concilij ita sonat: Presbyter manè matutinali officio expleto, pensum seruitutis suæ videlicet primam, tertiam, sextam, nonam, vesperamque perfoluat: ita tamen vt horis competentibus iuxta possibilitatem, aut à se, aut à scholaribus publicè compleantur. Deinde peractis horis & infirmis visitatis, si voluerit, exeat ad opus rurale ieiunus, vt iterum

De cel. Mis. c. i.

necef-

necessitatibus peregrinorum & hospitum siue diuerforum commean-
tium infirmorum atque defunctorum succurrere possit, vs-
que ad statutam horam pro temporis qualitate, Propheta dicente:
Septies in die laudē dixi tibi. Qui septenarius numerus à nobis imple-
tur, si matutinali, primæ, tertiæ, sextæ, nonæ, vespere & completo-
rij tempore, nostræ seruitutis officia persoluamus. Nam de no-
cturnis vigiliis idem ipse Propheta ait: *media nocte surgebam &c.* ergo
his temporibus laudes Creatori nostro super iudicia suæ iustitiæ
referamus. His clarius de horarum Canonicarum numero, sin-
gularumque appellatione dici nihil potest. De modo autem Can.
30. eadem Synodus hæc adiungit:

Psal. 118.

Septem horarum
Canonicas pro-
priis suis nomi-
nibus designat
Syn. Agathensia.
Psal. 118.

Et quia conuenit, ordinem Ecclesiæ ab omnibus æqualiter
custodiri, studendum est vbique sicut fit, & post Antiphonas col-
lectiones per ordinē ab Episcopis vel Presbyteris dici; & hymnos
matutinos vel vespertinos decantari diebus omnibus, & in con-
clusionē matutinarum vel vespertinarum & missarum post hym-
nos capitella de psalmis dici; & plebem collecta oratione ad ve-
speram, ab Episcopo cum benedictione dimitti.

Lib. 1. cap. 19.

MITTO hoc loco Isidorum, qui de vigiliis nocturnis, earun-
demque causis, & tertia item, & sexta, & nona latè philosophatur.
Ambrosium, qui aues ad matutinas & vespertinas laudes decan-
tandas nos inuitare asserit. Cubituræ namque, quasi dici munere
latè iam peracto, æthera cantu demulcere, exortoque sole quasi
iustas DEO Creatori laudes referentes, eandem musicam denuo
instaurare solent. Augustinum, qui ritum psalmodum & hymno-
rum decantandorum à CHRISTO & Apostolis ad nos defluxisse
affirmat. Iulianum Apostatam, qui Cassiodoro referente Eccle-
siasticum psallendi ritum ad gentium sacerdotes transtulit, ne
Ecclesiæ honestas paganis esset admirationi. Et reliquos tandem
omnes, qui partim ex instituto, partim aliud agentes ea de re scri-
pserunt. Puto enim horarum Canonicarum numerum, diur-
numque earundem vsum iis rationibus, symbolis, & auctoritatibus
munitum esse, vt Antagonistarum telis non facillè cessurus sit.

Ad Psal. 118.

Ad inquit, Iann.

Cor Iulianus Apo-
stata Canonicarum
horarum ritum
transtulerit
ad Paganos.

At dicent forsā: sint sanè septem horæ Canonice, quæ sta-
tis temporibus certisque locis dicantur integrè; at fiat hoc libe-
rè, ne quis legis vel statuti cuiuspiam occasione laqueus cōscien-
tiæ iniiciatur. Insulsa est hæc ratio; etenim si militibus, si iudicibus,

an 2

si ser-

Inſuſſu eorum eſt ratio, qui miniſtriſ: is liberum relinqui volunt, preces Canonicas ſoluere aut omittere.

ſi ſeruis, ſi omnibus denique, qui in aliquo publico munere vel magiſtratu verſantur, leges ſeruntur, quæ ad fidam impoſiti muneris procuracionem adigant, & iure ſeruntur; (ſiquidem ea eſt naturæ noſtræ infirmitas & ignauia, vt, niſi adſit aliquis ſemper ſtimulus, quo ad officium faciendum perurgeatur, parum aut nihil plerunque facere ſoleat) cur Eccleſiæ miniſtris nullæ ſtatuuntur leges, quibus vel dirigantur, vel ad officium ritè obeundum compellantur? An non æquè illi calcaribus egent, ac alij homines? An non meritò formidare hic licet, ſi liberum eſſet impunè, hoc eſt, citra vllam legalem pœnam vel DEI offenſionem inunctum munus omittere, per paucos fore, qui ex animo illud facerent?

PRAETEREA ſi Eccleſia multas tulit leges & ſanctiones de officio Archidiaconi, Archipreſbyteri, primicerij, ſacriſtæ, Cuſtodis, Vicarij, Iudicis delegati, Legati, Iudicis ordinarij, de cenſu & exactione de clandestina deſponſatione, deque ſimilibus aliis ſexcentis, cur nò etiã de publicarum orationum ratione? An non æquè probroſa & noxia eſſet hac in re negligentia, ac in aliis quàm plurimis, de quibus ſeuera læta ſunt leges? Denique ſi populares pœnis & legibus compelluntur, & iure optimo compelluntur, vt ſoluant decimas, frugum primitias, aliãque id genus Clericorum iura vel ſtipendia; cur Clerici viciffim non cogentur, vt præſtent DEO & populo debita obſequia? An non iniquiſſima lex eſſet, ſi Rex vel princeps quiſpiam cogeretur militi menſtruum, vel annuum, vel vitalitium ſtipendiũ dependere, & miles è diuerſo non cogeretur ad propugnandam principis vel patriæ ſalutem? Hæc clarè, vt opinor, oſtendunt legem de horarum Canoniarum penſo latam iuſtam, & ſanctam eſſe.

Nò minds æquũ eſt vt Eccleſie miniſtri per leges compellantur ad horarũ penſum, quàm vt ſeculari: adigantur ad decimarum ſolutionem.

At quò eleutheropolitis illis pleniùs fiat ſatis, addo prædictis, nullum de horis Canoniciſ extare præceptum, quod omnes abſolutè obliget; quicquid enim ea de re cautum extat, hoc totum eſt conditionatum illos ſolum ligans & obli-gans, qui Eccleſiæ immunitatibus, priuilegiis, & fructibus gaudere volunt: hoc eſt, eos tantum, qui ipſe nullo cogente, Eccleſiaſticum vel monaſticum inſtitutum complexi ſunt. Quare horas Canonicas recitare vel decantare eſt quoddam verius onus publico & honorario munerſi annexum, quàm abſolutum per ſe præceptum.

Et enim

Etenim ut nemo alieno principi militare tenetur, nisi stipendiis vel prærogatiuis, quæ suis ille militibus proponit, potiri voluerit: ita nemo omnium Ecclesiæ servire, vel monasticen profiteri obstringitur, nisi ob commodorum spem, vel perfectioris vitæ desiderium, ultro id expetierit. Verum enimvero ut ad vñ omnes, qui præmia militantibus proposita consequi volunt, impigrè pugnare, intrepideque belli periculis sese exponere obligantur; ita quoque qui Ecclesiæ emolumentis, privilegiis, & immunitatibus frui exoptant, ea onera subire, & bona fide præstare debent, quæ suis illa ministris imponit. Qua quidem in re nulli prorsus sit iniuria; nihil enim decentius, æquius, aut rationi cōsentaneum magis, quàm ut ij, qui sentire volunt aliqua commoda aliàs indebita, vicissim sentiant labores, & incommoda, quæ rebus illis commodis vel fructuosius sunt annexa. Et quod hic dictum est de horis Canonicis, hoc ipsum quoque dictum accipiat de cœlibatu, deque aliis nonnullis sacerdotij dignitati indiuulsè annexis.

CAETERVM lex, de qua hic sermo est, non obligat omnes, sed tria tantum hominum genera, nimirum sacris initiatos, sacerdotium vel beneficium Ecclesiasticum cum clericali titulo pacatè obtinentes, & religiosos choro mancipatos, etiam si in sacris ordinibus constituti non sint; Videntur hi tamen ex quadam recepta consuetudine ad horarias preces magis obligari, quàm ex vlla omnino lege aut sanctione, quæ ea de re lata sit. Quare etiam sola superioris volūtate è choro, cuius muniis mancipati fuerant, in laicorum ordinem, vbi nulla lege aut cōsuetudine ad horas Canonicas obligantur, transferri possunt: & vice versa laicorum albo semel ascripti, si præposito ita visum fuerit, chori officiis mancipari queunt. At istud fieri nullo modo posset, si monachatum professi communi iure ad horas Canonicas obligarentur.

PORRO autem quòd ij omnes, qui maioribus ordinibus initiati sunt, etiam si nullum beneficium Ecclesiasticum possideant, ad precum horarum pensum quotidie dependendum obligentur, id nemo orthodoxè institutus in dubium vocat. Sed & naturalis quoque ratio æquum id esse, minimè obscure demonstrat. Nam quotquot ad munus aliquod publicum aut ad quemcunq; honoris gradum admittuntur, illi omnes iure, meritòque onus illud

Nemo absolute ad horarum Canonicarum pensum cogitur, sed is tantum onus illud præstare obligatur, qui beneficiis, prærogatiuis, & immunitatibus Ecclesiasticis vult potiri.

Tria hominum genera ad horas Canonicas obligantur.

Sacris initiati ad
recitandum vel
decantandis ho-
ras Canonicas
obligantur.

subire debent, quod tali muneri vel honoris gradui iuste adiun-
ctum est: Ecclesia autem magnis mota rationibus precum ho-
rariarum pensum maioribus ordinibus adiūxit; quare omnes sa-
cris initiati quotidie horas Canonicas persolvere obligantur. In
maioribus autem cōstituti, si Ecclesiastico beneficio carent, non
videntur cōmuni aliqua lege ad certas preces obligari, ita ut no-
xam incurrant, si illas fortē nō persoluant. Consultē tamen & re-
ctē faciunt, qui id pręstant, quod locorum ordinarij pro dięce-
sium consuetudine iniungere solent. Cū enim tales priuilegijs
& immunitatibus Ecclesię gaudeant, par est, ut huius rei causa
aliquid etiam pręstent, quodcunq; tandem illud sit.

Titulo seculari
beneficium ali-
quod obtinētes,
non obligantur
ad horas Cano-
nicas.

R V R S V M quōd ij omnes, qui sacerdotium cū sacerdotali vel
clericali titulo possident (nam qui seculari titulo beneficij cuius-
piam fructus percipiūt, ut quibuscumque locis cōmunis collegij Me-
dicus, Quęstor, Theologus, Concionator, Ludirector, alijq; eius-
modi; tum ij quoq; qui studiorū causa pensionem aliquā super al-
terius beneficium assignatam habent, ab hoc onere immunes cē-
seri solent) horarias preces quotidie recitare obstringantur, etiā si
sacrum ordinem nullum susceperint, id illis clām esse non potest,
qm̄ cur huic vel illi hoc vel illud beneficium assignetur, non igno-
rant. Intelligunt autem pleriq; omnes, Clericos nō secūs sese ha-
bere ad sua beneficia, siue ad sacerdotiorum suorū emolumenta,
atq; se habent milites ad sua stipendia: ludimagistri ad sua dida-
ctra, & ceteri mercenarij ad sua salaria. Ut ergo militi nullum de-
betur stipendium, si nullos inilitares labores subit; Ludimagistro
nullum didactrum, si nullū instituit, famulo mercenario nullum
salarium, si nulli Domino operas suas pręstat; ita Clerico quoq;
nullum debetur beneficium, hoc est, sacerdotij cuiuscunq; cen-
sus, si nullum Ecclesię pręstet obsequium. Ordinarium autem
obsequium vel officium, quod Ecclesia ab omnibus & singulis
beneficiariis exigit, est precum horariarum pensum.

H I N c sequi videtur, qui beneficij cuiuspiam titulum obti-
nent, sine vllis omnino fructibus, eos ratione beneficij ad hora-
rum Canonicarum debitum lege nō teneri. Vbi enim nulla pro-
posita est merces, ibi nulla extare videtur obligatio ad laborem.
Est hīc sermo de iis, qui beneficij, cuius titulum habent, fructus nō
carpunt, neque ut maximē id studeant, carpere possunt. Secūs de

iis ita-

iis statuendum est, qui carpere potuissent, si voluissent, aut etiam-
num possent, si vellent. Idem nonnulli de iis statuunt, qui tenuis-
simum beneficium obtinent. Tenuissimum vocant, quod nullo
modo ad vitę sustentationem sat est. Sunt tamen, qui nudum titu-
lum ad obligandum quempiam ad precum horariarum onus sat
esse putāt, nedum tenue aliquod beneficium; verū licet horum
sentētia magis fortassis sit secura, videtur tamen plūs satis dura.

SECUNDVM mitiorem itaq; sententiam à persoluendo ho-
rarum Canonicarū debito excusantur, qui nullos, aut certē quā-
tenuissimos ex beneficio quod habent, fructus percipiunt. Excus-
santur hinc illi etiam, qui nullum habent breuiarium, neq; habere
possunt: Quod illis vsu venire posset, qui seruitute infidelium pre-
merentur, vel in aliqua solitudine versarentur, vel tanta inopia ten-
erentur, vt horarium codicem parare non possent. Tum oculis
capti, vel ita cæcutientes caligantē sue, vt commodē legere ne-
quaquam valeant, cæteri q; grauiori morbo pressi. Interim quos
morbus excusat, nō excusat semper à toto, sed ab ea tantū par-
te, quam citra grauiorem valetudinis offensionem recitare non
possunt. Idem statuatur de aliis impedimēto aliquo irretitis: Qui-
uis enim tenetur hīc præstare quod nō incommodē potest. Tum
ij rursum omnes, qui simul orare & munus illud, quod magis vi-
le vel necessarium est, obire non valent. Tum illi denique omnes,
qui iusta de causa à Pont. Max. ab eo onere exempti sunt. Illi por-
rō, qui aliqua Ecclesiastica censura irretiti tenentur, vt sunt ex-
communicati, exauctorati, suspensionis vel interdicti vinculo in-
nodati ab hoc debito non sunt liberi. Debent enim si publicē
non licet, priuatim illud persolvere; alioquin commodum ex suo
peccato reportarent.

QV ID illis fieri, qui citra vllam iustam causam horas Canonica-
cas omittunt? sanē quotquot citra causam iustē excusantem, de-
bitum hoc dissoluere omittunt, ad vnum omnes, si communi do-
ctorum sententię fides est, vt sanē est magna, graue peccatum in-
currunt, & fructus nihilominus beneficij, pro omissionis ratione
deperdunt: quemadmodum id ex Concilij Lateranensis decreto
iustē, sanctēq; super ea re edito planē, & planiūs adhuc ex P I I V.
extrauagante cognoscere licet. Habet hęc autem de verbo ad
verbum in hunc modum:

*Qui excusantur
ab horis Cano-
nicis, & qui fo-
cūs,*

*Citra causam
horariarū pro-
cupentum om-
mittere pecca-
tum committunt,
neq; fructus su-
os habent,*

Sess. 9.

PIVS Episcopus servus servorum **D**EI, ad perpetuam rei memoriam. Ex primo Lateranensi Concilio pia & salubris sanctio emanavit, ut quicumque habens beneficium Ecclesiasticum cum cura & sine cura, si post sex menses, quàm illud obtinuerit, divinū officium legitimo cessante impedimento non dixerit, beneficiorum suorum fructus pro rata omissionis officij & temporis suos nō faciat; sed eos tanquam iniuste perceptos in fabricas ipsorum beneficiorum, vel pauperum eleemosynā erogare teneatur. Veruntamen multorum animi suspensione tenentur, cuiusmodi ratio prædictæ ratio sit habenda.

Nos huc rei evidentius & expressius providere volētes statuimus, ut qui horas omnes Canonicas vno vel pluribus diebus intermiserit, omnes beneficij seu beneficiorum suorum fructus, qui illi, vel illis diebus responderent, si quotidie dividerentur; qui verò matutinum tantum, dimidiam; qui cæteras omnes horas, aliam dimidiam; qui harum singulas sextam partem fructuum eiusdem diei amittat: Tametsi aliquis choro addictus non recitans, omnibus horis Canonicis cum aliis præfens adsit, fructusq; & distributiones fortè aliter assignatas, sola præsentia iuxta statuta, consuetudinem, foundationem, vel aliàs sibi lucri fecisse prætendat.

Is etiam præter fructuum & distributionum amissionem; item ille, qui primis sex mensibus officium non dixerit, nisi legitimum impedimentum ipsum excusauerit, graue peccatum intelligat se admisisse. Declarantes præstimonia, præstimoniales portiones, & qualiacunq; alia beneficia, etiam nullum omnino seruitium habentia obtinentes, cum prædictis pariter contineri; at quicumque pensionem, fructus, aut alias res Ecclesiasticas, ut Clericus petcipit, cum modo prædicto ad dicendum officium paruum **B. MARIAE** virginis decernimus obligatum, & pensionum, fructuum, rerumque ipsarum amissioni obnoxium. Hæc Concilium & Pontifex in eos, qui horas Canonicas nulla re impediti non recitant. & non immeritò: Siquidem fructus beneficiorum sunt eorum stipendia, qui Ecclesiæ militant. Quare communiter dici consuevit; beneficium datur propter officium. At de horis Canonicis pro instituti nostri ratione satis.

De cantu

Canonici exte-
rius beneficia
& præfentes &
non recitantes
cadunt in poenā
in nō recitantes
decretam.

De cantu Ecclesiastico, iniquoq; illorum studio, qui illum veluti rem insulsam & superstitiosam impugnant.

CAPVT NONVM.



ST nondum conquiescunt aduersarii; dicunt enim: Sit sanè septenis interdiu vicibus orandum; sint pœnæ & culpæ obnoxij, qui ad munus hoc deputati remissiùs, quàm par est, agût: Sint salutaria & Christiano homine non indigna cetera, de quibus actum est hæcenus. At quorsum hîc opus est sublata voce? aut concentu Musico? an non is rem visu dignam committeret, qui à viro principe cantando quippiam efflagigaret, quâtò magis à DEO? Quorsum spectat tanta in vna re, in qua summam consensionem esse oportebat, varietas? Vix enim vnum collegium reperitur, quod cum altero in horarum Canonicarum ratione consentiat. Quorsum tandem alia multa, quæ quandam secularem leuitatem præ se ferunt veriùs, quàm aliquam Ecclesiasticam grauitatem?

DE cantu, cuius in horis Canonicis, cæterisq; officiis diuinis frequens & celebris in DEI Ecclesia vsus est, succinctè aliqua dicturus, pono hîc duo tanquã quoddam futuræ disputationis fundamentum. Alterum horum est, publicæ orationis (ad hanc enim solam, quæ de cantu disputantur, pertinent; priuata enim oratio nullo eget vocationis strepitu, siue pro ipso orante fundatur, siue pro altero) scopum & quasi munus proprium tripartitum esse. Primò partium illius est, DEVM veluti summum rerum omnium opificem, cõmunemq; totius vniuersi Dominum & administratorem laudare, dignisque encomiis & elogiis euehere: mox pro collatis donis & beneficiis gratias eidem agere, postremò quæ animo vel corpori necessaria videntur, suppliciter ab illo petere.

Tripartitè publicæ orationis munus.

ALTERVM est, publicæ orationi, vt publica est, cantum non repugnare: Siquidem oratio vt publica est, inter cætera deposcit, vt ea ratione instituatur, quò in publicam hominum noticiam venire queat: Tum quò Ecclesiæ eiusdemque magistratui palàm constet, sacro ministerio mancipatos munus, ad quod obcundum consecrati, publicoque stipendio conducti sunt, fideliter obire; tum maximè quò populus certò intelligat, se perpetuos

Cantus publicæ orationi, vt publica est, non repugnat, sed multis modis in eâ quadrat.

& certos apud DEVM Optimum Maximum patronos & intercessores habere, quorū precibus & intercessionibus suas preces, suaq; desideria & vota si velit, coniungere valeat. Iam si publica oratio populo, populiq; ducibus innotescere debet, eò quod ad hanc quidem conditionem attinet, præstantior, suoq; fini affiniore erit, quò secundum se extiterit manifestior. Magis autem & clariùs innotescit, dum tradim & clara voce decantatur, quàm dum tumultuariè, vt communiter fieri solet, tantum recitatur. Cantus proinde publicæ orationi adeò non repugnat, vt in illam quoque maximè conueniat.

DEO summa, q̃
humana voce
exhiberi potest,
laus debetur.

At multò minùs repugnat idem publicæ orationi, si consideretur, vt diuinæ laudis, aut gratiarum actionis, aut propriæ precationis rationem subit. Nam cùm DEVS sit infinitè bonus, infinitè sapiens, infinitè potens, nodis denique omnibus infinitus, summa, quæ humana voce exhiberi potest, laus illi debetur. Inter voces autem humanas sonoræ & harmonicæ principatum obtinent. Etenim quæ paucis nota volumus, ea musitamus veriùs quàm eloquimur; quæ multis, clara voce efferimus; quæ omnibus, ea non solùm magna cum animi voluptate & exultatione ebuecinamus & celebramus; sed versibus etiam & canticis latè inuulgare studemus. Quare veteres poëtæ præ cæteris in hoc incumbabant maximè, nempe vt Deorum laudes, præclaraq; heroum facta graui, sonoroq; carmine decantarent. Sed & multorum quoque sententia est, in cœlesti illa patria, vbi perfectissima laus futura est, non defuturam vocalem laudem vocibus & numeris suauissimè modulatam.

In cœlo nō defutura laus vocalis.

RVR SVM cùm ingentia dona & beneficia à DEO Opt. Max. acceperimus, maioraq; ab eodem adhuc expectemus, æquum est, vt summo, perfectissimoq; vocis actu eidem gratias agamus; talis autem, vt modò dicebatur, est vox sonora & harmonica, hoc est, certis numeris, modulisq; astricta. Denique tota ferè orationis vis & ratio posita est in mentis ad DEVM eleuatione; atqui vt ex ingenti animi lætitia, spiritusq; exultatione cantus sua spontè interdum erumpit; ita ad excitandam mentis deuotionem omnium aptissimus habetur. Quod dicimus certa experientia fide constat. Scimus enim, non rarò compertos esse, qui musica ita afñcerentur, vt ad organorum vel vocum suauiter sonan-

Cænis suauis vocum contentu modulatus aptissimè aptus ad cœn. iam deuotionem.

sonantium concentum in quendam mentis excessum abriperentur. Certè Augustinus vir alioqui grauis ad cantus Ecclesiæ lachrymas se continere nequaquam potuisse ingenue fatetur, sed & communiter quoque dici consuevit, ad quemuis motum animi ciendum aptissimum instrumentum esse musicam. Quare etiam tristibus & latis & medium statum obtinentibus, tum concitandis & rursus sedandis animis, variisq; affectibus mouendis plurimum passim adhibetur.

Lib. 9. conf.

Musica mouendis variis animi motibus instrumentum aptissimum & vtilissimum.

ADDE carmen iis præcipuè accini solere, qui vel incensè amantur, vel summa fœlicitate potiuntur, vel gloriosam de immenialiquo hoste victoriam retulerunt. DEVS autem est summè fœlix, imò omnis vcrę fœlicitatis & beatitudinis origo & fons. Est idem quoq; infinitum amoris obiectum; vtpotè totum & suum & nostrum & totius creaturę bonum. Est nihilominus triumphator omnium illustrissimus & gloriosissimus, vt qui sua cruce diabolum, infernum, peccatum, & mortem ipsam potentissimè debellarit. Si ergo filiæ Israel Dauidi & Saulo è prælio redeuntibus cecinerunt *עֲנִינִי*; si Moyses cum vniuerso exercitu suo propter vim Pharaonis prostratam victoriale carmen DEO cecinit, quantò æquius est, vt nos CHRISTO Domino nostro laudes & *עֲנִינִי* canamus, qui triumphum vsque adedò gloriosum de totius mundi tyranno retulit?

Quibus carmina & ordo accini soleant.

1. Reg. 18.
Exod. 15.

TANDEM licet præcipua diuini cultus ratio posita sit in actibus internis; nihilofeciùs vt sacrificium nostrum sit plenum, illa etiam in DEI laudem & honorè salubriter impendimus, quæ nobis maximè sunt naturalia (nam & illa ipsa quoq; DEO sunt gratissima) at canere homini est naturalissimum. Canunt enim docti & indocti, pueri & senes, viri & fœminæ, & cuiusq; tandem conditionis & ordinis homines. Sed & nulla quoque extat aut exitit quandoque natio aut secta, quæ in Deorum suorum laudem carmina aliqua decantare non consueuerit.

Canere omni hominum generi familiariss & naturaliss.

IMO illi ipsi, qui Catholicæ Ecclesiæ cantum hostiliter hoc tempore insectantur, totum suum cultum in elumbas quasdam cantilenas transulisse videntur. Vix enim aliud in illorum Synagogis auditur, quàm aut mendaciis refertæ spermologiæ, aut crassis erroribus fartæ promiscuæ multitudinis cantiunculæ. An non hic cum veteribus Arrianis magis se facere palàm ostendunt,

Cuiusmodi cultus in sectariorum Synagoga obtimeat.

quàm cum veris Christianis? Etenim cum illi hymnòs & cantica Ecclesiæ non ferrent, non quòd cantum secundùm se odissent, sed quòd CHRISTI diuinitati, quæ in sacris illis odis cõtinebatur, & populo religiosè inculcabantur, infesti essent, Ecclesiæ Catholicæ carmina furiosè explorerunt, suas autem cantiones blasphemis in CHRISTVM vocibus refertas in illorum locũ suffecerunt. Idem planissimè faciunt, & iam antè fecerunt etatis huius sectarij: Quandoquidem reiectis vetustissimis & grauissimis orthodoxæ Ecclesiæ hymnis, suas prophanas odas, aut suis certè cõmentis prophanatos psalmos ad nausçã vsq; ingeminare non desinunt. Verùm de rationibus & argumentis, quæ canticis Ecclesiasticis luculenter patrocinantur, satis proximum est, vt nonnulla quoque ex Scriptura & Patrum doctrina, veterumque ritu & consuetudine de Ecclesiastico cantu in medium adferamus. Antagonistæ enim rationibus parum tribuunt, vt qui aliud nihil crepare soleant, quàm aut scripturam, aut puriorem antiquitatem.

ET quidem quo precandi ritu vsi sint illi in publicis locis, qui Mosaicam legem antecesserunt; id ex Scripturis non est euident, nisi forsan quod Genesis quarto de inuocatione Enos, & tertio & quarto decimo eiusdem libri de inuocatione Abrahę legitur ad sonoram & publicam orationem referendum videatur. Nam cum ante Enos natum Adam, Abel, & Seth, corundemque familiæ ex animo DEVM inuocauerint, eidemque religiosè admodum sacrificauerint, quomodo verè dici potest Enos cœpisse inuocare nomen Domini, nisi ille instituerit aliquem nouum & ante id tempus inusitarum inuocationis modum, quo Noè deinde, & Abraham, & reliqui Sancti, qui legem præcesserunt, in publicis, solennibusque precibus vsi sunt? Sanè videtur id oppidò probabile, facitque rem hanc non parum probabiliorẽ paganorum ritus vulgò tum temporis receptus. Constat namque ætate Abrahę & multò etiã antè vsitatissimũ apud idololatrias fuisse varij generis carmina & odas Deorum sacrificiis adhibere. Quem utique ritũ nõ aliundè mutuauerant quàm à veris veri DEI cultoribus. Est enim perquã familiare diabolo eiusdemque ministris, orthodoxorum studia & consuetudines simiarum more in plerisque æmulari; ne videlicet publicè habeantur omnino profani, populumque deceptum facilius ea ratione in errore semel concepto detineant.

VERVM

Ætatis huius sectarij in publico cantu Arrianorum æmuli.

Quo sensu Enos dicitur cœpisse Deum inuocare.

Diabolus eiusdemque ministris in publico cultu, Dei, ministrorumque eiusdem similes.

VERVM vtcunque tandem ea inuocatio, quam Enos primus omnium inchoasse dicitur, accipiat (neque enim magnum ali- quod ea in re præsidium colloco) certum & ex plurimis scripturæ locis manifestum est, omne genus carminum & musicorum in- strumentorum apud eos, qui sub Moyfi lege vixerunt, fuisse recep- tissimum. Nam vt de alijs nihil nunc dicam, totum certè regij Prophetę psalteriũ si non primariò, secundariò sanè ad hoc à Spi- ritu sancto dictatum videtur, vt omnis generis vocibus & organis in DEI laudem & honorem publicè decantaretur. Ad musicam vocalem pertinet illud: *Cantabo Domino, quia bona tribuit mihi.* Et illud: *Cantabimus & psallemus virtutes tuas.* Et illud: *Cantate ei canticum nouum; laus eius in Ecclesia sanctorum.* Et illud: *Cantabo fortitudinem tuam.* Et il- lud: *Cantate DEO, psalmum dicite nomini eius.* Et illud: *Laudabo nomen Domini cum cantico.* Et illud: *Exultabunt labia mea, cum cantauero tibi.* Et illud: *Cantabo DEO Iacob.* Et illud: *Misericordias Domini in æternum cantabo.* Et illud: *Cantate Domino omnis terra: Cantate Domino, & benedi- cite nomini eius.* Et illud: *Cantate Domino Canticum nouum.* Et illud: *Can- tate & psallite, & exultate in Cythara & voce psalmi.* Et illud: *Misericor- diam & inquitiam cantabo tibi Domine.* Et illud: *Cantabiles mihi erant ius- tificationes tue.* Et illud: *Et cantent in viis Domini.*

AD instrumentalem autem illud: *Laudate Dominum in sono tu- ba, laudate eum in psalterio & Cythara; Laudate eum in tympano & choro; laudate eum in chordis & organo; Laudate eum in cymbalis bene sonantibus, Laudate eum in cymbalis iubilationis.* Et illud: *Confitemini Domino in cy- thara, in psalterio decem chordarum psallite illi. Cantate ei canticum nouum, bene psallite illi in vociferatione.* Et illud: *Confitebor tibi in cythara.* Et illud: *Confitebor tibi in vasis psalmi, veritatem tuam, DEVS psallam tibi in cythara.* Et illud: *Sumite psalmum, & date tympanum psalterium iucundum cum cythara. Buccinate in Neomenia tuba in insigni die solemnitatis vestra.* Hæc omnia & alia multa in eandem sententiam vnus Propheta & Rex Iesseus Dauid.

AST non constitit hîc religiosissimi principis deuotio, ve- rum vltra progressa, magnam quoque cantorum omnisq. generis musicorum vim instituit, qui Psalmos, quos ille Spiritu sancto dic- tante ediderat, ad DEI Opt. Max. laudem diuersis organis, mo- dulatisque vocibus iugiter in tabernaculo decantarent. Qua de re primo Paralipomenon ita scriptum extat: *Hic sunt quos constituit*

Psalterium in pu-
blicam Dei laudẽ
à Spiritu sancto
dictatum.

Psalm. 13.
Psalm. 32.
Psalm. 149.
Psalm. 58.
Psalm. 67.
Psalm. 68.
Psalm. 70.
Psalm. 74.
Psalm. 88.
Psalm. 95.
Psalm. 98.
Psalm. 100.
Psalm. 118.
Psalm. 134.

Psalm. 150.

Psalm. 31.
Psalm. 42.
Psalm. 56.
Psalm. 70.
Psalm. 80.

David ingentem
cantorum & mu-
sicorum vim in
Dei laudem infli-
xit.

David super cantores domus Domini, ex quo collocata est arca; & ministra-
bant coram tabernaculo testimonij canentes, donec Salomon edificaret domum
Domini in Hierusalem; stabant autem iuxta ordinem suum in ministerio,
& infra:

NUMERATI sunt Leuitæ à viginti annis & supra, & inuenta sunt tri-
ginta octo millia virorū, ex his electi sunt & distributi in ministerium domus
Domini viginti quatuor millia; propositorum autem & ludicum sex millia;
porro quatuor millia ianitores, & totidem psaltes canentes Domino in organis,
quæ fecerat ad canendum. Et infra rursum: Igitur David & magistratus
exercitus segregauerunt in ministerium filios Asaps, & Heman, & Iedihum,
qui prophetarunt in cytharis, & psalteriis, & cymbalis secundum numerum
suum dedicato sibi seruitio seruientes. Et cap. 13. eiusdem libri: Porro Da-
uid & vnuerfus Israël laudebant coram DEO omni virtute in Canticis, &
in cytharis, & in psalteriis, & tympanis, & cymbalis, & tubis. Et capite 15.
rursum:

ET dixit David principibus Leuitarum, vt constituerent de fratribus
suis cantores in organis musicorum, nablīs videlicet, & lyris, & cymbalis, vt
resonaret in excelsis sonitus letitia. Constitueruntque &c. Et cap. proximè
sequenti: Constituit David coram arca Domini de leuitis, qui ministrarent
& recordarentur operum eius, & laudarent Dominum DEUM Israël. Jehiel
super organa psalterij & lyras, Asaph autem vt cymbalis personaret. Banaïas
verò & lazziel sacerdotes canerent tuba iugiter, coram arca fœderis Domini.
Et lib. 2. cap. 7. Sacerdotes autem stabant in officiis suis, & leuitæ in organis
carminum Domini, quæ fecit David Rex ad lauandum Dominum: Quo-
niam in æternum misericordia eius hymnos David canentes per manus suas;
porro sacerdotes canebant tubis ante eos.

SED neque solus David DEO cecinit, variâque carmina in
eiusdem laudem instituit, sed alij præterea complures, qui illum
partim antecefferunt, partim secuti sunt. Nam & Moyses propter
submersum in mari rubro Pharaonem Domino Epinicion ceci-
nit: fecit idem etiam eius soror Maria. Tum Anna Samuelis ma-
ter, & Delbora, & Baras, & Iudith, & Esaias, & Abacuc, & Eze-
chias &c. Sed & Saulum quoque filium Cis, posteaquam gregem
prophetarum, ante quos ibat psalterium, & tympanum, & tibia,
& cythara, obuiam habuisset, prophetiæ spiritum hausisse, vnâque
cum cæteris cecinisse & vaticinatum esse legimus. Sic Elizeus
psalten adduci iussit, eoque canente manus Domini super illum
cecidit,

Vnus cantori &
musicorum apud
veteres celeberrimus.

Rod. 15.

1 Reg. 2.

Iud. 5.

Iud. 16.

Eccl. 5. 42. 23.

Abac. 3.

1 Reg. 10.

4 Reg. 3

eccidit, moxque, quæ futura erant, certò prædixit. Mitto alia; longum enim foret, si quis ea omnia in hunc locum referre vellet, quæ de veterum carminibus & odis prodita extant. Cum ergo hæc omnia peculiari DEI spiritu fuerint facta & instituta, tantòque feruore & spiritu à sanctis illis viris frequentata, cur notatur Ecclesia, quòd diuinas laudes certo quodam ordine & modo publicè, solenniterque decantet?

AT nouum Testamentum hîc prorsus silet, inquit aduersarius, falsum est: nam etsi hac in re vetus non æquet, non tamen prorsus silet. Etenim Matthæi 26. inter cætera ita scriptum comperimus: *Dico vobis non bibam amodò de hoc genimine vitis, usque in diem illum, cum illud bibam vobiscum nouum in regno patris mei. Et ὁ μὴ θέλωντες, hoc est, vbi hymnum vel laudem DEO decantassent, exierunt in montem oliueti.* De hymni autem ratione est cantus; siquidem Græcis idem est ὕμνω, quod Latinis decanto vel carmine celebroy, unde Augustinus: Hymni sunt laudes DEI cum Cantico. Si sit laus, & non est DEI, non est hymnus. Oportet ergo vt sit hymnus, vt habeat hæc tria, & laudem, & DEI, & Canticum. Eiusdem sententiæ sunt, quæ ea de re scribit Isidorus: Hymnus, ait, est canticum laudantium DEVM propriè; Aut hymni sunt cantus concinentes laudem DEI. Quod si sit laus, & non est DEI, non est hymnus. Quamobrem si, vt Matthæus & Marcus referunt, CHRISTVS vnà cum discipulis suis post vltimam cœnam celebratam ὕμνωσιν, consequens fit, vt vnà cum discipulis suis DEO laudem & gratiarum actionem decantarit; Atque hoc disertis verbis asserit Synodus Toletana quarta.

DE hymnis canendis, exponit illa, Saluatoris & Apostolorum exemplum habemus. Nam & ipse Dominus hymnum dixisse perhibetur, Matthæo Euangelista testante, & hymno dicto exiuerunt in montem oliuarum. Et Paulus Apostolus ad Ephesios scribit, dicens: *Impleamini Spiritu sancto, loquentes vobismetipsis in psalmis, & hymnis, & Canticis spiritualibus.* Iam si hymnus non constat sine cantu, vt ex Augustino & Isidoro & Concilio Toletano. manifestum est, & ex voce ipsa validè confirmari potest, consequitur, Apostolum Paulum & Sylam nocturnas DEO laudes concinuisse: Quandoquidem Actorum sexto decimo ita de illis legitur: καὶ αὐτὸ τὸ μεσονύκτιον παύλας καὶ σίλας προσευχόμενοι ὕμνωσιν

Quid sit hymnus propriè, & quæ de eius ratione, Ad Psal. 72.

Li. 6. c. 34. cym. De hymnizatione tria.

Can. 11.

Matth. 26.

Cap. 5.

Christus cum Apostolis, Paulus item & Silas Deo laudes decantauerunt.

ὕμνον τὸν θεόν, hoc est, circa mediam noctem Paulus & Syllas orantes DEO laudes decantabant.

Noui Testamen
ti Cantica quæ,
& quot.

SPECTAT ad hunc etiam locum Canticum Prophetæ Zachariæ, Canticum Simëonis, Canticum Virginis matris, Angelorum *δοξολογία*. Nam etsi ex Euangeliiis certum non est, CHRISTO recens nato concentu musico diuinas laudes decantasse Angelos, satis tamen ex illis compertum est, clara & lætabunda voce deprædicasse; quod idem est ferè quod cecinisse. Sed & Ecclesia quoque Catholica hoc ipso modulata voce vsos insinuat, quòd illorum carmen inter cætera scripturarum Cantica censet. Ad hæc Concilium Toletanum quartum Angelos *δοξολογία* illam: *Cap. 12. Gloria in altissimis DEO, & in terra pax hominibus bonæ voluntatis*, decantasse disertè affirmat.

Ab Ambrosio
& Hilario varij
hymni compo-
si.

QVIA, ait, nonnulli hymni humano studio in laudem DEI atque Apostolorum & Martyrum triumphos compositi esse noscuntur: sicut hi, quos beatissimi Doctores Hilarius & Ambrosius condiderunt, quos quidam tamen reprobant pro eo, quòd de Scripturis sanctorum Canonum vel Apostolica traditione non existunt: Respuant ergo, & illum hymnum ab hominibus compositum, quem quotidie publico priuatòque officio in fine omnium psalmorum dicimus: Gloria & honor Patri, & Filio, & Spiritui sancto in secula seculorum amen. Nam & illum hymnum, quem nato in carne CHRISTO Angeli cecinerunt; Gloria in excelsis DEO, & in terra pax, & reliqua, quæ sequuntur ibi, Ecclesiastici Doctores composuerunt; Ergo nec ipsi in Ecclesiis canendi sunt, quia in sacrarum Scripturarum libris non inueniuntur. Hæc Synodus Toletana de Angelorum *δοξολογία*. Cuius sententiæ Leo eius nominis nonº planis verbis assipulatur. Scribit enim: Hi duo solummodo hymni ab Angelis in nouo Testamento inueniuntur decantati Alleluia, & Gloria in excelsis DEO, quos pariter in septuagesima intermittimus, quia peccato veteris hominis à conuentu Angelicæ iubilationis expulsi, in huius miseræ vitæ Babylonem, super flumina eius sedemus & flemus, dum recordaremur illius Syon, in qua DEVM decet hymnus.

De conf. d. 1. c.
Hi duo.

Duo Angelorū
hymni.

Psal. 136.

Psal. 64.

DICIT autem in nouo Testamento duos tantum Angelorum hymnos extare: siquidè extat alius Esaiæ sexto, quem itidem
vel

vel decantarunt vel sonora & clara voce deprompserunt, vel depromere veriùs nunquam desinunt, vtcunque tandem in corporis expertes spiritus vocis vsus cadat. Habet autem textus in hunc modum: *Vidi Dominum sedentem super solium excelsum & eleuatum, & plena erat domus à maiestate eius. Et ea quæ sub ipso erant, replebant templum. Seraphim stabant super illud: Sex ala uni, & sex ala alteri, duabus velabant faciem eius, & duabus velabant pedes eius, & duabus volabant, & clamabant alter ad alterum: Sanctus, sanctus, sanctus, Dominus DEVS exercituum, plena est omnis terra gloria eius.* Hæc ibi, quæ choros in Ecclesia orthodoxa olim futuros minimè obscure adumbrabant. Nam vt Seraphin illa alternatim ad se inuicem clamabant: ita chori alternis sibi inuicem respondent, laudesque diuinas decantant. Sed & in omni quoque solenniori Missæ sacrificio idem ille seraphicus hymnus non absque musica symphonia adhiberi solet.

Esaï. 6.

Angeli alternis
Deo laudem decantant.

SIMILIS quædam Angelorum visio diuinas laudes alternatim decantanitum, vt refert Nicephorus, obtigit itidem Ignatio tertio à D. Petro Antiochenorum Episcopo. Quæ autem is ea de re commemorat, eiusmodi sunt: Morem antiphonarum, hoc est, alternis per responsionem carminum concinendorum Ecclesia antiquitus iam inde ab Apostolis accepit. Diuinum namque Ignatium, qui tertius in Ecclesia Antiochena à Petro Apostolo Hierarcha fuit, & cum Apostolis omnibus plurimo tempore vixit, quum per extasin animi consternatus esset, visionem nouam vidisse ferunt, sanctos scilicet Angelos alternis & sibi inuicem respondentibus carminibus sanctam Trinitatem hymnis & laudibus vehentes; & ipse primus hanc concinendi formam Antiochenorum Ecclesiæ dedit. Vnde quasi à fonte in alias Ecclesias DEI omnes eiusmodi consuetudo est propagata. Hæc Nicephorus, quæ iisdem penè verbis exponit historia Tripartita. Habemus autem hinc duo obseruatione cum primis digna: Alterum horum est, alternis diuinas laudes canere non humanum commentum, sed cœleste planèque diuinum institutum esse; vtpote ex ipsis Angelis acceptum. Alterum est, ritum illum alternis & quasi per choros canendi non heri natum; sed Apostolorum ætate in Ecclesia inchoatum, indèque ad nos vsque perpetua quadam serie propagatum esse.

A tēporib⁹ Apo-
stolorū Ecclesia
choros egit, al-
ternisq; cecinit.

Lib. 6. cap. 8.

Alternis canere
non humanum
commentum sed
cœleste institu-
tum.

Miser. ecc. c. 3.
Lib. 2. ca. 16. de
reliq. Alexan.

Cui rei præter alios sacer Dionysius & ipse Apostolorum discipulus, & Iudæorum eruditissimus Philo luculentum quoque testimonium perhibent. Dionysius: Psalmorum sancta modulatio, quæ omnibus fermè sacerdotalibus mysteriis iungitur, & substantiæ ratione cohæret, summo omnium mysterio deesse non debuit. Philo: Est in vnoquoque ferè agro ædes sacra, quæ appellatur *αὐναῖον* vel *μοναστήριον*, in quo illi ab aliis seiuncti vitæ piæ mysteria obeunt. Nihil eò vel cibi vel potionis vel aliarum rerum, quæ ad corporis vsum necessariæ sunt, omnino secum apportant; sed leges & oracula à Prophetis diuinitus edita, hymnosque ibi recolunt, & alias denique res, quibus diuina scientia & vera erga DEVM pietas crescat & perficiatur. Et infrà: Ita planè non modò contemplationi solùm se dedunt, sed & cantiones & hymnos variis metri carminum cuiusque modi numeris grauter fusis, ad DEI honorem & laudem consunt.

Cantus & hy-
monorum vsus ce-
lebris in Alexan-
dria in Ecclesiæ
exordio.

Epist. ad Imper.
Traia.

His satis consentanea sunt, quæ scribit Plinius secundus de suæ ætatis Christianis. Affirmabant autem hanc fuisse summam vel culpæ suæ vel erroris, quòd essent soliti statò die ante lucem conuenire, carmenque CHRISTO quasi DEO dicere secum inuicem. Addit ibidem: Vnus ex omnibus consurgēs in medio psallum honestis modulis concinebat, & præcinenti ei vnum versiculum, omnis multitudo respondebat. Hæc omnia planum faciunt, tempore Apostolorum cantum in Ecclesia DEI publicè fuisse receptum; etsi fortè non ea solennitate & frequentia, qua postea. Nam cùm Ecclesia in cunis adhuc vagiens vix haberet domũ, in qua latitaret, nulli mirum videri debet, si tum nõ habuerit splendida templa, in quibus diuinas laudes publicè decantaret.

Lib. 1. ca. 6. offi.

Varij & miri Ec-
clesiastici cantus
effectus & fru-
ctus.

Lib. 9. c. 7. Conf.

DE psallendi vtilitate Isidorus ita scribit: psallendi suauitas tristitia corda consolatur, gratiosas mentes facit, fastiditos oblectat, mentes excitat, peccatores ad lamenta inuitat. De hac ipsa consolatione, spiritalique oblectatione Diuus Augustinus alicubi ita scribit. Quantum fleui in hymnis & canticis tuis suaue sonantis Ecclesiæ tuæ vocibus commotus acriter; Voces illæ influebant auribus meis, & eliquabatur veritas tua in cor meum; & ex ea æstuabat inde affectus pietatis, & currebant lachrymæ, & bene mihi erat cum eis.

Non longè cæperat Mediolanensis Ecclesia genus hoc con-
sola-

solationis & exhortationis celebrare, magno studio fratrum concinentium vocibus & cordibus. Nimirum annus erat aut nō multò amplius, cū Iustina Valentiniani Regis pueri mater hominē tuum Ambrosium persequeretur hæresis suæ causā, qua fuerat seducta ab Arianis. Excubabat pia plebs in Ecclesia mori parata cū Episcopo suo seruo tuo. Ibi mater mea ancilla tua sollicitudinis & vigiliarum primas partes tenens, orationibus vivebat. Nos adhuc frigidi à calore spiritus tui, excitabamur tamen ciuitate attonita atq; turbata. Tunc hymni & Psalmi vt canerentur secundū morem orientalium partium, ne populus mœroris tædio tabesceret, institutum est; & ex illo in hodiernum retentū, multis iam & penē omnibus gregibus tuis & per cætera orbis imitantibus. Hæc Mediolani. Simile quid tempore Chrysostomi accidit Constantino- poli, qua de re Nicephorus ita scribit:

Mediolani tempore Ambrosij & Augustini hymni & psalmi vt publicè canerentur institutum.

PORRO populus Constantinopolitanus nocturnis, matutinisque hymnis maxina alacritate incubuit, ex eiusmodi primū causa: Arriani sub Theodosio sacris cœdibus expulsi, extra vrbis mœnia Ecclesias conuentusq; suos agebant. Prius autem nocturno tēpore in publicis porticibus cōgregati, atq; in choros suos segregati carmina quædam alternis antiphonarum modo sibi inuicem respondentia, ad hæresis suæ placita accommodata, concinnè canebant, & noctē multam in eiusmodi psalmodia consumeant. Sub aurorā autem publicè ea concinentes extra urbem, in ea, vbi Ecclesias habebant, loca prœcedebant. Faciebant id autē maxime solennioribus festorum dierum temporibus, & prima, eademque vltima hebdomadis die, quam Dominicam vocamus: quibus temporibus etiam synaxes in Ecclesiis fieri solent. Postea verò cantus tales ad contentionem quoq; instituebant: Vbinam sunt, dicentes, qui trinitatem eiusdem substantiæ & eiusdem honoris colunt. Hæc & alia eiusmodi verba carminibus aspergebant.

Lib. 1. §. cap. 8.

Arriani publicè profanisq; cantionibus in Trinitatis oculis concinnatis Rempu, Constantinopolitanam pertuebant.

SED etiam Ioannes ne aliqui ex Ecclesia sua eius generis cātibus demulsi, ab illis seducerentur, ad eundem modum contra illos psalmodiam instituit. Et breui ea celebrior, quàm aduersariortum esset, facta est; vt quæ & multitudine & honorifico progressu illos superaret. Nam eam cruce argenteæ cereos argenteos habentes præbant, Eudoxia Imperatoris coniuge impensas ad eam rem præbente, quæ hoc Brissoni cubiculi sui præfæcto iniunxit,

Chrysostomus contra Arrianos hymnos sc. ibi. & instituit.

Arriani hymno-
rum causa cum
orthodoxis con-
grediuntur, plu-
resque vtrinque
cadunt & vulne-
rantur.

Qua occasione
hymni in Con-
stantinopolitana
Ecclesia recepti
& conseruati.

vt hymnorum cantus procuraret, & ad eum usum quam plurimum lucernarum pararet. Quare ad æmulationis ardorem perciti ad vindictam se contulerunt, & manus cum nostris conferere sunt aggressi. Adhuc enim ex ea, quam antè habuerat, potentia & dominatione, animis flagrabant, & ad pugnam committendam parati erant, nostrosq; adeo despiciebant.

ITAQUE nocte quadam inter se congressi non pauci vtrinq; ceciderunt, & Brison Imperatricis cubiculariorum Eunuchorum princeps in fronte lapide ictus est. Hac verò de causa commotus Imperator tales Arrianorum processiones sustulit. Catholica autem Ecclesia principio eiusmodi psalmodiarum hymnorumque canendorum inde sumpto, ad hunc usq; diem consuetudinem eam retinet, & sacris cantilenis operatur. Hæc Nicephorus, quibus ea subiungit, quæ de D. Ignatio paulò antè retulimus. Eadem penè ad verbum habet Socrates lib. 6. ca. 8. Adiungerem his Ambrosium, Lactantium, Gregorium Nazianzenum, Augustinum, Rabanum, Bedam, & alios præterea ex veteribus, qui de Ecclesiastici cantus usu & vetustate scripserunt complures; verum quia ex scripturis cæterisq; quæ hætenus exposita sunt, res est manifesta, deq; primo Antagonistarum argumento disputatum est satis, super se deo.

QVOB verò non idem ubique psallendi, aut celebrandi, aut precandi ritus obtineat (Hoc enim est, quod secundo loco cauilabantur Antagonistæ) illud non est tanti momenti, vt propterea horas Canonicas ab Ecclesia proscribere oporteat: Siquidem disparitas illa neque aduersatur iustitiæ, neq; fidei, neque religioni, neque ipsius quoq; rei naturæ. Non est contra iustitiam; nam etsi illi, qui ex decimis, populique oblationibus vitam tolerant, iure diuino & naturali pro communi populi salute orare obligentur; attamen quid, quantum, quando, ubi, quomodo, &c. id neq; diuino, neq; naturali iure determinatum est: Sed ea determinatio Ecclesiæ, prælatorumque eiusdem prudentiæ integrè relicta est. Quare si bona fide id præstant Ecclesiæ ministri, quod Ecclesia, in qua DEO deseruiunt, exigit, suo muneri faciunt satis.

Ministri Ecclesiæ
muneri suo fa-
ciunt satis, si id
præstant, quod
imponit vel or-
dinat Ecclesia, in
qua deseruiunt.
Diuerſitas rituum
& caeremoniarum
diuersarum Eccle-
ſiarum, index est
diuersorum do-

NEQUE est rursus contra fidem aut religionem, quia varietas illa non est index diuersæ religionis, aut disparis fidei, sed diuersorum donorum, charismatum, ac gratiarum, quæ in Ecclesia comperiuntur; habetque suas illa peculiare rationes, maxime quod

quod ad diuerfos vnus eiusdemque Ecclesiæ ritus & consuetudines attinet; siquidem diuersa tempora diuersas exigunt preces, diuersosque ritus & cæremonias. Neque enim eadem conueniunt tempore læto & mæsto, die festo & profesto, feriis quadragesimalibus & paschalibus.

norum & charismatum, non diuerse fidei aut religionis.

NEQVE est tandem contra rei naturam; quandoquidem cuiusque rei natura & usus spectandus est ex loco, tempore, personis, aliisque eiusmodi. Vbi ergo hæc variant, & rei quoque status & usus mutetur oportet. Quamobrem vt in politicis non iidem vbique sunt mores, viuendique ritus, neque idem semper corporis cultus &c. nec esse quoque commodè possunt, & tamen hæc deformitas nullam omnino in rebus publicis vel regnis conciliat deformitatem, sed magnum potiùs decorem & venustatem; ita nõnulla rituum & cæremoniarum dissimilitudo, quæ vel in vna Ecclesia diuersis temporibus, vel in diuersis Ecclesiis eodem tempore inuenitur, nullam prorsus monstrositatis speciem præ se fert, sed magnam potiùs pulchritudinem & elegantiam.

Disparitas rituum & cæremoniarum pro locorum & temporum diuersitate venustatè parit in Ecclesia verius, quàm deformitatem.

DIXERIM nonnullam rituum dissimilitudinem nullam parere deformitatem: Nam etsi diuersæ vel eadem etiam Ecclesiæ in accidentariis, minusque principalibus partibus nonnihil inter se discrepant; in primariis tamen & quasi formalibus oppidò inter se conspirant? Constat enim, nullam esse, quæ horis Canonicis non adhibeat psalmos, hymnos, lectiones, preces, versiculos, antiphonas, aliæque eiusmodi: Verùm pro locorum ratione aliæ plures, aliæ pauciores; & eadem pro temporum qualitate modò plures modò pauciores adhibent. Sed & omnes, quæ sub eodem Metropolitano degunt, iidem ferè psallendi & celebrandi legibus & ritibus vtuntur. Loquimur hic de Ecclesiis cathedralibus & collegiatis, non de conuentualibus. Nam vt religiosi ab aliis Clericis secularibus, differunt instituto; ita quoque psallendi, diuinæque officia obeundi modo. Qui tamen modus vt licitus, legitimusque sit, ab Episcopo vel Pontifice Maximo approbatus sit oportet.

Omnes Ecclesiæ in primariis ritibus & cæremoniis conueniunt, maximè verò, quæ sub eodem metropolitano cõtinentur.

OPTARENT quidam, vt omnes omnino Ecclesiæ vsui & ritui Ecclesiæ Romanæ, quæ Ecclesiarum omnium mater & magistra est, sese accommodarent: Verùm quia iam olim oppositum multis locis receptum est; & quia rursum omnis omniuo mutatio

Ecclesia Romana Ecclesiarum omnium magistra.

in rebus præsertim magnis, & propter diuturnum usum in naturam quodammodo versis solet esse periculosa, videtur id potius optandum, quàm tentandum. Quò tamen vnaquælibet Ecclesia ad Ecclesiæ Romanæ ritus accesserit propius, eò erit grauior & ab omni reprehensione, quod ad eam rem attinet, remotior.

QVI priuatim horas Canonicas recitant, faciliori negotio, à suæ Ecclesiæ consuetudine & more ad Romanæ Ecclesiæ morem & consuetudinem transire possent; sed neque hoc quoque absque ratione, suique ordinarij permissione satis consultum videtur. Est enim membrum omne suo corpori non conformatum deforme: Cui malo hoc quoque accedit, quòd illi, qui priuatim recitant vnum & alterum, publicè facilius confusionis cuiuspiam occasionem offerant. De vigiliis mortuorum, de officio Virginis matris, de litanis, de psalmis gradualibus vnusquilibet, qui errare vel peccare non vult, id hinc seruet, quod P L V S V. Pontifex Maximus ea de re statuit.

Ad temporis conformationem quod spectat, qui precum horarum pensum publicè persolunt, temporis ab Ecclesia diocesana vel metropolitana præfinito, quoad eius fieri potest, sese accommodent. Quod si ob certam aliquam causam id non valent, saltem certum orandi tempus obseruare studeant. Nam alioqui plebem, quam edificare debent, grauius offenderent, & in legem nihilominus committerent. Qui autem priuatim horas Canonicas recitant, illi quacunque tandem hora recitauerint, neminem quidem offendunt, at culpa tamen non prorsus vacat, si citra ullam causam vel nimium prorogant, vel nimium quoque anticipant. Satiùs est tamen anticipare, quàm nimium differre. Vnde qui grauioribus negotiis distinentur còsultè faciunt, si manè antequam opus aliud adoriantur, id totum absoluant, quod vespere vel Completorium antecedit.

QVAE autem horæ ante priuatam Missam recitari debeant, disputant nonnulli. Quidam prius sacris operari, quàm dicta sit prima, illicitum iudicant: Alij preces matutinas vnà cum laudibus absolutas esse, sat esse existimant. Nonnulli denique neutrum horum necessarium putant; sed dubito an satis sanè: Nam etsi priuatæ Missæ cum horis Canonicis necessariam connexionem non habeant, neque vllum fortassis Ecclesiæ decretum ex-

ter,

Membrum suo corpori non conformatum deforme.

Qui priuatim horas Canonicas recitant, neque nimium anticipet, neque nimium rursum prosergat.

De Missæ cel. e. presby.

Missam citra grauem causam ante dictas matutinas celebrare non licet.

ter, quod, ne quis ante dictas matutinas celebret, iubeat; attamen perpetua Ecclesiæ consuetudo contrarium docet & obseruat. Nihilominus si qua necessitas incumberet, aut euidens utilitas id postularet, non esset cum noxa coniunctum, ante dictas matutinas sacris operari.

Sic quoque si quis ea tenetur infirmitate, vt matutinas vel alias horas sine magna difficultate dicere non valeat, Missam autem citra magnam molestiam celebrare queat, poterit is, horis Canonicis prætermisiss, Missam celebrare. Porro Missæ solennes non solent dici ante tertiam vel sextam; imò verò quadragesimalium ieiuniorum tempore vsq; ad nonam, hoc est, vsq; ad tertiam horam post meridiem olim prorogabantur. De loco, eiusdemq; discrimine nulla est difficultas. Qui enim priuatim dicunt, quolibet loco dicere possunt, qui autem publicè, loca peculiariter ad id deputata obseruare debent.

Ieiuniorum tempore Missæ olim aliquot horas post meridiem celebrabantur.

Tandem cum quædam publicis precibus admisceri cauillantur, quæ secularem leuitatem sapiant veriùs, quàm Ecclesiasticam grauitatem, quorsum tendant non assequor. Nam instrumenta musica, varius ministrorum ornatus, thymiasis, multaque id genus alia, præter vsum vetustissimum, valida quoq; ex Scripturis & in scripturis firmamenta habent. Fatemur tamen, in iis omnibus abusum aliquem nonnunquam contingere posse. Verùm propter nonnullum abusum bonarum rerum vsus è medio tolli non debet. At de horis Canonicis, cæterisque, quæ ad orationis rationem secundum se spectant, dicta sunt multa satis. Restat, vt explicemus, cuius sit orare; tum cuius rursus gratia vel opera imploranda veniat, siue ad quem oratio dirigi debeat: postremò pro quibus personis vel rebus orare conueniat vel etiam oporteat.

Legitimus vsus propter abusum non tollendus.

De iis, quibus orare conuenit, vel non conuenit.

CAPVT DECIMVM.



EST oratio non solum hominibus & Angelis, sed tropo quodam diuinis quoque personis tributa interdum comperiat (dicitur namque Spiritus sanctus in enarrabilibus gemitibus pro nobis interpellare)

Roman. 8.

In diuinis perso-
nas non conuenit
oratio

lare) in nullam tamen secundum se absolutè acceptam orare cõ-
uenit; Siquidem propriè rationis oratio ponit indigentiam, na-
turæ quæ & potestatis disparitatem, & certam nihilominus virium
dimensionem. In diuinis autem nulla est substantiæ, aut pote-
statis, aut maiestatis diuersitas, nulla cuiuscunq; rei egestas, nulla
virium dimensio: Vt enim tres diuinæ personæ vnus sunt essentiæ;
ita vnus quoq; sunt potentiæ, opulentiæ, & omnipotentię. Quare
imaginaria quadam ratione posito, vni ex tribus aliquid deesse,
hoc indigens frustra ab altera quacunq; peteret: Quippe cum to-
tum id desit vni, quod deest alteri, & id totum rursus adsit vni,
quod adest alteri.

Pfures cause cur
in diuinis perso-
nas oratio non
conueniat.

Cum ergo nemo id ab altero petere aut quærere soleat, quo
ipse abundat, vnaquæque autem hypostasis id totum integrè ha-
beat, quod simul omnes: Rursus cum omnis omnino oratio ali-
quam inopiam & potentiæ disparitatem necessariò ponat (pe-
tit namq; inferior aut miserior à superiori vel opulentiori, quod
sibi deest) singulæ autem diuinæ personæ sint opulentissimæ &
inter se æqualissimæ: Tandem cum trium diuinarum hyposta-
se æon vna sit voluntas, vna potentia, vna scientia, adeoque qui-
cunq; vult, scit, vel potest vna, hoc ipsum quoque velit, sciat, & pos-
sit alia, (opera enim Trinitatis ad extra sunt indiuisa) fit vt oratio,
quæ est actus patriæ, quæ ipsa etiam inter pares & omnipotentes
locum non habet, in diuinis personas nullo modo conueniat.

Quo sensu au-
toritas ponit
in Patre.

Ponitur sanè à quibusdam in Patre auctoritas; at illa nul-
lam dicit præminentiam, aut disparitatem, sed solum originis
ordinē; quicquid enim habet Pater, hoc totum habet Filius & Spi-
ritus sanctus: Nihilominus hoc ipsum quod habet Filius, hoc à se
nō habet, accepit autem à Patre; et quicquid habet Spiritus san-
ctus, hoc totum accepit & accipit à Patre & Filio. Quapropter cum
Spiritus sanctus genitibus inenarrabilibus pro nobis interpellare,
aduocare, vel preces offerre, vel aliquid aliud eiusmodi nostri
causa præstare asseritur, hoc totum accipiendum est causaliter,
nullo modo formaliter. Ipse enim suo aduentu efficit, vt homo
de peccatis & miseriis suis gemat, & diuinam opem ardentè im-
ploret, vt ad cœlestia intimè adspiret. Paucis eo sensu Spiritus san-
ctus dicitur gemere vel interpellare, quo frigus pigrum vel igna-
uum, ager vel dies lætus, cibus vel locus salubris. Tribuuntur au-
tem

Quo sensu vel
modo Spiritus
sanctus pro no-
bis orare vel in-
terpellare dica-
tur.

tem Spiritui sancto familiarius deprecatio, gemitus, interpellatio, aduocatio, aliaque similia, quam Patri aut Filio, quia ipsi appropriatur bonitas vel benignitas; eius autem proprium est, supplicum preces suscipere, & promouere. Constat hinc ergo, orationem neque in Spiritum sanctum, neque in ullam aliam personam diuinam absolutè conuenire.

SED dicis; CHRISTVS est persona diuina, vt qui verus naturalisque æterni Patris Filius existat: Hic autem inter homines adhuc agens integras noctes in oratione transigebat, & hoc ipso quoque tempore ab oratione non cessat, vt qui fidum semper patronum & aduocatum apud DEVM pro nobis agat. Non est ergo vniuersè verum, orandi officium in diuinam hypostasim nō conuenire. Totum quod de incarnati verbi oratione hīc dicitur, verum est; At totum illi, quod capitis huius initio assertum est, nihil omnino aduersum est. Diximus enim, orationem diuinæ personæ secundum se absolutè non conuenire, quod rectè dictum est: At verò vt CHRISTVS Dominus non solum DEVS, sed simul quoque homo est; ita illius hypostasis nō solum diuinæ, sed humanæ quoque naturæ hypostasis est; vt quæ humanam naturam eque verè & propriè sustentet & terminet, atque hypostasis Petri vel Pauli, Petri vel Pauli naturam sustentat & terminat.

QVAMVIS ergo orare verè & ptopriè in CHRISTVM quadret, verèque & propriè orauerit frequenter, hoc tamen in illū non conueniebat secundum naturam diuinam, hoc est, vt diuinæ tantum naturæ hypostasis erat, sed secundum naturam assumptā, siue vt hypostasis illius humanam naturam sustentans erat, secundum quam utique & Patre & seipso quoque minor erat, & indigens erat, & omnipotens nō erat; adeoque qui oraret, modis omnibus idoneus erat. Sed & multas quoque cur oraret, & crebrò oraret, iustas causas habebat: Inuitabat enim huc orationis meritū; inuitabat virtutis exemplum; inuitabat veritatis assumptæ naturæ argumentum; inuitabat tandem suscepti muneris officium.

INUITABAT meritum, quia CHRISTVS Dominus sua oratione & obsecratione ea nobis promeritus est, quæ nostris nos viribus promereri nullo modo valebamus. Nisi enim is partes suas interposuisset, indigni planè eramus, qui in Dei conspectum prodiremus, nedum qui votorum compotes efficeremur. Etenim vt

Cur Spiritui sancto potius tribuatur deprecatio, vel intercessio, quam aliis personis.

Lucæ 6.

1. Ioan. 2.

Christo conuenit oratio secundum naturā assumptam.

Multæ erant Christo causæ, cur frequenter & ardentè oraret.

Per Christū patescitur est nobis aditus ad Patrem.

non fui, sed nostri causa patiebatur & moriebatur; ita quoque non fui, sed nostri causa precabatur. Hactenus tamen ad se quoque hæc pertinebant, quatenus resurrectionis gloriam nominisq; claritatem per ea consequi debebat.

INUITABAT rursus virtutis exemplum: Quandoquidem CHRISTVS Dominus non solum datus est nobis in Redemptorem & Legislatorem, verum etiam in morum, hoc est, vitæ disciplinæque magistrum & ducem: *Exemplum*, ait, *dedi vobis, ut quemadmodum ego feci vobis, ita & vos faciatis*. Et alio loco: *Discite à me, quia mitis sum & humilis corde*. Et cōmuniter dici solet, totam CHRISTI vitam, nostram esse instructionem. Quò Ambrosius, alludens de

CHRISTIORATIONE ita scribit: Pernoctabat Dominus IESVS in oratione, non indigens petitionis auxilio, sed statuens nobis imitationis exemplum. Nam si ille orabat, qui nullius rei egebat; ut qui de sua beatitudine certus iam esset, imò verò secundum potiore[m] sui partem re ipsa beatus iam erat; quantò magis iis orandum est, qui multis indigent, quotidieque cum carne, mundo, & diabolo incerto Marte dimicant?

INUITABAT nihilosecùs assumptæ naturæ veritas, quandoquidem si nihil orasset, si nihil à DEO petiisset, non leuem malè affectis suspicionem obtulisset, se neque hominem esse, neque verè à DEO missum esse. Quare apud Ioannem ita orat: *Pater gratias ago tibi, quoniam audisti me: Ego autem sciebam, quia semper me audis, sed propter populum, qui circumstat, dixi ut credant, quia tu misisti me*. Inuitabat tandem suscepti muneris ratio: Siquidem Sacerdotis & Pontificis munereungebatur; Pōtificum autem & Sacerdotum est, mediatores & intercessores esse inter DEVM & hominem. Quapropter ut ad illū pertinebat, pro peccatis populi sacrificare, ita quoque preces offerre. Atque huc spectat illud Apostoli:

OMNIS Pontifex ex hominibus assumptus, pro hominibus constituitur in iis, quæ sunt ad DEVM, ut offerat dona & sacrificia pro peccatis. Neque quisquam sumit sibi honorem, sed qui vocatur à DEO tanquam Aaron. Sic & CHRISTVS non clarificauit semetipsum, ut Pontifex fieret; sed qui locutus est ad eum: *Filius meus es tu, &c.* Et subdit: *Qui in diebus carnis sue preces, supplicationesq; ad eum, qui possit illum saluum facere à morte, cum clamore, valido & lacrymis offerens, exauditus est pro sua reuerentia*. Hæc Paulus ad rem, de qua hic agimus, admodum appositè,

CARTE-

Christus datus
nobis in Redem-
ptorem, Ducem
& Pastorem.

Ioan. 13.

Matth. 11.

Ad Psā. 118.

Cap. 11.

Christus sacer-
dotis & pontifi-
cis munus susti-
nebat & exerce-
bat.

Hebr. 5.

Psā. 2.

Hebr. 5.

CÆTERVM quòd asserit hoc loco Apostolus, Pontificè nostrum pro sua reuerentia auditum esse, & CHRISTVS ipse, se semper à Patre audiri, hoc non de omnibus promiscuè accipiendū est, sed de iis præcipuè, quæ absoluta voluntate petebat. Constat em̃, pro calicis translatione Patrem ter rogasse, neq; tamen, quod tertio rogauerat, inpetrasse. Sic quoq; deuotas preces pro illis fudit, qui illum crucifigebāt, quiq; per Apostolorum prædicationē in illum credituri erant, & tamen non omnes sunt conuersi, aut post conuersionem salute potiti. Sic tandem feruenti oratione petebat, vt discipuli illius seruarentur à malo, & tamen non omnes seruati sunt, neq; à malo pœnæ, neq; à malo quoq; culpæ; quia in his omnibus expressa vel tacita conditio latebat. Quod si absolutè rogasset, certò utiq; pro omnibus exauditus fuisset.

PORRO autem quomodo, quibúsue gestibus, vel sermonibus CHRISTVS Dominus iam nunc oret in cælo, id certò nobis nō constat. Quidam tam non ipsum, quàm ipsius merita (vt quæ in perpetua, recentiq; semper DEI memoria & acceptatione sint) orantis munus obire dicūt. Alij sola humanitatis, eorūq; quæ in illa pertulit, ostensione orare asserūt. Nam vt pauperum in publicis viis expositorum plagæ, nuditas, miserix &c. ipsis tacentibus interpretatiuè orant; ita, vt illis placet, CHRISTI humanitas propter nos atrociter vulnerata, dirisq; modis tractata & excarnificata continuò causam nostram apud DEVM agit. Nonnulli vera postulatione, etsi non seruili, vel tali, quali utebatur dum agebat in carne mortali, Patrem adire contendunt.

HÆC postrema sententia, quod spectat ad diuersum precādī modum, cum Apostoli doctrina omnino cōgruit: Siquidem dum in diebus carnis suæ preces & supplicationes obtulisse asserit, satis ostendit nunc cū dexterā Patri asidet, omnemq; in cælo & in terra potestatē obtinet, vel simpliciter nō orare, vel certè eo modo nō orare, quo orabat olim, dum adhuc versabatur in corruptibili carne. Attamē quia secūdum naturā assumptam & Deo, & se ipso quoq; infinitis partibus minor est, eritq; semper, non pugnat cum illius statu, etiā suppliciter pro nobis orare, pro se enī non orat; quippe cū nihil illi desit ampliùs, quod per orationē impetrare debeat. Quamuis ergo diuinę hypostasi orare per se non cōuenit, conuenit hoc illi tamen, vt humanam naturam sustentat.

Ioan. 11.

Christus Dominus in iis omnibus exauditus, quæ absolutè petebat.

Luc. 23.

Ioan. 17.

Ioan. 17.

Quo modo vel ritu Christus in cælo nunc oret incertum.

Christus non eo modo nūc orat, quo orabat cū in terris adhuc degeret.

Bruta animan-
tia neque Deum
inuocant, neque
eundem per na-
turæ conditio-
nem inuocare
valent.

AT verò vt orare in DEVM non conuenit, propter summam illius perfectionem; ita in bruta animantia non conuenit propter naturalem eorundem imperfectionem: Siquidem oratio, vt supra explicatum est, est actus rationis, vtpotè mentis ad DEVM ascensus; bruta autè ratione destituuntur, neq; DEVM cognoscere possunt, vt qui sub sensum, quo illa solo vtuntur, nò cadat, neq; beatitudinis, ad quam omnia, quæ ritè petuntur, proximè vel mediatè referuntur, sunt capacia, neq; vlla tandem libertate, quæ ad orationem est necessaria, potiuntur. Dicuntur sanè coruorum pulli DEVM inuocare, nò quòd quicquam omnino illis cum vera oratione sit commune, sed quòd suauì diuinæ prouidetiæ dispositio-
ne id consequantur, in quod naturali desiderio feruntur. DEVS enim liberaliter pro sua clementia pascit omnia.

Psal. 146.

Quo sensu ore-
tur pro brutis
animalibus vel
terræ frugibus.

ET quemadmodum brutis, cæterisque ratione destitutis propter causas iam assignatas orare non conuenit, ita pro ipsis, vt bruta animantia sunt, orare temerarium fuerit. Oratur sanè nonnunquam etiam pro brutis, ne videlicet peste lædantur, aut alia clade vel miseria opprimantur, vel extinguantur; sicut oratur quoque pro terræ frugibus, cæterisque in hominum vsum venientibus. At istud non propter ipsa bruta, sed propter hominem, qui in illis læditur, vel damnum patitur. Cum ergo brutis, cæterisque inferioribus propter naturales illorum defectus & imperfectiones, ex quibus nonnullas iam retulimus; orare non conueniat; DEO autem hoc ipsum propter eminentissimam eiusdem perfectionem repugnet, consequens sit, vt orare in solos homines & Angelos, qui inter duo illa extrema medium quodammodo obtinent, propriè congruat.

Esti demones a-
liquid à Deo in-
terdum petant,
non tamè illum
propriè inuocāt
aut adorant.

SED neq; omnibus quoq; Angelis & hominibus orare propriè conuenit. Certum est enim, Angelis apostatis vel non conuenire, vel certè non satis propriè conuenire: Siquidem propriæ rationis oratio deposcit pium mētis ad Deum affectum; in demonibus aut nulla est sanctitas, nulla pia in Deum affectio. Est em̃ illorum volūtas in Dei odio obfirmatissima. Adhuc si demones verè & appropriè orarent, aut p se orarent, aut pro aliis: Non orant aut pro se; compertum è n̄ habent, bonum, quod amiserunt, se nulla orationis vi recuperare; malū verò, in quod incurrūt, se nullo vnq̃ tempore expugnare posse. Intelligunt nihilo seciūs, tantā esse animi sui malitiā
& obsti-

& obstinationem, vt voluntatem ad bonum aliquod & salutare consilium insisterem non valeant. Neque ignorant tandem, veræ rationis orationem earum rerum petitione præcipuè constare, quæ salutis deferuiunt, se autem ad salutis portum nunquam peruenturos. Cùm ergo hæc omnia exploratè sciant, nolunt orando operam perdere.

NEQUE pro aliis rursus orant, quia cùm summè sint inuidi, neminem salute potiri desiderant; quin potiùs vnicū hoc studium habent, vt omnes à DEO auertant, vnâque secum ad æternum exilium pertrahant. Denique verè orantis est, humiliter sese DEO subdere, vtorumque expletionem submissè & patienter ab eodem expectare: Dæmones autem, quòd sint superbissimi, nullo modo DEO se subdere in animum inducunt. Petiuerunt sanè potestatem in Iob, & in omnes liberos & facultates illius; tum in Gerasenorum quoque porcos, votique compotes euaserunt: verum petitio illa non fuit vera oratio, vt quæ ad proximi exitium & detrimentum ex instituto referretur. Velle autem proximum sine vlla iusta causa lædere, res adeò decens aut æqua non est, vt sua quoque natura sit turpissima & ab omni æquitate alienissima. Indulgit nihilominus DEVS prauæ illorum voluntati, non quòd ea indulgentia Diabolo vellet gratificari, sed quòd suam potestatem, Diaboli verò imbecillitatem ostēderet; tum etiam quòd beati Iob virtutem & patientiam ea flagellatione orbi patefaceret, vel certè quòd occultum aliquem illius nœuum puniret. Nam etsi Iob iustus & simplex esset, non erat tamen absque vilo prorsus peccato, & vt ille modis omnibus insons fuerit, non erant tamen omnes insones, quorum porci magno numero in mari perierunt. Patet ergo, orationem in Dæmones non conuenire, vel non propriè conuenire.

INCITANT illi ad orandum quosdam nonnunquam, non quòd ex oratione, aut vilo alio bono opere oblationem aliquam capiant, sed quòd oratione intempestina, vel nimis assidua, vel contra superioris mandatum deprompta oranti perniciem moliantur. Et quod hic de dæmonibus, eorundemque oratione dictum est, hoc ipsum de cæteris omnibus damnatis dictum accipiat: Est enim par vtrobique ratio, par malitia, par obstinatio. Quod ad vtrorumque autem studia spectat, differunt hoc solum

Dæmones neque pro se, neque pro aliis orant.

Iob 1.
Matth. 8.
Lucæ 8.
Marc. 5.

Cur Dominus Diabolo indulserit potestatem in Iob, & in quosdam alios.

Cur dæmō quosdam incitet ad frequentem orationem.

Par ferè ratio in omnibus dæmonum & damnatorum,

quòd dæmonibus permissum est extra infernum circumuolare, etsi forsan non omnibus, hominesque ad peccati cœnum alle&are, hoc autem humanis spiritibus æterno supplicio mancipatis ordinariè non conceditur. Verùm quod attinet ad mentis obstinationem, animi à D E O auersionem, superbiam, desperationem, cæteráque incommoda, quæ damnatos vrgent, nullum inter hos & illos discrimen intercedit; Solùm miseriarum gradibus inter se discrepant. Vt ergo dæmones neque pro se, neque pro aliis orant; ita neque cæteri quoque perpetuis inferorum cruciatibus addi&ti.

Anime in purgatorio detentæ p se orant,

D E illis autem, qui in purgatorio detinentur, non idem omnium est iudicium. Quidam quòd certam præfinitamque pœnam taxatam habeant, nihilque ampliùs mereri valeant, neque pro se neque pro aliis precari contendunt. Alij contrà & pro se & pro aliis interpellare asserunt. Multi pro se tantùm, non etiam pro aliis orare defendunt, quorum sententia est receptior. Pro se orare extra controuersiam est: Nam cùm diuinæ misericordiæ capaces existant (aliàs enim Ecclesia Catholica frustra pro illis oraret) Deumque ardeuter super omnia diligant (sunt enim in gratia confirmati) ac propter salutis beneficium iugem gratiarum actionem omni iure D E O Conditori debeant, nullum est dubium, quin magno desiderio ad fontem illum viuum anhelent, debitamque gratiarum actionem eidem persoluant, nec non causam suam toto animo illi commendent; hæc autem omnia ad orationem pertinent.

Anime in purgatorio non solum Dei clemētiam; sed aliorum quoque intercessionem implorant.

A D H A E C quicumque grani aliqua pœna exercentur, quam aliorum ope euadere queant, statim natura ipsa impellente ad illorum benignitatem & fidem conuertere se solent, à quibus certum præsidium sperant; at quotquot purgatoriiis pœnis exercentur, D E I misericordia, piorumque opera id consequi possunt, vt ab illis vel omnino absoluantur, vel mitiùs certè torqueantur; ergo D E I clementiam & benignitatem feruenter implorant; neque ad alios quoque interna suspiria ciaculari cessant; notum est enim illud Iob: *Miseremini mei saltem vos amici mei, quia manus Domini tetigit me*, quod vniuersalis Ecclesia per Spiritum sanctum edocta illorum personæ accommodat, qui expiantur & detinentur in purgatorio. Denique deest illis bonum, ad quod toto pectore adspirant,

spirant, certòque intelligunt, per DEI misericordiam & aliorum intercessionem pertingere ad illud posse; ergo tam hac quàm illa potiri ex animo desiderant, hoc autem aliud nihil est, quàm preces ad alios transmittere, aut aliorum opem tacitè implorare.

VERVMENIMVERO licet purgatorii cruciatibus mancipati mentales preces fundant; illorum tamen oratio non est meritòria, neque propriè quoque satisfactoria; Sunt enim extra viam et si id citra terminum. Sed neque plenè quoque & propriè spiritalis suavitatis sensum generat; siquidem propter ingentem pœnarum acerbitem gustus ille & spiritalis suauitas non ita hauritur in purgatorio, vt solet in cœlo, vel in huius etiam vitæ stadio. Est autem propriè impetratoria, hoc est, quæ impetret idonea; nam & gratia est informata, & ab amico pectore profecta, & ad eum directà, cuius clementia modum omnem transcendit. Atq; hoc sat est, vt pro se saltem orent.

IAM si illi orant, quos purgatoriæ pœnæ etiamnum exercent, multò magis orabunt, qui iam olim cum CHRISTO in cœlesti gloria triumphant; quippe quibus ea omnia suppetant, quæ illis, qui detinentur in purgatorio, & aliquid eo etiam amplius. Nam & mente & ratione præditi sunt perinde atque illi; & iusti rursus, charitatè que ornati æquè ac illi; neque id totum adhuc consecuti sunt, cuius capaces sunt, & quo olim certò potituri sunt; & virtute tandem inhiuita præditi non sunt, ita vt id totum statim, quod cupiunt, ex se habere valeant. Hæc autem omnia planè demonstrant & pro se & pro aliis quoque orare. Atq; hoc Spiritus sancti oracula, pluraq; Catholicæ Ecclesiæ decreta non vno loco affirmant.

AT obiciet hîc fortè quispiam: Sancti in patria CHRISTO, quatenus per naturam vel gratiâ licet, sese conformant: at is neq; pro se orat, cùm bonis omnibus affluat, neq; quicquam omnino ampliùs desideret; neque pro aliis rursus; alioqui, CHRISTÈ fili DEI viuî ora pro nobis, dicere fas esset, at id vsus non habet. Ad hæc Diui omnes probè compertum habent, quid DEVS his vel illis impertiri velit, vel non velit; cùm ergo frustraneam operam sumere non velint, pro iis, quos DEVM abieciisse vident, non orant; neque pro illis rursus, quorum illum misereri certò decreuisse intelligunt. Denique aliquid oratione impetrare

Preces eorû, qui detinentur in purgatorio, neq; meritòria, neque propriè quoq; satisfactoria sunt.

Sancti cœlesti gloria iâ potiti, & pro se & p aliis quoque orant.

ad

ad meritum pertinere videtur; Sancti autem nihil quicquam amplius merentur, cum sint in termino. Quod si prætorum meritum ratione impetrare dixeris, consequens mox fiet, eos facilius impetraturos, qui maiorum apud DEVM meritum extiterint, adeoque quò quisque haberetur maior, eò familiarius illius patrocinium imploraretur, efficaciusque patrocineretur, quod tamen communiter fieri non videmus.

VERVM hæc omnia maiori ex parte iam antè sunt soluta: Ostensum est enim, CHRISTVM frequenter pro nobis orasse, & etiamnum orare, etsi non eo modo, quo olim, dum inter homines adhuc versabatur. Sed neque Sancti quoque eo modo nunc orant, quo dum in viuis adhuc agebant, quâvis de eo modo certò nobis non constet. Quòd autem non dicimus: CHRISTE fili DEI ora, vel intercede pro nobis, sicut dicimus: Petre vel Paule ora, vel intercede pro nobis, non vna est causa. Primò licet CHRISTVS verus sit homo, fratribus suis per omnia assimilatus, excepto peccato, est nihilominus verus quoque DEVS, Patri & Spiritui sancto in nullo dissimilis, DEI autem non est rogare aut petere, sed petita concedere; etsi interim secundum formam assumptam rogare vel petere ipsi non repugnet. Quamobrem Ecclesia Catholica eos æmulata, qui CHRISTVM inuocarunt, quando etiam nunc in mortali carne versabatur, nunquam orat: CHRISTE intercede, vel ora pro nobis; sed semper, CHRISTE adiuua nos; IESV fili David miserere nostri; CHRISTE præceptor vel Domine salua nos. Mox CHRISTO post resurrectionem etiam secundum naturam assumptam, data est omnis potestas in cælo & in terra; in summam autem potestatem magis conuenit mandare, dispendere, & ordinare, quàm seruiliter orare, alteriusve opem implorare. Postremò Ecclesia ab eo orandi modo studio abstinet, ne Arianis, Nestorianis, cæterisque CHRISTI diuinitatem inficientibus fauere videatur.

SED & secundum quoque iam dudum antè dilutum est: dictum est enim, DEI voluntatem ita in hunc vel illum finem ferri, ut media tamen, quæ ad eiusmodi finem obtinendum opportuna vel necessaria iudicat, neutiquàm negligat, aut negligi sinat. Quamuis ergo Sancti intelligant, DEVM hunc vel illum ad hoc vel illud bonum promouere certò statuisse (quod tamen certum non est; neque

Cur Christum
more aliorum san-
ctorum non in-
uocemus plures
graves causas.

Matth. 15.

Marc. 9.

Matth. 9, 15.

Matth. 10.

Luc. 8.

Matth. ult.

Deus communi-
ter non vult finem
extra ordinaria
media, quæ pin-
de boni omnes
adhibere cõten-
dunt.

neque enim ad illorum beatitudinem pertinet, quid de hoc vel illo ab æterno decretum sit, exploratum habere, simul tamen intelligunt, non sine mediis hoc decreuisse. Cùm ergo inter ordinaria media primas faciliè obtineant preces, diuinæ voluntati & ordinationi sese conformantes studiosè illas adhibent. Quod de ordinariis mediis hîc dicitur, eiusmodi exemplo declaro; **DEVS** Abrahæ promiserat fore, vt semē illius multiplicaretur in immensum. Post hanc autem promissionem Isaaco legitimo illius hæredi & successori obtigit vxor sterilis; cuius sterilitatem, vt scripturæ testantur, Isaac suis precibus sanauit, quæ proinde cœlestis benedictionis, promissæque multiplicationis fuerunt medium, & illud quidem adeò necessarium, vt sine illo promissio facta euentum sortitura nunquam fuerit.

Ad tertium respondetur, Sanctos in Patria nihil ampliùs mereri; verùm meritorum vi, quæ in vita collegerant, ea impetrare, quæ diuinæ voluntati consentanea petunt, aut quæ **DEVS** per illorum preces efficere iam inde ab æterno constitutum habebat. Neque hinc tamen sequitur, sanctiorum vel celebriorum patrocinia præ cæteris semper imploranda. Nam vt in terris non plus semper possunt in gratuitis, qui maiorum sunt meritorum, maiorisue sanctitatis, ira neque in cœlo quoque. Singuli enim in cœlo & in terra suas habent gratias, suâque dona & priuilegia, prout Deo vniuique distribuere visum fuerit; plerunque maiora eduntur miracula & maiora humano generi conferuntur beneficia per minores Sanctos; siue **DEVS** per hoc indicare velit, eiusmodi dona gratis data non pendere ex cuiuspiam merito, sed ex libera sua voluntate; siue Sanctos, qui alioqui obscuriores erant, hac ratione mundo illustrior reddere studeat; siue eorum fidei & deuotioni, qui magis quandoque afficiuntur erga vnum, quàm erga alium, per hæc sese accommodare quærat. Patet ergo, beatorum spiritus non sine oratione vitam in cœlo traducere.

Quod si Sancti non pro se tantùm, sed pro aliis quoque orant, vt obiter iam indicatum est; non est putandum, Angelos omnino hîc feriri; Siquidem non minor est ratio, cur ipsi pro mortalium genere intercedant, quàm quicumque alij: Quandoquidem diuino decreto ad eorum custodiam & ministerium deputati sunt, qui olim salutis hæreditatem capturi sunt: Quo fit vt præcipua

Cur Deus per
minores ministrum
ue illustres sanctos
maiora plerunque
miracula edat.

Angeli pro humani generis salute orant, præcipue vero pro iis, quorum curam gerunt.

quodam ratione illis incumbant ea procurare, quæ clientulorum suorum salutem promouere nata sunt: Cuiusmodi inter cætera sunt fides, spes, charitas, gratia, opera bona, aliæque id genus similia. Cùm hæc ergo illi per se largiri non queant (gratiam enim & gloriam, & quæ necessariam cum his connexionem habent, solus D E V S impertit) restat ut à D E O petant. Quod sedulò illos facere expositum habemus Danielis decimo, Matthæi decimo octauo, Psalmo nonagesimo, Tobix duodecimo, Apocalypsis octauo, & aliis quibusdam locis euidenter.

Luc. 15.

Esai. 33.

A D H A E C, ut scripturæ disertè testantur, Angeli de mortaliū bono gaudent: *Est enim gaudium in celo super uno peccatore penitentiam agente*, & de illorum ruina vicissim dolent. Ne illis ergo desit iusta lætitiæ causa, vel ne qua offeratur occasio mœstitiæ, hoc est, res talis, quæ sua natura mœstificandi vim habeat (siquidem nullus reipsa in illos dolor aut tristitia cadere valet) orant ne mali quippiam generi nostro eueniat, bonumq; quod deest, maturè eidem obueniat. Cùm ergo impendens vel præsens malum per se non possint semper arcere vel impedire; neque bonum rursum desideratum conferre, reliquum est, ut ab illo semoueri vel exhiberi illud expectant, qui vnus quoduis malum amoliri & quoduis bonum impertiri potest. Denique ea omnia comperiuntur in Angelis, quæ ad proprii nominis precatorem deposci solent. Nam & mente pollent, & charitate ardent, & sua intercessione multum apud D E V M valent, & infinita tandem potentia, ita ut quicquid velint, per se statim possint, absolutè carent. Superest ergo, ut quæ per se nequeunt, ea à D E O quarant, hoc autem est precatorem agere.

Quicquid ad precatoris rationē deposcitur, hoc etiam in Angelis comperitur.

P O R R O autem pro aliisne tantum orent Angeli, an etiam pro se ipsis, ideo quidā dubitant, quia iam olim plena beatitudine potiti videntur: Neq; enim illi, ut cæteri beati, secundam stulam, hoc est, corporum suorum resurrectionem expectant, ut qui corporeæ concretionis omnino expertes viuant. Verum si idem orare, quod mente in D E V M ascendere, vel animi sui desiderium D E O patefacere, & Angeli mentem in D E V M semper erectā, defixamq; habent, bonumq; quod obtigit, perpetuū esse desiderant, & quod adhuc expectāt, certò & citò obuenire exoptant, causam nullam video, cur sui quoque gratia orare negari debeat.

Angeli sui quoque causa preces offerunt.

Q V O D

Quod autem totum illud nondum obtinent, quod expectant, communis doctorum hominum sententia habet. Vix enim comperias celebrem scriptorem, qui post communem carnis resurrectionem illorum gaudiū consummatum iri non asserat; siue quòd tunc demum omnia incarnati verbi mysteria plenè intelligent; siue quòd detrimentum, quod lucifero cum cohortibus suis ruente acceperāt, iam tum instantatum cernent: Siue etiam quòd de tot hominum salute intensum gaudium capient. Si enim gaudium est in cælo super vno homine pœnitentiam agente, vt modò dicebamus, quanta erit lætitia & exultatio de tot millibus hominum ex mundi huius naufragio ad æternæ salutis portum adductis? Orant itaque Angeli non pro aliis tantum, sed pro se quoque. Pro aliis, vt salui fiant: pro se, quòd votorum compotes fiant, quòque Deo Opt. Max. debitum honoris cultum deferant; siquidem oratio inter latræ actus primas facilè obtinet; & quò tandem meritis gratias pro acceptis beneficiis agant. Constat namque, gratiarum actionem inter alias etiam orationis species referri.

Luc. 15.

VENIO ad viatores, in quos oratio propriè conuenit. Sunt hi autem bipartiti: alij enim sunt iusti, alij iniusti. Iustis orationis præsidio opus esse nemo sano iudicio vtens ambigit. Nam etsi stant, cadere tamè possunt. Quamdiu enim hîc viuitur, mens humana de bono ad malum auerti, & de malo rursus ad bonum conuerti potest: Hoc habet per gratiam; illud per naturam. Sed & semper quoque aliquid inuenit, in quo proficiat, cum ad summum nunquam perueniat, neque in hac vita peruenire queat. Semper tandem pro quo satisfaciatur; cum in multis quotidie offendamus omnes, intrâque & extrâ hostem, cum quo pugnet, obuiam semper habeat: Ad hæc omnia autem obtinenda aut euadenda opus est gratia, quæ absq; orationis ope communiter non impetratur.

Multi orationis
præsidio multis
modis indigent.

IAM si iustis conuenit & expedit orare, multò magis id conueniet & expedit iniustis & peccatorib⁹; vt qui multò maioribus & efficacioribus præsidis indigeant, vt salui fiant, quàm iusti. Nam cum spiritaliter sint mortui, Diabolique laqueis irretiti, opus habent auxilio, quo à morte exsuscitentur, deque inferni & Diaboli laqueis, aliisque miseriis & sordibus, in quibus iacēt, eruantur.

Iniusti maioribus
præsidis indi-
gēt, quàm iusti,
vt salui fiant, ad
eòq; feruentius
& frequentius
orare deberent
quàm illi.

Quæ omnia etiam eò ardentius petere & vrgere debent, quò grauior & periculosior est mors peccati, quàm alia quæcunque incommoda. Iusti autem eo liberationis beneficio non egent, alioqui iusta ratione inter iustos censerì non possent.

Quo sensu Deus
non exaudit pec-
catores.

Nec obstat his, scriptum esse, DEVM peccatores non audire; sunt enim hæc verba cæci necdum plenè satis de omnibus illuminati. Quod si cæci dictum inter Spiritus sancti oracula reponendum contendas, non de omnibus peccatoribus indiscriminatum, quod dicit, accipias; sed de insigniter obstinatis; vel de iis certè, qui ipsa oratione peccant, cuiusmodi sunt, qui illicita à Deo efflagitant. Nam etsi peccatores, qui à peccatis desistere fixum, deliberatumque habent, & aliquo iam propter admissa scelera doloris sensu tanguntur, non prorsus indigni videantur, qui diuinam clementiam implorantes exaudiantur; attamè qui ita orant, vt peccata peccatis semper agglomerent, neque vllam prorsus de emendanda vita cogitationè suscipiant, haud magna cum re DEI misericordiã implorant; notum est enim illud Prophetæ: *Cùm multiplicaueritis orationem, non exaudia; quia manus vestra sanguine plene sunt.* At verò multò, qui audiantur, indigniores sunt, qui inimici mortè aut alterius vxorem, aut aliquid aliud istiusmodi à Deo poscunt.

Egi. 1.

Nemo quantū-
libet in peccato
obstinat in hac
vita orationis p-
sidium negligere
debet.

NEQUE tamen qui vni alicui, vel pluribus quoque sceleribus obstinati adhærent, ab oratione, elemosyna, aliisque pietatis officiis desistere debent, sed impigrè illis incūbere, si fortè DEVS illorum misereatur, potentique gratiæ suæ manu ad se quandoque rapiat. Etenim vt peccatores, dum vitæ spiritum trahunt, nunquam de salute desperare debent; ita nunquam ab iis operibus desistere, quæ salutem promouere nata sunt. Nam si DEVS Diabolum interdum audit in hominū perniciem, cur obstinati peccatoris cor tandem emollire non queat, si hac vel alia simili oratione infinitam illius clementiam subinde pulset: Domine IESV ne me in finem deferas. Vel IESV fili David, qui Saulum in Christianorum cædem crudeliter anhelantem admirabili virtute ad te conuertisti, ne me tandem in peccatis meis interire sinas. Verùm de iis, ad quos orare vel non orare pertinet, satis.

De iis, quorum auxilium implorare licet, vel non licet.

CAPVT VNDECIMVM.

EXPLI-



EXPLICATVM est, cuius sit orare vel non orare, proximum est, ut ecquisnam rogandus vel inuocandus sit, siue ad quemnam orationem dirigere oporteat, vel non oporteat, paucis quoque inquiramus & explanemus. Nam etsi ex iis, quæ antè, cum de orationis quidditate ageremus, exposita sunt, id colligi vtcunque queat, attamen quòd non desint, qui **DEVM** rogare superuacaneum ducant, cò quòd is omnia nostra desideria & vota, commoda item & incommoda, priusquam ea proponamus, nota exploratq; habeat, paratiorq; sit ea explere, quàm nos proponere vel explanare; vel certè quòd nostra oratione id mutare nequeamus, quod ille ab æterno decreuit: Alij rursus (quòd orare sit actus latræ, quæ in solum **DEVM** quadrat) qui nullum omnino præter vnum ipsum inuocandum existimant: Alij tandem, qui vnà cum ipso vel secundum ipsum homines quoque & Angelos auxilij vel patrociniij causa salubriter adiri affirmant, non erit abs re, maioris lucis causa nonnulla etiam de hac controuersia in medium adferre. Ordiam autè ab eo, quod apud omnes ratione vtentes cæteris est certius, nempe à **DEI** Opt. Max. inuocatione.

De inuocatione
diuersæ opinio-
nes, modiq; di-
cendi.

IGITUR quòd **DEVS** in omni omnino discrimine & necessitate ex intimo corde sit inuocandus, ut cætera omnia, quæ sunt penè innumera, hîc taceam, id naturæ, qua constamus, impulsus & ratio ipsa tantum non sublata voce clamat, & publicus mortaliū & gentium omnium vsus validissimè confirmat. Quis enim vnquam compertus est, qui in graui vitæ, fortunarum, aut famæ periculo, aut in alia quacunque insigni necessitate constitutus **DEVM**, vel id, quod pro **DEO** colebat, nō inuocaret? eiusq; opem ex animo non imploraret?

Deus in omni
omnino discrimi-
ne & necessitate
non modò licet
sed cum merito
quoque inuoca-
tur.

AT clariùs de rei huius vsu constabit, si ea paucis in mentem reuocauerimus, quæ per fidem, quæ naturæ cognitionem multis partibus excedit, didicimus. Didicimus per hanc autem, qui **DEI** præcepta non seruant; qui dæmoni, carni, mundo, prauisq; eorundem suggestionibus locum dant; qui omne mortiferorum peccatorum genus non vitant, illos ut eiusmodi sunt, cælesti beatitudine potiri nequaquam posse: Mox absque peculiari **DEI** auxilio nihil horum omnium constanter cauere, aut scilicet vnquam obtineri; Scriptum est em̃: *Sine me nihil potestis facere.* Postre-

Math. 19.
1. Cor. 6.

Fides Dei inuo-
cationem neces-
sariam docet.
Ioan. 15.

Luc. 11.

mò Deum Opt. Max. vt sua dona, necessariaq; salutis præsidia subministraret, velle rogari: *Petite, ait, et accipietis: quærite et inuenietis: Pulsate, et aperietur vobis*, quasi dicat; Si nihil petieritis, aut quæsiueritis, nihil accipietis aut inuenietis: Si non pulsaueritis, nunquā intro-
mittemini. Cùm itaq; res nostrę ita habeāt, sequitur, quotquot in quocunq; salutis periculo constituti perire non volunt, Dei opem implorare debere; adeoque eos omnes cœdissimè errare & labi, qui Deum rogare vel inuocare superuacaneum asserunt.

Eadem lege tenemur Deū inuocare: quā amare & venerari.

AD HÆC non minores sunt causæ, cur DEVM inuocemus, quā cur eundem amemus & veneremur: Si illum ergo amamus propter infinitam illius bonitatem, ingentiaq; beneficia, quę contulit; si eundem rursus propter immensam eiusdem gloriam & maiestatem colimus & veneramur, par est, vt eūdem quoque propter insignem nostrā miseriam & inopiam, quibus solus ille mederi potest, humili submissoq; animo inuocemus. Certum est em̃, nullam veram vitam, nullam salutem, nullam veram fœlicitatem aut sanitatem citra DEI gratiam & amicitiam subsistere posse. Atqui vt is solus gratiæ, reliquorumq; omnium spiritalium donorū fons & origo est; ita solus quoq; is est, qui horum impedimenta, vt sunt carnis vel mundi tentationes, dæmonis insidiæ, aliæque eiusmodi complura, efficaciter submouere potest. Rogandus est proinde, vt hæc quidem clementer velit propulsare, illa verò liberaliter donare & conseruare.

Quicquid probat orationē ad salutem necessariam, simul probat Deum inuocandum esse.

DENIQUE omnes illæ Scripturæ, rationes, & auctoritates, quę probant, orationem salute potituro esse necessariam, simul quoq; probant, DEVM suo tempore submisè rogandum, humiliq; pectore inuocandum esse. Siquidem is vnus est, ad quem omnis omnino oratio proximè vel mediātè trāsmitti, & à quo id totum, quod nobis deest, impetrari debet. Rationes autem, quę probare videbantur, superuacaneum esse DEVM rogare, solutæ sunt iam antè. Verum ne vllus prorsus scrupulus reliquus hīc fiat, adhibebo singulis vnū adhuc aut alterum verbum.

QUOD ergo omnia nostra vota & desideria DEO sint nota, id nemo negat, neq; quisquam sana mente vsus negare potest. Ast hinc tamen nequaquam sequitur, DEVM non esse rogandum vel inuocandum. Neque enim ea de causa desideria nostra DEO proponimus vel exponimus, quasi is ea ignoret (nouimus enim

vnu

vnium illum non modò omnium etiam occultissimorum confcium, verùm omnium quoq; piorum vororum & desideriorum certissimum auctorem esse) sed quò humili, submissaq; miseria- rum nostrarum confessione, plana; & syncera earundem pro- positione & explicatione, faciliùs, quod petimus, impetremus. Quemadmodù vt cognato exemplo rem hanc nò nihil illustrem, licet confessarius quædam interdum non ignoret, quæ pœnitens designauit, attamè quò plena venia potiatur, debet ea omnia, quæ contra DEVM vel proximum sciens, volensq; perpetravit, con- fessario integrè, fideliterq; quatenus in mentem veniunt, propo- nere & exponere. Facimus id quoque, quò eius voluntati fiat sa- tis, qui nos petere, quærere, & pulsare iussit.

Ad alterum respondemus, vt antè responsum est; nempe nò ideo nos Deum inuocare, quò voluntatem eius flectamus, verùm quò id expleamus & impetremus, quod is per nostras preces ex- plendum vel impetrandum constituit. Voluit enim ab æterno, vt hoc vel illud ab hoc vel illo fieret, propter hunc vel illum finè. Sed neq; absurdè quoq; asseritur, DEVM nò quidem secundùm se, sed secundùm nostrum intelligendi & explicandi modum modò in hanc, modò in illam sententiam flecti: Exempli causa, hodie velle dicitur hunc vel illum lethali crimine obstrictù æterno supplicio mancipare, cras ipsum eundem ex animo iam conuersum sempi- terna vita donare; totq; vt nos loqui consueuimus, imò verò vt Scripturæ ipsæ passim loquuntur, contingunt hîc vnus sententiæ mutationes, quot vnus eiusdemq; de hoc in illum statum oppo- situm transitiones. Eiusmodi autem non solùm in tota vita, sed in vno quoque die accidere possunt plurimæ.

Atque huc pertinent, quæ Scripturæ, Patres, & nonnulla quoq; Concilia de diuinæ sententiæ mutatione prædicant. Immu- tabilis DEVS, ait Concilium Toletanum, idemq; semper existens, Dei; summa natura sæpe sua in sacris literis legitur promissa mu- tasse, & pro misericordia temperasse sententiam. Vnde licet sit impassibilis & incommutabilis, crebrò tamen eius iuramenta le- guntur, & pœnitentia, quæ sacris extant mysteriis, adoperta. Iura- re namq; Dei est, à seipso ordinata nullatenus conuellere: pœni- tere verò, eadem ordinata, cùm voluerit, immutare. Sic enim per Hieremiam dicit: *Repente loquar aduersus gentem, & aduersus regnum,*

Proponim. Deo desideria no- stra, non quò ea cognoscat, sed quæ illa propter nostram petiti- nem expleat.

Luc. 11.

Quo sensu Deus modò in hanc, modò in illam sententiam flecti dicatur.

Can. 2.

11. q. 4. Immu- tabilis.

Cap. 18.

UICIA-

et radicem, & destruam, & disperdam illud. Si pœnitentiam egeris gens illa à malo suo, agam & ego pœnitentiam à malo, quod cogitavi ut facerem eis. Ad quod Prophetæ dictum Ambrosius alludens, ita scribit: Nouit DEVS mutare sententiam, si tu noueris corrigere delictum.

Lib. 1. in Luc.

Deus dupliciter aliquid vult, absolute & conditionate; hoc vel non semper impletur, illud semper.

At quomodo, inquis, idem mutabilis & immutabilis dicitur? Iam dixi DEVM secundum se absolute immutabilem esse & immutabilem verè dici, respectu autem nostri mutabilem interdum vocari. Quod ut rectius intelligatur, aduerte DEVM bifariam aliquid velle. Vno modo absolute; & quia hæc voluntas nullum necessarium ordinem dicit ad ullam omnino causam secundam, sed tota integrè dependet à se ipsa, fit, ut per opera nostra non mutetur, nec mutari queat. Altero modo non absolute, sed certa quadam lege & conditione, & quia hæc voluntas respicit humanorum operum qualitatem, & aliquatenus ab iis etiam dependet, fit, ut non semper expleatur, verum iuxta operum mutationem, sæpe in hanc vel illam partem mutetur; non quidem secundum se, sed secundum nos, nostrumque intelligendi modum, qui rem metimur non secundum se, sed secundum statum, quem hoc vel illo temporis articulo obtinet. Ab æterno enim DEVS Paulum eo instanti, quo esset iniustus, voluit punire, pro alio rursum momento, quo esset iustus, eundem voluit coronare, eaque voluntas perstat, perstititque; semper immobilis ac indemutata.

EXEMPLO, quod hic exponitur, eiusmodi declaro: sit Princeps vel Rex quispiam, cui DEVS omnia & singula serui sui consilia & opera patefecerit, isque primo statim principatus sui auspicio certò apud se statuatur, toties seruum illum ex aula proscribere, quoties ille contra officium fecerit, aut crimè aliquod proscriptione dignum admiserit; toties rursum eundem in gratiam recipere, vel in aulam reuocare, quoties vera pœnitentia ductus veniam supplex cōsilagarit, hocque semel constituto certa quadam vicissitudine seruum è domo eiiciat, & eundem rursum admittat, certum est, principis voluntatem, quod quidem ad seruum illum attinet, toto illo tempore semper fuisse similem. Nam quod nunc vult, hoc voluit antè, & quod nunc non vult, hoc nec antè quoque voluit. Tota autè mutatio, quæ hic accidit, accidit circa seruum & tempus: hic enim hoc temporis articulo probus est, & Domini sui gratia dignus; alio rursum improbus, & Domini sui gratia indignus.

SED

SED instas nihiloseciùs: *DEVS* ab æterno sciuit hoc vel illud futurum vel non futurum: Si futurum sciuit, necessum est fieri; sin autem oppositum sciuit, omnino non fiet. Ergo omnis oratio nostra est superuacanea? Hoc argumentum iam dudum antè discussum est, breuiter nunc dixerim, *DEI* scientiam rei naturã nihil mutare. Quamobrem quod secundùm se cõtingens est, quale est illud, quod causam proximam liberam vel cõtingentem sortitum est, hoc eterna *DEI* cognitione nõ obstante, manet semp contingens. Adde vt hoc vel illud sciuit futurũ vel non futurum; ita quoque per & propter hoc vel illud medium futurum vel nõ futurum sciuisse, puta per vel propter orationem, vel aliam quamcunque eiusmodi causam. Addo denuò, si vulgatum illud argumẽtum aliquid probaret, probaret quoq; nullum prorsus opus tentandum, vel negotiũ adoriundum esse: Siquidem de vnaqua; re præuisum est, quid olim de ea futurum, vel non futurum est.

QUAMVIS ergo hæc: si *DEVS* hoc sciuit vel ordinauit, omnino erit, & contrã, si hoc vel illud non sciuit, vel non ordinauit, omnino non erit, perinde ac illa, si Titius currit, celeriter mouetur, necessaria est necessitate consequentiæ, vel ex certa quadam hypothesi; non est tamẽn necessaria necessitate consequentis, vel secundùm se simpliciter: Quia hoc consequens, Mæuius saluabitur, vel non saluabitur, non est necessarium secundùm se, sed planè contingens, quia à causa contingente planè dependens. Denique licet *DEVS* promptior sit ad dandum, quàm homo ad accipiendum (nam hoc quoque inter argumentandũ tangebatur) Oratio tamen non est superuacanea: Quia vult vt petamus, & iubet vt petamus; idq; nõ solùm propter nostram vtilitatem, verùm etiam propter suam gloriam. Esset enim profusionis veriùs quàm liberalitatis illustria dona, qualia sunt omnia dona spiritalia, aliqui non petenti obtrudere. In causa proinde maneat *DEVM* adorare, eundemq; suppliciter inuocare, neutiquam vanum aut superfluum, sed vtile, planeq; necessarium esse.

AT quæstionem interim nonnullam habet, sub Deitatisne vel Essentiæ nomine inuocandus sit *DEVS*, an verò sub personæ vel personalis cuiuspiam proprietatis ratione? Dubium est, inquam, oratione ad *DEVM*, vt *DEVS* vel potēs vel sapiens, vel bonus est, transmitti debeat; an verò vt Pater, vel Filius, vel Spiritus san-

Dei scientia rei naturã non mutat.

Duplex necessitas consequētis & cõsequentis.

Deus vt sua nobis dona imperat rogari vult.

Oratio familiaris dirigitur ad Deum vt Deus est, quàm vt Pater vel Filius, vel Spiritus sanctus est.

Quis est? disputant hac de re quidam prolixè, sed non ita magna cum re. Paucis responsio est, vtrumque citra errorem fieri posse; alterum interim, nempe prius, non modò familiarius, sed multò quoque rectius & eruditius fieri. Neque enim alia de causa **DEVM** inuocamus, eiusdemque opem imploramus, quàm vt desiderium nostrum impleat, eaq; quæ petimus, clementer concedat; atq; ea impletio vel concessio non pertinet ad paternitatem secundùm se; aut filiationem secundùm se, aut processionem secundùm se, sed ad **DEI** sapientiam, potètiā, & clementiam. Et enim vt summè sapiens est, nouit quid nobis desit (penetrat enim omnes etiā intimos cordis nostri recessus) intelligit nihilominus, qua via, quāne ratione, quod deest, explere debeat. Vt autem summè potens est, totum quod petimus, summa facilitate præstare potest. Vt deniq; summè benignus & clemēs est, haud grauatim, quod iustè petimus, impertiri solitus est. Atqui tria hæc non personarum propria, sed essentiæ sunt attributa.

AD HÆC omnes nostræ petitiones, si tamen petitionis nomine indignæ non sunt, proximè vel propinquè ad cœlestem beatitudinem referuntur, hoc est, omnes eò tendunt, vt tandem aliquando beati efficiamur; **DEVS** autem vt personalibus proprietatibus propriè non est beatus, sed seipso suæ essentiæ; ita iisdem quoque propriè non beat, sed seipso. Demum inuocamus **DEVM**, vt aliquam ad nos, ceterasque res procreatas habitudinem sortitur, puta vt conditor, vel liberator, vel iustificator, vel glorificator est; hæc autem omnia ad essentiā pertinent. Non enim creat, aut gubernat, aut conseruat, aut liberat, aut glorificat, vt Pater, aut Filius, aut Spiritus sanctus, sed vt **DEVS**. Personæ enim vt tales, non referuntur ad creaturas, sed ad seipsas. Clarum est namque, Patrem per suam paternitatem non esse Patrem creaturæ, sed Filij; Neque Filium rursus creaturæ Filium, sed Patris; Neque Spiritum sanctum denique creaturæ Spiritum, sed Patris & Filij.

CVM itaq; res ita habeat, oratio ordinaria lege non magis dirigenda est ad vnā personam, quàm ad aliam: Siquidem nihil potest vnā præstare, quod non alia; imò verò nihil potest vnā præstare absq; alia, cùm opera Trinitatis ad extra sint prorsus indiuisa. Quod si voce tenus ad vnā quandoq; referatur petitio, & nō

ad

Deus seipso beatus & beatus est.

Chm vna persona teorum ab altera inuocatur, nō ab orationis consortio alterā excludere debet.

ad aliam, mens tamen nullam omnino ab orationis consortio secludere debet. Etenim si quis inuocaret Patrem solum, vel Filium solum, vel Spiritum sanctum solum, quasi impensius affectus vel incensius raptus erga vnam diuinam hypostasim, quam erga aliam, is aut apertè erraret, aut certè aperti erroris speciem præ se ferret. Quandoquidem intèrior vel incensior dilectio ad vnam quam ad aliam personam subindicaret vnam altera vel clementiorem, vel potentiorē, vel sapientiorē, &c. quod blasphemum est cogitare; omnes enim eandem ad numerum habent clementiam, potentiam, & sapientiam, sicut eandem quoque naturam.

ÆQUE grauitè hīc erraret, qui res diuinas hypostasēs animo pertractans, ideo ad vnam potiùs preces suas dirigeret quam ad aliam, quòd existimaret, se faciliùs ab vna impetraturum, quod petit, quam ab alia, vel aliquid ab vna obtinere posse, quod non ab alia; Exempli causa sapientiam à Filio & non à Patre vel Spiritu sancto; potentiam à Patre & non à Filio vel Spiritu sancto; Benignitatem vel mansuetudinem à Spiritu sancto & non à Patre vel Filio. Est enim eadem ad numerum facultas, eadem largiendi facilitas omnium. Sic tandem non parum foedè & perniciosè impingeret, qui ea de causa inuocaret vnam & non aliam, quòd vni latriæ cultum deferre vellet & non alteri: Siquidem tribus vna debetur latria, idem honor, eadem adoratio, eadem & reuerentia.

QUICUNQUE ergo ita vnam adorat vel inuocat, vt aliam inde excludat, quacumq; tandè de causa excludat, grauissimè errat, & in manifestam hæresin minimè obscurè inclinat. Nam etsi forsan animo nullos gradus in Trinitate ponit, suo tamen facto ponendos ostēdit; Vel ergo oratio dirigēda est ad omnes simul, hoc est, ad DEVM absolute; vel ita ad vnam, vt alię tamen ab orationis consortio nequaquam excludātur. Et hoc religiosè obseruat Catholica Ecclesia; nam etsi modò ad Patrem, modò ad Filium, modò ad Spiritum sanctū orationem dirigit; plerunq; tamen in fine, vel in alia orationis parte omnes personas simul coniungit, prout omnes quoq; sunt in singulis, & singulæ rursus in omnibus.

QUOD autem orthodoxa Ecclesia inter orandum interdum hanc, interdum illam personam exprimit; aut modò ad hanc, modò ad illam orationem dirigit, hoc non ideo facit, quòd aliquid

Errant, qui faciliùs aliquid ab vna quam altera persona impetrare se posse putant.

Ecclesia omnes personas in vna eademq; oratione plerunq; coniungit.

*Cur Ecclesia
modò ad hanc,
modò ad illam
personam ora-
tionem dirigat.*

ab vna expectet, quod non ab alia, vel quòd vnā aliquid præstare credat, quod non aliam: Sed quia aliquid petit, quod maiorem cognationem habet cum idiomate vnius personæ, quam cum appropriato alterius personæ. Quamuis enim trium hypostaseon vna ad numerum sit potentia, vna sapientia, vna bonitas, attamen Patri, qui omnis principij expertus est, peculiari quadam ratione adscribitur potentia: Filio, qui ex fecunda Patris memoria, eiusdemue intellectu ab omni sempiternitate natus est, & nascitur, sapientia: Spiritui sancto, qui à Patre & Filio per modum amoris indemutabiliter procedit, benignitas vel clementia. Secundum hos itaque idiotismos Ecclesia quandoque ad vnā, quandoque ad aliam personam dirigit preces suas, cæteris tamen nunquam seclusis.

*Pater in diuinis
est nomen essen-
tiale & perso-
nale.*

FACIT hoc ipsum quoque quòd filios suos in sacratissimæ Trinitatis mysterio validius confirmet. Nam hoc ipso, quòd modò Patrem, modò Filium, modò Spiritum sanctum innocat, in vna diuina natura tres distinctas hypostases existere apertè declarat, quod Iudæus & tota Paganorum cohors negat. Adde his quam plurimas orationes, quæ ad Patrem, vel ad DEVM sub nomine Patris diriguntur, non dirigi ad illum, vt Pater est nomen personale, sed vt est nomen essentiale tribus commune. Tandem solo Patre nominato omnes nominatæ intelliguntur; nam & omnes sunt in Patre, & omnes originem à Patre trahunt. Quare etiam quidam ex veteribus Scriptoribus Patrem totius Deitatis principium vel fontem vocant: Non quòd essentia generet vel generetur, sed quia personæ, in quibus est essentia; imò quæ idem sunt cum sua essentia, à Patre fluunt, originemue ab eo ducunt.

*Cur veteres fa-
miliaris inuo-
cauerint seorsum
Patrem vel Fi-
lium quàm Spi-
ritum sanctum.*

ANTIQUI non ita frequenter ad Spiritum sanctum orationem destinabant, etsi ad illum quoque destinarent, vt manifestum est ex litanis, & aliis quibusdam publicis Ecclesiæ precibus: non quòd non æquè inuocandus sit, fueritq; semper Spiritus sanctus, atque Pater vel Filius; sed quòd vsitatus sit donatorem inuocare, quàm donum ipsum; Spiritus sanctus autem Patris & Filij donum appellatur. Interim æquè seipsum & in se & in suis etiam donis impertitur ac Pater & Filius.

OBSER-

OBSERVANDVM est hic quoque, licet oratio familiarius in **DEVM** tendat, sub ratione essentiae quam personae, multò tamen receptius esse **DEVM** inuocari quam Deitatem, vel aliud quodcunque illius attributum in abstracto. Nam etsi **DEVS** & Deitas in diuinis sint idem, non eundem tamen significandi modum habent. Quare multa de **DEO** asserta sunt vera, quae de Deitate affirmata apertè sunt falsa. Rectè dicitur, **DEVM** gignere & gigni, producere & produci; non rectè autem Deitatem vel diuinam essentiam gignere vel producere, gigni vel produci. Denique quod plerisque precibus in Ecclesia **DEI** vsitatis addi consuevit illud: Per Dominum nostrum **IESVM CHRISTVM**, vel per eundem Dominum nostrum &c. nulla alia est causa, quam quòd omnia dona spiritalia per **CHRISTVM**, eiusque meritum à **DEO** in nos deriuantur. Et hæc de **DEI** inuocatione, inuocationisq; eiusdem modo & ratione hætenus.

Cur pleræque omnes Ecclesiae orationes cõstituantur per Dominum nostrum Iesum Christum &c.

AT verò vt certum & apud omnes mente vtentes indubitatum est, **DEVM** inuocandū esse: ita à quibusdam iam olim in questionem vocatum est, an præter **DEVM**, vel iuxta **DEVM**, vel secundum **DEVM**, quosdam quoque alios inuocare, eorundemue opem vel intercessionem implorare liceat. Verum nō video causam, cur hac de re prolixè disputari debeat: quippe cū maior controuersiae huius portio vna sola distinctione è medio submoueri queat. Aduerte ergo, orationem bifariam ad aliquem dirigi, vno modo vt petita concedat; altero modo; vt eadem per viam meriti, vel intercessionis ab eo, penes quē concedendi auctoritas vel facultas est, impetret. Priori modo omnes nostrae petitiones ad **DEVM** transmitti debent; hic enim solus vitam æternam, ad quam vnā proximè vel mediātè spectant omnes omnino veræ rationis preces, impetiri potest. Atque huc tendit illud Augustini: Non nisi à Domino petere debemus, quod speramus. Et illud eiusdem: Quid igitur oportet te orare, nisi id, quod cupiunt boni & mali? sed ad quod perueniunt non nisi boni; quasi dicat nihil quicquam. Et illud rursum Anselmi: Liquidissimum est hunc solum esse, quem omnis alia creatura secundum totum suum posse oportet diligendo venerari, & venerando diligere, de quo solo prospera sunt speranda, ad quem solum in aduersis confugiendum, cui soli pro qualibet re supplicandum. Mitto aliorum

Oratio bifariam ad aliquem dirigitur.

Euch. c. 18.
Epist. ad Prob.

In monolog.

Patrum dicta, quæ de solius DEI adoratione & inuocatione concionantur.

POSTERIORI modo ad eos omnes orationē inculpatē dirigere licet, qui in quacunque re per modum meriti, intercessionis, vel suffragij iuuare nos possunt. Quod etiam discriminē Ecclesia in suis precibus accuratē & religiosē vbique obseruat. Etenim DEVM vel quamcunque diuinam hypostasim inuocans, perinde cum eo agit ac cum absoluto rerum omnium Domino, infinita virtute & maiestate prædito: At verò Sanctorum patrocinia implorans, nihil magni illis tribuit, sed nudam tantum intercedendi facultatem. Multum enim, vt quiuisset faciliē intelligit, inter hæc intercedit: Petre vel Paule ora pro nobis, & hæc: Pater de cælis DEVS, vel Fili Redemptor mundi DEVS, vel Spiritus sancte DEVS miserere nobis; inter hæc rursum: omnes Sancti intercedite pro nobis, & hæc: Ab omni malo libera nos Domine, vel propicius esto nobis Domine. Denique omnes orationis formulæ, quibus Ecclesia vtitur, clarissimè indicant, ingens discrimen esse inter creatoris & creaturæ inuocationem.

AT quæ, inquis, aut quales sunt res illæ procreatæ, ad quas tanquam ad quasdam patronas, vel aduocatas preces dirigere liceat? nullæ omnino ex iis omnibus, quæ mente vel ratione destitutæ sunt: Quandoquidem oratio est actus rationis, quo DEO vel alteri desideria nostra pandimus & explicamus; rationis autem expertia huius explicationis nullo modo sunt capacia. Ad hæc omnis omnino oratio huc tendit, vt rogatus vel inuocatus per se id, quod petitur, præstet; aut si id nequeat, ab altero, penes quem præstandi facultas est, petat, intercedendoque impetret; neutrum autem horum est naturæ brutæ mentis destitutæ. Denique rebus rationis luce exortibus nullus per se debetur cultus, neque latriæ, neque duliæ, vt quæ naturæ ordine in hominis seruitium sint deputatæ; omnis autem inuocatio aliquem secum cultum adfert. Qui enim alterius opem implorat, altero inferiorem se iudicat, si nō simpliciter, saltem secundum id, quod ab altero petit. Vtimur sanè iumentorum obsequio, verum hoc non per modum rogationis vel supplicationis, sed per modum imperij, vel absoluti veriùs Dominij; siquidem brutis propriè non imperamus.

SED

Ecclesia aliter
Deum, aliter di-
nos inuocat.

Res inanimæ,
menteque destitu-
tæ nō sunt inuo-
candæ.

Omnis verè ra-
tionis inuocatio
duliæ vel latriæ
cultum includit.

SED neque ad omnem quoque rem intelligentem, ratione-
ue ventem oratio dirigi debet. Indubitatum est namque, perdi-
tionis filios inferorum suppliciis iam olim mancipatos inuocare
nullo modo fas esse: tum quia capitales DEI hostes existunt; tum
rursum quia nullum nobis salutis præsidium adferre possunt; tum
denique quia propter inuidiam, incensumque in eos omnes, qui
DEO quouis modo cohærent, odium, nullum adferre cupiunt,
etiãsi per impossibile aliquod adferre possent. At multò verò
minùs pro quacunque re dæmones inuocare licet, esto more &
modo idololatrico illud non fiat. Nam cùm ad vnum omnes in-
festissimi DEI Opt. Max. totiusque humani generis sint inimici,
acri, indefessoque studio perpetuò ad hoc incumbentes, vt quam
plurimos secum rapiant ad perditionem, nullo modo com-
mercium cum illis habere, aut illorum opem implorare lici-
tum est.

Damnati nullo
modo sunt inuo-
candi, multò ve-
rò minùs dæmo-
nes.

IMO verò tantum abest vt illos liceat inuocare, vt per mo-
dum deprecationis eosdem quoque adiurare non liceat: Quan-
doquidem eiusmodi adiuratio quandam benevolentiz vel ami-
citiz speciem præ se ferret; talismodi autem cum dæmonibus ha-
bere nullo modo fas est. At diuino nomine inuocato, licet illos
adiurare ne nobis noceant, vel ne aliis quibuscunque detrimen-
tum aliquod adferant; huc enim præcipuè spectant Ecclesiæ exor-
cismi. Peccant tamen hîc non parum, qui illos adiurant, vt secre-
tum aliquod reuelent, vel vt rem aliquam occultam patefaciant,
vel vt obsequium aliquod præstent: Siquidem dæmonum magi-
sterio, vel eorundem famulatu vti, pertinet ad genus quoddam
domesticæ familiaritatis, quam, vt modò aiebam, cum illis inire
nefas est; constat enim, inter discipulum & magistrum, inter ser-
uum rursum & Dominum quandam familiaritatem intercedere.
Quod si qui Sancti aliquid illis imperasse comperiuntur, hoc pec-
culiari DEI instinctu fecere veriùs, quàm ordinaria lege aut po-
testate. Sed neq; maleficium quoque dæmonis improbitate con-
flatum, per aliud maleficium soluere licet: nam & hoc ipsum quo-
que sapit quandam familiaritatem, domesticumque vsum, quem
cum capitali DEI hoste habere nequaquam fas est. Patet hinc
ergo, non omnem creaturam mente vel ratione præditam inuo-
care licere,

Non licet dæmo-
nes adiurare per
modum depre-
cationis.

Non licet secre-
ta à dæmonibus
exquirere, aut il-
lorum magiste-
rio, aut obse-
rio, aut familiaritate
vti.

SED & nullam quoq; ne apud eos quidem, qui CHRISTVM vnicum apud DEVM μεσίτην nostrum esse magna vi contendunt, quaestionem habet, viuos pro viuentibus salubriter orare, adeoq; viuos viuorum opem & intercessionem licite, inculpateque implorare. Nam praterquam quòd communis mortalium omnium consuetudo palàm id probet, diuina quoque scriptura innumeris exemplis & argumentis disertè illud ipsum confirmat: imò verò grauib; verbis non vno loco mandat. An non hæc CHRISTI vox est? *Orate pro persequentibus & calumniantibus vos!* An non hæc Iacobi? *Orate pro inuicem, vt saluemini!* An non hæc Pauli? *Obsecro fieri obsecrationes, postulationes, gratiarum actiones pro omnibus hominibus!* An non Abraham orat pro Abimelech, & tota illius familia? An non Isaac pro sterili Rebeca? An non Iob pro amicis? An non Moyses pro populo idololatra & sorore Maria? An non pro Petro vniuersa Ecclesia? An non Apostoli pro Cananæa? An non Apostolus pro Collossensibus, Corinthiis, Philippensibus, Hebræis & aliis? Denique scriptura tam multa rei huius exempla & documenta suppeditat, vt vix vllus futurus sit finis, si quisea omnia in hunc locum conferre instituat. Porro autem an illi, qui verbo, vel scripto, vel alio modo viuentium opem, & apud Deum intercessionem implorant, verè & propriè dicantur orare vel inuocare, hoc nos in medio relinquimus. Sat nobis sit eiusmodi actum orationis nomine vulgò designari.

IAM si illorum preces, qui in hac mortali vita etiamnum degunt, & de sua salute & beatitudine adhuc incerti sunt, salubriter imploratur, vt sectarij magnis vocibus testatum faciunt, omnesq; tam docti quàm indocti lubenter concedunt, quantò magis illorum patrocinia nobis expetenda & imploranda sunt, qui iam fœlices cum CHRISTO regnant? nihilque quòd pro sua salute sint anxij, reliquum ampliùs habent?

VERVM licet vna hæc ratio ad firmandam Sanctorum inuocationem per se solam abudè sat esse queat; nam cum prima orationis radix sit charitas (ob id enim pro hoc vel illo oro, quia hoc vel illud bonum illi opto) quæ in beatis est ardentissima & consummatissima, amentia est dubitare, cœlo ne donati pro viatoribus preces fundant; nihilominus quòd nouatores sanctissimum & antiquissimum hunc inuocandi ritum, veluti profanum & heri
natum

Matth. 5.
Lucæ 6.
Iacob 5.
1. Tim. 2.
Genes. 20.
Genes. 25.
Iob 42.
Exod 34.
Num. 11.
Act. 12.
Matth. 15.

natum petulantissimè insectentur; lubet hoc loco pauca quædam adferre, quæ orthodoxam veritatem dilucidè confirmet, sectariorumque vanitatem palàm ostendant. Nam exactè de hac controuersia disputare, non est huius loci; deposceret hæc res enim integram tractationem. Sed & alibi quoque de Sanctorum cultu & inuocatione, tum de venerandis eorundem reliquiis, sacrisque iconibus, ea publicè proposuimus, quæ ad veritatem statuendam & falsitatem refutandam sat esse videbantur.

Señarij Diuorij
inuocationi in-
festi.

PORRO hic autem vnum tanquam certum, & apud eos etiam, qui hîc nobiscum non faciunt, indubitatum; puta quod ad intercedendi vel patrociniandi munus attinet, idem esse iudicium de Angelis & cæteris beatis. Nam etsi specie inter se non consentiant, in donorum tamen & charismatum transnaturalium susceptione, & communicatione inter se conspirant. Æquè enim homo eiusdemque spiritus gratiæ & gloriæ capax est, ac Angelus. Æquè rursus hominum salutem desiderat, eandemque, quod in se, procurat & promouet, atque Angelus. Æquè tandem ea omnia in verbo cognoscit, quæ ad felicitatem suam faciunt, ac Angelus: Imò verò multi in his multos Angelos multis partibus excellunt; sicuti multi vicissim à multis Angelis hîc excelluntur. Atqui Angelos pro hominibus orare, eorundemque salutem auidè sitire & procurare, nemo, modò Catholicam Ecclesiam audiat, aut scripturarum auctoritatem recipiat, dubitat. Etenim Tobiz 12. inter cætera ita legimus:

Beatorum spiri-
tus gratia & glo-
ria cum Angelis
communicant,
natura nò item.

QUANDO orabas cum lachrymis, & sepeliebas mortuos, & eleemosynas dabas, ego orationem tuam obtuli Domino. Ast aliud nihil est, preces DEO offerre, quàm suppliciter eundem rogare, vti pro sua clementia eas admittere & explere dignetur. Neque enim Angelus DEO preces nostras offert, quò illi nostra desideria, nostramque necessitatem patefaciat: nouit enim, oculis Domini nuda & aperta esse omnia, verum quò clientuli sui causam sua intercessionem & commendatione fauorabiliorem reddat. Atque hoc satis manifestum est ex orationis filo, qua Raphael loco citato vtitur. Spectat ad idem quoque illud Ioannis:

Tob. 12.

Quo sensu & mo-
do Angeli mor-
taliū preces Deo
offerant.

STETIT Angelus ante altare, habens thuribulum aureum; & sunt ei data incensa multa, vt daret de orationibus Sanctorum omnium super altare aureum, quod est ante thronum. Et ascendit fumus incensorum de orationibus

Apocal. 8.

de manu *Angeli coram Deo*. Hæc fanè minimè obscurè indicant, Sanctorum desideria, eorundemque preces & vota Angelorum ministerio Deo Optimo Maximo præsentari & commendari.

At enim quia non deerunt fortè, qui causabuntur, aliud esse orare pro altero, aliud alterius preces Deo offerre, vel commendare, adfero alium Scripturæ locum, qui de Angelorum intercessione planis verbis concionatur; etenim Zachariæ primo Angelus Domini eiusmodi orationem instituit: *Domine exercituum, usq; quo tu non misereberis Hierusalem, & urbium Iudæ, quibus tu iratus es?* Hic Prophetæ locus nulla exceptione potest infirmari, nulla iusta cauillatione eludi, nisi quis forsan ita desipiat, ut Angelos maiorem hominum curam ante Verbum incarnatum habuisse existimet, quàm post illud hominem factum. At nemo, opinor, ea vesania tenetur.

Facit huc quoque illud CHRISTI: *Videte ne contemnatis unum ex his pusillis. Dico enim vobis, quia Angeli eorum in cælis semper vident faciem patris mei, qui est in cælis.* Hic Hilarius: Periculosè contemnitur, cuius desideria ac postulationes ad æternum & inuisibilem Deum ambitioso Angelorum famulatu ac ministerio prouehuntur. Et clariùs ad Psalmum 129: Intercessione Angelorum non natura Dei eget, sed nostra infirmitas. Misi enim sunt propter eos, qui hæreditabunt salutem, Deo nihil ex eis, quæ agimus, ignorante, sed infirmitate nostra ad rogandum & promerendum spiritualis naturæ ministerio indigente. Hæc Hilarius ad locum Matthæi & Psalmi centesimum undetrigesimum. Et illud tandem Danielis:

Nemo est adiutor meus in his omnibus, nisi Michaël princeps vester; sensus enim est: Nemo est, qui causam vestram peculiari studio apud Deum propugnet, quicquid pro vobis peculiariter oret, nisi Michaël & ego. Vnde Hieronymus locum hunc periphrastice edisserens ita scribit: Ego sum Angelus ille, qui offero Deo orationes tuas, & nullus est alius, qui adiutor meus sit, rogando pro vobis Deum, nisi Michaël Archangelus, cui creditus est populus Iudæorum. Similia de Angelorum intercessione comperies apud Augustinum, Ambrosium, Chrysostomum, Gregorium Nazianzenum, Gregorium Nyssenum, Basilium Magnum,

Zach. 1.

Matth. 18.

Hil. ad Psal. 129.

Hebr. 1.

Cap. 19.

Magnum, & alios veteres, à quorum citatione brevitatis causa abstineo.

IAM si Angeli ante Verbum incarnatum tantam non hominum solum, sed locorum quoque & provinciarum curam habebant, cur post Verbum hominis causa hominem factum omnem de homine curam & cogitationem abiiciant? Rursum si Angeli, qui humanæ naturæ miseras nunquam experti sunt, neq; natura cum homine communicant (sunt enim carnis, cæterorumq; quæ carnem consequuntur, vel cum carne coniuncta sunt, omnino expertes) pro hominibus orant, eorundemque salutem tam anxie procurant, cur diuorum spiritus, qui certo experimento didicerunt, quanta, quamque assidua & periculosa nobis cum carne, demone, & mundo sit lucta, non eundem vel multò quoque ardentioris dilectionis effectum erga nos gerant, ostendantque? Atqui ex ardenti dilectione ardens nascitur iuuandi, promouendique studium. Cum ergo mortalium spiritus cælesti gloria iam donati, alia via fratres suos iuuare non queant, quam pro illorum salute apud DEVM intercedendo & interpellando, (siquidem non est illis permisum Angelorum more versari in terris, hominumque custodiam & curam habere) quis dubitet, quin ardentissimas pro illis preces fundant? illorumque causam, quanta vi possint, apud DEVM promoucant?

Angeli humanæ naturæ miseras nunquam experti.

TANDEM existimandum non est, neq; citra apertam attentionem existimari potest, minus illos velle, aut posse, aut nosse, qui iam cum CHRISTO in cælesti gloria triumphant, quam norant, aut poterant, aut volebant patres, qui ante orbem redemptum detinebantur in limbo. Constat enim, hos multis partibus minus nouisse, voluisse, & potuisse, vt qui necdum ab omni pœna & debito absoluti, neque clara DEI visione, ex qua vna vt omnis perfecta beatitudo, ita omnis quoque perfecta cognitio & dilectio hauritur, potiti essent. Cum hi ergo feruidas pro populo suo preces funderent, (scriptum est enim: *Vidit Iudas Machabeus Oniam pratendentem manus, & pro omni Iudaorum populo orantem.* Post hæc autem vidit alium virum ætate & gloria mirabilem, de quo dixit Onias: *Hic est frater, amator & populi Israël: hic est, qui multum orat pro populo, & vniuersa ciuitate Hierusalem. Hieremias Propheta DEI &c.*) cur Sancti, qui multò, vt modò aiebam, maioris charitatis,

Plus volunt & possunt modò Dini in cælo, quam olim patres in limbo.

2. Machab. vii.

facultatis & perfectionis sunt, causam nostram apud DEVM negligenter?

NEQVE est, vt quispiam, quod Iudas vidit, somnium extitisse cauilletur: Nam vt ibidem exponitur, non erat vulgare vel vanum aliquod somnium, sed *ὄνειδος ἀξιόπιστον*, hoc est, somnium fide dignum: Quale etiam fuit somnium Ioseph, cui Angelus *κατ' ὄναρ* quoque apparuisse legitur, id quod ipse etiam rei euentus manifestè comprobauit. Obtinuit enim clarissimam contra blasphemum Nicanorem Victoriam. Et cui, quæso, mirum videri debeat, si Onias, si Hieremias, si Moyses, si Daniel, si Noë, si Iob viri sanctissimi pro suis ciuibus & contribulibus orare soliti erant, cum diues Epulo apud inferos ardens, se fratrum suorum cura tangi non dissimularet; aiebat enim: *Rogo te pater Abraham, vt mittas Lazarum in domum Patris mei; vt testetur illis, ne & ipsi veniant in hunc locum tormentorum*. hæc ille: quocunque tandem animo vel consilio hanc gratiam ab Abrahamo expetiuerit. Nulla est ergo causa, cur sectarij vel alij quicunque Oniæ vel Hieremiæ intercessionem in dubium vocent. Quod enim illi fecerunt, hoc quotidie faciunt non iusti tantum, sed multi quoq; iniusti & scelerati: imò ipsi quoq; sectarij, esto plurimi ex illis in sua hæresi sint planè obstinati, & à DEO prorsus alieni.

Luc. 16.

De ven. Sancto.
ca. Gloriosus.

IAM si Synagogæ proceres tanto cum feruore pro communi populi sui salute quondam contendebant; si damnati suorum curam non penitus abiiciunt; si non modò iusti, sed impij quoque & scelerati pro se inuicem orare, mutuasque preces deprecari non negligunt, quis dicere audeat, gloriosissimos Christianæ fidei principes, electos DEI athletas, iustos seculi huius iudices, vera, vt Bonifacius loquitur, mundi lumina, CHRISTI redemptoris nostri Apostolos, qui in carne viuentes sanguine suo Ecclesiam fundauerunt, sanctissimos quoque, clarissimosq; viros, per quorum fidelissima & diligentissima studia Ecclesiæ sacra Euangelia eluxerunt, & reliquos noui Testamenti Patres, quasi nostri oblitos ab intercedendi officio cessare? præsertim cum vt hoc faciant præclarum CHRISTI Domini nostri exemplum ob oculos propositum habeant. *Quis est, qui condemnet? scribit Apostolus, CHRISTVS IESVS, qui mortuus est, & resurrexit, qui etiam interpellat pro nobis?* Simile huic est illud Ioannis: *Si quis pecca-*

peccauerit, advocatum habemus apud DEVM, IESVM CHRISTVM Dominum nostrum; Et ipse est propitiatio pro peccatis nostris. Hęc de CHRISTI intercessione duo illustres Apostoli. De Diuorum autem patrocinio hęc Augustinus: Non est credendum, tunc viscera misericordię amissuros Sanctos, cum fuerint plenissimę & perfectissimę sanctitatis, vt qui tunc etiam orabant pro inimicis, cum ipsi sine peccato non erant.

Rom. 8.
1. Ioan. 2.

Lib. 12. c. 18. de ciuit.

QVOD si sancti Angeli, ceterique Diui nullis prouocati precibus, pro fidelium salute apud communem Patrem tanto studio intercedunt, quid, obsecro, piaculi fuerit, si vltroneo illorum officio agnito, id quod cupiunt, & sponte agunt, porro agere vt pergant ab iis petamus? adeoque cum Chrysostomo, Gregorio Nazianzeno, Gregorio Presbytero, Hieronymo, & aliis eiusdem fidei & religionis sectatoribus, hoc aut illo simili orationis genere illos compellemus? Chrysostomus: Cœlestis militiæ princeps, rogamus te nunc indigni, vt tuis intercessionibus munias nos. Greg. Nazianzenus: Tu autem sacrum & diuinum caput, ex alto nos respice, & carnis stimulum instructionem à DEO nobis datam, aut tuis siste precibus, aut fortiter me ferre persuade. Greg. Presbyter: Tu autem beate pater, scenæ veræ spectator & mysta, tui sis memor Gregorij. Hieronymus: Vale ô Paula & cultoris tui vltimam senectam orationibus tuis iuua; fides & opera tua te CHRISTO sociant, præsens facilius, quod postulas, impetrabis. Rursus Nazianzenus: Tu verò Cypriane, nos ab alto propitius respice, nostrumque sermonem & vitam dirige, & sanctum ouile hoc pascere, aut vnâ rege, ac reliqua, quantum possibile est, ad meliora dispone.

In liturg.

In orat. funebri
pro Basil.

In vita Grego.
Nazian.

In Epita. Paulæ.

Orat. 19 in Cypria.

AVGVSTINVS: O MARIA, quis tibi dignè valeat iusta gratiarum ac laudum præconia rependere, quæ singulari tuo assensu mundo succurristi perditio? Quas tibi laudes fragilitas humani generis persoluat, quæ sola tuo commercio recuperandi aditum inuenisti? Accipe itaque qualescunque exiles, qualescunque meritis tuis impares gratiarum actiones: & cum susceperis vota, culpas nostras orando excusa. Admitte nostras preces intra sacrarium exauditionis tuæ, & reporta nobis antidotum reconciliationis. Sit per te excusabile, quod per te ingerimus, fiat impetrabile, quod pia mente poscimus. Accipe quod offerimus; redona

Ser. 18. de Sancta.

Augustinus B.
Virginē prolixē
inuoat, Chry-
sol, Michaëlem,
Nazian. Basilii.
Hierony. Paulā
Romanā & alij
alios.

quod rogamus; excusa quod timemus, quia tu es spes vnica peccatorum; per te speramus veniam delictorum, & in te beatissimā nostrorum expectatio est præmiorum. S. Maria succurre miseris, iuua pusillanimes, resoue flebiles, ora pro populo, interueni pro Clero, intercede pro deuoto scæmineo sexu, sentiant omnes tuum iuuamen, quicunque celebrant tuam commemorationem. Adsisse parata votis poscentium, & repende omnibus optatum effectum. Sint tibi studia assidua orare pro populo DEI, quæ meruisti benedicta Redemptorem ferre mūdi, qui uiuit & regnat in sæcula sæculorum, Amen. Hęc omnia de vnus gloriose Virginis intercessione magnus Augustinus.

SIMILIA complura inuenias apud veteres Scriptores, & præcipuè apud Cyrillū, Andreā Hierosol. Proclum Cyzicenū, Theodotum Ancyre Epiiscopū, Ioan. Damascen. & alios his adhuc uetustiores. Missas hinc facio peculiare præcandi formulas, quibus Ecclesia iam inde ferè à sui exordio in anniuersariis Diuorū solennitatib. uti cōsueuit: Cuiusmodi inter cæteras penè innumeras, quæ in Græcorum & Latinorū liturgiis & horologiis (hoc em̄ nomine appellāt illi Canonic. horarū codices) passim sunt obuiæ, sunt hæc:

FAMVLORVM tuorum, quæsumus Domine, delictis ignosce; ut qui tibi placere de actibus nostris non ualemus, Genitricis Filij tui Dñi nostri IESV CHRISTI intercessione liberemur. Item: Omnipotens æterne DEVS, qui nos omnium Sanctorum tuorum merita, sub vna tribuisti celebritate venerari, quæsumus, ut desideratam nobis tuæ propitiationis abundantiam multiplicatis intercessoribus largiaris. Tandem, (finis enim non esset, si quis omnes huc referre instituat) DEVS qui conspicias, quia nos vndiq; mala nostra perturbāt, præsta, quæsumus, ut beati Ioannis Apostoli tui intercessio gloriosa nos protegat, & ad vitam perducatur æternam, per Dominum nostrum IESVM CHRISTVM, &c.

DICTIS: Esto Angeli, cæteri q; cælesti gloria donati sedulo pro nobis intercedant, totaq; antiquitas & vniuersa Ecclesia iam inde ab exordio Diuorum patrocinia piè semper, religioseq; implorant, hinc tamen non sequitur, quemquam omnino mortalium ad idem faciendū obligari; siquidem particularium facta non faciūt legem. Detur sanè, hinc non sequi, Diuorum inuocationē esse præceptam; euidenter hinc tamen sequitur, rem esse licitam. Chri-

stia-

Vniuersa Ec-
clesia inuoat di-
nos cum Chri-
sto triumphan-
tes.

finianæq; religioni consentaneam, adeoq; ab omni idololatriæ specie profus alienam. Effet enim flagitium longè maximū, toti Ecclesiæ; toti q; venerandæ & sanctissimæ antiquitati idololatriæ crimen impingere. Sequitur nihilofeciùs, cultū esse non modò vetustum, longaq; consuetudine validè confirmatū, sed legi quoq; & rationi oppidò consentaneū: Siquidē nefas est credere, vniuersalē Ecclesiam, totq; sanctissimos ac doctissimos viros aliquid familiariter vsurpasse, quod diuinæ legi, aut rectæ rationi esset dissentaneum.

SEQUITVR tandem, rem esse vtilem & salutarem: Nam si Diui sua intercessione causam nostram promouere nullo modo possent, neq; illi pro nobis intercederēt, vt qui frustraneam operam sumere non vellent; neq; viri cordati illorum patrocinia tam familiariter implorarent: implorant autem certatim, vt paulò antè audiuius: Vtilem proinde operam Diui sua aduocatione nobis nauant, & vtilem nihilominus salutaremq; rem præstant, qui illorum fidem frequenter implorant. Cuius rei Ecclesia nō ignara, quotiescunque graui aliqua necessitate premitur, vel periculo minimè leui vrgetur, toto nixu & studio ita ad DEVM sese cōuertit, vt semper ferè Diuorum patrocinia & intercessionem principali orationi adiungere vel interserere consueuerit. Quod dicimus ex litaniarum serie, quæ ante mille annos apud orthodoxos receptæ fuerūt, luce meridiana clarius est. Etenim exordio à DEI diuinarūmue hypostase in inuocatione facta, fit mox, pgressio ad Angelorum, cæterorumq; Diuorum suffragia. Iterum fit reditio ad DEVM, sed non absq; meritorum & mysteriorum CHRISTI liberatoris nostri commemoratione & allegatione.

HANC Diuorum inuocationem, meritorumq; eorundē allegationē patriarcha Iacob vitæ præsentis finem iam factururus, singulari studio posteritati suæ commendasse visus est, ait enim: DEVS, qui me pascit ab adolescentia mea vsq; in præsentē diem: Angelus, qui me eruit de cunctis malis, benedicat pueris istis, & inuocetur *יהוה*, hoc est, inter illos, vel in eis nomen meum, & nomen patrum meorum, Abraham & Isaac. Hic Augustinus: Iacob benedicens nepotes suos filios Ioseph, ait inter cætera: Et inuocabitur in his nomen meum, & nomen patrum meorum. Vnde notandum est, nō solū exauditionem, sed inuocationem quoq; dici aliquando, quæ nō DEI, sed hominum sint. Hæc ille de testamentaria Patriarcharum inuocatione.

Inuocatio Diuorum in Ecclesia DEI visitata, res est ab omni idololatriæ crimine profus aliena.

Diuorum inuocatio res utilis & salutaria.

Litaniarū vsus peruectus.

Genes. 48.

Lib. 1. cap. 100.
Loca de Genes.

QVOD

Synagoge praxis
& usus in piorū
inuocatione &
meritorum eo-
rundem allega-
tione.

Exod. 32.

Dan. 3.

Baruch 3.

QVOD autem Augustiniana hæc interpretatio sit germana, id, vt cætera desint, ex sola Synagogæ praxi colligi potest. Nam quotiescunque Iudæorum procures insigne aliquod beneficium à DEO voluissent impetrare, vel grauem aliquam cladem, quæ illorum ceruicibus impedere videbatur, depellere, statim Patriarcharum merita & nomina allegabāt. Hinc illæ aliæq; similes preces: *Quiescat, obsecro Domine, ira tua, & esto placabilis super nequitiam populi tui. Recordare Abraham, Isaac, & Iacob, quibus iurasti per te metipsum Deus. Rursum: Ne, quaeso, Domine auferas misericordiam tuam à nobis, propter Abraham dilectum tuum, & Isaac seruum tuum, & Israël sanctum tuum. Demum: Omnipotens Deus Israël, audi nunc orationem mortuorum Israël, & filiorum ipsorum, qui peccauerunt ante te.* Hæc sanè minime obscure indicant, certò apud Iudæos creditum fuisse illos, qui cum pietate dormitionem acceperant, etiam si antè sine peccatis non vixissent, pro sua posteritate & natione preces subinde fundere consueuisse; siquidem frustra, imò falsò planè diceretur: Audi DEVS orationem mortuorum Israël, si Israëlita vita functi, pro suo populo vel non orassent, aut certè orare crediti non fuissent: & vt istud certò illis persuasum erat; ita illorum patrocinia efflagitare, eorundemq; merita publicè allegare nihil quicquam dubitabant.

Iob. 5.

Iob amicorum
moniti inuocat
Sanctos.

Cap. 19.

Annotat. in Iob
62. 19.

AD eandem Sanctorum inuocationem secula aliquot ante omnem legem scripto propositam, veluti iam tum vsitatam Eliphas Themanites hortabatur flagellatum Iob quoq; *Voca; ait, si est, qui tibi respondeat, & ad aliquem Sanctorum conuertere.* Quod ipsum etià siue hoc monitore excitatus, siue diuinitus vtile id esse edoctus, fideliter præstitit. Quandoquidem illud: *Miseremini mei, miseremini mei saltem vos amici mei;* Augustinus non aliò, quàm ad Diuorum vel sanctorum Angelorum inuocationem pertinuisse existimat. Nam locum hunc edisserens inter cætera ita scribit: Vt pro se deprecetur, aut certè Sanctos, vt pro pœnitente orent, videatur postulare.

ET vt quædam ex his Diuorum inuocationem disertè non constituerent, adhuc sola Ecclesiæ auctoritas, perpetuo orthodoxorum omnium sensu atque consensu instructa, quæ Sanctorum cultum & inuocationem tanquam rem vtilem & salutarem nobis commendat, vsuq; & exemplo quotidie inculcat, potenterque persua-

persuadet, tanti roboris est, vt eam citra manifestam temeritatem in quæstionem vocare nullo modo liceat. Etenim si insolentissimæ cuiusdam vrsaniæ genus est vel vni ex veteribus Theologis sine graui auctoritate, aut euidenti ratione sese opponere, quantæ temeritatis & impudentiæ erit, toti Christiano orbi, toti quæ antiquitati ac sanctorum Patrum cœtui insolenter absq; vlla ratione vel auctoritate oppedere? Erat in animo ad maiorem Antagonistarum confusionem veterum de præsentī hac controuersia sententias in medium adferre, vt in aliarum quarundam controuersiarum explicatione fecimus; verum quia de Sanctorum inuocatione obiter hic tantum disputamus, sola locorum, vnde hæ peti queant, indicatione contentus ero.

Quæ igitur nosse desiderant, quid veteres de Sanctorum inuocatione tenuerint, publice quæ docuerint, ij legant Dionysij Areopagitæ Apostolorum discipuli cœlestem hierarchiam c. 3. & li. de di. no. c. 3. Hilarium ad Ps. 124. Epiphanium lib. 3. tom. 1. hæref. 75. Irenæum li. 5. cont. hæref. Ephrem sermone de laudibus sanctorum Martyrum. Grego. Nyss. in vita Theodori. Hierony. contr. Vigil. Rufinum lib. 2. cap. 33. histo. Eccles. Neftarium in narratione de Theodoro Martyre, & 40. Martyrum. Gaudentium in anniuersario Philastrij. Victorem Vticensē de persecutio: Vandalica li. 3. Fulgentium sermone de laudibus Mariæ. Eusebium Emyssen. in hom. de SS. Genesio, Epipodio, & Alexandro. Sulpitium lib. 2. de vit. D. Martini. Dorotheum Episcopum de vita Esaiæ & Hieremiæ. Eusebium Cæsar. lib. 6. ca. 5. histo. Eccles. Iustinian. libro primo C. tit. 20. & in Nouell. const. 42. Procopium de ædific. Euphrasium histor. Eccles. cap. 13. & lib. 6. cap. 3. Gregorium Magnum lib. 5. epistola 19. & lib. 7. epistola 12. Gregorium Turonensem de Martyrum gloria, Ephodium ad Faustum. Fortunatum in Epitaphio Euphrasii. Casiodorum ad Psal. 21. Andream Hierosolymitanum de salut. Mariæ. Iustum in cant. Cyrill. Hieros. Cateches. Clementem lib. 8. cap. 18. & 19. Const. Apost. Cornelium PP. epistola decretali. Euseb. lib. 4. cap. 15. Tertullianum de coron. Milit. Theodorum li. 8. de Martyribus. Leonem primum de S. Petro & Paulo. Prudentium in hymno de S. Laurentio, Eulalia, Vincetio, Cassiano, &c. Paulinum Nolanum ad Seuerum, Bernardum, ser. 66. in Cant. Maximum Taurinensem Episcopum in natali sanctorum

Insignis insolentia: icelus est toti Christiano orbi absq; ratione & auctoritate sese opponere.

Nazarij & Celsi, Thomam, Bonauenturam, Albertum, Durandum, & reliquos Scholæ Patres 4. dist. 45.

In liturg.

Quod si qui sunt, vt multi vtique sunt, qui horum auctorum monumentis destituuntur, & aliquid nihilominus, quo cōtra Antagonistarum importunitatem se tueātur, in promptu habere cupiunt, allegēt ij illud Iacobi fratris Domini: Commemorationem faciamus sanctissimæ, immaculatæ, gloriosissimæ, benedictæ Domini nostræ matris DEI & semper Virginis Mariæ, ac omnium Sanctorum & iustorum, vt precibus & intercessionibus eorum, omnes misericordiam cōsequamur. Et illud Cypriani; Innocentes pueri ab Herode occisi in ordine Sanctorum primum habent locum, & secretorum conscij diuinorum, clementiam DEI pro nostris exorant laboribus. Et illud Basilij: Sæpe laborastis, sæpe operam dedistis, vt vnum orātem pro vobis inueniretis; Quadraginta sunt hi, vnam orationis vocem emittentes. Et paucis interiectis hæc subdit: Qui aliqua premitur angustia ad hos confugiat: Qui rursum lætatur, ad hos oret; Ille vt à malis liberetur, hic vt duret in rebus lætis. Et illud Synodi sextæ:

De stell. & mag.
Sermo, de 40.
Martyr.

Can. 7.

Vnusquisque Christianus solo DEO creatore suo adorato, inuocet Sanctos, vt pro se intercedere dignentur apud diuinam maiestatem. Hæc faciant, quibus Basilicæ locus est, in Basilica; qui verò in itinere, aut pro qualibet occasione in syluis aut agris est, ubicunque; eum ipsa hora matutina vel vespertina inuenerit. Et illud Synodi septimæ: Cum DEI timore omnia agamus, postulantes intercessionem, incōtaminatæ Deiparæ & semper Virginis Dñæ nostræ Mariæ. Item sanctorum Angelorum omniumque; Sanctorum.

Astor. 6.

Astor. 11.

Et illud Synodi Chalcedonenſis: S. Martyr Flauianus oret pro nobis. Hunc locum, qui propter synodi auctoritatē & vetustatem apprimè illustis est, Centuriatores Magdeburgici, vt cætera solent, quæ causæ suæ minùs fauent, fraudulenter suppreſſerunt. His non dissimilia adferri poterāt ex Synodo Nicena secunda, Ephesina prima, Florentina, Francofordiana, Tridētina &c. sed superuacaneum duco: Nam si semel nobis certò persuasum est, Concilia œcumenica legitimè congregata de fide vel moribus statuentia errare non posse, sat est, si vel vnus Concilij decretum adſit. Qui verò ita comparati sunt, vt Concilia in vtroque errare posse arbitrentur, illis per nullas vnquam Synodorum definitiones fiet

Magdeburgici
Centuriatores illustrem locum
Synod. Chalced.
qui de Sanctorum
inuocatione agit
fraudulenter suppreſſerunt.

fatis.

fatis. Dicent enim æquè errasse secundum, tertium, quartum, & sic deinceps, ac primum.

NEQVE verò putandum est, Sanctos ita generatim pro vniuersa Ecclesia intercedere, vt non etiã speciatim pro hoc vel illo Ecclesię membro non nunquã interpellët: *Pro hac*, inquit Dauid, iniquitate mea, *orabit ad te omnis Sanctus in tempore opportuno.* Hieremias quoq; & Onias & Angelus Dñi sanctus non deprecabuntur pro orbis salute vniuersi, sed hic quidem pro Iuda Machabæo, populoq; eidem cõmissio, ille verò pro ciuitate sancta, & cæteris Palæstinæ oppidis determinatè. Pari modo Archangelus Raphael nõ cuiuslibet preces promiscuè in conspectu DEI recitat, easdemq; quod in se quidem est, explendas curat, sed Tobię & Sarę solũm.

Psal. 13.

2. Machab. vii.

Zach. 1.

Iob 12.

QVOD si cœlites generatim tantũ & non speciatim pro mortalium incolumitate intercedunt, vt falsò & absq; vllò prorsus rationis fundamento quidam asserunt, cur Ecclesia ad peculiare Diuos peculiare preces instituit? Cur DEVS singulis singulos & non omnibus vnum duntaxat Angelum custodem præficit? Cur sancti insignisq; eruditionis viri pro hac vel illa re vel homine sigillatim, & nõ generatim pro omnibus semper orant? Cur iidem tandem modò huius, modò illius Diui patrociniũ speciatim expetunt, & non omnium simul? At id non faciunt, aut certò ordinariè non faciunt.

Dñi non generatim omnib; solũ, sed sæpe speciatim quoq; pro hoc vel illo intercedunt.

CYPRIANVS: Memores ô Corneli simus inuicem, et si quis nostrũ hinc prior discesserit, apud misericordiarum patrem non cesset oratio. Chrysostomus: O pater Nicolae, fungere legatione apud CHRISTVM Dominum, vt animæ nostræ salutem consequantur. Augustinus: Nec sic arbitrò Nebridium inebriari ex illo fonte viuo, vt obliuiscatur mei, cum tu Domine, quẽ potat ille, sis nostri memor. Hieronymus: Blesilla filia tua ô Pãula pro te iam Dominum rogat. Gregor. Nazianzenus: Tu autem Athanasius è supernis propitius nos respice, & populum hũc sanctũ dirige. Damascenus: Domina & mater sanctissima, quæ DEVM meum peperisti, amputata est dextera mea ob sanctas & diuinas imagines. Tu qua de causa Leo scuiat non ignoras, proinde quanto citius succurre; Dextera enim altissimi, quæ de te incarnata est, per tuas intercessionis multas fecit virtutes: Sanctoro hanc meam dexteram tuis precibus.

Lib. 1. epist. ad Cornel.

In liturg.

Lib. 9. c. 3. cõse.

De obit. Blesil. ad Paulam.

Orat. 18. in Athanas.

Ioan. Hierosol. in vit. Damasc.

Lib. 8. Orac. af-
fect.

Donariorum usus
ad Diuorum mo-
numenta ob re-
cuperatam sani-
tatem suspensio-
rum res antiquis-
sima.

In mor.

Luc. 16.

4. Reg. 5.

4. Reg. 6.

1. Reg. 9. & 10.

Astor. 5.

Astor. 7.

QUANTO S porro fructus adferat specialis oratio vel inuoca-
tio, id quotidiana exempla probant, & plurima huius rei monu-
menta in publicis locis erecta, ad oculum penè demonstrant. Pie,
scribit Theodoritus, fideliterq; precatos, ea maximè cōsequi, quæ
desiderant, testantur illa, quæ votorum rei dona persoluunt, ma-
nifesta nimirum adeptæ sanitatis indicia. Nam alij quidem ocu-
lorum, alij verò pedum, alij porro manuum simulachra suspen-
dunt ex auro, argentoq; confecta. Hæc itaq; omnium spectaculo
exporrecta, testantur morborum depulsionem, cuius ipsa certis-
sima signa sunt, à sanitatē consecutis allata. Hæc, inquam, sepul-
torum ibi martyrum quæ sit virtus, ostendunt; Martyrum virtus,
quem ipsi coluerunt DEVM, verum esse DEVM declarat. Huc
quoq; spectat illud Basilij Magni: Potest re ipsa & opere sapiissime
nobis compertum esse, inuocationem Sanctorum ad intercedē-
dum pro nobis non solū placuisse, verū etiam iis, qui Sanctos,
modò tamen piè & absq; superstitione inuocassent, magno & ad-
mirando solatio, auxilio, & bono celsisse.

NEQUE turbare aut à Diuorū inuocatione alienos nos red-
dere debet, quodd magnum inter nos in sublunari hoc orbe cōsti-
tutos & Sanctos supra cælos oēs mobiles euectos spacium interie-
ctū est. Nam si Abraham epulonem illum Euangelicum interno
tū mentis strepitu inclamantem potuit zudire, & epulo vicissim
eundem Abrahamum responsantem percipere, inter quos tamē
magnum chaos firmatū erat; Si Elizeus puerū Giezi cum Naaman
Syro procul negotiantē veluti coram astantē videre, eidemq; quæ
sibi, suæq; posteritati olim euentura erant, prædicere; Si idem va-
tes arcana Regis Syriæ cōsilia, quæ ille cum seruis suis secretò ad-
uersus Israëlēm inibat, deprehendere, Israëlitarumq; Regi patefa-
cere; Si Samuel Saulo patris sui asinas repertas, aliaq; p multa, quæ
ipsi euentura erant, indicare; Si reliqui Prophetæ humanis infir-
mitatibus adhuc cincti ea certò pronunciare possunt, quæ à sola
DEI voluntate dependent; Si Apostolorum princeps occultam
Ananiæ & Saphiræ conspirationē deprehendere; Si Stephanus de-
niq; in Iudæorū concilio positus Filium hominis à dextris virtutis
DEI stantem valuit contueri, cur Sancti, qui immensum illud spe-
culum, in quo omnia relucent, irreuerberata mētis acie perpetuò
cōtemplantur, preces ad se directas non intelligant; maximè cū
ea co-

ea cognitio ad illorum felicitatem non parum faciat? grauesque Theologi citra vllam hæsitationem istud de illis sentiant, publicè-que doceant?

AUGUSTINVS: Animæ non clamorem vocis sed cordis audiunt:& se fideliter inuocantibus subueniunt. Nec magis clamorosas preces audiunt, quàm eas, quæ siue voce vel in lingua vel in corde tantùm fiunt: quia neque à nobis verba, sed voces cordis tantùm audiuntur; cæterùm verba mente videntur. Cùm ergo animæ nostræ aliquid secundùm DEVM desiderant, & hoc sibi à DEO per Sanctos dari, siue corde, siue lingua, siue voce postulant, animæ Sanctorum, quibus idem est audire, quod videre, & è conuerso, non voces, sed verba intuentes, desiderata eis à DEO impetrant, vt habetis scriptum; desiderium pauperum exaudiuit Dominus. Et aliquot capitibus ante hũc locum ita scribit: Cùm Sanctos in oratione inuocatis, sic oportet de eis cogitare constitutis in gloria æternæ claritatis, scilicet splendidissima lumina longè præ solis fulgore lucentia, qui omnia bona pleniter in DEI visione habeant, & coniunctis se inuocantibus potenter subueniant.

HVC quoque facit illud Gregorij Magni: Sicut hi, qui adhuc viuentes sunt, mortuorum animæ quo loco habeantur ignorant; ita mortui vitam in carne viuētium post eos, qualiter disponatur, nesciunt, quia & vita spiritus longè est à vita carnis, & sicut corpora & incorporea diuersa sunt in genere; ita etiam distincta cognitione. Quod tñ de animabus sanctis sentiendum non est, quia quæ intus DEI omnipotentis claritatē vident, nullo modo credendum est, quia foris sit aliquid, quod ignorent. Quod si nihilest foris, quod ignorāt beati, ergo oēs nostras preces, omniâq; nostra desideria & vota explorata habēt. Et illud rursus Basilij Magni:

VIRGO seipsam primùm conscientiamque suam reuerbitur, etiam si valde sit sola. Deindè sibi astantem custodem Angelum. Et infrà: Quid per singula pergam? ipsas Angelorum infinitas multitudines & vnà Patrum beatissimos spiritus reuerbitur; nullus enim ex iis est, qui non singula vbique consideret. Et illud tandem Hugonis Victorini: Non est incredibile, animas Sanctorum, quæ in abscondita facie DEI veri luminis illustratione latentur, in illius contemplatione ea, quæ foris aguntur, intelligere, quantum vel illis ad gaudium, vel nobis ad auxilium pertinet.

De cog. veræ vitæ cap. 37.

Sancti p̄i inuocati, acqui inter-nas atque exter-nas voces diuina quadam vi excitati, percipiunt.

PSAL. 10.

Cap. 9.

Lib. 11. cap. 13. mor.

Sancti diuina claritate illustrati, quicquid quouis modo ad se pertinet clarè per illam lucē cognoscunt.

Lib. de Virg.

Li. 1. p. 16. c. vi. de Sacr.

Sanctos petitiones nostras exploratas habere, commune axioma est, interim cognitionis huius modus, non est vsq; adeo certus.

Luc. 15.

Mortalium lapsus & poenitentia coelestibus spiritibus compertae.

Sicut enim Angelis ita & sanctis quoque, qui Deo assunt, petitiones nostrae innotescunt in Verbo Dei, quod contemplatur. Haec patres illi de beatarum animarum cognitione, quibus astipulatur vniuersa Theologorum Schola. Nam etsi de cognitionis huius modo nonnulla inter Scholae Theologos est controuersia, de re ipsa tamen nulla penitus.

Imo ipsum quoque Euangelium eorundem sententiae astipulatur; scriptum extat hic enim: *Gaudium est Angelis in caelo super uno peccatore poenitentiam agente.* Iam si Angelos reliquosque coelites (idem namque de omnibus est iudicium) afficit peccatorum poenitentia, afficiet eosdem quoque iustorum ruina: Siquidem eiusdem charitatis est gaudere de laeto proximi successu, & dolere de tristi eiusdem casu. At peccatorum resipiscencia eosdem afficit, ut CHRISTVS disertis verbis testatur; ergo eosdem quoque afficiet iustorum ruina. Vtraque autem affectio ponit cognitionem: Nam ut nemo tristatur de malo prorsus ignoto; ita nemo quoque letatur de bono prorsus incognito. Patet ergo Angelos, caeterosque beatos hominum omnium & singulorum lapsus & poenitentias vel simpliciter, vel haecenus certe compertas habere, quatenus id ad illorum munus vel statum pertinet. Siue eiusmodi cognitionem hauriant ex verbo, in quo certa quadam ratione relucet omnia, siue ex peculiari reuelatione, quod magis videtur probabile, siue alio quocunque modo.

Li. 9. c. 3. de ciui. Quosensu Sancti caeterique beati dicantur tristitia vel dolore affici.

CAETERVM dum Angelos vel alios quoscunque coelesti gloria iam donatos fratrum suorum miseriis affici dicimus, aliud nihil significare volumus, quam aliquem eiusmodi effectum edere, cuiusmodi illi solent, qui verè lugent. Idem accipiatur de ceteris eorundem pathematis & affectionibus; siquidem verus luctus nullum in iis locum habet. Sancti, scribit Augustinus, & sine ira puniunt, quos accipiunt aeterna lege puniendos, & miseriis sine miseria compassionem subueniunt, & iis periclitantibus, quos diligunt, sine timore opitulantur. Nihilominus tamen istorum nomina passionum consuetudine locutionis humanae in eis usurpantur, propter quandam operum similitudinem, non propter affectionum infirmitatem; sicut DEVS quoque secundum scripturam irascitur, nec vlla tamen passione turbatur. Haec Augustinus.

PORRO autem quod diui vltro vel precibus nostris prouocati pro nobis apud DEVM intercedunt, fidosque mortalium patronos

&

& aduocatos frequenter apud eundem agunt, hoc supremi illius Mediatoris officio adimit nihil prorsus. Nam etsi & hunc & illos quoque inuocemus, non vno tamen modo, nec simili mentis affectione id facimus: Siquidem CHRISTVM inuocamus vt patrem, vt seruatorem, vt vnicum salutis nostræ auctorem; quippe qui solus sua sacratissima morte & cruce ad patrem iter nobis aperuit. Cui proinde soli vnâ cum Patre & Spiritu sancto hostias & sacrificia offerimus, decimas & primitias exoluimus, & cætera omnia, quæ soli DEO iure debentur, humiliter impendimus. Sanctos autem imploramus, vt causæ nostræ patronos & promotores, vt CHRISTI domesticos & amicos, vt secundarios quosdam ad vnicum illum inter DEVM & hominem μεσίτην & intercessorem mediatores & intercessores. Opus est mediatore ad mediatorem CHRISTVM, scribit Bernardus, nec alter nobis utilior, quàm MARIA. Et in alio sermone de eadem matre Virgine ita scribit: Tenentes, charissimi, hanc viam, studeamus ad ipsum per eam ascendere, qui per ipsam ad nos descendit; per eam venire in gratiam ipsius, qui per eam in nostram miseriam venit. Et addit: Per te accessum habeamus ad filium, ô benedicta inuentrix gratiæ, genitrix vitæ, mater salutis, vt per te nos suscipiat, qui per te datus est nobis.

Non eodẽ modo inuocatur Christus, & diuorum coetus,

Sermon. vii. de assumpt.

PRAETEREA si Diuorum preces summi & certa quadam ratione vnici illius mediatoris muneri quicquam omnino derogarent, multò magis eorum patrocinia & intercessionem eidem derogarent, qui in vitæ huius stadio constituti cum carne, mundo, & Diabolo adhuc configunt; sunt hi enim multò miuùs CHRISTO vniti & quasi vnum quiddam cum ipso effecti, vt nemo ignorat, quàm lumine gloriæ perfusi; siquidem multò arctior sublimiorque est vnio illa, quæ fit per gloriam, quàm quæ per gratiam vel solam fidem. Alti illorum preces, vt obiter iam antè indicatum est, & ex scripturis planissimum est, nihil quicquam illi derogant, sed quiddam potiùs externi splendoris eidem conciliant. Constat namque, Apostolos perstudiosè id semper quæsiuisse, quod ad CHRISTI gloriam illustrandam & amplificandam quam maximè facere intelligebant; illi autem non modò pro aliorum salute indefessè DEVM interpellabant, sed aliorum preces & intercessionem anxie quoque expetebant.

Intercessio Sanctorum Christi intercessioni nihil quicquid derogat, sicut neque illud quoque, & presidi-j causa viator viatorem interpellat.

V T igitur mediatoris functione per omnia salua & incolumi viui pro viuientibus apud DEVM intercedunt, & iuxta CHRISTI & Apostolorum doctrinam salubriter intercedunt; ita illi quoque, de quibus est hic sermo; & id quidem multò feruētius & frequentius, quàm dum in mortali corpore adhuc degebant. Si Paulus cum hic esset, scribit Chrysostomus, vsque adeò dilexit homines, vt cum dissolui cuperet & esse cum CHRISTO, ex animi proposito elegerit hic esse: imò verò anathema fieri pro fratribus suis secundum carnem, multò sanè magis illic feruentiorem amorem ostendit.

Ad c. 6. Rom.
serm. vii.

Hier. cont. Vigil.

H V C etiam facit illud Hieronymi: Si Apostoli & Martyres adhuc in corpore constituti possunt orare pro cæteris, quando pro se debent esse solliciti, quanto magis post coronas & triumphos? Et infra: Vnus homo Moyses sexcentis millibus armatorum impetrat à DEO veniā, & Stephanus imitator Domini & primus martyr in CHRISTO pro suis persecutoribus veniam deprecatur, & postquam cum CHRISTO esse cœperint, minùs valebunt? & illud rursum Ambrosij: Petrus & Andreas tunc cum viuerent, potuerunt rogare pro viduis, nunc omnia possunt pro nobis & pro omnibus impetrare. Et illud tandem Augustini: Exauditus est Stephanus, vt eius oratione deleteretur peccatum, quod commiserat Saulus. Commendemus igitur nos orationibus eius, multò enim magis nunc exauditur pro oratoribus suis à regnante Domino nostro IESU CHRISTO. Similia apud eundem leguntur super Exod. cap. 108. Sermon. 244. de tempore, de spiritu & anima cap. 95. lib. medit. cap. 29. de cura pro mortuis agenda cap. 5. & 6. De ciuitate lib. 22. cap. 8. & cont. Faust. lib. 20. cap. 21. de spiritu & litera lib. 1. cap. 59. de cognit. lib. 1. cap. 39. & alibi frequenter.

Lib. de vidu.
Ser. 1. de Sanct.

Licet Diuis pre-
termisissis rectā
ad Christum &
per Christū ad
Patrem contē-
dere, sed nō sēp
per expedit.

A T verò cum Ecclesia per Sanctorum preces viam nobis ad CHRISTVM ostendit, non est id ita accipiendum, quasi rectè citra cuiusquam Sancti intercessionem ad ipsum, aut per ipsum ad patrem accedere non liceat; licet id enim, & frequentissimè vsurpatur, indicat autem quid rectè, Catholicèque fieri queat, quidue difficilioribus temporibus fieri magnopere expediat. Poterat sanè Centurio Euangelicus nulla legatione interposita, rectā ad CHRISTVM ire, moribundisque serui exuscitationem efflagitare; sed quia indignum se censebat, qui proximè per se CHRISTVM conue-

conue-

conueniret, mirificè sua illa animi submissione & fide Seruatori nostro placuit, & expetitur nihilominus sanitatis beneficium citra ullam moram obtinuit.

Matth 8.
Lucæ 17.

VERVM ENIM VERO haud magna cum te is diuorum suffragia & intercessionem efflagitat; qui in peccatorum sordibus iacens, de vitæ emendatione nihil cogitat. Debent enim Sancti aliquid in nobis recognoscere de suis virtutibus, vt scribit Augustinus, vt dignetur pro nobis Domino supplicare: Quare si segnes, desidesq; fuerimus, nec iustus, nec Propheta, nec Apostolus nobis patrocinabitur. Non quasi desides & oriantes de aliorum meritis pendeamus, scribit Chrysostomus, habent enim & quidem maximam vim orationes Sanctorum, sed tunc profectò cum nos id ipsum quoque per pœnitentiam postulamus, & ad meliora studia confugimus. Et hæc de Sanctorum inuocatione breuiter, quæ maiorem partem desumpta sunt ex capite tertio disputationis, quam inter alias de Diuorum cultu & innocatione, eorundemq; reliquiis & imaginib⁹ superioribus annis Ingolstadij, proposuimus.

Ser. 2. & 22. de
marty.

Ad c. 16. 1. Cor.
hom. 42.

De iis pro quibus orandum, vel non orandum est.

CAPVT DVODECIMVM.



QVÆSTIO, quæ hîc tractanda proponitur, paucis, si qua necessitas vrgeret, absolui posset; Interrogatus namque pro quibus orare conueniat, liceat, aut expediat, breuissimè pro iis omnibus & solis respondere is queat, quibus precibus nostris, vt vitam æternam consequantur, vel faciliùs consequantur, prodesse valeamus. Cuiusmodi sunt illi soli, qui etiam nû in hac mortali vitâ peregrinantur à Domino, vel propter peccatorum reliquias exercentur in igne purgatorio. Nam quicquid infra hominem positum est, hoc totum æternæ felicitatis capax non est, sancti autem Angeli, ceterique cœlesti gloria iam potiti, re nulla, quæ nostris precibus impetrari valeat, indigent. Demones tandè & cæteri dâmati pluribus egent, sed quia peccatis suis obstinato animo adhærent, per nullas preces ad vitam æternâ promoueri valent. Verùm quòd in his omnibus occurrant quædam, quæ nonnullam explicationem postulât, de membris obiter hîc iam prælibatis aliquantò articulatiùs disserere placet.

Duo tantùm ho-
minum genera
pro quibus oran-
dum est.

Homo æquè obligatus p se ipso orare, atque seipsum diligere.

ET quidem vnumquemlibet mortalium pro se orare posse, & orare quoque pro se debere, id extra omnem controuersiam est. Nam præterquam quòd charitatis ordo postulat, vt homo secundum DEVM seipsum diligat, omnis quoque rectè instituta oratio huc tendit, vt bonum, quod non habetur, per orationem impetretur, vel vt habitum conseruetur & augeatur; vel certè vt malum, quod cruciat, auferatur, aut quod impendet, coërceatur, vel aliò transferatur. At quilibet se suamque salutem verè & ex animo diligens, hæc omnia iure meritòque desiderare & consecrari potest, imò verò desiderare & consecrari debet. Quicquid autem licitè desideratur, hoc licitè quoque petitur. Ad hæc fructus, quos pia oratio de se fundit, sunt planè admirabiles; sed quilibet non modò inculpatè eiusmodi fructus optare & efflagitare valet, verùm etiam si seipsum non odit, exoptare & efflagitare necesse habet. Denique vnumquemlibet ea quærere & procurare oportet, quæ ad obtinendam vitam sunt necessaria; hæc autem citra orationis præsidium ordinariè non impetrantur nec impetrari possunt, licitè ergo istiusmodi expetuntur.

Qua lege proximum obligamur diligere, eadem tenemur pro eo quoque orare.

Match. 22.

Quid sit alteri diligere.

QUO D autem quilibet pro aliis orare queat, & interdum etià orare debeat, id iisdè illis argumentis & rationibus demonstratur, quibus modò demonstratur pro se ipso orare posse & debere. Nā qua lege & ratione proximū obligamur diligere, eadè etiam obligamur pro eodem orare, eiusdemque salutem promouere, & DEO commendare: atqui sub æternæ salutis discrimine tenemur ipsum diligere, cum hæc dilectio inter præcipua legis naturæ & Evangelicæ præcepta contineatur: Siquidem CHRISTVS Dominus interrogatus, quod esset magnum, hoc est, primum in lege mandatum, ita respondet: *Diliges Dominum DEVM tuum, ex toto corde tuo, & in tota anima tua, & in tota mente tua, hoc est maximum & primum mandatum. Secundum autem est simile huic: Diliges proximum tuum sicut teipsum: in his duobus mandatis vniuersa lex pendet & Propheta.* At verò alterum diligere, aliud nihil est quàm alteri bene velle, vel bonum aliquod eidem optare; ille autem alteri bonum non desiderat, vel non admodum intensè desiderat, qui oblata opportunitate & nonnulla etiam urgente necessitate desideratum bonum eidem procurare non studet. Bona autem spiritalia, quòd in nostra potestate non sint posita, alia commodiori ratione quàm oratione alteri procurare non possumus.

PRAE-

PRAETEREA VT VNIUS CORPORIS CAPITISQUE MEMBRA SIBI MUTUO SERVIAINT SESEQUE MUTUO IUVENT DEFENDANTQUE, id non modò charitatis lex suadet, sed ipsa etiam rei natura postulat: Atqui omnes vnius corporis & capitis membra sumus; æquum proinde & rationi quoque consentaneum est, vt pro inuicem oremus, pro inuicem solliciti simus, mutuæque onera portemus, præsertim cùm CHRISTI lex non modò disertis verbis id iubeat, sed propria quoque vtilitas potenter suadeat: siquidem pro aliis orantes & meritum colligimus, si rectè id facimus, & ad id impetrandum, quod petimus, facilem viam nobis munimus. Deniq; extant quàm plurimæ scripturarum exhortationes, quæ partim in genere pro omnibus, partim in specie pro hoc vel illo hominum genere **preces** à nobis efflagitant.

Vtile & salutare est ꝑ aliis orare.

CAETERVM quòd proximorum nomine varij mortalium ordines comprehendantur: Nam & beati sunt proximi; & aliquo etiam modo damnati sunt proximi (communicant enim nobiscum natura etsi non gratia) & pœnis purgatoriis mancipati sunt proximi, & non modò iusti, sed cuiuscunque etiam generis iniusti & peccatores, vt sunt hæretici, pagani, excommunicati, &c. sunt proximi, quæstionem nonnullam habet, pro iis ne omnibus orare liceat, expediat, vel oporteat.

Proximi notio nomenque latè patet.

HABET sanè hoc quæstionem nonnullam, sed non admodum difficilem, certum est enim, pro iis orare non licere, quos cœlesti beatitudine donatos esse certò constat: Siue ea certitudo proueniat ex communi orthodoxorum sententia, siue ex publica Ecclesiæ doctrina, siue vndecunque aliunde. Siquidem idem est iudicium de martyribus & cæteris beatis, pro martyre autem orans adeò sua oratione illum non honorat, vt manifesta quoque iniuria afficiat. Nam hoc ipso quòd pro illo orat, quippiam illi deesse, quod per orationem, quam pro eo fundit, impetrare possit, facto ipso declarat: hoc autem aliud nihil est, quàm reipsa ostendere beatum non esse: implicat enim aliquem verè perfectèque beatum esse, & nostræ adhuc opis egentem esse.

Pro certò beatis orare non licet.

Iniuriam facit martyri, q̃ orat pro martyre & quare.

AD hæc vbi nulla vrget miseria, aut premit inopia, ibi nulla opus est releuante misericordia, aut adiunante gratia; sed beati ad vnum omnes immunes sunt ab omni miseria, & nullius penitus

Cuiusmodi orationis cuiusque serè sit scopus,

rei inopia laborant: Quamobrem cum omnis omnino oratio huc tendat, vt aliquam subleuet penuriam, aut aliquam submoueat miseriam, cōsequitur, pro spiritibus beatis nullo modo orandum esse. Sed & posito quoque, aliquid deesse Sanctis ad obtinendam perfectam beatitudinem, adhuc nostræ orationis præsidio non indigerent: Nā cum Deo sint coniunctissimi, eideniq; charissimi, & in plerisq; omnibus de eiusdem voluntate certi, longè facilius per se impetrarent, quicquid deesset, quàm per quemcunq; alium in hac mortali vita adhuc constitutum.

Salus plerorumque hinc emigrat: nobis est incerta, adeoq; pro omnibus defunctis salubriter oratur.

Cum itaque cœli ciues nullius rei, quæ pro præsentī rerum statu illis debeatur, egere certò sciamus, neque dubitemus quoq; quin ad quiduis impetrandum sint efficacissimi (siquidem nulla in illis est impetrandi indignitas, aut repulsæ dignitas, & nulla rursum de eorum euentu, quæ adhuc expectant, ambiguitas) non modò superuacaneum est de industria pro illis orare, sed stultum quoque planè que temerarium. Verum si res incerta est, vt de plerisque hinc decedentibus incerta esse solet, nihil obstat quò minus pro iis oretur; Cedunt enim eiusmodi preces in gratiarum actionem, & in qualemcunq; etiam accidentariam eorundem gloriam: Gaudent enim de bonorum operum fructu, deque peculiari sui in terris memoria, sed vtrumque in Domino.

Nullò modo pro iis orare licet, quos communi Ecclesiæ iudicio constat esse damnatos.

At multò verò minùs pro iis orandum est, quos communi Ecclesiæ iudicio certò dānatos esse constat. Quales sunt ij omnes, qui mortifero peccato obstricti, vitæ finem fecerunt: Siquidem studio pro talibus orare, aliud nihil esset, quàm certa quadā ratione contra certum Dei decretum pugnare. Certa enim fide nouimus, quotquot in lethali crimine citra pœnitentiā extinguuntur, eos ad vnum omnes in ignem æternum amandari, indè que nullo viquā tempore emergere, vel certè nunquam ita inde emergere, vt eò redire necesse non habeant: Siquidem in inferno nulla est redemptio. Adhæc vt paulò antè indicatū est, pro iis tantum orandum est, qui precibus nostris adiuuari possunt; Damnati autem, quòd penitentiæ capaces omnino non sint, nullis precibus à damnationis vinculis liberari queunt. Deniq; communis theologorum sententia est, hoc homini mortem esse, quod Diabolo calus; Diabolus autem semel lapsus nunquam ampliùs resurgit, neque resurgere potest. Quamobrem quòd de principe Traiano fertur,

Hoc homini mors, quod Diabolo calus, & vi ce verba.

aut

aut extra communem legem factum est, aut certè iudicium illius usque; ad illud tempus suspensum fuisse putandum est; potest enim DEVS propter causam aliquam, quam ille futuram cognoscit, iudicium ad tempus suspendere: quemadmodum extraordinaria quadam lege aliquando suspendisse legitur, & eorum omnium suspendisse creditur, quos Apostoli vel alij sancti viri in infidelitate vel alio grauiori peccato extinctos in vitam reuocarunt.

SED obiicis: Ecclesia nonnunquam etiam pro damnatis orare videtur; Siquidem in sacris, precibusque funebribus multa usurpat, quæ magis in damnatos quadrant, quam in eos, qui detinentur in purgatorio: Cuiusmodi inter cætera sunt illa; libera eas, Domine, de ore leonis, de pœnis inferni, de morte æterna, de profundo lacu, de iudicio ultionis, aliaque eiusmodi non pauca? Ad hoc argumentum dilucidè & fusè à nobis responsum est in tractatu de purgatorio: inde solutionem petat, qui volet: nunc obiter dixerim, non omnes precandi formulas usu receptas ad scholasticam amussim confectas esse. Maius enim priscorum studium fuit fidelium deuotionem excitare, quam omnes ubique propriè loquendi formulas anxie obseruare; Ecclesia autè omnes orationes illas toto animo, totaqué mentis intentione ad eos solos refert, qui expiantur in purgatorio, quod propter loci & ignis & pœnarum cognationem, & ut quibusdam placet, identitatem iisdem passim nominibus designatur, quibus infernus.

Non omnes preces Ecclesiasticæ ad Scholasticam amussim sunt confectæ.

ORAT ergo misericordiarum Patrem ne fideles vita iam defunctos demergat, aut cadere sinat in obscurum vel infernum, vel profundum lacum, hoc est, ne in purgatorium iam deiectos, diu multumque in eo detineat; verùm pro sua misericordia citò inde eripiat. Neque si quis Ecclesiæ voces sensu plano, omni prorsus tropo secluso, accipiendas contendat, causam statim obtineat. Nam etsi DEVS Opt. Max. nunquam illos in damnatorum infernum demersurus sit, qui in illius gratia vitæ finem fecerunt; attamen si absoluta potestate uti vellet, propter acceptam iniuriam; imò verò citra ullam acceptam iniuriam, facere id posset, adeoque non frustra rogatur ne id faciat. Quod hic dicimus, CHRISTVS Dñs dum ita concionatur: *Ne terreamini ab his, qui occidunt corpus; time* *autem eum, qui posteaquam occidit corpus, habet potestatem mittere in gehennâ,* neutiquam obscurè confirmat. Quæ enim dicit huc tendunt: Ea

Quamuis Deus illos qui in purgatorio detinentur nunquā condemnent, potestate tamè absoluta vius condemnare potest.

Luc. 12.

mea est potestas, ut omnes in quocunq; statu vitæ munere pfun-
ctos in gehennam mittere queam, si velim: Hac tamen potestate
non semper vtor; me proinde magis quàm tyrannorum gladium
timete. Hanc sententiã CHRIS TI verba de plano offerunt, neq;
aliter veteres Theologi hunc Euangelistæ locũ exponunt: Igitur,
scribit Theophylactus, non omnino posteaquã occidit, mittit in
gehennam, sed potestatem habet mittedi: Ne igitur cessemus per
eleemosynã & intercessionem propitium reddere eum, q potes-
tatem habet mittendi, non semper autẽ potestate hac vtentem, sed
& valentem remittere quiddam. Et eodem illo capite rursus:

V I D E S quòd non dixerit, metuatis eum, qui posteaquam oc-
ciderit, mittit in gehennam, sed habentem mittendi potestatem:
Non enim semper, qui moriuntur peccatores, mittuntur in ge-
hennam, sed sunt in potestate D E I, vt etiam dimitti possint. Hoc
autẽ dico propter oblationes & distributiones, quæ fiunt pro de-
functis, quæ nõ parum conducunt etiam his, qui in grauib; pec-
catis mortui sunt. Hæc Theophylactus Bulgauz Episcopus, quæ
purgatorij fidem, eaquẽ, quæ diximus, ita confirmant, vt quædam
tamen ex iis commoda expositione indigeant. Neque enim, quæ
de D E I potetia hîc asserit, de ordinaria potentia accipienda sunt,
sed tãtũ de absoluta; Sic quoq; quod de grauib; peccatis sub-
iungit, ad peccata mortifera in vitæ huius statione per veram pœ-
nitentiam non condonata, referri non potest, sed ad lethalia per
pœnitentiam quo ad noxam quidem hîc inducã, quo ad pœnam
autem debitam in partem adhuc reliqua.

Q V O D autem hæc Theophylactica purgatorij fidem diserte
constituant, patet: Dicit namq; quosdã defunctos esse, pro quibus
orandum sit, propterea quòd D E V S illos in gehennam mittere
queat, etiamsi nõ mittat; Iam hîc ex illis quæro, qui purgatorium
negant, et Theophylactũ pro se stare falsò affirmant, vbĩnam
sint illi? Non in terra, quia iam in viuís esse desierunt; Nec rur-
sum in cœlo? quia pro talibus non est orandum, vt paulò antè o-
stensum est perspicuè: Nec etiam in inferno? asserit enim in ge-
hennam necdum missos esse, mitti tamen posse; Nec deniq; sunt
in Patrum aut puerorum limbo? quia nihil penitus cum illis pue-
ris aut Patribus commune habent. Cũ ergo nullus alius sit
locus, quàm purgatorium, sequitur necessariò, Theophylactũ
de iis

Ad cap. 12, Luc.

Theophylacti
oratio de poten-
tia Dei & graui-
orum peccatorũ
remissione com-
modè exponen-
da.

Locus elegans et
euidens Theo-
phylacti p pur-
gatorio.

de iis ex instituto agere, qui expiantur in emendatorio illo igne.

QVAMVIS ergo, (vt ad argumenti solutionem reuertamur) ex purgatorio certò liberandi sint omnes, qui in eo detinentur, non frustra tamen rogatur DEVS, vt inde liberet, vel ne in infernum demergat: quia si vellet posset eò præcipites agere, vel inde nò liberare. Neque nouum aut inusitatum est pro iis orare, quæ certò euentura sunt, sua tamen natura eiusmodi sunt, vt certò euenire nò queant. Decreuerat, exempli causa, DEVS certò carnem suscipere, & quidem eo modo, tempore, & loco, & tamen grata fuit illi oratio Sanctorum, qui pro eius aduëtu feruidè orabant. Sic certò rursum statuit omnibus verè & ex animo pœnitentibus veniam dare, & tamen placet illi pœnitentis oratio, qua precatur, vt dignam pœnitentiam acceptare dignetur. Sic tandem sanctè promisit, se Ecclesiæ æcumenicisq; Conciliis legitimè congregatis nunquam defuturum, & tamen grata sunt illi vota & preces, quibus illius præsentia & assistentia religiosè expetitur.

Earum quoque rerum causa salubriter orari, q̄ certò euentura sunt.

ORATIONES porrò, quas Ecclesia pro illis fundit, de quorū salute dubitat, nò eò ptinent, quasi suis precibus eorum pœnā abolere, aut diminuere studeat, q̄ iam ardent apud inferos, suāq; pœnam certa mēsurā & pondere taxatā habent (nouit eīn tales salute potiri non posse) referuntur aut eiusmodi preces ad eos, qui vsq; adeò pditè vixerant, vel tam tepidè conuersi mortem obierant, vt dubium sit nò parū, dignine sint, quibus suffragiorū præsidia, quæ pro illis sunt, applicētur, esto sub vitæ finem pœnitentia ducti, in purgatorio detineantur. Nam etsi efficacium suffragiorū basis sit gratia, cōmuniq; lege ij oēs illorum capaces censi soleant, qui non absq; gratia vitæ finem fecerunt, nihilominus, vt magnis quibusdā Theologis non sine ratione placet, præter cōmunem legem fit, vt ij, qui aliis cū potuissent & debuissent, suffragari contempserunt, vel pœnitentiā vsq; ad vltimum vitæ hiatum studio distulerunt, suffragiorū fructū, quæ illorum causa fiunt, DEO præteritā illorum negligentiam puniente, nò plenè semper potiantur. Orat proinde Ecclesia, si tales promeriti non sint, vt per communia vel priuata suffragia à taxatis pœnis liberentur, hætenus saltem illis profint, quatenus aliquantò mitiùs remissiū sue puniantur, quàm alioqui puniendi erāt. Constat ex his ergo pro iis orare nò licere, quos Ecclesia certò iudicat dānatos, inferniue cruciatibus mancipatos.

Quæ spectent orationes, quas Ecclesia pro iis fundit, de quorum salute dubitare videtur.

Non omnibus semper profunt suffragia etiam si gratia destituti non sint.

EST autem ardentè, fideliterq; pro iis orandum, qui expiantur in purgatorio, vel in eo expiari probabiliter creduntur, vt qui orationis præsidio magnopere indigeant, suffragiorumq; præsidio subleuari queant. Posset id fusè & validè probari, verùm cum ex Scripturis & sanctorum Patrum monumentis, perpetuâq; Ecclesiæ praxi sit notissimum, & alibi prolixè & validè à nobis demonstratum, nullum est operæ præcium nouam hîc denuò ea de re tractationem instituere, maximè verò cum frustra cum iis laboretur etiam in politicis, qui vniuersales ritus, perpetuasq; maiorum traditiones & consuetudines non recipiunt: Nisi forsàn recepti ritus vel consuetudines sint tales, quæ cum lege, aut ratione, aut diuinarum scripturarum auctoritate pugnent, quod hîc locum non habet. Scripturæ enim disertè astruunt sanctum & salubre esse pro defunctis orare, vt à peccatis soluantur: Astruunt idem etiâ quàm plurima Ecclesiæ Catholicæ decreta, innumeraq; sanctorum Patrum testimonia, & confirmant tandem multa humanæ rationis argumenta. Quare verbum ea de re hîc ampliùs non addo.

SED quid de viatoribus, nunquid pro iis omnibus orandum est? Oninino, siquidem nullus mortalium est, cui gratiam & peccatorum remissionem, adeoque vitam æternam optare non debeamus. Iubemur namque proximum diligere sicut nos ipsos, nobis autem hæc omnia desiderare & procurare obligamur. Ad hæc si pro aliquo in hac vita etiamnum constituto orandum non esset, maximè pro eo orandum nō esset, qui in peccatis planè obstinatus videtur; pro talibus autem orandum est, & sæpe & seruidè orandum est. Nam vt Augustinus & alij Patres docent, de nullo desperandum est, quàm diu vitæ huius spiritum duxerit: Quàm diu enim viuatur, de morte ad spiritalem vitam per DEI gratiam patet reditus. Quare etiam Apostolus Paulus pro omnibus hominibus orationes, obsecrationes, & postulationes fieri iubet. Iacobus quoque neminem à communi oratione excipit: *Orate*, ait, *pro inuicem vt saluemini*, & vterque ad CHRISTI doctrinam & vitam consentaneè. Constat enim illum non pro iustis tantùm, sed pro omnibus mortè oppetiisse: Imò pro peccatoribus præcipuè: ait namque: *Non veni vocare iustos, sed peccatores*. Ecclesia tandem pro omnibus orat, etsi non semper pro omnibus publicè. Docet

In ope, de purg.

Salubriter p iis oratur, qui detinentur in purgatorio.

Pro omnib⁹ viuencibus quantumlibet obstinatis orandum est.

1. Tim. 2.

Iacob 5,

Marc. 2.

1. Ioan. 1.

sanè

sanè Ioannes, pro iis orandum non esse, qui peccant peccatum ad mortem, verùm is, vt alibi ostensum est, non loquitur de viuentibus; sed de iis, qui in mortifero peccato citra vllam veram pœnitentiam, aut veræ pœnitentiæ significationem extincti sunt.

DI C I S: Frustra pro iis oratur, qui gloriam aut peccatorum remissionem consequi non possunt: Præsciti autem & qui in Spiritum sanctum peccant, neutrum queunt. Præterea pro illis orandum non videtur, pro quibus non orat Ecclesia: Sed hæc pro hæreticis, excommunicatis paganis, catechumenis, Iudæis, aliisque similibus orare non solet. Sed neque pro illis quoque orare tenemur, quos secundum corpus & animam iure occidere possumus: In bello autem iusto non modò paganos & infideles mactare licet; verùm etiam fideles & Christianos. Quotquot autem in tali bello perimuntur, secundum corpus & animam pereunt, vt qui vel infideles existant, vel iniusti belli peccato sese contaminent. Denique pro altero orare, & alteri dira imprecari inter se pugnancia videntur: Sed Dauid & alij Prophetæ improbis & sceleratis dira passim imprecantur; non est ergo vniuersaliter verum, pro omnibus promiscuè, nemine prorsus excepto, orandum esse.

VERVM licet hæc nonnullam difficultatem adferant, esse tamen in hac vita, pro quibus orare non liceat, euidenter non probant. Nam ad primum quod attinet, licet peccatum in Spiritum sanctum irremissibile perhibeatur, nõ est tamen eiusmodi simpliciter; nisi quis forsân peccati huius nomine finalè impœnitentiæ designatam existimet: Constat enim, permultos peccare in Spiritum sanctum, qui tamen conuertuntur & salui sunt. Appellatur nihilominus peccatum illud irremissibile, quia difficulter remittitur: Siquidè qui ex destinata animi malignitate malè agunt, non ea facilitate ad veniam admittuntur, aut ad veniam aspirant, quæ illi, qui ex inscitia vel infirmitate labuntur. Quamobrem Philosophus studio vel ex certa malitia peccâtes simpliciter ἀμετάνοιτους pronunciat. Attamen quòd tales etiamnum in vita degant, neque voluntatem in malo simpliciter adhuc obfirmatam habeant, orare pro illis licet; imò verò pro huiusmodi orare omnino oportet: Nam & maximè egent, & diuinæ misericordiæ præsidio ad sanam mentem redire adhuc valent.

Cur peccati in Spiritum sanctum irremissibile dicatur, cum sepe tamen remittatur.

Ioan. 11.

Quo orationis
genere utendum
ad profligandum
peccatum in Spi-
ritum sanctum
secundum quod-
dam.

At sunt interim, qui in hoc peccati genere quadam potius insinuatione utendum putant, quàm oratione, aut postulatione, aut aperta petitione. Quemadmodum, exempli causa, Maria & Martha sanationem vel excitationem Lazari, per quem, ut Hugoni Victorino & aliis quibusdā placet, obstinati peccatores designantur, verius insinuarunt, quàm apertè petiuerunt. Quò etiam Bernardus alludens alicubi ita scribit: Non audeo apertè dicere, Domine veni, suscita mortuum nostrum, corde tamen suspenso tremulus intus clamare non cesso, Sed & Augustinus quoque; fatetur propter rei difficultatem, eiusdemque gravitatem & magnitudinem, pro talis peccati remissione gemendum & suspirandum esse magis, quàm orandum. Tandem utcumque; CHRISTI dictum exponatur, vel pro iis oretur, qui peccatū in Spiritum sanctum admisisse dicuntur, certum est, nullum flagitium esse tantum, quod per veram poenitentiam in hac vita aboleri non queat.

Tb. 11. q. 83. 7.

An Christus p
præcitis quan-
doque orari.

Ioan. 17.

Ad id quod de præcitis obiiciebatur, respondent quidam, ut nemini in hac vita subtrahenda est correctio fraterna, quia nescitur, quem DEVS proieccherit; ita pro omnibus indiscriminatim orandum esse, quia in hac vita præciti à prædestinatis secerni non possunt. Verum ex hac doctrina sequitur, pro præcitis in cōmuni vel pro iis, quos præcitos vel incorrigibiles esse certò constaret, orare non licere: Quod confectarium tamen si durum videatur, ratione tamen & CHRISTI exemplo quadantenus fulcitur. Ratione quidem, quia oratio, quæ finem, ad quem dirigitur, cōsequi non potest, frustra funditur; CHRISTI verò exemplo, quia licet is frequenter orarit, nusquam tamen disertè pro præcitis orasse cōperitur; Imò verò alicubi incredulos & obstinatos omnes à sua oratione excludere videtur. Ait enim: *Ego pro eis rogo, non pro mundo rogo; sed pro his, quos dedisti mihi, quia tui sunt: et non pro iis tantum, sed pro iis, qui credituri sunt per verbum eorum in me.* Ex eadem quoque solutione sequitur, si cui DEVS damnationem suam reuelasset, eum pro se ipso orare non debere. Quod ipsum quoque confectarium æquè durum videtur atque alterum illud.

Cum DEVS aliquē
reprobat, aut re-
probare dicitur,
hisariā id intel-
ligi potest.

Ut illud ergo, quod prima fronte durum apparet, non nihil mitigetur, aduerte DEVM aliquem reprobasse vel reiecisse bifariam intelligi posse: Vno modo absolutè, nullius omnino operis aut qualitatibus personæ habita ratione; & contra cuiusmodi vo-
lunta-

luntatem, modò certò de ea confiterit, non est nitendum, oppositum quacunque oratione vrgendo; quia eiusmodi obnixus esset frustraneus, & suo quoq; modo temerarius. Altero modo **DEVS** reiicit vel reprobatur non absolutè, sed ex causa penes reprobatum hærente, puta propter scelera, quæ in reprobato hære, & ad finem vsq; vitæ hæsuræ videt, & hoc modo reprobatur quoscunq; reprobatur. Neq; enim, ut est apud Augustinum, **DEVS** prius est ultor, quàm homo sit peccator, pro eiusmodi autem præscitis salubriter oratur, quandoquidem illorum damnatio maiorem partem dependet ex libero eorumdem arbitrio. Possunt namque si velint oblatam **DEI** gratiam admittere, & pœnitere, sicut eàdem quoq; possunt repudiare. Neque qui pro talibus orant, diuinæ voluntati sese opponunt, sed eidem oppidò sese conformant: Vult is enim pro omnibus orari, ut salui fiant.

Deus neminem reprobatur citra praxi suam peccatum.

SED & dato quoq; hunc vel illum certò periturum esse, eiusq; rei certa documenta extare, adhuc oratio locum haberet: Siquidem hoc casu posito orare licet, ut morti destinatus minùs peccet, & ex consequenti minores pœnas apud inferos luat, quandoquidem liberari à noxarum parte, est liberari à parte pœnæ. Ad quem orationis vsum **D.** Bonaventura alludens, iis, qui de sua finali salute fluctuabant, ita dicere solitus erat; Age, fac bonum, de bono opere nunquam condemnaberis.

Etiā illis pœnitentia oratio prodesse potest, qui certò perituri creduntur.

QUOD ex orationis **CHRISTI** ratione petebatur, parum vrget: Fieri enim non potest, ut fide destituti vel mundo addicti, ut eiusmodi, salui fiant. Quamobrem ut **CHRISTVS** non orauit, nisi pro iis, qui vel iam tum mundo mortui, in illum credebant, vel olim credituri erant, ut salute potirentur; ita neque nos quoque orare debemus, ut infideles, aut mundo dediti, aut quocunque peccato obstricti, quatenus eiusmodi sunt, salutem consequantur: Hoc enim pugnaret cum ratione & ordine, quem **DEVS** instituit. Orandum est autem, ut infideles ad fidem, & peccatores ad pœnitentiam conuertantur, & mundo eiusdemque vanitatibus dediti mundo moriantur, & ita tandem salui fiant. Et hoc sensu **CHRISTVS** mundanos & infideles à sua oratione nequaquā exclusit; Exclusit autem hæc enustantum, quatenus in sua infidelitate, aut mundana vanitate perseuerarent. Pro iustis ergo orandum est, ut in iustitia perseuerantes salui fiant,

Quo animo orandum sit pro mundanis vel infidelibus ut salui fiant.

pro peccatoribus autem & infidelibus & mundanis, ut mundo spreto, peccatoque & infidelitate abiecta, ad DEVM ex animo conuertantur, & per eiusmodi conuersionem vitam æternam consequantur.

AD alterum confectariū, quod ex allata argumenti solutione inferebatur, eodem modo respondendum est, quo iam respoſum est ad primum. Nam si cui DEVS patefaceret, sese velle ipsum absolute, nullius prorsus boni vel mali operis habita ratione, ad infernum detrudere, (id quod nunquā fecit neq; vnquam facturus est) præscitus eiusmodi pœnā deprecari non deberet, ne videlicet Dei voluntati sese opponeret; Si aut non absolute se id velle indicaret, sed ea tantum lege & conditione, nisi vitam & mores corrigeret, vel à peccatis desisteret; Quemadmodum per scripturas iam olim id reuelauit, & quotidie per suos ministros inculcare non desinit, pro se utiq; orare deberet. Constat ergo pro præscitis & incorrigibilibus orandū esse, nisi omnib. modis sint incorrigibiles, quod in hac vita locū non habet: Quamdiu enim decurrit præsens hæc vita, correctionem sperare licet. DEVS enim viuētib. non negat suā gratiam & misericordiam, modò faciāt quod in se est; adeoq; pro omnibus orandum est, etiam pro pessimis. Verū post hanc vitam, si adsit peccatum mortale, nulla speranda est correctio.

CVM verò inter progrediendum allegatur, Ecclesiam pro paganis, hæreticis, excōmunicatis, &c. orare non solere, id allegatur, quod aperte falsum est; Ecclesia enim pro omnibus viuētib. orat, cuiuscunq; demum status, ordinis, sectæ, aut conditionis illi fuerint. Nouit em̃, Christum pro omnibus mortuum esse, Deum item velle, omnes saluos fieri, & ad agnitionē veritatis venire: Neque ignorat, Apostolum pro omni hominum genere orationes, postulationes & obsecrationes indixisse, eundēq; fideles cōiuges, ne infideles deserant, si qua conuersionis spes est, fideliter admonuisse, Fatendum est tamen, & fateamur libenter, Ecclesiā propter graues causas pro excōmunicatis, hæreticis, paganis, catechumenis, & Iudæis, publicè ordinariè non orare; verū aliud est, simpliciter pro hoc vel illo non orare, aliud palàm non orare. Certum est enim, non solum publicas preces efficaces apud DEVM esse, verum etiam priuatas. Orat proinde Ecclesia pro omnibus salutis quouis modo capacibus, etli non pro omnibus publicè.

AD

In hac mortali vita nemo absolute incorrigibilis, adeoque pro omnibus viuētib. orandum est.

1. Tim. 2.

1. Cor. 7.

Ecclesia pro omnib. hominib. orat, sed nō pro omnib. publicè.

Ad tertium respondetur, potestatem occidendi hostem in bello iusto, legem, qua pro proximo orare obligor, nequaquam infirmare: siue enim propria auctoritate legitimum bellum administro, siue sub legitimo duce stipendia facio, si alia ratione ius meum obtinere, aut ad scopum mihi præfixum peruenire non valeo, iure contumaci hosti, vitam adimo. Sed interim non solum desiderare, sed si tempus suppetit, orare quoq; debeo, vt de iniustitia sua poenitentiam agat, ne secundum vtrumque hominem simul pereat. Quod si resipiscere, suumque peccatum agnoscere & detestari non voluerit, non occidentium sed suam culpam perit: Debebat enim ab iniusto bello desistere, vel certè de iniustitia sua poenitentiam agere. Idem de illis statuatur, qui cum moderamine inculpatae tutelæ latrones vel quoscunque inuasores vel oppressores fortè occidunt.

Quomodo citra peccatum hostis in bello iusto perimere ceat, etiam si illum interiturum certò constet.

Ad vltimum dicitur, imprecationes illas, quas viri sancti in obstinatos peccatores, coniuratosque DEI hostes interdum depromere videntur, quasdam futurorum euentuum denunciationes esse veriùs quàm absolutas imprecationes. Quod enim ad illorum mentem attinet, idem est confundantur, pereant, mendicent, gladio consumantur, &c. quod confundentur, peribunt, mendicabunt, gladio consumantur. Quod si veræ rationis orationes vel imprecationes sunt, vt quidam non improbabiler defendunt, non tendunt in sceleratorum perniciem, sed salutem. Etenim cum ad eum improbitatis statum adducti sunt, vt nullis amplius admonitionibus acquiescant, Sancti imprecantur illis varij generis flagella, quò per hæc admoniti & excitati ad se redeant, Deumq; ex animo querant, ac ita salui tandem fiant. Vnde secundum Augustinum Prophetæ & alij sancti perfectique viri non imprecantur DEI inimicis mala, vt homines sunt; sed vt impij, omnisque equitatis & honestatis inimici sunt. Optant, inquam, illis, vt pereant quatenus tales sunt, vel quod in idem redit, optant vt impietate abiecta tales esse desinant, Dei que amici fiant. Est itaq; pro omnibus orandum, pro bonis videlicet & malis, pro amicis & inimicis, pro fidelibus & infidelibus, pro Catholicis & Hæreticis, pro domesticis & peregrinis, pro Magistratibus & subditis: Siquidem hi omnes ex charitate sunt diligendi; non est tamen par vel æqua ratio vel obligatio pro omnibus orandi. Nam vt charitas non est

Quo sensu accipiendæ sunt imprecationes Sanctiorum, quæ in scripturis passim obuiæ sunt.

expers ordinis, ita neque oratio quoque. Verùm de iis, pro quibus orandum, satis.

Quid interorandum petendum sit, quidue honestè & licitè peti possit.

CAPVT XIII. ET POSTREMVM.

PORRO autem quid à Deo petendum sit, honestèue peti possit, id ex orationis definitione, quam Damascenus assignat, planum euadit; docet is autem aliud nihil esse orare, quàm decentia à Deo petere. Cæterum decentia omnia, quæ sub iustam petitionem quauis ratione cadunt, communi quadam ratione ad duo capita referri possunt: puta ad mali depulsionem, & boni adeptionem: siquidem duabus hisce rebus perfecta beatitudo cōtineri videtur. Vbi enim abest omne malum, & adest omne bonum, ibi nulla infelicitatis superest portio.

BONVM autem, quod quidem ad nostrum institutum attinet, est bipertitum. Alterū simpliciter & per se eiusmodi est; alterum secundum quid tale est. Hoc bonum & malum vsum admittit; illud bonum tantum. Ad hoc bonorum genus spectat peccatorum remissio, vita æterna, fides, spes, charitas, cæteraq; virtutes. Ad illud omnia naturalia; siue ea sint interna animæ vel corporis bona, ut sunt agilitas, fortitudo, pulchritudo, ingenij perspicacitas, ciuilis vel politica prudentia, rerum naturalium vel transnaturalium scientia; siue externa, ut sunt amicitia, diuitia, liberi, Magistratus, dignitates, principatus, principum gratia, & cætera fortune bona. Pertinent ad hoc genus quoque supernaturalia per se non sanctificantia, quæ alio nomine appellari solent gratia gratis datæ, ut est donum linguarum, interpretatio sermonum, gratia sanitatum, donum miraculorum & prophetia, aliæque eiusmodi complura. Hæc petere licet, sed non absolutè, verùm quatenus ad ea sunt utilia, vel necessaria, quæ per se simpliciter sunt bona, quæ proinde absolutè petere fas est.

ET quia oppositorum æqua ferè est ratio vnæque tractatio, ut duplicis ordinis & rationis est bonum, ita duplicis quoq; generis est malum: Alterum simpliciter, alterum secundum quid est tale; hoc

Omnia quæ honestè petuntur, ad duo capita referri possunt.

Bonum, quod iustè petitur, generatim est bipertitum, absolutè tale, & secundum quid eiusmodi.

Duplicis generis & ordinis malum est, simpliciter nimirum & secundum quid.

hoc medium, illud absolutè malum appellare licet. Absolutè malum est malum culpe. Hoc enim secūdum se bonum vsum habere non potest; quippe quod à summo bono, quod DEVS est, simpliciter abducatur, & ad Diabolum æternamque damnationem rectè adducat, cuius proinde depulsio absolutè petenda est. Secundū quid malū, est malum pœnæ: siue id proueniat ex primogenio vel alio quocunq; peccato, siue infligatur à Deo, siue illo permittente irrogetur à Diabolo, siue vndecunq; aliunde adueniat. Pertinent huc quoque cuiuscunque generis tentationes. Et quoniam hoc malum bonum & malū vsum recipit (tentationes namq; & cætera vitæ huius incommoda aliis proficiunt ad mortem, aliis ad vitam) eius depulsionem hætenus expetere licet, quatenus salutem expediat. At iam de singulis pauca quædam scorsum.

QVOD igitur vitam æternam, fidem, spem, charitatem, aliâq; his cognata absolutè petere liceat, id clarè constat ex oratione Dominica; simpliciter hîc enim petimus: *Sanctificetur nomen tuum: adueniat regnum tuum, fiat voluntas tua, &c.* Constat idem rursus ex multis aliis scripturæ locis; legimus hîc enim: *Ostende nobis Domine faciem tuam, & salui erimus. Dirige me in semita recta*, plurimâque id genus alia. Constat tandem ex perpetua Ecclesiæ praxi: Omnipotens, orat illa, sempiternæ DEVS, da nobis fidei, spei, & charitatis augmentum¹, & vt mereamur assequi quod promittis, fac nos amare quod præcipis. Item: DEVS virtutum, cuius est totū quod est optimum, insere pectoribus nostris amorem tui nominis: & præsta in nobis religionis augmentū, vt quæ sunt bona nutrias, ac pietatis studio, quæ sunt nutrita, custodias. Mitto alias, sunt enim plures, quàm quæ hoc loco commodè referri queant, aut referri debeant. De absolutè malis par est ratio. Licet enim horum depulsionem æquè absolutè petere, atque absolutè bonorum ademptionem; neque hoc vllus in dubium vocat.

QVOD ea rursus, quæ ad præsentem hanc vitam sustentandam necessaria habentur, citra noxam petere liceat, id in iisdem illis fontibus pari claritate lucet. Etenim vt in oratione Dominica legimus: *Fiat voluntas tua, Dimitte nobis debita nostra, &c.* ita in eadem quoque legimus, *panem nostrum quotidianum da nobis hodie*. Rursus vt per scripturas edocti oramus: *Ostende nobis Domine misericordiam tuam, adauge nobis fidem &c.* ita oramus quoque; *visui*

Matth. 6.

Psal. 79.

Psal. 26.

Psal. 50.

Matth. 6.

Psal. 84.

Luc. 17.

Prouerb. 30.

tribue

Ea omnia à Deo
licet petere, quæ
citra peccatum
licet desiderare.

meo tribue necessaria. Denique ut Ecclesia à Deo petit fidem, spem, charitatem; ita eadem quoque petit pluuiam, serenitatem, salutem, temporalium abundantiam, pacem, tranquillitatem, &c. Adhæc communi Theologorum sententia ea omnia licet petere, quæ citra peccatum licet desiderare, cum aliud nihil sit oratio, quam interni desiderij interpretis; atqui animæ & corporis commoda, & quæ sunt his annexa, citra peccatum desiderare licet: ergo etiam petere.

Ea, citra quæ præ-
sens hæc vita cõ-
sistere non potest,
absolutè petere
licet.

Denique ea inculpatè desiderare & petere licet, sine quibus ad scopum vel terminum præfixum, hoc est, ad vitam æternam peruenire nemo valet. Ad terminum autem contendimus per viam; at via est præsens hæc vita (quare etiam viatorum appellationem sortimur) porro autem præsens hæc vita absque cibo & potu cæterisque, quæ horum nominibus continentur, transigi nullo modo potest. Quamobrem totum illud, citra quod humanæ vitæ infirmitas consistere non potest, petere licet; imò vnumquemlibet petere oportet; quippe cum hoc ipsum quoque citra Dei auxilium obtineri non queat. Petuntur hæc tamen non propter se, sed propter aliud: Quemadmodum, verbi gratia, medicina propter sanitatem, & cætera vtilia propter honestum aliquem finem.

Rom. 8.

Matth. 26.

Matth. 6.

2. Cor. 12.

Matth. 20.

Tandem quòd media illa bona & mala, siue ea corporis fuerunt, siue animæ, siue fortunæ, absolutè expetere aut deprecari non conueniat; sed eatenus tantum, quatenus ad salutem est vtile, vel necessarium, patet; quia licet horum absentia vel præsentia prodesse queat, potest tamen interdum quoque obesse. Cum ergo sæpe nobis incertum sit, (quid enim oremus sicut oportet, nescimus) profuturane sint an obfutura, consultè Christi quoque exemplo & doctrinæ consentaneè faciemus, si rem totam in Dei voluntatem reiecerimus, cum ipso dicentes: *Verumtamen non mea, sed tua voluntas fiat, vel, ut habemus in oratione Dominica: Fiat voluntas tua, sicut in celo & in terra.* Nam & Paulus liberationem à carnis stimulo & Sathana colaphizante vrgebat, quæ tamen liberatio saluti illius non expediebat, & filij Zebedæi sessionem ad dexteram & sinistram ambiebant, quæ ex illorum re non erat, eo saltem sensu & modo, quo illi eam petebant. Quare iustam quoque reprehensionem incurrerunt.

QVÆ hæcenus exposita sunt, ea ostendunt non quarumlibet moralium virtutum vsum à quibusvis promiscuè rectè semper peti. Constat namque, quasdam id genus virtutes esse, quarum actus citra corporis vel fortunæ bona absolutè constare non possunt. Si ergo corporis vel fortunæ bona absolutè petenda non sunt, vt ostensum est paulò antè, neque illæ quoque virtutes secundùm actus exercitium absolutè expetendæ erunt, quæ sine illis bonis constare nequeunt. Tales virtutes sunt liberalitas, munificentia, bellica fortitudo, castitas coniugalis, & aliæ id genus complures. Dixerim nõ à quibusvis promiscuè rectè peti absolute; nam si quis actu dives & avarus est, non peccat, si liberalitatis donum absolutè petat. Sic quoque intemperans coniugatus non malè facit, si coniugalis castimonix gratiam absolutè à DEO petit. Idem statuatur de reliquis similibus.

Non omnium
moralium virtu-
tum vsus rectè
semper petitur,

SEQVITVR hinc etiam, superflua vel ad quotidianum vitæ vsum non necessaria petere, secundùm se nefas non esse. Nam & licitum est, diuitias habere, & meritorium est, eas in pauperes vel alias pias causas, puta in diuini cultus amplificationem, in captiuorum redemptionem, in pauperum puellarum dotem, in fidei defensionem, aliâque eiusmodi erogare. Est tamen eiusmodi superuacaneorum petitio, tametsi cõditionata, qualis omnino esse debet, periculosa; notum est enim illud Salomonis: *Mendicitatem & diuitias ne dederis mihi, ne fortè saturatus alliciar à negandum, & dicam, vbi est Dominus?* Et illud rursus Prophetæ Regij: *Melius est modicum iusto, super diuitias peccatorum multas.* Et illud tandem CHRISTI: *Facilius est Camelum intrare per foramen acus, quàm diuitem in regnum cælorum.* Idem diuitias appellat spinas, quòd diuitis mentem distrahant, variis curis & cogitationibus animum eiusdem discerpant & quasi conuulnerent.

Prouerb. 30.

Psalm. 16.

Matth. 19.

Luc. 18.

Marc. 10.

Matth. 13.

Marc. 14.

DICIS: CHRISTVS Dominus omnia vitæ necessaria vltro iis obuentura promittit, qui regnum cælorum ex animo quasifierint; ergo nullum est operæ precium, temporaria inquirere, aut eorundem causa DEVM interpellare? Responso est, CHRISTVM temporariorum bonorum inquisitionem aut petitionem non inhibere; inhibere autem nimis anxiam de eiusmodi rebus curam & sollicitudinem; ait enim: *Nolite solliciti esse dicentes, quid manducabimus, aut quid bibemus, aut quo operiemur? Ille enim omnia inquirunt gētes.*

Lucæ 8.

Matth 6.
Christus Domi-
nus temporariorū
curam aut con-
quisitionem nō
prohibet, prohibet
autem curā
de iis rebus ni-
mis anxiam,

Scit enim pater vester, quia his omnibus indigetis. Quod autem illorum petitionem aut conquisitionem absolutē non prohibeat, planum est ex ipso literē cōtextu: Siquidem hoc ipso, quod monet, primò querendum esse regnum cœlorum eiusdemque iustitiam, apertè insinuat, secundariò ea quoque petere & conquirere licere, quæ ad iter illud conficiendum, quod ad cœleste regnum ducit, sunt necessaria; cuiusmodi inter cœtera, vt CHRISTVS ipse loco allegato non dissimulat, sunt victus & amictus; subdit namque: Scit enim pater vester, quia his omnibus indigetis. Quod si his indigemus; petere ergo inculpatè possumus: Nam quicquid ad hanc vel illam vitam est necessarium, hoc omni iure expetere fas est. Denique iubemur orare; *panem nostrum quotidianum da nobis hodie*; panis autem quotidiani nomine ea omnia complectitur Dominus, quibus præsens hæc vita sustentatur.

Cur Dominus
inhibeat curam
de rebus ad vitæ
sustentaculū ne-
cessariis nimis
anxiam,

NON prohibet ergo rerum temporalium inquisitionem, sed nimiam de eiusmodi rebus sollicitudinē, & hoc meritò: siquidem nimia illa sollicitudo & anxietas perturbat quietū animæ statum, munit certam ad multa vitia & peccata viam. Vix enim à fraudibus, dolis, & aliis iniustitiæ partibus abstinent, qui opibus congerendis tātò opere inhiant. Ad hæc cū motus ad terrena & cœlestia sint planè oppositi: quò terrenorum studium magis intēditur, eò cœlestium desiderium magis remittitur. Deniq; animus terrenis immerfus & à cœlestibus prorsus seuocatus, in omne peccati genus præceps fertur: id quod Apostolus eo ipso clarè indicat, quòd auaritiā omnium vitiorum radicem appellat, eandemque idolatriæ nomine designat.

1. Tim. 6.
Ephes. 5.

Citra conditio-
nē nullius mor-
tem optare, aut
desiderare licet.

Ex prædictis colligi quoq; potest, quando, quæue ratione aut modo suam vel alterius mortem desiderare vel petere liceat. Etenim si magnæ & iustæ huius desiderij vel petitionis extant causæ, vel quæ tales esse videntur, adhibita ea conditione, de qua paulò antè diximus, puta si DEO ita visum fuerit, vel si morituri salutē id expediuerit, citra peccatum, suam vel alterius mortem optare vel petere licebit. Ea autem conditione seclusa, etiamsi appareant aliquæ causæ, quæ id petere vel desiderare fas esse aliquatenus persuadeant, nequaquā id optare, aut petere fas fuerit. exemplo vno aut altero id declaro.

Est quispiam bene sibi conscius, metuit, ne in eo mentis statu diu persistat, non peccat, si cum Paulo prius dissolui cupiat, & esse cum CHRISTO; quā denuo in DEI offensam cadat. Sic audio aliquem plurima damna Ecclesię vel Reip. inferre, vel quia Tyrannus est, vel quia pertinax & inquietus hæreticus est; peto si nunquam ad sanam mentem est rediturus, sed mala malis peccatāque peccatis semper additurus, ut DEVS illum è medio tollat, ne vel pluribus sceleribus miseram animam suam oneret, vel pluribus quoq; noceat, nihil ea petitione charitati dissentaneum designo.

Nō peccant, qui prius mori, quam Deum offendāt, exoptant.

Ad eundem modum cognosco aliquem lubricum peccatisq; assuetum, hoc tamen tempore verè ad DEVM conuersum, nullum scelus cōmitto, si orauero, ut DEVS prius illum hinc ad se euocet, quā denuo in pristinas sordes recidat. Denique quia probabile fit, infantes, qui apud hæreticos vel schismaticos nascuntur & renascuntur, omnino perituros, si apud illos adoleuerint, vitęque finem fecerint, nō pecco, sed salutem illorum consultū cupio, si ante rationis vsuram hinc abripi desidero vel peto. Nullo tamē modo, si de DEI voluntate certò non constat, ut communiter de ea constare non solet, ad eorum interuersionem consilium dare licet, multò verò minùs auxilium. Hoc enim facere aliud nihil esset, quā DEI auctoritatem sibi sumere, & vniuersam Remp. Christianam turbis & infantium cædibus implere.

Nullo modo ad inuentionis moriē cooperari licet.

DENIQUE ut capiti huic totique libro finem tandem imponam, nunquam ea desiderare, aut petere licet, quibus bene uti nullus mortalium valet: qualia sunt peccata, vel quæ peccatum adiunctum habent. Nunquam proinde petere licet priuatam de inimicis vindictam, ex iniusto bello victoriam, vires ad opprimendum pauperem, vel alios quoscunque infantes, occasionem vel potestatem committendi adulterium, vel aliud quodcunque flagitium. Et ut hæc aliāque similia à DEO petere non licet, ita nefas quoque est, auxilium ad eiusmodi perpetranda ab illo efflagitare. Velle enim ut DEVS cuicunque peccato patrocinetur, aliud nihil est, quā velle illum peccati auctorem efficere, quod impium est planissimè.

Nunquā ea desiderare, aut petere licet, quibus nemo mortalium rectè uti potest.

HÆC ergo de iis, quæ inter orandum petere licet, vel non licet breuiter: Nam accurata eius rei tractatio pertinet ad Dominicę orationis explicationem, quam bonis de causis hic attingere

Lucæ 6.

Lucæ 18.

non lubuit. CHRISTVS Dominus, qui nostri causa totas sæpe noctes in oratione transegit, semperq; orandum esse docuit, feruida orationis, veræque deuotionis & humilitatis spiritum pro sua immensa clementia nobis impertiatur. Idemque in omnem æternitatem ab omnibus laudetur, piæque & religiosè inuocetur, AMEN.

ET SI per CHRISTI gratiam confidam, nihil his libris, quod orthodoxa fidei, aut sacris moribus quouis modo aduersetur, contineri; attamen, quia homo sum & labi possum, si quid fortè eiusmodi vel in hisce, vel in aliis quibuscunque libris, tractatibus, aut disputationibus, quas unquam edidi, extaret, hoc totum nunc & in omne deinceps auum Romane Ecclesie, omniumq; rectius sentientium correctioni, censura, atque iudicio toto animo submitto. Absit enim à me, ut aliquid obstinatè defendam, aut prudens in lucem edam; quod Catholica fidei, in qua natus, & in hunc usque diem religiosè constanterque educatus sum, quauis via aut ratione contraheniat.

Hunc librum de Eleemosyna, Ieiunio, & Oratione Catholicum & doctum esse censeo, adeoque typis dignissimum.

BARTHOLOMÆVS VISCHERVS
Theologiae Doctor, & eiusdem
facultatis pro tempore Decanus
in Academia Ingolstadiana.

RERVM LOCORVM QVE ILLVSTRIORVM TO- TIVS OPERIS INDEX.

A.

Abdicatio.

CHRISTVM rerū abdicationem
suasisse & usurpasse. 107
Rem magni apud Deum meriti esse
spontē propter Christum ab omni-
bus sese abdicare. 108
Christum Dominum ab omnibus exi-
gere quandam abdicationē. *ibid.*

Absolvere.

Non omnes, qui in foro penitentiæ ab-
solvunt, legitimè et rectè semp ab-
solvere. 49

Abstinentia.

Varias abstinentiæ causas, diversosq;
abstinentium fines esse. 131

Abstinentiam à carnibus præmium
mereri. *ibid.*

Eadē p peccatis satisfactoriā esse. 150

Admirabilem Abbatis Hilarionis, et
aliorum quorundam Monachorū
abstinentiam extitisse. 153

Paganos suas quoq; abstinentias et ie-
iunationes habuisse. 154

Abstinentiam conferre valetudini,
& vitæ diuturnitati. 166

Multum interesse inter Iudæorum &
Christianorum abstinentiā. 164

Admirabiles ieiuniorum & absti-
nentiæ vires esse. 166. 226

Abstinentiam tantam esse non debe-
re, ut corpori vel animo detri-
mentum adferat. 167

Nonatores citra rationē ieiunium &
abstinentiam confundere. 225

Legem abstinentiæ obligare omnes,
ubique & semper; ieiunium autē
nec omnes, nec semper. *ibid.*

Regulam abstinentiæ humana ratio-
ne constare, legem autem seu regu-
lam ieiunij voluntate diuina, per
Ecclesiam nobis patefacta. 225

Abstinentiæ & ieiunij fines diuer-
sos esse. 226

Moralē abstinentiā nō sat esse ad debel-
landam carnis concupiscentiā. 227

Scripturas inter ieiunium et abstine-
ntiam manifestè secernere. 235

Mediocrē abstinentiā vitia producere
et valetudinem conservare. *ibid.*

Abstinerē.

Omni ætate & tempore ab aliquibus
semper abstinentum esse. 140

Græcos plerosq; etiamnum à sanguine
& suffocato abstinerē. 144

Danielis & sociorum eiūdem absti-
nentiā commendatur. 146

Iustam abstinentiā ab aliquibus causam
scandali evitacionē offerre. 148

Permultos in primitiua Ecclesia non
modò à sanguine & suffocato, re-
rum etiā à carnib; abstinentiis. 149

Quo sensu abstinentiū à carnibus, *ibid.*

Alio sensu et mēte barefi mibutos, alio
Catholicos à carnib; abstinerē. 150

Danielem eiusdemq; socios non solum
ab illicitis abstinuiffe, verum et-
iam ieiunasse. 152

Ve ab iis omnibus abstinentum est,
esto secundum se mala nō sint, quæ
corpus lædūt, ita etiam ab iis, quæ
animam offendere nata sunt. 163

Cur Christiani statim tēporibus à qui-
busdam escis abstineant? 164

Christianos quondam non modò à car-
nibus, verum à quibusdam quoq;
terræ fructibus in QVADRAGE-
SIMA abstinuiffe. 171

Beluas et bruta animātia naturæ du-
ctu à quibusdā quādoq; abstinerere,
à quibus aliās non abstinent. 318

Actus.

Actum quempiam non ideo non esse
studiosum, quòd aliò referatur, ad-
eodē nō propter se, sed propter aliud
exerceatur. 305

Ecclesiam de afflictibus merè internis nō
iudicare, neq; leges ferre, sed neq;
iudicare aut ferre quoq; posse. 429

Adāmus.

Adāmū multa postcris credenda, faci-
enda, et observanda tradidisse, quorū
scripturæ non meminerunt. 285

Adamum maiore libertate potitum
in paradiso, quā in iustissimus quis-
que in hoc saculo. 308

Adelphius.

Adelphij error de orationis virtu-
te. 443

Adiuratio.

Non licet dæmones adiurare per mo-
dum deprecationis. 521

Adultus.

Adulto citra orationem salutem or-
dinariè non contingere. 457

Æger.

Satius esse aliquid ab ægro impetrare,
quā omnino nihil. 173

Ærius.

Cuiusmodi fuerint Æriani. 151

Æquinoctium.

Cur circa æquinoctia & solstitia tri-
duo in Ecclesia ieiunetur. 219

Ætas.

D. Basilij & Bernardi ætate nullum
sexum, nullā ætatem, nullum ho-
minum statum à ieiunij lege gene-
ratim exemptum fuisse. 252

Ultima mundi ætate, magna planeq;
illustra humano generi beneficia
collata esse. 471

Afflictio.

Deum, cum Iudaico populo afflictionē
indicebat, nō ipsam per se afflictio-
nem indixisse, sed opera crucem &
molestiam eieci nata. 185

Iudaos afflictionis vocabulū prapo-
sterè & crassè usurpasse. 186

Alcibiades.

Cur Alcibiades ab Attalo reprehen-
sus fuerit. 171

Alcibiadem per errorem à carnibus
abstinuisse. ibid.

Abalienare.

Maiestatis reos & pueros abalienandi
ius non habere, & cur ita. 55

Alienum.

Ex alienis extrema inopia pssum sub-
leuare nō licere, si adsint ppria. 41

Qui

INDEX.

Qui ex propriis non potest, ex alienis
extremè miseris opẽ ferre posse. 56
Non licere alienum mutare, si pro-
prium adsit, quo extremam inopiã
subleues. 57

Alimentum, quare Cibus.

Amor.

Non minùs nos obligari amare nos se-
cundùm animam,quàm secundùm
corpus. 458

Anathema.

Anathema ab Apostolis in illos de-
cretum, qui citra causam ieiunium
soluerent. 296

Nemini ob peccatum, lethali minus, a-
nathema imponi debere, nec iure
quoque imponi posse, nulli rursus
nisi contumaci. 271

Ancilla.

Ancillis & famulis minuta quadam
Dominis inconsultis in elemosy-
nam erogare licere. 59

Angelus.

Angelos singulorũ ieiunãtium capita
describere et observare. 209. 310

Pro humani generis salute orãt, præ-
cipuè verò pro iis, quorum curam
gerunt. 508

Quicquid ad precatoris rationem de-
poscitur, hoc totum in Angelis cõ-
peritur. ibid.

Sui quoq; causa preces offerunt. ibid.

Quo sensu & modo mortalium preces
Deo offerant. 523

Mortalium lapsus et penitentias illis
esse compertas. 536

Animæ.

Anima in purgatorio detentæ pro se
orant. 504

Nõ solum Dei clementiã, sed aliorum
quoq; intercessiõne implorant. ibid.
Annus.

Toto anno ieiunare licere. 210

Apostolus.

Apostolum Paulum pro fidelium, a-
pud quos agebat, diuersitate, modò
piorũ elemosyna, modò manuum
labore se sustentasse. 102

Brumale ieiunium, et illud item, quod
post festũ pentecostes celebratur, ab
Apostolis institutum fuisse. 215

Apostolos vniuersamq; Ecclesiam in-
iuria afficere, qui ieiunia plus in-
commodi quàm commodi adferre
dicunt. 313

Apostolos certa orãdi tempora obser-
uasse, et ea ferè, quæ etiam nunc in
Ecclesia vsus obtinent. 463

Approbare.

Quod ad omnes pertinet, ab omnibus
approbari debere. 66

Aqua.

Aquæ potum plerisq; parum gratum
esse. 172

Aquæ potu vitam tolerantes, alienis
pedibus, aut manibus nõ indigere.

Hoc notent PODAGRICI. 319

Arbitrium.

Liberũ arbitriũ aquè de hominis ra-
tione esse atq; mentem ipsam. 450

Libero arbitrio è medio sublato, nul-
lam cõsistere posse humanam acliõ-
nem, adeoq; nullam rationem me-
riti, aut premiij. 451

Arbor.

Arbor.

Qualis arbor, talis fructus. 14

Ars.

Artem artium esse sacrarietate tractare
& administrare. 467

Attentio.

Veræ rationis orationem deposcere at-
tentionem. 424

Non modò præceptam sed liberã quog
orationem attentionem exigere, vt
citra peccatum fundatur. 425

Maiestatis Domini offendere, qui ad
orationem non attendit. 426

Triplicem extare attentionem actua-
lem nimirum, virtuales, et habi-
tualem, et triplex iidem attentionis
obiectum. ibidem.

Orationem omni prorsus attentione
defectuantem, auctorem suum certa
noxæ inuoluere. 426

Attentionem ad verba obligatorie
orationis hactenus esse necessariã,
quatenus ea ritè integreque esserant-
tur. 427

Liberam orationem nõ tantam exige-
re attentionem vt verba ritè pro-
feratur, quãtam obligatoria. ibid.

Attentionem ad verborum sensum
utilem esse, necessariam tamen
non esse, ne in obligatoria quidem
oratione. 428

Actualem attentionem per totam ora-
tionem, neque necessariam, neque hu-
manæ imbecillitati possibilem es-
se. 429

Quod citra ullam attentionem recita-
tur, id vt legi satisfiat, repetendum,

tanquam non recitatum. 431

Ad nullũ communem orationis fructũ
continuum actualem attentionem
necessariam esse. 432

Spiritualem deuotionem, quam oratio
fundere solet, actualem attentionem
poscere. 432

Non sat esse, habituales attentionem
ad orationem adferre. ibid.

Actualem attentionem in orationis
exordio necessariam esse. 433

Virtuales attentionem ad obtinen-
dum communem orationis effectũ
sat esse. ibid.

Quousque se porrigat virtualis atten-
tio. ibid.

Præuati orantes, si experiantur no-
biles aliquos conceptus, posse ora-
tionis cursum aliquantisper inter-
mittere. 433

Aliquot saluberrima remedia ad cõ-
parandam & retinendam in ora-
tione attentionem. 434

Quod maiora sunt, quæ per orationem
obtinere satagimus, eò maiorem ad-
hibendam esse attentionem. 435

B.

Beatitudo cœlestis.

Ad cœlestem beatitudinem bisariam
nos aliquid promouere, per se ni-
mirum & per accidens. 369

Tria esse, quæ a cœlesti gloria et beati-
tudine nos impediunt. 370

Beneficium.

Latandum non legendum, dum be-
neficiũ præstamus. 121

Bonum.

INDEX.

Bonum.

Bonum generatim acceptum bipartitum esse. 22

Id solum ex fluxu fortunæ bonis nos comitaturum, quod in pauperes erogamus. 26

Bona uxor quadrupartita cēseri. 60

Non quævis bona malè parta in quous egenos erogare licere. 67

Bonorum malè partorum non unam aut simplicem rationē esse, sed multiplicem. ibid.

Triplex bonorum malè partorum genus esse. 68

Bona vel res inuentas, quæ nullius certi sunt Domini, & in proprium eò in pauperum quoq; usum converti posse. 74

Quæ certi cuiuspiā Domini suēre, neq; p̄ derelictis adhuc habētur, ea egenis absolutè donare non licere. 74

Non idem esse Spiritum & bonum spiritale; hoc enim diuiduum esse illum nequaquam. 404

Brachmanes.

Brachmanes & Samanæ inter Gymnosophistas celebres. 155

C.

Cædes.

Cædis reos fieri, qui eadem, quam impedire poterant, & debebant, non impediunt. 30

Tot iuris interpretatione hominē occidere, quot in vita conseruare poterat, & non conseruat. 58

Cæremonia.

Cæremoniarum rerumq; sacrarum alias rebus, alias uerbis, alias factis constare. 377

Cuiusmodi cæremonia & gestus inter orandi publicè sint adhibēdi. 379

Diuerſitas rituum et cæremoniarum diuersarum Ecclesiā, index est diuersorū donorū et charismatum, nō diuersæ fidei aut religiōis. 494

Disparitas rituum & cæremoniarū pro locorū & temporū diuersitate, uenustatem parit in Ecclesia uerū, quā deformatatem. 495

Omnes Ecclesiæ in primariis ritib; et cæremoniis conueniunt, maxime uerò quæ sub eadem metropolitana continentur. ibid.

Caietanus.

Caietanū rerum contingentiā nouè planeq; obscurè cum diuina prouidentia conciliare. 452

Canon.

Canonē Concilij Elibertini de ieiunio menstruo subobscurum esse. 97

Canonicus.

Canonicos caterosq; beneficiarios p̄sentes et nō recitātes cadere in p̄nam in non recitantes decreuit. 482

Cantus.

Cantus suauis uocum concentu modulatus apprimè aptus est ad ciendam deuotionem. 484

Quib; carmina et oda accini solēnt. 485

Canere omni hominum generi familiariss. & naturaliss. ibid.

Ætatis huius sectarios in publico cātū Arrianorum emulos esse. 486

*Christum cū Apostolis, Paulum itē et
Silam Deo laudes decantasse. 489*
Angelos alternis Deo laudem decan-
tare. 491

*A temporib. Apostolorum Ecclesiam
choros egisse, alternisq; cecinisse. ibi.*
Alternis canere nō humanum cōmen-
tum, sed cœleste institutum. ibid.

*Cantus & hymnorum vsus celebris
fuit in Alexandriam Ecclesiæ ex-*
ordio. 492

Varios et miros Ecclesiastici cantus ef-
fectus & fructus. 492

Caput.

Omnia meritoria et satisfactoria ope-
ra ad tria capita referri. 2

Causas ieiunium in totum vel in par-
tem relaxantes, ad tria itidem ca-
pita reduci. 328

Cantores.

*David ingentē cantorū & musicorū
vim in Dei laudem instituit. 488*

Vsus can:orū et musicorū apud vete-
res celeberrimus. ibidem.

Cantica.

*Noui Testamenti Cantica quæ &
quot. 490*

Calamitas.

*Neminē ob id in calamitatem incidisse
aliquando, quod patrimonium in*
egenos liberaliter erogasset. 111

Caro.

Nefas esse humanis carnibus ve-
sci. 137

*Carthusianum si aliud quàm carnes,
quo vescatur, nihil habeat, carni-*
bus vesci obligari. 138

*Non satis cōpertum, eorū ne carnibus
vesci quandoq; liceat, qui in prælio
occubuerunt. ibid.*

Fas non esse, humanis carnibus sacri-
ficare. 138

*Tres doctorum hominum opiniones
de vsu carnū ante diluuium ex-*
tare. 141

*Manducare carnes, aut bibere vinū,
secundū se malum non esse. 141*

*Carnes, & quæ cum his cognationem
habent, aliquem vsum habuisse
ante diluuium. 142*

*Distinctionem inter munda et immū-
da arguere aliquē carniū vsū
ante cataclysmum extitisse. 143*

*Non satis sibi constare, qui carniū
esum ante diluuium obtinuisse ne-*
gant. ibid.

*Insignem luxum, qui diluuium ante-
cessit, carniū & vini vsū ea
etate locum aliquem habuisse, cla-*
rè ostendere. 143

Quid sit comedere carnem cum san-
guine. 144

Carnes carnis vitia nutrire, et ad coi-
tum promovere. 145

Omnium vitiorum fomité & nutri-
mentum carnes esse. 150

*Caseum & oua ē carnibus, tanquam
fructum ex arbore prodire. 151*

*In abstinentia à carnibus non idem
ubique Ambrosij etate observa-*
tum fuisse. 154

*Saturno regnate carnū esum vsū
nullum habuisse. 155*

*Carnes carnem magis saginare, quàm
vini*

- Uini potum.* 172
Saginare carnem, pugilum & porcorum proprium. 228
Toto tempore, quo indictum ieiunium decurrit, carnibus vesci non licere. 180
Ex carnis compressione naturaliter consequi mentis ad Deum elevationem. 233
In cassum carnem teri, si animus à pravis voluptatibus non refranatur. 249
Orationem suapte natura carni molestam esse, & unde hac molestia proveniat. 383
Caupo.
Qui caupones ieiuniorum feriis cibum administrantes grauiter peccant; qui item à peccato excusari videntur que queant. 303
Causa.
Satius esse pauperum causam Deo committere, quam illius causa lites vel turbas ciere. 58
Causidicus.
Causidicorum quorundam ars & praxis. 73
Cassianus.
Quomodo oratio, obsecratio, postulatio, et gratiarum actio inter se differant secundum Cassianum. 351
Censor, quare Iudex.
Census.
Quo fine sacris initiati è sacro censu alantur. 373
Christus.
Christum paupertate in summo perfe-
ctionis gradu complexum esse. 108
Rem esse hominem Christiano apprime dignam, Christi vestigiis insistere. ibi.
Christum nulli delirij aut peccati autorem esse. 109
Certum non esse, Christum unquam mendicasse. 113
Suasisse ea nihilominus & docuisse, unde mendicitas plerumque sequitur, etsi non necessario. 114
Legis decretum circa ciborum delectum religiosè, semper obseruasse. 147
Nullum alimentum genus inhibuisse, sed neque inhibere quoque debuisset. 158
Ad ciborum delectum viam munivisse. 259
Quo sensu à Christo dictum sit; Mauducate, quæ apponuntur vobis. 163
Non omnia, quæ Christus fecit, aut instituit, omnes obligare. 257
Quo sensu Christus ieiunium instituisse, vel præcepisse dicatur. 258
Christum nullum per se ieiunium indicisse, aut præcepisse, dedisse tamen occasionem & auctoritatem, uti indiceretur & præciperetur. (259)
Nullum modo conuenisse, aut salutem nostram expedivisse, ut Christus quodcumque ieiunium per modum absoluti præcepti indiceret. ibid.
Qui cum Christo non ieiunant, indignos esse, qui cum illo triumphent. 300
Christi morem & perfectionem alio & alio modo latitiam & tristitiam excitare. 346
Christi

Christi exemplum vel factum nō habere vim legis, sed tantū consilij, etsi hoc quoq. non semper. 460

Christum toto passionis tempore orationi quantum licuit, intentū fuisse. 473

Christum Dominum circa noctis medium in lucem editum, et vitā post mortem restitutum. 474

Christo conuenit oratio secundum naturam assumptam. 499

Multa erant Christo causae, cur frequenter & ardentius oraret. ibid.

Per Christum patefactus est nobis aditus ad Patrem. ibid.

Christus datus nobis in redemptorem, ducem, & pastorem. 500

Christus sacerdotis et potestatis munus suscebat, & exercebat. ibid.

Christus in iis omnib. exauditus, quae absolute petebat. 501

Quomodo nūc oret in caelo, incertū. ibi.

Non eodem modo nunc orat, quo cū in terris esset. ibid.

Cur Christi more aliorū Sanctorū nō inuocem?, plures graues causae. 506

Cur plerūq. omnes Ecclesiae orationes concludantur, per Dominum nostrum Iesum Christum. 519

An Christus pro praescitis quandoq. orarit. 548

Christianus.

Christianos Dominica passionis memoriam anniuersario ieiunio & lectu celebrare. 256

Charitas.

Virtutum primam & maximam cha-

ritatem esse.

8

Quae cōtra charitatis ordinem donatur, non donari secundum Deū. 9

Inter internos charitatis actus, misericordiam primatum obtinere. 16

Quicquid charitati tribuitur, hoc suo etiam modo misericordiae & elemosynae tribui posse. 17

Charitatem secundum externum effectum nimiam esse posse. 46

Ut malorum omnium mater est cupiditas, ita bonorum omnium matrem esse charitatem. 111

Cibus.

Licere cibum aliaque vitae praesidia iis administrare, quos iudex ad carceralis inediae interitum condemnauit. 79

Cibo indignos esse, qui nihil opis moluntur. 102

Diuino naturaliq. iure alimentis illis deberi, qui Altari vel Euangelio deseruiunt. 103

Non satis certum esse, omnianē simpliciter primo homini in cibum & alimentum indulta fuerint, praeter arboris scientiae boni & mali fructum. 141

Primis Geneseos capitibus nullam, una dumtaxat excepta, escam prohiberi. ibid.

Compertos post Christum & Moysen, quos totos quadraginta dies absque ullo cibo & potu transmittent. 202

In multis escis non deesse infirmitatem. 226

Cibus

Cibos copiosius ingestos & corpus & animam lader. 229
Non esse nouum, cibum aliquem sub mortis pœna interdicti. 310
Cibum hominem nō coinquinare, sed malam voluntatem vel cibi abusum. 161
Ciborum delectus.
Ciborum delectum latius patere, quàm reliquas ieiunij partes. 134
Compertos apud Iudæos, qui immanissimam mortem maluerint subire, quàm quicquam contra ciborum delectum committere. 145
Danieli eiusdemq; sociis obseruatum legalem ciborum delectum incomparabilem sciētiam & sapientiam collatam esse. 147
Tobiam ob ciborum delectum obseruatum & singularem pietatis cultum in libertatem restitutum. *ibid.*
Ciborum delectum vnā cum Ecclesia exortum. 154. *eiusdem esse quoddam partialē ieiunium.*
Ciuitas quære pagus.
Clericus.
Clericos partis beneficij, quæ ad honestam sustentationem omnino necessaria censetur, dominos esse. 65
Sacerdotes ceterosq; omnes, qui clerico ascripti obtinent beneficia vsque adeo tenuia, vt inde se alere vix queant, de vitæ residuo legitimè testari possent. 65. 66
Summa sacerdotes Aegypti continentia & abstinentia exstitisse. 155
Sacerdotes Iouis in Creta à carnibus

abstinere legitimum habuisse. 156
Christianò nomine indignos, qui sacerdotio initiatos spernit, vel in illorum munus sese ingerunt. 265
Tria illustria documenta de honore sacerdotibus impertiendo. 266
Cogitatus. Cogitatio.
Cogitatum rem fluxam & inconstantem esse. 358. *Dæmones circa æterna indicia mortalium cogitatus cognoscere non posse.* 366
Cœna.
Ipsam cœnæ vocabulum, quo Concilia & veteres Theologi videntur, semel tantum ieiuniorum tempore accumbendum esse arguere. 174
Qualia extra cœnam vel prandium saluo ieiunio sumere liceat. 175
Salua ieiunij lege ante & post cœnam vel prandium, modicum quiddam degustare licere. 175
Cœna vel prandij tempus anteuertere fas esse, si iusta causa id exigat. 327
Cœnobium, quære monasterium.
Collegium.
Quid Collegium vel maior Collegij pars ex communibus Collegij bonis in pauperes erogare possit. 66
Comitatus.
Orationem aliarum virtutum comitatum poscere. 420
Comedere, quære Edere.
Condemnatio, quære damnatio.
Concio.
Frequentem in publicis concionibus de orationis viribus mentionem fieri. 381

Conditio.

Orationem impetratoriā quatuor conditiones deponere. 437. *Quæ conditionibus ad impetratoriā orationem necessariis non adhibitis audiuntur, non ex lege, sed ex mera Dei liberalitate audiri.* 442

Confessarius.

Confessariorum praxis in absolvendis penitentibus cuiusmodi passim. 42

Conscientia.

Quòd varia sint cōscientiæ, nullo modo tutum videri, rem arduam & dubiam uniuscuiusque conscientia relinquere. 259

Consuetudo.

Vniuersalem Ecclesiæ consuetudinem vim legis obtinere. 191

Eandem apertè ostendere, orationē mihi prodesse singulis, dum pro multis offertur, quàm dum pro uno solo. 405

Magnam in statuendis & abrogandis legibus cōsuetudinis vim esse. 193

Nullum ieiunium ita firmū, aut stabile esse, quod contraria consuetudine abrogari non queat. 200

In ieiuniis, festis, aliisq; similibus quæ libet loci, in quo versatur, cōsuetudini accommodare se debere. 223

Consuetudinem legi contrariam, contra legislatoris voluntatem inductam legem non infirmare. 273

Nullam omnino cōsuetudinem, quæ per se bona sunt, mala; neque quæ natura sua mala sunt, bona efficere posse. 320

Contingens.

Contingentia ut sunt futura, incerta esse, ut autem præsentia sunt, viliam producta, & certa & secundum quid etiā necessaria sunt. 454

Corpus.

Corporis exercitationem per se solam parum ad salutem conferre. 314

Quo sensu & occasione Apostolus corporis exercitationem ad modicum utilem esse scribat. 315

Creatura.

Et si omnis Dei creatura bona est, non omnem tamen, quæ in cibum vertatur, idoneam esse. 134

Cruce.

Crucem Christi omnis meriti et satisfactionis nostræ basim & fundamentum esse. 2

Cubiculum.

Cur Dominus precaturus secretum cubiculi petere hortetur. 376. *Quid sit mysticè in cubiculo orare.* ibid.

Culpa, quare peccatum.

Cultus.

Cuiusmodi cultus in secliariorum synagogis obtineat. 485

Cyprianus.

Cypriani sententia de tertia, sexta & nona. 474. *Cyprianum oblique exponere omnes horas Canonicas.*

D.

Damnatio. Damnare.

Neminem, nisi propter violatum aliquod præceptum damnari. 29

Damnationem sibi asciscere, qui humana

INDEX.

- mana potestati refistunt. 264
 Damnationem peccatum mortale po-
 nere. ibid.
 Communi Ecclesiae, & bonorum o-
 mnium consuetudini aduersari,
 qui pro damnatis orant, ut à ve-
 nialium peccatorum debito absol-
 uantur. 396
 Damnum.
 Plus damni ciuitatibus inferre dolo-
 sos mercatores, quàm fictos paupe-
 res. 89
 Damnati.
 Par ferè ratio in omnibus, demonum
 & damnatorum. 504
 Debitum.
 Non idem videri indicium de debito
 penali & pecuniario, quantum ad
 hoc ut vnus iustè pro altero satis-
 faciat. 401
 Deus.
 Deo neminem par reddere posse. 341
 Se suaq; omnia Deo consecrare, altum
 esse maxime heroicum. 110
 Emotæ mentis esse dicere, Deum illa
 solum probare, quæ ipse mandat
 vel ordinat. 157
 Ut Deus ad hominum ministerium
 homini confert vitam; ita ad eo-
 rûdem obsequium, quibusdam in-
 ferre mortem. 292
 Deum secundùm se conceptum animû
 recreare, conceptum autem ut ab-
 sens est, amâti animo maiorem pa-
 tere. 345
 Deum ibi magis esse rectè dici, ubi pe-
 culariùs operatur. 378
 Apis verbis grauibûsque sententiis
 cum Deo agendum esse. 428
 Denm rogaturus consideret, quis sit
 merito vel peccato, ordine vel
 professione, vel singulari Dei be-
 neficio. 434. Alio fine & animo
 Deum, alio hominem rogari. 445.
 Quod Deus non in se, quod com-
 minatus fuerat, euentu ipso osten-
 dere, comminationem suam non
 fuisse absolutam, sed conditiona-
 tam. 447
 Deo summa, quæ humana voce exhi-
 beri potest, laus debetur. 484
 Deus communiter non vult finem ci-
 tra ordinaria media. 506
 Cur per minores minisue, illustres
 Sanctos maiora plerunque mira-
 cula edat. 507
 Quo sensu Deus non exaudit pecca-
 tores. 510
 Quo sensu Deus modò in hanc, modò
 in illam sententiam flecti dica-
 tur. 511
 Deus dupliciter aliquid vult, absolu-
 tè & conditionatè: hoc velle non
 semper impletur, illud semper. 514
 Dei scientia rei naturam non mu-
 tat. 515
 Deus ut sua nobis dona imperiat, ro-
 gari vult. 515
 Seipso beat & beatus est. 516
 Deus Pater.
 Quo sensu auctoritas ponatur in pa-
 tre. 498
 Pater in diuinis est nomen essentiale
 & personale, 518
 Cur

RERVM ILLVSTRIORVM

Cur veteres familiarius inuocauerint
seorsum Patrem, vel Filium,
quàm Spiritum sanctum. *ibid.*

Deuotio.

Quid propriè deuotio. 341

Duas eiusdem extare causas, inter-
nam vnã, externam alterã. *ibid.*

Quid facere debeat, qui deuotionis gra-
tiam consequi desiderat. 342

Amorem acueri & excitare deuo-
tionem. *ibid.*

Deuotionem deposcere meditationem. 343

Cur sensibus obiecta magis plerunque
moueant ad pietatem & deuotio-
nem, quàm abstracta & spirita-
lia. 344

Deuotionem lætitiã simul & tristi-
tiam parere; sed alia & alia dra-
tione. 345. Contemplationem nõ
solum internam deuotionem, sed
externas quoq; lacrimas excita-
re. 346. Deuotionem & feriorẽ
orationem vegetare, eiusdemque
robur augere. 421. Per multas
esse causas, quæ primarias deuo-
tionis causas plurimum adiu-
uant. 423

Deuotus.

Vnde proueniat, quod rudes, debiles,
obscuri & infortunati magis ple-
runq; sint deuoti, quàm ingeniosi,
validi, illustres, aut fortunati. 343

Femina itidem quàm viri. 344

Dæmon. Diabolus.

Quòd quid est sanctius, eò à Diabolo
impugnari in seculis. 109

Dæmonem carnisque somitem nullas
inducias indulgere. 230

Ieiunantis orationem dæmonibus ter-
ribilem, Deo verò gratam & ac-
ceptam esse. 238

Dæmones ieiunium vehemẽter me-
tuere, crapula autem & corporis
otio mirificè oblectari. 236

Dæmones nocte præcipuè castis cor-
poribus & mētib; insidiari. 475

Diabolus eiusdemque ministri in pu-
blico cultu Dei, ministrorumque
eiusdem simia. 486

Etsi dæmones aliquid à Deo interdū
petant, non tamen illum propriè
inuocant aut adorant. 502

Dæmon neque pro se neque pro aliis
orat. 503

Cur ei Deus potestatem indulserit in
lob. *ibid.*

Cur quosdam incitet ad frequentem
orationem. *ibid.*

Non licet secreta à Dæmonibus ex-
quirere, aut illorum magisterio,
aut obsequio, aut familiaritate
uti. 521

Dies.

Dominicos dies solum reflectionum nu-
mero à cæteris quadragesimalibus
secerni. 174

Die Sabbathi maiorum instituto à
carnibus abstinentum. *ibid.*

Olum die Mercurij ieiunatum & à
carnibus abstentum esse. 154

Rogationũ dies solenni ieiunio quon-
dam fuisse celebratos. 196

Magnam hoc tempore in dierum ro-
gatio-

- gationum obseruatione varietatem extare.* ibid.
- Non solum festis sed etiam profestis diebus orandum esse.* 377. *Præcipuas naturalis diei partes quatuor esse.* 463
- Dispensatio. Legis relaxatio.*
- Quando opus sit dispensatione, legesue relaxatione, aut eiusdem interpretatione, & quando non.* 335
- Iustam legis relaxationem iustam causam deponere.* ibid.
- Pontifices in legum relaxatione sobrios & cautos esse debere.* 335
- Quomodo Prælatos Episcopo inferiores, in ieiunij relaxatione cum suis subditis agere conueniat.* 336
- Qui ieiunij relaxationem petunt, causas non quasuis, sed iustas adferant oportet.* ibid.
- Qui ieiunij legem relaxat, aut super ea dispensat, non totum relaxare debere, sed eam tantum partem, quam supplex ferre non potest.* 337
- Ciborum delectum, si necessitas id possulet, absque ieiunij relaxatione, relaxari posse & vice versa.* 338
- Diues.
- Diuitem epulonem non tam luxum, quam inhumanitatem & duritiam in egenos condemnasse.* 29
- Non omnes diuites æquæ diuites, neque omnes pauperes æquæ pauperes esse.* 33
- Triplicem diuitum ordinem vel statum assignari posse.* ibid.
- Illum proprie diuitem dici, qui diuitiis famulatur, ideoque summam difficultate eiusmodi seruari.* 45
- Periculosam diuitum conditionem & statum esse sed non omnium.* 51
- Multos diuites salute iam olim potitos esse.* ibid.
- Canonicam Iacobi diuites auaros graui oratione perstringere.* 51
- Diuites maioribus vitæ salutisq; periculis exponi quam pauperes.* 77
- Diuites mensarum reliquias libentius donare, quam pecunias.* 96
- Diuitiz.
- Cur diuitia appellentur mammona iniquitatis.* 69
- Dominium.
- Quemuis ex eo, cuius dominium & administrationem habet, munus vel elemosynam donare posse.* 55
- Rei dominium per elemosynam in alium transferri.* 68
- Donaria.
- Donariorum usus ad Diuorum monumenta, ob recuperatam sanitatem suspenso, res antiquissima.* 534
- Donare.
- Omnia simul donare secundum se nec bonum, nec malum esse.* 111
- Qui familiam alunt, non omnia simul pauperibus donare debere, sed ea tantum, quæ superant.* 112. *Deum non tam datum, quam donantis animum spectare.* 119
- Quo sensu donandum sit omni petenti.* 124
- Ut non omnia uni, sed necessaria tantum donanda sunt, ita hominibus*
bbb agre-

agrestibus durisq; affuetis nō prae-
ciosiora impertienda esse, quā il-
lorum postulat conditio. *ibid.*

Dubium.

Qui praecipue sint consulendi, dum de
lege dubiū aliquod oboritur. 335

Dubium habere non omnino nullum,
vniusne pro altero ex condigno sa-
tisfacere queat. 401

E.

Ecclesia.

Ecclesiam definiendo non errare. 115

Illos omnes tanquam haereticos exe-
crari, qui quasunque escas, tan-
quam ex se immundas, damnant,
& execrantur. 135

Leges edere posse, toti Reip. Christia-
nae utiles, aut necessarias. 159

Ecclesiae sanctiones quadam ratione,
arctius obligare, quā politicas. *ibid.*

Ineptè afferi Rempub. aliquam leges,
quae obligent, condere posse, Eccle-
siam autem id non posse. 159

Ecclesiam, eiusdemq; praxin optimam
rerum in fide vel moribus contro-
uersarum interpretem esse. 160

Quicquid in Ecclesia obseruatur, id
aut scripturarum autoritate, aut
maiorum traditione, aut priuata
quorundam institutione niti. 175

Quoties ieiunio consecratis diebus ci-
bum sumere liceat, Ecclesiam com-
modè definire potuisse, cibi autem
qualitatem & quantitatem, cete-
raq; eiusmodi non item. 177

Qui in Ecclesia contemptum ieiunia

soluunt, tot peccata constare, quos
cenas vel prandia, per contemptū
inflaurant. *ibid.*

Ecclesiam dum ieiunium inducit, se-
cundum tantum accubitus probi-
bere. 179

Eandem manifesta praxi ostendere,
solam secundam refectiōem ieiun-
norum die se interdixisse. *ibid.*

Eandem non inhibuisse tertium, aut
quartum accubitus ieiuniorum
tempore, sed illum tantum, quo ie-
iuniū soluitur, hoc est secundū. 181

Cur Ecclesia sacro parasceues die, &
sabbatho proximè consequente, nō
celebret diuina mysteria. 193

Ecclesiam in praeceptis, quae sunt iuris
diuini, strictè & propriè non di-
spensare, nec iure dispensare pos-
se. 258

Quicquid Ecclesia mandat vel ordi-
nat, id totum ad ius humanum spe-
ctare. 263

Ecclesiam semper habere suos Moyses,
suosq; Aarones, hoc est, suos legis-
latores, & sacerdotes. *ibid.*

Cur Ecclesia suarum legum & statu-
torum transgressionem grauius
nonnunquam puniat, quā diuino-
rum mandatorum praenaricatio-
nem. 314

Qua de causa Ecclesia indulgentiū
nunc agat, cū ieiunantibus, quā
olim. 320

Cur eadem ieiuniorum legem non ob-
seruantes, publicè non semper pu-
niat. 321

Eccle-

Ecclesiam propter ieiuniorum obseruationem non velle, ut vel creditor defraudetur, aut vitæ status negligatur. 331

Eandem facilius dispensare in præcepto ieiunij, quam diei festi. 332. *Ecclesiâ non minus egere suis ministris, magistratibus & stipendiariis, quàm ipsa respub.* 466

Ecclesia Romana Ecclesiarum omnium magistra. 495

Edere. Comedere.

Interdum semel tantum comedere, vel ante meridiem non comedere, non cadere sub præceptum Ecclesiæ absolutè; sed tantum, ut sint ieiunij conditiones vel partes; adeoque ieiunio per alterum accubitus sublatum, amplius non obligare. 180

Edere vel bibere secundum se malum non esse, esse tamen malum, & graue quoque peccatum, contra expressum mandatum illud facere. 310

Edacitas.

Edacitatem, quæ ex corporis constitutione nascitur, praua consuetudine paulatim augeri & intendi. 189

Effectus.

Eundem effectum ex diuersis causis prodire posse, & interdum quoque ab oppositis. 10

Omnem effectum, ut in ipsa æternitate præsens est, necessariū esse, ut autem futurus est, pro causarum proximarum ratione, aliū liberum, aliū necessariū esse, aliū contingentem. 453

Quemuis effectum contingentem bis a-

rian considerari posse, uno modo ut iam actu productum, altero modo ut adhuc in sua causa hæret: Hoc modo est verè cōtingens; illo necessarius, sed id adhuc ex hypothesi. 453

Egēs extremè. extrema egestas.

Quis propriè extremè egēs dicatur. 35

Propria vitæ nō admodum necessaria extremè egentibus deberi. 35

Non modò extrema egestatis casum elemosynā exigere, sed illius etiā, quæ quasi extrema videtur. 36

Æquè elemosyna subleuandos, qui propter extremam vel quasi extremam egestatem periclitantur de salute, atque illos, qui periclitantur de vita. 37

Cum extremè egentibus de solutione vel restitutione non semper patisci licere, licere id tamen nonnunquam. 38

Dicere extremè egentibus nunquam licere vendere, locare, aut mutuo dare, aliud nihil esse, quàm cum ratione insanire. 38. *Quādo extrema inopia laborantibus vitæ necessaria liceat vendere, vel locare, ex tribus capitibus spectari debere.* 39

Non consultum videri, cum extremè inopibus absolutum de solutione, aut restitutione pactum inire. 35

Illud Christi esurienti, sitiienti, etc. nō posse referri ad solos extremè egētes. 43

Plurima absurda ex illorum opinione sequi, qui præceptum elemosynarum extrema tantum necessitate urgente obligare contendunt. 48

Quo sensu eleemosyna extra extrema
egestatis casum libera dicatur. 52

Nulli omnino extremè egenti, etiam si
sceleratissimus sit, necessarium vi-
tæ præsidium denegandum es-
se. 79

Qua parte quis extremè laborat, secū-
dum eam æquè iuuandum esse ac si
simpliciter extremè laboraret. ibi.

Extremè egentes ceteris omnibus ex-
tremè non egentibus in re eleemo-
synaria præferendos. 128

Egens, quare pauper.

Eleazarus.

Illustre Eleazari martyrium. 145
Eleemosyna.

Eleemosynam, ieiunium, & oratio-
nem trifariam usurpari. 3. Com-
muniter accepta latè pateri. ibid.
Ut nostræ satisfactiois partes cō-
stituuntur, communi quadam ra-
tione accipi. 4. Admirabiles eo-
rundem, dum consociantur, vires
esse. 5. Alia & alia ratione se in-
uicem excedere. 6

Eleemosynā, ieiunio, & oratione pro-
pter adiuncta potentiùs expiare. 6
Per ieiunium & orationem eleemo-
synam ad cælum volare. ibid.

Quid eleemosyna pressè sumpta. 8
Ut fidem, ita eleemosynam quoq; duo
denotare. ibid.

Sacerdotum stipendia & principum
vestigalia non esse veræ rationis
eleemosynas. ibid.

Nec illud quoque, quod diuiti de in-
dustria datur. 9

Act^o eleemosynarij principia duo. ibid.

Eleemosynam virtutis actum sonare
verius, quàm virtutis habitū. 10

Tot eleemosynarum formas constitui
posse, quot communes mortalium
sunt miseria. ibid.

Corporales eleemosynas rebus pluri-
mum, spirituales autem verbis ma-
iorem partem constare. 10

Qui corporales, qui item spirituales ele-
mosynas propriè impendant. 12

Spirituales eleemosynas corporalibus
præstare, quamvis non semper. 15

Eleemosynam & ieiunium multum
virium orationi adiungere. 420

Eleemosynā actū esse misericordiae. 15

Misericordiae & charitatis nomine
sæpe designari. 16

Salutaris lauacri æmulam esse. 19

Baptismo indulgentiorem esse. ibid.

Totum hominem mundare. 20

Artem artium omnium quasi suosif-
simam esse. ibid.

Liberare à purgatorio. 20

Quo sensu liberare dicatur ab inferno
vel peccato. ibid.

Liberare ab iis, quæ viam ad mortem
minuant. 21

Ad cuiusvis boni adeptionem, conser-
uationem & augmentationē con-
ferre. 22

Gratiam conciliare & augere. ibid.

Augere fortuna commoda. 24

Eleemosyna magnitudinem & quan-
tatem ex tribus spectandam. 27

In ratione meriti maiorem esse, quæ
prodiu ex maiori charitate. In ra-
tione

INDEX.

tione autem satisfactiois qua secundum se maior est. 28
Perfurum, vim, vel fraudē ablata, in eleemosynam conuerſi iure non poſſe. 69
Contingere tamen interdum ut iſtuc illicitum non ſit. ibid.
Qui eleemoſynis abutuntur eleemoſynis ſubleuandos non eſſe. 80
Eleemoſyna meritum & fruſtū, dan- tium pietate & ſanctimonia præci- pue niti, non etiam accipientium. 91
Eleemoſynā prodeſſe, ſi vitam muta- ueris, ſecus non. 120
Qui præpoſtero ſine eleemoſyn. donāt, nullo ſpirituali fruſtū donare ibid.
Quid depoſcatur ut eleemoſyna ſit di- caturq; prompta. ibid.
Nō eſſe perfectam eleemoſynam, quæ precibus extorquetur. 121
Benigniores eleemoſynas Scriptura phraſi benedictiones appellari. 123
Quid depoſcat diſcreta eleemoſyna. (125)
Fideles et iuſtos in eleemoſynarum di- ſtributione cateris anteferēdos. ibi.
Cauſæ ad eleemoſ. erogandam impel- lentes ut variæ ſunt, ita non ex æquo omnes impellere. 126
In eleemoſynaria diſtributione pecu- liarem rationem habendam eſſe ſe- num, debiliū & infirmorū. 127
Omnes fruſtusq; eleem. cōditiones ad debitum honeſtum et neceſſarium referri. ibid.
Ultima neceſſitate ſecluſa, neceſſariū, honeſtum & debitum, alia & alia

ratione in eleemoſynarum largi- tione ſe inuicem excedere. 128
 Enos.
Quo ſenſu Enos dicatur cœpiſſe Deum inuocare. 486
 Episcopos.
Episcopos cæterosq; Eccleſiæ proceres pro muneris ſui ratione miſerorū omnium Patres eſſe debere. 64
Terribile eſſe, Episcopo contradice- re. 264
Episcopos Patres noſtros eſſe, meritoq; eorum loco habendos. 266
 Error.
De orationis neceſſitate duos oppo- ſitos errores extare. 442
Pſallianorum error de orationis vir- tute. 443
Phanaticum errare eſſe ea orationi tribuere, qua tribuebant illi Pſal- liani. 444
 Eſca, quæte Cibus.
 Eucharistia.
Præparationem ad dignam Euchari- ſtiæ ſumptionem plura requirere, quàm ieiunium. 112
 Euangelium.
Euangelium de partibus, qua ieiun- niū abſoluunt, nihil præſumere. 256
Apoſtolos non id ſolum prædicare iuſ- ſos, quod 4. Euangeliorū volu- minibus comprehenſum eſt, ſed to- tum illud, quod Euangelio conſen- taneum eſt. 281
Plurima mandata, decreta & ordina- ta eſſe ab Apoſtolis, quæ in Euan- gelis non continentur. 284
 bbb 3 Cuiuf-

RERVM ILLVSTRIORVM

Cuiusmodi Dominus Apostolos voluerit docere, cum eos ad Euangelizandum amandauit. ibid.

Lex Euangelica.

Quo sensu lex Euangelica dicatur onus leue, cum secundum se absolute non parum sit gravis. 281

Excusatio.

A peccato non excusari, qui grauioribus tentationibus succumbunt, aut diuina precepta negligunt, ut qui cum diuina gratia potuerint non succumbere et non negligere. 455

Qui ab horis Canonicis excusentur, et qui secus. 481

Exilium.

Exilij poenam in fonti irrogare nullo iure licere. 83

F.

Fames.

Feris beluis duriores esse, qui famis tempore pauperes et ciuitatibus extrudunt, vel huc non admittunt. 83

Famem vel inedia non esse conditionem ad ieiunium necessariam. Quare opus non esse cenam vel prandium tantisper differre, dum fames torqueat. 185

In magna fame cibum auidius et intemperantiùs sumi. ibid.

Si fames vel inedia de ieiunij ratione foret, nullam certam horam, qua illud soluere liceret, constitui posset. ibid.

Fides.

Orationem ut sit efficax, fidem postulare. 416

Fiducia.

Multa esse, quae excitant nostram erga Deum fiduciam. 417

Filius.

Filios familias ex his omnibus, quae iusto titulo obtinent, pauperibus benigne facere posse. 62

Filios parentibus adhuc superstitibus paternorum bonorum Dominos non esse. ibid.

Filios Aaronis ob violatam abstinentiam legem morte multatos. 302

Finire.

Finiri id non posse, unde in Christi usum impenditur. 123

Flagellum.

Flagella undecunq; illata, satisfactoria esse, si aequo patientiùs animo toleres. 242

Flamma.

Quod plura inflammantia coeunt, et flammam maiorem exurgere. 173

Femina, quare Mulier.

Forma.

Formam, qua homo agit, non esse certam et determinatam. 451

Forum.

Alias terrestres, alias caelestis fori leges esse. 446

Fructus.

Non omnes, qui orationi vacant, prauum ex illa fructum referre. 411

Orationis fructum eadem promouere et impedire, quae ieiunij et elemosynae. 412

Tria

INDEX.

Fris orationis fructum augere nata esse. 413

Orationis fructum vim pauperumq; oppressionē præcipuè impedire. ibi. Futurum.

Omnia futura omnimodo, quo sunt, vel esse possunt, Deo esse præsentia. 454

G.

Gaudium.

Intensum gaudiū interdū necare. 346

Generaliter.

Qua generaliter proponitur aut præcipiuntur, ea ad certum aliquod membrum trahi non debere. 43

Gens.

Gentes natura duce à multis sæpe abstinuisse, quæ secundum se aliqui, libera erant. 253

Vt cætera virtutum studia, ita voluntaria quoq; ieiunia apud paganos & gentiū populos iacuisse, ibi.

Genus, quære Species.

Germanus.

Quo ritu Germani maiores litaniæ et rogationum dies quondam celebrant. 196

Gratia.

Quicquid confert ad gratiam, simul quoq; conferre ad gloriam. 23

Quod precibus à Deo impetratur, id totum illius gratia veriùs niti quàm vlla nostra iustitia. 402

Non semper neq; certè obuenire, quæ ex sola gratia obueniunt. 409

Gula.

Quinq; modis gula vitium hominem tentare. 188

Gula filias ieiunij meritum sæpe solvere, ipsum autem ieiunium non item. 190

Ieiunium instrumentum esse ad omne opus bonum, gulam autem ad omne vitium & peccatum. 230

Vt ieiunium Deo sit gratum, non modo gula, sed cætera quoq; membra à vitis ieiunare debere. 248

H.

Hæreticus. Sectarius.

Hæreticos vlla se lege teneri negare. 154

Sectariorum doctrinam de ieiunij ratione & necessitate sibi planè dissentaneam. 233

Sectarios in paucis admodum inter se conspirare. 461

Cuiusmodi ieiunia admittant & statuunt ætatis huius hæretici. 234

Sectariorum sententia semper ieiunandum esse. ibid.

Tres apud Iudæos sectas extitisse, & ex illis Essæos continentiores & abstinentiores habitos. 155

Cuiusmodi hæreticorum sint argumentationes contra Ecclesiæ Catholicæ sacerdotes. 267

Sectis addictos politico magistratui plus deferre, quàm Ecclesiæ. et quæ. 287

Aliiter hæreticos, aliter orthodoxos & Evangelicum usurpare. 316

Hæreticos extrema plerūq; cōseclari, Ecclesiā autē medium tenere. 456

Hæresis.

RERVM ILLVSTRIORVM

Hæresis.
Vnde hæreses & schismata secundum Cyprianum nata. 266
Hebdomada.
Plurimum olim inter postremā Quadragesimæ hebdomadam & alias 5 præcedentes intercessisse. 301
Hebdomada sancta secundum Apostolorum sanctionem aqua tantum & pane utendum esse. Ibid.
Veteres hebdomadam sacram religiosissimè quondam celebrasse & obseruasse. 222
Hicronymus.
Hierony. pro orationis valore multis applicatæ fide non satis bona allegari. 405
Tèpore Hieronymi ter noctu ad preces surrectum fuisse. 476
Homo. Mortalis.
Externi hominis triplicem considerationem esse. 11
Triplicem iidem interni hominis statum existere. Ibid.
Qui hominem diligit non animo tantum, sed corpori quoque benigne facere. 12
Portentum portentosissimum esse, hominem deuorare hominem. 138
Cùm homo peccatum detestatur, aut peccatorum veniã precatur, ipsum, non etiam Deum mutari. 446
Non id omne, quod ex homine fluit, peccato obnoxium esse. 291
Hominem duplicem actionum suarum regulam habere. Ibid.
Quatuor hominũ genera quatuor di-

stinctis locis asseruari. 395
Nullum mortaliũ citra intermissione[m] oratione propriè dicta orare posse. 443
Homicidium, quare Cædes.
Hora.
Horam nonã, qua olim ieiunium soluebatur, tres vel quatuor partes complecti, puta initium primæ, secundæ, tertiæ & finẽ tertiæ. 184
Crucis mysterium ad initium horæ nonne, hoc est, ad duodecimã fuisse inchoatum, sed ad finem eiusdem horæ absolutum. Ibid.
Consuetudinem à maioribus scitam et approbatam, vel non improbatam, absoluerunt eos à ieiunij solutione, qui hora undecima, vel aliquantò etiam citiùs prandent. 184
Tres de accubationis horæ quæstiones non inutiles agitari. 187
Ecclesiam non præcepisse, ut ieiunium hora sexta aut nona solueretur, sed vetasse, ne ante illud tempus solueretur. Ibidem.
Non licere carnæ vel prandij horam, dum ieiunio opera datur, antequam tere, sicut licet illud progare. 187
Necessum fuisse, ut Ecclesia horam præfiniret, ante quam ieiuniũ soluere ordinariè non liceret. 187
Vt certæ præces certis horis, ita ieiunia certis præcibus accommodata esse. 188
Si causa adsit, prandij horam nonnihil anticipare licere. 194
Horæ Canonica. Preces horaria.

Horarum

Horam Canonicam inchoatam, & ob causam iustam non absolutam, à capite repetere opus non esse. 431

Nihil omnino in horis Canonicis comperiri, quod cum Scripturis, aut ratione, aut religione, aut maiori traditione pugnet. 461

Plura circa horas Canonicas sectis additos cavillari, sed omnia iniuste & inepte. 465

Quicquid circa horas Canonicas observatur, hoc totum rationis dictamini & populorum omnium consuetudini maxime consentaneum esse. 468

Precum horariorum numerum ex veteri Ecclesia in nostram esse translatum. 469

Nullum horarum Canonicarum numerum potuisse assignari, qui seculariorum telis non esset expositus. 469

Preces Canonicas iis horis assignatas esse, quæ præ cæteris ad orandum visæ sunt magis idoneæ. 470

Ecclesiam horas Canonicas earundemq; tempora præcipuis passionis Christi mysteriis & partibus accommodasse. 471

Neminem ad horarum Canonicarum pensum absolute cogi, sed illos tantum ad onus illud præstandum obligari, qui beneficiis, prærogatiuis, & immunitatibus Ecclesiæ voluit potiri. 479

Tria hominum genera ad horarum Canonicarum recitationem obstringi. ibi.

Sacris initiatos ad recitandum, vel decantandum horas Canonicas lege obligari. 480

Titulo seculari beneficium aliquod obtinentes ad eiusmodi horarum onus non obligari. *ibid.*

Qui citra causam, horariorum precum pensum absolvere omittunt, et peccatum committere, neq; fructus suos facere. 481

Canonici ceteriq; beneficiarii præsentēs & non recitantes cadunt in penam in non recitantes decretam. 482

Qui privatim horas Canon. recitant, neq; nimium anticipent, neque nimium rursus prorogent. 496

Hospitalitas.

Pauperes ab urbibus & civitatibus excludere, pugnare cum hospitalitate, ut quod maxime. 84

Humilitas.

Qui repulsam pati non vult, eum humilitatem animæq; submissionē ad orationem adferre debere. 418

Humilis.

Orationem, quæ efficax futura est, non solum humilem affectum exigere, sed humilem quoque intellectum. 419

Hymnus.

Quid sit hymnus propriè, et quæ de illius ratione. 489

Ab Ambrosio & Hilario varios hymnos esse compositos. 490

Duo Angelorum hymni. *ibid.*

ccc Medio-

Mediolani tempore Ambrosij et Augustini hymni & Psalmi vtpublicè canerentur, institutum. 493
Chrysostomus contra Arrianos hymnos scribere instituit. ibid.
Arriani hymnorum causa cum orthodoxis congregiuntur, pluresq; utrinque cadunt & vulnerantur. 494
Qua occasione hymni in Constantinopolitana Ecclesia recepti & conseruati sint. ibid.

I.

Ieiunium.

Ieiunium inter satisfactionis partes primas obtinere. 7
Nihil carnis petulantiam aequè comprimere atque continuatum ieiunium. 127
In primitiua Ecclesia frequentem ieiuniorum usum extitisse. 130
Non idè esse prorsus ieiunium & moralem abstinentiam. ibid.
Ieiunium non omnes, abstinentiam omnes obligare. 130
Cuiusmodi abstinentia sit ieiunium. 131
Duplex ieiunium esse, necessitatis vni, supererogationis alterum. ibid.
Triplex in vniuersum ieiunium celebrari. 132
Ieiunium naturæ bifariam accipi. ibid.
Ieiunia, quæ natura vel recta ratio distat, nunquā non obligare. 132
Verisimile fieri Patres, qui legē antecesserunt, suas habuisse & coluisse ieiunationes. 133

Non omnia Mosaica legis ieiunia fuisse libera. ibid.
Scripturarum phrasi afflictionis nomine ieiunium designari. 133
Ieiunium Ecclesiasticum tribus partibus constare. ibid.
In ieiunij rigore temporis lapsu magnā factam esse remissionem. 172
Quid sit in fraudem ieiunij manducare. 175
Ieiunio per repetitam mensam soluto, nihil illius restare, quod altera corporis refectioe solui queat. 177
Non esse necessarium, ieiunium vno die omissum alio redintegrare. 179
Tres inhibitiones, quæ in ieiunij legem cadunt, nō eodem modo ad illam affectas esse. 180
Ieiunij Ecclesiastici rationē, præfinitā horam deposcere. 181
Ieiunio quondam preces & elemosynas aliq; eiusmodi addi consueuisse. 183
Ieiunium ad culpæ inhibitionem & expiationem ordinari. ibid.
Ieiunia ad tria conferre. 186
Vnam accubationē inter ieiunij partes primas tenere, proximas ciborum delectum, postremas statim horam. 189
Ieiunium diurnum & Ecclesiasticū, nullo modo ferre alteram corporis refectioem. ibid.
Ieiuniorum alia libera, alia necessaria esse, & cuiusmodi sint veraque. 192
Spontaneorum ieiuniorum quædam esse

esse communia, quadam priva-
ta. ibidem.
 *multa ieiunia nunc libera esse, quæ
 olim fuerunt obligatoria. 192*
 *huiusmodi quorundam querelam esse,
 de ieiuniorum multitudine. 193*
 *ieiunium Sabbati & prosabbati &
 feriæ quartæ Apostolorum æta-
 te sub anathemate indictum fuisse.
 ibidem.*
 Idq. à Diuo Petro. 193
 *Ieiunium 14. dierum ante Ioannis fe-
 stum quondam fuisse celebratum,
 eiusdemq. nullum nunc vestigium
 extare. 198*
 *Ieiuniorum indictorum quadam esse
 communia, alia loci alicuius pro-
 pria. 198*
 Hæc autem in tribus differre. ibid.
 In tribus rursus convenire. 199
 *Non omnia ieiunia paris obligationis
 esse. ibidem.*
 *Peccare qui constituta ieiunia negli-
 gunt. 199*
 *Communia ieiunia maiorem partem
 ab Apostolis orta, cæterisq. diu-
 turniora esse. 200*
 *Quid inter communia ieiunia inter-
 cedat. ibid.*
 *Communia Ecclesiæ ieiunia ad tria
 capita referri. 101*
 *Moyse, Eliæ, et Christi ieiunium pro-
 digiosum extitisse. ibidem.*
 *Admirabile eisdem fuisse ieiunium
 Simeonis, Maræ & Cyre. 202*
 *Duplex ieiunium, plenum & semi-
 plenum. 207*

*Ieiunio abluuntur peccata, & pecca-
 torum sanantur vulnera. 209*
 *Alio Christum, alio nos tempore ieiun-
 nium celebrare. ibid.*
 *Ieiunium rem esse saluberrimam.
 (211)*
 *Spontanea ieiunia mirè hoc tempore
 infrequentia esse. ibid.*
 *Aliud deuotionis, aliud institutionis
 ieiunium esse. 224*
 *Sæctæ addictos nunquam verè ieiun-
 nare, & tamè semper ieiunandum
 esse docere. 226*
 *Primum ieiuniorum opus esse car-
 nem eiusdemq. motum compri-
 mere. 227*
 *Primos Christianos ieiuniis apprime
 deditos fuisse. ibid.*
 *Proximum eorundem effectum esse
 carnis vitia profligare. 228*
 Eaq. in re plurimum posse. ibid.
 *Peccatum intimis visceribus infixum
 potenter expellere. 229*
 *Ut fructuosum existat, abstinentiam
 à vitis adiunctam habere debe-
 re. 230*
 *Nullum mortaliu ieiunium abso-
 lutè acceptum abrogare posse.
 (233)*
 *Ieiunium mentem ad Deum subleua-
 re, rerumq. caelestiu gustum et no-
 titiam conciliare. 235*
 *Prophetas generare, et sapientiam ad-
 ministrare. 237*
 *Cælestis gratiæ radicem castitatisq.que
 fundamentum esse. ibidem.*

Per idem illud patere reditum ad pa-
radisum. 237
Omne aetate & sexum quasi dia-
demate coronare. 238
Eius proprium esse, vitia eliminare, et
virtutes inducere. 238
Bonos & sanctos viros efficere. 239
Ieiunium actum esse abstinentiae, hanc
verò speciem temperantiae. 239
Aeternae vitae meritum, promeritarum
poenarum expiatorium & satisfactorium
esse. 239. 240
Ieiunij edictum ubiq; terrarum no-
tum esse. 300
Quid inter bonorum & malorum ie-
iunium intercedat. 305
Ingentia esse commoda, quae adferunt
ieiunia. 313
Quo modo ieiunium externum inter-
no destitutum dicatur. 315
Ieiunium rationali hominis vitae cõ-
iunctaneum esse, animali non sem-
per. 318
Multa mortalium millia ieiunia ab
Ecclesia indicta probè adhuc obser-
uare. 321
Si nulla antè ieiunia indicta essent,
hoc tempore ob animarum corpo-
rumq; salutem indici debere. 322
Quales fuerint, qui primò ieiunia indi-
xerint. 324
Ieiunium trifariam solui, opere vide-
licet, voluntate, & utroque si-
mul. 325
Qui sint, qui utroque modo sol-
uunt. ibid.
Modicum quid quocunque tempo-

re sumptum ieiunium non infrin-
gere. 326
Ieiunium vno die omissum altero in-
staurare necessarium nõ esse. 327
A ieiunio absolutos, a ciborum dele-
ctu non semper absolui, & vice
versa. 328
Ieiunium hac aetate multis partibus
facilius esse, quàm erat olim. 339
Quantum intercedat inter modernorum
& veterum ieiunium bre-
uis notatio. ibid.
Ieiunare.
Quomodo alicubi ieiunabatur Apo-
stolorum aetate. 152
Ieiunantes Christi passioni se confor-
mare. 183
Cur feria quarta & sexta ieiune-
tur. 194
Theodosium seniore quartam et sextam
feriam communiter ieiunasse. 195
Sanctè ieiunantes à mundo alienari,
& spirituales effici. 238
Quid sit Pharisaicè ieiunare. 244
Quid item gulosè, et quibus modis gu-
losè ieiunetur. 245
Quid dolosè, vel in ieiunij fraudem.
(ibidem.)
Multis modis fraudem in ieiuniis cõ-
mitti. 245
Qui inordinatè ieiunare censendi sint:
(ibidem.)
Quid sit superstitiosè ieiunare. 246
Cuiusmodi sint, qui haeretice vel sa-
tanice ieiunant. 247
Impetro.
Quomodo precator affectus esse debeat,
ut ora-

- ut oratione sua aliquid à Deo impetret.* 413
- Imprecatio.
- Quo sensu accipiendæ sint imprecationes Sanctorum, quæ in Scripturis passim obuiæ sunt.* 551
- Imprudencia.
- Imprudencia quorundam de ieiuniorum solutione loquentium.* 338
- Inedia, quære famēs.
- Inobediens.
- Omnem omnino verè inobedientem, præceptum ex parte continere.* 287
- Ingratitudo.
- Ingratitudinem benevolentia fontem extinguere.* 354
- Inuocatio.
- De inuocatione diuersæ opiniones modiq; dicendi.* 511
- Eadem lege tenemur Deum inuocare quæ amare & venerari.* 512
- Quicquid probat, orationē ad salutem necessariam, simul probat Deum inuocandum esse.* ibid.
- Diuos aliter, aliter Deum inuocat Ecclesia.* 520
- Omnis vera ratiois inuocatio Dulia vel Latriæ cultum includit.* 520
- Damnati nullo modo sunt inuocandi, multò minùs demones.* 521
- Augustinus B. Virginem prolixè inuocat; Chrysost. Michaëlem; Nazianz. Basilium; Hieron. Paulam Romanam; & alij alios.* 528
- Inuocatio Dinorum in Ecclesia Dei vñtata, res est ab omni idololatriæ crimine prorsus aliena.* 529
- Dinorum inuocatio res utilis & salutaris.* ibid.
- Synagoga vsus in piorum inuocatione, & meritum eorundem allegatione.* 530
- Iob amicorum monitu inuocat Sanctos.* ibid.
- Magdeburgici Censuratores illustrem locum Synodi Chalced. qui de Sanctorum inuocatione agit, fraudulenter suppresserunt.* 532
- Ionathas.
- Ieiunium à Saulo indictum & à Ionathaper errorem violatum, grauissimè fuisse vindictum.* 298
- Cur Deus ieiunium à Ionatha imprudenter solutum, tanta seueritate puniuerit.* 299
- Ira.
- Iram mentis temulentiam esse.* 248
- Iudæus.
- Iudæos caeremoniarum suarum apprime obseruantes fuisse.* 147
- Triplici de causa à quibusdam abstinuisse.* 164
- Vsq; ad vespèram ieiunium producere consueuisse.* 173
- Apud Iudæos duplex ieiuniorum genus obtinuisse, vnum quod præcepto diuino, alterum quod maiorum traditione constabat.* 245
- In quibus Iudæorum & Christianorum ieiunia conueniant, & in quibus rursus à se inuicem discrepent.* 255
- Iudæos defunctorum causa ieiunio se afflixisse; capitale apud eosdem* 663 3 *exti-*

- exiisse sacerdotibus, parentibus, caterisque maioribus non obedire. 262
- Iudeorum sacerdotes post Christum passum inane tantum sacerdotij nomen tenuisse. 266
- Quae Iudeorum doctoribus legi licuerit addere, quae item non licuerit. 284
- Solum Deum Iudeorum caeremonias praeuire potuisse et debuisse. 285
- Iudeos suas habuisse sanctiones et leges politicas. ibid.
- Iudeorum populum magno diuersarum legum et obseruationum onere fuisse pressum. 286
- Quod Iudaei se conuerterint, intra vel extra templum orantes. 379
- Iudex.
- Ut index id retinere non potest, quod accepit, ut non iudicet, vel ut male iudicet; ita nec testem quoque illud, quod accepit, ut nullum vel falsum testimonium dicat, retinere posse. 72
- Quid statuendum de pecuniis iis, quas iudices supra constitutum salarium ab alterutra parte litigantium nonnunquam accipiunt. ibid.
- Satius videri ut instituantur certi censores vel iudices, qui externos pauperes ab amulis defendant, quam qui in illorum vitam inquirent. 89
- Iulianus Apostata.
- Cur Iulianus Apostata borarum Canoniarum ritum transulerit ad paganos. 477
- Ius naturae &c.
- Iure naturali omnia esse communia, iure gentium non omnia, sed superna aenea tantum. 47
- Iure natura hominem ab iis omnibus abstinere obligari, quae animae vel corporis saluti aduersari dignoscuntur. 250
- Quid inter naturale et humanum ius intercedat. ibid.
- Ius naturae secundum se absolute bona vel mala iubere, vel vetare tantum; ius humanum ea etiam vetare vel iubere, quae viam ad huiusmodi bona, vel mala muniunt. ibid.
- Ius naturale generalia tantum dicere vel docere, humanum autem generalia iuris naturalis praecepta et declamina ad particulares canones deducere. 251
- Ius naturae immutabile, humanum autem mutabile esse. ibid.
- Ieiunia, ut ad hominis salutem necessaria sunt, ius naturae exigere, ut verò ad hunc vel illum abstinentiae modum determinata sunt, non naturae necessitatem, sed maiorum auctoritatem illa à nobis deposcere. 251
- Quomodo et quando iure naturali à quibusdam abstinere vel ieiunare obligemur. 252
- Iure naturali ab iis omnibus abstinendum, quae animo vel corpori obsunt. ibid.
- Omnia quae in humana vita vsus veniunt, iure naturali tantisper permisisse, dum corpori vel animo non officiant. 252
- Iei-

*Ieiunium iure naturali secundum se non
semper liberum esse, secundum modum
autem eo iure semper liberum esse.* 253

*Quia ieiunium omnem, quae pollet, vim
ex iure diuino habere contendunt,
omne robur illi adimere. Trifariam
ad hoc illos peccare, qui Quadragesima
vel aliud quodcumque ieiunium
iuris diuini esse asserunt.* 260

*Non satis prospectum fore Reip. si illi
tantum puniuntur, qui diuinum
vel naturale ius violassent.* 294

Iustitia.

*Iustitia nomine Christum Dominum
complexum esse ieiunium, eleemosynam,
et orationem.* 4

*Iustorum orationem de iustitia satisfactio
gloriae esse, iniustorum non item.* 383

Iustificatio.

*Ad iustificationis beneficium obtinendum
necessario deponi proprium
cordis motum in adultis.* 399

*Paralyticum Matt. 9. citra propriam
fidem et spem non iustificatum fuisse.* 400

Iustus.

*Quod iusti pro iniustis orantes non
semper audiuntur, id ex praua iniustorum
dispositione plerumque
provenire.* 402

*Iusti orationis praesidio multis modis
indigent.* 509

Iuuenis. ephebus.

*Ieiunia non solum adultis, sed iuuenibus
quoque et ephebis sapenumero
necessaria esse.* 231. adeoque iuniores
ad quadam Ecclesia ieiunia inducendos
et compellendos videri. 232

L.

Labor. sudor.

*Qui labores dicendi sunt ardui et necessarii.
331. Propter arduos et necessarios labores
multos ad ieiunium lege eximi.* ibid.

*Laboribus parum grauius parumque
necessarius intentos ab indictis ieiuniis
non absolui; interdum tamen
absoluti hinc posse.* 331. Triplicem
externi laboris usum esse. 98

*Externum laborem ad fallendum otium
non esse necessarium.* ibid.

*Sudoris nomine quamuis corporis molestiam
designari.* 100. Externum laborem cum
monastica vita instituto non pugnare. 104

*Posthabendum eiusmodi laborem, ubi
spiritali magis utili, magisque necessario
impedimentum adfert.* 105
*Vbi maior labor et molestia, ibi ceteris
adequatis maiorem contingere
satisfactionem.* 361

Laborare.

*Eleemosyna indignos, qui propter ignam
uiam laborare non volunt.* 81

Laus vocalis.

In caelo non defutura est laus vocalis. 484

Leopardus.

Leopardorum ingenium et natura. 440

Lex.

*Legem nonam non minorem exigere
perfectionem, quam lex vetus.* 29.

*Leges de iis ferri, quae frequentius
accident.*

accidunt. 43. Leges quæ eleemo-
synarum studium infirmant, neq;
vtilis, neq; reip. salutares esse. 96
Triplicem esse legem legisq; sanctio-
nem. 133. Eandem nunc feren-
darum legum in Ecclesia auctori-
tatem esse, quæ fuit Apostolorum
aetate. *ibid.*
Primam legum omnium de ciborum
delectu fuisse latam. 140. Legem
de ciborum delectu in paradiso la-
tam *ibidemq;* violatam, seuerissi-
mè fuisse vindicatam. *ibid.*
Legē de sanguine & suffocato omni-
bus penè mūdi atatibus obtinuis-
se. 144. In lege Mosaica plurima
sua natura munda tanquam im-
munda fuisse prohibita. *ibid.*
Leges humanas plurimum de iis re-
bus ferri, quæ natura sua indiffe-
rentes sunt. 160. Non esse neces-
sum, ut subditi legum rationem te-
neant, sed sat esse, si iustis legibus
parendum intelligant. 165. Satius
esse, salutaris legis rigorem non
nihil remittere, quàm totam legem
abrogare. 172. Ieiuniorum legem
tres inhibitiones completti. 176.
Eandem de rebus sua natura me-
diis cauere. 177. Nullam omni-
no legem ferri, sed nec ferri quoq;
posse, quæ omnibus aequè sit com-
moda. 188. Patres, qui legem an-
tecefferunt, suas habuisse serias &
ieiunationes. 254
Variè errari circa humanarum legum
vinculum. 261

Qua occasione de humanarum legum
vinculo hīc disputetur. *ibid.*
Peccato illos affines fieri, qui huma-
nas leges temerè præuaricantur,
scripturas & patres passim affir-
mare. 261
Legem nouam maiorem obedientiam
& perfectionem deposcere, quàm
lex vetus. 267
Grauiter errare, & cum manifestis
scripturis pugnare, qui leges huma-
nas tantum ad pœnam obligare
contendunt, non etiam ad cul-
pam. 268
Si humana leges nō obligarent ad cul-
pam, nullo modo fas fore, cuiusmodi
legum præuaricatores capitali sup-
plicio afficere, aut anathemati sub-
iicere, aut alia quacunque graui
pœna afficere. 268
In multa absurda sese conicere, qui
humanas leges ad culpam obligare
inficiantur. 269
Multum inter diuinas & humanas
leges intercedere; etiamsi in qui-
busdam conueniant. 269
Legem humanam diuinæ vel natu-
rali legi dissidentaneam, non legem,
sed legis corruptionem esse. *ibid.*
Humanam legem, ut obligandi vim
habeat, multas condiciones depo-
scere. 269
Legem diuinam humana diuturnio-
rem esse, eademq; latius patere, hoc
est multò plures, multoq; strictius
obligare, quàm lex humana. 270
Quid deposcatur, ut lex quæpiam di-
uina

vina censeatur, & in quo diuina
& humana conueniant. *ibid.*
Legem diuinam & humanam id se-
pe necessarium efficere, quod sua
naturaliter liberum erat. 270
Nec eiusdem grauitatis esse legum
quarumlibet prauaricationē. 271
Humanarum legum transgressionem
non semper mortiferam esse; sed
neque diuinarum quoque. *ibid.*
Plura considerare debere, qui de le-
gis prauaricatione, eiusdemque
grauitate certò pronuntiare ve-
lit. 272
Legem vsu non receptam, aut per
contrarium vsum abrogatam, vim
obligandi non habere. 272
Ex legis forma, materia, vsu, aliisque
huiusmodi facilius transgressionis
grauitatem deprehendi, quàm ex
legislatoris voluntate aut loci con-
suetudine. 273
Generatim eam legis transgressionem
capitalem censeri, quæ contra publi-
cum Reipub. vel Ecclesiæ bonum
commissa est, venialem autē, quæ
extra illud. 273
Jure meritoq; existimari posse, legisla-
torem illud voluisse, quod materia
circa quam ferebat, qualitas depo-
scebat. 274
Quicquid legislator de transgressionis
noxa statuerit, si id non sit, quod
absolutè fieri vult, & cum ra-
tione voluit fieri, peccatum con-
flari. 274
Studiosè obseruandum, an id, quod

lege cautum extat, absolutè præce-
ptum, an tantū consultum sit. 275
Statutum aliquod legisne an præcepti
vim obtineat, an tantū consilij,
ex materia qualitate spectandum
esse. 275
Ex legis forma aliquāne simpliciter
sit præceptum an verò statutum, vel
ordinatiū, colligi vtrumq; posse. *ibid.*
Qui iusta de causa legem violant, non
peccare. 276
In legum prauaricatione non esse spe-
ctandum, quantum vnus praua-
ricatio detrimētū adferre queat, sed
quantum plurimum. *ibid.*
Legem ea, quæ antea tantū utilis
vel salubris erant, necessaria face-
re. 277
Cuiusmodi sint statuta & leges mo-
nastica, parentum item & præce-
ptorum. *ibid.*
Legem legislatoris subditos tantū
obligare. 278
Quomodo lex iusto non est posita. 279
Non sat esse legem cognoscere, sed opus
esse præterea eiusdem quoque ob-
seruatione. 281
Patres qui legē antecesserunt, non vi-
xisse sine legibus ciuilibus & Ec-
clesiasticis. 285
Frustra leges figi, si nemo illis parere
obligatur. *ibid.*
Non omnes, qui contra legem peccant,
ex contemptu peccare. 286
Nec omnes rursus, qui imperium de-
trectant, eodem modo detrecta-
re. 287

Apertè detrectantes peccato obnoxios fieri, siue ex contemptu id faciant, siue ex errore. *ibid.*
Quid sibi propositum habeant probi legislatores, dū legem aliquam promulgant. 288
Legem iustam citra iustam causam præuaricantes necessariò peccare. 289
Etsi legislatores præuaricatoris culpā vel pœnam non intendant, permitttere tamen vel non impedire. 289
Constitutiones ad pœnam tantum obligantes, non propriæ rationis legem aut præceptum esse. 290
Legislatorem legis præuaricatorem neque pœnæ, neque culpæ inuoluere, sed ipsummet præuaricatorem, se ipsum utrique inuoluere. 292
Falli qui humanas leges aliud nihil, quam quosdam tantum diuinæ vel naturæ legis interpretes vel iudices esse asserunt. 292
Bonæ legis cōditiones varias esse. 304
Leges, quæ temerè violatæ noxā nullam adducunt, non esse veri nominis leges. 311
Quorum sit, legum Ecclesiasticarum nodos & difficultates explicare & enodare. 312
Olim multò pauciores à ieiunij lege fuisse exemptos, quam hac ætate eximuntur. *ibid.*
Legis vinculum tamdiu durare, quamdiu legislator cum ratione illud durare iubet. 320
Legis sine sub præceptū non cadere. 326
Lex Evangelica, quare Evangelium.

Libertas.

Christiana libertas in quibus posita. 279
Non omnem legem perfectam perfectæ libertatis legem esse. 280
In hac vita plenam à peccato & miseria libertatem non obtingere. 306
Libertatem Christianam non reperi in malis & improbis, sed tantum in bonis. *ibid.*
Christiani hominis libertatem non esse immunitatem à corporali seruitute, aut à legum humanarum onere, aut à debito pecuniario. 307
Quid propriè sit libertas Christiana. 307
Nullam esse plenam spiritus libertatem in hac vita. 308
Christianæ libertatis fundamentum & basim esse Christi gratiam. *ibid.*
Christiana libertate eò unumquemque liberioresse, quò melior, nec non à peccatis, eorundemque occasionibus est expeditior. 308
Ieiunia ceterarūq; carnis mortificationes Christianam libertatem augere. 309
Cuiusmodi sit Christiana libertas. 163
Ut carnis & spiritus opera inter se sunt admodum dissimilia, ita etiā carnis & spiritus libertatem. 169

Libero.
A quibus incommodis Christus nos liberarit, vel non liberarit. 279

Licentia.
Maximam carnis licentiam vigere apud ætatis huius sectarios. 169

Litania.
Litaniarum usus peruetustus. 529

Locus.

Locus.

Loca publica omnibus ex aquo de iure patere; neq. ullum citra culpam aut gravem causam eo iuris beneficio privari posse. 82

Vbiq. locorum comperiri, qui citra aliorum subsidium vitam tueri non possunt. 84

Salubrius in sacro quam profano loco orationem fundi. 374

Quis eo loci oret, ubi maiori spirituali fructu orare se posse persuasum habet. 375

Diversa munia & ministeria diversa flagitare loca & tempora. 467

Lucrum.

Exiguum esse lucrum, quod ordinum mendicantium fratres privatis laboribus conficere possunt. 106

Lusus.

Quod alea, vel alius eiusmodi lusus peperit, id non semper in eleemosynæ opus exponere fas esse. 76

Lutherus.

Lutherum incestis nuptiis se polluisse. 158

Eundem innumera fecisse, docuisse, & scripsisse & citra & contra manifestum Dei mandatum. 158

Lux.

Lucem & vocem non liberè agere, sed naturaliter & necessariò, orationem autem eiusdemq. vim ex libera causa dependere. 404

Honestè amare lucem. 376

M.

Machabai.

Heroica sanctorum Machabeorum sententia, crudeleq. eorum supplicium. 145

Magistratus. Superior.

Terribilia exempla in eos constituta, qui legitimos magistrat. contempserunt. 265

Superiores illos spernere, qui iusta illorum mandata contemnunt, vel studio negligunt. 264

In quibus, & quomodo superioribus parendum. 283

Quid sit superiori nolle parere, & quantum peccatum hoc sit. 286

Magus.

Apud Persas tria magorum genera extitisse. 155

Malum.

Inter omnia mala arcem tenere peccatum, mortem & infernum. 19

Quod intrinsecè malum est, id eiusmodi esse, rationis luce deprehendi posse. 136

Aliquod malum vel incommodum propter maius commodum tolerandum. 167

Malos aut malum, aut malè semper petere. 361

Duplicis generis malum est, simpliciter nimirum, & secundum quid. 552

Maledictus.

Quo sensu maledictus dicatur, qui facit opus Dei negligenter. 423

Manè.

Qui manè cibum sumit illum comuni mortaliu iudicio non ieiunare. 190

Qui prudenter & citra causam manè comedat, sine postero ieiunio totu diè pducât, sine denno canet, vel prandeat, ieiunium simpliciter soluere. 327

ddd 2 Ma-

RERVM ILLVSTRIORVM

Matutinus.

*Matutinas preces quatuor partes com-
plecti, quæ olim quatuor distinctis
noctis vigiliis decantabatur.* 473

*Missam citra grauem causam ante di-
ctas matutinas celebrare non li-
cere.* 496

Mandatum, quære præceptum.

Mando. Mando, quære Edo.

Manus.

*Manus commune quoddam organū
esse.* 102

Mederi.

*Ieiunium animabus corporibusq; me-
dendis salubriter institutū esse.* 242

Medicus.

*Medicorū quorundā praxis et ars. 73
Quæcunque à medicis, vel caufidicis,
vel aliis quibuscunq; arte vel frau-
de supra debitam mercedē extor-
quentur, ea in eleemosynam verte-
re non licere.* ibid.

Medicina.

*Medicina vocabulum, auctore Au-
gustino, latē patere.* 12

*Medicinale ieiunium omnem auferre
languorem & omnem rursum tri-
buere virtutem.* 219

Meditatio.

*Vniuersam meditationis materiam,
quæ latē aliqui patet, ad duo ca-
pita reduci posse.* 342

*Christi passionem & humanitatem per
idoneum meditationis argumen-
tum subministrare.* 345

Membrum.

Quod Christi membris impenditur, hoc

ipsum Christo impendi. 17

Membra castiganda nō intermēda. 229

*Ieiunia Ecclesiæ membris apprimē ne-
cessaria, esse etsi non singulis.* 231

*Membrum suo corpori non conforma-
tum, deforme esse.* 496

Mendicus.

*Varias validorum mendicorum artes
& imposturas esse.* 81

*Vagos validosq; mendicos Reip. per-
niciosos censendos.* ibid.

*Propter validos mendicos leges alicu-
bi natas veris mendicis parum
commodas.* 82

*Ad magnas misérias & molestias adi-
gere egenos mendicantes, qui ex ci-
uitatibus illos excludunt.* 83

*Diuitum duritiem & inclementiam
cogere mendicos multas artes ex-
cogitare.* 62

*Mendicos, qui priorū benignitate abu-
tuntur, vacuos dimitti debere.* 118

Mendicare.

*Mendicare non esse culpam, sed pœ-
nam.* 82

*Neminem pauperibus iure inbibere
posse, ne extra patriam mendicent,
nisi in patria de necessario alimen-
to illis prospiciat.* 83

*Vt quis mendicandi ius habeat, non
esse necessum vt sit cæcus vel clau-
dus, sed sat esse, vt ita affectus sit,
vt citra aliorum opem commodē
viuere non queat.* 90

*In magna sæpe commoda incidere, qui
publicè mendicant, in quæ non illi,
qui domi detinentur.* 95

INDEX.

Si nefas esset mendicare, nefas quoque fore eleemosynam dare. 98
 Mendicare secundum se non esse malum, aut illicitum aut vlla omnino lege inhibutum. 112
 Mendicare quandoque bonum, quandoq. malum nonnunquam indifferens esse. 113
 Plurimos Sanctorum medicasse, suisq. sectatoribus mendicimonium patrimonij loco reliquisse. 115
 Totum monasticum statum euertere, qui medicare illicitum asseruit. ibi.
 Mendicitas.
 Quandam mendicitatem inter bonam & malam medium obtinere. 113
 Mercurius, quare dies.
 Merces.
 Quicquid in Christum confertur, amplissima mercede compensari. 19
 Mercedem meretriciam in eleemosynam verti non posse, quando restitutioni est obnoxia, ut interdum est. 74
 Mercedem ariolorum, sortilegorum, aliorumq. eiusmodi, citra peccatum in eleemosynam verti posse. 76
 Non perdere mercedem, qui dat eleemosynam indigno, ratus dignum esse. 60
 Eleemosyna mercedem apud Deum deberi. 93
 Debitam mercedem parere meritis. 239
 Mercenarius.
 Cuiusmodi mercenarij à ieiunio exi-

mantur, vel non eximantur. 332
 Mercatura.
 Quo fine viris opibus assuetibus negotiari, aut mercaturam exercere liceat. 54
 Meritum. Mereri.
 Honorificum esse de altero bene mereri. 18
 Pietatis cuiusq. generis officia, Christi meritū & gratiam illustrare. 309
 Quodcumq. opus Christi suadet, hoc illius meritum non eluere, ibid.
 Non omnem orationem meritoriam, esse aut satisfactoriam aut impetratoriam. 382
 Unde habeat insti oratio, ut vite æterna sit meritoria. 382
 Propria rationis meritum tria includere, opus humanum, Dei gratiam, & eiusdem acceptionem. 382
 Nullum mortaliū alteri primā gratiam aut gratia augmentum ex cōdigno mereri posse. 399
 Merito congrui, vnum alteri gratiā, aut peccatorum remissionem mereri valere. ibidem.
 Non minus mereri & interdum non minus quoq. impetrare, qui orant pro multis, atq. qui orant pro paucis. 405. 411
 Deum in omni omnino discrimine & necessitate non modò licitè, sed cū merito quoq. invocari. 511
 Metropolitanus.
 Metropolitanos & Diocesanos populi cōsensu accedente, ieiunia & festa iniicere posse. 198
 d d d 3 Mini-

Minister.

*Secularium ministros in publicis conui-
uiis maculas esse.* 17

*Ininsti orationem prodesse alteri, si o-
rat, ut minister Ecclesie.* 403

*Non minus æquum videri, ut Eccle-
sie ministri per leges compellantur
ad horarium pensum persoluendū,
quā ut sæculares adigantur ad
decimarum solutionem.* 478

Misericordia.

Quid propriè sit misericordia. 8

Quæ illius munia & partes. ibid.

*Qui quocumq; modo misericordiā præ-
stant, eleemosynam dare.* 13

*Scripturas misericordie opera non so-
lum laudare & prædicare, sed etiā
mandare, & iubere.* ibid.

*Aliter in Deo, aliter in homine mise-
ricordiam esse.* 16

*Misericordiam & eleemosynam se
habere, ut causa & proprius eius
effectus.* 16

Misericordiā obstruere infernū. 19

*Misericordie operibus deditos, mala
morte nunquam mori.* ibid.

*Conspectum miserorum prouocare ad
misericordiam.* 97

*Opera misericordie, ut sint perfecta et
efficacia, alias virtutes adiunctas
babeant oportet.* 119

Misereri.

*Cur misereri & parcere Deo dicatur
propriū.* 16

*Deum misericordem nunquam dese-
rere.* 25

Missā.

*Ieiuniorum tempore Missæ olim ali-
quot horas post meridiem celebra-
bantur.* 497

*Missā citra gravē causam ante dictas
matutinas celebrare nō licere.* 496

Monachus.

*Monacho peregrè agentī in re eleemo-
synaria aliis quæ similibus licere, q̃
cæteris honestis viris.* 59

*Multū intercedere inter veteres mo-
nachos, & mendicantium ordinum
institutum professos.* 104

*Quo sensu monachi perfectiōis statum
testari dicantur.* 105

*Ut monachus perfectus dicatur, sat es-
se, si perfectiōis media diligenter
obseruet.* ibid.

*Monachos inter mendicandum cau-
tionem & moderationem adhibe-
re debere.* 106

*Monachis carniū usum interdi-
ctum.* 150

*Veteres monachos feris secunda ple-
rung, ieiunasse.* 195

Monasterium.

*Quæ oneribus monasteriorum susten-
tandis necessaria non sunt, per su-
periores in egenos exponi posse, &
exponi quog; debere.* 64

*Opulenta monasteria peculiari ratione
ad opera misericordie obligari ibi.*

*Monasteria ex communi censu vintē-
tiæ primitiæ Ecclesie speciem præ
se ferre.* 107

Morbus.

*Luxum & gulam quā plurimos
morbos parere.* 319

Mors.

INDEX.

Mors.
Ob leuem noxam nulli mortem in-
ferre licere. 262

Motus.
Motus interiores, si uebementiores
fuerint, in externum hominem in-
terdum redundare. 358

Mulier.
Mulieres utrum gestantes, vel in-
fantes lactantes generali quadam
regula à ieiuniis liberas habe-
ri, & quare. 330

Mundus, quare Purus.
Multiloquium.
Cuiusmodi sint, qui multum loquun-
tur & parum orant. 566
Vbi imperitia regnat, ibi multilo-
quium locum plerumque habe-
re. 367

Murmurare.
Qui cōtra superiores murmurant, vel
eos spernunt, contra Deum mur-
murare, eundemq; spernere. 263

Musica.
Musica mouendis variis animi moti-
bus instrumentum aptissimum &
vsitatissimum est. 485

N.
Natura.
Quod naturæ est necessarium, id ne-
minem in pauperes erogare obli-
gari. 34
Naturæ nostræ non necessarium ex-
tremè egentibus iure deberi. 35
Naturam rectamq; adeò rationem di-

flare, ut abundantes necessitatem
patientibus opem ferant. 86
Ieiunium & abstinentiam iure nau-
rali iiti. 165

Humana naturæ imbecillitatē perpe-
tuum ieiunium non ferre. 112
Duplex naturæ adiaphorū esse. 252
Legem rerum naturas aliquatenus
mutare. 277

Necessitas. Necessarium.
Necessitatem excedentia in necessariū
pauperum usum vertenda. 45
Vbi maior urget necessitas vel pau-
pertas, ibi maiorem miserationis
rationem militare. 126

Si omnia, quæ in rerum vniuersita-
te existunt, essent necessaria, nihil
oriturum, aut interiturum. 450
Duplex necessitas, consequentis &
consequentiae. 515

Necessitas orationis, quare
Oratio.

Negotium, quare Rca.
Niniuitæ.

Niniuitas non tres tantum, sed 40.
dies ieiuniis alijsq; penitentiæ ope-
ribus vacasse. 203

Nouitas.
Nouitatem omnem de vitio esse su-
spēctam. 176

Nox. Vespera.
Primos Christianos Alexadrimos vs-
que ad noctem vel vesperam ie-
iunasse. 173
Sed nec primos quoque monachos ie-
iunium ante noctem laxasse. ibid.
Quod

Quod vespere tempore ieiunij secundum Ecclesiam indulgentiam conceditur, hoc prandio in canam reiecto, circa meridiem sumere lice-

176

Iudaeos & primos Christianos ieiunia ad noctem usque producere consueuisse.

ibid.

Trecentos annos post Christum passum ieiunium à plerisque usque ad noctis initium porrigi consueu-

182

Noxa, quare Peccatum

O.

Obsecratio.

Obsecratio quid sit proprie.

353

Obligatio.

Omnem omnino obligationem ex lege, precepto, voto, vel aliquo eiusmodi nasci.

295

Obstinatus.

Quomodo sanandi obstinatem impro-

11

Occidens.

Christum in crucem actum occidentem spectasse.

378

Opes, quare Diuitiae.

Opeta misericordiae, quare Misericordia.

Oppidum, quare Pagus.

Orare, vide etiam Petere.

Salubriter oraturus perpenderit, quis, qualis, quantusque sit, ad quem orationem dirigit.

435

Ut quisque affectus est, ita orare solitum esse.

350

Quomodo semper orandum secundum

Gerſo, Orig. Gloss. & alios.

362

Horum autem Theologorum assertio-
nem cum veritate constare non

posse.

363

Qui continuè, vel sine intermissione rectè orare dicantur.

364

Semper orandum, sicut semper gau-
dendum.

ibidem.

Quando precipuè sit orandum, ita ut peccetur, si orationi non vacetur.

363

Quid sit inter orandum multum lo-
qui.

ibid.

Orantium concursus orationis vires augere.

374

Pro iis, quos certò constat esse beatos, vel damnatos, non esse orandū.

395

Mente se destitutos ostendere, qui orare malum, aut peccatum esse do-
cent.

461

Oratio.

Orationis animam ieiunium, ieiunij verò vitam misericordiam esse.

3

Ad omnes animi morbos sanandos plurimum valere orationem.

12

Perfectam orationem tres conditio-
nes deprecere.

353

Nulli adulto citra orationem sa-
lutem contingere.

359

Orationem proprie non esse virtutem, sed virtutis actum.

347

Neg. ut virtus sit, omnium statim praestantissimam fore.

ibid.

Esse actum patriae vel religionis.

347

Trisariam accipi.

348

Intellectus & voluntatis actum in-
cludere.

ibid.

Pro-

INDEX

- Proprie practicae rationis opus esse.* 349
- Oratiōis in suas partes deductio.* 350
- Orationum aliam bonam, aliam malam esse, & cuiusmodi sit utraque.* 351
- Aliam rursus publicam, aliam privatam esse.* ibidem.
- Orationem liberam non facile posse aut nimis longam, aut nimis contrariam esse.* 361
- Triplex precum Ecclesiasticarum genus esse.* 368
- Orationis vires summatim exponuntur.* 380. 381
- Omnis omnino oratio aut viva est, aut mortua, aut mortifera.* 381
- Orationem ad tria valere.* ibidem.
- Non omnem meritoriam orationem semper quoque impetratoriam esse.* 384
- Iniuslorum orationem non esse superuacaneam, sed multorum bonorum causam.* 385
- Orationem per viam solutionis plus prodesse singulis, si paucis applicetur.* 409
- Orationem per viam meriti congrui, aut per modum liberalis cuiusdam impetrationis ex aequo prodesse posse multis & paucis.* 410
- Quomodo oratio vitium contrahat ex obiecto siue modo.* 412
- Tres plerunque in oratione personas inter solam orationem ad salutem sat non esse.* 444
- Quae salutem impediunt, citra orationis praesidium aegre propulsari.* 457
- Plures causae cur in diuinas personas oratio non conueniat.* 498
- Nemo quantumlibet in peccato obstinatus in hac vita orationis praesidium negligere debet.* 510
- Oratio familiaris dirigitur ad Deū, ut Deus est, quam ut Pater vel Filius vel Spiritus sanctus est.* 515
- Oratio bisariam ad aliquem dirigitur.* 519
- Cuiusmodi orationis cuiusque ferè sit scopus.* 542
- Non omnes preces Ecclesiasticae ad Scholasticam amussim sunt confectae.* 543
- Earum quoque rerum causa salubriter orari, quae certò euenturae sunt.* (545)
- Quo orationis genere utendū ad profligandum peccatum in Spiritum sanctum secundum quosdam.* 548
- Oratio Dominica.*
- Orationem Dominicā excedere omnes alias, quodcumq; tandem spectare, lubeat, adeoq; omnium praestantissimam esse.* 368
- Nihil iuste peti posse, quod non comprehendat, atq; ita secundissimam esse.* ibid.
- Sapientissimo ordine digestā esse.* 369
- Tum pro rerum pondere breuissimam quoq; esse.* 370
- Causae diuersae, cur oratio Dominica sit succincta.* ibid.

Quemvis Christianum orationē Dominicam discere debere. 371

Licere interim alia, quam orationē Dominica vti. ibid.

Nilil à Deo petere fas esse, quod ad aliquam Dominicæ orationis partē reduci non queat. 371

Orationem Dominicam ceteraq̃ eiusmodi vernacula lingua rectius tradi idiotis, quam quavis alia ignota. 372

Oratio mentalis.

Mentali orationi vocalem salubriter adiungi. 357

Quid mentalis, quid item vocalis sit oratio. 350

Oratio mortua.

Orationem mortuam ex gratia saepe impetrare & poenarum debita expiare. 384

Oratio proluxa.

Cauendum ne orationis prolixitate incidamus in tedium. 362

Cur pagani et infideles proluxa oratione Deos suos inuocabant. 366

Oratio priuata.

Orationem priuatam, solo mentis afflu constare posse. 356

Plures esse causas, quæ priuatam orationem vocem nō deprecere ostendunt. 357

Priuata orationis mensuram incertam esse, publicæ autem orationis mensuram esse legē Ecclesiæ. 361

Preces priuatas vbilibet fundi posse. 373

Priuata orationem lacus patere, quam publicam. 456

Priuata orationis debitum ex triplici fonte nasci. 457

Priuata orationem vocē, aut aliud externum signum necessariò non exigere. 459

Oratio publica.

Orationem publicam solo interno mentis afflu absolui non posse, & quare. 355

In publicis, & præsertim in liturgiis precibus bisariam peccari. 356

Publicam orationē ea verborum forma persolui debere, quæ ab Ecclesiâ præfinita est. 367

Preces publicas pro rerum necessitate vbique locorum depromi posse. 372

Publicas preces diuinum cultū ornare, et proximum ædificare. 376

Cantus publicæ orationi, vt publica est, non repugnat, sed multis modis in eam quadrat. 483

Tripartitum publicæ orationis munus. ibidem.

Oratio existentium in purgatorio.

Preces eorum, qui deimētur in purgatorio, neq̃ meritoria neque propria quog̃ satisfactoria sunt. 505

Orare pro aliis.

Duo tantum hominū genera, pro quibus orandum. 539

Quæ lege proximum diligere obligatur,

INDEX.

mur, eadem quoque tenemur pro eo orare. 540
Utile & salutare est, pro aliis orare. 541. & 546
Pro certò beatis non licet orare. ibid.
Iniuriam facit Martyri, qui orat pro Martyre, & quare. ibid.
Salus plerorumq; hinc emigrantiū nobis est incerta, adeoq; pro omnibus defunctis salubriter oratur. 542
Nullo modo pro iis orare licet, quos communi Ecclesiæ iudicio constat esse damnatos. 542
Quò spectent orationes, quas Ecclesia pro iis fundit, de quorum salute dubitare videtur. 545
Non omnibus semper prosunt suffragia, etiamsi gratia destituti non sint. ibidem.
Pro omnibus uiuentibus, quantumlibet obstinatis orandum esse. 546. & 550.
Etiā illis piorum orationem prodesse posse, qui certò penitenti creduntur. 549
Quo animo orandum sit pro mundanis vel infidelibus, ut salui fiant. ibid.
Ecclesia pro omnibus hominibus orat, sed non ordinariè pro omnibus publicè. 550
Preces publicas tertio ordine & ponderare debuisse præscribi. 468
Oratio vocalis.
Vocalem orationē rudibus & idiotis apprimè necessariam esse. 358
Vocalem orationem secundū se ab-

solutè ad salutem necessariam non esse. 358
Qui mentali oratione uti non possunt, aut ad vocalem orationem obligati sunt, vocaliter orare debent. 359
Quando vocali, quando rursus mentali oratione utendum sit, ita certa regula tradi non posse; sicut nec illud quoque, utra altera sit utilior. 360

Ordinatio.

Solemnibus ordinationibus iam inde ab Apostolorū atate ieiunia præmissa fuisse. 214
Sacram ordinationem Sacramentum esse. 215

Ordo.

Ob unum aut alterum ignauum, vel improbum toti ordini monastico bellum indicendum non esse. 117
Citra legitimum ordinem nihil esse posse perpetuum. 467

Oriens.

Quare orientem versis oretur, plures causas extare. 378

Otium.

Vitiorum omnium matrem & nutricem esse otium. 81

P.

Pagus.

Non minis exteros diuites insicere pagos & ciuitates, quàm pauperes. 86
Non omnes pagos nec oppida omnia suos pauperes alere posse. ibid.
 eee 2 Lau-

*Laudandas ciuitates, quæ egenis ciui-
bus liberam mendicandi potesta-
tem faciunt.* 64

Paganus, quære Gens.
Panormitanus.

*Panormitanum Diui Thomæ sen-
tentiam non satis affectum ef-
se.* 52

Papa.

*Papam Episcoporum Episcopum, et
Iesu Christi in terra Vicarium ef-
se.* 264

Parabola.

*Quid Dominus per parabolā de villi-
co indicare voluerit.* 119

Pater. Parens.

*Patres familiās, qui ieiuniorum tem-
pore ea familiæ administrant, per
quæ ieiunium soluitur: tum illos
rursum, qui citra necessitatem ea
onera familiæ imponunt, quæ ie-
iunia nō ferunt, soluti ieiunij reos
constitui.* 303

Ante omnes pascendos esse parentes. (127

Pars.

*Totum ex suis partibus simul sumptis
constari.* 325

*Orationis membra, quæ Apostolus as-
signat, orationis partes esse verius,
quàm orationis membra.* 353

Passio.

*Dominicæ passionis series paucis com-
prebensa.* 472

*Cur preces Canonica passionis Chri-
sti partibus sint accommodatæ.* 472

*Quid singulæ horæ cum singulis pas-
sionis Christi partibus commune
habeant.* 473

Pastor.

Quæ deprecatur ad verū pastore. 268

Patria.

*Non omnibus, ut maxime velint, in
patria habitare licere.* 87

*Patriæ consuetudini se cōformare fas
esse, modò eiusmodi consuetudo le-
gi non sit contraria.* 326

Paula Romana.

*Paulæ Romanæ in horis Canonicis
consuetudo.* 476

Pauper. Egens.

Triplex pauperum genus esse. 76. 34

*Ut nunquam desint opibus affluentes,
ita nunquam quoque deesse paupe-
res.* 42

*Non omnium spontaneorum pauperū
eundem esse scopum.* 76

*Inuitos pauperes non eiusmodi rationis
omnes esse.* 77

*Cuiusmodi dicēdi sint extremē pau-
peres.* ibid.

*Extremē inopes frequentius comperi-
ri in priuatis adibus, quàm in pu-
blicis vicis aut plateis.* 77

*Triplex pauperū inuitorū genus, et tri-
plici item necessitatē inueniri.* 78

*Cuiusmodi sint, quæ inter inuitos et spō-
taneos pauperes mediū obtinēt.* 78

*Pauperū egenorū alios exteros et igno-
tos, alios indigenas et notos esse. ibi.*

*Quemuis egenū à quouis habente vi-
ta præsidia petere posse.* 86

Magis

INDEX.

- Magis egentes minus egentibus in elemosynarum distributione antefereandos esse.* 94
- Citra publicum ararium pauperibus domi manentibus commodè prospici non posse.* 95
- Plura incommoda experiri pauperes, qui publico sumptu domi aluntur.* *ibid.*
- Multa ibi perire, ubi nulli sunt pauperes, qui cibum publice quaerunt.* 96
- Impotentiam pauperes, ceterosque omnes, quos debilitas grandior tenet à ieiunio excusare.* 330
- Paupertas.*
- Paupertatis gradus non consistere in individuo.* 78
- Apostolicam paupertatem secundum felicitatem & utilem esse, innumera illustrium Sanctorum exempla ostendere.* 109
- Multa esse, quae paupertatis incommoda augent.* 126
- Pax.*
- Magis placere DEO pacem domesticam, quam elemosyna ab inuitis extorta.* 59
- Peccatum.*
- Prolapsionem in peccatum tria praepedire.* 11
- Perimacem in eodem moram tria impedire.* *ibid.*
- Graue peccatum esse, ministros domus inducere, ut qualicumque de causa dominis suis suffrentur.* 63
- Inter causas ad peccatum prouocantes, primas tenere carnis concupiscentiam.* 129
- Non esse peccatum ea transgredere vel tollerare, quae viam suam natura abbreviare nata sunt.* 167
- Non leue peccatum esse, indictum ieiunium violare.* 209
- Sodomaeos & Gomorreos inter prima nota peccatores censerì.* 263
- Peccata non tollere Episcopatus ordinem, aut aliam quamcunque Ecclesiasticam vel politicam dignitatem.* 267
- In quouis peccato contra proximum commissio DEVM magis offendit, quam hominem.* 293
- Peccata male ieiunantium vel non ieiunantium non oriri ex ieiuniorum lege, sed ex praua hominum voluntate.* 313
- Triplex peccatorum genus esse.* 381
- Quid sit peccatum ad mortem.* 40
- Cur peccatum in Spiritum sanctum irremissibile dicatur, cum saepe tamen remittatur.* 547
- Non peccant, qui prius mori, quam Deum offendant, exoptant.* 557
- Peccare.*
- Nunquam licere peccare.* 152
- Quicumque peccant, contra praecipitum aliquod peccare.* 295
- Omnem semper praenarratorem in aliam quam legem praenarrari.* 297
- Graviter peccare, qui ad soluendum ieiunium alios efficaciter inducunt.* 302

- Magis interdum peccare, qui ad peccatum pertrahunt, quam qui peccatum committunt.* 302
- Non peccare, qui peccatis obstricti Deum inuocant.* 414
- Non eandem peccantium & peccatorum Deum inuocantium rationem esse.* 415
- Pelagius.
- Pelagianorum doctrinam orationis necessitati contrariam esse.* 454
- Peregrinus.
- Non esse nimis anxie in peregrinorum vitam, vel statum inquirendum.* 88
- Peregrinorum pauperum censores non viles, aut inclementes, sed graues & misericordes esse debere.* 89
- Peregrinatio.
- Triplicem esse peregrinationis rationem, & triplex ad loca pia peregrinantium genus, qui omnes à ieiunio absolui queant, si simul ieiunare & iter facere non valeant.* 333
- Perfectus. Perfectio.
- Minus perfecta ad perfectiorum obsequium & usum ordinari.* 137
- Nullum mortalium in hac vita ad summam unquam perfectionem peruenisse.* 317
- Nullam item perfectionem tantam esse, quæ hominem liberet à maiorum obedientia.* ibid.
- Nullam iustitiam, aut perfectionem absolueri hominem à lege ieiunij.* 337
- Ad vniuersitatis perfectionem non solam necessaria, sed etiam contingenti & libera pertinere.* 450
- Periculosus.
- Periculosum esse vel modicum pauperum causa parentibus, vel dominis clanculum subducere.* 63
- Persequor.
- Præ ceteris illorum oratio auditur, qui iniuriarum immemores pro persequentibus & calumniantibus orant.* 419
- Persona diuina.
- Cum una persona seorsum ab altera inuocatur, mens ab orationis consortio alteri excludere non debet.* 516
- Errant qui facilius aliquid ab una quam ab altera persona impetrare se posse putant.* 517
- Ecclesia omnes personas in una eademque oratione plerumque coniungit.* ibid.
- Cur Ecclesia modò ad hanc modò ad illam personam orationem dirigat.* 518
- Petere.
- Quod licitè petitur, id licitè quoque donari.* 116
- Piè non petere, qui per Christum non petit.* 438
- Quinam sint illi, qui inter orandum dicantur aliquid petere.* ibid.
- Cur Deus petita non semper concedat, sed quæ dare vult, sepe differat.* 440
- Quicquid comprehendit oratio Dominica, hoc totum licitè peti.* 441
- Omnia quæ honestè petuntur, ad duo capita referri possunt.* 552
- Bonum

Bonum quod iniuste petitur, generatim est bipertitum, absolute tale, & secundum quid eiusmodi. *ibid.*

Ea omnia à Deo licet petere, quæ citra peccatum licet desiderare. 554

Ea, citra quæ præsens vita constare nõ potest, absolute petere licere. *ibid.*

Non omnium moralium virtutum usus rectè semper petitur. 555

Phariseus.

Cur Phariseorũ leges & cõstitutiones à Christo fuerint reprehensæ. 289

Pius. Pietas.

Quid sit piè, iuste, & sobriè vivere. 4
Quid inter hæc intercedat. *ibid.*

Inter eos, qui pietatis opera obeunt, plurimum intercedere, quare pietatis titulo non omnes à ieiunij lege eximi. 333

Orationis pietatem latè patere. 439

Pius quintus.

Pij quinti Bulla contra eos, qui horas Canonicas citra causam recitare omittunt. 482

Podagra.

Podagram inedia & mensæ frugalitate sanari. 319

Pœna.

Non omnem semper pœnã unã cum noxa aboleri. 1

Causa cur non omnis semper pœna cū culpa condonetur, plures. 2

Pœnam, ut pœna tantum est, non expiare. *ibid.*

Non licere priuata auctoritate eam pœnam inferrè, quam alius iniuste

promeruit; aut clanculũ subducere uni, quod alteri iure debetur. 57

Maioris momenti rem esse promereri uitam æternam, quam redimere pœnam temporariam. 243

Pœnas, quæ ieiunij temerè solutiõibus irrogantur, illud sub præceptum cadere, manifestè ostendere. 296

Pœnitens.

Pœnitenti in propria causa fidem habendam, nisi de opposito constet. 50

Pœnitentia.

Pœnitentia sacerdotis in fornicationem prolapsi. 195

Possidere.

Malè possideri, quod legitime non dispensatur. 44

Quæ redundant, dispensare iubemur, non possidere. 45

Quæ iniuste non possidentur, etsi turpiter acquisita sint, ea salubriter in eleemosynam erogari. 74

Quedam malè parari, quæ tamen non iniuste possidentur. 119

Potentia.

Ut potetia et animæ vires secernuntur per actus, ita actus per obiecta. 10

Præceptum.

Ea omnia cadere sub præceptum citra quorum obseruationẽ proximi dilectio salua consistere non potest. 29

Præcepta, quæ iubent, pro circumstantiarum qualitate obligare. 33

Non omnia licita suaque natura salutaria & bona, esse etiam præcepta. 104

Pra-

*Præcepta, quæ aliquid fieri vetant,
toties noxam adducere, quoties solu-
untur.* 176

*Non parum interesse inter naturalis
& humani iuris præcepta.* 180

*Finem præcepti, aut legislatoris sco-
pum, sub præceptum non cadere.* 81

*Difficile fore præcepto satisfacere, si
legislatoris mens in præceptum ca-
deret.* . *ibid.*

*In quovis præcepto humano extrinse-
cè quiddam admisceri, ad diuinum
vel naturale ius pertimens.* 292

Ieiunij partes sub præceptum cadere. 296

*Veteris Christi exemplum, vel factum
statuti vel præcepti nomine fami-
liariter designare.* 298

*Orationis præceptum multis quidem
casibus obligare, potissimum tamen
in tribus.* 458

Prædicans.

*Inexhaustas vulgi prædicantium sor-
desesse.* 267

*Præferiz, quære quatuor tempo-
rum ieiunium.*

Præstare.

*Id aliis præstare obligamur, quod iure
nobis ab aliis præstari vellemus.* 31

Sûma eorûque ieiunia præstant. 244

*Quemuis in dicto ieiunio id præstare
debere, quod potest, quodcunque
tandem illud sit: Ab eo autè, quod
non potest, remissionem vel rela-
xationem impetrare.* 335

Præuaticatio, quære peccatum.

Prandium, quære cœna.

Preces, quære oratio.

Presbyter, quære clericus.

Providentia.

*Diuina providentiæ ordinè & seriè
nullius orationis vi frustrari, aut
impediri posse.* 445. *Quotquot di-
uinam providentiam negant, aut
liberum hominis arbitrium impu-
gnant, orationis necessitatem è me-
dio tollere.* 448. *Aliquot graues
rationes ostendentes diuinam pro-
videntiam.* *ibid.* *Quò quippiam pri-
mo principio vicinius est, eò diui-
næ providentiæ rationem plenius
participare.* 449. *Quo sensu Deus
peculiarem hominis providentiam
habere dicatur & peculiarissimam
electorum.* *ibid.* *Diuinam provi-
dentiam, neq. rerum contingentia
neq. humanæ voluntatis liberta-
tem tollere.* 449

Proprium.

*Personæ proprium alterius fieri posse
quoad usum.* 48

*Multum interesse, propriumne dones
tanquam Dominus, an alienum
tanquam minister.* 63

Proprietas.

*Rerum proprietatem cum monastico
instituto pugnare.* 112

Proximus.

*Quidquid egenti proximo impendi-
tur, id nobis quodammodo impen-
di.* 18

*Quo casu proximi vitam propriæ li-
ceat anteferre.* 34

Vitam

Vitam proximi ex charitate diligendam. 35
Animam & salutem proximi propria vitæ anteponendam. *ibid.*
Pro proximo in salutis periculo constituto, si alio modo eum iuuare non possumus, orare obligamur. 458
Quomodo citra peccatū hostem in bello iusto perimere liceat, etiamsi illum interiturum certò constet. 551
Psalterium.
Psalterium in publicam Dei laudem à Spiritu sancto dictatum. 487
Puer.
Pueros ceterosq; rationis vsura destitutos abalienare non posse. 55
Impotentiam pueros & iuuenes infra vigesimum annum constitutos à ieiunio absoluerè; sed non simpliciter. 328
Cuiusmodi ieiunia pueris, ceterisq; ad iustum corporis robur & incrementum nondum adductis sint præfinienda. 329
Purgatorium.
Pro animabus, quæ detinentur in purgatorio, orandum esse. 396
Theophylactus de purgatorio. 544
Purus, quare mundus.

Q.

Quadragesima.
In Quadragesima à carnibus, ceterisq; delicatioribus escis abstinentiū. 151
Tum ab omnibus illis, quæ à carne

originem trahunt. *ibid.*
Senerum cōtra eos decretum editum, qui diebus Quadragesimæ carnibus vescuntur. 151
Quæ esca conueniant abstinentiæ quadragesimali. 152
Quadragesimam agonis tempus esse. *ibid.*
Non esse hominis Christiani, citra necessitatem in Quadragesima carnibus vesci. 170
Quadragesimæ ieiuniū in magna semper veneratione & obseruantia apud veteres habitum. 201
Quid Quadragesimæ nomine accipiat. *ibid.*
Per Quadragesimæ ieiunium anni decimas Deo persolui. 204
Veteres non eodem ritu, modo & tempore Quadragesimam celebrasse. 204. 205
De Quadragesima & paschate Irenæi ætate, non parvam controuersiam extitisse. 205
Falli qui beatū Gregorium quatuor priores dies Quadragesimæ adieciisse opinantur. 206
Qui in Quadragesima nō ieiunant, peccata sensurus. *ibid.*
Telephori sanctionem de Quadragesima anticipanda non obtrunuisse. 207
Tempus Quadragesimæ, militiæ Christianæ tempus esse. 209
Magnam vim fructumq; esse ieiunij quadragesimalis. 210

In *Quadragesima* abstinendum à con-
iugalibus amplexibus, vigiliis,
& orationibus vacandum. *ibid.*

Quadragesima Apostolica institu-
tione constare. 211

Quadragesima ieiunium ad dignam
sacramenti Eucharistia susceptio-
nem ordinari. *ibid.*

Nihil circa *Quadragesimale* ieiuniū
observari, quod iustam causam nō
habeat. 113

In *Quadragesima* non ieiunare, pecca-
tum esse. 300

Quæstus, quætelucrum.

Quatuor temporum ieiunium.

Non idem omnium de quatuor tem-
porum ieiunio, eiusdemq; origine
iudicium esse. 213

Ieiuniorum quatuor temporum um-
bram in Veteri Testamento exti-
tisse. *ibid.*

Plurimum intercedere inter quatuor
temporum ieiunia, quæ nunc cele-
brant Christiani, & quæ olim ce-
lebrabant Iudæi. 214

Non uno semper tempore ieiun-
nium, quod tertio quoquo men-
se recurrit, celebratum fuis-
se. 216

Quo sensu Calixtus Pontifex Ma-
ximus ante ætatem suam tria
tantum ieiunia extitisse asse-
rat. 218

Ieiunium quatuor temporum anti-
quissimum & communissimum

esse.

219

Quatuor temporum ieiunia circa præ-
cipuas solis conversiones ubique
semper observata fuisse. *ibid.*

Dies ieiuniorum quatuor tempo-
rum duodecim Iudæorum Neo-
menias, totidemq; minores so-
lis mutationes utcunque expri-
mere. 220

Cur quatuor temporū ieiunia intres
dies porrigantur. *ibid.*

Per quatuor temporum ieiunia Deo
nos primitias offerre, sicut per
Quadragesimam decimas. 221

Præferiarum seu Vigiliarum
ieiunium.

Cur præferiarum ieiunia appellentur
Vigilia. 221

Non eandem ubique vigiliarum &
festorum rationem obtinere, &
obtinuisse. 223

Vigilias festorum serie secundæ, præ-
cedenti Sabbatho celebrandas es-
se. 224

Ius commune plurium *Vigiliarum*,
non meminisse, quæ tamen ob po-
puli consuetudinem atque obliget,
ac ceteræ. 225

R.

Ratio.

Humanam rationem in multis sæpe
caligare. 92

Præcepti rationem latè patere. 258

Non esse cuiusvis de legis ratione
iudi-

iudicare, sed legislatoris precipue. 276

Insulsam illorum rationem esse, qui Ecclesiæ ministris liberum relinquunt volunt, præcæne Canonicas soluant, aut omittant. 478

Duplicem rationem reddi posse, cur quadragesimale ieiunium diuinitus institutum dici queat & soleat. 299

Rationem practicam bisariam accipi. 349

Rationes aliquot efficaciter ostendentes bona opera, quæ in Ecclesiâ Dei fiunt, communi quadam ratione non solum iustis prodesse, sed etiam iniustis & peccatoribus. 407

Rechabitæ.

Admirabilem Rechebitarum obedientiam & continentiam extitisse. 145

Echebitarum obedientiam egregia mercede fuisse pensatam. 146

Recito.

Tres vniuersæ causas esse, propter quas preces antè recitatas repetere necessum est. 431

Regula.

Quo sensu huius vel illius ordinis, cœ nobis, vel monasterij regula obligare dicatur ad peccatum, vel ad illud non obligare. 278

Religio.

Religionem virtutem esse iustitiæ annexam. 341

Duplices extare religionis affectus. ibid.
Christianam religionem maiorem curam deprecere quàm quodcumque negotium politicum. 465

Religiosus, quære monachus.

Reprobare.

Cum Deus aliquem reprobat, aut reprobare dicitur, bisariam id intelligi potest. 548

Deus neminem reprobat citra præsumsum peccatum. 549

Res. negotium.

Res graues examen deprecere, leues non item. 61

Res sua natura indifferentes, quæ expressè non inhihentur, concessas videri. 142

Quæ rem circumstant, magnam vim habere. 355

Vnamquamque rem suam sortiri vim, suamque operationem. 379

Quære plura titulo, bonum.

Respublica.

Quemuis quoad eius fieri potest, Repub. indemnem conseruare obligari. 40

Vt in vno corpore, varia sunt membra, quæ sibi inuicem seruiunt, ita in vna Repub. diuersa esse munia & officia, quæ toti communicati vsui sunt. 101

Restitutio.

Quod per modum elemosynæ erogatum est, restitutioni obnoxium non esse. 37

fff 2 Abso-

Absolute miseros citra ullam restitutionis passionem subleuari debere. 39

Modica extreme laborantibus ex vitæ superuacuis impensa restitutioni obligata non videri. 40

Quid de earum rerum restitutione statuendum, quæ extrema urgente necessitate infcio Domino ablata fuerant. 41

Qui per vim vel fraudem occupata in extreme miseros insumunt, non liberari à restitutione; multò vero minus, qui mutuum vel depositum. ibid.

Quidquid iniusto titulo possidetur, dū condonetur, vel persoluitur, restitutioni obnoxium esse. 54

Graviter passim in restitutionis & eleemosynaria materia errari. 68

Nullo modo ab iniustitia adeoque restitutione excusari posse, qui diuites quouis modo expilant vel defraudant, ut pauperes subleuent. 70

Rex.

Salubrius orari pro regibus ceterisque in potestate constitutis, quam pro priuatis. 421

Ritus.

Qui bis inter diu, aut carnem manducant, illos ritu Ecclesiastico non ieiunare. 191

Ieiuniorum ritum & modum monachis in Turonensi Synodo definitum, maiorem hoc tempore partem in dissuetudinem abiisse. 197

Roma.

Roma in aduentu Domini quondam fuisse ieiunatum. 197

Rudis.

Rerum rudes & imperitos consultiis facere, si ante composita oratione inter orandum videntur, quam si extemporaria. 436

S.

Sacerdos, quære clericus.

Sacrificium. Victimæ.

Sacrificium Deo placitum ex rebus vtilibus constare debere. 142

Sacrificia victimarum humanas nefarias, Deoq; apprimè exosas semper fuisse. 134

Nullum sacrificium citra orationem constare. 351

Sacrificare.

Citra facultatem & grauem necessitatem nulli bis vno die sacrificare fas esse. 178

Salus.

Posse illum salutem suam licitè procurare, & illius causa rogare, cui Deus damnationem denunciasset, vel interminatus effect. 415

Samuel.

Princeps sacerdotum Samuel. 256

Sanctus.

Non totum semper sanctum & imitabile, quod faciunt Sancti. 170
Pau-

INDEX

Paucis humanis legibus opus fore, si omnes essent sancti. 294

Sancti.

Sancti gloria celestiam potiti, & pro se & pro aliis quoque orant. 505

Beatorum Spiritus gratia & gloria cum Angelis communicat, natura non item. 523

Plus volunt & possunt modò Diui in celo, quàm olim Patres in limbo. 525

Sancti piè inuocati, æquè internas atque externas voces diuina quadam vi excitati percipiunt. 535

Sancti diuina claritate illustrati, quicquid quouis modo ad se pertinet, clarè per illam lucem cognoscunt. (ibidem).

Quo sensu Sancti caterig, beati dicantur tristitia affici. 536

Sanctifico.

Quid sit sanctificare ieiunium. 248

Sanctorum innocatio, vide
Inuocatio.

Sanitas.

Sanitatis matrem ieiunium esse. 319

Satisfactio.

Quid satisfactionis nomine designetur. 1

Triplex satisfactionis genus esse. ibid.

Christi satisfactionem cumulatà haberi. 1

Duo ad salutarem satisfactionem necessaria esse. 2

Efficacem satisfactionem, præter gra-

tia, deponere opus sua natura molestum. ibidem.

Ieiunia à confessorio iniuncta præcæteris satisfactoria esse. 241

Omnia ieiunia nisi impedimentu ad sui satisfaciendi vim habere. ibid.

Si ieiunia penitentibus iniuncta non essent verè satisfactoria, Ecclesià in re graui filios suos manifestè ludificaturam. ibid.

Ieiunia spontè suscepta poenarum expiatoria & satisfactoria esse. 242

Satisfacere.

Non idè esse satisfacere, quod mereri, tametsi omne opus meritiorum simul quoq; sit satisfactorium. 7

Non esse maioris operæ mortem vel cladem aliquam per ieiunia redimere, quàm Deo pro peccatorum reliquiis satisfacere. 243

Saturitas.

Saturitati coniunctam esse lasciuiam. 228

Scientia.

Scientiam parum sæpe adificare. (116)

Scriptura.

Scriptura phrasi ea assiduò fieri dici, quæ crebrò fiunt. 364

Scripturas & sacros Canones de corporis gestibus & caeremoniis, quas inter orandum adhibere oportet, pauca præscribere. 377

Quo sensu & modo Scripturæ, quarum in Ecclesiasticis officiis usus est,
fff 3 ad ali-

ad aliquam orationis speciem re-
ferri queant. 437

Secta. Sectarius, quare Hæresis.

Senex.

Senes a ieiunij lege excusari, sed non
omnes. 329

Senes sexagenarios plerosq, omnes a
ieiunio liberos censerì solere. *ibid.*

Sententia.

Periculosam illorum sententiam esse,
qui extra extremam necessitatem
elemosynam liberam dicunt. 42

Quo modo eorum sententia exponi de-
beat, qui Deum Sanctorum preci-
bus flecti tradunt. 447

Patrum sententiæ & auctoritates de
iis, qui furantur vel fraudem fa-
ciunt, vi elemosynam domet. 70

De admirabili elemosynâ, ieiunij, &
orationis vi, dum iunflo agmine
incedunt. 4. 5. 6

De elemosynâ vi & fructu. 19. 20
22. 23. 24. 25. 26.

De præcepto elemosynâ. 30. 31. 32

De illis, qui docent, extrema tantum
necessitate urgente elemosynam
obligare. 44. 45. 46

De ieiunio Quadragesimâ. 208. 209.
210.

De eorundem energia. 228. 229.
230. 236. 237. 238. 240.

De ieiunij sterilitate, si ceteris virtu-
tibus & virtutum actibus desti-
tuatur. 248. 249

Varia eorundem sententia de qua-

tuor diebus, qui sex Quadragesima
hebdomadis adiunguntur. 204

De horis Canonicis. 474. 475. 476

Septem.

Plures rationes mysticas esse, cur pu-
blicæ preces in septem partes sint
distributæ. 470

Septem horas canonicas propriis suis
nominibus designare Synodum
Agathensem. 477

Seruitus.

E durissima seruitute hominem per
Christum liberatum esse. 281

Seruus, quare Ancilla.

Simoniam.

Non eadem eorum esse rationem, quæ
per simoniam, & quæ per usuram
accipiuntur. 71

Quod simonia peperit, hoc vel ege-
nis impertitum, vel iis certè nu-
merandum esse, in quorum iniuriam
expositum est. *ibid.*

Idem de eo statuendum, quod fida,
quod sacrilegium, quod contume-
lia Deo, Divinæ irrogata, cate-
rag, similia peperere. 71

Societas.

Societatem comprecantium orationis
vinimendere. 420

Spectaculum.

Incundum spectaculū numerosos pau-
perum grezes magnatum ianu-
is assistere, ciboque & potu recreatos
non absque gratiarum actione re-
cedere videre. 97

Spiri-

Spiridion.
Spiridionem statim tantum Quatre-
gesima diebus cibum suffere suis-
se solitum. 170

Spiritualis.
Quod oratio est spiritualior, eò plerumque
est efficacior. 420

Spiritus sanctus.
Quo sensu Spiritus sanctus pro nobis
orare vel interpellare dicatur. 498
Cur eidem potius tribuatur deprec-
atio vel intercessio quam aliis per-
sonis. 499

Status.
Status sustinendo necessaria nemi-
nem in vulgares pauperes erogare
obligari. 34

Ad statum tuendum necessaria cum
solutionis vel restitutionis pacto,
iis, qui absolute miseri non sunt, im-
pendere licere. 40

Status necessarium non consistere in
puncto, sed in quadam civili lati-
tudine. 50

Status decentiam, & eleemosynæ ra-
tionem latè patere. 53

Per media licita ad sublimiorem sta-
tum contendere, nefas non esse. ibi.

Quæ status honestas deposcit, in vul-
gares pauperes exponere nullum
obligari. 67

Statutum, quæ Lex.

Statio.
Quid statio propriè. 194

Sumprus.

Quod à sumptu redundat, violenter
detentum videri. 44

Quod ad quotidianum sumptum vel
vitium necessarium non est, id illi
impedendum esse, qui necessariis
vitiæ præsidii destitutus est. ibid.

Superfluum.
Non esse facile de personâ superfluo
sententiam ferre. 49

Supervacanea possidentes extra extre-
mam necessitatem nulli certo elee-
mosynam dare obligari. 80

T.

Tabernaculum.

Quomodo divites per pauperes trans-
mittantur ad aterna taberna-
cula. 400

Templum.

Templa pij cuiusdam monitoris mu-
nere fungi. 375

Temporalia bona.

Christus temporariorum curam aut
conquisitionem non prohibet, pro-
hibet autem curam de iis rebus ni-
mis anxiam & quare. 556

Tentatio.

Deum non tentare, qui fluxis fortu-
na bonis propter Christum se exu-
unt. 110

Tepor. Tepidus.

Teporem orationis per se non esse pec-
catum, nisi tantus sit, ut necessa-
ria circumstantiæ omissionem in-
cludat. 422

Quis

RERVM ILLVSTRIORVM

Quis dicendus sit calidus, quis item tepidus vel frigidus. ibidem.

Terra. Terrenus.

Deum pro terrenis caelestia, pro modicis magna, pro temporalibus sempiterna reddere. 23

Terrena seruando amitti, largiendo seruari. 26

Ante peccatum terram inaratam fructus fuisse. 102

Testamentum nouum.

Noni Testamenti ieiunia omnia ab Apostolis vel illorum successoribus ad nos defluxisse. 261

Tetricus.

Tetricos morososque homines perraro deuotos esse. 346

Totum, quæ Pars.

Traditio.

Apostolicas traditiones non minus obligare, quam Synodorum Canones. 174

Tristitia.

Tristitiam, quæ secundum Deum est, semper cum gaudio coniunctam esse. 346

V.

Vagor. Euagatio.

Non modò illos peccare, qui in oratione data opera vagantur, verùm illos quoque, qui incidentem euagationem cum possent, non committunt. 427

Valor.

Quorundam sententia triplicem eu-

iusque operis valorem esse. 405

Quod de communi, proprio, & medio orationis valore asseritur, magnis difficultatibus expositum esse. 409

Orationem generatim acceptam trifariam valere, per modum meriti, solutionis, & impetrationis. (382

Venatio. Venator.

Veteres Patres nullum venationis genus laudare. 75

In multis magnisque venationibus difficulter euitari peccatum. ibid.

In Scripturis sacris nullum inueniri sanctum venatorem. 75

Ver.

Causetur Quadragesima ineunte Vere celebretur. 112

Vesper, vespera, quæ Nox.

Vestio.

Qui nudum vestit, seipsum induere. 22

Victima, quæ Sacrificium.

Vigilia, quæ quatuor temporum Ieiunium.

Vinum.

Vini usum raro vniuersè prohibitum fuisse etiam ieiuniorum tempore. 172

Nazaræis & tabernaculo deseruientibus vini potus interdictum fuisse. 146

Sectis addictos eorundemque ministros corporis & sanguinis Christi locum

INDEX.

- merum panem & vinum distri-
buere. 466
- Virtus.
- Virtutem suis partibus & circum-
stantiis destitutam, virtutis ra-
tionem assequi non posse. 118
- Virtutis medium non esse sumen-
dum secundum quantitatem, sed
secundum recta rationis dista-
men. 305
- Omnem virtutem inter extrema me-
dium tenere. 46
- Vita.
- Lege ordinaria neminem vitam su-
am pro alterius vita impendere ob-
ligari. 67
- Gravius esse in alterius vitam inqui-
rere, quam in alterius statum. 91
- Eò vitam mortalium extitisse diu-
turiorem, quò vitæ lux extitit
minor. 166
- Diuturna vitæ causa ante dilu-
vium. 318
- Qui orationem suam vult exaudiri,
vitæ suam emendet oportet. 417
- Vivus. Vivens.
- Vi certum est, vivorum preces vi-
ventibus prodesse posse, & mul-
tum saepe profuisse, ita non satis
compertum esse, quomodo quæ-
vis vel ratione profint, illis præ-
cipue, quibus studio non applican-
tur. 397
- Voluntas.
- Sat nò esse ad salutem bonam volun-
tatem, si adsit operis copia. 121
- Omnem rectam voluntatem à Deo
fluere. 291
- Voluntatem humanam bifariam in-
Deum ferri, absolute & rela-
tè. 369
- Non bene illum orare, qui suam vo-
luntatem comperta Dei volunta-
tè submittere recusat. 415
- Votum.
- Cur plura vota edantur in rebus ad-
versis, quàm in prosperis. 344
- Iephie votum nò satis còsultum ex-
titisse. 139
- Castitatis voto obstrictum, omnem
viam ad Veneris còmercium sibi
præclusisse. 178
- Qui vltro neo voto vini potu sibi in-
terdixit, toties peccare, quoties vi-
num bibit. ibidem.
- Vox.
- Vnam vocem occultam quandam
energiam sortiri. 357
- Vsus.
- Ieiunia non maiorum tantum insti-
tutione, sed perpetuo quoque usu
niti. 296
- Vsum leguminū igituriorum tempo-
re frequentem in primitiis Ec-
clesiæ extitisse, & apud Græcos e-
tiamnum extare. 322
- Legitimus usus propter abusum non
tollendus. 497
- Vtilis.
- Non omnia utilia ad salutem neces-
saria esse. 442
- Vxor.

RERVM ILLVSTRIORVM INDEX.

Vxor.

Non eandem danda eleemosyna facultatē esse penes vxores, liberos, & famulos. 59

Vxorem nulla habere bona, quæ eleemosynæ materia esse nō queāt. 61

Seclusa extrema egestate, vxorem nec dotem, nec dotis partem, nec dotis fructus in eleemosynam conuvertere posse. ibidem.

Ex bonis Paraphernalibus in eleemosynam erogare posse quantum, & quando velit. 60

Quæ propria industria acquisiuit in pauperes insumere non prohiberi. ibidem.

Ex bonis communibus cōmunes eleemosynas largiri posse. 61

Vxorem viri sociam esse, non solum ad sobolis procreationem, verum etiam ad rei domesticæ administrationem. 61

Vxores maritorum tenacitatem, liberalitate in pauperes compensare debere. ibid.

Vxores, quibus bonorum administrationem quacunque de causa commissæ est, liberè eleemosynas dare posse. 61

Quæ causæ vxores ieiunare aliqui valentes, à ieiunij obligatione absoluant. 334

FINIS HVIVS INDICIS.



ERRATA, quæ in contextum irrepperunt, sic corrige.

Pagina 13. lege eos. 128. operi. 29. atqui. 31. spiritalis. 33. indicat. 35. sustentent. 38. transferret. 47. absolute. 49. eiusdemq. 52. efficerentur. 63. vt Eleazaro Damasco Abrahami. 80. notum. 82. introitu. ibid. Pagos &c. 83. exilium. 90. commentitiorum. 92. scrutare. 96. obsoletam. 103. Sacramenta. 121. benignissimus. 135. deponitor. 138. censetur. 140. At verò. 153. credulitatem. 159. cadit. 178. prima. 213. consummationem. 238. contemptus Dei. temp. 295. acratissimo. 253. quàm procul. 255. diurnum. 261. Quod ij. 274. iussum. 376. adferretur. 280. hinc. 291. & practica. 292. indices. 296. institutione. 313. violatum. 342. idoneæ. 364. inflas. 365. numina. 399. ponat. 405. proprius. 413. conuiziiis. 426. distinctione. 429. conquestione. 458. tanto magis. 465. pono hic. 480. qui. 531. cateches. 16. & 5. mystag. 544. Bulgaria. 476. quot. 483. riliu 486. continebatur &c inculcabatur. 490. recordamur.

Quæ verò in marg. annot. ad hunc modum.

Pagina 45. lege summi bon. ibid. seruatur. 179. interdicat. 182. post Christum natum. 188. accommodata. 251. basis. 274. noxa. 280. indicium. 237. Daniel. ibidem &c. Cætera, quòd pauca & leuia sint, lectoris iudicio permittimus; fieri enim vix potest, vt interdum non litera aliqua interuertatur, aut virgula vel comma aliquod non desideretur, aut redundet.